



Это цифровая копия книги, хранящейся для потомков на библиотечных полках, прежде чем ее отсканировали сотрудники компании Google в рамках проекта, цель которого - сделать книги со всего мира доступными через Интернет.

Прошло достаточно много времени для того, чтобы срок действия авторских прав на эту книгу истек, и она перешла в свободный доступ. Книга переходит в свободный доступ, если на нее не были поданы авторские права или срок действия авторских прав истек. Переход книги в свободный доступ в разных странах осуществляется по-разному. Книги, перешедшие в свободный доступ, это наш ключ к прошлому, к богатствам истории и культуры, а также к знаниям, которые часто трудно найти.

В этом файле сохранятся все примечания, комментарии и другие записи, существующие в оригинальном издании, как наименование о том долгом пути, который книга прошла от издателя до библиотеки и в конечном итоге до Вас.

Правила использования

Компания Google гордится тем, что сотрудничает с библиотеками, чтобы перевести книги, перешедшие в свободный доступ, в цифровой формат и сделать их широкодоступными. Книги, перешедшие в свободный доступ, принадлежат обществу, а мы лишь хранители этого достояния. Тем не менее, эти книги достаточно дорого стоят, поэтому, чтобы и в дальнейшем предоставлять этот ресурс, мы предприняли некоторые действия, предотвращающие коммерческое использование книг, в том числе установив технические ограничения на автоматические запросы.

Мы также просим Вас о следующем.

- Не используйте файлы в коммерческих целях.
Мы разработали программу Поиск книг Google для всех пользователей, поэтому используйте эти файлы только в личных, некоммерческих целях.
- Не отправляйте автоматические запросы.
Не отправляйте в систему Google автоматические запросы любого вида. Если Вы занимаетесь изучением систем машинного перевода, оптического распознавания символов или других областей, где доступ к большому количеству текста может оказаться полезным, свяжитесь с нами. Для этих целей мы рекомендуем использовать материалы, перешедшие в свободный доступ.
- Не удаляйте атрибуты Google.
В каждом файле есть "водяной знак" Google. Он позволяет пользователям узнать об этом проекте и помогает им найти дополнительные материалы при помощи программы Поиск книг Google. Не удаляйте его.
- Делайте это законно.
Независимо от того, что Вы используете, не забудьте проверить законность своих действий, за которые Вы несете полную ответственность. Не думайте, что если книга перешла в свободный доступ в США, то ее на этом основании могут использовать читатели из других стран. Условия для перехода книги в свободный доступ в разных странах различны, поэтому нет единых правил, позволяющих определить, можно ли в определенном случае использовать определенную книгу. Не думайте, что если книга появилась в Поиске книг Google, то ее можно использовать как угодно и где угодно. Наказание за нарушение авторских прав может быть очень серьезным.

О программе Поиск книг Google

Миссия Google состоит в том, чтобы организовать мировую информацию и сделать ее всесторонне доступной и полезной. Программа Поиск книг Google помогает пользователям найти книги со всего мира, а авторам и издателям - новых читателей. Полнотекстовый поиск по этой книге можно выполнить на странице <http://books.google.com/>



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



32101 073849562

Library of



Princeton University.



ПОЛНОЕ СОБРАНИЕ
РУССКИХЪ ЛѢТОПИСЕЙ,

ИЗДАННОЕ

ПО ВЫСОЧАЙШЕМУ ПОВЕЛѢНІЮ

АРХЕОГРАФИЧЕСКОЮ КОММИССІЕЮ.

ТОМЪ ПЯТЫЙ.

У. VI. ПСКОВСКІЯ И СОФІЙСКІЯ ЛѢТОПИСИ.

Санктпетербургъ.

ВЪ ТИПОГРАФІИ ЭДУАРДА ПРАЦА.

1851.

1627.

01.

116.

3a

v. 5

ПСКОВСКАЯ ВТОРАЯ ЛѢТОПИСЬ.

Псковская вторая Лѣтопись извлечена изъ Синодальной рукописи въ листъ, писанной въ девѣ колонки полууставомъ, въ концѣ XV или въ началѣ XVI вѣка, на 302 л., изъ которыхъ первыхъ одного или двухъ недостаетъ. Эта рукопись, какъ видно изъ подписи на приклеенномъ къ переплету листъ и изъ помѣты внизу страницъ, принадлежала Кирилло-Бѣлозерскому монастырю. Въ ней заключаются :

- а) Выписки изъ Хронографовъ ; б) л. 32 об. Новгородскій Лѣтописецъ (въ сокращеніи) ; в) л. 154. Псковская вторая Лѣтопись, безъ окончателныхъ листовъ, которыхъ въ переплетъ рукописи не находится ; г) л. 225. Росписи (безъ начала) Русскихъ владѣтельныхъ князей, митрополитовъ и Новгородскихъ владыкъ, и д) л. 234. Повѣсть о храбрости Александра царя Макидонскаго . . . створивый есть Аріанъ, ученикъ Епиктита философа,

Въ началѣ Псковская вторая Лѣтопись, по содержанію своему, сходствуется съ Псковскою первою Лѣтописью, но съ XV столѣтія содержитъ въ себѣ извѣстія, которыя пропущены или изложены въ послѣдней не столь обстоятельно. Она изображаетъ дѣла Псковской Церкви, сношенія Псковитянъ съ Московскими великими князьями, Новгородомъ и Литвою, розмирія и битвы съ Ливонскими Рыцарями, строеніе церквей въ Псковѣ и пригородовъ въ принадлежавшей ему области, способы и цѣнность народнаго продовольствія, моровыя язвы, пожары и голодъ, свирѣпствовавшіе по временамъ въ Псковѣ, и проч. Эта Лѣтопись сохранилась въ одномъ Синодальномъ спискѣ, и по недостатку листовъ, прерывается незаконченною лѣтописною статьею подъ 1486 годомъ ; а какъ предшествующія ей статьи (съ 1178 года) отличаются подробностію и содержатъ въ себѣ извѣстія, о которыхъ упоминается только въ означенной Лѣтописи, то недостатокъ ея окончанія можно почесть важною утратою для Исторіи Пскова, до присоединенія его къ Московскому государству.

Въ «*Прибавленіяхъ къ Псковскимъ Лѣтописямъ*» помѣщены слѣдующія *Повѣсти*: а) *Объ осадѣ Пскова Шведскимъ королемъ Густавомъ Адольфомъ и о военныхъ дѣйствіяхъ Шведовъ въ Псковской области, въ 1615 году, о Московскихъ событіяхъ во время Смутнаго періода и о восшествіи на престолъ царя Михаила Феодоровича, и б) Объ отступленіи Пскова отъ Московскаго государства въ эпоху междоцарствія, и о послѣдовавшихъ оттого безначаліи и народныхъ бѣдствіяхъ. Къ сему присоединена лѣтописная статья о крещеніи Чуди и Лопарей и разореніи языческихъ могилищъ инокомъ Илією, по благословенію Новгородскаго митрополита Макарія, въ 1534 году. Эти сказанія заимствованы изъ рукописей, Архивской ХХІ, князя Оболенскаго и г. Сивгирева: см. особое Предисловіе къ Прибавленіямъ, стр. 49.*

Исторіографу Карамзину Псковская вторая Лѣтопись была извѣстна подъ именемъ Псковской Синодальной Лѣтописи: см. Исторію Государства Россійскаго, т. I, примѣч. 71.

Тсковская Вторая Автописс.
Изъ Синодальной рукописи, in f.º № 154,
листъ 154.

**НАКѢПЦУРЪ
ПАВЛЕНЦАВЪ**

аще хощеши изъ ѿ
бръести. ѿначала
ѿ твореніи ~~и~~ мира
ѿ перваго вѣсто
ре наго члѣка а дама.
до попопавсароды.
ѿ попопа до авраа
ма. ѿ авраама до хъ.
ѿ хъ да жь и до блгоче
стиваго црѣ михан
ла. и црѣ вѣа. и пррѣи
и проповѣди. и на
ѣ вса пѣбна и изъ ѿ
бращеши. ^{поисмо}начни че
стни книгѣ сию ѿ до
сѣи. и тако порадо
доидеши до начала
роускыя земли. а
начала родскыя земли
бысть сице +

Вѣ. 2. п. 3. в. бѣахъ
прѣ враты. едино

мѣи ма. кын, второ
моушекъ. а претіе
моу. хури вѣ. а сестра
оунихъ бѣи меней.
лыбедь. и постави
ша гра на горѣ. и на
рекоша иа градоу
помѣ. вѣи ма бра
та своѣ старѣиша
кыевѣ. и нача ша
владѣти. и жива
ху конѣи родомъ
своимъ. бѣаху бо
мѣи мѣри. и смы
слени. ѿ нѣже соу
кыи не полане. и до
сего дни. бѣаху же
не вѣрни. и многѣ
ни бѣи моушекъ и до
лѣи. вѣа же время
на бы вѣ грѣко црѣ.
миханлъ. и мѣи
ирма. посемѣ прѣи
доша до а варага. и
на рекоша се бѣи си.

V.

ПСКОВСКІЯ ЛѢТОПИСИ.

II. ПСКОВСКАЯ ВТОРАЯ ЛѢТОПИСЬ.

Син. I.

Начало лѣтописца Псковскаго. Аще хочещи изобрѣсти отъ начала о твореніи міра, отъ перваго Богомъ створенаго чловѣка Адама до потопа, вся роды, отъ потопа до Авраама, отъ Авраама до Христа, отъ Христа даждь и до благочестиваго царя Михаила, и царствія, и пророки, и проповѣди, и иная вся подобнаа изъображещи, токмо начини чести книгу сію отъ доски, и тако по ряду доидеши до начая Рускыя земля; а начало Рускыя земли бысть сие:

Въ лѣто 6362. Бѣаху три браты, единому имя Кый, второму Щекъ, а третіему Хоривъ, 851 а сестра у нихъ бѣ именемъ Лыбедь. И поставиша градъ на горѣ, и нарекоша имя граду тому, въ имя брата своего старѣйшаго, Киевъ, и начаша владѣти, и живяху кождо родомъ своимъ; бѣаху бо мужи мудри и смыслени, отъ нихъ же суть Кыяне Поляне и до сего дни: бѣаху же невѣрни, и много тщаніе имуще къ идоломъ. Въ та же времяна бысть въ Грекохъ царь Михаилъ и мати его Ирина. Посемъ же придоша два Варяга, и нарекоша себе князи, и бѣ имя единому Скальдъ, а второму Диръ; и бѣста князяще въ Киевѣ, рать имуще съ Древляны. Въ времена же Кыева и Щека и Хорива, Новгородстїи людїе, и Кривичи, и Мерь, Новгородци свою власть имѣаху, а Кривичи свою, а Мерь свою, а Чюдь своими владѣху, и дань даваху Варягомъ; а иже живяху у коихъ Варязи, или даньщики тѣхъ, тїи насилїа велика дѣяху Новгородцемъ, и Кривичемъ, и Меряномъ, и Чюди. Всташа же Новгородци, и Кривичи, и Меря, и Чюдь на Варягы, и изгнаша ихъ за море, и начаша владѣти сами себѣ и города ставити; и бысть межю ими рать, градъ на градъ, и не бѣше правды. И рекоша къ себѣ: «поищемъ собѣ князя, иже бы радилъ по праву и владѣлъ нами.» И идоша за море къ Варягомъ, и рекоша къ нимъ: «земля наша велика есть, и умножися людей, и нѣсть кто бы владѣлъ нами и по праву радилъ;» и просиша въ нихъ князей. И вдаша имъ 3 князи, брата себѣ, съ роды своими ихъ, и привелоша къ Новгороду; и сѣде старѣйшїй въ Новѣ-

городѣ, а имя ему Рюрикъ, а Синеусъ сѣде на Бѣлѣозерѣ, а Труволъ сѣде въ Изборьскѣ. И по двою лѣтѣхъ умре Синеусъ и братъ его князь Изборскій Труволъ, оба умроша не сѣтвориши сѣмени; а Рюрикъ на Новѣгородѣ оживѣ. И роди сына Игоря, мужа Олгина, а Олга отъ Игоря роди Святослава, а Святославъ роди Ярополка и Олга, а Володимиръ родися отъ ключицы Олжины отъ Малуши. И по Святославѣ Ярополкъ сѣде въ Киевѣ, а Олегъ въ Древлѣхъ, а Володимиръ въ Новѣгородѣ; и уби Ярополкъ Олга брата своего, а Володимиръ убоюся Ярополка, и бѣжа изъ Новгорода за море. И бѣ Ярополкъ владѣя единъ въ Руси.

Вѣдомо и о семъ да будетъ: яко отъ начала, отнелъ же расплодишися Руская земля, и до крещенія, то имать 135 лѣтъ. А князи въ та лѣта бяху на Руской земли: отъ Варяговъ 5 князей, первому имя Скалдъ, а другому Диръ, а третіему Рюрикъ, а четвертому Синеусъ, а пятому Труволъ, а шестому Олегъ, а седмому Игорь, а осмому Святославъ, а 9-му Ярополкъ, а десятому Олегъ, 11 Володимиръ, иже крести всю Рускую землю.

980 Начало княженія Володимира. Въ лѣто 6488. Прииде Володимиръ изъ заморья къ Новугороду, и приведе съ собою множество Варягъ, и изгна изъ Новгорода намѣстники Ярополковы; и посла вѣстники къ Ровголоду въ Полтескъ, ркущи: «хощю поняти дщерь твою собѣ женѣ.» Оного же дщи не хотѣ, рекущи: «не хощю изути робичища, а Ярополка хощю.» Володимиръ же възъярився иде ратью къ Полтеску, и уби Ровголода и два сына его, а дщерь его Рогнѣду поя собѣ женѣ. И поиде на Ярополка къ Киеву съ множествомъ вой и съ Варягы. Ярополкъ же рассмотривъ несилу свою и послушавъ Блуда, велможа своего, бѣжа изъ Киева и затворися въ иномъ градѣ. Володимиръ же сѣде на великомъ княженіи въ Киевѣ, а Ярополка погуби лестию, и поя жену брата своего. Она же бѣ тогда непраздна, Грекыни ей сущи, отъ нея же родися Святополкъ, бѣ бо прежде черницею; тѣмже и отецъ его не любляше, иже отъ грѣховнаго корене золь плодъ бываетъ, бѣ бо отъ двою отцю и брату, отъ Ярополка и отъ Володимира. И посади Володимиръ Добрыню уя своего въ Новѣгородѣ, а самъ сѣде въ Киевѣ. И бѣ у Володимира 12 сына, не отъ единой княгыни, но отъ разныхъ: 1 Вышеславъ, 2 Изяславъ, 3 Святополкъ проклятый, а отъ Рогнѣды 4 Изославъ, 5 Мьстиславъ, 6 Ярославъ, 7 Всеволодъ, а отъ иной 8 Святославъ, 9 Мьстиславъ, а отъ Болгарыни 10 Борисъ, 11 Глѣбъ, 12 Позвиздъ; а у Ярослава 3 сыны, Изяславъ, Святославъ, Всеволодъ. А отъ тѣхъ даже и донынѣ велиции князи влекутся, и прочіи князи; вси ти князи отъ единого Варяга отъ Рюрика, и отъ сына его Игоря, и отъ княгыни Олгы Псковкы расплодишися.

Повѣсти о жити и о храбрости благовѣрнаго и великаго князя Александра. О Господѣ нашемъ Ісусѣ Христѣ Сынѣ Божіи, азъ худый и многогрѣшный, мало смыслиа, покушаюся писати житіе святаго князя Александра, сына Ярослава, а внука Всеволожа. Понеже слышахъ отъ отецъ своихъ, и самовидѣцъ есмь възраста его, радъ быхъ исповѣдалъ святое и честное и славное житіе его; но якоже Приточникъ рече: въ злохытру душу не видеть премудрость; на вышнихъ бо краихъ есть, посреди стезь стояше, при вратѣхъ же сильныхъ присѣдигъ. Аще и грубъ есмь умомъ, но молитвою святаго Богородица и поспѣшеніемъ святаго князя Александра начатокъ положю. Сѣи бѣ князь Александръ родися отъ отца милостилюбца и мужелюбца, паче же и кротка, князя великаго Ярослава и отъ матере Θεодосіи. Якоже рече Исаія пророкъ: тако глаголетъ Господь: князя азъ учиняю, священни бо суть; и азъ воюю я. Во истинну бо безъ Божія повелѣнія не бѣ княженіе его, но и взоръ его паче инѣхъ чловѣкъ, и гласъ его акы труба въ народѣ, лице же его акы лице Іосифа, иже бѣ поставилъ его Египетскій царь втораго царя въ Египтѣ, сила же бѣ его часть отъ силы Самсона, и далъ бѣ ему Богъ премудрость Соломону, храборство же его акы царя Римскаго Еуспесіана, иже бѣ плѣнилъ всю землю Іудейскую; и нѣгдѣ исполчися

къ граду Асафату приступити, и испедше гражане побѣдиша плѣкъ его, и остася единъ и възврати къ граду силу ихъ къ вратомъ граднымъ, и посмѣяся дружинѣ своей и укори я, рекъ: остависте мя единого. Также и князь Александръ побѣжая, а не побѣдимъ. И сего ради нѣкто силенъ отъ Западныя страны, иже нарицаются слугы Божія, отъ тѣхъ прииде, хотя видѣти дивный възрастъ его. Якоже древле царица Южичьская приходи къ Соломону, хотяши слышати премудрость его; тако и сей, именемъ Андрѣяшъ, видѣвъ князя Александра и възвратився къ своимъ, рече: «прошедъ страны языкъ, не видѣхъ такового ни въ царѣхъ царя, ни въ князѣхъ князя.» Се же слышавъ король части Римьскыя, отъ полунощныя страны, таковое мужество князя Александра, и помысли въ собѣ: «пойду и плѣню землю Александрову.» И събра силу велику, и наполни корабли многы полковъ своихъ, подвижесе въ силѣ тяжцѣ, пыхая духомъ ратнымъ, и прииде въ Неву, шатаяся безуміемъ; и посла слы своя, загордѣвъся, въ Новгородъ къ князю Александру, глаголя: «аще можеша противитися мнѣ, то се есмь уже здѣ, плѣняя землю твою.» Александръ же слышавъ словеса си, разгорѣся сердцемъ, и вниде въ церковь святыя Софіа, и падъ на колѣну предъ олтаремъ, нача молитися съ слезами: «Боже хвалный, праведный, Боже великий, крѣпкій, Боже превѣчный, основавый землю и положивый предѣлы языкомъ, повелѣ жити не преступающе въ чужую часть;» възпріимъ же пророческую пѣснь, рече: «суди, Господи, обидящимъ мя и возбрани борющимся со мною; приими оружіе и щитъ, стани въ помощь мнѣ.» И скончавъ молитву, вставъ поклонися архіепископу; епископъ же бѣ тогда Спиридонъ, благослови его и отпусти. Онъ же испедъ изъ церкви, утеръ слезы, нача крѣпити дружину свою, глаголя: «не въ силахъ Богъ, но въ правдѣ; помянемъ Пѣснотворца, иже рече: сіи въ оружіи, а си на конѣхъ, мы же во имя Господа Бога нашего призовемъ; тѣи спяти быша и падоша, мы же стахомъ и прости быхомъ.» Си рекъ, поиде на нихъ въ малѣ дружинѣ, не съждався съ многою сидюю своею, но уповая на святую Троицу. Жалостно же бѣ слышати, яко отецъ его князь великий Ярославъ не бѣ вѣдалъ такового встанія на сына своего милаго Александра, ни оному бысть когда послати вѣсть къ отцю своему, уже бо ратнии приближишася; тѣмже и мнози Новгородци не совокупилися бѣша, понеже ускори князь поити. И поиде на ня въ день Въскресенія, іуля въ 15, имѣяше же вѣру велику къ святому мученикоу Борису и Глѣбу. И бѣ нѣкто мужъ старѣйшина въ земли Ижерстѣй, именемъ Целугій, поручено же бысть ему стража ношная морская; възпрія же святое крещеніе, и живяше посреди рода своего погана суща, наречено же бысть имя его въ святѣмъ крещеніи Филиппъ, и живяше богоугодно, въ средѣ и въ пятокъ пребываше въ алычѣ; тѣмже сподоби его Богъ видѣти видѣніе страшно въ тѣ день, скажемъ вкратцѣ. Увѣдавъ силу ратныхъ, иде противу князя Александра, да скажетъ ему станы. Стоящу же ему при край моря, и стрежаше обою пути, и пребысть всю ночь въ бдѣніи, и якоже нача възсходити солнце, слыша шумъ страшенъ по морю, и видѣ насадъ единъ гребущъ по морю, и посреди насада стояща святая мученика Бориса и Глѣбъ въ одеждахъ чръвленыхъ, и бѣста руки дръжаща на рамѣхъ, гребци же сѣдяху акы мглою одѣани; рече Борисъ: «брате Глѣбе! вели грести, да поможемъ сроднику своему князю Александру.» Видѣвъ же таковое видѣніе и слышавъ таковыи гласъ отъ мученику, стояше трепетенъ, дондеже насадъ отъиде отъ очію его; потомъ скоро поѣде Александръ^{а)}, и радостныма очима исповѣда ему единому видѣніе; князь же рече ему: «сего не рци никомуже.» Оттолѣ потщався наѣха на ня, въ 6 день, и бысть сѣча велика надъ Римляны, и изби ихъ множество безчислено, и самому королю възложи печать на лице острымъ своимъ копіемъ; останокъ же ихъ побѣже, и трупіа мертвыхъ своихъ наметаша

а) александръ.; должно чит. къ александру.

корабля^а, и потопиша въ мѣри. Князь же Александръ возвратися съ побѣдою, хвала и слава имя своего Творца. Во второе же лѣто, по возвращеніи съ побѣды князя Александра, приидоша пакы отъ Западныхъ страны, и возградиша градъ въ отечествѣ Александровѣ; князь же Александръ воскорѣ иде и изверже градъ ихъ изъ основанія, а самыхъ извѣща, и овѣхъ съ собою поведе, а инѣхъ помиловавъ отпусти, бѣ бо милостивъ паче мѣры. По побѣдѣ же Александровѣ, якоже побѣди корабля, въ третій годъ, въ зимнее время, поиде на землю Нѣмецкую въ величѣ силѣ, да не похвалятся ркуще: «укоримъ Словенскій языкъ ниже себе;» уже бо бѣше градъ Псковъ взятъ, и намѣстники отъ Нѣмцевъ посажены. Онъ же въскорѣ градъ Псковъ изгна и Нѣмцевъ изсѣче, а инѣхъ повяза, и градъ свободы отъ безбожныхъ Нѣмцевъ, а землю ихъ повоева и пожже и полоня взя безъ числа, а овѣхъ изсѣче. Они же гордіи совокупилися и рекоша: «пойдемъ и побѣдимъ Александра, и имемъ его руками;» егда же приближилися, и очютиша я стражіе, князь же Александръ оплчися, и поидоша противу себе и покриша озеро Чюдское обои отъ множества вой. Отецъ же его Ярославъ прислалъ бѣ ему брата меньшаго Андрѣя, на помощь, въ множествѣ дружинѣ. Также и у князя Александра множество храбрыхъ, якоже древлѣ у Давыда царя силніи, крѣпци, тако и мужи Александровы исполнишася духомъ ратнымъ; бяху бо сердца ихъ акы сердца лвомъ, и рѣша: «о княже нашъ честный! нынѣ приспѣ время намъ положити главы своя за тя.» Князь же Александръ воздѣвъ руцѣ на небо, и рече: «суди ми, Боже, и разсуди прю мою отъ языка непреподобна; и помози ми, Господи, якоже древлѣ Моисію на Амалика и прадѣду нашему Ярославу на окааннаго Святополка.» Бѣ же тогда субота, всходящю солнцю, и съступишася обои: и бысть сѣча зла и трусь отъ копій ломленія и звукъ отъ сѣченія мечнаго, якоже и езеру померзѣшу двинути, и не бѣ видѣти леду, покры бо ся кровію. Се же слышахъ отъ самовидца, иже рече ми: яко видѣхъ полкъ Божій на въздузѣ, пришедши на помощь Александрови. И тако побѣди я помощію Божіею, и даша плеча своя, и сѣчяхуть я гоняще акы по аеру, и не бѣ камо утещи. Здѣ же прослави Богъ Александра предъ всѣми полки, якоже Исуса Наввина у Ерегона; а иже рече: «имемъ Александра руками», сего дастъ ему Богъ въ руцѣ его, и не обрѣтется противникъ ему въ брани никогдаже. И возвратися князь Александръ съ побѣдою славною, и бѣше множество полоненныхъ въ полку его, и ведахуть босы подлѣ коній, иже именуютъ себе Божіи ритори, и якоже приближися князь къ граду Пскову, игумени же и попове и весь народъ срѣтоша и предъ градомъ съ кресты, подающе хвалу Богови и славу господину князю Александру, поюще пѣснь: пособиый, Господи, кроткому Давыду побѣдити иноплеменикы, и вѣрному князю нашему, оружіемъ крестнымъ, и свободи градъ Псковъ отъ иноязычникъ рукою Александровою. И рече Александръ: «о невѣгласи Псковичи! аще сего забудете и до правнучатъ Александровыхъ, и уподобитесь Жидомъ, ихже препита Господь въ пустыни манною и крестелми печеными, и сихъ всѣхъ забыша и Бога своего, изведшаго я отъ работы изъ Египта.» И нача слыти имя его по всѣмъ странамъ, и до моря Хонужьскаго^б, и до горъ Араратскихъ, и объ ону страну моря Варяжскаго, и до великаго Риму. Въ то же время умножися языка Литовскаго, и начаша пакостити ѡмости Александровѣ; онъ же выѣздя и избиваше я. Единою ключися ему выѣхати, и побѣди 7 ратій единѣмъ выѣздомъ, и множество князей ихъ изби, а овѣхъ рукама изыма; слугы же его ругающеся вьзахуть ихъ къ хвостомъ коней своихъ, и начаша оттолѣ блюстися имени его. Въ то же время бѣ царь силенъ на Вѣсточнѣй странѣ, иже бѣ

а) корабля: въ другихъ спискахъ сей Повѣсти читается: 3 корабля. б) хонужьскаго: въ другихъ Лѣтописяхъ: хупожьскаго.

ему Богъ покорилъ языки многы, отъ вѣстока даже и до запада; ты же царь слышавъ Александра тако славна и храбра, посла къ нему послы и рече: «Александре! вѣси ли, яко Богъ покори ми многыя языки; ты ли единъ не хоцещи покорити ми ся? но аще хоцещи съблюсти землю свою, то прїѣди скоро къ мнѣ, и видиши честь царства моего.» Князь же Александръ прїиде въ Володимерь, по умертвіи отца своего, въ силѣ велицѣ, и бысть грозенъ прїѣздъ его, и промчѣся вѣсть его и до устья Волги; и начаша жены Моавитскыя полошати дѣти своя, ркуще: «Александръ ѣдетъ.» Сѣдумавъ же князь Александръ, и благоволѣши его епископъ Кирилъ, и поиде къ царевѣ въ орду. И видѣвъ его царь Батый, и подивися, и рече велможамъ своимъ: «истину ми скажете, яко нѣсть подобна сему князю?» почтѣвъ же и честно, отпусти и. Посемъ же разгнѣвася царь Батый на брата его меньшаго Андрѣя, и посла воеводу своего Неврюня повоевати землю Суждальскую; по плѣненіи же Неврюневъ князь великій Александръ церкви вѣдвигну, грады исполни, люди распуженыя събра въ дома своя. О таковыхъ бо рече Исаіа пророкъ: князь благу въ странахъ, тихъ, увѣтливу, кротокъ, сѣмѣренъ, по образу Божию есть, не внимая богатства и не презря кровь праведничию, сиротѣ и вдовици въ правду судяи, милостилюбецъ, благу домочадецъ своимъ, и вѣнчимъ отъ странъ приходящимъ кормитель; на таковыя Богъ призираетъ, Богъ бо не ангеломъ любитъ, но человекомъ си щедря ущедряетъ, и показываетъ на мїрѣ милость свою. Распространи же Богъ землю его богатствомъ и славою, и удолжи Богъ лѣтъ ему. Нѣкогда же прїидоша къ нему послы отъ папы, изъ великого Рима, ркуще: «папа нашъ тако глаголетъ: слышахомъ тя князя честна и дивна, и земля твоя велика, сего ради прислахомъ къ тобѣ отъ двюнадесятъ кардиналу два хытрѣйша^а, Галлада^б и Гемонта, да послушаеши ученія ихъ о законѣ Божіи.» Князь же Александръ сдумавъ съ мудреци своими, вѣсписа къ нему и рече: «отъ Адама до потопа, отъ потопа до раздѣленія языкъ, отъ размѣшенія языкъ до начала Авраамля, отъ Авраама до протїя Іисраіля сквозѣ море, отъ исхода сыновъ Іисраілевъ до умертвія Давыда царя, отъ начала царства Соломона до Августа и до Христова рождества, отъ рождества Христова до страсти и воскресенія, отъ воскресенія же его и на небеса възшествія и до царства Константинова, отъ начала царства Костянтинова до первого сбора и седмаго, си вся добръ свѣдаемъ, а отъ васъ ученія не прїемлемъ.» Они же възвратившися вѣсвоася. И умножишася дни живота его, въ велицѣ славѣ. Бѣ бо іереелюбецъ и мнихолубецъ, и нищая любя, митрополита же и епископы чтыше и послушааше ихъ, аки самого Христа. Бѣ же тогда нужда велика отъ иноплеменикъ, и гоняхуть христіанъ веляще съ собою воинствовати; князь же великій Александръ поиде къ царевѣ, дабы отмолити людїи отъ бѣды тоя. А сына своего Дмитрія посла на западныя страны, и вся полкы своя посла съ нимъ и ближнихъ своихъ домочадецъ, рекши къ нимъ: «служите сынови моему, акы самому мнѣ, всѣмъ животомъ своимъ.» Поиде князь Дмитрій въ силѣ велицѣ, и плѣни землю Нѣмецкую и взя градъ Юрьевъ, и възвратися къ Новугороду съ многымъ полономъ и съ великою корыстію. Отецъ же его князь великій Александръ възвратися изъ орды отъ царя, и доиде Новогорода Нижняго, и ту пребывъ мало здравъ, и дошедъ Городца разболѣся. О горе тобѣ, бѣдный человекъ! како можеши написати кончину господина своего? како не упадета ти зѣнцы вкупѣ съ слезами? како же не урвется сердце твое отъ коренія? отца бо оставити человекъ можетъ, а добра господина не мощно оставити, аще бы лѣтъ и въ гробъ бы лѣгалъ съ нимъ. Пострада же Богови крѣпко, остави же земное царство и бысть мнихъ;

а) хытрѣйша; см. Карамз. IV, прим. 85; въ С. хытреша. б) галлада. такъ въ друиыхъ Лѣтописяхъ; агаллада С.

бѣ бо желаніе его паче мѣры ангельскаго образа, сподоби же его Богъ и болшій чинъ пріати, скиму. И тако Богови духъ свой предасть съ миромъ, мѣсяца ноябрю въ 14 день, на память святаго апостола Филиппа. Митрополитъ же Кирилъ глаголаше: «чада моя! разумѣйте, яко уже зайде солнце Суздальской земли^а;» іереи, и діакони, черноризци, нищии и богатиі, и вси людіе глаголааху: «уже погыбаемъ.» Святое же тѣло его понесоша къ граду Володимерю, митрополитъ же, князи и бояре, и весь народъ, маліи и велициі, срѣтоша ѿ въ Боголюбивѣмъ съ свѣщами и съ кандилами; народи же съгнатахутся, хотяще прикоснутися на честнѣмъ^б одрѣ святаго тѣла его, бысть же вопль и кричаніе и туга, яка же нѣстъ была, яко и земли потрястися. Положено же бысть тѣло его въ Рождествѣ святыхъ Богородица, въ архимандритѣи велицѣи, мѣсяца ноябріа въ 24, на память святаго отца Амфилохія. Бысть же тогда чудо дивно и памяти достойно: егда убо положено бысть святое тѣло его въ раку, тогда Савастіанъ икономъ и Кирилъ митрополитъ хотя розъяти ему руку, да вложатъ ему грамоту душевную, онъ же акы живъ сущи, распростеръ руку свою и взять грамоту отъ руки митрополита; и пріять же я ужастъ, и одва отступиша отъ раки его. Се же бысть слышано всѣмъ отъ господина митрополита и отъ иконома его Савастіана. Кто не удивится о семъ, яко тѣлу бездушну сущю и везому отъ далнихъ градъ въ зимное время? и тако прослави Богъ угодника своего.

Сказаніе о благовѣрнѣмъ князи Домонтѣ и о хѣабрости его. Въ лѣто 6773. Заратишяся Литва межю собою, якоже и всегда бываетъ княземъ межю ими брани многы и кровопролитія о суетнѣмъ царствіи свѣта сего: и взя Вѣшегль землю Литовскую. Тогда блаженный князь Домонтъ съ дружиною своею и съ всѣмъ домоу своимъ оставль отечество свое, землю Литовскую, и прибѣже въ Псковъ. Сій же князь Домонтъ отъ племени Литовскаго, первіе имѣя къ идоломъ служеніе, по отцю преданію; егда же Богъ въсхотѣ избрати собѣ люди новы, и вдохну во нь благодать святаго Духа, и възбну яко отъ сна отъ идола суженія. И крещенъ бысть во имя Отца и Сына и святаго Духа въ церкви святѣи Троицы, и наречено бысть имя ему въ святѣмъ крещеніи Тимоѣей; и бысть радость велика въ Псковѣ, и посадиша его на княженіи въ градѣ Псковѣ. И нѣпоколицѣхъ днехъ поимъ съ собою Псковичъ ратныхъ мужъ, три девяноста, иде въ землю Литовскую и отечество свое повоева, и княгиню Ерденевую полони тетку свою Еупраксію и дѣти ея, и вся имѣнія ихъ, и возвратися со множествомъ полона. И перебродившеся Двину, отѣха за 5 верстъ, и сташи шатры на бору чистѣ, а стражи поставя на рѣцѣ на Двинѣ, Давыда Якуновича съ Лувою Литвиномъ; двѣ же девяностѣ мужъ отпусти съ полономъ, а въ единомъ девяностѣ самъ ся оста, ждя по собѣ погони. Герденю же съ своими князми дома не бывшю, и пріѣхаша въ дома своя, оже домове ихъ и вся земля ихъ плѣнена; и оплѣчися Герденій, и Гортунтъ, и Люмбій, и Люгайло и прочіи князи, въ 7-михъ стахъ рати, и погнаша въ слѣдъ Домонта, хотяще ѿ руками яти и лютой смерти предати, а мужій его Псковичъ мечи изсѣчи. И перебродившеся Двину рѣку, сташи на брезѣ; стражіе же видѣвше рать велику, пригнавше повѣдаша Домонту, что рать перебродилася Двину. Домонтъ же рече Давыду и Лувѣ: «помози вама Богъ святаа Троица на стражи вашей;» и пакы рече: «братіе мужи Псковичи, кто старъ то отецъ, а кто младъ то ми братъ! слышалъ есми мужество ваше въ всѣхъ странахъ; се же вамъ предлежитъ животъ и смерть; братіе моя, потягнѣте за домъ святыхъ Троица и за святыхъ церкви, за свое отечество.» Тогда же бѣ приспѣлъ день великаго и славнаго воеводы

а) сузд. земли; такъ должно читать; въ С. пропущено: земли. б) на честнѣмъ: въ С. безъ продолга: честнѣмъ.

мученика Христова Леонтіа; и помолися глаголя: «святая Живоначалнаа Троица, и святыи великий воевода Леонтіе, и благовѣрный княже Всеволоде! помозите^а намъ въ часъ сій на спротивныя врагы.» И сѣя рекши двинушася, и тако Божією помощію единѣмъ девятиномъ 700 ратныхъ побѣди. Тогда убиенъ бысть князь великий Литовскій Гонтортъ, и инѣхъ князей много избиша, а иная Литва въ Двинѣ истопоша, а инѣхъ Двина изверже 70 на островъ Гойдовъ, а инѣхъ на прочая острова, а инѣи внизъ по Двинѣ отплыша. Тогда же убиенъ бысть единъ Псковитинъ Антоній, сынъ Лочковъ, братъ Смолиговъ, а инѣи вси безъ вреда съхранени быша, помощію святыя Троица и молитвою и воеводствомъ святаго Леонтіа и благовѣрнаго князя Всеволода; и возвратишася съ радостію къ городу Пскову и съ многою корыстію. И потомъ благовѣрный князь Домонтъ испроси за себе у великаго князя Дмитрія Александровича дщерь, княгиню Марью^б. Паки же, на другой годъ, князь Домонтъ съ мужи своими Псковичи иде въ посobie тестю своему великому князю Дмитрію на Нѣмецъ: и бишася на Раковорѣ, и одолѣша. Потомъ по нѣколихъ днехъ останокъ събравшеся поганое Латины, и пришедше тайно взяша украины нѣколико Псковскихъ селъ, и възвратишася вскорѣ. Боголюбивый же князь Домонтъ не стерпѣ обидимъ быти отъ нападанія поганыхъ Нѣмецъ, выѣха въ погоню въ пятихъ насадѣхъ съ 60-ю мужъ Псковичъ: и тако Божіимъ посobieмъ 8 сотъ побѣди Нѣмецъ, на рѣцѣ на Мироповнѣ, овыхъ изсѣче, а инѣи истопоша въ водѣ, а двѣ насадѣ бѣжаша въ иныя острова. Князь же Домонтъ ѣхавъ повелѣ зажещи островъ, и егда начаша поганіи бѣгати, палимъ травѣ, въсполѣша огнемъ и власи на нихъ и порты; и тако побѣди ихъ априля 23, на память святаго великомученика Георгія, помощію и молитвою его. Слышавъ же местерь земля Ризьскыя мужество князя Домонта, съвокупи много вои своихъ, и ополчився въ силѣ тяжцѣ безъ Бога и прииде ко Пскову, ови на конѣхъ, а инѣи въ кораблѣхъ и въ лодіяхъ и съ пороки, хотяще плѣнити домъ святыя Троица, а князя Домонта руками яти, а мужей Псковичъ мечи изсѣчи, а не противный народъ жены и дѣти плѣнивше въ работу вести. Слышавъ же то Домонтъ, оплѣчающася люди безъ ума въ множествѣ силы безъ Бога, и вниде въ церковь святыя Троица, и положивъ мечъ свой предъ олтаремъ Господнимъ, падъ моляшеся много съ плачемъ, сице глаголя: «Господи Боже силъ! мы людіе твои, овца пажити твоя, имя твое призываемъ; призри на кроткыя люди своя, и смиренныя възвыши, и гордыхъ высокыя мысли низложи, да не опустѣтъ^в пажить овецъ твоихъ.» Игуменъ же Сидоръ и весь іерейскій чинъ, взявше мечъ и препоясавше, благословиша ѱ. Домонтъ же въ множествѣ ярости мужества своего, не дождавъ полковъ Новгородскихъ, съ малою дружиною съ мужи Псковичи выѣхавъ, изби полки ихъ, и самого местера раниша по лицу; они же трупіа своя многы учаны накладше, отвезоша въ землю свою, а прочій останокъ ихъ устремишася на бѣгъ, мѣсяца іуна въ 8^г день, на память Пренесенію мощей святаго мученика Феодора. По прехоженіи же нѣколика времени начаша Латина насиліе Псковичемъ дѣяти, нападаніемъ и грабленіемъ; боголюбивый же князь Тимоей не стерпѣ обидимъ быти отъ поганыхъ Латины, ѣха съ мужи своими Псковичи и плѣни землю ихъ, и села Чюдская пожже, и полона много привелоша въ землю свою. И паки въ 30-третье лѣто княженія Домонтова, отнелъ же во Псковѣ бысть, изгониша Нѣмци безвѣстно ратью посадъ у Пскова, марта въ 4 день, и тогда убиша Василіа игумена святаго Спаса, Іасафа игумена^д Снѣжныя горы, и черноризецъ много избиша и женъ и дѣтей, а мужей Богъ

а) помозите.; *в С. неправильно: помозита.* б) марью.; *в С. было написано: анну, но помарано и написано на поля какъ в текстъ.* в) да не опустѣтъ.; *в С. ошибк. да опустѣтъ.* г) іуна въ 8.; *в С. ошибк. іуна въ 18.* д) іас. игумена. іасафъ игуменъ такъ в С.

1065 ублюде. Въ утрѣи же день поганіи Нѣмци оступиша градъ; князь же Домонтъ не стерпѣ до-
 1138 ждати мужь своихъ большая рати, выѣха съ малою дружиною, противу имъ ополчися, съ
 Иваномъ Дорогомиловичемъ. И помощію святыя Троица побѣди я у святою Петра и Павла
 на брезѣ, овѣхъ избиша и овѣхъ раниша, а иніи метяхуся съ берега въ кручу, а самого ку-
 мендера раниша по главѣ; а Велневицъ руками нѣколько ихъ имше, послаша къ великому
 князю Андрѣви, а прочіи воскорѣ повергъше оружія устремишася на бѣгъ, страхомъ грозы
 мужества Домантова и мужей Псковичъ. И бѣше тогда въ Псковѣ моръ вельми золь; тогда
 и благовѣрный князь Тимофей, мало поболѣвъ, преставися къ Богу въ вѣчную жизнь, мѣсяца
 маіа въ 20 день, на память святаго мученика Фалелѣя. Бѣше бо милостивъ наче мѣры, свя-
 щенники любя, церкви украшая, нищая милуя, и вся праздники честно проводя, сироты и
 вдовица заступая и обидимыя изимая. И проводилъ его священноиноки, и священники и діа-
 кони, мнихи и черноризници, и все множество людіи; и тако святое и честное его тѣло по-
 ложилъ въ церкви святыя Троицы, съ похвалами и пѣсньми духовными. Бысть же печаль и
 жалость велика тогда Псковичемъ.

Въ лѣто 6573. Князь Полотскій Всеславъ, събравъ силы своя многыя, прииде ко
 Пскову, и много тружався съ многими замыслени и пороками шибавъ, отъиде ничтоже
 успѣвъ.

Въ лѣто 6574. Князь Всеславъ Полотскій, пришедъ ратью, взя Новгородъ и пожже; а
 потомъ на 3-ее лѣто побѣдилъ Новгородци Всеслава на Кзенѣ.

Полн. Собр. Лѣт. IV. 476.

Въ лѣто 6624. Иде Мстиславъ съ Новгородци и съ Псковичи, и взяша Медвѣжью
 Голову.

Тамъ же III. 4 и IV. 76.

Въ лѣто 6643. Князь Всеволодъ Мстиславичъ ходи съ Новгородци къ Суздалью, и изшедше
 Суздальци побѣдилъ Новгородцовъ; и възвратившися посрамлени.

Тамъ же IV. 76.

Въ лѣто 6646. Выгнаша Новгородци Всеволода Мстиславича, князя своего, изъ Нова-
 города, а Святослава Ольговича привелоша къ собѣ княжить; Всеволодъ же иде къ Киеву къ
 стрьєви своему Ярополку, Ярополкъ же посади ѿ въ Вышегородѣ. Тогда Псковичи схавше
 къ нему биша чолумъ, и пояша Всеволода княжить къ собѣ; и проводи Всеволода Ярополкъ.
 А Василко Полотскій князь, Всеволоду идущю мимо Полтескъ, самъ противу выѣха къ
 нему и проводи его съ честію, забывъ заповѣди ради Божіа злобу отца его, что бѣшетъ сѣтво-
 рилъ всему роду его: вшедшю ему въ руцѣ его къ нему, и ничтоже о немъ лукавно помысли,
 якоже подобаше по чловѣчеству, но и крестъ межю собою цѣловаста, яко не поминати, что
 ся удѣяло первое, и на всей правдѣ. И егда прѣйха ко Пскову, священноиноки и священники
 и все множество народа срѣтоша его честно, съ кресты, и многолѣтствовавше посадиша его
 на столѣ. И мало нѣколько время пребывъ, того же лѣта и преставися благовѣрный князь
 Всеволодъ, нареченый въ святѣмъ крещеніи Гавріилъ, мѣсяца февраля въ 11 день, въ четвергъ
 масленныя недѣли, а въ недѣлю масленую положенъ бысть въ церкви святыя Троица, юже
 бѣше самъ создалъ.

Полн. Собр. Лѣт. IV. 476 — 477.

а) *Предъ симъ въ видѣ заглавія киноварю: о князи всеволодѣ.*

«Въ лѣто 8877. Сътвори ся знаменіе преславно въ Великомъ Новѣгородѣ сие: Живущимъ 1169 Новгородцемъ, и владѣху своею областію, якоже имъ Богъ поручилъ, а князя дръжаху по своей воли; бѣ же тогда у нихъ князь Романъ Мстиславичъ, внукъ Изяславъ. Въ то же время Двиняни не хотяху дани давати Новугороду, но вдатися князю Андрѣю Суздальскому; Новгородци же послаша на Двину даньника Даньслава Лазутиничъ, а съ нимъ изъ конца по 100 мужъ. И то слышавъ князь Андрѣй, посла на нихъ полкъ свой 1000 и 500 рати, они же начаша перенимати на Бѣлѣоверѣ, и начаша ся бити; и пособи Богъ Новгородцемъ, убиша отъ полку Андрѣова 800 мужъ, а прочіи отбѣгоша, а Новгородцовъ паде 15 мужъ. И оттолѣ Андрѣй разгнѣвася на Новгородцовъ, нача копити рать, силу велику зѣло, самъ же тогда разболѣся; и посла сына своего Романа къ Новугороду съ всѣми силами, и съ ними князь Мъстиславъ съ Смоленяны, и Рязанци съ своими князи, и Муромци, и Полочане, и Торопчане^б, и Переяславци, и Ростовци, и вся земля Руская, и бысть всѣхъ князей 72. Новгородци же слышавше ту силу велику, грядущу на ня, быша въ скорби величѣй и въ сѣтованіи многѣ, моляхуся милостивому Спасу и пречистой его Матери Богородици Присподѣвъ Маріи, и поставиша острогъ около всего Новагорода; и придоша Суздальци къ Новугороду на Сборъ, и стояша подъ Новымъгородомъ 3 дни, а Новгородци бяху за острогомъ. Въ третью же ночь святому архіепископу Іоанну стоящу ему и молящюся честному образу Господа нашего Ісуса Христа о спасеніи града, и бывшу ему въ ужастіи, и слыша гласъ глаголющъ сие: «иди въ церковь святаго Спаса, и возми икону святыя Богородица, и вынеси на острогъ, постави противу супостатъ.» Архіепископъ же Іоаннъ, то слышавъ, пребысть безъ сна всю ночь, моляся святой Богородици Матери Божіи, бывшую же утру, повелѣ быти сбору и исповѣда видѣніе то предъ всѣми; они же слышавше, и прославиша Бога. Архіепископъ же посла діакона своего съ крилошаны, и повелѣ икону принести на сборъ; діаконъ же вшедъ въ церковь, и поклонивъ предъ иконою святыя Богородица, хотя взяти ю, и не движесе икона съ мѣста своего, діаконъ же възвратився повѣда архіепископу бывшее. Се же слышавъ преподобный епископъ отъ діакона своего, вѣста вскорѣ отъ мѣста своего и поиде съ всѣмъ съборомъ, и вшедъ въ церковь святаго Спаса и припадъ на колѣну предъ иконою, моляшеся глаголя: «о премилостивая еси Госпоже Дѣво Богородице Владычице, пречистаа Дѣвице! ты бо еси упованіе и надежда и заступленіе граду нашему, стѣна и покровъ и прибѣжище всѣмъ христіаномъ, на тебе надѣмся и мы грѣшніи; молися, Госпоже, Сыну своему и Богу нашему за градъ нашъ, и не предаждь насъ врагомъ нашимъ грѣхъ ради нашихъ; услыши, Госпоже, плачь людій сихъ и приими молитву рабъ твоихъ, избави, Госпоже, градъ нашъ отъ всякого зла и супостатъ нашихъ.» Сие же ему молящюся, и начаша пѣти канѣи молебень святой Богородици, и по 6 пѣсни кондакъ: «Заступнице христіаномъ», въ то время подвижесе икона сама о собѣ; народи же видѣвше се, съ слезами вси зваху: Господи помилуй. И архіепископъ Іоаннъ примъ икону своимъ руками, дастъ ю двѣма діаконѣмъ и повелѣ нести предъ собою, а самъ идяше въ слѣдъ, и вынесоша икону на острогъ, идѣже нынѣ манастирь есть святыя Богородица на Десятинѣ. А Новгородци вси бяху за острогомъ, не можаху бо противу ихъ стати, но токмо плакахуся каждо себѣ, видяще свою погыбель, понеже бо Суздальци и уличи подѣлиша на своя грады. Бывшую же часу 6-му дне, начаша приступати къ граду вся полкы Рускыя, и попустиша стрѣлы яко дождь умноженъ. Тогда же, Божіимъ промысломъ, обратися икона лицемъ на градъ, и видѣ архіепископъ текуща слезы отъ честныя

а) Въ видѣ заглавія: о знаменіи иже на острогу отъ иконы святыя богородица, и о суздальцехъ. б) и торопчане и положане повторено въ С.

Томъ V.

1169 иконы, и пріять я въ фелонь свой. О великое и страшное чудо! како се можаше быти отъ
 1293 суха древа? не суть бо се слезы, но являютъ знаменіе милости своея, симъ бо образомъ мо-
 лится святая Богородица Сыну своему и Богу нашему за градъ нашъ и за вся ту сущая люди
 своя въ немъ, не дати въ поруганіе сиротивнымъ врагомъ ихъ. Тогда Господь Богъ нашъ
 умилосердися на ны, молитвами святыя Богородица, и пусти гнѣвъ свой на вся полки Ру-
 ския, и покры ихъ тма; якоже бысть при Моисѣи, егда проведе Богъ Жиды сквозѣ Чермное
 море, а Фараона погрузи, тако и на сихъ нападе страхъ и ужасъ, и ослабиша вси, и смя-
 тошася и начаша ся бити между собою. Се же видѣвши Новгородци, изыдоша на поле, овы
 избиша, а другыя руками яша, а прочіи побѣгоша, ничтоже взявше, ни полонивше, только
 взяша земли копытомъ. И оттолѣ отъяся слава и честь Суздальская, Новъ же градъ избавленъ
 бысть молитвами святыя Богородица. Преподобный же архіепископъ Іоанъ сътвори праздникъ
 свѣтелъ, и начаша праздновати всеѣмъ Новымъградомъ честному и милостивому Знаменію свя-
 тыя Богородица, ея же молитвами, Христе Боже нашъ, и насъ избави отъ всякыя печали и
 бѣды и напасти, здѣ нынѣ въ сій вѣкъ, и въ будущій вѣчныя муки, аминь. И продаяху
 Новгородци Суздамца по двѣ ногатѣ.

Въ лѣто 6694. Приходитъ царь Греческій Алексій въ Новгородъ.

Годъ 6732 см. въ Псков. первой Лѣт., стр. 177. Слова: Бишася . . . мая 31.

Въ лѣто 6738. Мразъ силенъ поби жита всюду, и бысть гладъ золъ по всей земли, яко
 же не бывалъ николиже.

Въ лѣто 6746. Псковичи избиша Литву на Камнѣ, засадою, октября 25.

Въ лѣто 6747, октября въ 16, избиша Нѣмци подѣ Изборскомъ Псковичъ 600 мужъ, и
 тако пришедше взяша Псковъ; и сѣдоша Нѣмци въ Псковъ 3 лѣта.

Въ лѣто 6750. Князь Александръ, помощію святыя Троица, изби Нѣмцевъ во Псковѣ, и
 тако избави градъ Псковъ отъ иноплемennыхъ Нѣмцевъ; и бися съ ними на леду и одолѣ,
 мѣсяца априля 1, овы изби, овы извязавъ поведе босы по леду. И тако клятвою извѣща
 Псковичемъ, глаголя: «аще кто и напоследіи моихъ племенникъ прибѣжитъ кто въ печали,
 или такъ пріѣдетъ къ вамъ пожити, а не пріимете, ни почтете его акы князя: то будете
 окаанни и наречетася вторая Жидова, распеншен Христа.»

Полн. Собр. Лѣт. IV. 180.

Въ лѣто 6755. Избиша Литва Псковичъ на Кудепи, мѣсяца іуля 3.

Тамъ же IV. 180.

Въ лѣто 6773. Князь Домонтъ прибѣже во Псковъ, и крестися.

Въ лѣто 6775. Князь Домонтъ съ мужи своими Псковичи иде къ Раковору, и бишася съ
 Нѣмци, и одолѣша. Того же лѣта, мѣсяца априля 23, князь Домонтъ изби Нѣмцевъ 8 сотъ,
 на рѣцѣ на Мироповиѣ. И потомъ пакы, того же лѣта, князь местеръ совокупи воя многы
 и приде ко Пскову, и князь Домонтъ побѣди я, и тако побѣгоша посрамлени, мѣсяца іюня
 8^а, на память святаго мученика Феодора Стратилата.

Въ лѣто 6792, генваря 2, избиша Нѣмци Псковскихъ данщиковъ 40 мужъ у Вольту.

Тамъ же IV. 183.

Въ лѣто 6801. Князь великій Дмитрій Александровичъ прибѣже въ Псковъ; и пріяша и
 честно.

Тамъ же IV. 183.

а) іюня 8. іюня 18 *ошибк. въ С.*

Въ лѣто 6807, мѣсяца марта въ 4, изгониша Нѣмци посадь у Пскова; и князь Демонтъ ¹³³³ съ малою дружиною выѣхавъ, побѣди я на брезѣ у святыхъ Апостолъ Петра и Павла. Того же лѣта преставися благовѣрный князь Демонтъ, мѣсяца маѣ въ 20. Того же лѣта бысть моръ золь на людехъ во Псковѣ.

Въ лѣто 6811. Бысть зима тепла безъ снѣга, и на лѣто бысть хлѣбъ дорогъ велики.

Въ лѣто 6817. Борисъ посадникъ и весь Псковъ заложиха стѣну каменю отъ святаго Петра и Павла къ Великой рѣцѣ.

Полн. Собр. Лѣт. IV. 184.

Въ лѣто 6819. Свершена бысть церковь камена святаа Богородица на Снѣтной Горѣ, при игуменѣ Іевѣ.

Въ лѣто 6820. Преставися Борисъ посадникъ, іуна 1.

Въ лѣто 6822. Изби мразъ всяко житю, и бысть драгость люта, по 5 гривенъ зобница; бѣше же та драгость на много время.

Тамъ же IV. 184.

Въ лѣто 6828. Загорѣся отъ церкви святаго Георгіа, и погорѣ все Застѣніе во Псковѣ, только *ввижю*^a дѣтинца Богъ ублюде.

Въ лѣто 6831. Князь великій Юрьи приѣде съ Низу въ Псковъ, и Псковичи пріѣша его честно. Тоя же осени избиша Нѣмци Псковичъ гостей въ озерѣ, и ловцовъ на Норовѣ, и въ берегѣ Черемесь взяша, а на миру и на хрестномъ цѣлованіи; и послаша Псковичи къ Давыду князю въ Литву, и приѣха князь Давыдъ въ четвергъ сыропустной недѣли, а князь Юрьи еще бѣше во Псковѣ, и тако князь Давыдъ со Псковичи ѣхаша за Норову и плѣниша землю ихъ до Колывана, а князь великій Юрьи поѣха изъ Пскова къ Новгороду. Тое же весны, марта въ 13, придоша Нѣмци ратью къ Пскову, и стоявше у города 3 дни, и отидоша съ срамомъ. Тоя же весны, мѣсяца маѣ въ 11, пакы придоша Нѣмци къ Пскову, ови на конехъ, а инѣи въ кораблехъ и въ лодіяхъ, гордящеся, въ силѣ тяжцѣ, съ пороки и съ города и со инѣми многими замыслени, хотяще плѣнити домъ святыхъ Троица; тогда же убиша посадника Селила Олексинича; и стояша у города 18 днѣй, пороки бѣущи, города своя придвигающе, залѣсами лѣзуще, и лѣствица исчииниша, хотяще черезъ стѣну лѣзти, и иная замышленія ихъ многа бѣшеть. И бѣше тогда притужно велики Пскову, и мнози гонци посылаху Псковичи въ Новгородъ къ князю Юрью и къ Новгородцемъ, съ многою печалію и тугою, абы помогли: и не помогаша. А Нѣмци стояху около всего Пскова, ови на Запсковьи, а друзи на Полонищи, а инѣи на Завеличьи, и что гдѣ полонивше, мужа или жену или дѣти, или скотъ, то все провадаху за Великую рѣку. Тогда Остафій князь Изборскій подъяма Изборянь, конниковъ и пѣшець, и подѣхавше озерѣша Нѣмецъ за Великою рѣкою и удариша на нихъ, и овѣхъ избиша, а инѣи въ рѣцѣ истопоша; и тако полонъ весь отѣяша. Потомъ же, Богови тако устроившю, приспѣ князь Давыдъ изъ Литвы съ мужи своими: и помощію святыхъ Троица и молитвами благовѣрныхъ князей Гавріила и Тимоѣя, оплѣчився съ мужи Псковичи, прогна ихъ за Великую рѣку, а пороки и вся замышленія ихъ пожгоша, и отбѣгоша Нѣмци съ многымъ студомъ и срамомъ. И потомъ приѣхаша силніи послове отъ всея земля Нѣмецкыя во Псковъ, и докончаща миръ по всей Псковской воли.

Тамъ же IV. 184 — 185.

^a ввижю; см. то же место въ Псковской первой Летописи (т. IV, стр. 184).

1327 Въ лѣто 6835. Князь великій Александръ Михайловичъ Тверскій изби Татаръ въ Твери,
—⁴¹ Шейкала князя бесерменскаго и дружину его, а самъ съ малою дружиною прибѣже въ Псковъ; и Псковичи приаша его честно и крестъ къ нему цѣловаша, что его не выдати княземъ Рускимъ.

Въ лѣто 6838. Князь Александръ сложа крестное цѣлованіе, отъиде въ Литву, а княгиню свою ту оставивъ. Тогда бѣше въ Псковѣ туга и печаль и мѣтва многа въ людехъ, по боголюбивѣмъ князи Александрѣ, занеже бѣше добротою и любовію по сердцю Псковичемъ. И послаша Псковичи къ князю Ивану Сологу посадника, аже онъ стоитъ у городка у Опоки, а хоженіе его отъ Новагорода до Опоки 3 недѣли, не хотя разгнѣвити Псковичъ. И посадникъ Солога князю великому Ивану отъ Пскова бѣша чоломъ, и повѣда о князи Александрѣ, что отѣха въ Литву; и князь великій отдаде Псковичемъ вины, а митрополитъ Теогнастъ и владыка Моисей благословиша посадника Сологу и весь Псковъ. Того же лѣта, еще при князи Александрѣ, Шолога посадникъ съ Псковичами и съ Изборяны поставиша градъ Изборскъ, на горѣ на Жорави.

Въ лѣто 6840. Князь Александръ бывши въ Литвѣ полтора года, и паки приѣха въ Псковъ, и Псковичи приаша его честно.

Въ лѣто 6844, септеврѣ въ 7, бысть пожаръ великъ въ Псковѣ, а загорѣлося въ ноцъ отъ Воронца отъ городца^а, и погорѣ Застѣніе все, а дѣтинца Богъ ублюде.

Полн. Собр. Лѣт. IV. 186.

Въ лѣто 6845. Князь Александръ поѣха изъ Пскова въ орду, а житъ Александръ во Псковѣ 10 лѣтъ. Того же лѣта придѣлаша персій у дѣтинца, и путь простороннѣйши створиша къ святѣй Троици на городъ. Того же лѣта преставися Шолога посадникъ, мѣсяца септеврѣ въ 7.

Тамъ же IV. 186.

Въ лѣто 6847. Убиша въ ордѣ князя Александра и сына его Феодора, различною мукою, септеврѣ въ 28 день. Того же лѣта заложена бысть дѣлати церковь камена святаго Архангела Михаила и Гаврііла, въ Городци.

Въ лѣто 6849. Убиша Нѣмци въ Лотыголтѣ, на селѣ на Опочкѣ, Псковскихъ пословъ 5 мужъ, Михаила Любиновича и дружину его, а на миру; и Псковичи, ѣхавше, повоеваша Лотыголу о князи Александрѣ Всеволодичи. И князь Александръ учинивъ розратіе съ Нѣмци, и разгнѣвався на Псковичъ и поѣха къ Новгороду; Псковичи же много бѣша ему чоломъ, онъ же не послуша, и послаша послове по немъ съ чолобитіемъ и до Новагорода, и не возвратися; и Псковичи много бѣша чоломъ Новгородцемъ, а бѣша дали намѣстника и помощь, и не вдаша и не помогоша. А Нѣмци тое зимы, приѣхавше, поставиша Новый городокъ на рѣцѣ на Пивжи, на Псковской земли; а Псковичи въ то же время, коли Нѣмци городокъ ставили, ѣхавше за Норову въ малѣ дружинѣ, и взяша у Ругодива посадъ. И потомъ Псковичи думавше много, послаша пословъ своихъ въ Витебско къ князю Олгерду, глаголюще: «братіа наша Новгородци не помогаютъ намъ, и зли бѣша на ны; помози намъ, господине, въ сіе время.» Князь же Олгердъ съжаливъси и не остави мольбы и чолобитіа Псковскаго, но въскорѣ посла воеводу своего князя Юрія Витовтовича; а самъ князь Олгердъ подымъ брата своего Кестутіа и мужъ своихъ, Литовниковъ и Видѣблянъ, и приѣха въ Псковъ іуля

^а) отъ городца; въ С. эта рѣчь написана: втородца.

въ 20, на память святаго пророка Іліи, и приведе сына своего Андрѣя, а еще бѣ не кре-¹³⁴¹
щенъ. И тогда посла Юрья Витовтовича къ Новому городку языка добывати, онъ же подѣ-^{—43}
ня съ собою охвочихъ людей, Псковичъ и Изборянъ, и поѣхаша на сумежъ; и срьтошася
съ великою Нѣмецкою ратью на Мекузицкомъ поли, оже они ѣдутъ на стояніе къ Изборску,
и убиша Псковичъ и Изборянъ 60 мужъ, августа 2, а самъ Юрьи прибѣже въ Изборскъ въ
малѣ дружинѣ. А назаутріе Нѣмци приидоша къ Изборску съ пороки и съ города и со мно-
гимъ замышленіемъ, и оступниша градъ. А въ то-время Олгердъ и Кестутій повелѣша своимъ
Литовникомъ и Псковичемъ бродитися за Велцкую рѣку, а не вѣдаючи подъ Изборскомъ
рати; и они пребродившеся, сташа станинъ на Камнѣ. А князь Олгердъ посла своихъ людей
въ сторожю предъ полкомъ, и они ѣхавше языкъ яша за Халахалномъ, и повѣдаша силу
велику Нѣмецкое рати подъ Изборскомъ. Олгердъ же и Кестутій повелѣша своимъ Литовни-
комъ возвратитися въ Псковъ; также и Псковичи возвратишася съ ними, блюдуще своихъ
домовъ, женъ и дѣтей отъ Литвы. А князь Олгердъ и Кестутій осташиа взади, и Псковичи
въ малѣ дружинѣ, и поѣхаша въ Грамское болото, и начаша перепытавати Нѣмецкыя рати.
И Любко князь самъдругъ отѣха отъ Олгерда, и вѣхъ въ сторожовый полкъ Нѣмецкій,
не вѣдающе ему, и тако его убиша самогостра; и бысть Олгерду и княземъ его скорбь и
печаль по Любцѣ князи. А въ то время притужно бѣше велии Изборяномъ, и прислаша го-
нецъ въ Псковъ съ многою тугою и печалью; Олгердъ же князь и Кестутій отрекошася поити
противу Нѣмецкой силѣ, Псковичемъ же единѣмъ не мощно бѣше помощъ Изборяномъ. И
стояша Нѣмци подъ Изборскомъ 10 дней, и воду отъяша, и помощію и заступленіемъ святаго
Николы отъидоша прочь, пожегше пороки и города и весь запасъ свой, а не вѣдуще, что
въ Изборскѣ воды нѣтъ; но Богъ храняше градъ и люди ту сущая въ немъ, а поганымъ
вложи страхъ въ сердца ихъ и обрати я на бѣгъ. Тогда Псковичи много томишася, біюще
чоломъ князю Олгерду, хотяще его крестити и на княженіе посадити въ Псковъ, онъ же не
въсхотѣ, но крести сына своего Андрѣя, и посадиша его Псковичи на княженіи, надѣющися
помощи отъ Олгерда; а Олгердъ и братъ его Кестутій съ своими Литовники поѣхаша прочь,
а Псковичемъ не учипивше помощи никоеже. Того же лѣта бысть моръ золъ на людехъ въ
Псковѣ и въ Изборскѣ: мряху бо мужи и жены и малыя дѣти, и не бѣ гдѣ погребати, вся
бо могыліа вскопана бяху по всѣмъ церквамъ, гдѣ выкоплютъ единому мужю яму, то вло-
жать съ нимъ малыхъ дѣтокъ 7 али 8 въ одинъ гробъ. А еще и иного много быхъ писалъ,
бывшіа въ тое розратіе печали и скорби, но за умноженіе словесъ и не писано оставимъ.
Тогда князь Андрѣй Олгердовичъ поѣха изъ Пскова, въ Литву, къ отцю своему.

Полн. Собр. Лѣт. 186 — 189.

Въ лѣто 6851, мѣсяца маія въ 26, Псковичи подѣмше всю свою область, и поѣхаша
воевати земля Нѣмецкыя о князи Иванѣ, и о князи Остафѣ, и о посадницѣ Володцѣ, и вое-
ваша около Медвѣжьей Головы 5 дней и 5 ночей, не слязаше съ коней, гдѣ преже того не
бывали ни отци ихъ. И бысть егда вѣзвратишася съ полономъ, и мало не доѣхавшимъ
Нового городка со двѣ версты, нападоша на нихъ погоня Нѣмецкая, множество, на Малѣ
Борку, на тѣснѣ. И сташа Псковичи ополчившеся, и помолившеся святѣй Троици и проше-
ніе вземше другъ съ другомъ, съступишася съ Нѣмци, на самый Троицнъ день: и на пер-
вомъ сступѣ убиша Кормала посадника, и Кюра Костинича, и Онтонъ сына Ильина, и инѣхъ
Псковичъ, 17 человекъ всѣхъ, и помощію святыхъ Троицы одолѣша Нѣмцомъ, овѣхъ изсѣкоша,
а инѣи ранени побѣгоша посрамлени. А въ то время нѣкто Руда, попъ Борисоглѣбскый, повергъ
вся оружія, побѣже съ побойща, и прибѣжа къ Изборску и повѣда глаголя: «нашихъ Нѣмци
всѣхъ побили», также и во Псковѣ повѣда; и бысть плачь и рыданіе и вопль великъ. И

1343 отрядиша гонцемъ въ Новгородъ Оому пона повѣдати, что Псковичи вси побиты: «и вы бы
—60 есте, братья наша, въскорѣ загнали Псковъ прежде Нѣмьць.» И еще не отпустя гонца своего, послаша перепытати къ Изборску: оже Псковичи подъ Изборскомъ стоятъ опочивающе, и потомъ прїѣхаша въ Псковъ вси здрави.

Полн. Собр. Лѣт. IV. 189.

Въ лѣто 6856, мѣсяца іюня въ 24, на Иванъ день, посадникъ Псковскій Илья со Псковичами отѣхаша къ Орѣшку городку, въ помощь Новгородцемъ, противу Свейскаго короля Магнуша. А въ то время Нѣмци развергоша миръ съ Псковичи, и переѣхавше Норову по воеваша села Псковская; и пакы потомъ съ мнѣя украины пришедше воеваша Островскую волость и Изборскую, и прїѣхавше подо Псковъ пожгоша Завеличье, и много зла починивше и пожегше волости Изборскыя отыдоша; а Псковичи тогда бяху у Орѣшка.

Тамъ же IV. 189 — 190.

Въ лѣто 6857, априля въ 13, въ понедѣльникъ святыхъ недѣли, князі Юрьи Витовтовичъ возмѣ съ собою поны святыхъ Троица, и ѣхавше въ Изборско освящаша престолъ святаго Спаса у святаго Николы на полатѣхъ, априля въ 15 день. И внезапно пригнаша Нѣмци о полудни, и князь Юрьи выѣха противу имъ, такоже и Псковичи и Изборяни выидоша пѣши: и на первомъ съступѣ убиша князя Юрья Витовтовича, и Юрья Омачкина брата, и нѣхъ Изборянь, добрыхъ людей; и проводиша князя Юрья вси священноиноки и священники и діакони, и положиша въ святѣй Троици честно и великолѣпно. Того же лѣта Нѣмци поставиша городокъ надъ Норовою, противу исада Псковскаго; Псковичи же отрядиша Ивана посадника и съ нимъ множество Псковичъ, они же ѣхавше зажгоша приметомъ, а Нѣмци и Чюдь изгорѣша, а нѣхъ изсѣкоша. Того же лѣта княгыня Юрьева съ дѣтми своими поѣха изъ Пскова въ Литву. Того же лѣта Псковичи отрекошася князю Андрѣю Олгердовичю, глаголюще тако: «тобѣ было, княже, на Псковѣ самому сѣдѣти, а намѣстники Пскова не держати; а нынѣче отрекаемся тебе, и намѣстниковъ твоихъ не хотимъ;» и про то разгнѣвася велики на Псковичъ. А отецъ его Олгердъ прежде того егда воеваше Новгородскую волость Лугу, и возвратився оттолѣ идяше чрезъ Псковскую волость и жалѣшася на Псковичъ, глаголя: «много, рече, моихъ людей и коней погыбло въ вашей волости,» и оттолѣ много враждоваше; посемъ же гостей Псковскихъ поруби, а товаръ отня, а на самыхъ окупъ поймавъ отпусти.

Тамъ же IV. 190.

Въ лѣто 6858. Князь Андрѣй Олгердовичъ съ Полочаны отъ своей украины пригвавши безъ вѣсти, и повоеваша нѣколико Вороначская волости; и се первое нача войну.

Тамъ же IV. 190.

Въ лѣто 6860. Бысть моръ золь въ Псковѣ, и по селомъ и по всей волости, хракотный; о семъ пространнѣ обрящени написано въ Рускомъ лѣтописи.

Въ лѣто 6865. Кушци Псковскіи поставиша церковь деревяную, въ имя святыхъ Софія, и второй съборъ священники учинивше, начаши держати вседенную службу.

Въ лѣто 6866. Псковичи съ княземъ Остафѣемъ ходиша къ городу Полотъску, и повоеваша волости ихъ.

Въ лѣто 6868. Бысть во Псковѣ другой моръ лють зѣло; бѣше бо тогда се знаменіе: егда кому гдѣ выложится жолоза, то въскорѣ умираше; мнози же умираху тою болѣзнію, и

много время той смерти належаши на людехъ. Тогда же и Остафій князь преставися, и два сына его Каргъ и Алексій.

—70

Полн Собр. Лѣт. IV. 191.

Въ лѣто 6870. Пригнавше Нѣмци избиша на Лидвѣ нѣколико головъ Псковскихъ, а на миру; и Псковичи пріяша гостей Нѣмецкихъ, и много на нихъ серебра поймавше, отпустиша на другое лѣто.

Тамъ же IV. 191.

Въ лѣто 6871. Упаде верхъ церкви святыя Троица, на третій день Петрова дни; и приставиша засаду Изборскую, и выносиша камень и звукъ.

Тамъ же IV. 191 — 192.

Въ лѣто 6872. Псковичи даша наймитомъ 5 рублей, они же истребиша разбивше стѣны церкви святыя Троицы, и звукъ выносиша въ Великую рѣку. Того же лѣта поставиша двѣ варницы на Рухѣ, и начаша соль варити; и то не сбытся, и повергоша.

Тамъ же IV. 192.

Въ лѣто 6873. Псковичи наяха мастеровъ, и даша дѣлу мзды 400 рублей; они же заложиша церковь святыя Троица, по старой основѣ.

Въ лѣто 6875. Свершена бысть церковь святыя Троица. Того же лѣта поставлена бысть церковь камена, Богословъ Іоанъ, на Снѣтогорскомъ дворѣ.

Въ лѣто 6876. Пріѣхъ посолъ отъ князя великого Дмитрія Никита, тако нарицаемый, и бывъ въ Юрьевѣ многы дни, и не учини нимало на добро ничтоже, пріѣхъ въ Псковъ; а за нимъ наборъ рать Нѣмецкая прииде къ Пскову, мѣсяца септеврѣ въ 24, и пожгоша Запсковіе и Полонище, и едину ночь стоявше, и тоя же ночи до свѣта отбѣгоша, а на миру и крестномъ цѣлованіи; но вся сіа быша по грѣхомъ нашимъ, тогда бо не бысть въ градѣ князя Александра, ни посадниковъ, но по селомъ въ розбѣздѣ. Въ то же время иная рать Нѣмецкая ходиша торономъ около Велья и по Залѣсью, и нѣколико мужей совокупившися гнашяся вѣслѣдъ ихъ, и тамо побиха многихъ добрыхъ людій. И потомъ Псковичи совокупившися съ княземъ Александромъ, идоша къ Новому городку Нѣмецкому, и стаха подъ городкомъ; а Селило Щертовскій съ дружиною своею отбѣхаша торономъ къ Кирьепигѣ, и внезапно удари на нихъ рать Нѣмецкая, и ту убиша Селила и нѣхъ нѣколико мужъ, а иныхъ раниша, а иныхъ разбѣгошяся по лѣсу; и Псковичи видяще немощъ свою, похранивше битыя возвратишася.

Тамъ же IV. 192.

Въ лѣто 6877. Придоша Нѣмци къ Изборску въ велицѣ силѣ, съ многими замышленіи, съ пороки, со възграды, съ бораны, хотяще разорити градъ и домъ святаго Николы; и стояша 18 днѣй, пороки шибяюще, възграды привлекающе и тѣкуще въ стѣну, и много безумніи трудившися не успѣша ничтоже, Богъ бо храняше градъ. Тогда же приспѣша Новгородци съ помощію Пскову, Нѣмци же то слышавше, и повергше вся замышленія въскорѣ побѣгоша прочь.

Тамъ же IV. 192.

Въ лѣто 6878. Придоша Нѣмци ко Пскову и стояша 3 дни, и убиша нѣколико мужъ на Запсковьи, Акима Тропилова, Артемія Діанова брата, а Луку живого емше сведоша и

1370 тамо замучиша; и не учинивше Пскову ничтоже, отъидоша прочь отъ града. Того же лѣта,
 —87 на зиму, Псковичи подъемше Новгородцовъ и собравше всю свою область, и идоша въ землю
 Нѣмецкую къ Новому городку; Новгородци же стоявше 3 дни отъидоша взадъ, а въ землю
 Нѣмецкую далѣ ити не восхотѣша. Псковичи же тогда шедше къ Кирипигѣ, загониша по-
 садъ и зажгоша, а Нѣмецъ избиша, а инѣи въ погребехъ подхося; и тако възвратишася
 съ множествомъ полона. Бысть же сіе розратіе Псковичемъ съ Нѣмци по 5 лѣтъ, про обид-
 ное мѣсто про Жалачко; много же бѣдъ въ та лѣта претръпѣша, болѣзными и моромъ и
 ратми, и всѣхъ настоящихъ золъ чѣна ны за грѣхы наша; тогда же и миръ ваяша съ Нѣмци.
 Того же лѣта свершиша камену церковъ святаго Георгія, на Болотѣ.

Полн. Собр. Лѣт. IV. 192 — 193.

Въ лѣто 6879. Поставлена бысть церковъ камена святаго Николы, на Всосѣ.

Въ лѣто 6881. Поставиша камену церковъ, на другомъ мѣстѣ, святыхъ Апостолъ Петра
 и Павла; и освяща ю самъ Алексій архіепископъ, въ свой прїѣздъ. Того же лѣта поставлена
 бысть церковъ камена святаго Власія, на другомъ мѣстѣ.

Тамъ же IV. 193.

Въ лѣто 6882. Мастеръ церковный Кирилъ постави церковъ камену, въ свое имя, свя-
 таго Кирила архіепископа Іерусалимскаго. Того же лѣта поставлена бысть церковъ камена
 святаго Тимоѣя.

Тамъ же IV. 193.

Въ лѣто 6883. Въ лѣта великаго князя Дмитрія, и Псковскаго князя Матѣя, и посал-
 ника Григорія Остафьевича, Псковичи заложиха 4-ю стѣну камену отъ Псковы до Велика
 рѣкы, по старой стѣнѣ; понеже была старая стѣнка сдѣлана съ дубомъ, мало узвышъ мужа,
 около всего посада.

Тамъ же IV. 193.

Въ лѣто 6888. Князь великій Дмитрій и вси князи Рускыя бишася съ Тотары за До-
 номъ. Того же лѣта въ озерѣ Чюдскомъ истопоша 24 людей Псковскихъ.

Въ лѣто 6890. Взята бысть Москва отъ царя Тартаныша. Того же лѣта князь местеръ
 съ силами своими и князь Скирицаило съ Литвою приидоша къ Подочку, и стоявше 13 не-
 дѣли, отъидоша не взявше.

Въ лѣто 6891. Поставиша три церкви камены: на Гримячей горѣ святой Кузма и Да-
 мианъ, и святаго Николы, и Духъ святой за Стѣною. Того же лѣта князя Литовскаго Ке-
 стутя и сына его Витовта въ темницу ввергоша; и Кестутій умре, а сынъ Витовтъ убѣжа.

Въ лѣто 6892. Поставиша двѣ церкви камены, святой Спасъ у старого костра и Въздви-
 женіе честнаго креста на княжи дворѣ.

Тамъ же IV. 193.

Въ лѣто 6893. Поставлена бысть церковъ святы Феодоръ.

Въ лѣто 6894. Погорѣ весь Псковъ и посади около города, мало Богъ дѣтинца ублюде;
 а загорѣлося маіа въ 8, въ 6 часъ дни, а до 9-го часа весь градъ погорѣ. Того же лѣта и
 Новгородъ погорѣ.

Тамъ же IV. 193.

Въ лѣто 6895. Поставиша 3 костры камены у новыя стѣны на приступѣ. Того же лѣта

князя Андрѣя Олгердовича князь Скиригайло, братъ его, пойма перелестію въ Полотскѣ. 1387
Того же лѣта заложилъ каменю церковь святаго Георгіа. —98

Полн. Собр. Лѣт. IV. 193.

Въ лѣто 6896. Заложилъ церковь каменую Рождество Христово, въ Домантовѣ стѣнѣ.

Въ лѣто 6897. Преставился на Москвѣ князь великій Дмитрій.

Въ лѣто 6898. Бысть моръ въ Псковѣ, якоже не бывалъ таковъ: гдѣ бо единому выкопали, ту и пятеро и десятеро положиша.

Тамъ же IV. 194.

Въ лѣто 6899. Бысть рагоза Новгородцемъ со Псковичами, и поидоша Новгородци къ Пскову ратью, и Псковичи послаша послы своя, Лавра, и Михаила и попа Власьевского, и Ермолу игумена Николинского; и срьтоша Новгородскую рать у Солци, и взяша миръ, и тако возвратишася Новгородци отъ Солци. Того же лѣта бысть моръ великъ въ Новѣгородѣ.

Тамъ же IV. 194.

Въ лѣто 6900. Въ Псковѣ поставилъ 6 пороковъ. Того же лѣта Новгородци взяли миръ съ Нѣмци, а Псковичъ вымириша; и Псковичи взяли особый миръ съ Нѣмци.

Тамъ же IV. 194.

Въ лѣто 6901. Заложилъ Псковичи перси у Крома, стѣну каменую; тогда же и колоколицу поставилъ. Того же лѣта князь Андрѣй Олгердовичъ пріѣхъ изъ Литвы, убѣжавъ отъ братьи изъ нятъ, мѣсяца іюля въ 18. Того же лѣта, мѣсяца августа въ 1, пріидоша Новгородци ко Пскову ратью въ силѣ велицѣ, и стояша у Пскова 8 дней, и дождавши ноши побѣгоша прочь посрамлени, пометавше многая своя замысленія, пороки и пускичи; и тогда убиша Копорскаго Іоана подъ Олгиною горою, а инѣхъ многихъ избиша на Выбутѣ, а инѣхъ руками яша, при владыцѣ Іоанѣ, и посадницѣ Ескѣ, и тысяцкомъ Никитѣ.

Тамъ же IV. 194.

Въ лѣто 6903. Поставилъ церковь каменую въ Домантовѣ стѣнѣ святое Воскресеніе, а другую церковь постави Захарія посадникъ святаго Николу на Волку. Того же лѣта князь Витовтъ Кестутевичъ взя градъ Смолнескъ прелестію, и своя намѣстники посади.

Тамъ же IV. 194.

Въ лѣто 6904. Бысть знаменіе въ церкви святаго Бориса и Глѣба: двѣ иконы, святая Троица и Богородица, снідоша съ верхняго тѣбла и легоша на востокъ образомъ. Того же лѣта быша два знаменія: у дальняго Пантелеймона отъ иконы святыя Богородица слезы, а другое въ Домантовѣ стѣнѣ у церкви святаго Тимоѣя отъ иконы святыя Богородица слезы изъ обою оку, мѣсяца августа въ 18 день.

Тамъ же IV. 194.

Годъ 6905 см. въ Псков. первой Лѣт., стр. 194. Слова: посадникъ . . . горкѣ.

Въ лѣто 6906. Князь Иванъ Андрѣевичъ, и князь Григорій Остафьевичъ, и Захарія посадникъ Костроминичъ, и Псковичи поставилъ 3 костры на приступной стѣнѣ, одинъ на углѣ съ Великыя рѣки, а другой на Лужищи, а третій отъ Псковы на углѣ. Того же лѣта послаша Псковичи князя Григорія, и посадника Сысою, и Романа посадника, и иныхъ бояръ

Томъ V.

3

1398 въ Новгородъ ; они же ѣхавше взяша миръ вѣчный съ Новымъгородомъ. Того же лѣта по-
1404 ставлена бысть церковь камена святое Богоявленіе.

Полн. Собр. Лѣт. IV. 194 — 195.

Въ лѣто 6907. Поставлены быша двѣ церкви камены, Покровъ святыя Богородица въ Домонтовѣ стѣнѣ, и Михаилъ святыи на Поли въ женскомъ монастыри; а поставилъ Захаріа Ооминичъ.

Тамъ же IV. 195.

Въ лѣто 6908. Князь Григорей Остафіевичъ, и Захаріа посадникъ, и весь Псковъ заложивше сдѣлаша новую стѣну къ старой стѣнѣ на приступѣ, отъ Великой рѣцѣ до Пскова, тлѣще и выше; и поставиша 3 костры: 1 на Незнановѣ горкѣ, 2 въ Лужскихъ воротъ, 3 у Куминыхъ. Тоя же весны выѣха изъ Пскова князь Иванъ Андрѣевичъ, внукъ Олгердовъ, и цѣлованіе сложивъ. А князь Литовскій Витовтъ Кестутъевичъ тогда разверже миръ съ великимъ княземъ Васильемъ, зятемъ своимъ, и съ Новымъгородомъ и со Псковомъ; и Псковичи послаша Луку Совкинича къ великому князю Василью Дмитріевичю, и испросивше привелоша къ себѣ князя Ивана, сына Всеволожа, внука Александра Тѣрского, и пребывъ во Псковѣ 4 мѣсяца, выѣха изъ Пскова. Того же лѣта бысть побоище силно князю Литовскому Витовту и многымъ его княземъ и пановомъ съ Тотары, за Псломъ рѣкою, въ Поли, за 500 верст^а за Киевомъ; и одолѣша Тотарове, и побиша множество Литовскихъ князей и пановъ, мѣсяца августа въ 6 день.

Тамъ же IV. 195.

Въ лѣто 6909. Приѣха въ Псковъ пресвященный архіепископъ Іоанъ, и благослови дѣтей своихъ весь Псковъ, и вдаде нѣколико серебра^б, и сдѣлаша его серебромъ на Радчинѣ всходѣ костеръ, а другій костеръ въ кутѣ города. Того же лѣта князь Григорій Остафіевичъ, и Захаріа посадникъ, и весь Псковъ заложивъ къ старой стѣнѣ новую, тлѣще и выше, возлѣ Великую рѣку, отъ Бурковыхъ воротъ отъ костра и до Крому. Того же лѣта бысть буря велика, и сшибе крестъ съ церкви святыя Троицы, и разбился весь. Тоя же зимы послаша Псковичи къ князю Витовту Григоріа Оедосовича и Гаврила намѣстника, и взяша миръ вѣчный. Тоя же зимы преставися посадникъ Псковскій Захаріа Костроминичъ; и положиша мощи его въ церкви святаго Рождества, мѣсяца марта въ 20 день, за 2 недѣли до Велика дни.

Въ лѣто 6911. Явися звѣзда хвостатаа, на западной странѣ, и въсхожаше съ прочими звѣздами отъ свадебъ до вербной суботы; и тако погыбе.

Въ лѣто 6912. Князь Данилъ Александровичъ, и князь Григорій Остафьевичъ, и посадникъ Романъ, и Ефремъ, и Елентѣй, и Панкратъ, и весь Псковъ заложивъ стѣну каменую возлѣ старую стѣну, тлѣще и выше, отъ Псковы рѣки отъ Крому и до Бродъ. Того же лѣта бысть моръ во Псковѣ: съ Спасова дни начаша преже мрети малыя дѣтки, и потомъ старыя и младаы мужи и жены; аще кому гдѣ явится знатба, то на другой день или на 3 умираше; а пришло тоть моръ изъ Юрьева отъ Нѣмцевъ. Того же лѣта князь Григорій пострижеся въ Великихъ Пустыняхъ.

Тамъ же IV. 196.

а) верстъ — верестъ такъ и въ другихъ мѣстахъ въ С. б) серебра — серобра такъ почти вездѣ въ С.

Въ лѣто 6913. Постави церковъ камену Карпе священноинокъ святаго Стефана, въ ма-¹⁴⁰⁵настыри святаго Спаса; а другая церковъ поставлена бысть святыи Никола на Узвозѣ. Того же лѣта, въ Петрово говѣніе, наиде дождь и иде даже и до Ильина дни, и наплѣнишиися источнищи и рѣкы и езера, акы весиѣ.

Въ лѣто 6914. Приде поганый отступникъ правыя вѣры христіаньскыя и отметникъ Божій, сынъ діаволь, невѣрникъ правдѣ ни крестному цѣлованію, князь Литовскый Витовтъ, съ множествомъ ратныхъ, а миру не отказавъ, ни крестного цѣлованія сложивъ, а розметную грамоту Псковскую отсла къ Новугороду, а самъ изгономъ пришедъ градъ Коложе взя, а люди сущая въ градѣ и по волостемъ овыхъ изсѣче, а во плѣнъ сведе всѣхъ душъ 11 тысящъ, мѣсяца февраля въ 5 день, на Черыкисовѣ недѣли въ пятокъ; и много зла учинивше, отъидоша прочь. И не по мнозѣ времени, того же мѣсяца февраля въ 28, Юрьи посадникъ Козачковичъ пойма съ собою мало дружины, охвочихъ людей, Псковичъ, Изборянь, Островичъ, Вороначянь, Вельянъ, и шедше повоеваша Ржову и Луки, а на Лукахъ на Великихъ и стягъ Коложскый взяша; и възвратишася со множествомъ полона. А къ Новгородцемъ тогда послаша Псковичи послы своя и биша чоломъ, чтобы пособили противу Литвѣ, они же прислаша нѣколико мужей своея силы, а съ лукавствомъ глаголюще: «намъ Великий Новгородъ не указалъ, ни владыка благословилъ ити на Литву; идемъ съ вами на Нѣмци;» и Псковичи отрекоши имъ по лукавству сердца ихъ, они же возвратишася. Того же лѣта, мѣсяца маіа въ 31 день, всь Псковъ погорѣлъ, въ самый Духовъ день, а при послѣ князя великого Микита Неѣловъ; а загорѣлося отъ Оксентіа отъ Байбородѣ, какъ обѣдною починають пѣти. Того же лѣта князь Псковскый Данилей Олександровичъ, и посадникъ Ларіонъ Доинниковичъ, и всь Псковъ подъемше свою всю область идоша къ Полотску, мѣсяца іюля въ 30, и стояша подъ Полотскомъ 3 дни и 3 нощи; и пакы возвратишася вси здрави. Того же лѣта, мѣсяца августа въ 22, князь местерь събравъ силы своея множество ратныхъ вои, прииде къ Изборску, и ходиша 2 недѣли плѣняюще и жгуще волости Псковскыя около Острова и около Котелна, и подъ Островомъ и подъ Котелномъ стояша, а подо Псковомъ не быша; и много зла волостемъ учинивше, отъидоша вьсвои. Тоя же осени бысть моръ великъ въ Псковѣ, и по пригородомъ, и по волостемъ; а мряху желѣзоу. Тоя же осени бысть дожда много.

Полн. Собр. Лѣт. IV. 196 — 197.

Въ лѣто 6915. Князь Данилей Александровичъ и посадникъ Юрьи Филиповичъ подъемше всю свою Псковскую область, поидоша въ Нѣмецкую землю, октября 7, и поимаша на рубежи на Сѣрици 7 Нѣмчиновъ; и егда быша за рубежомъ, усрѣтоша ихъ Нѣмецкая рать за 15 верстѣ отъ Кирыпигѣ, и Псковичи ударишася на нихъ, а Нѣмци побѣгоша, и гнашася по нихъ сѣкуще и бьюще; и вбѣгоша въ градъ свой въ Кирыпигу, пометавше кони и оружія своя, и затворишася; и Псковичи стоявше нощь едину, возвратишася со множествомъ полона. И потомъ Псковичи послаша послы своя въ Великий Новгородъ и биша чоломъ, абы помогли на Нѣмець; и не помогоша. И потомъ биша чоломъ князю великому Василю Дмитріевичю, абы помогъ бѣднымъ Псковичемъ въ тошна времени: и князь великий разверже миръ съ своимъ тестемъ, съ княземъ Витовтомъ, Псковскыя ради обиды. И бяше тогда во Псковѣ моръ непрестаненъ; и выпровадиша князя Данила Александровича, глаголюще: «тебе ради моръ сій есть въ насъ», и поѣха изо Пскова въ Новгородъ, въ самый Николинъ день, во осень. И послаша Псковичи послы своя къ великому князю Василю Дмитріевичю, и испросиша собѣ князя брата князя великого меньшого Костянтина; и приѣха князь Костянтинъ въ Псковъ, въ вторникъ на вербной недѣли. И князь Костянтинъ съ Псковичами смысливше и

1407 помолившесѣ Богу, сѣздаша церковь въ имя святаго отца Аѳанасіа, въ единъ день, въ недѣлю,
1408 и освящаша и службу свѣршиша, мѣсяца марта въ 29 день. И потомъ, по малѣ времени, князь великій Костянтинъ посла князя своего Костянтина Дубровского, а Псковичи послаша съ нимъ Іоана посадника Сидоровича, къ Новугороду помощи прошать, и повѣствоваша отъ князя Костянтина, а отъ Пскова посадникъ много бише чоломъ, абы помогли противу поганныхъ Нѣмцѣ; они же отрекошасѣ и не помогоша. Того же лѣта князь великій Костянтинъ и посадникъ Псковскій Романъ Сидоровичъ, совокупивше вся своя волости и пригороды, множество ратныхъ, поидоша въ Нѣмецкую землю за рѣку за Норову, ови въ лодіяхъ, ови на конехъ; и перевезошасѣ Норову назаутріе Петрова дни, и поидоша къ Порху, и многи волости повоеваша и пожгоша, и многи плѣнивше возвратишасѣ въ землю свою съ множествомъ полна. И преста во Псковѣ моръ. И потомъ за мало днѣи, мѣсяца іуля въ 20 день, на память святаго пророка Ильи, князь великій Костянтинъ поѣха изъ Пскова на Москву. А Новгородци въ то время приведоша собѣ изъ Литвы князя Лугвеня, а все то Псковичемъ не на добро, но на большее зло и на погубленіе, хотя искоренити отъ основанія градъ Псковъ: вложи бо діаволъ въ сердца ихъ, любовь дрѣжаху съ Литвою и съ Нѣмци, а на Псковичъ велику ненависть дрѣжаху; а Псковичи упованіе възложиша на святую Троицу и на князя великого Василья Дмитріевича. *Того же лѣта князь местеръ събравъ силы многыя, и Задвиньскую силу Курскую подъемъ, прииде отъ Бѣлого Камени въ землю Псковскую, мѣсяца августа въ 18 день; а Псковичи безъ пригородовъ поидоша противу имъ, токмо совокупивше волости своя, и усрѣтоша ихъ на броду у Выбута, а броды вси бяху заворены ворами; и стояша поганіи ту 4 дни, и многожды хотяху пребрести рѣку, и не возмогоша, Псковичемъ біющемся съ ними, и поидоша прочь, а не учинивше ничтоже; и Псковичи идоша въ слѣдъ ихъ, и постигоша ихъ за Камномъ на Логовицкомъ поли, а Нѣмци станы стаща, въ недѣлю о вечернемъ годѣ, августа въ 21 день, на память святаго апостола Фаддея и святыхъ мученици Вассы; и Нѣмци воскорѣ исполчишасѣ, и тако Псковичи удариша на нихъ, и много бившесѣ одолѣша Нѣмци, а Псковичи побѣгоша, и убиша на еступѣ Елентіа посадника, и Картача посадника, и Панкрата посадника, и бояръ много, а всѣхъ людей избиша 700 человекъ, и паде тогда и Нѣмецъ много. А въ то время иная рать Псковская ѣздиша въ лодяхъ и въ насадахъ за Норову, и егда быша на Псковскомъ озерѣ въ Осатиѣ, и Нѣмци въ шнекахъ постигше ихъ ударишасѣ на нихъ; и Псковичи пометавше 7 насадовъ и прочіи посуди, и побѣгоша, и прибѣгоша ко Пскову пѣшъ. И бысть Псковичемъ тогда многыя скорби и бѣды, ово отъ Литвы, а иное отъ Нѣмцѣ и отъ своей братья отъ Новгорода, ово смерти належащи, а все то Богу попустившю грѣхъ ради нашихъ. И егда коли бѣше князь Костянтинъ въ Псковѣ, тогда бѣше овсяная зобница по гривнѣ, а ржи по 3 мѣрѣ за полтыну, а соль по гривнѣ да по осми мордокъ пудъ, а полтына серебра по 15 гривенъ.

Полн. Собр. Лѣт. 197 — 199.

Въ лѣто 6916, на Черкисовѣ недѣли въ субботу, на память святаго священномученика Власіа, поганный князь местеръ събравъ силы многы и Литву подъемъ, прииде въ землю Псковскую, и самъ станомъ стояше на Демяници 3 дни и 3 нощи, и распусти многыя вой по волостемъ; а иная рать пришедше подъ Велье, стояша 4 дни и 4 нощи, и много всеу тружавшесѣ и не учиниша граду ничтоже, отъидоша, Богъ бо храняше градъ; а подъ Вороначь приѣхаша Литва, и Вороначани выѣхавше избиша Литвы 100 мужъ, а инѣхъ руками

а) *Преды симъ въ видѣ заглавія киноварью: о каменскомъ побоищи.*

яша; и воеваша Нѣмци всю Залѣскую страну и до Черехѣ, и прешедше за рубежъ воеваша¹⁴⁰⁸ въ Леженицахъ, и на Болотахъ, и на Дубскѣ, и на Гостени, и подъ Кошкинымъ городкомъ,^{—11} и много забѣглыхъ Псковичъ и Новгородцовъ овѣхъ изсѣкоша и овѣхъ плѣниша и пожгоша. А Псковичи въ то время посла своего слаша въ Новгородъ, и биша чоломъ со слезами, абы отмстили нетокмо Псковскимъ кровемъ, но и своихъ ради плѣненныхъ и изсѣченныхъ; а они о всемъ томъ не брегоса, но и съ укоризнами Псковичемъ отрекоша не помощи, и посла своего тогда послаша въ войско къ местеру, а Псковичемъ на зло. Тогда выѣха изъ Пскова князь Костянтинъ Бѣлоозерскій, а Псковичемъ не учинивъ помощи никоеяже. А князь местеръ двѣ недѣли ходиша по волостемъ Псковскимъ и по Новгородскимъ, сѣкуще и плѣняюще и жгуще, и много зла створше отъидоша. И потомъ Псковичи приведоша собѣ князя Данила Александровича изъ Порхова, на Усрѣтеніе Господа нашего Ісуса Христа, и пріяша его честно. Тоя же зимы пріѣха въ Новгородъ братъ меншіи князя великого князь Костянтинъ, а другой князь Литовскій пріѣха Лугвень; а Новгородци обою князей пріяша. Того же лѣта, на весну, мѣсяца маіа въ 6 день, пригнавше поганіи Нѣмци къ Велью и поймавше мужъ и женъ и дѣтей 40 головъ, и побѣгоша прочь, и Вельяни погнашася въ слѣдъ ихъ; они же поганіи подсадою удариша на нихъ, и убиша Вельянъ 60 мужъ. И пакы, того же дни къ вечеру, приспѣша Вороначани и сугнаша ихъ уже на рубежи, и ударишася на нихъ; и видѣвше поганіи, яко не успѣша ничтоже, они же плѣненныя посѣкше, а сами побѣгоша, и убиша Нѣмецъ 30 мужъ, а иніи разбѣгошася. Того же мѣсяца маіа Изборяни ходиша въ Нѣмецкую землю, и ударишася Нѣмци на нихъ, и убиша ихъ 11 мужъ. И паки потомъ, въ осень, Псковичи взяша съ Нѣмци перемирье до Усрѣтенія Господа нашего Ісуса Христа.

Полн. Собр. Лѣт. IV. 199 — 200.

Въ лѣто 6917. Князь великій Василій Дмитріевичъ събравъ силы многы, всю свою область, иде на князя Литовского тестя своего Витовта, а князь Витовтъ подоймѣ своихъ Литовниковъ, и усрѣтошася на Угрѣ, и взяша миръ. Тоя же зимы Нѣмци, препустивъ по перемирьи на третей день, мѣсяца февраля 5 день, поганый князь местеръ събравъ силы своя многы и Литву, прииде на землю Псковскую и повоева многы волости Псковския и Новгородския, а Новгородци всего того не брегоса, а на перечину Псковичемъ; и Нѣмци ходивше по Псковскимъ волостемъ недѣлю, и остаточныхъ волостей плѣнивше и пожегше, отъидоша. Тоя же зимѣ въ Псковѣ отложиша кунами торговати, и начаша пѣнязми торговати; и бѣше тогда соли Русѣ на полтыну полпятъ зобницъ, а ржи на полтыну 6 зобницъ.

Тамъ же IV. 200.

Въ лѣто 6918. Послаша Псковичи Ѳедоса посадника и Юрья Винкова Тимоѣевича бити чоломъ князю великому Василью Дмитріевичу и просити собѣ князя, и дасть имъ князя Александра Ѳедоровича Ростовского; и пріѣха во Псковъ мѣсяца септеврѣа въ 26 день, и Псковичи пріяша его честно. Тоя же зимы, въ великое говѣніе, апрѣля въ 4, преставися князь Псковскій Данилей Александровичъ, и положиша мощи его въ святѣй Троици. Того же лѣта, мѣсяца іюля 28, посадникъ Псковскій Ларіонъ, и посадникъ Иванъ и Микула, и иныхъ бояръ много ѣздиша подъ Кирыапигу, и взяша миръ съ княземъ местеромъ и со всѣми Нѣмцами, а опроче Новагорода. А въ Литву къ князю Витовту послаша Псковичи Якима посадника, и Терентіа Ѳоминача, и Сидора Дѣдькова, и взяша миръ съ княземъ Витовтомъ, а опроче Новагорода.

Въ лѣто 6919. Псковичи выпровадиша князя Александра Ростовского, и послаша къ князю великому посадника Ивана Сидоровича и Ѳедора Шибалкинича, и испросиша собѣ

1411 князя Костянтина Дмитріевича, меньшаго брата великому князю Василью. Того же лѣта Пско-
—18 вичи сожгоша 12 жонке вѣщихъ.

Въ лѣто 6920. Пріѣхъ въ Псковъ князь великій Костянтинъ Дмитріевичъ, ноябрю въ 11, и Псковичи пріѣхъ его честно. Того же лѣта и миръ взяша съ Новгородцами по старинѣ.

Въ лѣто 6921. Поставлена бысть церковь камена святой Василей на Горкѣ. Того же лѣта въ Псковѣ былъ владыка Иванъ 2 недѣли, и своихъ дѣтей Псковичъ благословивъ, отѣхъ мѣсяца августа въ 6. Того же лѣта князь Костянтинъ отѣхъ въ Новгородъ, и тамо пребысть годъ, и паки пріѣхъ во Псковъ.

Въ лѣто 6922. Псковичи поставиша градъ Коложе на новомъ мѣстѣ на Опочкѣ, а сдѣлаша весь у двѣ недѣли въ осень по Покровѣ. Того же лѣта князь Костянтинъ поѣхъ изъ Пскова на Москву, въ Петрово говѣніе. Того же лѣта Псковичи потроша жито подъ Новымъ городкомъ и скотъ отгнаша; и потомъ Юрьевци прислаша во Псковъ послы, а Псковичи послаша 2 человекъ въ Новей городокъ, они же поганіи единого изсѣкоша, а другаго въ погробъ ввергоша, и Псковичи противу того посолъ ихъ пріѣхъ.

Въ лѣто 6923, на Воздвиженіе Господне, Нѣмци пріѣхъ гостя Псковского, а Псковичи Нѣмецкій гость пріѣхъ, и сдѣлаша обоиму и лѣто все, и потомъ Юрьевци прислаша пословъ своихъ и цѣловаша крестъ по старинѣ, и Псковичи отпустиша гостей и посла, а единого посѣкоша противу своего человекъ, а Нѣмци также отпустиша гостей Псковскихъ, іуля 27 день. Того же лѣта купцы Псковскыя разбиша старую церковь святую Софію, и начаша новую дѣлати. Того же лѣта, на весну, марта въ 19, пріѣхъ во Псковъ князь Андрѣй Александровичъ Ростовскій, и Псковичи пріѣхъ его честно; и цѣлова крестъ къ Псковичемъ. Того же лѣта мастеръ Еремѣй съверши церковь камену святыхъ мученицъ Вѣры, Любве, Надежи и матере ихъ Софіи, мѣсяца іуня въ 18, на память святаго мученика Леонтія, благословеніемъ служителя святыхъ мученицъ Ивана священника Хахиловича и повелѣніемъ купеческихъ старостъ, Андрѣя Тимоѣевича и Осей, и всѣхъ купцовъ.

Въ лѣто 6925. Псковскіи посадники, Θεодось и Селивестръ, и весь Псковъ наяхъ мастеровъ, и сдѣлаша стѣну отъ костра Незнановъ^а горкѣ и до Сысоевыхъ воротъ, а другихъ наймитовъ наяхъ, и поставиша костеръ на Кромѣ отъ Пскова, въ Петрово говѣніе кончаша, а въ Богородично говѣніе паде о полудни; а поимаша тое серебро на корчмитѣхъ. Того же лѣта Псковичи выгнаша князя Андрѣя Александровича, іуля 17 день. Того же лѣта попове невкупніи собравшесѣ биша чоломъ Пскову, и устроиша третій соборъ у святаго Николы надъ греблею. Того же лѣта преставися князь Григорій, на Снѣтной горѣ постригся, и положенъ бысть въ притворѣ на десной сторонѣ. Того же лѣта Псковичи быша рагозни съ Новгородцами, и послаша Ивана посадника Сидоровича, и Ларіона, и Акима, и Юрья Винкова, и иныхъ бояръ, и много биша чоломъ, просяще мира по старому крестному цолованію; и Новгородци чолобитѣя Псковского не пріѣхъ, а миру не взяша. Того же лѣта Псковичи послаша къ великому князю Василью Дмитріевичю посадника Селивестра Левонтеевича и Терентія Ооминича, и испросиша собѣ князя Θεодора Александровича; и пріѣхъ въ Псковъ за двѣ недѣли до Рождества Христова, и Псковичи пріѣхъ его честно.

Въ лѣто 6926. Князь Θεодоръ Александровичъ и весь Псковъ послаша въ Новгородъ Микулу посадника Павловича, и Андрѣя Ларивоновича, и Данила Филтяева, и взяша миръ по старинѣ, мѣсяца августа въ 28 день.

а) незнановъ; должно чит. отъ незнановъ или на незнановъ.

Въ лѣто 6927. Владыка Семеонъ пріѣхъ въ Псковъ, октября въ 16, и пребывъ во Псковѣ 1419
3 недѣли, отъѣхъ не сборовавъ, а Псковичи дѣтей своихъ всѣхъ благословивъ. Тогда при —32
владыцѣ преставися Романъ посадникъ, а на зиму въ субботу мясопустную преставися Ларіонъ
посадникъ. Того же лѣта поставлена бысть церковь камена святыи Никола въ Пескахъ. Того
же лѣта поставиша костеръ на Кромѣ отъ Псковъ падшійся.

Въ лѣто 6928. Псковичи наыша мастеровъ Ѳедора и дружину его побивати церковь свя-
таа Троица свинцомъ, новыми досками, и не обрѣтоша Псковичи такова мастера въ Псковѣ,
ни въ Новѣгородѣ, кому лити свинчатые доски, а къ Нѣмцомъ слаша въ Юрьевъ, и поганіи
не даша мастера; и пріѣхъ мастеръ съ Москвы отъ Ѳотѣя митрополита и научи Ѳедора ма-
стера святыа Троицы, а самъ отъѣхъ на Москву; и тако до году побита бысть церковь святая
Троица, мѣсяца августа въ 2, и даша мастеромъ 40 и 4 рубли. Того же лѣта бысть знаменіе
веліе въ Чирскахъ отъ иконы; нѣсть кому мощно еже не удивитися о семъ чудеси: отъ
суха древа отъ образа святыа Богородица изъ обою оку идяху слезы, яко мнозѣмъ каплемъ
капати; и священники послаша попы и діаконы, а отъ Пскова послаша Ѳедора Шибалкина
и иныхъ бояръ, они же шедше взяша, съ кандилы и похвалами и пѣснями принесоша въ
Псковъ, а священноиноки и священники и діаконы, и весь Псковъ, выдоша съ кресты и
усрѣтоша икону Матере Господня за Старымъ Възнесеніемъ, идѣже и нынѣ крестъ въ тыну;
и потомъ поставиша церковь въ женскомъ монастыри, и оттолѣ начаша праздновати знаменіе
святыи Богородицы мѣсяца іуля въ 16, на память святаго священномученика Анфиногена. И
потомъ, не на длѣзѣ времени, отъ Спасова дни, начаша въ Псковѣ и по всѣмъ волостемъ
мрети малыа дѣтки, и потомъ юноша и дѣвы и мужи и жены, и старыа мряху, по мало; и
бысть моръ великъ зѣло, и мнози тогда мужи и жены пріахъ ангелскій образъ мнишьскій.
Тогда пострижеса въ болѣзни князь Ѳеодоръ Александровичъ, и отъѣхъ на Москву. Тогда
посадники Псковскыа и весь Псковъ начаха искати священного мѣста, гдѣ была первая цер-
ковь святыи Власей, а на томъ мѣстѣ стояше дворъ Артемѣевъ, воротове, и Псковичи давши
ему сребро и спрятавши дворъ, обрѣтоша престолъ; и на томъ мѣстѣ въ единъ день поста-
виша церковь во имя святаго Всемиловитаго Спаса, и освящаша и литургію свершиша, мѣ-
сяца септемвріа 14, на Въздвиженіе честнаго креста. И мряху тогда жолозою отъ Спасова дни
и до Крещенія Господня, и тако милостию Божіею преста моръ; а пришло отъ Нѣмцевъ изъ
Юрьева.

Въ лѣто 6929. Зима бысть снѣжна веліи, и потомъ на весну бысть вода велика зѣло,
и наплънишася рѣки и источники и езера; а въ Новѣгородѣ много пакости учинисъ отъ воды.
Тоя же весны, въ Петрово говѣніе, мая 25, бысть въ Новѣгородѣ въ ночь наиде туча дож-
девая страшна зѣло, и падаше съ дождемъ каменіе акы яблока, а иное акы яица, а въ Псковѣ
въ ту же ночь видѣша облака огненная; и бысть все лѣто дождево, и вода велика. Того же
лѣта Перхурей чернецъ Сопешка даде мѣсто земли, и поставиша церковь святое Благовѣще-
ніе, и устроиша монастырь женскій въ Пескахъ. Того же лѣта свершиша церковь камену
святую Варвару, возлѣ святаго Николы, въ Опоцкомъ концѣ. Того же лѣта князь Литовскій
Витовтъ присла въ Псковъ своихъ людей, и велаше развергнути миръ съ Нѣмци; и Пско-
вичи дръжащеся крестного цѣлованія, того не восхотѣша, и послаша Селивестра посадника и
иныхъ бояръ къ князю Витовту и биша чоломъ, глаголюще: «како намъ, княже, по тобѣ
пособити? а на томъ есмы крестъ цѣловали, что намъ съ Нѣмци миръ держати, а по тобѣ
не помагати;» и Витовтъ оттолѣ нача гнѣвъ великъ дръжати на Псковичъ. Того же лѣта
Псковичи послаша къ князю великому Василю Дмитріевичю Микулу посадника и иныхъ
бояръ, и испросиша собѣ князя Александра Ѳеодоровича.

Въ лѣто 6930. За умноженіе грѣхъ нашихъ, Богу попустившю, на всю Рускую землю

1492 бысть гладъ великъ по 3 годы: и прежде въ Новѣгородѣ и по всѣмъ ихъ волостемъ, и на —²⁵ Москвѣ, и по всей Московской и по всей Тѣерской землѣ^а; и толми бысть тамо дорогъ хлѣбъ, яко на единомъ ковриѣ дати полтына, али каково портище, а ржи наша четверетка, чего кто запросилъ, а инѣи съ усердіемъ даваху, а еже бы гдѣ зобница купити ржи или овса, таковыхъ мало обрѣтаху, и мнози съ глада мряху. А въ Псковѣ тогда бѣше старыхъ лѣтъ клѣти всякого обилія изнасыпани на Кромѣ: и поодоша ко Пскову Новгородци, Корѣла, Чюдѣ, Вожани и Тѣеричи и Москвичи, и просто реши съ всей Руской земли, и бысть нахоженіе ихъ во Псковѣ много множество; и начаша по волостемъ и по пригородомъ и въ Псковѣ купяще рожь возити за рубежъ, и въ Псковѣ тогда бѣше зобница ржи по 70 ногатъ, а жита зобница по 50 ногатъ, а овса по 30 ногатъ, а на полтыну ржи полѣтретѣи зобници; и оттолѣ Псковичи заповѣдаша не продавати за рубежъ ржи и никакова обилія. А нахожихъ людѣи начаша изъ Пскова провадити и изъ всѣхъ волостей, и тако мнози разыдошася; а которіи остались во Псковѣ и по волости, мужи и жены и малѣи дѣти, тѣхъ множество изомроша, и накладоша тѣхъ пустотныхъ въ Псковѣ 4 скуделници, а по пригородомъ и по волостемъ или по могылемъ въ гробѣхъ покопано, то тѣмъ и числа нѣтъ. И бѣ тотъ гладъ по 3 года. Того же лѣта князь Александръ Ѡеодоровичъ Ростовскій прѣѣха въ Псковъ, мѣсяца априля въ 1 день, и Псковичи прѣаша его честно. Того же лѣта князь Литовскій Витовтъ събравъ силы многы, нетокмо Литву, но Москвичъ и Тѣеричъ и иныхъ многихъ подъемъ, и иде на Прусы, и взя градъ Голубъ и воева землю ихъ 3 мѣсяци, и возвратися миру не вземъ; и мнози ратніи его тогда голодомъ изомроша.

Въ лѣто 6931. Псковичи послаша къ князю великому Василю Дмитріевичю два посадника, Юрѣя Винкова и Ѡеодора Шибалкина, и биша чоломъ, чтобы своему тестю князю Витовту за Псковичъ доброе слово послалъ, абы гнѣва не дрѣжалъ и вины отдалъ; и князь великій не учини на добро ничегоже. Того же лѣта князь Витовтъ съ Нѣмцами взя миръ, но не крѣпкій. Того же лѣта князь Александръ Ростовскій выѣха изъ Пскова и съ челядью.

Въ лѣто 6932. Псковичи послаша къ князю великому Василю Дмитріевичю Ѡеодосіа посадника и бояръ князя просити на Псковъ, и биша чоломъ, абы печаловался о Псковѣ и избавилъ бы отъ гнѣва князя Витовта; и князь великій о томъ не учини на добро ничегоже, и дастъ на Псковъ князя Ѡеодора Патрикѣевича. Того же лѣта кончана бысть стѣна камена, перси кромскыа, а дѣлаша полчетверта года 200 мужъ, а найма взяша 1000 и 200 рубловъ; и потомъ поставиша на персѣхъ колоколницу, и колоколи повѣсиша, и 3 года стоявше распадошася перси. Того же лѣта прѣѣха въ Псковъ князь Ѡеодоръ Патрикѣевичъ, іуна 11, и прѣаша его честно. Того же лѣта Псковичи отложиша пѣнязми артугы торговати, и приставиша мастеровъ денги ковати въ чистомъ сребрѣ. Того же лѣта Псковичи съ княземъ местеромъ миръ утвердиша на 3 лѣта, и крестъ съ обѣю сторонъ цѣловаша. Того же лѣта послаша Псковичи въ Литву къ князю Витовту Селивестра посадника, и съ нимъ бояръ; они же ѣхавше не обрѣтоша его въ Литовской земли, и ѣхаша за Киевъ въ Луческъ Великій, и наѣхаша его за Лучьскомъ 500 верстъ въ градъ Кременци, и биша чоломъ, абы вины отдалъ и гнѣва на Псковъ не дрѣжалъ; онъ же съ яростію гнѣва наполнился, отвѣтъ даде по старому цѣлованію; они же возвратишася, не учинивше на добро ничтоже.

Въ лѣто 6933. Бысть въ Псковѣ хлѣбъ подешевле, по 5 зобницъ на полтыну ржи; а въ Новѣгородѣ бысть моръ великъ велии. Тоя же зимы Псковичи послаша къ князю великому

а) землѣ; сіе слово, пропущенное въ С., прибавлено Издателемъ.

Василью Дмитріевичю посадника Микулу Павловича, и бише чоломъ, чтобы избавилъ Псковъ¹¹³⁵ отъ гнѣва Витовтова; и не учини ничтоже. И паки тоя же зимы и преставися князь великій^{—26} Василій Дмитріевичъ, февраля 28. Тогда Псковичи биша чоломъ Новгородцемъ, и они отрядиша послы отъ себе въ Литву къ князю Витовту, а Псковичи послаша съ ними Ѳедора посадника, и Андрѣя Ларіоновича, и Ивана Ларьяновича, и инѣхъ бояръ; они же ѣхавше много биша чоломъ, и не учиниша ничтоже. Того же лѣта съ Ильина дни бысть моръ въ Псковѣ, и по пригородомъ и по всей волости Псковской, и въ Новѣгородѣ и по всей волости ихъ, а вси мряху единою болѣзнію, жолозою, и мряху отъ Ильина дни и до Крещенія Господня; и тако преста моръ. А князь Ѳедоръ Патрикѣвичъ того мору убоявся, поѣха изъ Пскова со всею челядью своею на Москву, августа въ 22, а былъ во Псковѣ годъ и 2 мѣсяца; обаче и тамо смерти не убѣжа, не по мнозѣ времени умре на Москвѣ.

Въ лѣто 6934. За старымъ Коложемъ, на Каменѣ озерѣ, бысть знаменіе: отъ иконы святаѣ Богородица идяше кровь, мѣсяца септеврѣа въ 16 день; сіе убо знаменіе прояви нахоженіе поганого князя Витовта, и многое пролитіе христіанскихъ кровей.^a Того же лѣта, мѣсяца іуна въ 29, на самъ Петровъ день, поганый князь Литовскій, отступникъ христіанскыя вѣры, Витовтъ разверже миръ съ Псковичами, и Псковичи послаша въ Новгородъ бити чоломъ, абы помогли; и не помогоша, но еще и послаша Александра Игнатъевича къ Витовту на Псковское зло. И егда мимоиде 4 недѣли и 4 днѣ, и онъ грьдый князь Витовтъ, собравъ силы своя многыя и Татаръ множество, прииде преже къ Опочкѣ, мѣсяца августа въ 1 день, и начаша прилѣжно къ городу лѣзти, а Опочани бяхуть ихъ ово каменемъ, ово колодьемъ, отъ заборолъ отсѣкая, и множество ихъ побиша; и много поганіи всеу трудившеся, два дни и 2 нощи стоявше отъидоша, не учинивше граду ничтоже, Богъ бо святый Спасъ блюдыше градъ. И тако възъярився прииде къ Вороначу, августа въ 5, въ понедѣльникъ: и исчинивше пороки, шибяху на градъ каменіе великое. И бѣ Вороначаномъ притужно велими, и послаша гонца ко Пскову, чтобы печаловалися о нихъ, и Псковичи послаша къ Витовту посадника Ѳедора Шибалкина, а съ нимъ бояръ, и биша много чоломъ; онъ же чолобитъ не пріятъ. И тако начаша прилѣжниѣ къ городу лѣзти, пушками шибая и пороками. И приспѣвши нощи, и бысть чюдо страшно: внезапно наиде туча страшна и грозна, и дождь силенъ, и громъ страшенъ, и мѣлніа безпрестани блистая, яко мнѣти уже всѣмъ отъ дождя потопленнымъ быти, али отъ грома каменіемъ побіенымъ быти, или отъ мѣлніа сожженнымъ. А Вороначани безпрестани съ слезами моляхуся Богу и святому великому мученику Христову Георгію о избавленіи града; а Псковичи видѣвше, что Витовтъ^b чолобитъ ихъ не пріа, ожгоша посадки своя. И Витовтъ въ велицѣхъ страстѣхъ бывъ, и призва къ собѣ Вороначанъ и оболстивъ ихъ взя съ ними перемирье, и Вороначани послаша гонца своего ко Пскову, и Псковичи послаша къ князю Витовту Якима посадника, и Ѳедоса посадника, и инѣхъ бояръ. Еще же и о семъ повѣмъ: а въ засаду къ Котелну городу тогда же послаша посадника Селивестра и посадника Ѳедора Шибалкина, и съ ними 400 мужъ, а Витовтъ слышавъ то, посла къ Котелну 7000 мужъ Литвы и Татаръ, а Псковичемъ того не вѣдущимъ; и егда быша Псковичи подъ Котелномъ, удариша на нихъ Литва и Татары и убиша Псковичъ 17 мужъ, а руками яша 13 мужъ, а Псковичи съ ними бишася побѣгая къ городку, и побиша Литвы много, и тако вбѣгше въ Котелно и затворишася. А Островичи тогда ходиша торonomъ къ Велью, и наѣхаша на нощлѣзѣ Татаръ и убиша отъ нихъ 40 мужъ Татаръ, а мало ихъ убѣжа, а инѣхъ подо Вревомъ Вревичи побиша. Мы же сіа оставльше

а) *Предъ сего статью въ видѣ заглавія: о витовщинѣ подъ вороначемъ.* б) *витовтъ. витовти такъ по мѣстамъ въ С*

Томъ V.

1426 на предняя возвратися. И прїѣхавше Якимъ посадникъ и Феодосїи биша много чоломъ и
—31 срядишася дати 1000 рублевъ, и взяша миръ съ княземъ Витовтомъ августа 25, а полоненыхъ
вдаде на поруку посадникомъ; а срокъ положиша привезти серебро 1000 рублей и полонен-
ныхъ всѣхъ въ Вилни поставити предъ княземъ Витовтомъ на Крещеніе Господне, и отъидоша.

Въ лѣто 6935, мѣсяца септеврїа въ 5 день, бысть знаменіе въ солнци: около солнца б
явися круговъ, а кругъ за кругъ связался, и различни бѣаху цвѣтами, овъ черменъ, овъ
зеленъ, а иный жолтъ. Того же лѣта Псковичи послаша къ великому князю Василью
Васильевичю Юрья посадника Тимоѣевича, а съ нимъ бояръ, и биша чоломъ, чтобы послалъ
своихъ бояръ къ дѣду своему князю Витовту, и вдарили бы чоломъ за Псковичъ; и быше
ему тогда брань велика съ княземъ Юрьемъ, стриемъ своимъ, о великомъ княженіи, нъ
обаче о всемъ томъ не брегъ, вресечя. И на зиму присла князь великій своихъ бояръ въ
Псковъ, и Псковичи послаша съ ними посадника Якима Павловича, и посадника Ивана
Сидоровича, и инѣхъ бояръ, и даша имъ реченное Витовту серебро, и поставиша плѣнныхъ
предъ княземъ Витовтомъ и серебро положиша 1000 рублей, и много биша чоломъ; онъ же
поганый немилостиво имѣа сердце, серебро взя, а плѣнныхъ на крѣпости посади. Того лѣта
умножи Богъ всякого обилья, хлѣба въ Псковѣ по 7 зобницъ ржи на полтыну, а говядь 3 яло-
вичи на полтыну. Тоя же весны, въ великое говѣніе, преставися посадникъ Псковскый Микула
Павловичъ, априля въ 9. Тогда, за 3 недѣли до Велика дни, Псковичи послаша въ Литву къ
князю Витовту посадника Селивестра Левонтеевича и намѣстника владычня Парфея; они же
ѣхавше и много бивше чоломъ, dokonчаша за полоненыхъ полъпятаста рублевъ, а серебро
дати на Покровъ святѣй Богородици.

Въ лѣто 6936. Псковичи послаша къ великому князю Василью Васильевичю посадника
Феодора Шибалкиннча, и испросиша собѣ князя Александра Феодоровича Ростовского; онъ
же присла прежде себе сына своего Дмитрія, Дмитрій же пребысть во Псковѣ и до полу-
зимѣ, а ждя отца своего, и не дождавъ его отѣха на Москву. Тоя же зимы преставися
посадникъ Псковскый Феодоръ Шибалкиннчъ, генваря въ 10 день. Тоя же зимы, въ великое
говѣніе, февраля 29, Котелно городокъ^а выгорѣлъ весь; а загорѣлося отъ церкви святаго
Николы. Того же лѣта князь Литовскый Витовтъ разверже миръ съ Новгородци, они же
прислаша ко Пскову помощи просити противу Витовта, и Псковичи отрекоша: «какъ вы
намъ не помогосте, тако и мы вамъ не поможемъ; а еще межю нами крестное цѣлованіе съ
Витовтомъ, что намъ по васъ не пособляти;» а князь великій тогда Василій Васильевичъ къ
дѣду своему князю Витовту и крестъ поцѣлова, что ему не помогати по Новѣгородѣ, ни по Псковѣ.
А князь Витовтъ събравъ силы многы, прииде прежде къ Вышегороду, іюля 18 день, и потомъ
къ Порхову, и Новгородци съ владыкою Еуѣиміемъ привезше дары многы, и добиша чоломъ
пятнадцать тысящъ рублей; и стоявъ подъ Порховомъ недѣлю, и отъиде іюля въ 28 день.

Въ лѣто 6937. Псковичи послаша Микифора Совкина, Карпа Зобанова и Аѣанасїа Терен-
тѣевича къ князю великому Василью Васильевичю, они же ѣхавше испросиша собѣ князя
Александра Феодоровича; и прїѣха въ Псковъ и съ сыномъ своимъ княземъ Дмитріемъ, февраля
въ 20, и Псковичи прїяша его честно; се же буди вѣдомо, яко сїи князь Александръ уже
третіе прїѣха въ Псковъ княземъ. А тогда быше ржи на полтыну 9 зобницъ.

Въ лѣто 6939. Князь Псковскый Александръ и посадникъ Селивестръ заложилъ новый го-
родокъ на новомъ мѣстѣ, на рѣкѣ надъ Ругодивомъ, въ Залѣсьи, Выборъ, и начаша дѣлати на
Воздвиженіе честнаго креста, и до зимы сдѣлаша. Тоя же осени умре поганый князь Литовскый

а) городокъ - городке такъ въ С.

Витовтъ, и сѣде на столѣ его князь Свитригайло Олгердовичъ. Тогда Псковичемъ съ Нов-¹⁴³¹городци не бѣше миру, ни рати. Того же лѣта, на весну, князь Псковскій Александръ^{—34} Ростовскій, и посадникъ Якимъ Павловичъ, и Ѳеодосій Ѳеофиловичъ, и Стефанъ наяха 300 человекъ и заложиха городъ на берегѣ на рѣкѣ на Гдовѣ, на 5 недѣли по Великѣ дни; а на Гдовскихъ земцахъ, въ кого тамо отчина, взяша 300 рублей въ камену стѣну. Того же лѣта послаша Псковичи въ Новгородъ Ивана посадника Сидоровича, и Селивестра посадника, и ихъ бояръ, и много биша чоломъ владыцѣ Еуеимію и всему Новугороду о миру; они же миру не даша, а рати не учиниша. Того же лѣта преставися святѣйшій митрополитъ всеа Руси Фотій, іуля 1.

Въ лѣто 6940. Послаша Псковичи къ князю Литовскому Свитригайлу Якима посадника, и Алексѣя Ефремовича, и ихъ бояръ, и биша чоломъ о миру: и Свитригайло дасть миръ и рубежъ земли и водѣ, по старинѣ, по крестному цѣлованію князя Витовта; и утвердивше миръ, цѣловаша на томъ крестѣ. Того же лѣта, мѣсяца мая въ 3, бысть туча темна и грозна, и дождь силенъ, и громъ страшенъ, и мѣлкія блисташе безпрестани; а на Свѣтлой горѣ въ монастыри въ тѣи часъ пояху старци вечернюю, и отъ блистанія мѣлкія исполнися церковъ пламени, и чернцы вси падоша ницъ отъ страха пламени того, и не ополѣ ни единъ, а иконы позлащенныя вси потемнѣша. Того же лѣта послаша Псковичи къ Новугороду 3 посадника, Юрья, и Селивестра, и Якима, и много биша чоломъ о миру; и Новгородци чолобиться не пріаша, а миру не даша, а рати не учиниша.

Въ лѣто 6941. Смоленскій владыка Герасимъ иде къ Царюграду, и патріархъ постави его митрополитомъ. Того же лѣта княземъ Литовскимъ бысть брань велія между собою, князю Жидимонту съ княземъ Свитригайломъ, о великомъ княженіи: и собравше силы многыя другъ на друга, и съступишася на бой декабря 8, и падоша мнози съ обою сторонѣ, и одолѣ Жидимонтъ, а Свитригайло побѣже къ Полотску. Тоя же зимы бысть знаменіе въ лунѣ, генваря въ 6, въ 7 часъ нощи; а мѣсяца іуля въ 14 отъ грома и отъ молніи много людей и коней побѣ, и за рѣкою противу Свѣтлой горѣ дворъ сожже, а другіи дворъ противу Старого Вознесенія сожже; а того же мѣсяца іюня въ 17 бысть знаменіе въ солнці, а въ 29, въ Петровъ день, бысть знаменіе въ лунѣ. Тогда Нѣмецкей городке Колыванъ выгорѣ весь отъ молніи. А мѣсяца іюля въ 3 день, въ пятокъ, отъ молніи загорѣся два костра на Крому, кутней да на персѣхъ, отъ Великой рѣки, а въ церкви у святой Троицы поща ожже, въ часъ егда обѣдную пѣлъ, и бысть страхъ на всѣхъ, и потекоша множество людей на Кромъ, и едва угасиша; а за рѣкою въ монастыри святаго Іоана отъ мѣлкія наполнися церковъ пламени, и потемнѣша иконы позлащенныя; и того ради священники начаша, по граду съ кресты ходяще, Богу молиться. Того же лѣта князь Юрьи Дмитріевичъ сѣде на Москвѣ на великомъ княженіи, а Василій Васильевичъ братанъ его побѣже на Тферь; а Юрьи того же лѣта и умре. Того же лѣта Петровскіи сусѣди разбиша костеръ старый у святаго Петра и Павла. и въ томъ камени сздаша церковъ святаго Бориса и Глѣба; и оттолѣ начаша разбивати всю стѣну старую къ Великой рѣкѣ.

Въ лѣто 6942. Псковичи послаша къ Новугороду Ивана посадника Сидоровича, и Якима посадника Павловича, и ихъ бояръ, и много бивше чоломъ, а миру не взяша. Тоя же зимы князь Александръ поѣха изъ Пскова съ всею челядью своею на Москву, февраля 28; а былъ тотъ князь во Псковѣ трижды, а житія его всего въ Псковѣ 12 годъ. А въ тотъ же день пріѣха изъ Литвы во Псковъ зять его князь Володимиръ Данильевичъ, а былъ въ Литвѣ 10 лѣтъ; и Псковичи пріаша его честно. Тоя осени Герасимъ владыка пріѣха изъ Царяграда въ Смоленско, отъ патріарха поставленъ митрополитомъ на Рускую землю, а на Москву того ради не поѣха, князи великіи заратишася между собою. Тоя же зимы князь великій Василій Васильевичъ събравъ силу

¹⁴³⁴—³⁶ велику, и поиде ратью на князя Юрья, стрья своего, а забывъ руки и праваго слова, и шедъ взя градъ Галичъ, и повоева и пожже волости, а князя Юрья ту не бысть; и прииде въ Переяславль, и многое зло створися тогда. А князь Юрьи, съ двѣма сыны своими, совокупивъ силу о себѣ велику, и прииде къ Переяславлю и сступишася на бой; и бысть сѣча страшна мѣсяца марта въ 16^а, и одолѣ князь Юрьи, а князь Василей побѣже, и прибѣже въ Новгородъ марта 31, на святой недѣли въ среду, и Новгородци пріяша его честно. А князь Юрьи, гоня по немъ ратью, прииде къ Москвѣ въ четвергъ великій и стоя подъ городомъ недѣлю, и отвориша ему градъ въ четвергъ святыя недѣли; и пограби казну князя Василья, и княгиню Марью и сноху ея поима, и сѣде на княженіи. А князь Василій въ Новгородѣ пребывъ 3 недѣли и два дни, отѣхъ на Тѣерь. Того же лѣта бысть хлѣбъ дорогъ вельми въ Нѣмецкой земли, а во Псковѣ ржи на полтыну 13 зобници. Того же лѣта поставлена бысть церковь камена Спасъ Милостивый, на Торгу. Того же лѣта преставися на Москвѣ князь великій Юрьи Дмитріевичъ; и князь Василій, сынъ его, побравъ злато и сребро, казну отца своего, и градскій запасъ весь и пускичи, и подоймя съ собою князя Романа Переяславского, побѣже къ Новгороду; а князь Василій Васильевичъ, услышавъ то, вскорѣ со Тѣери прииде на Москву и взя миръ съ дѣтми князя великого Юрья, съ Дмитріемъ и съ другимъ Дмитріемъ братомъ его, а самъ сѣде на великомъ княженіи. И егда прибѣже въ Новгородъ князь Василій Юрьевичъ, а князь Романъ побѣже отъ него, онъ же поймавъ его повелѣ отсѣщи руку и ногу, и умре; а самъ князь Василій Юрьевичъ въ Новгородѣ на Городищи поживъ 8 недѣль, поѣхъ на Заволочье, и оттолѣ взя миръ съ великимъ княземъ. Того же лѣта Псковичи послаша къ Новгороду Селивестра посадника, и Стефана Родивоновича, и инѣхъ бояръ, и взяша миръ и цѣловаша крестъ съ обою сторонъ.

Въ лѣто 6943. Приѣхъ во Псковъ архіепископъ Новгородскій Евѣимій, генваря 13, а не въ свое лѣто реченое, и хотѣ своего Новгородца намѣстника и печатника посадити, а не якоже первіи владыки, его братіа, уставиша; и Псковичи не даша ему тоя воли; онъ же разгнѣвався поѣхъ изъ Пскова, и князь Володимиръ и посадникъ Селивестръ и Ѳеодосъ добивше чоломъ, възвратиша ѱ, и даша ему судъ и на поѣхъ подѣздъ; и посадники^б повѣлѣша ему сборовати въ святѣй Троици, онъ же разгнѣвався и не сборовавъ поѣхъ изъ Пскова, генваря 30. Того лѣта морозъ^в побилъ рождъ. Того же лѣта князь Литовскій Свитригайло поима митрополита Герасима въ городъ Смоленскѣ, и окова твердо желѣзы, испровади въ Видбескъ и державъ на крѣпости 4 мѣсяца, сожже огнемъ іюля 26 за толику вину, что перевѣтъ на него дрѣжалъ къ князю Жидимонту. И потомъ князь Свитригайло собравъ силы многыя, Смольняны, и Видѣбляны, и Кіаны, и Полочаны, и князя местера Ризского съ силами его и заморцовъ, поиде на князя Жидимонта; а Жидимонтъ събравъ Литву, и Ляхи, и Жимонты, поиде на Свитригайла: и съступишася въ Жимонтьской земли мѣсяца септеврѣа 1, и бысть бой великъ и сѣча страшна, и побѣдиша множество князей и пановъ Свитригайловыхъ, и одолѣ Жидимонтъ; а Свитригайло побѣже въ малѣ дружинѣ, и прибѣже въ Полотьско, а съ нимъ 30 мужъ только прибѣгоша.

Въ лѣто 6944. Приѣхъ въ Псковъ изъ Ригѣ отъ местера князь Литовскій Иванъ Баба, а въ своемъ безвременіи; и пребывши въ Псковѣ до полузимы, поѣхъ на Москву къ великому князю. Тоя же зимы приѣхъ во Псковъ князь Борисъ, и Псковичи пріяша его, чаяхуть его приѣхавша отъ князя великого намѣстникомъ; и Псковичи послаша къ великому князю Ивана Ларіанова и Тимоѣя Поткина, и съ ними князя Володимира, они же ѣхавше биша

а) марта въ 16. марта въ 26 такъ въ С.; но должно читать какъ въ текстъ: см. Псков. первую Лѣт. (т. IV, стр. 208). б) и посадники. и посадки ошибк. С. в) морозъ. морозе С.

чоломъ князю великому Василю Васильевичю, и дастъ имъ отъ себе намѣстникомъ князя Володимира Данильевича, а князя Бориса выпровадиша изъ Пскова, а онъ пролгался. Тоя же зимы Новгородци воеваша Луки Великіи и Ржову, а они не хотѣша дани давати. Тоя же весны, по Велицѣ дни, пріѣха во Псковъ изъ Литвы князь Иванъ Андрѣевичъ, внукъ Олгердовъ, а въ своемъ безвременіи, и Псковичи даша ему 100 зобницъ ржи, да 100 зобницъ овса, да 10 рублевъ на кормлю; и пребысть во Псковѣ до Рождества Христова.

Полн. Собр. Лѣт. IV. 210.

Въ лѣто 6945. Князь великій Василю Васильевичъ ослѣпи князя Василя Юрьевича. Тоя осени бысть вода велика зѣло.

Въ лѣто 6946. Пріѣха въ Псковъ Сидоръ митрополитъ Рускій, декабря въ 6, и въ святѣй Троици литургію сверши, и пребысть въ Псковѣ 7 недѣль; и отъя судъ и печать, и воды и землю, и вси пришлины владычни, и на тѣхъ оброцѣхъ посади намѣстника своего Геласія архимандрита, а самъ поѣха на осмый сборъ. Того же лѣта поставлена бысть церковъ каменная святый Аѳанасій, въ Домантовѣ стѣнѣ; а другая церковъ поставлена бысть камена святый Спасъ, у Старого костра.

Тамъ же IV. 210 — 211.

Въ лѣто 6947. Пріѣха въ Псковъ князь Александръ Ивановичъ, а правнукъ Олгердовъ, съ Тѣери; и Псковичи пріяша его честно и посадиша на княженіи, а князя Володимира Данильевича выгнаша изъ Пскова.

Тамъ же IV. 211.

Въ лѣто 6948. Убиша въ Литвѣ князя великого Жидимонта князи Черторизскыи, въ Лазареву субботу; и сѣде на великомъ княженіи Казимиръ королевичъ. Того же лѣта Полотско городъ^а выгорѣ весь. Того же лѣта въ Вороначи бысть знаменіе, августа въ 7 день: отъ иконы святаго Николы изъ суха древа истече кровь, изъ лѣваго уха; и священники пославше привезоша икону въ Псковъ, а Геласій архимандритъ и вси священники срѣтоша съ кресты, и множество народа удивившися о преславномъ чюдеси.

Тамъ же IV. 211.

Въ лѣто 6949. Городокъ^б Опочка выгорѣлъ весь, септевріа 5, а загорѣся отъ церкви святаго Спаса; и тоя осени поставиша новый. Тоя же осени, на Покровъ святѣй Богородици, пріѣха въ Литву митрополитъ Сидоръ отъ Римскаго папы Евгеніа, съ осмаго сбора Флоренскаго, и присла въ Псковъ своя грамоты и благословеніе; и своего намѣстника архимандрита Геласія сведе, и потомъ присла архимандрита Григорія, мѣсяца генваря въ 18. Тоя же зимы князь великій Василей Васильевичъ присла своего посла, веля Псковичемъ развергнути миръ съ Новгородци, а самъ въ то время стоялъ съ всѣми силами въ Торжку; и Псковичи, не хотяще ослушатися своего осподаря, отслаша Великому Новгороду мирную грамоту и цѣлованіе отказаши, и совокупивше вся своя силы, идоша къ Порхову и стояша у Порхова 3 дни, и повоеваша Новгородскую волость отъ Литовского рубежа и до Нѣмецкого, а поперокъ на 50 верстъ. А князь великій стоялъ подъ Деменомъ, и Новгородци послаша владыку Еуфиміа и съ нимъ посадниковъ и бояръ; они же ѣхавше и добиша чоломъ, и даша 8000 рублевъ за

а) городъ. городъ такъ въ С. б) городокъ. городке С.

1441 свою вину, а оброки и пошлыны по старинѣ; и князь великій съ Новгородци конча миръ какъ —⁴⁷ за себе, тако и за Псковичъ. Тоя же весны приѣха изъ Литвы на Москву митрополитъ Сидоръ, на вербной недѣли, и начатъ поминати въ молитвахъ Евгеніа папу Римскаго; и князь великій сведе его съ митрополіи, и за приставы посади его.

Полн. Собр. Лѣт. IV. 211 — 212.

Въ лѣто 6950. Убѣжа съ Москвы на Тферь митрополитъ Сидоръ, и князь Тферскій Борисъ приимъ его за приставы носадн, и потомъ отпусти въ великій постъ на средокрестной недѣли; и поѣха въ Литву къ князю Казимиру въ Новый городецъ. Тоя же зимы въ Псковѣ бысть моръ великъ зѣло: мнози тогда мряху мужи и жены и младыя дѣти, и аще кому явится железа, то наскорѣ умираше; а почало мерети канунъ Микулина дни зимняго, а почало изъ заулка изъ Пустынка отъ каменной церкви^а Христовѣ, и мряху все лѣто; и князь Александръ Ивановичъ, и посадники, и весь Псковъ поставиша церковъ въ единъ день на Романихѣ Похвалу святѣй Богородици, въ тѣи день и литургію свершиша священники. Тогда поставиша другую церковъ святаго Саву въ Микитѣевѣ монастыри.

Тамъ же IV. 212.

Въ лѣто 6951. Преста моръ въ Псковѣ на Дмитріевъ день, а по пригородомъ и по волостемъ еще мерли и до Крещеніа Господня. Того же лѣта приѣха во Псковъ отъ князя великого Василя Васильевича намѣстникомъ князь Александръ Васильевичъ Черторизскій, въ недѣлю сыропустную, и Псковичи пріяха его; и потомъ, мѣсяца августа 25, приѣхаша послы отъ великого князя и поручиша ему княженіе, и цѣлова крестъ къ князю великому и къ Пскову.

Тамъ же IV. 212.

Въ лѣто 6952. Псковичи послаша посадника Феодора Патрикѣевича и Прокопью судію въ Ригу къ князю местеру, и взяша миръ съ княземъ местеромъ на 10 лѣтъ, и цѣловаша крестъ мѣсяца септевріа въ 8. Того же лѣта поставиша двѣ церкви, едину въ Бродѣхъ Богоявленіе, а другую на Завеличьи Успеніе святѣй Богородици. Тоя же осени князь Александръ Васильевичъ съ Псковичами ѣздивше подъ Новый городокъ Нѣмецкій, и потроша жито на своей земли, и поймавше 7 Чюхновъ повѣсиша. Того же лѣта князь Свейскій Выборскій съ многими Свенци приѣхавше на Норову, и поимаша на нашей сторонѣ посадника Максима Ларивоновича, и съ нимъ 30 человекъ безъ треи, а иныхъ изѣкоша, а на миру; и быша въ полону годъ.

Тамъ же IV. 212.

Въ лѣто 6953. Псковичи послаша Прокопію въ Выборъ къ князю Свейскому Карлу, и взяша Максима и дружину его на окупъ, а ииѣи тамо изомроша; а даша окупа 120 рублей, а всей проторѣ полтораста рублей.

Тамъ же IV. 212.

Въ лѣто 6954. Поставиша церковъ камену на погребѣ въ Ситѣогорскомъ дворѣ, святаго Іоанна Богослова.

Въ лѣто 6955. Псковичи послаша въ Новгородъ посадника Зиновіа Михайловича, и Стефана Юрьевича, и Ондрона Тимофѣевича, и иныхъ бояръ, и взяша съ Новгородци миръ по

а) церкви пропущено въ С.

старшѣ, и цѣловаша крестъ на обѣ сторонѣ. Того же лѣта князь Александръ Васильевичъ 1447 поѣхъ изъ Пскова въ Новгородъ намѣстникомъ, въ Петрово говѣніе. —56

Въ лѣто 6956. Новгородци съ княземъ Александромъ Черторискымъ ходиша на Нѣмецъ, противу князя местера Ризского, и короля Прусскаго, и короля Свейскаго, и бишяся съ Нѣмци черезъ Норову рѣку : и одолѣша Новгородци, и побиша Нѣмецъ много, овыхъ на мори въ бусахъ побиша и истопиша, а иныхъ подъ Ямою побиша, а инѣхъ живыхъ руками яша 84 и князи 4 яша. Того же лѣта приѣхъ въ Псковъ князь Суздальскій Василій Васильевичъ, генваря 14, и Псковичи приаша его честно. Того же лѣта послаша Псковичи на Норову рѣку, возлѣ Новгородцовъ, взяти миръ съ Нѣмци посадника Ѳеодора Патрикѣевича, и Стефана Юрьевича, Аонасія Юрьевича, и Левонтіа Макарьинича, и Тимоѣя Власевича, инѣхъ бояръ много : и докончаша миръ посадники Новгородскіи и Псковскіи съ княземъ местеромъ и съ Юрьевци на 25 лѣтъ, и цѣловаша крестъ.

Въ лѣто 6957. Приѣхъ во Псковъ пресвященный архіепископъ Великого Новагорода и Пскова владыка Еуѡимій, декабря 27, и съборова въ святѣй Троици, и отѣхъ со многою честію.

Въ лѣто 6958. Погорѣ весь Псковъ, октября 22, на память святаго отца Аверкіа; а загорѣлося отъ Хытрѣ кожѣвника отъ Бурковѣ лавици отъ кутнего костра, и горѣло полѣторѣ нощи да день.

Въ лѣто 6960. Поставлена бысть стѣна новая на Кромѣ въ охабни, и учиниша въ ней погребѣ отъ Псковѣ межи воротѣ.

Въ лѣто 6961. Приѣхъ въ Псковъ пресвященный архіепископъ Великого Новагорода и Пскова владыка Еуѡимій, генваря 5; тогда князь Псковскій Василій Васильевичъ Суздальскій, и посадникъ Юрьи Тимоѣевичъ, и вси посадники биша чоломъ владыцѣ за своихъ богомолцовъ о 4-мъ сборѣ, и владыка Еуѡимій благослови невкупныхъ священниковъ, и повелѣ держати вседенную службу 4 сборъ у святаго Всемилоствягаго Спаса и у святаго великаго Христова мученика Димитріа. Того же лѣта преставися мати князя великаго Василія Васильевича княгиня Софья, іюня 15. Того же лѣта преставися князь великій Дмитрій Юрьевичъ Шемяка, въ Великомъ Новѣгородѣ, іюля въ 18 день. Того лѣта мразъ многа жита побилъ.

Въ лѣто 6962. Загорѣся въ концѣ Боловинскомъ отъ Прокофѣи намѣстника, и погорѣ 4 части града, отъ Плоского вехода по старую стѣну и по Враговку переметаша къ Глухому костру; а горѣло нощъ и день, декабря 14. Того же лѣта приѣхъ во Псковъ князь Иванъ Дмитріевичъ Шемячицъ изъ Новагорода, априля 9, и Псковичи приаша его честно и даша ему 20 рублевъ; и пребывъ 3 недѣли, поѣхъ въ Литву маіа 1. Того же лѣта приѣхъ во Псковъ митрополитъ Цареградскій Игнатей, іюня 1, и Псковичи чтиша и дариша его; и пребывъ 4 недѣли, поѣхъ въ Новгородъ іюля 1 день.

Полн. Собр. Лѣт. IV. 215 — 216.

Въ лѣто 6963. Князь Псковскій Василей Васильевичъ выѣхъ изъ Пскова въ Новгородъ, іюля 15; а Псковичи много биша чоломъ, и не послуша. Того же лѣта бысть знаменіе : отъ иконы святаго Богородици изъ праваго ока слеза изыде, въ Зряковицахъ; и привезоша въ Псковъ августа 24.

Въ лѣто 6964. Князь великій Василій Васильевичъ разверже миръ съ Новгородцами, и собравъ силы многіа и пришедъ плѣни волости многыа, и Русу взя февраля 2. И Новгородци совокупившеся выѣхаша противу ихъ, и Москвичи удариша на нихъ, Новгородци же видѣвше непособіе свое побѣгоша, и Москвичи гнашяся въ слѣдъ ихъ біюще ихъ, и убиша посадника Іосифа Носова и инѣхъ бояръ нѣколико, а иніи разбѣгошяся ранены, а князь Василей самъ третій убѣжа, а посадника Михаила Тучю руками яша. И прислаша въ Псковъ гонца своего

1456 съ чолобитьемъ, чтобы пособили противу князя великого; и Псковичи не помянуша древняя —⁶¹ злобы ихъ, но правяще свое крестное пѣлованіе, отрядиша воеводами посадника Леонтіа Макарьинича и Максима, и послаша съ силами февраля 15. Тогда владыка Еуѣимій ѣхавши съ посадники и съ бояры Новгородскими и съ Псковскими^а, добиша чоломъ князю великому Василью Васильевичю на Яжолвичахъ, и даша полдевятъ тысячи рублей, и взяша миръ по старинѣ. А стоялъ князь великій въ волостехъ Новгородскихъ полъчетвертъ недѣли; а Псковичи пребыша въ Новѣгородѣ полторѣ недѣли. Того же лѣта, мѣсяца іуна, отъ грома и отъ мѣліа много людей и коней побилло. Того же лѣта пріѣхъ изъ Новагорода въ Псковъ князь Александръ Черторизскій, а по Псковскому чолобитью, іуля 18; и пріаша его честно. Того же лѣта много велии идяше дождь, и бысть вода аки веснѣ. Того же лѣта намостиша мостъ Запсковскій, а даша мастеромъ 80 рублевъ.

Полн. Собр. Лѣт. IV. 216 — 217.

Въ лѣто 6965. Пріѣхъ въ Псковъ владыка Еуѣимій, генваря 4, при князи Александрѣ Черторизскомъ, и въ тѣи день и литургію сверши, и соборова у святѣй Троицы, и сененикъ чтоша; и подѣздъ возьмъ, поѣхъ изъ Пскова генваря 27.

Тамъ же IV. 217.

Въ лѣто 6966. Погорѣ все Запсковіе отъ церкви святаго Богоявленія и до монастыря святаго Вскресенія, и церковь святаго Козмы и Даміана сгорѣ; а загорѣлося отъ Якова отъ Желѣзова изъ Мошоной улицы. Того же лѣта преставися пресвященный архіепископъ Еуѣимій, марта 11. Того же лѣта прибавиша Псковичи зобници. Того же лѣта отъ грома сгорѣ церковь святое Вскресеніе, на Полонищи, а иконы и книги выносили; тогда же и каменную церковь поставиша на томъ мѣстѣ. Того же лѣта Псковичи на Кромѣ наддѣлаша на старой стѣнѣ новую узвышь, отъ захабна до кутнего костра; а даша мастеромъ полтора ста рублевъ.

Тамъ же IV. 217 — 218.

Въ лѣто 6967. Князь Александръ Черторизскій, и посадники, и Псковичи ѣхавше на землю и воду святыхъ Троица, на Озолицю и на Жолочко, и церковь поставиша во имя святаго Михаила, и сѣно покосиша, и ловцемъ своимъ повелѣша рыбы ловити по старинѣ; и Чюхновъ на Рожкинѣ повѣшали.

Въ лѣто 6968, мѣсяца генваря 22, о свадьбахъ, бысть пожаръ въ Псковѣ, а загорѣлося на Всохѣ отъ Ѳедоса отъ Гоболѣ отъ мясника; и милостию святыхъ Троица, переметаша отъ Торгу отъ святаго Спаса возлѣ Торговскій Боловинскій конецъ до церкви святаго Георгія и до Куклинѣ лавицы, а отъ Куклинѣ лавицы до стѣнѣ по конецъ Враговкѣ улицы; а выгорѣло три конца, Опоцкей, Городецкей, Острой лавицы, и княжей дворъ, по самъ Торгъ. Того же лѣта, въ великій постъ, Нѣмци изгонише на Озолицѣ церковь, и 9 человекъ сожгли. Того же лѣта князь Александръ Васильевичъ съ посадники и со Псковичами ѣхавше въ насадахъ и въ лодяхъ на то же мѣсто, на Озолицю, и шедше въ Нѣмецкую землю, много Чюди мужъ и жоуъ пожгоша и мѣсть мстиша. Того же лѣта, за мало время, ѣхавше Нѣмци у снекахъ и въ лодяхъ въ Норову рѣку, и насадѣ Псковскую у ловцовъ съ пушками и со всѣмъ запасомъ^б ратнымъ отняли, и дворовъ 40 и два двора выжгли; а людей Богъ ублюде.

Въ лѣто 6969. Пріѣхалъ посолъ отъ Великого Новагорода во Псковъ посадникъ Карпе и дружина его, по чолобитью Нѣмецкому и по ихъ сроку, и поѣхаша съ нимъ князь, и посад-

а) и съ псковскими.; въ С. безъ и : съ псковскими. б) запасомъ. засомъ омибк. С.

ники, и бояри Псковскіи на Озолицю и на Жалачко, и досмотрѣли того обидного мѣста, оже ¹¹⁶¹то земля и вола святыя Троицы; а поганіи Нѣмци, узнавше свою вину, не стаха на тѣх ^{—62}срокъ, и князь Александръ со Псковичами много ожидавше поганыхъ, отѣхаша прочь. Тоя же зимы, въ Рождественое говѣніе, князь Александръ со Псковичами ѣхавше воеваша Нѣмецкую землю на 70 верстъ, и 3 нощи въ земли ихъ бывше, пріѣхаша вси здрави и приведоша съ собою много полоненныхъ головъ, и скота и животу много, и отместиша мѣсть Норовскую. Того же лѣта, зимѣ, мѣсяца генваря 20, пріѣха князь великій Василій Васильевичъ въ Великій Новгородъ и съ евоими сынами, съ княземъ Юрьемъ и Андрѣемъ; и Псковичи послаша къ нему посадника Юрья Тимоѣевича и Максима Ларивоновича, и съ ними бояръ, и даша въ дары 50 рублевъ, и биша чоломъ, «чтобы ты, господарь, поборонилъ свою отчину Псковичъ отъ поганыхъ Нѣмцевъ, понеже пріюбижени есме много и водою и землею и головами, и домы Божіа пожжени, а на миру и крестномъ цѣлованіи; и о князи Александрѣ Черторизскомъ, чтобы ему быти во Псковѣ отъ тебе намѣстникомъ.» И отвѣща: «радъ есмь васъ боронити, какъ и прежніи прародители наши князи великіи; и жалую васъ княземъ Александромъ, оже поцѣлуетъ ко мнѣ и къ моимъ сыномъ крестъ на томъ, что ему не мыслити зла никакова на мене и на моихъ дѣтей.» И князь Александръ не въсхотѣ цѣловати, и убоявся князя великого, и побѣже въ Литву февраля въ 10 день. И князь великій слышавъ, что князя Александра въ Псковѣ нѣтъ, посла сына своего князя Юрья съ бояры въ Псковъ, а посадники Псковскіи и бояре срѣтоша его за рубежемъ, на Дубровнѣ, а игумены и священники и діаконы срѣтоша его со кресты противу Стараго Възнесенія; и вшедшу ему въ храмъ святыя Троицы, пѣша «много лѣтъ» и знаменовавше честнымъ крестомъ, посадиша его на столѣ отца его великого князя, а посадники и весь Псковъ пріяха его честно, февраля 23. И пріѣхаша послове Нѣмецкіи въ Псковъ отъ князя местера, и биша чоломъ князю Юрию Васильевичю за Юрьевчевъ о перемирьи; и князь Юрьи далъ имъ срокъ до Рождества Христова, а съѣзду быти на Успленіе святыя Богородицы, а на томъ послове Нѣмецкіи поцѣловаша крестъ. И потомъ посадники Псковскіи и весь Псковъ биша чоломъ и просиша княземъ на Псковъ, а отъ князей великихъ намѣстникомъ, князя Ивана Васильевича; и пожалова по ихъ чолобитью князь Юрьи, по повелѣнію отца своего, дастъ имъ князя Ивана Васильевича Стригу. А князь великій Василій Васильевичъ былъ въ Великомъ Новѣгородѣ 6 недѣль безъ дни, и поѣхалъ на Москву марта 1 день. А князь Юрьи Васильевичъ былъ въ Псковѣ 3 недѣли и 2 дни, а посадники и весь Псковъ честиша и дариша его, и даша ему 100 рублевъ; и поѣхалъ изо Пскова марта 18, а посадники и бояре проводиша его съ честію и за рубежъ 20 верстъ.

Полн. Собр. Лѣт. IV. 218 — 220.

Въ лѣто 6970. Пріѣхаша послове отъ архієпискупа Ризского, и отъ пискупа Юрьевского, и отъ всей Нѣмецкой земли судіа, въ Великій Новгородъ, къ владыкѣ Іонѣ и къ посадникомъ и всему Новугороду, бити чоломъ послу великого князя и Новгородцомъ, такоже и Псковскому послу посаднику Зиновію Михайловичю, о перемирьи; и учиниша перемирье Псковичемъ съ Нѣмци на 5 лѣтъ, и цѣловаша крестъ. Того же лѣта выѣха изо Пскова князь Иванъ Стрига на Москву къ великому князю, а Псковичи тогда послаша съ княземъ Иваномъ послы своя, посадника Максима Ларивоновича и иныхъ бояръ, чтобы печаловался князь великій своею отчиною и далъ бы князя, и даша дару 50 рублевъ; и князь великій вреклся стояти и боронити домъ святыя Троицы и мужей Псковичъ. И потомъ князь великій Василей Васильевичъ присла отъ себе намѣстника въ Псковъ княземъ, князя Володимира Андрѣевича; и Псковичи пріяха его съ честію. Того же лѣта поставиша церковь камену, на Мелотовѣ, Успеніе

Томъ V.

5

1463 святыя Богородици. Того же лѣта Псковичи поставиша новый городокъ, и нарекоша его —⁶³ Кобылюю. Того же лѣта преставися князь великій Василей Васильевичъ, и сѣде на великомъ княженіи на Москвѣ сынъ его Иванъ. Того же лѣта попове невкупшіи биша чоломъ Пскову, чтобы пятому сбору быти; они же повелѣша пятому сбору быти у Похвалѣ святыя Богородици, да у Покрова, да у Святаго Духа. Того же лѣта Псковичи поставиша городокъ, на Володчинѣ горѣ, Володимерецъ. Того же лѣта задѣлаша прясло стѣны на Кромѣ, и старой стѣнѣ наддѣлаша узвышь, отъ Великія рѣкы отъ костра до Домантовѣ стѣнѣ.

Полн. Собр. Лѣт. IV. 220 — 222.

Въ лѣто 6971. Выгнаша Псковичи князя Володимира Ондрѣевича изъ Пскова, а иныя люди на вѣчи съ степени съпхнули его; и онъ поѣхалъ на Москву съ безчестіемъ къ великому князю Ивану Васильевичу жаловатися на Псковъ. И потомъ на зиму послаша Псковичи послы своя, Тимоѣя посадника Власевича, и Якова Кротова, и Стефана Аванасевича, и Матуту и иныхъ бояръ, къ князю великому Ивану Васильевичю просити собѣ въ Псковъ князя, и не пусти ихъ къ собѣ на очі 3 дни, гнѣвъ держа про своего намѣстника князя Володимира; и потомъ много трудившеся добиша чоломъ, и князь великій чолобитые ихъ принялъ и далъ имъ князя по Псковскому изволенію, Ивана Звенигородскаго Олександровича. А тоя же зимы, въ великое говѣніе, марта въ 21, приидоша Нѣмци изгономъ ратью къ Новому городку съ многымъ замышленіемъ, хотяще плѣнити градъ и домъ святаго Архистратига Божіа Михаила, а иная сила Нѣмецкая поплѣниша и пожгоша исады Псковскыя. И въ то время бѣше въ городкѣ князь Иванъ, и сквозѣ рать съ городка присла своего человека гонцомъ къ Пскову; и посадникъ Федоръ Никифоровичъ, и Тимоѣй, и бояри, и Псковичъ немного того же дни совокупившеся, и приѣхаша къ городку назаутріе, а Нѣмци услышавше Псковскую силу отбѣгоша, и запасы своя пометавше; и быша Псковская сила на городкѣ недѣлю. И потомъ паки пришедше Нѣмци, пожгоша Островци и Подъяльшіе, и многихъ христіанъ присѣкли и въ полонъ свели, а съ городка Псковичи не смѣли вдаритися на нихъ, боящеся болшей силѣ Нѣмецкой, и послаша ко Пскову гонца; и Псковичи слышавше то, отрядиша воеводами Максима посадника, и Олексіа, и Игнатъ, и совокупившеся и съ пригорожаны приѣхаша къ городку, и не обрѣтоша Нѣмецъ. И прииде изъ зарубежіа доброхотъ Чюдинъ и повѣда Псковичемъ, что сила Нѣмецкая готова и хотять ударитися на сію ночь на Калпиное; и Псковичи въ тѣя часы поидоша тамо, и приидоша въ Калпиное порану и узрѣша, что Нѣмецкая сила жгутъ исады и церковъ Калпинскую зажгли; и тако помолившеся Богу ударихся на нихъ, а Нѣмци убоявшеся и побѣгоша, а Псковичи биша ихъ въ погоню на 15 верстѣ до Коховѣ рѣкѣ, и много множество Чюди паде и Нѣмецъ, а Псковичъ Богъ ублюде; се же бысть мѣсяца марта 31. А въ то время Ивашко діакъ скопи около себе нерубленыхъ людей, охвочихъ, и ходиша за Изборско въ слободу въ Нѣмецкую землю, и привелоша множество безчислено полона и живота. Тоя же весны, на Великъ день, приѣха отъ князя великаго Ивана Васильевича князь Иванъ Александровичъ Звенигородскій въ Псковъ на княженіе. Того же лѣта сдѣлаша перси, и колоколы повѣсиша. Того же лѣта свершена бысть церковъ камена святыхъ чюдотворецъ Козмы и Даміана. Того же лѣта помостиша мостъ плавушій чрезъ Великую рѣку. Того же лѣта, по чолобитію Псковскому, присла князь великій Иванъ Васильевичъ воеводу своего князя Федора Юрьевича съ силою Московскою, и Пско-

а) *Предъ симъ киноварю въ видѣ заглавія: о калпинскомъ побойщи.*

вичи поидоша съ нимъ въ Нѣмецкую землю къ Новому городку, и волости побоеваша и по-¹⁴⁶³ жгоша; и стояша подъ городкомъ 4 дни, и отъидоша не взявше, крѣпокъ бо бѣ градъ. И по-⁷¹ томъ Нѣмци ѣхавше въ Норову, Норолянъ Псковскихъ ловцовъ руками поимаша 9 человекъ, а судью Сидора Оданъ мечи изсѣкоша. Того же лѣта князь Ризскій местеръ присла своего князца и нѣхъ добрыхъ Нѣмецъ, и добиша чоломъ за Юрьевцовъ воеводѣ князя великого и князю Псковскому и Псковичемъ, и взяша миръ на 9 лѣтъ; а на Жолоцкѣ воду и землю отняша Псковичи, а Нѣмци отступися.

Въ лѣто 6972. Послаша Псковичи послы своя, посадника Максима Ларивоновича, и Ивана Гахоновича, и Микиту Плотичю, къ великому князю Ивану Васильевичю бити чоломъ на жалованьи, что послалъ своихъ людей въ помощь Псковичемъ на Нѣмецъ, и даша дару 30 рублевъ, и просиша владыкы на Псковъ. И отвѣчалъ князь великій о владыкѣ: «се язъ шлю бояръ въ Великій Новгородъ и къ вамъ, ино за ними все будетъ вамъ указано; а радъ есми печаловатися вами съ своимъ отцемъ съ митрополитомъ съ Θεодосіемъ;» и даде Максиму посаднику въ даръ верблуда.

Въ лѣто 6973. Псковичи обложиша стѣну древяну около Полонища и около Запсковіа, а блюдуцися ратной силѣ Великого Новгорода.

Въ лѣто 6974. Богу попустившю грѣхъ ради нашихъ, погорѣ весь Псковъ, а загорѣлося въягоми октября 18, на Лукинъ день; а тогда въ Псковѣ былъ владыка Іона, и въ пожаръ выѣхалъ на Снѣтную гору. Того же лѣта, въ Петрово говѣніе, погорѣ Полонище, а загорѣлося въ Кузнецкой улицѣ, и погорѣ отъ Лузскихъ воротъ и до Рожества святаго на Поли; а горѣло ночь да полднѣ. Того же лѣта бысть моръ въ Псковѣ и по всемъ волостемъ; и помолившися Богу поставиша въ единъ день церковъ завѣтную, во имя преподобнаго отца Варлаама, и въ тѣи день и литургію свершиша священники. Того же лѣта хмель дорогъ бѣше, по 100 и по 20 денегъ зобница.

Въ лѣто 6975. Свершена бысть церковъ камена Похвала святѣй Богородици, на Романихѣ.

Въ лѣто 6976. Свершена бысть церковъ камена святаго великомученика Пантелеймона, на Красномъ дворѣ. Того же лѣта Псковичи отлучиша отъ службы вдовствующихъ поповъ и діаконъ по всей Псковской волости, а не обослався ни спросившися съ митрополитомъ, ни съ архіепископомъ; и хотѣ архіепископъ Іона наложить на Псковичъ неблагословеніе, и митрополитъ Θεодосій о томъ ему възбранилъ.

Въ лѣто 6977. Прибавиша и сдѣлаша новыи ворота Запсковскіи, болши старыхъ, и даша мастеромъ 30 рублевъ. Того же лѣта, въ самыя свадебницы, пріѣде въ Псковъ пресвященный архіепископъ Іона, и съборова у святѣй Троици, и подѣздъ свой на полахъ побра, и отѣха; а посадники много честиша и дариша его; а вдовымъ попамъ подавалъ грамоты своя благословенныя, и повелѣ имъ пѣти, и благослови ихъ.

Въ лѣто 6978. Преставися пресвященный архіепископъ Великого Новгорода и Пскова владыка Іона; и тогда възведоша въ него мѣсто на святительство Θεофила.

Въ лѣто 6979. Князь великій Иванъ Васильевичъ разверже миръ съ Великимъ Новымъ-городомъ, и нача искати на Новгородцѣхъ своихъ прародителей старинъ, земли и водѣ и всѣхъ пошлинъ, какъ пошло отъ великого князя Ярослава Володимировича, и хотя отмстити Великому Новгороду древняя нечѣсти и многіа грубости, бывшіа отъ нихъ великимъ княземъ. О семъ аще хоцещи увѣдати, прошедъ Рускій лѣтописецъ вся си обряцещи. Мы же о немъ же начахомъ, сіа и скажемъ отъ велика нѣкая мала. И присла князь великій въ Псковъ своихъ пословъ, веля Псковичемъ възсѣсти на кони на своего брата на Великій Новгородъ: «а что вамъ съ Новымъ-городомъ миръ и крестное цѣлованіе, то язъ буду предъ Богомъ въ томъ грѣсѣ; а грамоту мирную имъ отверзите.» А въ то время Новгородци прислаша своего посла,

1471 — 76 моложского боярина, подвойского, къ своему брату Пскову не съ поклономъ, ни съ чолоб-
 тьемъ, ни съ моленіемъ, но съ гордынею глаголя: «врекается ли пособити намъ противу ве-
 ликого князя?» И Псковичи много думавше, положиша упованіе на Бога по здравію великого
 князя, и послаша въ Новгородъ розметную грамоту, и отрядиша воеводами посадника Сте-
 фана Ованасевича, и Якова Кротова, и Ивана Гахоновича и инѣхъ; и скопившися вся сила
 10 тысящъ, и поидоша за рубежъ съ княземъ Васильемъ Ѳедоровичемъ, и стаха подъ Вы-
 шегогородкомъ, и повоеваша волости и пожгоша около рубежа на 50 верстъ, али и болѣ. А
 Новгородци услышавше силу Псковскую: что воюють ихъ волости, и отрядиша воеводою Ка-
 зимира, и Дмитрія сына Марѣина и инѣхъ много бояръ, а около ихъ всей Новгородской силѣ
 40 тысящъ, и поидоша на Псковичъ. И наѣхаша на Шолохи обонѣполъ рѣки силу Москов-
 скую князя Данильа, и не дошедше Мусьсца и Солци вергошася Москвичи съ берега въ рѣку,
 и пребредше рѣку ударишася на нихъ, а Новгородци видѣвше такову дерзость ихъ обрати-
 шася на бѣгъ; и тако побѣгоша, и биша ихъ Москвичи въ погоню отъ Солци и до Мшаги
 рѣкы, и овыхъ поѣкоша, овыхъ раниша, и мало ихъ къ городу прибѣгоша; и многихъ
 бояръ тогда живыхъ руками^а поймавше, къ великому князю приведоша и немилостивно каз-
 нивше ихъ, и сѣкирою отсѣкоша имъ главы, къ колодѣ прикладая. И потомъ посадники Нов-
 городскіи, съ нареченымъ владыкою Ѳеофиломъ, пріѣхаша къ великому князю на Коростыню
 и добиша чоломъ, и даша 18 тысящъ рублевъ, и взяша миръ съ княземъ великимъ и съ
 Псковичами, по старинѣ, мѣсяца іюля 28. Того же лѣта попи некупниіи биша чоломъ Пскову,
 чтобъ печаловалися и били чоломъ князю великому и митрополиту, быти бы шостому сбору:
 и митрополитъ Филиппъ благослови и повелѣ быти 6-му сбору, въ церкви Входъ въ Іеруса-
 лимъ Господа нашего Ісуса Христа.

Въ лѣто 6980. Явися на небесѣхъ звѣзда, и протяже, отъ себе испусти свѣтлы луча аки
 хвостъ.

Въ лѣто 6981. Пріѣха изъ Рима за князя великого Ивана Васильевича царовна, и пріѣха
 на Псковъ и на Новгородъ; а Псковичи много чтиша ю, и даша въ даръ 50 рублевъ.

Въ лѣто 6982. Бысть Псковичемъ многи обиды и брани великыя съ Нѣмци, и послаша
 послы своя къ великому князю Ивану Васильевичю бити чоломъ и просити помощи противу
 Нѣмцевъ: и пожалова свою отчину князь великій, посла князя Данильа и инѣхъ бояръ много
 съ силами, и пріѣхаша въ Псковъ на Дмитровъ день, и стаха станы по всему Завеличию. И
 по смотрѣнію Божію, хотя Богъ възвратити оружіе безъ крови, обрати зимнюю студень на
 теплоту, и бысть вся зима тепла; и не лѣзъ бяше Псковичемъ поити въ Нѣмецкую землю,
 множества ради водъ. И князь мѣстеръ и вси Нѣмци и Юрьевци прислаша своего посла, рат-
 мана Пантелея, иже послѣди бысть въ нихъ мѣстеромъ, иже и подъ Псковъ приходи ратью,
 а съ нимъ добрыхъ людей Нѣмецъ много, и добиша чоломъ: и взяша миръ съ Рижаны на
 30 лѣтъ, а съ Юрьевци на 20 лѣтъ, а пива Нѣмцомъ въ Псковъ не возити, и оттолѣ преста
 крѣчма Нѣмецкая. И даша Псковичи Данилю 100 рублевъ, а княземъ и бояромъ 50 руб-
 левъ, и тако поѣхаша изо Пскова генваря въ 28 день. Того же лѣта, на весну, Псковичи
 отрядиша посломъ посадника Ивана Гахоновича, и съ нимъ бояръ, бити чоломъ князю вели-
 кому на его жалованіи и на помощи; и не даде имъ ни подворья, ни къ собѣ на очи не пусти,
 и стоявше на поли 3 дни отѣхаша безъ отвѣта.

Въ лѣто 6984. Бысть тма по всей земли, и тако смерчеся на малъ часецъ, яко стоящую

^{а)} руками — такъ поправлено; въ С. руки.

другу отъ друга за леху не видѣти, въ самую сыропустную недѣлю до обѣда. Сицевая зна- 1476
менія проявляетъ Богъ на многыя пагубы людемъ. —78

Въ лѣто 6985^a, септеврѣ 5, всегда ненавидѣй челоувѣчьскаго добра діаволъ, но пропиная многія сѣти своя, велѣ быти въ ненависти и во враждѣ другу на друга, свади Псковичъ съ княжими людьми: повезе Псковитинъ съ огорода капусту черезъ Торгъ, мимо^б княжей дворъ, и шестникъ похитивъ силою наручье тое капусты, даде княжому барану, и про то начаша Псковичи которатися съ шестниками; и они поидоша на Псковичъ съ ножами, и начаша стрѣлами стрѣляти, по Торгу ходя, и самъ князь Ярославъ възложи на ся ратную приправу и нача стрѣляти, и многыхъ раниша, а дву челоувѣкъ до смерти застрѣлиша; и тако Псковичи поидоша на нихъ съ дрекольемъ и съ каменіемъ, и убиша на Торгу повара княжого Курву, и възматеса весь градъ, и нѣкоторіи смысленіи люди едва уставиша народъ, и тако помалу уляже брань. И биша чоломъ князю великому на Ярослава, и просиша на Псковъ иного князя: и даде князь великій по Псковскому чолобитью въ Псковъ княземъ, а отъ себе намѣстникомъ, князя Василья Шюйского. Тоя же зимы князь Ярославъ поѣха изъ Пскова на Москву, и много волостій пограби, и которіи люди и соцкіи проводили его, 13 мужій съ собою свеле; и Псковичи послаша на него бити чоломъ князю великому Ивану Васильевичю посадника Кузму Сысоевича и Василья Логиновича, и биша чоломъ, и князь великій изополѣлся на Ярослава, и онъ вся грабленая и людей со многымъ студомъ възврати.

Въ лѣто 6986. Богу попустившу грѣхъ ради нашихъ, погорѣ весь Псковъ, октября въ 10; а загорѣлося отъ Сысоевыхъ воротъ отъ Ѳедора Дмитрова, а загорѣлося вълягоми, и горѣ пощъ и весь день. Того же лѣта пріѣха посолъ отъ великого князя Ивана Васильевича, Иванъ Зиновьевъ и діакъ Григорій Волнинъ, поднимати Псковичъ на Великій Новгородъ: и Псковичи, не хотя ослушатися своего осподаря, отслагаша мирную грамоту и крестное цѣлованіе отказаша. Тоя же осени, мѣсяца поября въ 16 день, пріѣха въ Псковъ отъ князя великого намѣстникъ, князь Василій Васильевичъ Шюйскій; и Псковичи пріѣхаша его честно. ^аТоя же осени князь великій Иванъ Васильевичъ разгнѣвася на Великій Новгородъ, и разверже миръ съ ними; и събравъ силы многы, прииде подъ Великій Новгородъ, мѣсяца поября въ 21, и самъ ста за 3 версты отъ города въ Лосиньскаго дворъ, а сила сташа около всего Новгорода. А ко Пскову посла гонца своего Василья Дятлева, и князь Василей и посадники Псковскыя отрядиша воеводами 5 посадниковъ, Олексіа Васильевича, и тамо на той службѣ и преставися, и посадника Микиту Ларивоновича, и Зиновіа Сидоровича, и Василья Логиновича, и Кира Олексіевича; они же не пождавше нимала, съ всею силою Псковскою всѣдше на кони, ноябрю 26, пріѣхавше вдариша чоломъ князю великому; онъ же повелѣ имъ стати въ монастыри святѣй Троицы на Веряжи, среди своей силѣ. Се же паки на предняя възвратимся. И распусти князь великій многыя своя силы по всѣмъ Новгородскимъ волостемъ, и плѣниша и пожгоша вся страны, отъ Заволочья отъ вѣсточныя страны и до Литовского и до Псковского рубежа, и въ Нѣмецкую землю за Норову рѣку шедше много повоеваша. И велми тогда притужно бѣше Новгородской земли, паче первыя войнѣ князя великого; въ первую бо войну мнози крыяхуся въ лѣсѣхъ и за водами, а въ сію войну нѣгдѣ скрытися въ лѣсѣхъ, убо отъ мразы умираху и отъ глада, а въ домѣхъ отъ войнѣ мнози плѣнены быша, мужи и жены и дѣти, и животы и все плѣненное на Москву сведоша, а сущіи въ градѣ отъ многого недостатка и стѣсненія многу скорбь имѣаху, плачь и рыданіе. И въсколебашася аки пьяни, и бѣше въ нихъ

а) въ л. 6985. въ лѣто 6975 *ошибк. С.* б) мимо. такъ кажется должно читать; въ С. вымо. в) Въ началѣ сей статьи киноварью: о взятіи великого новгорода.

1478 ⁸⁰ непословича и многыя брани, мнози бо велможи и бояре перевѣтъ имѣху князю великому, и того ради не изволиша въ единомысліи быти, и вѣсташа чернь на бояръ, а бояри на чернь. И бѣше тогда въ градѣ съ ними князь Василей Шюйскій, и разумѣвъ сущую погубель, хотящую надъ ними быти, и отрекъ имъ крестное цѣлованіе, и тако изыде изъ града и бише чоломъ князю великому; и князь чолобитье его прія, и вину ему отдаде. А владыка Оеофилъ съ многыми бояры многожды тогда пріѣздя, биша чоломъ князю великому, чтобы ихъ держалъ въ старинѣ; и онъ старинѣ ихъ ничогоже не вѣсхотѣ, дондеже внидоша въ всю его волю. И поцѣлова крестъ владыка Оеофилъ, и посадники, и тысяцкіи, и весь Великій Новгородъ, старѣйшіи люди и молодѣйшіи отъ мала и до велика, на всемъ добрѣ и на всей воли князя великого: что не быти въ Великомъ Новѣгородѣ ни посаднику, ни тысяцкому, ни вѣчу не быти, и вѣчный колоколъ свезоша на Москву. И посади своя 4 намѣстники, на Купецкой сторонѣ Ивана Стригу и брата его Ярослава, а на владычни сторонѣ Василя Китаина да Ивана Зиновѣва. И стояша Псковичи подъ Великимъ Новымъгородомъ 8 недѣль, а князь великій 12 недѣль; и тако отпусти Псковичъ, а самъ поѣде на Москву февраля 17, поймавъ Новгородскихъ бояръ 6 человекъ, съ ними же и Марѳу, и на Москву съ собою сведе. Се же написахъ отъ многа мало бывшія пагубы Великому Новгороду, елико слышахъ и елико ми умъ постиже. Тоя же зимы, мѣсяца декабря 26, бысть тутенъ громъ и молніи блистаніе ношю. А по войнѣ князя великого бысть моръ въ Великомъ Новѣгородѣ.

Въ лѣто 6987, мѣсяца ноября въ 13, бысть вода велика, и снесе ледъ, и много пакости учини людемъ, много стоговъ сѣнныхъ снесе и всякыя запасы и хоромы, и потомъ пакы померже, и ста рѣка; и пакы мѣсяца декабря 7 бысть тепло и вода велика, и снесе ледъ, и вѣтретійрядъ стала рѣка, и сварачало ледъ кринемъ великимъ акы хоромы и до устья рѣкы.

Въ лѣто 6988. Князь великій Иванъ Васильевичъ пріѣха въ Великій Новгородъ, съ многими бояры, декабря 2, и Псковичи послаша 5 посадниковъ, Кузму Сысоева, Ивана и Зиновія, Якова Кротова и Кюра, и по боярину изъ конца, и везоша въ даръ 65 рубловъ; и пріѣхаша посадники въ Псковъ отъ князя великого въ самое Рождество Христово, и потомъ пріѣхаша послы отъ князя великого, декабря 30 день, Дмитрій Давыдовичъ да Семеонъ. И при послѣ князя великого пригнавше Нѣмци, мѣсяца генваря 1, и взяша изгономъ Вышего-родъ, а мужи и жены и дѣти овыхъ въ плѣнъ поведоша и овыхъ изсѣкоша, а городъ зажгоша; и никымъже гоними, развѣ Божіею силою свыше, вѣскорѣ отъ града побѣгоша, не своими дорогами, многая своя вещи пометавше, и тако разблудишася по лѣсомъ; и мала часть града осталася, не сгорѣ, и мало людіи спасошася, а Нѣмецъ въ городкѣ убиша 50 человекъ и въ доспѣсѣхъ, а инѣи сгорѣша. Тоя же зимы князь великій Іоанъ Васильевичъ Великого Новгорода и Пскова владыку Оеофила, акы плѣнника, съ собою на Москву сведе. Тоя же зимы, генваря въ 20 день, пріидоша Нѣмци съ многими силами къ Гдову городу, и начаша огненныя стрѣлы на градъ пущати, и бѣше велми притужно граду, и посади и волости вся по-жгоша; и отыдоша прочь, а градъ Богъ ублюде, святой великій мученикъ Димитрій. Тогда Псковичи послаша гонца своего въ Новгородъ къ великому князю, вѣзвѣщая дрьзость поганныхъ Нѣмецъ; онъ же вѣскорѣ посла воеводу своего князя Андрѣя Ногтя съ многими силами, и пріѣхаша въ Псковъ февраля 11. И Псковичи, скопивши всю силу, поидоша съ ними въ Нѣмецкую землю, и пришедше въ Омовыжю костеръ взяша и выжгоша весь, а Нѣмецъ плѣнивше приведоша 52 человекъ, и подъ Юрьевомъ ношъ и день стоявше, вѣзвратишася съ множествомъ полона и пріидоша ко Пскову вси здрави, февраля 20. И князь Андрѣй Микитиничъ пребывъ во Псковѣ 3 дни, разгнѣвася на Псковичъ и съ всею силою своею поѣха на Москву, а съ Нѣмци толко роздравъ; а Псковичи много биша ему чоломъ, и не послуша ихъ. И сія

слышавъ поганый князь местерь, въскорѣ совокупивъ силу свою, прииде къ городу Изборску, 1480 февраля 25, и пожже Изборския волости вся, а града Богъ ублюде и святыи Никола; и тако гордяся поиде къ городу Пскову, и не дошедъ за 10 верстъ, стаха станы вся сила Нѣмецкаа и възъгнетиша въ ночь многыя огни, хупущеса и скрежещюще зубы на домъ святыя Троица и на градъ Псковъ. И бѣше тогда въ градъ Псковъ князь не войскый, грубый, токмо прилежахъ многому питію и грабленію, а о градѣ не внимаше нимала, и много Пскову грубости учини. И тогда князь, и посадники, и вси Псковичи не терпяще дръзости поганыхъ, всѣдше скоро на коня, ови въ доспѣсѣхъ, а инѣи нази, токмо въ кого что угодилося, или коніе или оружіе или щитъ, ови на конѣхъ, ови пѣши, и стяги поймавше, скоро противу имъ выидоша и стаха въ Устьяхъ, и бѣ видѣти много множество людѣй, ихже не мощно исчести: и видѣвше Нѣмци устрашишася, а Псковичи видѣвше Нѣмца убояшася, и не съступишася на бой, токмо сторожовый полкъ Нѣмецкый зашедъ пѣшцовъ^а Псковичъ побиха 300 человекъ, а доспѣшная рать на конехъ того не видѣша; и тако стояша съ поранья и до вечера. А князь местерь дождавъ ноши скоро побѣже, и ожидаше за собою погони Псковския; а князь Псковскый Василей Шюйскый и посадники не въсхотѣша гнаться въ слѣдъ ихъ, но възвратишася въ дома своя. Тогда поганѣи видѣвше, яко никтоже гоняше по нихъ, они же паче дерзновеніе приимше, приидоша къ новому городку Кобылѣ, марта въ 4 день, въ вечерѣ въ четверкъ къ пятку, а освитающу пятку, и полѣзоша усрьдно къ городку, ово пушками шибая, ово же огненныя стрѣлы на градъ пушая акы дождь, и принесше подъ градъ хвастіе съ смолою, зажгоша градъ; а людѣе мнози начаша чрезъ стѣну рѣтиса, они же поганѣи немилостивно каменіемъ побиха, а иныхъ сулицами избодоша, а иныхъ мечи изсѣкоша, и мнози въ городкѣ огнемъ сожжени быша, и тако немилостивну и лютую подъяша смерть, марта въ 5; а Макарью посадника и нѣхъ многихъ мужъ и женъ, ихже не мощно исчести, живыхъ поймавше съ собою сведоша, немилостивно извизавше. Тоя же весны разгнѣвашася на князя великого Ивана Васильевича, на брата своего, князь Андрѣй Горяй и Борисъ, сынове князя великого, и побравше своя казны и жены и дѣти и повергъше свою отчину, поидоша прочь, а около ихъ множество бояръ и людѣй, яко мнѣти ми до 20,000, и отѣхавше стаха на Лукахъ на Великихъ; и кудѣ идоша, тыя волости вся положиша пусты, и грабиша и плѣниша, токмо мечи не сѣкоша, а Луки безъ останка опустѣша, и бѣ видѣти многымъ плачъ и рыданіе. Того же лѣта поганый князь местерь събравъ силы многы, и Заморцовъ и Задвинянь, имже не бѣ числа множества ради вой, и прииде прежде къ городу Изборску мѣсяца августа 18, хупущися поганѣи плѣнити градъ: и начаша стрѣлы огненныя пущати на градъ, и многая дрѣвеса приметавше къ стѣнѣ зажгоша, и бѣ притужно велми сущимъ въ градѣ; и много всуе трудившася поганѣи, Богъ бо и святыи Никола храняше градъ, и стоявше два дни и двѣ ноши отыдоша прочь, а граду не успѣвше ничтоже. ^бТогда поганый възъярився и попухнѣвъ лицемъ, прииде съ своими силами ко Пскову, августа въ 20 день, съкрежеца своими многоядными зубы на домъ святыя Троица и на мужей Псковичъ, и стаха по всему Завелицкому полю шатрами, а Псковичи въскорѣ Завеличье сами зажгоша, а по Великой рѣкѣ на Выбутѣ и въ Устьяхъ заставы поставиша; а на четвертый день Юрьевци въ многихъ снекахъ прѣхаша ко Пскову, и привезоша множество ратного запаса, и хлѣбовъ и пива и вологи, акы на пиръ зовоми, чаяху безумніи селикъ градъ стояніемъ взяти; и начаша множествомъ пушокъ шибати и пицалми на множество людей, и не успѣша ничтоже. И потомъ нѣціи отъ нихъ

^а) пѣшцовъ — такъ поправлено; въ С. пѣсцовъ. ^б) Въ С. къ сей статьѣ относится заглавіе внизу страницы: шнекоповерженіе нѣмецкое.

1480 безумніи, напившися, заклишяся князю своему поганому мѣстеру посады огнемъ зажещи, а —⁸¹ Псковъ градъ взяти; и собравше по Завеличю оставшаяся дрѣвеса и жердье и солому, и накладоша 2 учаны акы тростья^а, и поліяша таковыи хвастъ смолою, и таковымъ замышленіемъ хотѣша Запсковіе зажещи, бяше бо тогда посивенъ вѣтръ отъ Завеличья на градъ. И бяху тогда Псковичи въ велицѣ скорби и печали, мняхуть бо тогда уже граду взятъ быти, и мнози безумніи отъ гражданъ побѣгоша изъ града за рубежъ, отъ нихже единого помяну Филипа посадника Пукышова: поимаша его внѣ града, а онъ и съ жоною побѣжа за рубежъ; и мнози гонци слаша къ великому князю и къ Новгороду, и не бѣ помощи ни отъ кого же; а князь Василій повелѣ своимъ и кони сѣдлати, и хотѣ бѣжати, и посадники съ Псковичами одва добиша ему чоломъ. И послаша гонци своя къ братіи князя великого, къ князю Андрѣю и Борису, чтобы оборонили градъ Псковъ, а тогда бо быша на Лукахъ на Великихъ; они же пришедше учиниша Пскову горѣ и Нѣмецъ; се же послѣди скажемъ. И о семъ достоитъ рещи, о бывшей тогда помощи отъ благовѣрныхъ князей, лежащихъ въ дому святыя Троицы: яви бо ся тогда етеру мужю благовѣрный князь Домонтъ, веля ему «одѣяніе гроба моего вземше, и съ кресты около града градѣте 3-щи, и молитесь Господеву, и не бойтесь врагъ своихъ;» онъ же скоро отъ сна вставъ, възвѣсти являшася ему Стефану посаднику, и тако, по словеси являшагося, священники и діаконы святыя Троицы нощію вземше отъ гроба одѣяніе благовѣрнаго князя Домонта, и съ кресты обходили 3-щи около Кромъ, молящися Господеву и благовѣрнымъ княземъ способствовати на поганыхъ. И паки о немже начахомъ, сіа до конца да съвершимъ. И тако поганіи искрутившися въ вся ратная одѣяніа, и влѣзше въ шнеки по сту человекъ, али и болѣ, и попустиша ово стрѣлами, ово пушками, ово пищальми акы дождемъ или градомъ сильнымъ, и тако быющеся преплывше рѣку, межю Святаго Лазаря и Святаго Спаса въ логу приставше, хотѣша на брегъ вылѣзти: и Псковичи ударихся на нихъ, быющеся ово каменіемъ, ово сѣкирами и мечми, и тако едину шнеку изыоташа, а Нѣмецъ избиша, а иніи сами въ рѣку вметахся, и тако истопоша 50 Нѣмчиновъ, а иніи видѣвше бывшую пагубу надъ своими, скоро възвратишася къ берегу своему; и оттогѣ начаша скоро скручати и дождавше ноци побѣгоша, никымже гоними, а шнеки своя пометавше. И тако избави Богъ градъ молитвами благовѣрныхъ князей Домонта и Всеволода, лежащихъ въ дому святыя Троица. А стояша 5 дней.

Въ лѣто 6989, мѣсяца септеврѣа въ 3 день, прѣѣхаша въ Псковъ князя великого братья, князь Андрѣй и Борисъ, по чолобитю Псковскому, и быша въ Псковѣ 10 дней; и много биша чоломъ Псковичи, абы мстили поганымъ Нѣмцомъ крове христіаньскыя. Они же ркоша: «како намъ поити съ вами въ иновѣрныхъ землю, а наши жены и дѣти и животы повержены въ чюжей земли? егда убо здѣ изволите быти женамъ нашимъ, тогда ради есмо васъ боронити.» И бѣху Псковичи въ мнозѣ сѣтованіи и въ тузѣ, не домышляющеся о семъ что сътворити, боящеся князя великого, понеже врага царскаго аще кто хранитъ, супостатъ ему есть; тако и си, аще и братіа ему, но супостати ему бѣшя. И много думавше отрекоша има, глаголя: «и сами, господари великіи князи, о семъ вѣсте, можетъ ли единъ рабъ двѣма господарема работати, по Еуангельскому словеси: ли единого възлюбитъ, а о друзѣмъ не радити начнетъ? тако и мы не хоцѣмъ двѣма работати, но хоцѣмъ единого осподаря держатися великого князя Ивана Васильевича, старѣйшаго брата вашего; а вамъ чоломъ біемъ, и сами о своемъ добрѣ и о нашемъ думайте, какъ бы еще нашему граду до конца не погыбнути.» Они же скоро, разгнѣвавшеся, поѣхаша изъ града въ канонъ Въздвиженія, а помощи Пскову

а) тростья; за сими въ С. написано: ставъ поставиша (стоймя поставили?).

не учиниша ничтоже. И ѣхавше сташа на Мелотовѣ и распустиша по всѣмъ волостемъ люди ¹⁴⁸¹ своя, бѣше бо множество людѣй около ихъ, мною яко до десяти тысящъ; и тако много волостей повоеваша, аки невѣрніи, и дома Божіа пограбиша, и скоту много поѣкоша, а жены и дѣвицы поскверниша, и плѣнивше многихъ сведоша, а отъ скоту не оставиша ни куряти, токмо огнемъ не жгоша, ни оружіемъ не сѣкоша, не противившися бо имъ никтоже. И Псковичи много бивше чоломъ, даша 200 рублевъ, а околици 15 рублевъ; и тако отъидоша въ Новгородскую землю^а съ многымъ вредомъ. Тоя же зимы послаша Псковичи посадника Филиппа Пукышова къ великому князю Ивану Васильевичю бити чоломъ о помощи, абы мстилъ многымъ кровемъ христіанскимъ и оборонилъ свою отчину отъ поганыхъ Нѣмцовъ. Онъ же въскорѣ посла къ своимъ намѣстникомъ въ Новгородъ, веля имъ бити съ всѣми силами Новгородскими въ Псковѣ на Крещеніе Господне; они же пріѣхаша въ Псковъ на Поклоненіе веригамъ, Василій Ѳеодоровичъ и Иванъ Зиновьевъ. А съ Москвы отряди воеводами князя Ярослава и князя Ивана Булгака; они же пріѣхаша во Псковъ февраля въ 11 день, съ множествомъ мужей Москвичъ. И мало опочинувше въ Псковѣ, и тако совокупившися множество ратныхъ, поидоша въ землю Нѣмецкую, тремя дорогами: и взяша градъ Тарвастъ и другой градъ Вельядъ, и плѣниша и пожгоша всю землю Нѣмецкую отъ Юрьева и до Риги, а Лотыголу и Чюхновъ, мужей и женъ и дѣтій, овыхъ изсѣкоша, овыхъ пожгоша, а сущіи въ дѣсѣхъ отъ мраза измерзше умроша, а иніи голодомъ помроша. Бѣ бо тогда мразы сильно велици, а снѣгъ челоуѣку въ пазуху, аще у кого конь свернетъ съ дорожъ, ино двое али трое одва выволокутъ; а Нѣмецкая вся земля тогда бѣше не въ опасѣ, безъ страха и безъ боязни поганіи живяху, пива мнози варяху, ни чаяху на себе таковыя пагубы, Богу тако изволившу. И бывше 4 недѣли въ Нѣмецкой земли, възвратившися ко Пскову съ многою корыстью, вѣдуще съ собою множество полона, ово мужи и жены и дѣвицы и малыя дѣти, и кони и скоты; и поможе Богъ въ всякомъ мѣстѣ воеводамъ князя великого и Псковичемъ, и отмстиша Нѣмцомъ за свое и въдвадесяторо, али и болѣ, якоже нѣщии рекоша и Псковъ сталъ не бывало тако.

Въ лѣто 6990. Пріѣхаша Нѣмци въ Великій Новгородъ, и добиша чоломъ намѣстникомъ князя великого Ивана Васильевича и посадникомъ Псковскимъ, и взяша миръ въ Данильеву грамоту, на 10 лѣтъ съ обѣю сторонамъ издержати крѣпко, и подѣловаша на томъ честный крестъ. Того же лѣта пріѣхаша Нѣмци отъ князя местера послове, и просиша пути къ Москвѣ, и ѣздиша къ великому князю не вѣмы чего дѣля, августа въ 18 день.

Въ лѣто 6991, мѣсяца септеврѣа въ 1 день, пришедши поганый Перекопскый царь съ множествомъ безбожныхъ своихъ Татаръ, и плѣни градъ Кыевъ и огнемъ съжже, а люди сущая въ немъ и по всѣмъ волостемъ, мужи и жены и дѣти, множество плѣнивше сведоша въ орду, и отъ Кыева зашедъ плѣни Рускихъ порубежныхъ городовъ 11; и много зла створивши отъидоша. Того же лѣта пріѣхаша послы отъ великого князя, и ѣздиша къ князю местеру въ Кесь не вѣмы о чемъ.

Въ лѣто 6992. Поставлена бысть церковъ въ Домантовѣ стѣнѣ иже въ святыхъ отца нашего Аѳанасіа, а другая церковъ святаго Николы на Волку, понеже обѣ распадошася, и въ тѣхъ же каменехъ новыя поставиша. Того же лѣта, предъ Филиповыми заговѣны, пріѣде съ Москвы въ Великій Новгородъ отъ великого князя Ивана Васильевича изъ него руцѣ владыка Сергій, поставленъ митрополитомъ Геронтіемъ вмѣсто Ѳеофила; и многы игумены и попы испродаде, и многы новыя пошлины введе. Тоя же зимы Литовскый король Андрѣй

а) землю — пропущено въ С.; см. Псков. пера. Лѣт. (т. IV. стр. 265).

1484 заставу постави въ Смоленскѣ, 10 тысящъ человекъ ратныхъ, боящеся Московского великого князя; и стояша осень и зиму и лѣто все. Тоя же зимы послаша Псковичи въ Литву къ королю многихъ исправъ просити посадника Василья Епимаховича, и Андрѣя Рублова, и инѣхъ съ ними, они же наѣхаша короля за Вилномъ въ Городнѣ; онъ же наскорѣ подаваше имъ исправу о всемъ съ кротостію, и много почествовавъ и одаривъ ихъ отпусти, и при послѣ нашемъ тогда преставися въ него сынъ. Прежде сего лѣта за два года сусѣди Запсколяне, Богоявлянский конецъ, заложиха стѣну отъ Псковы рѣкы свою треть, и сего лѣта свершена бысть на осень, и покрыша. Тоя же весны, по Велицѣ дни, сусѣди Кузюдемьянскіи заложиха стѣну отъ Великой рѣкѣ, свои двѣ части, до Богоявленцовѣ стѣнѣ. Тоя же весны князь великій Іоанъ Васильевичъ присла своихъ Москвичъ много множество въ Великій Новгородъ, съ всею ратною приправою, а потомъ инѣхъ присла своихъ людей на Ржову. Того же лѣта свершена бысть церковъ камена Духъ Святыи, на Завеличьи, въ Иглинѣ манастири. Того же лѣта, въ Петрово говѣніе и по Петровѣ дни, идяше дождя много, и наполнихся рѣки и источници и езера аки веснѣ; а рожь тогда цвѣтаете, и превратися много ржи на метлу и на костеръ, а ярового обилія тогда Богъ умножи. Тогда, егда быша мнози дождеве, бысть проявленіе нѣкоему священнику въ Велейской волости, на Плотичѣхъ: ѣдущю ему путемъ, бысть тма, и по тмѣ облакъ свѣтелъ, таже гласъ невидимо глаголя: повѣжъ людемъ, дабы ся обратили кождо отъ злаго безаконія и злобы, и каляися, и будетъ милостивъ Господь неправдамъ ихъ, да не погубнете злѣ до конца. И потомъ ино проявленіе бысть на городкѣ на Володимирци, іюля 18: нѣкоторой дѣвици бысть гласъ, велаше молитися Богу и каятися о грѣсѣхъ, она же повѣда отцю своему, и тако повѣдаша попомъ, и створиша всенощное пѣніе въ недѣлю предъ Ильинымъ днемъ на городкѣ въ церкви святаго Николы; и въ ту ночь у святаго Ильи на посадѣ свѣща сама загорѣлася. Того же лѣта въ Новѣгородѣ владыцѣ Сергію многажды начаша являтися святители Новгородстѣи, лежащіи въ дому святаго Софія^а, овогда во снѣ, овогда явѣ, обличающе явѣ безумное дръзнутіе на поставленіе святительства ему, яко презрѣвшу и поруганно оставльшу положенныя каноны Святыми Отци, въ нихже глаголетъ, яко живу сущю епископу, и не яту бывшую ни обличену ересью, или инѣми вещьми подобными изверженіа, и неправедно ни по правиломъ изгнану бывшую, не подобаетъ иному на престолъ его мучительскы дръзати: «престани, безумне, отъ такового начинанія;» и сія глаголюще, въ многыя недугы вложиха его. Онъ же не радити нача о семъ, и конечнѣ невидимою силою порази его о землю, и еле жива остави его токмо дышуща, и пребысть нѣколко не глаголя, но нѣмъ; и отъ того часа оставль епископство пострижеся въ скиму въ манастири святаго Спаса на Хутины, и тамо его невидимо паче перваго явленія умучи, и внѣ манастиря изверже; и тако воскорѣ отѣха на Москву со всѣми своими дворяны, мѣсяца іюля въ 23 день. Тогда и Московская застава ратная сила отѣхаша на Москву, а стояли въ Новѣгородѣ 17 недѣль. Того же лѣта Новгородци обрѣтоша икону святаго Бориса и Глѣба на Волховѣ рѣцѣ плавающю, и не бѣ познавающаго ея, откуда бѣ не вѣмы. Того же лѣта въ Новѣгородѣ явися знаменіе: отъ иконы святаго Богородици идяху слезы кровавыя седмью мѣсты. Того же лѣта, мѣсяца іюля въ 24, на Борисовъ и Глѣбовъ день, бысть туча страшна, и громъ съ молніею, и дождь силенъ и со градомъ, и много пакости учини ржи и яри, и много лѣса поломи, и много хоромовъ подраю; а за Опочкою на Хвостовѣ 5 дворовъ безъ останка вынесло отъ основанья.

а) св. софія.; въ С. ошибк. святаго софія.

Въ лѣто 6993, мѣсяца септеврѣа 5, бысть чудо преславно: явися на небеси 3 мѣсяца, 1485 и стояху доволенъ часть близъ другъ друга, въ нощи къ недѣли предъ заутреніи. Сицевая знаменія проявляетъ Богъ, хотя навести казнь на согрѣшшая къ нему; якоже и бысть: предъ сими бо деньми Туркове преѣхавше море въ многихъ кораблехъ, плѣниша землю Волинъскую, и взяша преже Келію градъ и потомъ Бѣлгородъ, а живущая въ нихъ мужи и жены множество поѣхаша, и овыхъ пожгоша; и не вѣмы, что срящеть ны по сихъ. Тоя же осени Псковичи поставиша новый мостъ черезо Пскову, а даша мастеромъ 60 рублей; а платиша то серебро мясеники. Тоя же зимы послаша Псковичи къ князю великому Ивану Васильевичю послы своя, Григоріа^а посадника Яковлича Кротова, и Григоріа Хрусталова, и иныхъ бояръ съ ними, бити чоломъ, чтобъ отдалъ своея нелюбки, что казнили смердовъ; и онъ въсполѣвся велѣлъ смердовъ отпустить, а посадниковъ откликати и животы отпечатать, а князю Ярославу добити чоломъ: «и тогда начнете ми бити чоломъ, и язъ великой князь о вашемъ добрѣ погадаю.» Они же пріѣхавше, и Псковичемъ правиша свое посольство на вѣчи, по отвѣту князя великого; и Псковичи черныи люди тому вѣры не няша. И потомъ за недѣлю до Рожества Христова послаша иныя послы, 4 посадника, посадника Якова Ивановича, и Макарью Васильевича, и Дороея, и 10 бояриновъ изъ концовъ, добрыхъ людій; они же ѣхавше биша чоломъ князю великому, а смердовъ не отпуста, ни посадниковъ не откликавъ, ни князю Ярославу не добивъ чоломъ; и князь великій изополѣвся на нихъ, и на 3 день повелѣ своимъ бояромъ отвѣтъ дати, какъ первымъ посломъ. И тако пріѣхавше правиша посольство на вѣчи; и чернїи люди ни тѣмъ вѣры не яша, рекуще, занеже сїи съгласишася по чолобитью посадниковъ, которїи сбѣгли на Москву, и норовять имъ. И оттолѣ начатъ быти брань и мятежъ великъ межю посадники, и бояры, и житыми людьми: понеже сїи вси въсхотѣша правити слово князя великого, смердовъ отпустить, а посадниковъ откликати, а мертвая грамота списанаа на нихъ выкинути, а князю Ярославу добити чоломъ о печалованїи, а блюдущеся отъ князя великого казни, что безъ его повелѣнїа и предъ посломъ князя великого смерда казнили и посадника Гаврила убили, и о томъ восхотѣша и съ княземъ Ярославомъ бити чоломъ князю великому; а чернїи люди молодїи всего того не восхотѣша, рекуще: «мы о всемъ томъ прави, и не погубить насъ о томъ князь великій, а вамъ вѣры не имемъ, а князю Ярославу не за что намъ чоломъ бити.» И о томъ много думавше, послаша отъ молодыхъ людїй Перха съ Полонища^б и съ нимъ Лакомцова сына съ Запсковья къ великому князю бити чоломъ: «како намъ, осподарь, укажешь, и мы всю твою волю створимъ о смердахъ и о посадникахъ; а посемъ наши болшіи послове будутъ, посадники и бояри, бити чоломъ тобѣ осподарю своему;» и тако съ грамотою послаша ихъ въ великій постъ, въ пятокъ 3 недѣли, а все то на перечину посадникамъ и житымъ людямъ, а не исправивши ничегоже повелѣнаго князя великого слова. Тоя же зимы, о свадьбахъ, пріѣде въ Великій Новгородъ, отъ князя великого и отъ митрополита Геронтїа поставленъ, пресвященный архїепископъ владыка Генадїй, преже бывый архимандритъ у Чюда Архангела Михаила, на престолъ святыа великыа^в Софїа паствити люди Божїа; а на масленой недѣли присла во Псковъ свою грамоту благословеную, и даде въ даръ Псковичемъ турей рогъ-окованъ златомъ да икону локотницу на златѣ. Тоя же зимы князь великій Иванъ Васильевичъ разгнѣвася на князя Тферского Михаила Борисовича, что начатъ дружбу держати съ Литовскимъ королемъ Андрѣемъ, и съвѣты съ нимъ творити о всемъ, и испроси въ короля за себе внуку, и того ради князь великій посла на него воеводы своя съ множествомъ вой, и плѣниша всю

а) григорїа - григорію такъ и ниже въ С. б) съ полонища: въ С. было: изъ городецкаго конца, потомъ помарано и приписано на поля: съ полонища. в) св. великыа - святого великого такъ въ С.

1485—86 землю ихъ, и взяша 2 города и сожгоша; и тако владыка Тѣерскій съ бояры добиша чолмъ, и смиришася. Тоя же зимы, въ великое говѣніе, въ Тѣерской земли убиша Псковскихъ гонцовъ, Перха и Лакомцова сына и дружину ихъ, и вметаша въ рѣку розбойники. И то слышавше Псковичи, по Велицѣ дни на 4 недѣли послаша къ князю великому послы своя, посадника Ивана Агаѣоновича, и посадника Микиту Ларивоновича, и Зиновія Сидоровича, и Андреа Ивановича, и съ ними бояръ изъ концовъ, и биша чолмъ князю великому Ивану Васильевичю; и онъ съ великою опалкою отвѣщалъ, рекъ: «аже моя вотчина слово мое исправить, и потомъ начнете ми бити чолмъ о моей нечести, и язъ буду васъ жаловати по пригожаю.» И потомъ Псковичи слышавше посольство ихъ и отвѣтъ князя великого, и въскорѣ отпустиша смердовъ, Стехна, и Сырня, и Лежня, и списаную грамоту мертвую на посадниковъ изъ ларя выкинуша, и животы и дворы отпечаташа. Буди же и се вѣдомо, яко сіе лѣто въ Псковской земли многымъ христіаномъ бысть velmi притужно о хлѣбѣ: понеже съ осени палъ снѣгъ на талую землю, и потомъ быша мрази, а земля чрезо всю зиму бѣше тала, и по мхамъ и по болотомъ воды и грязи люты не померзли, и по удоломъ гдѣ по низкимъ мѣстомъ подъ снѣгомъ подпрѣлъ корень ржаній; и егда бысть весна, по Велицѣ дни съ 3 недѣли бысть ведряно и солнечно и красно, и потомъ бысть студено и мокрослоть съ морозомъ, и померже вшедшей ржаній корень и бысть черна земля, и потомъ не бысть дождя и до Петрова заговѣнья, а яръ сѣяна въ суху землю не начатъ усходити; и священноиноки, и священники, и діакони помолишася Богу святѣй Троици, съ множествомъ народа идоша съ кресты къ Благовѣщенію святѣй Богородици, и егда начаша пѣть мольбенъ, внезапно бысть громъ и туча веліа съ сильною бурею и съ дождемъ; и оттолѣ начаша дождеве мнози быти по мѣстомъ, а по инымъ мѣстомъ засуха velmi бѣше, и гдѣ быша дождеве, умножи Богъ ярового всякого обилья, а рожъ индѣ събраша сѣмяна ржанія, а индѣ и съ избыткомъ, а индѣ и жати нѣчего, и засѣяша старою рожью; и тогда купиша четверетку ржи по 7 и по 8 денегъ, а жита четверетка по 5 денегъ, а овса зобница по 10 и 12 денегъ. Того же лѣта, на Москвѣ, преставися въ иночествѣ мати князя великого Ивана Васильевича княгиня великаа Марія, и наречено бысть имя ей Марѣа. Того же лѣта Волыньскій воевода Стефанъ, и Угорскій царь, и Ляцкій Литовскій князь великій король Андртѣй, съ всѣми своими князми и понаймовавше множество жолнырей Нѣмецкихъ, идоша на поганого царя Турецкого и отняша преже Бѣлгородъ и потомъ Келію градъ Волыньскій, и поидоша за Дунай сухою дорогою къ Царюграду; и не вѣмы, что будетъ по сихъ. Того же лѣта князь великій Іоанъ Васильевичъ посла своего царевича съ множествомъ Тотаръ, и воеводъ своихъ Московскихъ съ множествомъ вой, они же шедше взяша Казань.

Въ лѣто 6994. Князь великій Иванъ Васильевичъ разгнѣвася паче перваго на князя Тѣерского Михаила Борисовича, а не вѣмы про что, то Богъ вѣдаетъ и они сами въ себѣ; токмо нѣчто мало слышахъ отъ етера мужа: яко по первой брани добивши чолмъ князю великому и въ всю волю вдавсѣ, какъ любо великому князю^а, и перевѣта не держати ему къ королю на великого князя, и о всемъ томъ крестъ поцѣловалъ, и потомъ нача грамоты слати къ королю; и съ таковыми листы поимаша пословъ его люди князя великого, и увѣда вся лъстивая свѣтованія ихъ на себе. И увѣдавъ сіа князь Тѣерскій, яко не утаися леств его, и нача многы послы слати къ князю великому съ чолобитіемъ, и чрезу все лѣто; и не успѣша послове его ничтоже. И тако князь великій Іоанъ Васильевичъ посла преже сына своего Ивана, и потомъ всѣде самъ на конь, съ множествомъ войскимъ прииде къ Тѣери; а

а) князю. пропущено въ С.; также и далѣе: князя.

князь Тѣерскій Михайло Борисовичъ видѣвъ свою погыбель и за 5 днѣй побравъ свою казну, 1486 побѣжа изъ града въ Литву, а Тѣеричи отвориша градъ, и выдоша противу великого князя съ кресты и добиша чоломъ. И тако вниде въ градъ и не повреди ничегоже, и владыка Тѣерскій Васіанъ, и бояре и купци, и вси мужи, малъ и великъ, поцоловаша крестъ; и князь великій посадивъ намѣстники своя, сына своего князя Ивана, отъиде на Москву и възврати оружіе свое безъ крови, а княгиню Борисовую съ собою сведе. Тоя же осени владыка Генадій присла въ Псковъ боярина своего Безсона, и съ нимъ игумена Еуѣимья, иже прежде былъ въ Псковѣ ларникомъ, и въ той власти много зла народу учини и смяте всѣмъ Псковомъ, и у посадниковъ и у ябедниковъ и у правыхъ людѣй того ради Есипа ларника много посѣкоша дворовъ, и самого много казнившѣ выведоша на посѣченіе; онъ же убѣжа и пострижеся. И мысляше того владыка Генадій вмѣстити архимандритомъ, въ себе мѣсто правителемъ Пскову, и того ради посла его съ своимъ бояриномъ, и велѣше описати по всей земли Псковской церкви и монастыре, и колико престоловъ и поповъ, и всѣхъ въ число написать; и Псковичи не вдашася въ волю его. Тоя же осени, въ недѣлю предъ Въздвиженіемъ, князь Псковскій Ярославъ Васильевичъ и съ нимъ посадники Псковскыя, Иванъ Агафоновичъ, Іаковъ Аѣанасевичъ, и Василей Логиновичъ, и Зиновій Сидоровичъ, и Козма Ондроновичъ, и съ ними бояръ честныхъ много, ѣхаша на Москву и биша чоломъ князю великому Ивану Васильевичю о своей проступкѣ, что были смердовъ, чрезъ повелѣніе князя великого казнили; и осподарь князь великій Іоанъ Васильевичъ всей своей нелюбкѣ Пскову отдалъ, и пожаловалъ повелѣлъ по всей старинѣ Пскову жити; и тако посадники възвратишася съ великою радостію, и повѣдаша посолство^а на само Филипово заговѣніе. А князь Ярославъ тогда остался на Москвѣ, и тамо оженися, и потомъ пріѣха въ Псковъ и съ собою приведе княгиню; и пріѣхаша съ нимъ посадники Левонтей, и Стефанъ, и Василей, и тако уляже брань о смердахъ. Вѣдомо же буди, яко се уже четвертїи послы на Москву, а пятое два гонца, ихже убиша розбойники Тѣерскїи; а все то слаша Псковичи о смердахъ, и много напасти учинилося, яко до 1000 рублей, и о томъ вся земля мятяшеся по два года. И потомъ по малъ времени прилучися нѣкоему попу у Норовскихъ смердовъ чести грамоти, и найде тую грамоту, како смердамъ изъ вѣковъ вѣчныхъ князю данъ даяти и Пскову, и всякіи работы урочныи по той грамотѣ имъ знати; а о той грамотѣ смерды всей земли смятеніе бысть, что они потаивше грамоти не потягнуша на своя работы, а Псковичемъ не свѣдущемъ о нихъ, како отъ начала бысть, а они обольстиша князю великому и о томъ все покриву сказаша. И таковую грамоту смердъ^б исторже у попа изъ рукъ, и скры; Псковичи же посадиша того смерда на крѣпости. И оттолѣ начаша изъ пригородовъ пріѣзди и изъ всѣхъ волостей обидніи люди, бити чоломъ посадникомъ Псковскимъ и всему Пскову на намѣстниковъ князя Ярослава, а сущїи въ Псковѣ много обидныхъ людѣй биша чоломъ на самого князя Ярослава. Посадники же и весь Псковъ събраша многы обиды, ихже не возможно исчести за множество, и написавше грамоты многы обидныя, и отрядиша послы, посадника Микиту Ларіоновича, и посадника Андрѣа Ивановича, и боярина Андрѣа Семеновича Рублева, и иныхъ бояръ, и съ пригородовъ по два челоуѣка обидніи^в люди; и ѣхавше биша чоломъ князю великому, и повѣдаша о смердѣ, что грамоту потаилъ, «и имѣемъ его и тепере на крѣпости; и какъ намъ, господарь, укажеши о томъ?» И князь великій ярымъ окомъ възрѣвъ, рече: «давно ли язъ вамъ о смердахъ вины отдахъ? а нынѣ на то же наступаете;»

а) посолство - такъ исправлено; въ С. посолству. б) смердъ; въ С. смерде. в) обидніи - такъ кажется должно читать; въ С. и обидни.

1486 и оттолѣ ниединыа жалобы на Ярослава не пріять, и отвѣтъ далъ: «ея язъ посылаю по васъ уже своя бояры, и прикажю имъ о всѣхъ вашихъ дѣлахъ.» Посадники же пріѣхаша въ Псковъ, мѣсяца іюля въ 8 день, и правиша посолство свое на вѣчи. Тоя же зимы, на Фарисійской недѣли въ четвергъ, генваря въ 19 день, на память преподобнаго отца Макарья, по Псковскому чолобитью пріѣха въ Псковъ пресвященный архіепископъ Великого Новаграда и Пскова владыка Генадій, и съ нимъ бояръ много; а князь Ярославъ, и посадники и бояре, и священноиноки и священники и діакони, выидоша противу его со кресты и срѣтоша предъ враты градными, за Старымъ Вознесеніемъ, и того дни литургію съверши въ святѣй Троици, и пришедъ на вѣче народъ благословилъ, и пребысть въ Псковѣ 3 недѣли; и на Ѳедоровѣ недѣли въ среду пришедъ на вѣче, народъ благослови и многа словеса учителная простеръ, вдасть грамоту и отѣха прочъ и съ бояры. Тоя же зимы, въ великое говѣніе, въ понедѣльникъ 5 недѣли, мѣсяца марта въ 6 день, бысть



ПРИБАВЛЕНІЯ
КЪ ПСКОВСКИМЪ ЛѢТОПИСЯМЪ.

Помѣщенныя въ «Прибавленіяхъ къ Псковскимъ Лѣтописямъ» статьи (лит. А. Б. В.) содержатся въ слѣдующихъ рукописяхъ :

1) Свѣг. II. См. описаніе ея въ Предисловіи къ Псковской первой Лѣтописи (Полн. Собр. Русск. Лѣт., т. IV, стр. 171).

2) Оболенск. II. Рукопись въ четвертку, на 763 л., писанная скорописью XVII вѣка. На оборотѣ конечнаго листа ея подписано: «продалъ сію книгу дому Тайного Совѣтника Якова Ѳедоровича Долгорукова человекъ его Михайла Микулинъ . . . 1719 года. Точная копія Свѣг. II, оканчивающаяся «отдѣльными повѣстями о дѣлахъ Смутнаго періода и объ осадѣ Шведскимъ королемъ Густавомъ Адольфомъ Пскова» (л. 310 — 352). — Принадлежитъ князю М. А. Оболенскому.

3) Арх. XXV. Рукопись Московскаго Главнаго Архива Министерства Иностранныхъ Дѣлъ, № $\frac{447}{916}$, въ четвертку, на 146 л., писанная полууставомъ переходящимъ въ скоропись въ XVII вѣкѣ. На первомъ блѣдномъ листѣ написано: книга сія о началѣ княженіи Рускія земля столника Василя Никифоровича Сабакина, труды Козины, а по листамъ: книга, лѣтописецъ перечневой, Василя Никифоровича Сабакина. Эта рукопись содержитъ въ себѣ выборку изъ Свѣг. II. и Оболенск. II, въ которой лѣтописныя статьи перепутаны и въ текстѣ по мѣстамъ встрѣчаются неумѣстныя перестановки. Изъ ней (л. 143 — 146), кромѣ «отдѣльныхъ повѣстей» (см. выше), напечатана въ «Прибавленіяхъ» не находящаяся въ двухъ предъидущихъ рукописяхъ статья подъ лит. В. (*).

(*) Рукописи Оболенск. II и Арх. XXV поступили въ Археографическую Коммиссію тогда, какъ четвертый томъ Полнаго Собранія Русскихъ Лѣтописей, содержащій въ себѣ Псковскую первую Лѣтопись, почти былъ уже отпечатанъ. Разнорѣчія ихъ съ прочими списками сей Лѣтописи, по сей причинѣ, не могли быть показаны при ея изданіи.

П Р И Б А В Л Е Н І Я.

А.

Синьг. II. Обол. II. Арх. XXV.

О прежнемъ пришествіи Нѣмецкомъ и о нынѣшнемъ на Новгородскую землю, и о нашествіи вогомерзскаго Свейскаго короля Густафа съ погаными Латыни на Рускую землю, и о клятвѣ ихъ. Первіе повѣмъ, откуда начаша сіи поганіи Латина преже приходити на Новгородъ и на Псковъ, и на всю сѣверную страну, на Новгородскую и Псковскую область. Пишетъ Рускій гранографъ, яко сіи поганіи Латина, Свенчи, исперва изъначала Рускія земли; земля же бѣ ихъ не славна, но не вѣдома бѣ и не слышна, понеже худа и мала бѣ земля и людіе грубы и немудри бѣху, Чюдъ, якоже и донинѣ во всѣхъ ихъ западныхъ странахъ гнушаются ими. Исперва не бѣ въ нихъ короля, но князь нѣкій отъ иныя земля начатъ владѣти ими, якоже и у насъ въ Руси придоша князи отъ Варягъ и начаша владѣти Рускою землею; и начатъ сій Свейскій князецъ разбоемъ кормитися и богатѣти, разбивая на мори ходящихъ кораблей, куплю творящихъ отъ различныхъ странъ. Якоже древле Темиръ Аксакъ Татарскій пріятъ начало, бысть преже старѣйшина разбойникомъ, таже князь, и потомъ наречеса царь, понеже многія царства побѣди и пріятъ: такоже и сей Свейскій король не исперва бѣ^а кралевствомъ, но егда обогатѣ отъ разбоя и чюжія грады плѣни, тогда и короля себе нарече. И изъ начала Рускія земля сіи поганіи Латина, Свенчи и Ливонскіе Нѣмцы, не слышано бысть пришествіе ихъ, коли бы пришли на Новгородскую и Псковскую землю воевати, и до Батыева плѣненія: понеже бѣ любовь и миръ во градѣхъ и во всей Руской земли межъ удѣльныхъ великихъ князей и всѣхъ людей, по заповѣдемъ Господнимъ ходили, и Господь Богъ хранилъ ихъ отъ нашествія поганыхъ Татаръ и Латинъ, и жили всѣ въ покой и благоденствѣ, тихо и смирно. Егда же бысть въ Руси, грѣхъ ради нашихъ, между князей Рускихъ зависть и нелюбовь, восташа другъ на друга и отъимаху другъ у друга имѣніе, преданное отцы ихъ, и преступиша клятвы дѣдъ своихъ и правдѣдъ: тогда и Господь Богъ наведе на нихъ поганыхъ со всѣхъ странъ, якоже древле на

а) Здѣсь во всѣхъ ркп. кажется пропущено слово: обладая, или другое подобное.

Іерусалимъ и на Царьградъ. Прииде отъ восточныя страны безбожный царь Батый на Русь, со тмочисленными вой, и поплѣни Рускую землю всю, и Литовскую и Угорскую, до самого Великого Новаграда токмо не доиде за сто верстъ, молитвами пречистыя Богородица и святыхъ чудотворцовъ. Бѣ же тогда въ Великомъ Новѣградѣ владѣя достохвалный, и во всѣхъ странахъ прославленный, и прехрабрый и прекроткій и прекрасный, второй Іосифъ, благовѣрный и великій князь Александръ Ярославичъ Новгородскій и Псковскій; егоже сей безбожный царь къ собѣ призва, красоты его ради и возраста, и удивися зѣло, и многими дарми почтивъ отпусти на великое княженіе. Въ то же время егда сей пречюдный князь Александръ ходилъ въ орду къ царю на поклонъ, тогда первое придоша сїи поганїи Свейчи на Новгородскую область съ королемъ Магнушемъ, на многихъ кораблѣхъ, со многими людьми, подъ Орѣшкѣ; хотяху прїяти Новградъ. Тогда благовѣрный князь Александръ прииде изъ орды отъ царя въ Новградъ, и слыша пришествіе поганыхъ Латинъ внезапу, и бысть печаленъ, понеже не бысть Рускихъ вой въ собранїи; и возложи на Господа Бога упованіе и ча пречистую его Матерь, поиде не со многими вой и пришедъ, Божією помощію побѣди ихъ на рѣки на Невы, и отътого прозванъ бысть великій князь Александръ Невскій. И оттолѣ бысть страхъ велїй на поганыхъ Нѣмецъ, и дасть Магнушъ король Свейской на себя писмо и клятву, отнюдь никако не приходити на Русь войною и до скончанїя вѣка, яже суть и донинѣсть въ Великомъ Новѣгородѣ во святѣй Софїи. Въ то же время начаша и Ливонскіе Нѣмцы приходити на Псковскую землю, и нѣкогда пришедше изгономъ, и взяша Псковъ и держаша 5 лѣтъ, благовѣрный же князь Александръ пришедъ изгна я; и потомъ паки собрашася и поидоша на Псковскіе мѣста, благовѣрный же князь Александръ побѣди ихъ на Чюдскомъ езерѣ, помощію святыя Троица. Паки же собрашася множество много, Ливонстїи и Колыванстїи и Ракоборстїи Нѣмцы, и хотѣша ити на Новгородскую и Псковскую землю; благовѣрнии же князи Дмитрей Александровичъ и Псковскій князь Тимоѣей Домонтъ, и инїи придоша князи со множествомъ вой, и бысть имъ бой подъ Ракоборомъ, и падоша отъ обою страну людей много, послѣди же, Божією помощію, Рустїи полцы побѣдиша Нѣмецъ на Ракоборскомъ поли, на семи верстахъ, яко трупию мертвыхъ быти по чрево коню; и бысть пречудно одолѣніе поганымъ. Свейстїи же Нѣмцы, по своей вѣрѣ и клятвѣ, отнюдь не приходиша ктому никако на Новгородскую землю. — Въ лѣто 7000^a начаша поганїи тїи Свейстїи Нѣмцы клятву свою нарушивати, и приходити на Новгородскую землю, и крестьянъ плѣнити: и присла благовѣрный великій князь Иванъ Васильевичъ всеа Русїи воеводы своя, и повелѣ поставити на рубежи близъ моря Варяжского, на устїѣ Неровы рѣки, во свое имя Иванъгородъ; и оттолѣ престаша Нѣмцы ходити на Русь, токмо Ливонстїи Нѣмцы часто приходиша на Псковскую землю. — Въ лѣто 7088, Божїимъ попущенїемъ, грѣхъ ради нашихъ, прииде Полской и Литовской король Степанъ Обатуръ со множествомъ вой подъ славный градъ Псковъ. Тогда и поганїи Свейстїи Нѣмцы ощутиша благополучно время, аки волцы хитающе отъ пустыня, тако и сїи придоша отъ изъзаморїа и взяша въ Новгородской области городокъ Корѣлу; таже пришедше на устїе Неровы рѣки, и взяша Иванъгородъ, и Копорїю, и Яму, и обладаша ими. — Въ лѣто 7096 благочестивый царь и великій князь Ѳеодоръ Ивановичъ всеа Русїи прииде ратїю на устїе Неровы рѣки, и взятъ Иванъгородъ, и Копорью, и Яму у Нѣмецъ, и хотѣ взяли ихъ славный градъ Ругодивъ, и обѣщашася Нѣмцы паки по прежнему не приходити на Русь, дондеже солнце ходитъ въ небеси, и Корѣлу городокъ отдаша; и тако немного быша во своемъ обѣщанїи. Егда же завистїю дьяволею побѣженъ бысть царь Борисъ власто-

а) въ лѣто 7000. въ лѣто 6000 *ошибк.* О.

любіємъ, изведе и погуби царскій корень благочестивыхъ царей Рускихъ, и бысть смятеніе веліе въ людехъ царского ради имени, понеже тако Богу изволившу, грѣхъ ради нашихъ: Полской и Литовской король умысли своимъ злохитрствомъ, нарекъ нѣкоего именемъ царскимъ и посла его со множествомъ воя на Русь, на преліценіе людемъ, и бысть раздѣленіе и междоусобіе въ людехъ его ради, овы хотяху того царемъ вора, ови же иже посаженъ; бѣ же въ то время царствуя князь Василей Шуйской. Приде же прелестникъ той подъ царствующій градъ и обсяде, и бысть во обдержаніи много лѣтъ, обстоимъ бѣ отъ Полскихъ и Литовскихъ и Рускихъ воровъ, и гладъ бѣ велій въ царствѣ, а помощи ниоткуда нѣсть, и гради и людіе раздѣлишася. И посла царь Василей племянника своего князя Михаила за море, въ Свею, наяти Нѣмецъ, и запоручи имъ напредъ городокъ Корѣлу; они же придоша на спорученіе государству и врага лестца отгнаша отъ царствующаго града. Ненавидяй же добра врагъ діаволъ воздвиже ненависть двѣмъ братомъ княземъ на племянника своего, славы ради и чести, иже народъ ему воздающе побѣды его ради, еже показа на поганныхъ Полскихъ и Литовскихъ людей; сего же не терпяху видѣти дядіа его, отравою умориша. И оттолѣ болшее возгорѣся зло въ Руси: Полстїи и Литовстїи людіе, видѣвше таково зло, сотворшееся надъ оборонителемъ ихъ отъ враговъ^а, паки возвратишася на нихъ. ^б. . . Разгнѣвашася на царя Василія и брѣтію его, предаша ихъ Полскому и Литовскому королю, и просиша собѣ у него на царство сына его. Той же злохитрый оболсти ихъ, преже посули имъ сына своего на царство, и повелѣ народъ привести къ крестному цѣлованію, и посла гетмана своего съ Полскими и Литовскими людьми къ Москвѣ; и пришедше царствомъ обладаша, и людей избиша и поплѣниша, и огнемъ попалиша и разориша все. Тѣмъ же поганіи Нѣмцы, Свенчи, видѣвше таковое смятеніе злое въ царствѣ и междоусобіе, яко ихъ нанять того изведоша злїи дядіа, а пайму своего взяти не на комъ, и пришедше подъ Великій Новгородъ, стояще многое время, лѣтяще людей, просяще у нихъ найму; а инѣхъ пославше Нѣмецъ отъ себя, и призвавше изъ заморїа инѣхъ, пришедше городокъ Корѣлу моремъ на люди пустивше взяша, и пришедше стаха у Иваньгорода съ нарядомъ, и многожды Божіею помощію людіе исходяще, и побиша и нарядъ поймаха; они же паки собрашася, пришедъ Копорью и Яму взяша, потомъ и Новгородъ искрадомъ взяша. Се же все бысть грѣхъ ради нашихъ: по пророчѣству Святыхъ Пророкъ, какъ бысть во Іерусалимѣ и въ Царѣградѣ и по инымъ странамъ, тако и въ насъ быша гради плѣняеми и разоряеми, а оборонителя не бѣ, все Богъ отъятъ. И пришедше паки поганіи Нѣмцы подъ Иваньгородъ, и измориша голодомъ, и взяша въ немъ множество много наряду и зелей, и на болшее подвигошася, восхотѣша взяти и славный градъ Псковъ: пришедше первое подо Псковской пригородъ Гдовъ съ нарядомъ, и начаша бити по стѣнѣ; и послаша изъ Пскова ратныхъ на испорученіе, и Божіею помощію и святаго славнаго страстотерпца Димитрія Селунского Мироточца, въ городъ невидимо проидоша, и наутріе востаха и иныхъ много и изыдоша на поганныхъ Нѣмецъ, всѣхъ^в елицы быша у наряду и нарядъ поймаха; и бысть пречюдна побѣда въ той день, протчіи со княземъ ихъ съ срамомъ побѣгоша. Не по мнозѣ же времени поганіи Нѣмцы паки собрашася, и придоша подо Гдовъ съ нарядомъ, и разбиша и многими частыми приступаніи изнуриша градъ; людіе же видѣвше себѣ утѣсненіе, яко уже не много ихъ остася, братися съ погаными нѣкому, избавителя ниоткуда нѣсть, и предаша градъ поганымъ, а сами изыдоша

^а) надъ оборонителемъ ихъ отъ враговъ. такъ, кажется, должно читать; во всѣхъ трехъ сп. надъ оборонителя ихъ (и) враговъ. ^б) Здѣсь во всѣхъ ркп. находится пропускъ. ^в) всѣхъ. прибавлено: изыдоша; но здѣсь кажется должно читать всѣхъ избиша.

изъ града, во Псковъ придоша. Поганый же Свейской король еще не насытився Рускимъ имѣніемъ, и вознесся гордостію якоже древній Голіадъ, дерзну приобрѣсти болшую себѣ славу, и сложися во едину волю съ Полскимъ и Литовскимъ королямъ, хотя пріяти славный градъ Псковъ. И въ лѣто 7123, августа въ 15 день, приде съ Нѣмцы съ пятіонадесять тысящъ подъ градъ, на самый праздникъ Успенія пречистыя Богородица, и посла подъ градъ славнаго своего и храбраго воеводу Евѣргорна; изыдоша же гражане изъ града, ратніи полцы Псковстїи, на брань и начаша со обою страну брань чинити. Въ той же часъ чюдо бысть преславно, милостію святыя Троица, и пречистыя Богородица, и святыхъ чюдотворцовъ Псковскихъ: невидимою силою убиенъ бысть злый варваръ, храбрый ихъ воевода Евѣргорнъ, якоже древній Голіадъ^а; и много бысть король ихъ въ нѣдоумѣніи и размышленіи, како бы пріяти градъ, понеже другаго градоимца не оста якоже той воинъ былъ, и много жалаще си о немъ велми, и восхотѣ ити отъ града восвоеси, и срама ради тогда не иде. И начатъ многими козными ухищряти надъ градомъ, и повелѣ изъ наряду бити по стѣнѣ, съ угла граду отъ езера, и разби стѣнѣ 40 сажень и угольную башню и около вратъ Варламскихъ отводную башню, и подкопы повелѣ во многихъ мѣстехъ копати, подъ стѣну подводить и огненныя ядра разжигая, пушая на градъ и наметными ядры и каменіемъ, притужаше со обою странъ града; и много козньствоваше, ничтоже успѣша, Богу тако разрушающу коварства ихъ. Егда же разбиша стѣну и башни, октября въ 9 день поидоша поганіи на приступъ и возшедше на пробитое мѣсто, и побиша ихъ множество изъ оружїа и каменіемъ и каломъ обваряюще; и отыдоша посрамлени, помощію святыя Троица и преподобнаго Варлама чюдотворца, и ктому не дерзнуша приступити ко граду, страхомъ обдержими бяху, и не по мнозѣ времени со студомъ восвоя возвратишася посрамлени. По лѣтѣ же единомъ паки приде король со Свейчи, и постави городокъ скородумъ на устьѣ Великія рѣки, на утѣсненіе граду Пскову и противимъ, и немногихъ Нѣмецъ въ немъ посадиша, и восвоя отыде, дондеже самъ паки прїидеть восвоеси бывъ^б на второе лѣто; Псковстїи же мужіе сами своими головами обсѣдоша градецъ ихъ, голодомъ изморивше и взяша ихъ.

О нашествїи поганые Литвы и Нѣмецъ на обитель пречистыя Богородица на Печерской монастырь, во Псковской области. 119 году панъ Хоткѣвъ изъ Юрьева Ливонского прислалъ Литовскихъ и Нѣмецкихъ людей на Печерскій монастырь: и въ самое въ Сборное воскресеніе, всѣмъ сущимъ братїи и людемъ у всенощнаго пѣнія въ церкви стоящимъ, и послѣ вечерняго звону внезапно придоша поганіи и выразиша врата градная нѣкоею новою кознію премудрою, по ихъ нарицаемою пинартою, такоже и другая врата. Стражіе же не очютивше пришествїа ихъ, и не успѣша рѣшотки желѣзныя спустити; и грѣхъ ради нашихъ внидоша во градъ, и много сумнящеся стояще, бяху мятущеся во вратехъ, не вѣдуще коимъ путемъ ити по граду, или въ которую страну поити, понеже незнаема бѣ имъ обитель Печерская, не бѣ кто отъ нихъ бывалъ въ ней, ни на градъ взыти кудѣ обрѣтше, понеже тмѣ велицѣ сущи, и елицѣхъ ту крестьянъ обрѣтоша мечемъ посѣкоша, и мнѣша яко градъ равень бѣ, не вѣдуще потока и боящеся спустити внизъ. Въ то же время пѣнію церковному пресѣкшуся отъ страха, и вси людїе побѣгоша отъ страха изъ града на всѣ страны чрезъ градъ и въ Изборская врата; овїи же проидоша въ тая же врата межъ поганыхъ здрави, понеже поганіи стояще бяху мятущеся и не смѣюще огня возжещи, да не побіють ихъ озрѣвше гражане; и бяху вси смятени. Архимаритъ же и вся братїя, видяще конечное свое погубленіе, вси собравшеся въ церковь, ожидающе смертнаго часа и готовящеся на то,

а) голіадъ - голіаѳъ такъ въ семъ мѣстѣ О. б) бывъ имѣ въ А.

и облекшеся вси въ скимы, и плачуще исповѣдающе грѣхи своя отцемъ духовнымъ и приимающе святыхъ Христовыхъ таинъ; и егда же нача свѣтлая заря являтися дни, тогда вси конца зряще, начаша молебная пѣнія; со слезами молящеся святѣй Богородицы. Поганіи же спустишася внизъ потока до архимаричьи кельи, инѣи же поидоша по другую страну по десную по горѣ къ житницамъ, инѣи же ошуюю спустишася къ нижнимъ рѣшоткамъ. О неизреченное милосердіе и челоуѣколюбіе Божіе и пречистыя его Матере Владычица наша Богородица, еже на насъ грѣшныхъ съ милостію наказаніе! предавъ поганымъ градъ и паки вземъ я. Пребывшимъ во градѣ пять часовъ до свѣта, якоже мракомъ связаны бывше, не вѣдуше камо ити. Егда же доидоша потока по мосту преити на ону страну къ церкви и трапезы, архимаритъ же Іоакимъ со всею братією возопивше со слезами: «о премилостивая Владычице Богородице! не предай же насъ грѣшныхъ поганымъ симъ, ниже осквернити своя Богомъ зданія церкви, въ ней же изволи пребывати», и подѣмше на руцѣ свои чюдотворную икону пречистую Богородицу Одигитрію, иже и донинѣ есть за престоломъ, и изыдоша протіву поганымъ. Въ той часъ смятошася поганіи, побѣгоша изъ града, невидимою силою гоними бѣша, инѣи же не обрѣтоша камо изыти изъ града, и осташася; людіе же оставшен, мужи и жены и чада, видѣвше таковое преславное чюдо, возопивше вси гонѣша по нихъ. И тако преславно сохрани Богородица обитель свою; и вси собравшеся паки иже разбѣгошася, и приидоша во обитель, благодарныя пѣсни всылаху къ Богородицы, яко удиви милость свою въ дому паче древнихъ чюдесъ. Того же великого поста въ самую Цвѣтную недѣлю прииде самъ панъ Хоткѣвъ, со многими погаными Литовскими и Нѣмецкими людьми, съ нарядомъ, подъ Печерскій монастырь; людіе же вси сущіи во градѣ обѣщася умрети за домъ пречистыя Богородица до ссущихъ младенецъ: «и смертію животъ купимъ, а не изыдемъ отсюда, ниже предадимся поганымъ». Поганіи же пробивше въ дву мѣстехъ стѣну, съ третію же страну стрѣлаху въ монастырь отъ Изборска, не дающе людемъ ходити по монастырю и на приступехъ битися съ ними, и много приступавше ничтоже успѣша, но много своихъ поубиша; ꙗ много козньствовавше различно, подкопъ подведоша подъ врата святаго Николы, и молитвами его подкопъ переняша. Людей же бѣ мало во обители тогда, и прислаша изъ Пскова тогда ратныхъ немного, и наутрія изыдоша на поганыхъ внезапно, и побиша ихъ множество, и нарядъ ихъ и набаты^а и знамена поимаѣа, молитвами святыя Богородица и святаго Николы; поганіи же съ срамомъ поидоша восвоя. По томъ же лѣтѣ паки приидоша поганіи изъ Новгородскія области^б, изъ Порхова, воеводка Карбекъ съ Нѣмцы, и хотѣша взяти внезапно Печерскую обитель, пришедше ноцію такоже, якоже и прежде взятъ бысть Печерскій монастырь отъ поганыхъ: пришедше выломиша врата желѣзная, токмо рѣшотки желѣзной не успѣша изразити вонъ. И сицева пречюдная чюдеса въ дому пресвятыя Богородица! А еже рещи многое разбойническое нападеніе восьмъ лѣтъ пана Лисовского^в, и частое его нахожденіе на еѣ честную обитель днемъ и ноцію, нѣсть мощно изрещи; но отъ всѣхъ его нахожденій сохрани домъ свой, токмо пакости учини много, посадъ и дворецъ сожже и людей поби и плѣни много.

^гО бѣдахъ и скорбехъ и напастехъ, иже высть въ Велицѣй Росіи Божіимъ наказаніемъ, грѣхъ ради нашихъ, напоследокъ днѣй осмаго вѣка, а въ началѣ второсотнаго лѣта, и како и откуду начашася сія злая быти,

а) и набаты — и барабаны А. б) области — волости С. в) лисовского — литовского *ошибк.* С. г) *Предъ симъ кикюварю въ О. С. : предисловіе. Въ А. нижеслѣдующее мѣсто выпущено до словъ: въ л. 7096, послѣ отца своего царя Івана (см. стр. 56).*

многая кровопролитія и неповиннымъ челоѣкомъ великимъ и малымъ горкія муки отъ царей, потомъ же и междоусобныя брани, и нашествіе поганныхъ Агарянъ и Латынъ и своихъ злыхъ и нечестивыхъ и скверныхъ ругателей и убійцъ Рускихъ враговъ на всю Рускую землю. Якоже сотворися древле на Востоцѣ, и во Іерусалимстѣй странѣ, и во Александріи, и во Антиохіи, потомъ же и въ царствующемъ велицѣмъ градѣ Константиноѣ, запустѣніе и плѣненіе градомъ и всѣмъ сущимъ ту живущимъ отъ поганныхъ Агарянъ и междоусобныхъ браней, грѣхъ ради челоѣческихъ: подобно же сему и здѣ сотворися, въ нынѣшнія времена, въ Рустѣй земли. Якоже и древле Батый безбожный плѣни Рускую землю, но тогда останокъ еще и надежда Іисраилю оста отъ плѣненія, въ Велицѣй Росіи глава всѣмъ и начало княземъ и мати градомъ, Великій Новградъ со всею сѣверною страною; нынѣ же что реку? но токмо якоже великій пророкъ Іеремія плакася о Іудейстѣй земли, такоже и въ Руси. О горе, горе, увы, увы! земля вся Руская пуста отъ востока и до запада, отъ сѣвера и до юга, и не оста мѣсто, не токмо градъ, ни веси, но и сущіи бѣжащіи въ горахъ и въ пустыняхъ и во островѣхъ не укрывшася отъ поганныхъ и злыхъ челоѣкъ, словесныхъ звѣрей, всѣ горко замучими, погублени быша; а кои гради останахся отъ плѣненія невѣрныхъ, и тѣ междоусобою другъ друга врагомъ смущаеми различными смертми погубишася, иніи же огнемъ гради попалишася, иніи же голодомъ и моромъ изомроша. И сбытся по великому апостолу и евангелисту Ивану Богослову, иже бѣ ему откровено Духомъ святымъ: ангелъ Господень возливая фіалы на землю и въ море и на всю тварь, да погибнетъ, да остане тѣ третія часть во всей твари живущихъ. Нынѣ же азъ не смѣю глаголати, не вѣмъ чюжихъ странъ, что ся тамо творить? Здѣ же въ Велицѣй Росіи вси оставшіи челоѣцы свѣдѣтъ, яко не оста отъ сихъ злыхъ бѣдъ и напастей ни тысячная часть^а, понеже идѣже преже 1000 или 100 живущихъ бѣ, тамо челоѣкъ въ 1000 едва единъ челоѣкъ оста, и тѣ въ скорбѣхъ и наложѣхъ и бѣдахъ, отъ сильныхъ градодержателей и лукавыхъ челоѣкъ продаеми и всяко насилуваніи быша. Мню же тако и во всей вселеннѣй творится нынѣ; понеже никтоже отъ страны во страну не прежожаше ни землею, ни моремъ, якоже и сами свидѣлствуютъ и пишутъ во всю вселенную, гдѣ что бысть отъ Бога за грѣхи ихъ, якоже и у насъ быша: овѣи плѣнени быша, иніи же междоусобою погубишася, овѣи же голодомъ и моромъ погибоша, иніи же каменіемъ отъ небеси якоже Содомъ побіени быша, овѣи же трусомъ падошася, инѣхъ же море потопа грады и веси, и всѣмъ тѣмъ землямъ имена и градомъ описуютъ онѣ, кто чѣмъ погибе. И сія вся видѣвши, братіе, знаменія, скорби и бѣды, по реченному Господемъ нашимъ Ісусъ Христомъ, яко симъ всимъ подобаетъ быти и яко пришествіе его на землю уже приближися судити всѣмъ. — Въ лѣто 7096. Послѣ отца своего царя Ивана на царство сѣдшу благочестивому царю Феодору Ивановичю всеа Руси, брату же его меншему царевичю Дмитрію 9-ти лѣтъ сущу, на удѣлѣ во градѣ Угличѣ съ матерію живущимъ, иже тогда сущу православію въ тишинѣ и во смиреніи и въ благоденствѣ пребывающу; но врагъ діаволъ не престоая ратуя на родъ праведныхъ завистию и убійствомъ, власти ради, наводя злыхъ и лукавыхъ челоѣкъ отъ древнихъ лѣтъ во всей вселеннѣй, якоже и нынѣ бысть. Что же Господь сотвори има? Діаволъ позавидѣ добродѣтели ихъ и благочестію, якоже въ началѣ Рустѣй земли праведнымъ страстотерпцемъ Борису и Глѣбу: подведе лукавую лису, нѣкоего новаго Святополка Бориса, Богу тако изволившу попустити, на отмищеніе отцу ихъ, еже той сотвори много убійство безъ правды братіи своей и дяди. И грѣхъ ради нашихъ поядаетъ волкъ Христова

а) ни тысячная часть — тысячная тысящъ С.

непорочная овчата, единого по единому, царей тѣхъ: прежде беззлюбиваго яко агныца закалаетъ царевича Димитрія, егоже послѣди Господь Богъ прослави въ чудесѣхъ, потомъ же и царя благочестиваго нападетъ злымъ зліемъ и ко Господу и той отъиде съ миромъ, и прочихъ такоже владомыхъ овыхъ погуби, инѣхъ же поточи въ затоки, хотя воцаритися самъ во вѣки съ родомъ своимъ; а на Бога не упова, но на силу и на богатство упова^а. Егда же воцарися, начатъ церкви созидати и красити, и милостыню давати монастыремъ и церквамъ и нищимъ и гладнымъ, люди же приводя на любовь къ собѣ; но ни что же успѣ, ни преодолѣ убійству и Божію суду. Зрите, что же и тому окаянному воздастъ Богъ мечь, и не помяну его яже къ церквамъ Божіимъ и къ нищимъ милостыни: но убіенія ради праведныхъ воспріятъ тая же злая, яже самъ сотвори, со своими суетными ему, отъ мнимаго предтечи антихристовъ Гришки Отрепѣева, нарицающагося именемъ предиреченнаго страсотерпца царевича Димитрія. Приде бо съ поганою Литвою на Русь, воцарися же и той злѣй змій грѣхъ ради нашихъ, прежде благъ показася и благочестивъ, потомъ же золъ гонитель и разоритель христіанской вѣрѣ. Не помяну Богъ согрѣшенія людій своихъ, молитвъ ради пречистыя его Матере, заступницы христіанскія, и святыхъ великихъ чудотворцовъ Московскихъ, не предаде своей церкви и людей въ Латынство превратити, но разруши его злѣй совѣтъ, и самъ превращенъ бысть съ царства: воздвиже на него отъ благочестивыхъ князей Рускихъ Шуйскаго князя Василія и прочихъ съ нимъ, поборающихъ по благочестію, якоже древле въ Грецѣхъ на Уліяна законопреступнаго великаго царя Феодосія; и убіенъ бысть сій злочестивый, злѣ животъ свой сконча и онамо вовѣки въ геену огненую вселися, по своимъ злымъ дѣломъ. На царство же избранъ бысть той прежереченный князь Василей, иже зла врага сокруши, но не многими избранъ бысть грады, но единымъ Московскимъ государствомъ, а не всею землею; того ради не возлюбилъ его мнози на земли Русѣй. Тому же царствующу, но не по мнозѣ паки діаволъ воздвиже брань и на того царя и на все христіанство, яко искони не любя мира въ человѣцѣхъ: воздвиже на него инѣхъ царей, имены называющагося царя-Ивановы дѣти, многимъ ухищреніемъ Литовскаго короля и своихъ враговъ христіанскихъ, не хотящихъ жити въ законѣ Божіи и во блазѣй вѣрѣ и въ тишинѣ, но въ буйствѣ и во объяденіи и во упиваніи и въ разбойничествѣ живуще, желающе чужаго имѣнія и приступльшихъ къ Литовскимъ и Нѣмецкимъ людямъ. И собращася вси, елико яко полстїи звѣріе отъ пустыни, придоша много множество на царствующій градъ и на всю Рускую землю; царь же изыде противу имъ съ вой своими, и много брани и побѣды прежде показа. И видѣ діаволъ, яко не преможе одолѣти христіанству, разже царя похотію на блудъ; онъ же оставя все воинство свое, приде въ царство свое и поятъ жену, и начатъ оттолѣ ясти и пити и веселитися, а о брани не бреже. Видѣ же себе воинство отъ царя оставлены и небрегомы, и воеводѣ и начальниковъ не восхотѣ слушати, и разыдошася каждо во грады и въ дома своя, а иніи отъидоша къ ложному царю, желающе чести временныя. И приде ложный царь подъ царствующій градъ Москву, и обсяде его, и бысть во обдержаніи царствующій градъ 9 лѣтъ, голодомъ томимъ. Царь же Василей своя сокровища царская раздалъ воемъ, и изыдено бысть все; видя же царь, яко не облегчаетъ граду, собравъ по монастыремъ и по церквамъ сосуды златыя и серебряныя и кузни и оклады у святыхъ иконъ и честныя кресты, раскова^б все и истощи воемъ, и ничтоже успѣ. А поганые Латина разыдошася и Русь разсѣяшася по лицу всея земля Рускія, грады и веси плѣняюще, ови взятіемъ взяша, иніи же сами предашася; и оттолѣ бысть раздѣленіе во всей странѣ Русѣй, другъ

а) но на силу. . . упова нѣтъ въ А. б) раскова: такъ кажется должно читать; во всѣхъ сп. раскопа.

друга убивающе, братъ брата, сынъ отца, и мучаху всякими различными муками злыми и грабяще имѣнія, и бысть таково зло въ Руси, яко ни отъ начала Рускія земли не бысть таково междоусобіе. Царю же сѣдѣшу въ царствѣ отъ Латынъ и Поляковъ и Рускихъ враговъ своихъ и со гражданы, и терпяху гладъ и всякую нужду, братню же его сынови князю Михаилу Скопину сущу въ Великомъ Новѣградѣ княжашу тогда, видѣ царствующій градъ обстоимъ и изгибающъ отъ глада, а помощи ниоткуда надѣющесе, понеже вся земля раздѣлилася на многіе части: и поиде онъ въ Латыню, въ Свею, за море, и нять 12.000 людей и приде съ ними въ Великій Новградъ, и собравъ Русь приде на Тверь, и побѣ множество Полскихъ и Литовскихъ людей. И бысть страхъ и ужасъ у ложнаго царя и на всемъ его воинствѣ Литовскихъ и Рускихъ людей, и побѣже ложный царь изъ царствующаго града со всѣми вои, и приде во градъ Колугу, и ту убиенъ бысть Нагайскимъ княземъ Петромъ Урусовымъ^а; а Полстїи и Литовстїи людїе побѣгоша, и стаха у Смоленска града, стоящу бо ту королю Полскому у града, обстоя градъ, хотя взяти. И Божією помощію, и пречистыя Богородица, и великихъ чудотворцовъ, и благовѣрнаго князя Михаила премудростію и храбростію, избавленъ бысть царствующій градъ Москва отъ нашествїя Полскихъ и Литовскихъ людей и Рускихъ враговъ, всѣ разгнани быша. Но не престая врагъ діаволъ смущая землю, не любяй мира въ челоуѣцѣхъ, но отъ начала созданїя свѣту позавидѣ братъ брату, такоже и въ началѣ Рускаго княженїя уби братъ дву братовъ, славы ради тлѣнныя: такоже и сему князю Михаилу позавидѣша три братїя, а его дядїа, его славѣ и чести и храбростію и мужествомъ, яко Саулъ Давыду пастырю сущу, и уби Голияеа, и пояху Саулу дѣвицы въ тысящахъ побѣду, а Давыду во тмахъ. Тако и сіи вознегодоваша на него, яко побѣди поганыхъ и бысть славенъ и честенъ паче братїи своихъ, и оклеветаша его къ царю, глаголюще: «слышахомъ, царю, яко племянникъ твой и нашъ хоцетъ царемъ быти, въ тебе мѣсто;» слышаху бо тїи завистницы, дядїа его, въ народѣ глаголющихъ, «яко достоинъ сицевый князь и сильный мужъ и храбрый быти царемъ, яко избави насъ отъ нашествїя Латынъ и градъ нашъ свободи отъ обстоянїя и отъ глада.» Сему же преудобренному князю ничесоже не вѣдущу, еже на нь врагъ діаволъ дядїамъ его ковь сшиваше и слагаше лесть, како бы погубити храбраго мужа. Ему же стоящу тогда съ вои съ Нѣмцы и Русью во Александройѣ слободѣ, хотящу ити на безбожнаго короля Полскаго подъ Смоленскъ на испорученїе граду и всѣмъ христїаномъ, Богу же тако изволившу, всѣмъ злымъ на ны быти грѣхъ ради нашихъ, не сбытсѣя его мысль: царь бо Василей посылаетъ посланїе къ нему, и повелѣваетъ ему къ собѣ въ царствующій градъ Москву прїити, дара ради и чести и цѣлованїя, и возвеселитися съ нимъ вкушѣ и воздати ему побѣдителная. Онъ же беззлюбивый ни во умѣ сего помысли еже о царствѣ, но токмо еже пострадати противу безбожныхъ за Божїю церкву, и за царя своего дядю, и за все православное христїанство, еже отгнати бы поганыхъ отъ Руси; и не разумѣ дядїина лукавства и злыя мысли, и не хотѣ преслусати царьскаго повелѣнїя, и приде ко царю, и срѣтоша его народи съ великою честїю, и яде со царемъ и возвеселися, и дары многи и честны отъ него прїятъ. Не по мнозѣ же времени сотвориша пиръ дядїа его, не яко любви ради желяху его, но убійства, и призваша ѣ, ядоша^б и пиша. Послѣди же приде къ нему злаго корене злая отрасль, якоже древняя змія лстивая, полове княгиня Дмитреева Шуйскаго Христина, Малютина дочь Скуратова, иже бысть наперстникъ и злый совѣтникъ и убійца при великомъ цари Иванѣ и гонитель роду христїанскому, той же и преосвященнаго митрополита Филиппа затуши, ходатайствуя отъ царя, не благословивъ

а) урусовымъ. урасовымъ (украсовымъ) *ошибк.* О. С. б) ядоша. яша О. С.

шаго Новградъ плѣнити; сего злаго плода и лютаго варвара злыя отрасли, новыя Иродіяды; ниже бѣ сестра Борисовы жены Годуновы, ниже отравою окорми праведнаго царя Θεодора, сія же злая діаволя совѣтница яко медъ на языкѣ ношаше, а въ сердца мечъ скова и пронзе праведнаго и храбраго мужа^а, приде къ нему съ лестію, нося чашу меду со отравою. Онъ же незлобивый, не чая въ ней злаго совѣта по сродству, вземъ чашу и испить ю; въ томъ часѣ начатъ сердце его терзати, взявше его свои ему принесоша ѿ въ домъ, и призвавъ отца своего духовнаго и исповѣда ему вся своя согрѣшенія, и причастився божественныхъ таинъ Христовыхъ, и предасть духъ свой Господеву. Мнози же народи, вѣрніи и невѣрніи, плакахуся его смиренія и любве и милости къ малымъ и великимъ. И оттолѣ возгорѣшася злая горши первыхъ въ Руси, ихже подробну не мощи^б изрещи, что сотворися тѣма злыма убійцама, или како разоремо бысть Московское государство отъ Полскаго короля. Егда же сія слышавъ Полскій король, яко погубиша такового храбра мужа, и радостенъ бысть, воспріять болѣе дерзновение, паки посылаетъ гетмановъ своихъ и пановъ изъ подъ Смоленска со множествомъ вой на Московское государство, не чая уже себѣ супротивника. Царь же Василей посла своего брата князя Димитрія и иныхъ многихъ съ ратію, и срътошася Литва съ Русью, и грѣхъ ради нашихъ побѣни быша Рустіи полцы, и побѣгоша, и многихъ по мѣстомъ обомаша и моряху гладомъ; князь же Дмитрей едва убѣжа ко царю. Съ тою же побѣды наемныя Нѣмцы раздѣлишася надвое, ихже нять князь Михаилъ противу Литвы, единая половина отъидоша къ Полскому королю, а другая пришедше, по Божію попущенію, за грѣхи наша, засѣдоша Великій Новградъ; видѣша бо нестроеніе и раздѣленіе, градомъ расхищаемомъ всѣми, и владѣша имъ 6 лѣтъ, и разориша вся святыя мѣста и монастыри и церкви, и вся сосуды златыя и серебряныя и кузнъ и раки святыхъ поимаша, и Софійскую страну всю пожгоша и до конца разориша, и людей пограбиша и многихъ замучиша, а иныхъ въ плѣнъ ведоша, ниже отъ начала Великому Новуграду не бѣше таково разореніе. Въ то же время взять бысть и великій славный градъ Смоленскъ отъ Полскаго короля, а Псковъ отлучися Московскаго государства, такожде междоусобіе; а въ царствующемъ градѣ Казани такожде междоусобіе и Татарское возмущеніе, хотѣша бо такожде себѣ устроити царство по прежнему, но Богу тако еще не благоволившу. Въ Московскомъ же государствѣ, егда прибѣжалъ князь Дмитрей Шуйской съ побѣды, бысть мятежъ великъ во всѣхъ людехъ, ниоткуда собѣ помощи надѣющася подвигошася на царя, глаголюще: «тебе ради кровь христіанская проливается, тебе ради еже есть земля раздѣлися, что не по избранію всея земля на царство воцарися, и множество людей погубилъ еси неповинныхъ, твоя братія своего племянника, а нашего государя оборонителя и заступника, отравою окормиша; къ кому нынѣ прибѣгнемъ? къ кому припадемъ? кто насъ избавить отъ сихъ поганныхъ, нашедшихъ на ны? нѣсть намъ нынѣ надежда и нѣсть упованія; сойди съ царства и положи посохъ царьской, да соединится земля и умирится;» но болѣе же всѣхъ возненавидѣша его отъ боярскаго роду, ови же восхотѣша на царство Нѣмецкаго королевича, иніи же Литовскаго. О горе, о горе, увы, увы прелести! своего христіанскаго царя возненавидѣша, а отъ поганныхъ и иновѣрныхъ возлюбиша. Се же все бысть грѣхъ ради нашихъ. Нѣкогда же пришедше собравшася вси людие всѣхъ чиновъ ко Ермогену патріарху на совѣтъ, глаголюще: «не хотимъ сего царя Василія видѣти на царствѣ, и да послеши къ Полскому королю Жикгимонту, да вѣдѣсть намъ на царство сына своего Владислава.» Патріархъ же наказуя много глагола имъ, еже бѣ прежде пакости много отъ нихъ Полскихъ людей, егда придоша съ Гришкою Отрепьевымъ:

а) Θεодора . . . мужа.; текстъ въ семъ мѣстѣ испорченъ въ А. б) не мощи - не могу С.

«а нынѣ же чего еще чаете, токмо конечного разоренія царьству и христіянству и вѣрѣ? или не возможно вамъ избрати на царство изъ князей Рускихъ?» И рѣша отъ княжеска и боярска роду патріарху, глаголюще ему: «не хоцѣмъ своего брата слушати; ратніи людіе Рускаго царя не бояться его и не слушаютъ и не служатъ ему.» Патріархъ же совѣтовавъ съ бояры и съ народомъ, посла послы къ королю Польскому, да дастъ имъ сына своего на царство, и да крестится по закону Греческому. Король же поганый умысли, лестію глаголя: «чему мнѣ вѣрити вамъ? у васъ царь сидитъ на царствѣ, а просите у меня сына моего на царство свое; аще ли приведете его съмо и съ братією его, то азъ дамъ сына моего вамъ на царство.» И придоша послы, глаголюще всѣмъ, еже реклъ король. И нѣщцы собравшеся отъ боярска роду, измѣнницы и нарушители христіянству, любяще поганскія обычаи и законы, устремишася въ царскія полаты къ царю, и исторгоша отъ рукъ у него посохъ царскій, и сведоша ѿ съ царства и посадиша ѿ на своемъ дворѣ за стражи, и постригоша ѿ во иноческій образъ; и не по мнозѣ времени послаша его съ братією къ королю подѣ Смоленско. Зрите же, братіе, что сотворися тѣмъ убійцамъ, дядіямъ Михайловымъ? не токмо царства лишены быша и своими людьми обругани, но въ чужую страну отданы быша и нужную смерть пріяша тамо, убіенія ради своего сродника, яко не восхотѣша его видѣти въ величій славі. Въ то же время, егда послаша царя Василія съ братією къ королю, избраша отъ всѣхъ чиновъ всякихъ людей, послаша къ королю по сына его на царство, Ростовскаго Филарета митрополита да князя Василія Голицына, и иныхъ многихъ, и дворъ царской^а, столниковъ и стряпчихъ и чашниковъ и ключниковъ и сытниковъ; и придоша къ королю подѣ Смоленско, и начаша у него сына просити на царство. Онъ же безбожный преже многажды общевая имъ дати, дондеже крестъ цѣловаша сыну его на Москвѣ и въ Великомъ Новѣградѣ; а протчіи гради не восхотѣша. Егда же услыша король, яко цѣловаша крестъ сыну его на Москвѣ и въ Руси, онъ же умысли поганый отвѣтъ сицевъ, глаголя посломъ Рускимъ: «что ко мнѣ приидосте, моляще мене дати ми сына моего на царство вамъ? како ми дати его? вы Рускіи людіе преже сего своего царя убили, а нынѣ же своего царя Василія сами своими руками емше, предаша его мнѣ яко плѣнника: что же сотворите сыну моему? ни вамъ единовѣренъ, ни Русинъ родомъ, но часа того злѣйши того сотворите ему, еже сотворите своимъ царемъ единовѣрнымъ; но аще вся Русь цѣлуютъ крестъ мнѣ королю, то дамъ имъ сына моего на царство.» И посла гетмана пана Жолтовскаго на Московское государство со многими людьми, повелѣ ему привести вся люди ко крестному цѣлованію на его королевское имя; и придоша къ Москвѣ и повѣдаша королевское повелѣніе всѣмъ людямъ, и не восхотѣша сего вси людіе, рекоша: «не цѣлуемъ креста королю Польскому.» Польской же гетманъ Жолтовской нача умышляти со враги креста Христова, съ Рускими измѣнники съ бояры, како бы обладати такимъ великимъ государствомъ и толикимъ народнымъ множествомъ: умысли первіе, начатъ^б изъ Околнаго города древянаго и каменнаго нарядъ волоčiti въ Кремль, такоже и изъ Китая города; еще же къ сему умысли, повелѣ вся оружія собрати на торжищехъ и по домохъ, да не будетъ народу чѣмъ сопротивитися, конечнѣе же повелѣ по домохъ сѣкиры и ножи собрати и вѣмалѣ оставити, въ дву или въ трехъ домѣхъ сѣкиру и ножъ потребы ради. Како же возмогу изрещи сипевыя пагубы и ума отступленія челоувѣкомъ? вси бо яко скоти ядяху и пїяху и веселяхуся, а не разумѣюще, яко всѣмъ конецъ предлежитъ. Мали же нѣщцы уразумѣвше, уклонишася, или не судъ Божій тѣхъ постиже; но Богу тако изволившу, якоже древле Іерусалиму и Царюграду кровію очиститися

а) и дворъ царской. *нѣтъ въ А.* б) начатъ. *нѣтъ въ С.*

отъ грѣхъ. Пришедши же великой Цвѣтоносной недѣли, въ онъ же народъ собирающесе зрѣти святителское шествіе на ослати, умыслиша же Полстіи людіе въ той день посѣщи всѣхъ во градъ собравшагося народа; святѣйшій же патріархъ, слышавъ сія, не восхотѣ ити на ослати ко Іерусалиму, и народомъ и священникомъ повелѣ втайнѣ повѣдати, да не входятъ люди во градъ, хотятъ бо поганіи посѣщи всѣхъ; они же тако сотвориша. Полстіи же людіе видѣвши, яко не сбыстся мысль ихъ. Пришедшимъ же душеспасительнымъ днемъ, въ онъ же Христосъ Богъ возлеже на вечери, и умы нозѣ ученикомъ своимъ, и вдасть имъ тѣла своего божественныхъ таинъ Новаго завѣта, въ самый великій четвертокъ: собравшесе Полстіи людіе въ той день, яко волцы взрыкавше, сыроядцы, затворивше Кремль изнутри града, еликихъ обрѣтоша безъ милости посѣкоша. О безумія человѣческа! яко видѣвши таковая творящася злая, не уклоняхуся никаможе, но сами вдающеся на смерть, ослѣпи бо я суетная свѣта сего имѣнія и злое пѣянство; послѣди но и не хотяще вся оставиша. Наутрія же самыя Христовы страсти, иже пріятъ насъ ради грѣшныхъ, собравшуся народу множеству много на торжищихъ и на продромѣхъ, продаяху и куповаху кому что на потребу къ свѣтлому великому празднику Пасхи Воскресенія Христова; внезапу же выскочиша изъ Кремля, яко звѣріе дивіи, Подстіи людіе, начаша народъ сѣщи безъ милости по торжищемъ и на продромѣ, гдѣ кого обрѣтоша, и побіено бысть множество много народа, имже нѣсть числа. Паки же наутрія изшедше изъ внутренняго града, Околній градъ древяный зажгоша весь окрестъ, а иніи побиваху бѣжащихъ людей изъ града, такоже и каменный градъ пожгоша; и сие творяху всю святую недѣлю, жгуще дома и плѣняюще и людей побивающе, дондеже до конца разориша вся святыя Божія церкви и монастыри и весь градъ. А сами сѣдоша во внутреннихъ градѣхъ, въ Китаѣ и въ Кремлѣ, и обладаша всѣми царскими сокровищи и святительскимъ украшеніемъ, токмо Богъ соблюде домъ пречистыя своея Матере Богородица и обитель великого чудотворца Алексія. А великого святителя патріарха, новаго исповѣдника, Ермогена умориша нужною смертію, за его крѣпкій и непоколебимый разумъ, и пріятъ отъ Бога неувядаемый вѣнецъ. И сбыстся на царствующемъ градѣ Москвѣ якоже и на Іерусалимѣ, иже плѣненъ бысть въ самый праздникъ Пасхи Антиохомъ; такоже и сему бысть. Зрите же, братіе, отъ Бога скорого отмщенія человѣкомъ, иже своего царя возненавидѣша и крестное цѣлованіе и обѣщаніе къ нему преступивше, какову месть воспріаха? а иже дерзнуша кои возложити руцѣ на царя, и поругашася ему и предаша въ поганыя руки, отъ своихъ людей побіени быша послѣди. И Божіею милостію и пречистыя Богородица и великихъ чудотворцовъ молитвами, собравшесе нѣцми на Низу ратніи, слышаще, яко поганіи Латина хотяху разорити Московское государство, и поидоша на помощь христіянству, но не успѣша, Богу тако изволившу; и придоша подъ Москву въ третій день по разореніи, и осадиша градъ Китай и Кремль, но грѣхъ ради нашихъ не бѣше въ нихъ миру, понеже не имяху главы содержащей, но во своей воли вси хождаху, мучаху и грабляху своихъ единовѣрныхъ. И мотомъ приде къ нимъ князь Дмитрей Трубецкой съ войскомъ, иже бѣ служилъ у ложного царя подъ Москвой; и стояху около града Москвы много, и ничтоже успѣша. Егда же услыша Полскій король, яко обстоимъ бѣ градъ Москва Рускими вои, подвижеся самъ изъ Полши и приде на Русь подъ Волокъ Ламской, и много приступая и ничтоже успѣ, и своихъ людей много погубивъ съ срамомъ отъиде восвоя; на испорученіе же посла своимъ людемъ подъ Московское государство гетмана Хоткѣва со многими людьми и съ запасы, бѣ бо гладъ великъ зѣло обдержаше я, ядаху скверная и человѣческая мяса. И услышаша сіе нѣцми православніи на Низу, въ нихъ же бѣ начальникъ нѣкто отъ простыхъ людей, по теплый вѣрою побораю по христіянствѣ, именемъ Козма Мининъ: собравъ множество имѣнія по градомъ на людехъ, и наятъ рати и вдасть я князю Дмитрію Пожарскому, и самъ съ нимъ,

и поидоша къ Московскому государству на помощь сущимъ ту Рускимъ ратнымъ людямъ : егда же приидоша, ратніи срѣтоша ихъ съ радостію и любовію, веселящися, славяще Бога и пречистую Богородицу, яко собравшися вси во едино. Егда же приидоша поганіи Полстіи людіе на князя Дмитрія Пожарского и начаша гонити, и ту врагъ діаволъ возмуди, возложи древнюю гордость князю Дмитрею Трубецкому, не изыде въ помощь брату своему, не любяше бо, понеже самъ себе бѣлаша творя : «яко азъ градъ обсѣдохъ;» той же христолюбецъ Козма прииде въ полкъ княжъ Дмитреевъ Трубецкого, и начатъ со слезами молити ратныхъ о любви, да помогутъ другъ другу, и обѣщаваше имъ великія дары. Въ той часъ воздвиженія прииде у нихъ гласъ, вси яко лвы ревуще, конные и пѣшіе ратніи поидоша на поганныхъ, со слезами молящися Господу Богу и пречистѣй его Матери и великимъ чудотворцомъ, еже подати имъ помощь на невѣрныя; и въ той часъ бысть предивно одолѣніе на поганныхъ Полскихъ людей, побіено бысть безчисленно, и еже везоша во градъ людямъ своимъ въ прекормленіе, все у нихъ плѣниша, и воздаша хвалу Богу и пречистѣй Богородицы и великимъ чудотворцамъ, яко подастъ имъ побѣду на враги. И оттолѣ собравшися вси во едино ратніи людіе и начальницы, и стояще у града, многое промышленіе положиша и многи крови проліяша за святыя Божія церкви и за все христіанство, и многи побѣды показаша на невѣрныхъ, и взяша царствующій градъ взятіемъ у поганныхъ Полскихъ людей 121, мѣсяца октября въ 22 день^а. Зрите, братіе, по всему подобно разореніе Московского государства и всея Рускія земля Іерусалимскому плѣненію отъ Антиоха, еже бѣ во опрѣснотный праздникъ, сіирѣчь Пасхи; въ онъ же день людіе прежде сего радовахуся и веселяхуся, въ пѣніи ликоствоваху, вмѣсто бысть вопль и плачь и стонаніе и рыданіе велие людямъ, и вмѣсто брашна и питія постомъ и алканіемъ изнемогоша, и изскоша уста ихъ отъ печали и туги и болѣзни сердечныя. И сія дождѣ.

О царьскомъ избраніи на Московское государство. Егда же стояще Рустіи бояре и князи съ вои подѣ царствующимъ градомъ Москвою полтора лѣта, еже бы выстояти градъ и взяти у Литвы: и совѣтъ сотворше въ себѣ бояре паки по прежнему, кромѣ всей земли Рустѣй совѣту, призвати Свейского королевича, Анцы Карлусова сына, меншаго брата Густавова, Филипа, и послаша въ Новгородъ къ Нѣмецкому воеводѣ Якову Понтусову^б, и Ивергорну и писарю Монши, дабы послали изъ Великого Новаграда Рускихъ людей отъ всякихъ чиновъ бити челомъ Свейскому королю Густаву Карлусову сыну, чтобъ пожаловалъ далъ меншаго брата Филипа Карлусова на царство Московское. И послаша избравше Юрьевского архимандрита Никандра, и благовѣрнаго старца Благовѣщенского игумена Антонія, и иныхъ многихъ всякихъ чиновъ людей, князей и бояръ и лутчихъ мужъ Новгородцовъ. И доѣхаша въ Свюю, королю о томъ били челомъ, и король имъ отказалъ : коли де будетъ Московское государство взято у Литвы, тогда вамъ брата своего дамъ на царство.» И идущимъ тѣмъ посломъ изъ Свей чрезъ Иваньгородъ, и прииде вѣсть во Псковъ, что послы Новгородскіе идутъ изъ Свей, и шедше ратніи, полониша ихъ всѣхъ и привѣдоша во Псковъ со всѣмъ посолскимъ дѣломъ; и тогда наипаче во Псковѣ начаша о собѣ жити и крѣпитися, боящися Нѣмца. Слышавъ же подѣ Москвою князи и бояре, что первые послы не умолиша

а) 121 мѣс. окт. въ 22 день такъ исправлено; во всѣхъ сп. невѣрно: 122 (т. е. года, что соответствуетъ въ октябрѣ 1613-му), мѣсяца октября въ 20. Москва очищена отъ Поляковъ 7121 (1612) года, октября 22: см. грамоту въ «Актахъ Арх. Эксп.» объ установленіи празднованія Казанской Богородицы, въ воспоминаніи избавленія Московскаго государства т. IV, стр. 61. б) понтусову такъ должно читать; во всѣхъ сп. ошибкою: путцыну.

короля, еже дати брата своего на царство, и написавше крѣпость за своими руками послаша въ Новгородъ къ митрополиту и всѣмъ людемъ, чтобъ шли въ Свею съ тою ихъ крѣпостію королевича просити на Московское государство. И избраша Хутынского архимарита Кипріяна съ нарочитыми людьми, такоже по прежнему, и послаша въ Свею на томъ, чтобъ далъ король брата своего на царство, и пришедъ бы на границы крестился и пріялъ бы святую крестіанскую православную вѣру Греческаго закона. И король вдастъ имъ брата своего на царство; и поидоша на Русь. И пришедшимъ имъ къ Выбору Нѣмецкому, и вѣсть прииде къ нимъ изъ Новгорода, что Московское государство Рускіе люди у Литвы взяли и очистили, и избрали ратные люди и всѣ православные на Московское государство царемъ отъ царскаго роду, царя Ѳеодора Ивановича племянника, Михаила Ѳеодорова сына Никитича Романовыхъ. И королевичъ слышавъ сіе и назадъ воротися; и не сбысться ихъ злый боярской совѣтъ, но его же Богъ избра и восхотѣ, той и бысть. И послы приидоша въ Великій Новгородъ. И паки напредъ возвратимся. Что же по сихъ бысть? но якоже Богъ изволи прежде быти, тако и бысть. Егда же взяша Московское государство у поганыхъ Полскихъ людей, собравшеся оставшимъ отъ разоренія людемъ, всякихъ чиновъ Московскіе жилцы и иныхъ градовъ Рускихъ, и начаша глаголати: «не возможно намъ пребыти безъ царя ни единого часа; но да изберемъ собѣ царя на царство.» И восхотѣша начальницы паки себѣ царя отъ иновѣрныхъ, народи же и ратніи не восхотѣша сему быти, но въ прежереченнаго мѣсто храбраго князя Михаила Скопина, Богъ воздвиже втораго Михаила нечаемаго^а, его же и самъ избра; и испаде на него жребій, и поставиша ѱ на царство на Вознесеніе Господне. Его же отцу Ѳеодору Никитичю братъ по матери блаженный памяти царь Ѳеодоръ Ивановичъ якоже пророчествуя и провидя, яко отъ сѣмени его воцаритися имать въ Руси на Московскомъ государствѣ и вознесетъ рогъ царства христіанскаго паки на прежнее: и вдаде ему жезлъ свой царской, видѣ бо себе единого послѣдняго сына царскаго роду скончающуюся, а по немъ иного не остающуюся, ему же бы предати царство; аще и раба своего видѣ возвышася и воцаряющуюся, но на время се бысть; того ради вдаде сему Ѳеодору жезлъ свой на управление царству своему, прозря душевными очима хотящая быти послѣди, еже и сами нынѣ зримъ сбывшееся. Того же блаженнаго царя вси вѣдять, яко убо въ житіи семъ Господь Богъ прослави смиренія ради его и теплыхъ вѣры еже къ Богу, и нищимъ милованія, и ко святымъ Божиимъ церквамъ строенія, вдаде ему на исходъ души даръ пророчества, иже и сбысться по пророчеству его: воздвиже Богъ паки прежде падшее его царство, и обнови въ Росіи, и посади на престолѣ царя благочестива и благородна, великаго князя Михаила Ѳеодоровича всеа Русіи. Якоже древле Царьградъ очистися Михаиломъ даремъ отъ Латинъ, такоже и нынѣ въ Руси бысть: воздвиже Богъ на царство тезоименитаго Архистратига силы его Михаила, зѣло кроткаго, тихаго царя, Христова подражателя и дяди своего наслѣдника, и мати его Марѳа, пріятницы Московскаго царства, яко цвѣтъ отъ тернія израстши; и всякого веселія и радости исполнися Російское царство, и далъ Богъ благодать и въ мирѣ тишину и благоденство, и страны съ нимъ смиришася, и земля прозябе благія плоды ея, своею каждою износяще плодная древета, пшеницу и овощъ. Десница Господня сотвори силу, десница Господня вознесе его. Что же убо миротворецъ онъ и кроткій царь? почи^б въ мирѣ и въ покои земля его; срящетъ бо милость суда. Елма же Богъ воздвиже рогъ спасенія людей своихъ мышцею своею, и всѣ православніи христіане возрадовашася и Богу хвалу воздаша о семъ, что Господь Богъ воскресилъ въ Руси паки отъ своихъ Рускихъ людей и отъ царскаго роду, и обнови имъ царство. Бѣ же

а) нечаемаго. неначаемаго О. С. б) почи. такъ исправлено; во всякъ сп. непонятно: впочіи есть.

царь младъ, егда сѣде на царство, яко лѣтъ 18, но бѣ благъ, тихъ, кротокъ и смиренъ и благоувѣтливъ, всѣхъ любя и всѣхъ милюя и щедръ, во всемъ подобенъ бѣ прежнему благоувѣрному царю и дяди своему Феодору Ивановичю всеа Русіи; и не у бѣ ему еще толика разума, еже управляти землею, но боголюбивая его мати, инока великая старица Марѳа, правя подѣ нимъ и поддерживая царство со своимъ родомъ, еще бо сушу отцу его въ плѣну у короля Польскаго. Но и сему благочестивому и праведному царю, смиренія его ради, не безъ мятежа сотвори ему державу врагъ діаволъ древній, возвыся паки владущихъ на мздоиманіе, наипаче же насиловаху православнымъ, емлюще въ работу силно собѣ. Людіе же начаша оставшаяся собиратися въ Руси по градомъ, исходя отъ плѣну отъ Литвы и Нѣмцевъ, и начаша населятися; они же окаянніи, аки волцы тяжцы восхитающе^а, емляху ихъ къ собѣ, понеже страхъ Божій преобидѣша и забыша свое прежнее безвременіе и наказаніе, что надъ ними Господь за ихъ насилство сотвори, отъ своихъ рабъ разорени быша; и паки на то же подвигошася, а царя нивчтоже вмѣниша и не боящеся его, понеже дѣтескъ сый. Еще же и лестію уловивше: первіе егда его на царство посадиша, и къ ротѣ приведоша, еже отъ ихъ велможска роду и боярска, аще и вина будетъ преступленію ихъ, не казнити ихъ, но разсылати въ затоки; сице окаянніи умыслиша, а въ затоцѣ коему случится быти, и онѣ другъ о другѣ ходатайствуютъ ко царю и увѣщаютъ и на милость паки обратитися. Сего ради и всю землю Рускую раздѣливше по своей воли, яко и его царская села себѣ поимаша, иже бѣ прежде у царей, понеже не вѣдомо бѣ царю, яко земскія книги преписанія въ разореніе погибоша; а на царскую потребу и расходы собираху со всей земли Рускѣй оброки и дани и пятую часть имѣнія и тяглыхъ людей, а изъ протчихъ царскихъ доходовъ, ихже государь царь оброки жаловаше. И нѣкогда посылалъ государь царь подѣ Смоленско своихъ государевыхъ воеводъ, князя Дмитрея Мазюкова да князя Ивана Троекурова, съ ратными людьми, и тѣ воеводы государевымъ дѣломъ промышляли съ радѣніемъ, и немного града не взяли; и онѣ тѣхъ воеводъ перемѣнили да иныхъ послали, и тамо ратному дѣлу не таковъ устрой бысть, и нападоша на нихъ Литва и самихъ осадили, и гладъ бысть великъ; и къ государю многожды посылаху о хлѣбѣ, и онѣ тѣхъ въ крѣпости сажаху, а отъ государя^б царя таяху; и не стерпя^в гладу ратніи людіе и отъ града отѣшли прочь, и начаша свою землю воевати и людей мучити, гнѣвающеся на бояръ. Сицево бѣ попеченіе боярско о земли Руской! И потомъ, въ третіе лѣто царства его, прииде Свѣйской король подо Псковъ со многими Нѣмецкими людьми и съ нарядомъ, и стоялъ полтретья мѣсяца подѣ городомъ, много пакости учини, стѣну разби 40 сажень, и на приступъ приходилъ и много людей побилъ, и подкопы велъ, и наметными ядрами стрѣлялъ огненными и голыми ядры^г и каменіемъ; и отъ всѣхъ его козней избави святая Троица градъ свой отъ поганныхъ, молитвами пресвятыя Богородица и чюдотворцовъ Псковскихъ, и толико всенародное множество препита невидимою силою, а уже была граду велика туга и печаль отъ гладу, куповаху бо хлѣбъ кадь въ полтора рубли и болѣ. И государю царю много посылаша изъ града о испорученіи: и всѣхъ тѣхъ посланниковъ бояре и царю^д не показаша, держяху въ запорѣ и государя утѣшаху отъ печали, глаголаху ему, повѣдающе поганныхъ немного, а во градѣ людей много, и людскія печали и гладу не повѣдаху ему; и отсылаютъ гонцы назадъ съ радостію, что «тотчасъ государь посылаетъ воя на испорученіе вамъ.» Сицево бѣ попеченіе боярско о градѣ, аще не бы Господь самъ сохранилъ градъ! но того ради и Богъ призрѣ своею милостію на градъ,

а) восхитающе» восхищающе С. б) а отъ государя» а государя *такъ неправильно во всѣхъ сп.* в) и не стерпя» *пропущено въ О. С.* г) стрѣлялъ. . . ядры» *пропущено въ А.* д) бояре и царю» къ царю бояре О. С.

видѣ отъ своихъ единовѣрныхъ предаемъ; да не вмѣнять Господь имъ грѣхъ сей. Еще же къ сему ино нѣчто сотвориша въ то же время бояре, егда обстоимъ бѣ градъ Псковъ отъ поганныхъ Нѣмцевъ: тогда послышаша^а нѣцкии вои, въ Поморьи суще, бяху грабяще люди, яко Нѣмцы стоятъ подо Псковомъ, и рекоша къ собѣ: «что сотворимъ за свою вину, еже учинихомъ земли Рустѣй напасти, и чѣмъ утолимъ гнѣвъ царевъ?» и рекоша вси: «пойдемъ ко царю и умолимъ его, да послетъ насъ на испорученіе Пскову и на Свейскую землю воевати.» И приидоша къ царствующему граду, и послаша ко царю о собѣ. Слышавъ бояре, начаша совѣтовати собѣ, какъ сія волныя люди собѣ поработити, «понеже наши рабы прежде быша, а нынѣ намъ силны быша и не покарахуся;» и призвавше во градъ головъ ихъ яко до трей сотъ, глаголюще: «хочетъ Богъ и государь васъ жаловати», они же внидоша во градъ; и переимаша ихъ и перевязаша, а на прочихъ ратію изыдоша, и разгромиша ихъ и многихъ переимаша, а достальныхъ 15.000 въ Литву отѣхаша. И по отшествіи Рускихъ людей отъ Смоленска, королевичъ Литовской и съ ними^б прииде ратію на Рускую землю, и много пакости учиниша, и грады поимаша и поплѣниша, и къ царствующему граду приступиша; и незамного Богъ укры своею милостію царствующій градъ, еще бо людіе во градѣ не укрѣпишася и не уселишася, и домовъ мало бѣ, понеже вновь царство строитися начатъ. И бысть тогда на всѣхъ страхъ и трепетъ и ужасъ, нашествія ради поганныхъ, и шатость бѣ велія въ людехъ, другъ друга боящися, и чаяху измѣны; такоже и царю съ матерію велія скорбь бѣ и туга, понеже королевичъ прошашеся на царство, того ради съ нимъ миръ тогда взяша и 12 городовъ ему вдаша пограничныхъ, и изыде изъ Руси. И потомъ государь царь восхотѣ браку сочтатися законному, и обручена бысть царица Анастасія Иванова дочь Хлоповыхъ; врагъ же діаволь научи нѣкоторымъ сродичамъ, царевѣ матери племянникомъ, остудити царевѣ матери царицу, нѣкоторымъ чародѣйствомъ ненависть возложиша, и разлучиша ю отъ царя и послаша^в въ затокъ. Сие же учиниша благочестивому царю, нанесомъ ему печаль и скорбь велію; онъ же беззлобивый благодарѣнъ терпѣше сія, и не восхотѣ иныя поняти, дондеже Литовской король отпусти отца^г его митрополита Филарета на Русь. Егда же прииде митрополитъ Филаретъ: и по Божію строенію и по царскому прошенію у Турского царя, прииде изъ Палестины изъ святаго града Іерусалима отъ Господня гроба святѣйшій патріархъ Теофанъ въ царствующій градъ Москву, и постави митрополита Филарета отца царева патріархомъ на Москвѣ всеа Русіи; и отпустиша патріарха Теофана съ великою честью восвояси. А святѣйшій патріархъ Филаретъ Московскій и всеа Русіи земская дѣла начатъ управляти, и начатъ глаголати сыну своему царю Михаилу о совокупленіи брака: аще хочетъ поняти королевѣ Литовского короля, да тѣмъ примиритъ его къ собѣ, и грады возвратитъ плѣнныя и отданныя паки собѣ? Онъ же сего не восхотѣ. И паки мати его и отецъ посласта къ Датцкому королю о поиманіи дщери его за царя; король же отказа: «преже сего брата моего имали къ вамъ на Русь, при царѣ Борисѣ, а хотѣлъ за него дати дщерь свою Ксенію — и приѣхавъ къ Москвѣ часу не жилъ тутъ, отравою уморили его; такоже и дщери моей сотворите нынѣ», и отпусти пословъ. И паки отецъ и мати начаха увѣщати царя о сочтаніи брака; царь же отвѣща: «сочетался есмь бракомъ по закону Божію и по преданію Святыхъ Апостолъ и Святыхъ Отецъ, и обручена ми есть царица; кромѣ еѣ иные не хочу поняти.» И хотѣ послати по нею царевъ отецъ; и повѣдаша ему, яко царица испорчена есть, неплодна и болна, и много испытаніе бысть о семъ, кто тако сотвори надъ

а) послышаша — такъ кажется должно читать; во всѣхъ сп. послаша. б) и съ ними — нѣтъ въ С. в) и послаша — ю прибавл. О. С. г) отпусти отца — отъ отца ошибк. О.

нею? И изыскани быша таковѣ: тѣ же окаяніи Михайловы дѣти Салтыкова, 2 брата, царевѣ матери племянники, Борисъ да Михайло, повинувшася о семъ, «яко сего ради тако сотворихомъ, понеже намъ удаленомъ быти царева лица и сана своего лишитися»; и осудиша ихъ въ затокъ со очей царевыхъ, а смерти ихъ не осудиша царева ради родства, отцу же ихъ въ Литвѣ умершу. И потомъ послаша дохтуровъ къ царицы, да извращаютъ ей болѣзнь, они же пришедше извращеваша ю; и хотѣ патриархъ царя вѣнчати съ нею, царева же мати клятвами заклѣ себе, еже не быти ей въ царствѣ предъ сыномъ, аще тое быти у царя царицы. Царь же презрѣ себе Бога ради, и матерня любви не хотѣ презрѣти и разлучитися отъ нея, ни оскорбити ю, но самъ все терпя, человѣческое существо матере не раздражи и царицы не поятъ, аще и отъ отца своего многи укоризны пріятъ. Потомъ же увѣща мати его поняти дщерь князя Владимира Долгорукого Марью; онъ же благочестивый царь, аще и не хотя, матере не преслушавъ, поятъ вторую царицу Марью. И зрите же Божіа . . .^а сотворшаго по насилію: представижеся по трехъ мѣсяцѣхъ царица, и паки царю скорбь велія бысть, такоже отцу его и матери. А все то зло сотворися отъ злыхъ чаровниковъ и звѣрообразныхъ чловѣкъ, не хотящихъ видѣти христіанского покою и тишины, и гнушахуся своего государя и гордахуся, не хотяще въ покореніи и въ послушаніи пребывати и не болящеся отнюдъ, понеже милостивъ бѣ, и любяше и миловаше ихъ и вся подаваше имъ, яже они прошаху, и своеволи бѣша, якоже и преже рѣхъ; издавна бо похотѣша собѣ государя взяти отъ чуждыхъ странъ, просиша многожды изъ Полши и изъ Свеи, а своего государя царя Василя въ Литву отдаша и Литовского короля возлюбивша, отъ него же и разорени быша, Богъ имъ воздалъ по ихъ желанію. Но и еще премилостивый Владыка Господь не изволи разорити вѣры христіанскія отъ Латинъ, и вложи во умъ православнымъ избрати и посадити на царство отъ своихъ единовѣрныхъ христіанъ царя въ Русіи, а ихъ окаянный и злый совѣтъ отвергоша и не восхотѣша; аще бы и попустилъ Богъ по ихъ повелѣнію тако быти, то не бы такъ обладали Рускою землею и насилывали христіаномъ, но и сами бы до конца погублени были отъ любимыхъ ими. И паки на подлежащее возвратимся.

Б.

=

О смятеніи и междоусобіи и отступленіи Псковичъ отъ Московскаго государства, и како быша послѣди бѣды и напасти на градъ Псковъ отъ нашествія поганныхъ и плѣненія, пожаръ, гладъ, и откуда начаша злая сія быти и въ кое время. Въ лѣто 7114^а, егда убіенъ бысть на Москвѣ ложный царь, называвыйся Дмитрей, молитвами пречистыя Богородица и великихъ чюдотворцовъ, не попусти Богъ ему разорити христіанскія вѣры и церкви превратити въ Латинство, якоже той окаянный умысли, но лѣто едино бысть, и вскорѣ убіенъ бысть. И потомъ сяде на царство князь

а) Точками означено непонятное во всѣхъ сп. слово: счадъ или счади. б) въ лѣто 7114. въ лѣто 7115
ошибк. О. С.

Василей Шуйской, и отпусти царицу Маринку, воровскую Литовку, съ Литвою во свою землю, и повелѣ ихъ проводить до границы. И приидоша на Сѣверу, и присташа къ нимъ Рустіи людіе, и засѣдоша грады, и царя собѣ ложнаго устроиша паки; и царь Василей многаци посылая на нихъ рати и самъ ходи, но ничтоже успѣ, смятоша бо ся людіе и прелстишася, грѣхъ ради нашихъ, Богу попустившу, приидоша и подъ самый царствующій градъ и обсеѣдоша, и бысть гладъ велій, ниоткуда же помощи надѣющеся. И посла царь племянника своего князя Михаила Скопина въ Новгородъ, и посла и за море наяти Нѣмецъ въ помощь собѣ противу Литвы. Въ то же время, мѣсяца августа, явишася во Псковскихъ пригородѣхъ смутныя грамоты отъ вора изъ подъ Москвы, на прелестъ малодушнымъ, и возмущишася людіе и начаша крестъ ему цѣловати; въ то же время вскорѣ представися епископъ Генадей отъ кручины, слышавъ такую прелестъ, такоже и во Псковѣ смятошася людіе, слышавше нѣкоего грядуща отъ ложнаго царя съ малою ратію. Воеводы же видѣвши^а толико смятеніе въ народѣ, и много укрѣпляху ихъ, и не могоша увѣщати; въ то же время народи похваташа лутчихъ людей, гостей, и пометаша я въ темницу, воеводы же послаша въ Новгородъ, дабы прислали рати въ помощь во Псковъ. Въ то же время нѣкто врагъ креста Христова вложи имъ то слово, что Нѣмцы будутъ во Псковъ, слышали бяху прежде, что послалъ царь по Нѣмецъ, но не бѣ еще пришли изъ заморья въ Новгородъ; и тогда возопивше нѣцыми мятежники въ народѣ, яко Нѣмцы пришли суть отъ Иванягорода къ мосту на Великой рѣкѣ, и въ той часъ возмущишася вси и похваташа воеводъ^б, всадиша въ темницу, а сами послаша по воровского^в воеводу по Ѳедку Плещеева и цѣловаша крестъ вору ложно, и начаша быти въ своей воли и отложишася отъ Московского государства ложному царю, и быша въ своей воли^г возбѣснѣвши и лихонимствомъ разгорѣшася на чуждее имѣніе. Тое же осени приидоша отъ вора во Псковъ, якоже отъ сотоны бѣсове, и его полку мучители и убійцы и грабители, повѣдающе малоумнымъ державу его и власть; тѣмъ же окаяніемъ воадаша хвалу прелестнѣй и темнѣй державѣ его, и начаша хвалитися предъ ними^д своимъ радѣніемъ къ вору, како вождѣлѣша ему покоритися, и навадиша на онѣхъ боголюбцовъ и страдалцовъ, иже не восхотѣша колѣна поклонити Ваалови, сирѣчь предтечи антихристову, на начальниковъ градскихъ и на нарочитыхъ града мужей, иже бяху въ темницу всажени; взявши же тѣмъ зміи лютіи звѣріе тѣхъ изъ темницы, нужною смертію умориша, оныхъ на коліе поткоша, инѣмъ главы отсѣкоша, протчихъ различными муками мучиша, и имѣнія ихъ поимаша, боярина же Петра Никитича Шереметева въ темницы удавиша, и во владычнѣ дворѣ и по монастыремъ и у начальниковъ градскихъ и у гостей имѣнія поймавъ, съѣхаша подъ Москву къ своему ложному царю и тамо послѣди отъ своихъ побіеніи быша. И присла ложный царь во Псковъ новыхъ воеводъ своихъ, пана Андрея Тронянова Порѣцкого Бѣлорусца, да пана Побѣдинского Лютора, да діака Крика Тенкина; но тѣмъ ничтоже во градѣ не сотвориша зла, и немного быша и съѣхаша. И потомъ приѣха князь Александръ Жировой Засѣкинъ. При семъ учинися гнѣвъ Божій на славный градъ Псковъ въ наказаніе, дабы остались самоволія своего и междоусобія: мѣсяца маія въ 15 день, въ 6 часъ, загорѣся на Полонищѣ у в-Успенского монастыря отъ дворового варенія, и сметашася людіе и погасиша огонь, начаша расходитися по домоу; и внезапно загорѣся паки невидимо, и въ той часъ бысть буря велія, вѣтръ силенъ отъ юга, и понесе огонь къ площади, и не возмогоша утолити ничѣмъ и побѣгоша вси койждо во свой домъ; и потомъ загорѣся Печерское подворье, и внезапно загорѣся у препод-

а) воеводы же видѣвши. воевода же видѣвъ А. б) воеводъ. воеводу А. в) по воровского. по боровского А.

г) и отложишася . . . воли. пропущено въ А. д) предъ ними. во всѣхъ сѣ. предъ нимъ.

добнаго Варлама верхъ на Запсковѣ, и оттуду возвѣя вѣтръ силенъ сѣверъ, и загорѣся весь градъ и зеленые полаты, и зеліемъ вырвало Кремля города на обѣ стороны, и до ночи весь градъ попали и много людей каменіемъ поби и погорѣ, токмо осташа 2 монастыря, Никола чудотворецъ въ Пескахъ да противъ того за рѣкою Козма и Даміанъ на Гримячой горѣ, да въ соборномъ храмѣ токмо соблюде Богъ гробницу благовѣрнаго князя Доманта, а то все погорѣ. Псковичи же народъ, чернь и стрѣлцы, ни тѣмъ Божиимъ гнѣвомъ наказавшася, начаша чужая имѣнія грабити у нарочитыхъ людей и діаволомъ надхнени суще, рекоша сиче: «боляре и гости городъ зажгоша», и начаша въ самой пожаръ каменіемъ гонити ихъ, они же побѣгоша изъ града; и наутріа собрався начаша влачити нарочитыхъ дворянъ и гостей, мучити и казнити и въ темницы сажати неповинныхъ отъ начальныхъ града и церковнаго чина, глаголюще безумніи, «яко вы градъ зажгосте и разористе, царю нашему не радя»; а все то окаянніи мятежницы и начальники Жидовской сонмицы затѣяша на добрыхъ людей, дабы имѣніе ихъ взяти, а буи народъ всеу во слѣдъ ихъ бяху послѣдующе, воцѣюще и сами, и тогда мнозѣй крови неповинной во градѣ ліющися, по вся дни мучаще окаянніи. Слышавши же въ Великомъ Новѣградѣ ратніи поупущеніе Божіе на Псковъ, пожаръ, атаманъ Тимоѣей Шаровъ съ казаками прииде вскорѣ, и не смѣяше изгономъ приступити ко граду, а во градѣ тогда не бѣ ни наряду, ни зелія, но мало бѣ и оружія ручнаго, но коліе заостривъ выходилъ изъ града; и много побиша гражданъ Новгородцы, гнавше и до града, а во градѣ не дерзнуша внити, понеже бѣ градъ великъ и людей множество въ немъ, а ихъ тогда не бѣ много, съ триста человекъ. Псковичи же, яко вторыи Жидаы разъярився, имающе изъ темницы добрыхъ людей, злѣ мучаще и глаголюще: «яко вы призвасте Новгородцовъ на ны.» Новгородцы же на Завеличьи посадъ допалиша, и отъидоша. Того же лѣта, мѣсяца августа въ 18 день, враги креста Христова емше изъ темницы гостя Алексѣя Семенова сына Хозю, и много мучиша злѣ и поведоша изъ града вонъ на казнь; въ той же часъ нѣщцы христіанцы слышавше въ рядѣхъ таково суровство и кровопролитіе мятежнѣхъ, взявше оружія своя и рекоша къ собѣ: «аще не станемъ на враговъ своихъ и мучителей нынѣ, то всѣхъ добрыхъ мужей гражданъ онѣ погубятъ», и возопивше поидоша на нихъ, и разгнавше бунхъ отъ народа и чобиша начальниковъ сонмищу, иныхъ казни предаша, и стрѣлцовъ изъ града изгнаша; егда же услышаша окаянніи тіи, иже поведоша на казнь Алексѣя, что воста на нихъ граждане, въ той часъ врагъ нѣкто стрѣлецъ прибѣжа, въ самыхъ градныхъ вратехъ отсѣче неповинную голову праведнаго Алексѣя; а по разганіи враговъ изведоша всѣхъ, свободиша и воздаша хвалу Богови о семъ. И во 118 году, въ масленые заговѣна^а, прислаша изъ Великого Новаграда двухъ стрѣлцовъ съ грамоты отъ царя Василія, чтобъ Псковичи обратилися паки къ Московскому государству, и соединились, и стали бы заедино на воровъ и на Литву; начальницы же града и нарочитіи мужіе восхотѣша приклонитися къ государству и совокупитися, и хотѣша вскорѣ крестъ цѣловати, и вражѣмъ навѣтомъ того часу записи прежней не обрѣтоша въ казнѣ, по чему крестъ цѣловати. И паки, того же часу, возгорѣшася злая горши первыхъ: побѣгоша по всему граду мятежницы и развратницы, прежереченніи самоначалицы, кличницы, кровопивцы мучащїи безъ правды, похищающїи чужая имѣнія и не хотящїи подъ властїю жити, и ристающе по граду, вопіюще, таковымъ же убо невѣгласомъ и смердомъ по крестцомъ по сонмищемъ стоящимъ: «яко начальницы града и лутчіи людіе, дворяне и гости, чернцы и попы, и всѣ бѣлые люди хотятъ крестъ цѣловати и мстити свою обиду, еже мы имъ сотворихомъ, и крестъ цѣловали^б Московскому

а) въ масленые заговѣна. въ масленное заговѣніе С. б) цѣловали. цѣловати А.

царю Василью.» Они же буйй народъ, малодушніи и неразумніи, воздвигошася со оружіемъ на своихъ же, и послаша за городъ за Великую рѣку въ слободу стрѣлецкую по стрѣлцовъ, и поидоша къ нимъ въ городъ: понеже стрѣлцы изъ града изгнани быша, по Алексѣевѣ убіеніи Хозина, за ихъ воровство, и во градъ ихъ не пушдали до сего времени. Началницы же града, и гости и дворяне, и нѣколько отъ нарочитыхъ людей града, видѣвше смятеніе народное и злое ихъ умышленіе, уже бо вечеру сущу, елицы успѣша на конѣхъ, иніи же пѣши, заплакавше горцѣ, дома и жены и дѣти оставльше, бѣжаша вонъ изъ града на Великую рѣку къ Снятой горѣ; кои же кони имяху, поидоша къ Новгороду, а кои пѣши, тѣ пошли ко пречистѣй Богородицы въ Печерскій монастырь, боящеся прежняго ихъ мучительства и казней злыхъ. Наутрія же, въ самый чистый^а понедѣльникъ великого поста, въ онъ же сущіи христіане предпочищахуся отъ всѣхъ злыхъ дѣлъ, они же паче звѣрей суровѣйши свирѣпо распыхахуся, яко лвы собрашася средѣ града и позвониха на вѣчь; и собрася буйй народъ не-смысленніи и поселяне, яко скоти безсловесніи и сами не свѣдуше, чесо ради собрани. Началницы же сонму рекоша: «яко вчера ищущи тѣи крови нашей побѣжаша; и мы ихъ оставшая совѣтники изберемъ и въ темницу заключимъ, и испытаемъ о нихъ.» И поскочиша по домомъ, ищущи ловъ обрѣсти и насытитися крови человѣческія, якоже и прежніи мучители, или паче вторыя Жиды, ихже прежде пророчествуя рекъ имъ благовѣрный великій князь Александръ Ярославичъ Невскій, по дѣломъ ихъ. И елицихъ обрѣтоша православныхъ неповинныхъ, влечаху ихъ въ сонмище, и мучаху ихъ злѣ, и въ полаты и погребы пустые пометаша ихъ, елицы же изъ града побѣгоша душею да тѣломъ, то женъ тѣхъ меташа въ полаты и погребы, и оттуду изимающе злѣ мучаху и смерти предаваху; и входяще въ дома ихъ, ядуше и піюще и веселящеся, и имѣнія ихъ собѣ раздѣлиша; такоже елицы бяху въ темницы имуще что, окуповахуся мздою муки ради и смерти, елицы бяху не имуще что дати, тѣи замучени быша и въ темницы помроша, жены же и дѣти остаха скитающеся. Бѣ же всѣхъ страдавшихъ въ таковой скорби мужъ и женъ болѣ дву сотъ, дондеже пришлогъ ложной царь и воръ Матюшка, свободи ихъ всѣхъ страдавшихъ и въ то мѣсто самѣхъ ихъ поточи; по Божію строенію все сіе такъ бысть, всѣ послѣди возмездіе пріяша противу своимъ дѣломъ. Но паки напредъ возвратимся. Царь же Василей слышавъ таковое междоусобіе во Псковѣ, смердовъ самовластіе, и хотя пострашити ихъ, дабы обратилися къ Московскому государству, присла въ Великій Новгородъ князя Владимира Долгорукого, повелѣ ему ити съ Новгородцы ратію подо Псковъ: и придоша послѣ Петрова дни. И изыдоша Псковичи изъ града за три поприща противу имъ, къ Промѣшицы рѣчки, яко бѣшеніи буи, яко на борьбу или на кулачной бой, ниже бѣ въ нихъ воеводы, ни нарядника, но тѣ же уставляюще въ нихъ полки иже сонму собиратели, тѣи же поостряюще ѿ народъ, кричаще и вопіюще, и ничтоже знающе ратного дѣла; и побиха тогда многихъ Псковичъ на Промѣшицы у Спаса, и топташа до самого града. Новгородцы же сташа у Николы на Любятѣвъ въ монастырѣ. И Псковичи паче всѣмъ градомъ изыдоша на нихъ, со щиты рыбницкими на возѣхъ и съ полковымъ нарядомъ, и поидоша къ монастырю святаго Николы. Бѣ же Новгородскихъ людей всѣхъ не много, яко триста человекъ, послани бѣша для устрашенія, дабы паки соединились воедино Псковичи. Видѣвше же Новгородцы неурядное ихъ воинство, грядущихъ на нихъ множества не устрашишася, и раздѣлишася на три части въ полцѣхъ; первый полкъ Нѣмецъ напустиша на Псковичъ, Псковичи же тогда еще не знающе ратного дѣла, видѣвше Нѣмецъ побѣгоша ко граду, они же всѣми полки напустиша и гониха до града, біюще и

а) чистый • честный С.

сѣкуще, но съ милостію Рустіа, токмо Нѣмцы множество посякоша; аще бы тогда мало постояли, и градъ бы имъ сдали. Но Богу тако изволившу, грѣхъ ради нашихъ, хотящу^а мстити и плѣнити Псковскую^б землю: якоже прежде ся^в слышахомъ о Сѣвернѣй странѣ, что было тамо отъ Литвы около Московскаго государства и около Новаграда, токмо оста Псковская земля доселѣ цѣла. Но наполнися чаша горести пелынная: прииде слухъ, онъ лютый тать и разбойникъ панъ Лисовской да Иванъ Просовецкой съ Рускими мучители и грабители, и грядеть убѣгомъ въ сю страну, иже не обрѣте мѣста гонимъ отъ князя Михаила Васильевича Скопина, иже многи грады отъ него искрадомъ плѣнены и разорены бысть. Слышавше же Новгородцы идоша восвоя, да не пришедъ внезапно на Великій Новгородъ плѣнити я. Псковичи же прежде сего видѣвши приходящихъ на нихъ Новгородцовъ, не имѣюща же^г помощи ниоткуда, послаша въ Ливонскую землю къ пану Хоткѣвичю Максима Карповскаго, дабы имъ помоглъ; онъ же тогда не успѣ собратися съ вои ити съ нимъ^д. Псковичи же слышавше пана Лисовскаго съ Литвою и Рускими людьми стояща въ Новгородской земли, въ Порховшинѣ, послаша къ нему бити челомъ, чтобъ онъ шолъ во Псковъ съ Рускими людьми; онъ же много плѣнивъ Новгородчину, прииде во Псковъ. И пустиша ѿ во градъ, а Литву за городомъ поставиша на посадѣ и въ стрѣлецкой слободѣ. Но помалу начаша и Литва во градъ входить, и начаша многую великую казну пропивати и платьемъ одѣваться, понеже бѣ многое множество имяху злата и сребра и жемчугу, иже грабили и плѣнили бяху славныя грады, Ростовъ и Кострому, и обители и лавры честныя, Пафнутія въ Боровскѣ и Колязинъ и многія иныя, и раки святыхъ разсѣяху, и суды и окладу образного и полону множество, женъ и дѣвицъ и отроковъ. Егда же та вся провороваша и проиграша зернью и пропипша, начаша буетію глаголати и грозити гражданомъ: что «мы уже многія грады плѣнили и разорили, такоже будетъ отъ насъ граду сему Пскову, понеже убо животъ нашъ весь здѣ положенъ въ корчмѣ.» И не сбыться ихъ злая мысль: не человѣческимъ такъ смысломъ учинися, но Божіимъ промысломъ, еще не хотя тогда погубити, молитвъ ради пречистыя своея Матере и великихъ чюдотворцовъ тогда града сего не предастъ варвару сему на расхищеніе, но покаенія нашего ожидая. Слышавше же граждане у злыхъ чловѣкъ сіе злое умышленіе, и пришедъ къ варвару, начаша лстивыми словесы глаголати, чтобъ шолъ на Иванъгородъ на испорученіе, понеже тогда обстоимъ бѣ Свейскими Нѣмцы и за хребтомъ бѣ Новаграда и Пскова: «а мы де казну собравъ пришлемъ къ тебѣ.» Онъ же ни мало постоявъ о семъ, и вскорѣ изыде изъ града со всѣми и иде къ Иванъгороду; Нѣмцы же^е слышавше, бѣжаша на свою страну въ Ругодивъ. Той же окаянный варваръ послѣди уразумѣвъ собѣ, како умыслиша Псковичи о немъ оманѣ, выслаша изъ града вонъ лестію, и много опечалися; паки же вторую лестъ умысли еще, дабы толикъ крѣпостію Иванъгородъ лестію взяти: «то де могу изъ того града и прочая достати.» И посла напредъ себя нѣсколько ратныхъ съ хлѣбомъ во градъ ити, понеже бѣ скуденъ хлѣбомъ, они же внидоша въ острогъ и хотѣша внити во градъ и засѣсти по словеси его, и никтоже во градѣ помысли коварства сего быти, но велми возрадовашася и похвалиша я; но единъ діакъ начальникъ, именемъ Аѳонасей Андрониковъ, уразумѣ злое его коварство, и повелѣ затворити врата граду и не пусти ихъ, и повелѣ имъ въ острогѣ быти. И того часу и самъ многоковарный приспѣ къ острогу, и

а) хотящу - не хотящу С. б) псковскую - рускую О. С. в) якоже прежде ся - якоже пси прежде ся ухомъ О. С. г) не имѣюща же - не имѣющихъ ошибок. С. не имущу же тоже А. д) съ вои. . . съ нимъ - съ ними А. е) нѣмцы же - нѣмцы же ошибок. А.

не пустиша ѿ^а, и бысть посрамленъ; и вопросися у начальниковъ градскихъ пребыти во градѣ съ немногими людьми, и пустиша ѿ и честь ему воздаша о испорученіи. Онъ же подивися великой крѣпости граду, понеже стоитъ на горѣ высоцѣ, три стѣны камены бяху и множество наряду и всякой казны; и похвали державцовъ градскихъ^б, рекъ: «яко ни въ коемъ градѣ Рускомъ не могоша узнати моего многообразнаго коварства и сѣтей, ими же прелстихъ, сего же града не удастѣмися лестію взяти, понеже узнаша мою лесть,» и изыде изъ града. И начаша между собою Литва и Русь собиратися, и поидоша Русь во Псковъ, а панъ Лисовской съ Литвой да Нѣмецъ поименныхъ на Иванѣгородѣ поймавъ^в, поиде мимо Псковъ; и шедъ выше Пскова и взятъ пригороды, Вороночъ и Красной и Заволочье, и начатъ оттуду по вся дни и нощи^г подо Псковъ, и подъ Изборско, и подъ Печоры и прочимъ, и высѣче всю Псковскую землю. И того лѣта начаша вся злая быти во Псковѣ, всякой хлѣбъ дорожати въ осадѣхъ^д, понеже осаженъ бысть отвсюду, съ дву сторонъ Нѣмцы, а съ третію Литва, не дающе никамо исходити изъ градовъ potreбы ради. И бысть того гладного времени, и мору, и осадного сидѣнія отъ Литвы и отъ Рускихъ воровъ и Нѣмецъ 8 лѣтъ. Но великая милость пречистыя Богородицы^е Печерскія, что токмо мимо свой домъ не затвори пути къ Литовскому рубежу въ Ливонскую землю, оттуду во вся та лѣта хлѣбъ шолъ во Псковъ, понеже миръ велій имяху мѣщане со Псковичи; аще не бы та земля подмогла хлѣбомъ, то никако бы избыли^ж поганныхъ. Но многа же злая тогда быша и на еѣ пречистые Богородицы обитель отъ Литовскихъ людей и Нѣмецкихъ нашествія; но отъ всѣхъ сихъ сохрани и соблюде пречистая Богородица домъ свой, и прославися во всѣхъ странахъ вселенныя, отъ нихъ же малая исповѣмъ послѣди, понеже не возможно вся подробну исповѣдати преславная ея чюдеса, бывшая въ та времена. Тогда, грѣхъ ради нашихъ, въ Московскомъ государствѣ бысть раздоръ въ людехъ, царя Василія возненавидѣша за многое кровопролитіе, второе же братія его племянника своего возненавидѣша за храбрость его, князя Михаила Скопина, иже Нѣмецъ наятъ и отгна вора съ Литвою отъ царствующаго града, и вманивъ его къ Москвѣ отравою умориша; и сдумаша Литовского королевича собѣ на царство посадити, тако и сотвориша, вземъ же царя Василія и отдаша Литовскому королю. Король же много жадавъ сего, како бы ни оболстити Рускихъ людей, обѣща дати на царство сына своего и посла людей своихъ къ Москвѣ; и пришедше царствомъ обладаша. Свейстіи же Нѣмцы, видѣвши неустроеніе въ государствѣ^з и кто ихъ наятъ того умерша, пришедше взяша Великій Новгородъ іюля въ 16 день, и владѣша имъ 6 лѣтъ. Того же 119 году, обѣ Велицѣ дни, паки явися прелестъ на Иванѣгородѣ: прелстившемся Иванегородцемъ и Псковичамъ вору Тушинскому, назвася тѣмъ же именемъ роздѣяконъ Матюшка, прибѣжавъ съ Москвы, обрѣте собѣ благополучно время, еже смутити грады Рускія, понеже прежней воръ Тушинской въ Колугѣ убиенъ бысть Петромъ^и Урусовымъ, и будто ся тотъ ушолъ на Иванѣгородъ, а не убитъ. И начаша къ нему такіе же воры и убійцы собиратися: изъ Новгорода казачья покинувъ Новгородъ Нѣмцемъ и къ нему придоша, и стрѣлцы Псковстіи къ нему собиралися; и начаша посылати грамоты во Псковъ и въ пригороды на разгласіе и смущеніе, глаголя: «царь есмь.» Псковстіи же граждане, видѣвши прелестъ

а) и не пустиша и. *пропущено въ А.* б) градскихъ. рускихъ А. в) поймавъ. и поймавъ *такъ во всѣхъ сп.* г) и нощи; *за симъ должно подразумѣвать слѣдующія слова: наѣзжати изгономъ или посылати ратныхъ.* д) въ осадѣхъ. посадехъ *ошибк.* О. С. е) богородица. образа *прибавл.* А. ж) никако бы избыли. *никако изгнали бы А.* з) въ госуд. въ московскомъ государствѣ А. и) петромъ. княземъ петромъ С.

бывающую и яко мнози тацы быша прежде мятежницы и развратницы Рустѣй земли, называющиеся царскимъ отродомъ, и не вняша сему и отсаша посланного безчестна, рекше, яко врагъ есть и разоритель христіянству и не хотящимъ его царя собѣ. Онъ же собрався съ своими воры, и прииде съ нарядомъ стѣнобитнымъ и съ наметнымъ подо Псковъ, іюля мѣсяца, гражане же крѣпко противу его сташа, и многи побѣды показаша прежде; той же воръ много бивъ по домомъ людскимъ и наметы^а огненными зажигая, люди устрашая, и ничтоже успѣвъ. Слышавше же Нѣмцы въ Великомъ Новѣградѣ являшагося вора, подо Псковомъ стояща, убояшася, да нѣкогда вселится въ Псковъ и ихъ пришедъ изгонитъ вонъ изъ Новгорода; и послаша на него нѣколько яти его. Той же окаянный, слышавъ идущихъ на себя Нѣмецъ, бѣжа изъ подо Пскова на Иваньгородъ; и догнаша его Нѣмцы за Гдовомъ на Плюсь рѣки, токмо успѣ онъ единъ съ нѣкими преѣхати, и многихъ посѣкоша ту. Гражане же Псковстѣи недоумѣющиеся, что сотворити и куда приклонитися, ниоткуда же помощи надѣющиеся, понеже Москва бѣ за Литвою, а въ Новѣградѣ Нѣмцы, яко окружени отвсюду, и положиша на томъ, еже призвати къ собѣ ложного царя. Оле безумія послѣдняго! прежде заклаша себе отнюдь не послушати ложнаго царя, ниже предатися ему, послѣди же послаша отъ всѣхъ чиновъ людей бити челомъ ему, и повинную послаша. Той же окаянный возрадовася радостію великою о семъ, яко избавиша его отъ Нѣмецкого осады, тамо было ему исчезнути, прииде же во Псковъ вскорѣ; и срѣтоша его съ честію, и начаша къ нему собиратися мнози, иже радовахуся крови и чужаго имѣнія; ксему же и поганныхъ любя, Литву и Нѣмецъ, и бысть гражаномъ многое насиліе и правезъ въ кормѣхъ и во всякой дани, и многихъ умучиша. Тогда Псковичи конечнѣ увѣришася ложными лестными пари, и начаша тужити и скорбѣти отъ его налогу. Тогда бѣ Литва осажена въ Москвѣ Рускими людьми, и прислаша оттуду нѣкихъ нарочитыхъ во Псковъ дозрѣти прелести того новонарекшагося царя; они же дозирателіе бяху страхомъ одержими, боящеся смерти, не обличиша его. И не по мнозѣ времени обрѣтше получное время, егда ратныхъ посла отъ себе подъ Новгородской пригородъ подъ Порховъ, и тогда совѣтъ сотворше со гражаны, яша его и сведоша къ Москвѣ. И оттуду преста прелестъ ложныхъ царей въ Руси; но мала нѣкая осталася лѣсть: по убіеніи прежняго ложнаго царя, иже убіенъ бысть въ Колугѣ, нѣкто Ивашко Заруцкой вземъ сына его^б Ивашка и жену его, и бѣжа на Низъ по Волгѣ во Астарахань; егда же воцарися благочестивый царь Михаилъ и обновися Московское государство, тогда и тѣхъ враговъ изымавшие привелоша къ Москвѣ, всѣхъ ихъ смерти предаша, и изведенъ бысть злый плевелъ прелести вражія. 121-го^в придоша Нѣмцы подъ Корѣлу, вымориша моромъ и взяша, также и Орѣшокъ и Ладогу; подъ Иванемъ же городомъ по три годы стояли, и много ихъ паде, и голодомъ измориша и взяша, также и Копорью, и Яму, и Гдовъ. И придоша Псковичи, взяша Гдовъ, и паки придоша Нѣмцы съ нарядомъ; и шедше Псковичи, и побѣиша ихъ 300 человекъ искрадомъ. Паки же прииде воеводка Евергорнъ съ Нѣмцы и съ нарядомъ, и разбилъ стѣны много, и много приступавъ ничтоже учини, множество же ихъ побіено бысть; гражане же видѣвши, яко нѣсть имъ ниоткуда помощи, ни испорученія, и глада ради предаша градъ поганымъ; они же отпустиша во Псковъ, и градъ пріяша. Король же егда вниде во градъ Гдовъ, тогда, Божіимъ посѣщеніемъ, въ соборнѣй церкви подняся огнемъ мѣстная икона чудотворная Великомученикъ

а) и наметы — такъ исправлено; во всѣхъ сп. и наметывая. б) его — своего С. А. в) 121-го — въ лѣто 7121-го году А.

Христовъ Димитрій Селунскій; се же все бысть грѣхъ ради нашихъ, въ показаніе, иконная же дска вся около въ угль огорѣла, и образъ и чюдеса святаго; а нынѣ же потщався мужіе Гдовляне, и привезоша ѡну мѣстную чюдотворную дску горѣлую во Псковъ, и даша паки на той же горѣлой дски написати, по прежнему, святаго Великомученика Димитрія въ дѣяніи иконописцу Аврамію Иванову, 144 году.

В.

=

Въ лѣто 7042 посылалъ пресвященный архіепископъ Великого Новаграда и Пскова владыка Макарій государю великому князю Ивану Васильевичу, всеа Русіи самодержцу, о томъ: слышавъ во своей архіепископѣи, паствѣ Христова стада, прелестъ кумирскую около окрестныхъ градовъ Великого Новаграда, въ Вотской пятинѣ, въ Чюди и въ Ижерѣ, и около Иваняграда, Ямы града, Корѣлы града, Коноріи града, Ладоги града, Орѣшка града, и по всему поморію Варяжского моря въ Новгородской земли и по всѣмъ рѣкамъ поморскимъ отъ Нѣмецкого рубежа Ливонской земли, отъ Норовы рѣки до Невы рѣки и отъ Невы рѣки до Сестрии рѣки, до рубежа Свейскихъ Нѣмецъ, и во всей Корѣлской земли, и до Коневыхъ водъ и за Нево езеро великое, и до Каянскихъ Нѣмецъ рубежа, и около Пелеекаго езера и до Лексы рѣки до Лопи до Дикіе, и около великого озера Нева^а, въ длину болши 1000 верстъ, а въ широту до Великого Новаграда за 60 верстъ, а индѣ за 50 и за 40, въ тѣхъ мѣстехъ прелщаеми челоуѣцы отъ невидимаго врага діавола суще христіанъ, а обычая держажуся отъ древнихъ прародителей. Еще же и родителемъ тогда идолопоклонникомъ быти, якоже и во всей Руской земли было до крещенія, еже мы пріяхомъ отъ святаго великого князя Владимира святое крещеніе: во всей Руской земли скверные молбища идолскіе разорены тогда, а въ Чюди, и въ Ижерѣ, и въ Корѣлѣ, и во многихъ Рускихъ мѣстехъ въ преждедечейныхъ онѣхъ скверные молбища идолскіе удержажася и до царства великого князя Василя Ивановича и сына его великого князя Ивана Васильевича, всеа Русіи самодержцовъ, и до владычества богомолца ихъ пресвященнаго архіепископа Великого Новаграда и Пскова владыки Макарія. Суть же скверные молбища ихъ, лѣсъ и каменіе и рѣки и блата, источники и горы и холми, солнце и мѣсяцъ и звѣзды, и езера, и проста рещи всей твари поклоняхуся яко Богу, и чтяху и жертву приношаху кровную бѣсомъ, волы и овцы и всякъ скотъ и птицы. Слышахомъ бо, яко Нѣмцы втай дѣти своя закалаху и образы святыхъ иконъ огню предаваху, всячески діаволу угажаючи, и кудесы многи творяху, яко съ бѣсы бесѣдовати имъ, и проста челоуѣка у себя держажу и почитаху яко священника, егоже нарицаху арбуемъ; сей вся приносяя совершенія, по своей прелести, и дѣтемъ имена нарицаая. И государь князь великій Иванъ Васильевичъ, самодержецъ^б Рускія земли, слышавъ сія, и посла своему бого-

а) За симъ слѣдуютъ повторяющіяся ниже слова: въ тѣхъ мѣстехъ. б) самодержецъ: въ А. самодержцы и далѣ слышавше, послали, повелѣша емьсто слышавъ, посла, повелѣ.

молцу со умиленіемъ къ пресвященному архіепископу Макарію, пастырю Христова стада Великого Новаграда и Пскова, и повелѣ ему прелестъ ону искоренити и просвѣтити божественнымъ ученіемъ; боголюбивый же архіепископъ Макарій во святѣй Софїи молебны пѣлъ и воду святилъ со всѣмъ священнымъ соборомъ, и съ тою священою водою и своею посылною грамотою послалъ своего священника съ сѣней отъ Рождества Христова, инока Илію, кумирскую прелестъ заронити. Опъ же, по благословенію архіепископа Макарія ѣхавъ, обрѣте мѣста и воздавъ молитву всемилостивому Спасу и пречистѣй Богородицы и всѣмъ угодникомъ его, нача искореняти прелести кумирскіе и скверныя молбища, лѣсы сѣчи и огню предавати, каменіе же чье въ воду метати, и которые некрещены святымъ крещеніемъ просвѣщати; а состарѣвшіися и посредніи мужи и жены въ той прелести не смѣяше ни единъ на разореніе скверныхъ молбищъ коснуться, понеже молбища оны діаволомъ блудомы были, аще кто ихъ преже сего касашеся^а, и діаволъ ихъ сокрушалъ и смерти предавалъ, тако бо въ нихъ врагъ дѣйствоваше. И егда пришелъ священникъ и священою водою окропивъ и молитву сотворивъ, и они велии страпашеся разоряли молбища своя, и ничѣмъ же неврежени быша; и видѣвше чюдо оно, слово Божіе съ радостію пріяли и ту прелестъ свою прокляша, а преже сего пакости дѣяху священнику. О чюдо! малые дѣти ихъ четырехъ лѣтъ и трехъ лѣтъ и нижайша, едва на ногахъ ходити могуще, самозванни притекаху и касяхуся на разореніе скверныхъ онѣхъ молбищъ, и велии побораху по благочестіи; а инии младенцы пророчествоваху, за три дни и за два дни и за день глаголюще: «гости къ намъ будутъ каменіе и лѣсъ жечй», едва глаголати могуще. Се же видѣвше и слышавше священникъ и родителіе ихъ, удивихася. И проповѣди ради слова Божія Духъ святыи помогаше Иліи священнику, и обращенія ради ихъ и покаянія многа показа Богъ знаменія и чюдеса, яко слѣпци мнози прозрѣша, и всякими недуги одержими исцѣленія пріяша, и бѣсы отъ чловѣкъ отгоними бываху, священныя ради воды кропленія, за молитвъ пресвященнаго архіепископа Макарія; и отъ молбищъ онѣхъ скверныхъ бѣси, дни за три и за два и за день до священникова пріѣзду, кричаще и вопіюще бѣжали, глаголюще, яко отселѣ прогнани быхомъ, идѣже надѣяхомся вѣвѣки царствовать. И того искорененія^б по волостемъ и по мѣстомъ, шествуя сѣмо и овамо, кто можетъ исчесть, преводя отъ темнаго дна адова на истинный свѣтъ богоразумія^в?

а) касашеся — такъ исправлено; въ А. ошибк. каяшеся. б) искорененія т. е. молбищъ — такъ кажется должно читать; въ А. искоренія. в) богоразумія — и богоразумію А.

СОФІЙСКАЯ ПЕРВАЯ ЛѢТОПИСЬ.

Софійская первая Лѣтопись напечатана по слѣдующимъ спискамъ:

1) Тол. II. *Рукопись С. Петербургской Публичной Библіотеки, въ листъ, 267 л., писанная въ двѣ колонны полууставомъ въ концѣ XV, или въ началѣ XVI вѣка. См. Описание ркп. графа Толстаго, изд. Калайдовичемъ и Строевымъ въ Москвѣ 1825 г., отд. 1, № 36. Содержитъ въ себѣ Русскую Лѣтопись, начинающуюся Временникомъ Нестора и продолжающуюся до 1418 года. Въ подстрочныхъ выноскахъ она означена лит. Т.*

2) Цар. II. *Рукопись, принадлежащая почетному гражданину И. Царскому, № 231, въ листъ, 316 л., полууставная XVI вѣка. См. Описание ркп. Царскаго, составленное Строевымъ, Москва, 1848 г., стр. 195. Эта рукопись, съ дополнительными извѣстіями, напечатанными въ VI томъ сего изданія, продолжается до 1508 года и отмѣчена въ примѣчаніяхъ лит. Ц.*

3) Бал. *Рукопись, приобрѣтенная покупкою для Археографической Коммисіи отъ г. Бальзера, въ листъ, 345 л., писанная, кромѣ прибавочной тетради, въ двѣ колонны полууставомъ въ исходѣ XV вѣка. См. Предисловіе къ Псковской первой Лѣтописи, т. IV, стр. 171. Дополнительные статьи, заключающіяся въ означенной тетради, помѣщены въ VI томъ сего изданія, а различія съ прочими списками показаны въ примѣчаніяхъ подъ лит. Б.*

4) Кар. IV. *Рукопись въ четвертку, 554 л., полууставная, исхода XV или начала XVI вѣка; послѣдніе три листа, писанные Западнорусскою скорописью, принадлежали къ особой тетради, которой окончаніе (подъ 1425 годомъ) оторвано. — Получена отъ Дѣйствительной Статской Совѣтницы Карамзиной, и отмѣчена въ вариантахъ лит. К.*

5) Обол. I. *Рукопись въ четвертку, 463 л., писанная полууставнымъ почеркомъ въ XV вѣкѣ (прежде 1481 года). Точная копія предъидущей, содер-*

жащая въ себя Софійскую первую Лѣтопись до 1418 года, съ тремя разжоручными приписками 1481, 1505 и 1508 годовъ. См. въ примѣчаніяхъ лит. О. — Доставлена въ Археографическую Коммиссію княземъ М. А. Оболенскимъ.

6) Гор. Рукопись, принадлежащая Дѣйствительной Статской Совѣтницѣ Карамзиной, въ листъ, 239 л., писанная скорописью около половины XVIII столѣтія. Списокъ, снятый съ Бальзеровскаго (см. выше), и продолжающій его отъ 1518 по 1524 годъ. Окончаніе его, совокупно съ послѣднимъ, помѣщено въ VI томъ сего изданія. На первомъ блѣдномъ листѣ рукою исторіографа Карамзина написано: «Горюшкинскій Лѣтописецъ.» См. въ примѣчаніяхъ лит. Г.

7) Вор. Рукопись въ листъ, 460 л., полууставная, исхода XVI вѣка. Въ ней заключаются: а) Слова Максима Грека (безъ начальныхъ листовъ); б) л. 57. Псковская судная грамота (напечат. Мурзакевичемъ въ Одессѣ 1847 г.); в) л. 72. Краткій (изъ новыхъ) Лѣтописецъ о Русскихъ и Литовскихъ князьяхъ, и г) л. 81. Софійская первая Лѣтопись, доведенная до 1486 года. Эта рукопись до того наполнена ошибками и пробѣлами для вписанія неразобранныхъ словъ подлинника, съ котораго она снята, что приготовленіе ея должно приписать книжнику неискусному въ грамотности; она въ рѣдкихъ случаяхъ служила къ объясненію разжоручій прочихъ списковъ, и окончаніе ея съ 1423 года, разнящееся съ ними, оставлено безъ употребленія какъ по причинѣ неисправности означенной рукописи, такъ и потому, что всѣ заключающіяся въ ней извѣстія повторяются въ другихъ болѣе исправныхъ Лѣтописяхъ. — Принадлежитъ князю М. С. Воронцову, и отмѣчена въ примѣчаніяхъ лит. В.

Въ Предисловіи къ Полному Собранію Русскихъ Лѣтописей (т. I, стр. V) сказано, что средній текстъ Временника Нестора будетъ помѣщенъ въ пятомъ томъ сего изданія при Софійской Лѣтописи. По накопленіи манускриптовъ, поступавшихъ въ Археографическую Коммиссію послѣ составленія первоначальнаго плана изданія Лѣтописей, и по точнѣйшемъ сличеніи новыхъ списковъ, печатаніе средняго текста Временника Нестора при Софійской Лѣтописи оказалось неудобнымъ. Въ ней находятся пространныя вводныя статьи, которыхъ нѣтъ въ прочихъ спискахъ, содержащихъ въ себя средній текстъ этого Временника; и потому соединеніе съ ними Софійской Лѣтописи породило бы множество варіантовъ и запутало изложеніе посторонними вставками. Въ отвѣра-

ищеніе сего Археографическая Коммиссія положила издать въ пятомъ томъ Полнаго Собранія Лѣтописей Софійскую по спискамъ, въ которыхъ она заключается, съ изложеніемъ Временника Нестора такъ какъ онъ въ нихъ находится, средний же текстъ его напечатать при Воскресенской Лѣтописи. Принявъ сей способъ, Коммиссія измѣнила прежде начертанный планъ изданія Лѣтописей только тѣмъ, что Временникъ Нестора будетъ напечатанъ вмѣсто трехъ четыре раза, по отличію текстовъ, заключающихся въ Лаврентіевскомъ, Софійскомъ, Воскресенскомъ и Патріаршемъ спискахъ (*), что не только не повредитъ порядку изданія, но еще сдѣлаетъ его правильнѣе и удобнѣе къ употребленію.

Софійская первая Лѣтопись, въ слѣдъ за Временникомъ Нестора, повѣствуетъ по большей части о событіяхъ Новгородскихъ, а съ XIV вѣка изображаетъ дѣянія Московскаго и другихъ Русскихъ княжествъ. Въ ней встрѣчается нѣсколько отдѣльныхъ сочиненій, вполнѣ и въ отрывкахъ. Таковы повѣсть о житіи великаго князя Александра Невскаго, описаніе мученической кончины двухъ Михайловъ, Черниговскаго и Тверскаго, сказанія о подвигахъ великаго князя Дмитрія Донскаго и о взятіи Тахтamyшемъ Москвы, и духовное завѣщаніе св. митрополита Кипріяна. Въ Лѣтопись Нестора внесены начало Софійскаго Временника (особой Новгородской Лѣтописи: см. Предисловіе къ III тому, стр. VII), роспись епархій, подлежащихъ Константинопольскому патріаршему престолу, Русская Правда и Судебникъ Греческаго царя Константина. Событія, повѣствуемыя въ Софійской первой Лѣтописи, почти всѣ заимствованы изъ извѣстныхъ древнихъ Временниковъ, кромѣ весьма немногихъ, относящихся къ XV столѣтію, въ исходѣ котораго, какъ видно, и жилъ первый составитель этого Сборника, потому что: а) въ находящейся подъ 6395 годомъ Родословной росписи Русскихъ владѣтельныхъ князей послѣднимъ упомянутъ князь Іоаннъ, сынъ великаго князя Іоанна Васильевича (род. 1458, сконч. 1490 года), и б) всѣ списки до начала XV вѣка заключаютъ въ себѣ одну и ту же Лѣтопись, но съ 1420 года значительно разнятся между собою.

(*) См. Предисловіе къ Полному Собранію Русскихъ Лѣтописей, т. I, стр. IV—V.

Софійская первая Лѣтопись напечатана Академією Наукъ, подъ заглавіемъ: «*Россійская Лѣтопись по списку Софейскому Великаго Новаграда, С. Петербурга, 1795 г.*», съ новѣйшей копіи съ грубыми ошибками (*Шлецера Russ. Appalen, II, III*). Въ 1820 году вновь издана П. М. Строевымъ по Толстовскому списку (см. выше Тол. II), подъ заглавіемъ: «*Софійскій Временникъ, или Русская Лѣтопись и содержится въ первомъ томѣ сего изданія до стр. 452.*»

Изъ рукописи С. Петербургской
Публичной Библиотеки, in f. № 36,

Из Барской рукописи, in f.
листъ 139 обр.

ΜΑΛΗ · ΕΝΛΩΤΙΣΟΥΤΩ

ВѢХЪ
 ПУРАДНА РОСТИ СЛАВѢ
 ЕВАНГЕЛІУМЪ
 ШНОВАТЬ ГОРОДѢ НІВЫ
 ВЕДОСТАМЪ СТИ СЛАВЮ
 РЪСНА И НОВА. СЕДѢВЪ
 ШЕМОУГОДѢ.

Изъ Карамзинской рукописи, in 4^е № 662, листъ 391.

617. 5. 31. 7.

ПРѢСВѢДНКАЗЬ АФО НА СЕНЕ РАПЦВІА
 КАПКА НА ЗАЮРЬ ДА ДИМЛОВИ Ч. ПОСЪН
 ТЬ СЯ ВЪ ЧЕРНЫЦН Н ПОЛОЖИШЕТО
 ОУСПІОСПАВНЕРЕДН ЧАХЪ : ~

Изъ рукописи, принадлежавшей князю Оболенскому, in 4;
листъ 310.

$$B \wedge B \vdash \neg \neg B$$

Пондешановатароуци - на вели каток ч^з адмі
трнѣ - александровича - кѣперей славлѣ
двеликнй кн^зѣ тѣрьскыи н^{ст}о славлѣ тѣ
ричн - двеликнй кн^зѣ данило александровичъ

VI.

СОФІЙСКІЯ ЛѢТОПИСИ.

I. СОФІЙСКАЯ ПЕРВАЯ ЛѢТОПИСЬ.

Тол. I. Цар. II. Бал. Кар. IV. Об. I. Вор. Гор.

ЛѢТОПИСЕЦЪ РУССКІЯ ЗЕМЛЯ^а.

Повѣсти временныхъ лѣтъ, откуда пошла Русская земля, и кто въ ней первое поча княжити, и откуда Русская земля стала есть.

Се начнемъ повѣсть сію. По потоцѣ тріе сынове Ноеви раздѣлиша себѣ землю, Симъ, Хамъ, Іафетъ. И яся вѣстокъ Симови: Персида, Ватрь, даже и до Индікія въ долготу, и въ ширину и до Нирокурія, и якоже рещи отъ вѣстока даже и до полуденья, и Сирія, и Мидія, и Ефратъ рѣка, Вавилонъ, Куродуна, Асирияне, Месопотамія, Аравія старѣйшая, Елимансѣ^б, Индія, Аравія^в сильная, Коліи, Комагини, Финикія вся^г. Хамови же яся полуденная часть: Египетъ, Еѳіопія, прилежащая^д ко Индомъ, и другая же Еѳіопія, изъ нея же исходитъ рѣка Еѳіопская Чермна, текущи на вѣстокъ, Оива, Лувія прилежащая даже и до Киринія, Мармарія, Сурити, Лувія^е другая, Нумидія, Масурія, Мавританія противу суши Гадирѣ; суши иже къ востокомъ имуть Киликію, Памфилію, Писидію, Мосію, Локаонію^ж, Фругію, Камалію, Ликію, Карію, Лудію, Амасію другую, Троаду, Еолиду^з, Виеунію, старую Фругію;

а) Въ Т. Ц. прибавлено: *ἐν τῇ αὐτῇ (патр)*. б) елимансѣ • мансѣ В. в) аравія • пропущено въ В. г) коліи. . . вся • измагини, финіи *ошибк.* В. д) прилежащая • прилежащія такъ и ниже Т. Ц. е) лувія • лова и Т. Ц. В. ж) лок. • ликію В. з) еолиду • солиду такъ во всѣхъ св.

и острова паки имать: Сардани, Критъ, Кипръ, и рѣку Гіонъ, зовомый Нилъ. Афету же яшася полунощныя страны и западныя: Мидія, Алванія, Арменія малая и великая, Кападокія, Феврагоны, Галатія, Колехысь, Вѣспиріи, Меоти, Деверіи, Сармати, Тавріани, Скуеія, Фрацы, Македонія, Далматія, Малоси, Ѡасолія^а, Локрія, Пеленія яже и Пелопонисъ наречеся, Аркадія, Ипиронія, Илурикъ^б, Словене, Лухитія, Андриакія и Андрибанская пучина; имать же острова: Вретанія, Сикилію, Евію, Родона^в, Хіона, Лѣзовона^г, Кофирона, Закуна, Кефалинія, Иѵакину^д, Керкуру, и часть Асійскія страны, нарицаемую Онію^е, рѣку Тигръ, текущую между Миды и Вавилономъ; до Понтыскаго моря на полунощныя страны, Дунай, Диѣстръ^ж, и Вѣкакасійскія горы, рекше Угорскія, и оттуду до Диѣпра; и прочая рѣки: Десна, Припеть, Двина, Волховъ, Волга, яже идетъ на вѣстокъ въ часть Симову. Въ Афетовѣ части сѣдять: Русь, Чюдъ и вси языци, Меря, Муромъ, Вѣсь, Мордва, Заволочская Чюдъ, Пермь, Печера, Емь, Угра, Литва, Зимгола, Корсь, Сѣтгола, Любь; Ляхове, и Прусь, и Чюдъ присѣдять къ морю Варяжскому; по сему морю сѣдять Варязи сѣмо ко вѣстоку до предѣла Симова, по тому же морю къ западу сѣдять до земля Аглянскы и до Волжскы^з. Афетово бо колѣно и то: Варязи, Свей, Нурмани, Гти, Русь, Агляне, Галичане, Ляхове, Волоси, Римляне, Нѣмци, Корлязи, Венедици, Фрязи^и и прочіи; ти же присѣдять отъ запада къ полунощію, и сѣсѣдять съ племенемъ Хамовымъ.

Симъ же, Хамъ и Афетъ, раздѣливше землю и жребія метавше не преступати никомуже въ жребій братень, и живяху каждо въ своей части. И бѣ языкъ единъ, и умножившимся челоукомъ на земли, и помыслиша столпъ создати до небеси, во дни Нектана¹ и Фалека; и собравшася на мѣстѣ Сенаръ поли сздати столпъ до небеси и градъ около его Вавилонъ, и создаша столпъ той за 40 лѣтъ, и не свершенъ бысть. И призрѣ Господь видѣти градъ и столпъ, и рече Господь: се родъ единъ и языкъ единъ. И размѣси Богъ языки, и раздѣли на 70 и на два языка, и разсѣя ѿ по всей земли. И по размѣшеніи языкъ, Богъ вѣтромъ велимъ разруши столпъ; и есть останокъ его и донынѣ промежу Асура^а и Вавилона, и есть въ высоту саженой 5000 и 400 и 30 и 3, толка же и въ ширину, въ лѣта многа бысть хранимъ останокъ^д. По разрушеніи же столпа и по раздѣленіи языкъ, пріяша сынове Симови вѣсточныя страны, а Хамови же сынове полуденныя страны, Афетови же пріяша западъ и полунощныя страны. Отъ сихъ же 70 языкъ и дву^м бысть языкъ Словѣнскъ отъ племени Афетова, нарицаеміи Норици^н, еже суть Словѣне.

По мнозѣхъ же временѣхъ сѣли суть Словѣне по Дунаеву, гдѣ есть нынѣ Угорская земля и Болгарская. И отъ тѣхъ Словѣнъ розидошася по земли и прозвашася имены своими, гдѣ сѣдше на которомъ мѣстѣ: яко пришедше сѣдоша на рѣцѣ именемъ Морава и прозвашася Моравляне^о, а друзіи нарекошася Чеси; а си тѣ же Словѣни Хорватѣ Бѣли, и Сербъ,

а) Ѡасолія. въ Лазр. Ѡесалія. б) илурикъ. илурикъ Т. Ц. в) евію, родона. евію съродона *ошибк.* Т. евіюсъ (евіусъ) родона Ц. В. г) лѣзовона. лѣзов(о)мая Т. Ц. В. д) иѵак. аѵак. Т. Ц. В. е) асійскія. . . онію. всячьскія страны нарицаемую отъ нихъ *такъ испорчено во всѣхъ св.; см. древній текстъ Нестора въ I томѣ, стр. 2.* ж) диѣстръ. диѣпръ *ошибк.* Т. з) и до волжскы. и до воложскы В. и) вѣнед. фрязи. *пропущено въ В.* і) нектана. нелика *ошибк.* Т. невтата Ц. ектана К. к) асура. асурія Ц. л) останокъ. останокотъ Т. Ц. ост. тотъ В. м) 70 языкъ и дву. 70 языку и дву Т. Ц. 70 и двою языку К. н) ворици. ивородцы В. иворици К. о) и прозвашася моравляне. *пропущено во всѣхъ св.; см. древній текстъ Нестора (т. I, стр. 3).*

* Начинается Клар. IV.

и Хорутане. Волохомъ бо нашедшимъ на Дунайскыя Словѣны, и сѣдшимъ имъ въ нихъ и насильящимъ имъ, Словѣни же пришедше сѣдоша ови на Вислѣ рѣцѣ и прозвашася Ляхове, а отъ тѣхъ Ляховъ прозвашася Поляне, Ляхове друзи Лутици^а, инѣи Мазовшане^б; инѣи Поморяне. Также и тѣи Словѣне пришедше и сѣдоша по Днѣпру, и нарекошася Поляне, а друзи Древляне, зане сѣдоша въ лѣсѣхъ; а инѣи сѣдоша межѣ^в Припетію и Двиною, и нарекошася Дреговичи; а инѣи Полочане, рѣчки ради Полоты, яже течеть въ Двину. Словѣни же пришедше съ Дуная сѣдоша около озера Ильмеря^г, и прозвашася своимъ именемъ, и сѣдѣлаша градъ и нарекоша Новъгородъ, и посадиша старѣйшину Гостомысла; а друзи сѣдоша по Деснѣ, и по Семѣ, и по Сулѣ, и нарекошася Сѣверѣ. И тако разидеся Словѣньскый языкъ; тѣмъ и грамота прозвася Словѣньска.

• Поляномъ же жившимъ по горамъ, и бѣ путь изъ Варягъ въ Греки; изъ Грекъ по Днѣпру, и вверхъ Днѣпра волокъ до Ловоти^д, по Ловоти внити въ Ильмеръ въ озеро великое, изъ негоже течеть Волховъ и втече въ озеро великое въ Нево^е, и того озера устіе течеть въ море Варяжское, по тому морю впити до Рима, отъ Рима по тому же морю ити ко Царюграду, а отъ Царяграда пріити въ Понтъ море, въ не же течеть Днѣпръ рѣка. Днѣпръ течеть изъ Оковскаго^ж лѣса, и потечеть на полъдне; а Двина изъ того же лѣса течеть, и идетъ на полунощіе, и вниде въ море Варяжское; изъ того же лѣса течеть и Волга на вѣстокъ, и втече семіюдесять жерель^з въ море Хвалишьское^и. Тѣмже изъ Руси можетъ ити по Волзѣ въ Болгары и въ Хвалисы, и на вѣстокъ доити въ жребій Симовъ; а по Двинѣ въ Варяги, а изъ Варягъ до Рима, а отъ Рима до племяни Хамова. • А Днѣпръ течеть въ Понтеское море тремя жерелы; се же море словеть Русьское, по нему же училъ святыи Андрѣй апостолъ, братъ Петровъ.

Якоже рѣша, Андрѣю учащю ему въ Синапіи, пришедшю же ему въ Корсунь, и увѣдѣ яко близъ есть устіе Днѣпрское, и вѣсхотѣ поити въ Римъ и вниде во устіе Днѣпрское; и поиде по Днѣпру горѣ, и по приключаяю же пріиде и ста подъ горами при брезѣ. И заутра вѣставъ и рече къ сущимъ ту ученикомъ: «видите ли горы сія? яко на сихъ горахъ восіаетъ благодать Божія, и будетъ градъ великъ, и церкви многи Богъ въздвигнетъ.» И вшедъ на горы сія, благослови я, и постави крестъ, и помолися къ Богу, и сниде съ горы, идѣже есть и нынѣ Кіевъ, и поиде по Днѣпру горѣ. И пріиде въ Словѣны, идѣже нынѣ Новъгородъ; и видѣ люди сущая, како есть обычай имуть, и како ся мыють и хвощются, и удивися имъ. И иде въ Варяги и пріиде въ Римъ, и исповѣда, елико научи и елико видѣ, и рече имъ: «дивно видѣхъ землю Словѣньску, идущю ми сѣмо видѣхъ бани древяны, и пережгутъ^і и румяно и идутъ въ ню, изъволкуются^к и будутъ назѣ, и обліются квасомъ кислымъ, и возмутъ на ся прутіе младое и біются сами^л, и того ся добіють, едва излѣзутъ лѣ^м живи, и обліются водою студеною, и тако оживутъ; и то творять вся дни не мучими никимъже, но сами ся мучать, и то творять омовеніе собѣ, а не мученіе.» И то слышавше^н Римляне удивляхуся; Андрѣви же бывшю въ Римѣ и пріиде въ Синопію.

а) лут. • и лут. Т. б) мазовшане • мазавожане Т. в) межѣ • собою (себѣ) *прибавлено неправильно во всѣхъ сп.* г) ильмеря • илмена В. д) ловоти • волоти *такъ и ниже ошѣбк.* Ц. В. е) въ нево • въ него *ошѣбк.* Т. ж) изъ оковскаго • изъ волоковскаго В. з) сем. жерель • сѣмьюдесять жерелы В. и) хвал. • хвалиньское В. і) и пережгутъ • каменье и будетъ *прибавлено на полъ въ Ц.* к) изъволкуются • и съмлекуются Ц. л) сами • и на каменье льютъ воду *прибавл.* Ц. м) лѣ • *поправлено въ Т. елѣ, а въ Ц. али; въ прочѣхъ сп. еле.* н) и то слышавше • послушавше В.

* Начинаются Бал. и Гор.

Поляномъ же живущимъ осебѣ и владѣющимъ роды своими, яже^а и до сеѣ братіи бѣаху Поляне, и живяху каждо на своихъ мѣстехъ съ родомъ своимъ. И быша три братія, единому имя Кій, а другому Щокъ, третіему Хоривъ, а сестра ихъ Лыбедь. И живяше Кій на горѣ, гдѣ есть нынѣ увозъ Боричевъ, и бѣ съ родомъ своимъ; а братъ его^б Щекъ живяше на друзѣй странѣ горы, гдѣ нынѣ зовется Щековица; а Хоривъ на третіей горѣ, отъ негоже прозвася Хоривица. И тако сѣтвориша себѣ градокъ, во имя брата своего старѣйшаго, якоже и бысть, и нарекоша имя ему градъ Кіевъ. И бѣше же около града того лѣсъ и боръ великъ, и бяху ловяще звѣрь; и бѣше мужи мудри и смыслени^в, и нарицахуся Поляне, отъ нихъ же суть Поляне въ Кіевѣ и до сего дни. Бяху же тогда погани, жруще озеромъ и колодяземъ и рощеніемъ, якоже и прочіи погани. Ини же не сѣвѣдуше глаголють, яко Кій есть перевозникъ былъ; у Кіева бо бѣше тогда перевозъ былъ съ оной страны Днѣпра, тѣмъ глаголаху: на перевозъ на Кіевъ^г. Аще бы Кій перевозникъ былъ, то не бы ходилъ Царюграду; но сей Кій княжаше въ родѣ^д своемъ, и приходившу убо ему ко царю, якоже скажутъ, яко велику честь прія отъ царя. Идущую же ему опять, поиде къ Дунаеву, и възлюбилъ мѣсто и срубилъ городокъ малъ, и хотяше сѣсти въ немъ съ родомъ своимъ, и не даша ему ту близъ живущи; еже и донынѣ нарицають Дунайци городище Кіевецъ. Кіеву же пришедшу въ свой градъ Кіевъ, ту и животъ свой сконча; и братія его Щокъ и Хоривъ и сестра ихъ Лыбедь скончася.

И по сихъ родъ ихъ почла владѣти въ Полянехъ княженіемъ; а въ Древлянехъ свое, Дреговичи свое^е, а Словѣне свое въ Новѣгородѣ, а другое на Полотѣ, оже суть Полочане. Отъ нихъ же и Кривичи, еже живутъ на верхѣ Волги, и на верхѣ Двины и на верхѣ Днѣпра, ихъже градъ Смолнескъ; тудѣ^ж живутъ Кривичи, таже Сѣверъ отъ нихъ. А на Бѣлѣозерѣ Весь, а на Ростовскомъ озерѣ Меря, а на Клещинѣ озерѣ Меря же; а по Оцѣ по рѣцѣ, гдѣ потече^з въ Волгу, сѣдитъ Муромъ языкъ свой, Мещера свой, Мордва свой языкъ. Се бо въ Руси Словѣньскій языкъ: Поляне, Древляне, Новгородци, Полочане, Дреговичи, Сѣверъ, Бужане, зане сѣдоша по Бугу, послѣдъ же Волыняне. А се суть иные языци, иже дань даютъ Руси: Чюдь, Меря, Весь, Муромъ, Черемиси, Мордва, Пермь, Печера, Емь, Литва, Зимгола, Корсь, Морава^и, Либи; сии суть языкъ свой имущи, отъ колѣна Афетова, иже суть на странахъ полунощныхъ.

А Словѣнску языку, якоже рекохъ, живуцю на Дунаи, и придоша отъ Скуѣ¹, рекше отъ Козаръ, рекоми Болгаре, и сѣдоша по Дунаеву, и быша населници Словѣномъ. Посемъ же придоша Угри Бѣли, и наслѣдиша землю Словѣнску; сии бо Угри почаша быти при Иракліи цари, иже находиша на Хоздроя царя Персескаго. Въ си же времена быша и Обри, иже находиша на Ираклія^к царя¹ и мало его не яша; сии же Обри^м воеваху на Словѣны и премучиша Дулѣбы, сущая Словѣны, и насиліе творяху женамъ Дулѣбскимъ: аще будетъ поѣхати Обрину, и не дадѣше въпрячи коня, ни вола, но веляше бо въпрячи 3, или 4, ли 5 женъ^н въ телѣгу и повезти Обрина; и тако мучаху Дулѣбы. Быша бо Обри тѣломъ велици, а умомъ горди, и Богъ потреби я, и помроша вси, не остася ни одинъ Обринъ; и есть притча

а) яже. даждь К. б) его. *нѣтъ въ Т.* в) смыслени. мыслени(и) *такъ вездѣ кромѣ К.* г) на перевозъ на кіевъ. перевозъ на кіевѣ *такъ въ прочихъ сп. кромѣ К.* д) въ родѣ. въ городѣ Т. е) дреговичи свое. *пропущено въ Ц.* ж) тудѣ. ту В. з) потече. истече В. и) морава.; *въ Лавр. (т. I, стр. 5) норова.* і) отъ скуѣ. отъ сѣуѣ *вездѣ ошибк. кромѣ К.* к) на ираклія. на хоздроя *ошибк. Ц.* л) царя. персескаго (перьскаго; перескаго) *прибавлено по ошибкѣ во всѣхъ сп.; см. Лавр. т. I, стр. 5.* м) обри. добръ *такъ во всѣхъ сп.; см. Лавр. тамже.* н) въпрячи. . . женъ. въпрячи коня 3 или 4 и 5 женъ В.

въ Руси и до сего дни: погибша яко Обри, ихъже нѣсть ни племяни, ни наслѣдника^а. По сихъ же поидоша Печенѣзи; и паки идоша Угри Чернїи мимо Кїевъ, послѣже при Олзѣ.

Поляномъ живущимъ *, якоже ркохомъ, сущимъ отъ рода Словѣньска, а Древляне отъ рода Словѣнъ же, и нарекошася Деревляне; Радимичи же и Вятичи отъ Ляховъ. Бяста бо два брата въ Лясѣхъ, Радимъ, а другїй Вятко; пришедше же сѣдоша, Радимъ на Рсьшю^б, и прозвашася Радимичи, а Вятко сѣде съ родомъ своимъ на Оцѣ, отъ негоже прозвашася Вятичи и до сего дни. И живяху въ мирѣ Поляне, Древляне, Сѣверъ, Бужане, Радимичи, Вятичи, Ховрати. Дулѣби же живяху по Бугу, гдѣ нынѣ Воляныне, а Лутичи и Тиверичи присѣдаху къ Дунаеви; и бѣ ** множество ихъ сѣдаху по Днѣстру полны до моря, и суть гради ихъ и до сего дни. Да то ся зоветъ отъ Грекъ Великая Скуѣія.

Имяху бо обычаи свои, и законъ отъ отецъ своихъ и преданїя, каждо ихъ свой нравъ имяху. Поляне бо своихъ отецъ обычаи имуть кротокъ и тихъ и стыдливъ, къ родителемъ и къ племяни велико стыдѣніе, и браченныи обычаи творять. А Древляне живяху звѣрнымъ образомъ, живуще скотьскы: убиваху другъ друга и ядаху все нечисто, брака у нихъ не бывааше, умыкааху уводы дѣвици жены себѣ. А Радимичи, и Вятичи, и Сѣверяне единъ обычаи имуть: живяху въ лѣсѣхъ, якоже и всякій звѣрь, ядуще все нечисто, срамословіе у нихъ предъ родители, и племени не стыдятся; браци не бываху въ нихъ, но игрища межи селы, и схожахуся на игрища и на вся бѣсовская плясанїя, и ту умыкааху себѣ жены, съ нею же кто свѣщався; имяхуть-же и по двѣ и по три жены. И аще кто умре^в у нихъ, и творяхуть трызну надъ нимъ, и посемъ створять кладу велику, и възложить на кладу мертвеца и сожгутъ е^г, и посемъ собравше кости и вложить въ судину малу, и поставляху на путехъ на столихъ; еже творять Вятичи и до сего дни. Сей же имуть обычаи и Кривичи и прочїи поганїи, не вѣдуще закона Божїя, но *** творяще сами себѣ законъ.

Глаголетъ убо Егоріе^а въ лѣтописанїи: ибо коемуждо языку овѣмъ исписанъ законъ есть, другимъ же обычая; зане незаконнымъ отечество мнится. А отъ нихъ же первїи^е Сїрии, живуще на конецъ земля, законъ имуть и обычаи отецъ своихъ: не любодѣяти, ни красти, ни оклеветати, ни убити, ни злодѣяти весма. Законъ же и Уктиріанъ, глаголеми Врахмане и Островници, и отъ прадѣдъ наказанїе имуть и благочестїе, мясъ не ядуще, ни вина пїюще, ни блуда творяще, страха ради многа, ни злобы творяще никоея же. Ибо друзїи близъ тѣхъ суть Инди^ж инѣмъ закономъ, скверно творяще все, гнѣвливи паче естества; въ нутренѣйшей странѣ ихъ^з бяху челоувѣкы ядуще и странствующихъ убиваху, паче же ядаху аки пси. Инъ же^и законъ Халдѣемъ и Вавилономъ: матери поимати, съ братними чады блудъ творити, и убивати; и всякое безстудное дѣянїе творять. И инъ же законъ Гилїомъ^и: жены у нихъ орютъ, храмы созижють и вся мужеская дѣла творять, и прелюбы творять^к елико хотять, и невѣздержими отъ мужъ своихъ воину^л; и суть жены тѣ храбры, ловять звѣрь гораздо, и

а) ни наслѣдника. ни наслѣдокъ К. б) на рсьшю (ршу). такъ во всѣхъ сп.; въ Лавр. на съшю. в) умре. умреть Ц. умра(а)ше К. О. г) е. и К. О. д) егоріе. георіе Ц. георгій О. е) первїи. такъ исправлено по Амартолу: см. сего изданїя т. I, стр. 244; во всѣхъ сп. перси и (перди и). ж) инди. приписано между строкъ только въ Ц. з) ихъ. см. т. I, стр. 244; во всѣхъ сп. и. и) инъ же. си же Т. i) гилїомъ. тилїомъ вездѣ ошибкою кромѣ Ц. к) творять. такъ въ Лавр. (т. I, стр. 6); творити еи во всѣхъ сп. л) воину. выну Ц. О.

* Отсюда въ Вор. пропускъ; см. ниже подъ 6420 г.

** Съ сего мѣста начинается Овол. I.

*** Въ Кар. IV далѣе недостаетъ листа.

мужи своими владѣють жены тѣ. А въ Вретани^а же мнози мужи съ единою женою спятъ, и жены съ единымъ мужемъ похотѣствуютъ, незаконный^б законъ отецъ^б творять независтно, ни въздержанно. Амазоняне же мужа не имуть, но аки скоти безсловесни, но одиною лѣтомъ^в къ вешнимъ днемъ оземьствени будутъ, и съчтаются со окрестными^г мужи; яко нѣкое имъ торжество и велико празднство время то тѣмъ мнать. Отъ нихъ заченше^д въ чревѣ, и паки разбѣгнутся осебѣ^е вси: во время же хотящимъ родити, аще родить мужескъ полъ, то погубить^ж е; аще ли женескъ, то въздонить ю прилѣжно. Якоже и при насъ се^з, Половци^и законъ держать отецъ своихъ, кровипролитіа^и, хвалящися о сихъ, ядуще мертвечину и всю нечистоту, хомякы и сусолы; и поимають мачехи и ятрови, и ины злы^к обычая творять отецъ своихъ. Мы же крестіане, елико земль, иже вѣрують въ святую Троицу, въ едино крещеніе, въ едину вѣру, и законъ имамъ единъ, елико въ Христа крестихомся, въ Христа облекохомся.

По сихъ же лѣтѣхъ и по смерти братія сія, быша обидимы Древляны и иными околными, и наидоша я Козари сѣдящая на горахъ сихъ въ лѣсѣхъ, и рѣша имъ Козари: «дайте намъ дань.» И сдумавше Поляне, и вдаша имъ отъ дыма мечъ, и ѿсоша Козари ко князю своему и къ старѣйшинамъ^а своимъ, рѣша имъ: «налѣзохомъ дань нову.» Они же рѣша имъ: «откуда?» Си же рѣша имъ: «въ лѣсѣхъ на горахъ, надъ рѣкою Днѣпрскою.» Они же рѣша: «что суть дали?» Си же показаша мечъ. И рѣша^и старци Козарьстїи: «не добра, княже, дань си; мы ся доискахомъ оружіемъ одиною страною остріемъ, рекше саблею, а сихъ оружіе обоюду остро есть, рекше мечъ; си бо имуть дань имати на насъ и на иныхъ странахъ.» Се же събысться все; не отъ своя воля рекоша, но отъ Божїа повелѣнїа събысться се. И бысть якоже преже при Фараонѣ пари Египетстѣмъ, егда приведоша Моисея предъ царя Фараона, и рѣша Фараону старци Египетскїа: о царю! се хочеть смирити область Египетскую. Якоже и бысть; и погибоша Египтяне отъ Моисея. Также и си Козари владѣша^и, послѣже самими почаша владѣти; яко и бысть, владѣють бо Козары Русь и до днешняго дне.

Софїйскый времянникъ, еже нарицается лѣтописаніе Русьскыхъ князь, и како избра Богъ страну нашу на послѣднее время, и гради почаша бывати по мѣстомъ, преже Новгородская волость и потомъ Кїевская, и о статїи Кїева, како воимьяновася Кїевъ. Яко древле царь Римъ, прозвася во имя его градъ Римъ, и паки Антіохъ, и бысть Антіохїа, и паки Селевкъ, бысть Селевкїа, и паки Александръ, бысть Александрїа во имя его. И по многа мѣста тако прозвани быша гради ти во имяна царевъ тѣхъ и князь тѣхъ. Яко въ нашей странѣ прозванъ бысть градъ великій Кїевъ во имя Кїа, егоже древле нарицають перевозника бывша, инїи же яко и ловы дѣяше около града своего. Великъ бо есть промыслъ Божїй, еже яви въ послѣдняя времена! кудаже древле погани жряху бѣсомъ на горахъ, тудаже нынѣ церкви святыя стоятъ златоверхїа камено-

а) а въ вретани. а въ вертани *вездѣ ошибкою*; см. сво. изданїя т. I, стр. 7 и 241. б) отецъ. *пропущено въ Ц. Б. Г.* в) лѣтомъ. *днемъ вездѣ ошибк. кромѣ Ц.* г) со окр. *во всѣхъ сп. прибавлено* ибо. д) заченше. *заченшимъ О. К.* е) осебѣ. *отъ себе(ѣ) ошибк. во всѣхъ сп. кромѣ О.* ж) погубить. *погубити вездѣ кромѣ К.* з) се. *нынѣ прибавл. О. К.* и) пол. *а половци такъ вездѣ кромѣ О. К.* і) кровипролитїа. *кровь пролить К.* к) злы. *нѣтъ въ О. К.* л) и къ старѣйшинамъ. *и къ старѣйшимъ вездѣ кромѣ К. О.* м) и рѣша. *и рѣста Т.* н) влад. *поляны прибавлено на поля въ Ц.*

* Продолжается Клар. IV.

зданнѣя, и монастыреве исполнени черноризцевъ, безпрестани славяще Бога въ молитвахъ и въ бдѣніи, въ постѣ, въ слезахъ, ихже ради молитвъ міръ стоитъ. Аще бо кто къ святымъ^а прибѣгнетъ церквамъ, тѣмъ велику ползу приметъ души же и тѣлу. Мы же на послѣднее възвратимся.

О началѣ Русьскія земля и о князѣхъ, како и откуда быша. Васъ молю, стадо Христово, съ любовію, приклоните ушеса ваша разумно: како быша древніи князи и мужи ихъ, и како отбараняху^б Русьскія земля, и иныя страны приимаху подъ ся. Ти бо князи не сбираху многа имѣнія, не творимыхъ виръ^в, ни продажъ въскладаху на люди; но оже будяше правая вира^г, и ту возма, даяше дружинѣ на оружіе^д. А дружина его кормляхуся, воюючи иныя страны, біющися: «братіе! потягнемъ по своемъ князи и по Русьской земли.» Не жадаху^е: «мало ми есть, княже, 200 гривенъ;» не кладаху на свои жены златыхъ обручей, но хожяху жены ихъ въ серебрѣ, и расплодили были землю Русьскую. За наше несытъство навелъ Богъ на ны поганяныя, а и скоти наши, и села наша, и имѣнія за тѣми суть; а мы злыхъ своихъ не останемъ. Пишетъ бо ся: богатство несправдою собираемо, скоро извѣстѣя^ж. И паки: собираетъ, и не вѣсть кому собираетъ^з. И паки: лучше малое праведнику, паче богатства грѣшныхъ многа^и. Да отселѣ, братія възлюбленная моя, останемся отъ несытъства своего; доволни будите уроки вашими. Яко и Павелъ пишетъ: ему же дань, то дань^{*}, ему же урокъ^{**}, то урокъ¹; никому же насилія творяще, милостынею цвѣтуще, страннолюбіемъ въ страстѣ Божіи и правовѣріи свое спасеніе съдѣвающе, да и здѣ добръ поживемъ, и тамо вѣчнѣй жизни причастици будемъ. Се же таковая. Мы же отъ начала Русьской земли до сего лѣта и вся по ряду извѣстно да скажемъ, отъ Михаила царя до Александра и Исакія.

Въ лѣто 6360, индикта въ 15, наченшу Михаилу царствовать, и начася прозывать⁸⁵³ Русьская земля: тѣмъ отселѣ почнемъ и числа положимъ. Яко отъ Адама до потопа лѣтъ^{—58} 2242; а отъ потопа до Авраама лѣтъ 1000 и 82; а отъ Авраама до исхода Моисеова лѣтъ 500 и два; а отъ исхода до Давыда лѣтъ 601; а отъ Давыда и отъ царства Соломона до плѣненія Іерусалимова лѣтъ 400 и 48; а отъ плѣненія до Александра царя лѣтъ 318; а отъ Александра царя до Христова Рождества лѣтъ 333; а отъ Рождества Христова до Костянтина царя лѣтъ 318; а отъ Костянтина царя до сего Михаила царя лѣтъ 542. Мы же на преднее възвратимся и скажемъ, что ся удѣя въ лѣта сія.

Въ лѣто 6362. Начало земли Русьской.

Въ лѣто 6366. Михаилъ царъ изиде съ вой своими берегомъ и моремъ на Болгарѣ; Болгарове же увѣдѣвъше, и не могоша стати противу ему, и просиша креститися, и покоряшася Грекомъ. Царъ же крести князя ихъ и боляры вся, и миръ сътвори съ Болгары въ 7-е лѣто царства своего.

а) къ святымъ. сы *прибавл.* Т. О. К. б) отбараняху. отбараху Б. К. Г. обарааху О. в) виръ. вѣръ такъ и ниже Ц. Б. Г. г) вира. вѣра Т. д) возма . . . на оружіе. *взимааше* и дружинѣ на оружіе дая О. а ту *взим.* и дая друж. на оружіе К. е) не жадаху. *такъ поправлено по печатной Соф. Лѣт., изд. Академією Наукъ, ідѣ сказано: жадаху; во всѣхъ сп. ж(ь)даху (жадаху).* ж) Іова XX, 15. з) Псал. XXXVIII, 7. и) Псал. XXXVI, 16. і) Къ Римл. XIII, 7.

* Откуда въ Гор. пропускъ; см. продолженіе подъ 6370 г.

** Въ Бол. недостаетъ листа.

859 Въ лѣто 6367. Имаху дань Варязи изъ заморія на Чюди, на Словѣнехъ, на Мери и на
 —66 всѣхъ Кривичехъ, отъ мужа по бѣлѣ вѣверицѣ. А Козари имаху дань на Полянехъ, и на
 Сѣверянехъ, и на Вятичехъ, по бѣлѣ векшицѣ отъ дыма.

А се отъ начала князей Русьскихъ начало княженія ихъ скажемъ. Въ лѣто 6370. Вѣсташа Кривичи, и Словѣне, и Чюдь, и Меря на Варягы, и изгнаша я за море и не даша имъ дани, начаша сами себѣ володѣти^а и города ставити; и не бѣ въ нихъ правды, и вѣста родъ на родъ, и бысть межи ими рать велика и усобица, и воевати начаша сами на ся. И рѣша сами къ себѣ: «поищемъ себѣ князя, иже бы володѣлъ нами, и рядилъ ны и судилъ вправду.» При сего Михаила царствѣ, послаша за море къ Варягомъ къ Руси; сице бо звахуся Варягы Русію, яко се и друзи зовутся Нурмане^б, Агляне, инии Кте^в; тако и си. Рѣша Чюдь, Словѣне, Кривичи Варягомъ: «вся земля наша добра есть и велика и изобилна всѣмъ, а нарядникъ въ ней нѣсть; поидѣте къ намъ княжити и владѣти нами.» И избрашася отъ Нѣмцеъ 3 брата съ роды своими, и пояша съ собою дружину многу; и пришедъ старѣйшій Рюрикъ сѣде въ Новѣгородѣ, а Синеусъ, братъ Рюриковъ, на Бѣлѣозерѣ, а Труворъ въ Изборьскѣ; и начаша воевати всюду. А отъ тѣхъ Варягъ находницѣхъ прозвашася Русь, и отъ тѣхъ словеть Русьская земля; и суть Новгородстїи людїе и до нынѣшняго дни отъ рода Варяжска, преже бо бѣша Словѣни. По двою же лѣту Синеусъ и братъ его Труворъ умре, и прїя всю власть въ Руси Рюрикъ обою брату, и нача владѣти единъ; и раздая грады мужемъ своимъ, овому далъ Полтескъ, иному Ростовъ, иному Бѣлоозеро и прочимъ. По тѣмъ градомъ суть первїи населници: въ Кіевѣ Варязи, въ Новѣгородѣ Словѣни, въ Полотѣстѣ Кривичи, въ Ростовѣ Меря, на Бѣлѣозерѣ Весь, въ Муромѣ Муромы. Тоже тѣми всѣми обладаше Рюрикъ. И бѣста два мужа у него, Асколдъ и Диръ, не племени его, ни боярина, и испросистася та у него ити къ Царюграду съ родомъ своимъ. И поидоста по Днѣпру, и узрѣста на горѣ градокъ малъ, и въспрошаста^г: «чїй есть градокъ сїй?» И рѣша имъ ту сущїи^ж: «были суть 3 брата, Кїй, да Щокъ, да Хоривъ, и тѣ же сѣдѣлаша сїй градъ^д, и изгибоша; мы же сѣдимъ платячи дань родомъ ихъ, Козаромъ» Асколдъ же и Диръ сѣдоста въ градѣ томъ, и многи Варяги совкуписта, и начаста владѣти Полянскою землею; и бѣша ратни съ Древляны и съ Угличы. Рюрику же княжащю въ Новѣгородѣ, и роди сынъ, и нарече имя ему Игорь. Възрастшю же Игореву, и бысть храборъ и мудръ; и бысть у него воевода, именемъ Олегъ, мужъ мудръ и храборъ.

Въ лѣто 6374. Бысть въ Грецѣхъ царь, именемъ Михаилъ, и мати его Ирина, иже проповѣдаша^е поклоненіе святымъ иконамъ, въ 1-ю недѣлю поста. О семъ бо увѣдѣхомъ^ж, яко при семъ цари приходиша Русь на Царьградъ; и якоже пишется въ лѣтописанїи Греческѣмъ, въ 14^з лѣто Михаила царя, прїиде Асколдъ и Диръ на Греки ко Царюграду. Царю же отшедшю на Агаряны воевати и дошедшю ему Черныя рѣки, вѣсть епархъ посла къ нему,

а) володѣти — володати Т.; *въ прочихъ сп. кромѣ Ц. владѣти.* б) нурмане — армане Т. О. армяне К. в) кте — сте *ошибк.* К. О. г) и въспрошаста — и въспросиша Т. д) сїй градъ — сїи гради Т. е) проповѣдаша — такъ исправлено; *во всѣхъ сп. проповѣдаеть.* ж) увѣд. — увид. *вездѣ кромѣ Б. Г.* з) въ 14. и въ 14 Т. Б. Г.

* Продолжаются Бал. и Гор.

** Въ Кар. IV вмѣсто недостающаго вставленъ одинъ листъ, писанный новѣйшимъ почеркомъ, до словъ (см. ниже): «съ пѣснми занесоша съ плачемъ»; выписка сдѣлана изъ печатнаго Кенигсбергскаго Нестора, издавнаго Академіею Наукъ 1767 г.

яко Русь идетъ на Царьградъ, и воротися царь. Се же вънутрь Суду вшедше, много убійство крестіаномъ створиша, и оступиша Царьградъ во двою сту корабль. Царь же едва вниде въ градъ; и съ патриархомъ Фотіемъ приде къ церкви^а святѣй Богородици Влахерну, и всю нощь молитву створивъ, таже и святую ризу божественую святыя Богородица съ пѣснями изнесше, съ плачемъ, и омочи въ рѣцѣ^б. Бѣ бо море укротилося и тихо бысть, и абіе вѣста, буря съ вѣтромъ, и волнамъ велимъ засобъ вѣставшимъ, и разби корабля, и смяте безбожныхъ Русь, и къ берегу приверже^в, и избя я; мало ихъ избы отъ таковыя бѣды избѣгнути, и въсвоися съ побѣженіемъ вѣзвратишася. А Асколдъ и Диръ вмалѣ придоша^г къ Києву.

Въ лѣто 6375. Тишина бысть^д.

Въ лѣто 6376. Нача царствовати Василіе^е, сынъ Михайловъ^ж, лѣтъ 18 и мѣсяць 11. При семъ трусь бысть въ Цариградѣ 40 дній, поченъ на святаго Полукта.

Въ лѣто 6377. Крещена бысть земля Болгарская.

Въ лѣто 6378. Въ лѣто 6384. Михайлова царства лѣтъ 24, и скончася великій кругъ^з.

Въ лѣто 6387. Умре Рюрикъ, княживъ лѣтъ 17, и предасть княженіе свое Олгови, понеже ему отъ рода своего суща, и вда ему сынъ свой на руцѣ Игоря малаго; бѣ бо дѣтескъ велими. А отъ 1-го лѣта Михайлова до 1-го лѣта Олгова Русьскаго князя лѣтъ 29.

Въ лѣто 6390^и. Поиде Олегъ, поимъ Игоря, изъ Новгорода къ Киеву; и приде къ Смоленску, и прія градъ, и посади въ немъ мужъ свои. И оттуду приде внизъ по Днѣпру къ горамъ Киевскимъ; и увѣдѣвъ Олегъ, яко Асколдъ и Диръ княжатъ^и въ Киевѣ, Игорь же и Олегъ, творящася мимоидуца, потаистася въ лодіяхъ, и съ малою дружиною изидоста на брегъ. И посла Олегъ ко Асколду и Дирови, глаголя сиче: «яко гость есмь Подъугорскій, идемъ въ Греки отъ Олга князя и отъ Игоря княжича; да приидѣте къ намъ къ родомъ своимъ.» Асколдъ же и Диръ придоста къ нимъ; Олегъ же возьмъ Игоря на руцѣ си^к, и рече ко Асколду и Дирови: «вы нѣста князя, ни роду княжа, но азъ есмь князь, и мнѣ достойтъ княжити; а се есть сынъ Рюриковъ Игорь княжичъ.» И выскакавшѣ изъ лодей вои Игоревы, и убиста Асколда и Диру; и несше ихъ на гору, погребоша ихъ, еже нынѣ ся нарицаеть Угорское^л, идѣже есть дворъ Ольминъ^м, на той могилѣ поставиша Олма церковь святаго Николу, а Дирова могила за святою Ириною. И сѣде Олегъ княжа въ Киевѣ, и рече: «се буди мати всѣмъ градомъ Русьскимъ.» И обладаше всею Русьскою землею; и бѣша у него мужи Варязи, Словѣни, и оттолѣ прозвашася и прочіи Русью. Си же Олегъ нача города ставити, и дани устави по всей Русьстѣй земли^н, Словѣномъ, и Кривичемъ, и Мерямъ дань даяти Варягомъ, съ Новгорода 300 гривенъ на лѣто, мира дѣля; еже и даваше Варягомъ и до смерти Ярославли^о. И многи страны притяжа къ Русьской земли, и дани выложи на ня.

Въ лѣто 6391. Иде Олегъ на Древляны и на Сѣверы, и възложи дань на нихъ по чернѣ кунѣ.

а) къ церкви. къ сущей церкви Ц. Б. О. Г. б) въ рѣцѣ. въ морѣ *поправлено въ Ц.* в) приверже. привержени Ц. Б. Г. г) придоша. *во всѣхъ сп.* приде. д) въ л. 6375 тиш. бысть. *нѣтъ въ Ц.* е) василіе. македонянинъ *прибавлено на полѣ въ Ц.* ж) сынъ михайловъ. по михаилѣ *поправлено въ К.* з) въ л. 6384. кругъ; индикціонъ XII дѣйствительно окончился 6384 г.; но тогда царствовалъ не Михаилъ III, а Василий Македонянинъ (867—886 г.). и) *Во всѣхъ сп. въ видѣ заглавія: (наста) олгово княженіе.* і) княжатъ. княжита К. О. к) си. свои Ц. л) угорское. игорское *во всѣхъ сп. кромѣ Ц., но и тамъ было игорское, а потомъ поправлено: см. Лавр Лѣт. (т. I, стр. 10).* м) ольминъ. олгинъ и ниже олга подчищено и поправлено въ Г. н) по всей рус. земли. въ Ц. слѣдуютъ за словами: и города ставити. о) еже. ярославли. еже не даютъ *вездѣ кромѣ Ц.*

884
—87 Въ лѣто 6392^а. Въ лѣто 6393^б. Въ лѣто 6394. Въ лѣто 6395. Вкупѣ же и си лѣта сбираются. Отъ перваго лѣта Ольгова, поне сѣде въ Кіевѣ на княженіи, до перваго лѣта Игоревѣ лѣтъ 31; и бысть княженіа его лѣтъ 33, по Олговѣ смерти; а при Олзѣ бысть, отнюду же приведе ему жену Олегъ отъ Плескова, именемъ Олгу, лѣтъ 10; и жи Игорь со Олгою 43 лѣта. А отъ перваго лѣта Святославля до перваго лѣта Ярополча лѣтъ 28; а княжилъ Ярополкъ лѣтъ 8, а Володимеръ 37 лѣтъ. А отъ Михаила царя до крещенія Болгарьскыя земли лѣтъ 17. А отъ крещенія до преложенія книгъ лѣтъ 29. А отъ преложенія книгъ до крещенія Русьскыя земли лѣтъ 92; бысть крещена земля въ 9-е лѣто княженія Володимерова. А отъ крещенія Русьской земли до смерти Владимеровы, и до убіенія Бориса и Глѣба, и до пренесенія мощемъ ихъ лѣтъ 57; а отъ перваго до втораго пренесенія лѣто; а до взятія Кіевского лѣтъ 87. А отъ взятія Кіевского до Калковскаго бою лѣтъ 20. А Святполкъ окаянный 3 лѣта княжи, біяся съ братомъ своимъ Ярославомъ. Отъ Ярослава лѣтъ 40; отъ Володимера *Ирославича* лѣта 4.

А Володимера Манамаховы сынове: Мстиславъ, Изяславъ, Святославъ, Ярополкъ, Вячеславъ, Романъ, Юрьи. А Юрьевы дѣти Долгорукого: Ростиславъ, Андрѣй Боголюбскій, Иванъ, Михалко, Василко, Ярославъ, Святославъ, Глѣбъ, Мстиславъ, Борисъ, Всеволодъ^а. Всеволода Юрьевича сынове: Константинъ, Борисъ, Юріе, *Еодоръ*, Ярославъ, *Дмитрей*, *Гаврило*, *Василей*, Святославъ, Володимеръ. Юрія Всеволожича сынове: Всеволодъ, Володимеръ, Мстиславъ. Ярослава Всеволодича сынове: Еодоръ, Василей, Александръ, Андрѣй, *Аѳанасій*, Константинъ, Михайло, Ярославъ, Данило. А отъ Александра Ярославича сынове: Дмитрей, Андрѣй, Василей, Данило. Данила Александровича сынове Московскаго: Юрьи, Иванъ, Борисъ, *Семенъ*, *Андрѣй*, Александръ, Аѳанасій. Ивана Даниловича сынове: Семенъ, Данило, Иванъ, Андрѣй. Семена Ивановича сынове: Василей, Константинъ, Данило, Михайло, Иванъ, Семенъ. Ивана Ивановича сынове: Дмитрей, Иванъ. Дмитрія Ивасовича сынове: Данило^г, Василей, Юріе, Андрѣй, Петръ^д, Константинъ^е. Василія Дмитреевича сынове: Иванъ, Василей. Василія Василіевича сынове: князь Иванъ, князь Юріе, князь Андрѣй, Борисъ, Андрѣй^ж. Ивана Василіевича сынъ князь Иванъ^з.

Бывшу уставу царемъ Лвомъ Премудрымъ, како имуть чинъ престолѣми митрополіямъ церквамъ, подлежащія патриарху Константинопольскому. Сіе митрополити: 1. Кесаріасъ, 2. Ефесъ, 3. Ираклія, 4. Анкира, 5. Кокозику, 6. Сардисъ, 7. Никомидія, 8. Никея, 9. Халкидонъ, 10. Оиди, 11. Севастія, 12. Амасія, 13. Мелетини, 14. Туана, 15. Гангра, 16. Селунъ, 17. Клавдіуполь, 18. Неокесарія, 19. Писинусъ, 20. Муры, 21. Карія, 22. Лаодикія, 23. *Лаодикія*, 24. Сунада, 25. Иконію, 26. Антиохія,

а) въ л. 6392. иде олеъ на сѣверяны, и возложи на нихъ дань легку, и не дасть имъ козаромъ дань даяти *вынесено на полъ въ Ц.* б) въ л. 6393. посла олеъ къ рядимичемъ: кому дань даати? они же рѣша: козаромъ. и рече имъ: дайте мнѣ, и даша олгову (*чит. олгови*) по лашѣгу (*чит. по щѣлагу*), якоже и казаромъ дааху *прибавлено въ выносѣ на полъ въ Ц.* в) а володимера... всеволодъ: *во всѣхъ сп., кромѣ Ц., имена князей изчислены невярно*: а володимера ярославича сынове: ярославъ, ростиславъ, андрѣй боголюбскій, михалко, всеволодъ, святославъ, глѣбъ, мстиславъ, борисъ. отъ андрѣя боголюбскаго сынове: изяславъ, мстиславъ, борисъ (*въ нѣкоторыхъ сп. глѣбъ*). г) данило. *только въ Ц.* д) петръ. іоанъ *прибавл. О. К.* е) коньст.; *далѣ въ О. К. до конца статьи невярно*: а данило. князя вел. василіевы дѣти: юрій, іоанъ третій, князь вел. василей. ж) борисъ, андрѣй. *книгъ въ Т. К. О.* з) ивана. . . иванъ. а великаго князя ивана. василіевича сынъ князь иванъ ивановичъ Ц. Б. Г.; *далѣ въ Ц. прибавлено*: князь вел. василей, юрьи, дмитрей, семенъ, андрѣй.

27. Сулеонъ^а, 28. Кинѣ, 29. Аѣины, 30. Мокисьсось^б, 31. Селевкія, 32. Калаврія, 33. Патры, 34. Трапезунта, 35. Ларисось, 36. Наупактъ, 37. Филиппуполь, 38. Траинуполь, 39. Родось, 40. Филиппопъ, 41. Андриянуполь, 42. Иераполь, 43. Дурахію, 44. Смерчѣна, 45. Катани, 46. Амориось, 47. Камахсъ^в, 48. Котіано, 49. Святая Севарани^г, 50. Митилини, 51. Новыя Патры, 52. Еуханта, 53. Амастрисъ, 54. Ехоны, 55. Едрусъ, 56. Келесини^д, 57. Колонія, 58. Оивы, 59. Серры, 60. Помпѣуполь, 61. Росія, 62. Аланія, 63. Еность, 64. Тивериуполь, 65. Ахаія, 66. Нерассусъ^е, 67. Наколія, 68. Германія, 69. Мадута, 70. Амапія^ж, 71. Василионъ, 72. Дристра^з, 73. Назіантъ, 74. Керкиры, 75. Аводусъ, 76. Муѣумна, 77. Христіануполь, 78. Росію^и, 79. Лакедемонія^к, 80. Наксія^л, 81. Наталія, 82. Милитъ, 83. Суливрія, 84. Апрѣ. Архіепискупи подъ Коньстантинополемъ: 1. Вузіи, 2. Леонтополи, 3. Маронія, 4. Гермія, 5. Аркадіуполь, 6. Карію^н, 7. Милитъ, 8. Приконисъ, 9. Силиврія^о, 10. Кіюсъ, 11. Апросъ, 12. Киѣла^п, 13. Ники, 14. Неаполи, 15. Сегліи, 16. Херсои, 17. Месини^о, 18. Герела^п, 19. Вриси^р, 20. Деркосъ^с, 21. Каравизіи, 22. Лимность^т, 23. Лечкасъ, 24. Мисфія, 25. Екодре^у, 26. Сотиріуполь, 27. Пидахвонъ^ф, 28. Герми, 29. Въспоръ, 30. Кодратисъ, 31. Иероніе, 32. Карповошь^х. А се епискупи, елици суть въ мірѣ семъ, въ Руси: 1. митрополія Кіевская, 2. Великаго Новагорода архіепискупія, 3. Черниговская епискупія^ц, 4. Переяславская, 5. Бѣлогородская, 6. Володимирская, 7. Галичская, 8. Юріевская, 9. Перемышльская, 10. Лучьская, 11. Холмская, 12. Туровская, 13. Ростовская, 14. Полотская, 15. Смоленская, 16. Тѣрская, 17. Рязанская, 18. Суздальская, 19. Сарьская, 20. Коломенская, 21. Самборская, 22. Пермская.

Въ лѣто 6406. Идоша Угры мимо Кіевъ горою, еже ся зоветь Угорское, и пришедше ко Днѣпру стаха вежами; бѣша бо ходяще яко и Половци. И пришедше отъ востока, и устремишася чрезъ горы великія, иже прозвашася горы Угорскыя, и почаша воевати на живущая ту. Сѣдяху бо ту преже Словѣни, и Волѣхове^ч переяха землю Вольнскую; посемъ же Угры прогнаша Волохы, и наслѣдиша землю ту и сѣдоша съ Словѣнныи, покоривше я^ш подъ ся: и оттолѣ земля та^ш прозвася Угорская. И начаша воевати Угры на Греки, и полониша землю Фрязескую^ъ и Макидонскую даже^и и до Селуня; и начаша воевати и на Мораву^ь и на Чехы. Бѣ бо единъ языкъ Словенскъ: Словѣни, иже^ѣ сѣдяху по Дунаевѣ, иже пріяша Угры, и Морава, и Чеси, и Ляхове, и Поляне, яже нынѣ зовомая Русь. Симъ бо первое положены книги Моравѣ, яже прозвася грамота Словѣнская; тая же грамота есть въ Руси и въ Болгарѣхъ Дунайскихъ^ъ.

а) сул. селуонъ О. К. б) мок. мокисьсось Ц. в) кам. камахсъ О. г) севарани сѣверани Т. севирани К. О. д) кел. колесини Т. е) нер. нерассусъ О. К. ж) амапія амапія Т. О. К. з) дристра рдиста Т. дриста Ц. Б. Г. и) росію русію К. О. і) лак. лакмедонія Т. Б. Ц. Г. к) наксія наксія Т. Б. л) карію каріовъ Ц. Б. Г. н) сил. силиверія Т. силимбрія О. К. о) мес. месени О. К. п) герела герала Б. О. р) вриси врусі К. О. с) деркосъ дерсось Ц. т) лимность лименость Т. у) екодре екокре К. О. ф) пидахв. пидазв. *вездѣ кромѣ* К. О. х) карповошь карфопошь К. *Далѣе во всѣхъ сп. внесены (въ К. потомъ затерены) слѣдующія слова:* и тако мало пресвященныи нашъ господиинъ и владыка, митрополитъ кіевскій и всея руси, иирик., и еже о немъ божественный и священныи съборъ призываютъ твоея святыни на епискупство богоспасеннаго града. п) епискупія *только въ* О. ч) волѣхове волохове Ц. Б. О. ш) покоривше я покорившееся *ошибк.* Б. Г. щ) земля та *нѣтъ въ* Б. О. ъ) фрязескую фрязскую Б. Г. фрячскую К. фряческую О. ы) даже *даже* Т. дажде О. ъ). мораву мареву О. ѣ) словени иже *только въ* Г.; *въ прочіихъ сп. словени же.* э) дунайскихъ *такъ въ Лавр. (т. I, стр. 11); во всѣхъ сп. дунайскі(я).*

898 Словѣномъ бо живущимъ крещенымъ, и княземъ^а ихъ, Ростиславъ, и Святополкъ, и Кочелъ послаша ко царю Михаилу, глаголюще: «земля наша крещена, и нынѣ^б нѣсть у насъ учителя, аже^в бы насъ учили и казали, и протолковали святыя книги; не разумѣмъ бо ни Гречьскому языку, ни Латиньскому: они бо ны инако учать, а друзи инако, тѣмже не разумѣмъ книжнаго разума, ни силы ихъ; да послите ны учителя, иже могутъ ны сказати книжная словеса и разумъ ихъ.» Се же^г слышавъ царь Михаилъ, съзва философы вся, и сказа имъ рѣчи вся Словѣньскыхъ князь. И ркоша философы: «есть мужъ въ Селуни, именемъ Левъ, и суть у него сынове разумиви языку Словѣньску, и хитра два сына у него философа.» И се слышавъ царь, посла по ня въ Селунъ ко Лвови, глаголя: «пошли къ намъ въскорѣ сына своя, Меоедія и Коньстянтина.» Се слышавъ Левъ, въскорѣ посла я, придоста въскорѣ къ цареви, и рече има царь: «се прислалася ко мнѣ Словѣньская земля, прося^д учитель собѣ, иже могъ бы истолковати святыя книги; сего бо желаютъ.» И умолена быста царемъ, и послаша я въ Словѣньскую землю къ Ростиславу, и Святополку, и Кочелюви^е. Сима же пришедшима, начаша съставляти писмена азбуковная Словѣньскы, и преложиста Апостолъ и Еуангеліе; и ради быша Словѣни, яко слышаша величія Божія своимъ языкомъ; посемъ же преложиста Псалтирь и Октаикъ, и прочая книги. Нѣции же начаша хулити Словѣньскыя книги, глаголюще: «яко не достоитъ никоторому же языку имѣти азбуковъ своихъ, развѣ Еврей, и Грекъ, и Латины, по Пилатову писанію, еже на крестѣ написа Господни. Се же услыша папѣжъ Римскый, и похули тѣхъ, иже ропшутъ на книги Словѣньскыя, ркучи^ж: «да ся исполнить книжное слово, яко да въсхвалять языци вси Бога истиннаго; другое же: възглаголють вси языки различными величія Божія, якоже дасть имъ святыи Духъ отвѣщевати; да аще кто хулитъ Словѣньскую грамоту, да будутъ отлучени отъ церкви, дондеже исправятся; ти бо сѹтъ волци, а не овци, яже достоитъ отъ плода познати я, и хранитися ихъ; вы же, чада Божія, послушайте ученія и не отрините наказанія церковнаго, якоже вы наказалъ Меоедіе учитель вашъ.» Коньстянтинъ же възвратився въспать, иде учити Болгарьска языка, а Меоедіи оста въ Моравѣ.

О преложеніи книгъ Гречьскыхъ на Словѣньскый языкъ. Посемъ же Кочелъ^з князь постави Меоедія епискупомъ въ Паніи, на столѣ святаго апостола Андроника единого отъ 70, ученика святаго апостола Павла. Меоедіи же посади^и два попа писца, и преложи вся книги исполнь отъ Гречьскаго языка въ Словѣньскъ языкъ 6-ю мѣсяць, начатъ отъ марта мѣсяца и до двадесять и 6 день октября мѣсяца; окончавъ же^к, достойную хвалу и славу Богу въздавъ, дающему таковую благодать епискупу Меоедію, настолнику Андроникову. Тѣмже Словѣньску языку учитель былъ Андроникъ апостолъ; въ Моравы бо ходилъ апостолъ^л Павелъ, ту бо бѣша Словѣни первіе. Тѣмже Словѣньску языку учитель есть Павелъ, отъ негоже языка и мы есмы Русь: тѣмже и намъ Руси учитель есть Павелъ апостолъ, понеже училъ есть Словѣньскъ языкъ, и поставилъ епископа и намѣстника по себѣ Андроника Словѣньску языку. А Словѣньскъ языкъ и Русьскый единъ есть, отъ Варягъ бо придоша и прозвашася Русію, а первое бѣша Словѣне; аще и Поляне звахуся, но Словѣньская рѣчь бѣ^м, Поляне же прозвашася занеже въ полѣ сѣдаху, а языкъ Словѣньскъ имъ^н единъ.

а) и княземъ - и князь Т. Ц. Б. Г. б) нынѣ - *нынѣ* въ К. О. в) аже - иже К. О. г) се же - *нынѣ* въ К. О. се Б. Г. д) прося - просяща Б. Г. просяще К. О. е) кочелови - *колчови* Т. *кочлови* Ц. Б. ж) ркучи - *рка* К. О. з) кочелъ - *колочъ* *вездѣ* *кромѣ* Ц. и) посади - *борзо* *прибавл.* Ц. К. О. і) окончавъ же - *окончавъ(ъ)ше* Т. Ц. Б. Г. к) апостолъ - и апостолъ К. О. л) отъ варягъ бо . . бѣ - *пропущено* въ К. О. м) имъ - бѣ имъ *во всѣхъ* *съ* *кромѣ* Т.

Въ лѣто 6410. Леонтъ царь наѣ Угры, иде на Болгары, Угри же нашедше всю землю^а плѣниша^б; Семеонъ же увѣдѣвъ, съ Болгары на Угры възвратися, и Угри противу стаха и побѣдиша Болгары, одва Семеонъ въ Дерестерь убѣжа.

Въ лѣто 6411. Игоревѣ же възрѣстѣшю, но хожаше по Олгѣ и слушааше его; и приводемоу ему жену отъ Плескова, именемъ Олгу.

Въ лѣто 6415. Иде Олегъ на Греки, а Игоря остави въ Кіевѣ; поѣ же Варягъ множество, и Словѣни, и Чюдь^в, и Кривичи, Меря, и Поляны, и Сѣверы, и Деревляны, и Радимичи, Вятичи, и Хорваты^г, Дулѣбы и Тиверици^д, иже суть Толковины: си звахуся отъ Грекъ Великая Скуеія. Съ сими всѣми поиде Олегъ на конѣхъ и въ кораблехъ, и бѣ числомъ корабль 2000. И придоша ко Царюграду, и Греци замкоша Судъ^е и градъ затвориша. И изиде Олегъ изъ корабля, и повелѣ корабли соврещи^ж на брегъ, и повоева около града, и много убійство створи Грекомъ, и разбиша мнози полаты и церкви пожгоша; еже^з имяху плѣнники, овѣхъ постѣкааху, а другія мучаху, иныя же растрѣляаху, а другія въ море вметаху, и ина многа творяху Грекомъ Русь, елико же ратнѣи творяху. И повелѣ Олегъ воемъ колеса издѣлати и въставити корабли на колеса; бывшу покосну вѣтру, въспяша^и парусы, чрезъ поля на колесѣхъ въ кораблехъ и идяху къ граду, по полю, съ силою мноюю. Видѣвше Греци и убояшася, выслаша ко Олгови изъ града и ркоша: «имемъ ти ся по дань, яко хощещи.» И устави Олегъ вой свои, и вынесоша ему Греци брашно и вино, и не пріѣ его; бѣ бо устроено со отравою. И убояшася Греци и рѣша: «нѣсть се Олегъ, но святы Дмитрей посланъ на ны отъ Бога^и.» И заповѣда Олегъ дань даяти на 2000 кораблѣй, по 12 гривнѣ на человѣка, а въ корабли по 40 мужъ; и яшася Греци по се, и почаша мира просити Греци, дабы не воевалъ Греческыя земли. Олегъ же отступаше^к мало^л отъ града, нача миръ творити со царема Греческыма, съ Леономъ и со Александромъ, посла къ нимъ въ градъ Карла, Фарлофа^м, Вельмудра, Рулава^н и Стемида, глаголя имъ: «имите ми ся по дань.» И рѣша Греци: «чего хощещи дамы ти.» И заповѣда Олегъ дати воемъ на 2000 корабль, по 12 гривнѣ на ключъ; и потомъ даяти уклады^о на Русскыя грады, на Кіевъ, таче же и на Черниговъ, и на Переяславль, и на Полтескъ, и на Ростовъ, и на Любечъ и на прочая грады: по тѣмъ бо градомъ сѣдяху князія подъ Олгомъ сунце; «да приходяще слебное^п емлютъ, елико хотяще, а иже^р приидеть гость, да емлетъ мѣсячину на 6 мѣсяць, хлѣбы, и вино, и мясо, и рыбы, и овощъ; да творять имъ елико хотять; пондучи же Русь^с домовъ, да емлетъ у паря вашего на путь брашно, и якори, и ужа, и прѣ, елико надобѣ.» И яшася Греци; и рѣста царя и боярьство все: «аще приидуть Русь безъ купли, да не емлютъ мѣсячины; да запретитъ князь людемъ своимъ, приходящимъ здѣ Руси, да не творять пакости въ селѣхъ и въ странѣ нашей; приходящеи Русь^т да витають у святаго Мамы, и послеть царство наше, да испишють имена ихъ, и тогда возмутъ мѣсячное свое, первое отъ града Кіева, и паки съ Чернигова, и изъ Переяславля, и прочіи гради; да входятъ въ градъ единѣми вразы, со

а) землю болгарскую прибав. Б. К. О б) плѣниша. плѣневааху К. О. в) чюдь. чюди Т. г) хорваты. ховраты Ц. д) тиверици. иверци ошибк. О. е) судъ. сьсудъ Т. сосудъ Ц. сьсудъ Б. ссудъ К. О. ж) соврещи. изьврещи О. з) еже. а еже Б. а яже К. О. и) въспяша. втяша Б. втягша Г. і) но святы . . . отъ бога. такъ было и въ Ц., но потомъ помарано и вынесено на полъ: но богъ посла на ны казнь, грѣхъ ради нашихъ. к) отступаше. отступаше Г. л) мало. нѣтъ въ О. м) фарлофа. фалрофа Т. вагрофа Б. Г. н) рулава. лурава О. о) уклады. только въ К. О.; въ прочихъ сп. углады. п) слебное. слебенное О. р) а иже. аже О. с) русь. руси Б. К. О. Г. т) приходящеи русь. приходящеи руси и всздъ кромѣ Т.

907 царевымъ мужемъ, безъ оружія, мужъ 50, и творятъ куплю иже надобѣ имъ, не платячи
 —12 вины ни въ чемъ же.» Царь же Леонъ и Александръ миръ створиша со Олгомъ, имшеся по
 дань, и ротѣ заходиша межи собою, и цѣловаше сами крестъ, а Олга и мужи его водиша
 на роту; по Русьскому закону кляшася оружіемъ своимъ, и Перуномъ богомъ своимъ^а, и
 Власіемъ скотіимъ богомъ; утвердиша миръ. И рече Олегъ^б: «исшейте парусы поволочиты
 Руси, а Словѣномъ кропинныя», и бысть тако; и повѣси щитъ свой во вратѣхъ града^в, по-
 казая побѣду, и поиде отъ Царяграда. И въспяша прѣ Русь паволочиты^г, а Словѣни кропин-
 ныя, и раздра кропинныя вѣтръ^д; и рѣша Словѣни: «имемся своимъ толстинамъ, не даны
 суть Словѣномъ прѣ^е.» И прииде Олегъ къ Киеву и ко Игорю, несый золото и паволоки,
 овощъ, и вина, и всяко узорочіе; и прозваша Олга вѣщій: бяху бо людѣ пѣгани и не-
 вѣгласи.

Въ лѣто 6419. Явися звѣзда велика на западѣ, копійнымъ образомъ.

Въ лѣто 6420. Посла Олегъ мужи своя^ж построиши мира и положити рядъ межи Греки
 и Русію; и посла глаголя равно другаго свѣщанія, бывшаго при тѣхъ же царяхъ Лва и
 Александра.

«Мы отъ рода Русьскаго, Карло, Ингелдъ, Фарлофъ, Вельмудръ, Ролавъ^з, Груды, Руалдъ,
 Карнъ, Флелавъ, Рюаръ, Актеву, Труанъ, Лидлофостъ^и, Стемидъ, иже послани отъ Олга
 великаго князя Русьскаго, и отъ всѣхъ, иже суть подъ рукою его свѣтлыхъ бояръ, къ вамъ,
 Львови^и, Александру и Константину, великимъ о Бозѣ самодержцемъ, царемъ Гречьскимъ,
 на утверженіе и извѣщеніе отъ многихъ лѣтъ межи Крестіяны и Русію бывшую любовь,
 похотѣніемъ нашихъ князь и по велѣнію отъ всѣхъ, иже суть подъ рукою его сущихъ Руси.
 Наша свѣтлость болѣ иныхъ хотящи о Бозѣ удержати и извѣстити такую любовь, бывшую
 между Крестіяны и Русію, многожды правосудихомъ, точію простословесенъ, писаніемъ и
 клятвою твердою, кляшася оружіемъ своимъ такую^к любовь извѣстити, утвердити по^л вѣрѣ
 и по закону нашему. Суть, яко понеже мы ся имали о Божіи мирѣ и о любви, главы тако-
 выя: По первому убо слову да умиримся съ вами Греки, да любимъ другъ друга отъ всея
 душа и изволенія, и не владимъ, елико наше изволеніе быти отъ сущихъ подъ рукою на-
 шихъ князь свѣтлыхъ, никакому же соблазну или винѣ; но потщимся, елико по силѣ, на
 съхраненіе прочихъ и воину лѣтъ съ вами Греки исповѣданую написаніемъ и съ клятвою
 извѣщаему^м любовь непревратну и неподвижиму. Также и вы, Греци, да храните такую же
 любовь ко княземъ свѣтлымъ нашимъ Русьскимъ и ко всѣмъ, иже суть подъ рукою князя
 нашего, несоблазнену и непреложну выну и во вся лѣта. И о главахъ, аже ся случитъ^н про-
 каза, урядимся сие: да елико явѣ будетъ показаніи явленными, да имѣемъ вѣрное о тацѣхъ
 явленіи; а ему же неятіе вѣры начнутъ, да егда клянется по своей^о вѣрѣ, будетъ казнъ,
 якоже явится согрѣшеніе о семъ. Аще кто убіетъ Крестіянина Русинъ, или Христіянинъ
 Русина, да умереть, идѣже аще сътворитъ убійство. Аще ли убѣжитъ створивый убійство^п,
 аще есть имовитъ, да часть его, сирѣчь иже его будетъ по закону, да возметъ ближній

а) и перуномъ. . . своимъ. прибавлено на полъ только въ Ц. б) олеѣ - леонъ К. О. в) града. нѣтъ въ К. О.
 г) паволочиты. павочиты ошлбк. Т. О. д) вѣтръ. надвое вѣтромъ Ц. е) прѣ. въ Лавр. прибавлено
 кропинныя (т. I, стр. 13). ж) мужи своя. мужъ свои такъ въ прочихъ сп. кромъ К. О. з) ролавъ.
 рогавъ К. О. и) лидол. *лидул. К. О. і) львови. такъ въ Лавр. (т. I, стр. 14); во всѣхъ сп. отъ олгови.
 к) такую. и такую вездѣ кромъ К. О. л) по. пропушено во всѣхъ сп. м) извѣщаему. извѣщаніемъ Т.
 н) извѣщаемъ въ прочихъ сп. кромъ К. О. о) по своей. по всей Ц. п) аще
 ли. . . убійство. нѣтъ въ К. О.

убіенаго, а иже на убившаго^а да имѣть толицимъ же пребудеть по закону; аще ли есть 912
 неимовитъ сѣтворивый убійство и убѣжавъ, да держится тяжи, дондеже обрящется, яко да
 умереть. Аще ударить мечемъ или биеть кащѣмъ любо съсудомъ, за то удареніе или биеніе да
 вдасть литръ 5 сребра по закону Русьскому; аще ли будетъ неимовитъ тако сѣтворивый, да
 вдасть елико можетъ, да соиметь со себя^б и ты самыя порты, въ нихъже ходитъ, а опроче
 да къ ротѣ ходитъ своею вѣрою, якоже никакоже помощи ему иному, да пребываетъ тяжа
 оттолѣ не взыскаема о семъ. Аще украдетъ Русинъ что любо у Крестіяннина, или паки Хри-
 стіяннинъ у Русина, и ятъ будетъ въ томъ часѣ татъ, егда татбу створить, отъ погубившаго
 что любо, аще приготовится, татбу творяй убіенъ^в будетъ: да не взищется смерть его ни
 отъ Крестіянъ, ни отъ Руси; но паче убо да возметъ свое, еже будетъ погубилъ. Аще вдасть^г
 въ руцѣ украдый да и^д ятъ будетъ тѣмъ, у негоже украдено^е, и^ж связанъ будетъ, да отдасть
 иже то сѣтворилъ или Русину Христіяннинъ, или Христіянину^з Русинъ; и^и мученія образомъ
 искусь творити, насиліемъ^и явѣ возметъ что любо дружне, да възвратитъ трижды. Аще ввер-
 жена будетъ лодія вѣтромъ на землю чюжу, и обрящется тамо иже отъ насъ Руси, да аще
 стоитъ, снабдѣти лодію съ рухломъ своимъ и отъслати^к на землю Христіаньску, да прово-
 димъ ю сквозѣ всяко страшно мѣсто; аще ли таковая лодія, или^л отъ буря или боренія^м
 земнаго боронима, не можетъ^н възбранитися^о въ своя мѣста, спотружаемся гребцемъ тоя лодія
 мы Русь, да проводимъ и съ куплею ихъ поздраву, аще ключится близъ Гречьскыя земли;
 аще ли ключится такоже проказа лодіи Руоьской, да проводимъ ю въ Русьскую землю, и да
 продають рухло тоя лодіи, аще что можетъ продати отъ лодіи, и лодія волочимъ имъ^п мы
 Русь, да егда ходимъ въ Греки, или посломъ ко цареву вашему, или куплею, да пустимъ^р
 съ честію проданое рухло лодіи ихъ; аще ли лучится^с кому отъ тоя лодіи кому убіену быти,
 или биену быти отъ насъ Руси, или взяту быти чему любо, да повинни будутъ то створшеи
 отъ тоя Руси прежереченною опитимією о тѣхъ. Аще плѣнникъ обою страну держимъ есть,
 отъ Руси или отъ Грекъ, преданъ во ину страну^т, ци^у обрящется Русинъ или Гречинъ, да
 яе купятъ и възвратятъ искупное^у лицемъ въ свою страну, и возмутъ цѣну его купящии, или
 мнитъ куплю на день^ф челядиная цѣна; такоже аще отъ рати ятъ будетъ, да отъ тѣхъ
 Грекъ такоже да възвратится въ свою землю, и да отдана будетъ цѣна его, якоже речено
 есть, яко есть купля. Егда же будетъ^х на войну поити, егда потребу творите, и си хотя
 почтити царя вашего, своею волею да будутъ. Отъ Руси плѣненій многажды, отъ коея любо
 страны^ц приходимъ въ Русь и продаемъ въ Христіяны, аще же отъ Христіянъ плѣне-
 ныхъ многажды отъ коея любо страны приходимъ въ Русь: се продаеми бываютъ по 20
 злата, приидуть въ Греки. О томъ аще украденъ будетъ челядинъ Русьскый, или ускочить,
 или по нужи проданъ будетъ, и жаловатися почнуть Русь^ч, тако покажется таковое отъ че-
 лядина, да поимуть ѿ Русь; и гость аще погубитъ челядина и вжалуетъ, да ищеть^ш, обрѣтше

а) на убившаго. не убившаго Ц. б) со себя. собѣ Ц. съ себе Б. съ себе К. О. в) любо аще . . .
 убіенъ. *пропущено* въ К. О. г) вдасть. дастъ К. О. д) и. *нѣтъ* въ Ц. е) украд. . . будетъ украдено К. О.
 ж) и. да Ц. з) христ. . христіану Т. и) и. *нѣтъ* въ К. О. і) насиліемъ. насиліе К. О. к) отъслати.
 паки *прибавл.* Ц. Г. л) или. иже Ц. м) боренія. бороненіа(я) К. О. н) не можетъ. не възможе К. О.
 о) възбранитися. возвратитися Ц. боронитися К. О. п) волочимъ имъ. *такъ исправлено по Лавр.*
(т. I, стр. 15); во всѣхъ сп. волочимымъ. р) да пустимъ. е *прибавлено* *вездѣ кромѣ* Т. с) лучится.
 ключится К. О. т) держимъ . . . страну. *пропущено* въ О. у) искупное. и се купно Ц. ф) на день.
такъ во всѣхъ сп.; въ Лавр. на дань. х) будетъ. требуетъ К. О. ц) страны. *пропущено* во всѣхъ сп.;
см. Лавр., т. I, стр. 15. ч) русь. руси *такъ и ниже* Т. Г. ш) да ищеть. да ищють Б. К. О.

912 поимуть ѿ; аще ли кто искушенія того не дастъ створити, мѣстникъ да погубить правду свою. О работающихъ въ Грецѣхъ Руси у Христіаньскаго царя, аще кто умереть не урядивъ своего имѣнія, къ милымъ бдижикомъ въ Русь да възвратитъ имѣніе, аще своихъ не имать^а; аще ли створитъ обряженіе, да таковѣй возьметъ уряженое его, кому будетъ писалъ наслѣдити имѣніе, да наслѣдитъ е^б отъ взимающихъ куплю Руси, отъ различныхъ ходящихъ въ Греки и должającychъ. Аще злодѣй възвратится въ Русь, да жалуются Крестіанскому царю, и ятъ будетъ таковы и възвращенъ не хотя въ Русь. Си же вся да творятъ Русь Грекомъ, идѣже аще ключится таковое. На утвержденіе и подвиженіе быти межѣ^в Христіаны и Русію, бывшей миръ створихомъ Ивановымъ писаніемъ на двою харатію, царя вашего своею рукою, подлежащимъ честнымъ крестомъ и святою единосущною Троицею, единого истиннаго Бога нашего, извѣсти и даси нашимъ словомъ; мы же кляхомся^г царю вашему, иже отъ Бога сущее къ Божію зданію по закону, и по покону языка нашего, не преступити ни намъ ни оному отъ страны нашея, отъ уставленныхъ главъ мира и любви. Таковое написаніе дахомъ царства вашего неударжанное обоему пребывать, таковому свѣщанію, на утвержденіе межѣ нами^д бывшаго мира, мѣсяца септемврія 2, недѣли 15, въ лѣто созданія міра сего 6420.»

Царь Леонъ послы Русьскыя почти дары, златомъ, и наволоками, и фофудіями; и пристави къ нимъ мужи своя показати имъ церковную красоту, полаты златыя и въ нихъ сущее богатство, злато многое и наволоки и каменіе драгое, еще же и чудеса Бога своего и страсти Господни, вѣнецъ и гвоздіа и хламиду багряную, и мощи святыхъ, учаще къ вѣрѣ своей и показючи имъ истинную вѣру; и тако отпусти я въ свою землю съ честію великою. Посланиі же Ольгомъ послѣ придоша ко Ольгови и повѣдаша вся рѣчи обою царю, како сѣтвориша миръ, и урядъ положиша межѣ Грецьскою землею и Русьскою, и клятвы не преступити ни Грекомъ ни Руси. И живяше Олегъ миръ имѣя ко всѣмъ странамъ, княжа въ Киевѣ. И пріспѣ осень, помяну Олегъ конь свой, иже бѣ поставилъ кормити и не всѣдати на нь. Бѣ бо преди въпрашалъ волхвовъ и кудесникъ: «отъ чего ми умерети?» И рече ему единъ кудесникъ: «княже! у тебе есть конь, егоже ты любиши ѣздити на немъ, то отъ того смерть тобѣ пріяти.» Олегъ же пріимъ въ умъ, си рече: «николиже всяду на нь, ни вижду его болѣ того;» и повелѣ кормити и не водити его къ нему^е, и пребывъ нѣколько лѣтъ не дѣя его, дондеже и въ Греки поиде. И пришедшю ему отъ Грекъ къ Киеву, пребывшю ему 4 лѣта, на пятое лѣто помянувъ конь свой, отъ негоже ему бяхуть волсви рекли умерети, и призва старѣйшину конюховъ и рече: «гдѣ есть конь мой, егоже бѣхъ поставилъ кормити, и блюсти его, и не ѣздити на немъ, и не приводити предъ ся?» Онъ же рече: «умерлъ есть.» Олегъ же посмѣявся и укори^ж кудесника, рка: «тотъ неправо глаголють волсви, но все лжа есть; конь умерлъ, а язъ живъ.» И повелѣ осѣдлати си конь: «аъ вижду кости его.» И пріиде на мѣсто, идѣже кости того коня и лобъ голъ; и съсѣде съ коня, посмѣяся рекъ: «отъ сего ли лба смерть пріидеть ми?» и вступи ногою на лобъ; и выникнуци змія изъ лба, и уклюну ѿ въ ногу, съ того разболѣся и умре. И плакахуся людіе вси плачемъ великимъ, и несоша ѿ, и погребоша ѿ на горѣ зовомѣй Щековица; и естъ могила

а) да възвратитъ. . . не имать» приписано на поля въ Н., а въ прочихъ сп. пропущено; см. Лавр. т. I, стр. 15. б) наслѣдитъ е» наслѣдити е (ю) сездѣ кромѣ К. в) межѣ» вами прибавл. К. О. г) кляхомся» такъ въ Лавр.; во всѣхъ съ. кланяхомся. д) нами» вами К. е) къ нему» къ себѣ К. О. ж) олегъ же. . . и укори» олегъ же рече, посмѣявся и укоровъ вездѣ кромѣ К. О.

* Продолжается Вор.

та и до сего дни, словеть могила Олгова. И бысть всѣхъ лѣтъ княженія его 33 *. 941

Княженіе Игореве Рюриковича. Въ лѣто 6421. Поча княжити Игорь по Олгѣ. —¹²
Въ се время нача царствовати Коньстантинъ, сынъ Леоновъ, зять Романовъ. И Древлѣны
затворишася отъ Игоря по Олговѣ смерти.

Въ лѣто 6422. Иде Игорь на Древлѣны, и побѣди я, и възложи на ня дань болши
Олговы. И бѣ у него воевода именемъ Свентелдъ^а, и премучи Углеци^б, и възложи на нихъ
дань Игорь и власть Свентелду; и не вдадѣшется единъ градъ, именемъ Пересѣченъ, и сѣдѣ
около его 3 лѣта, и едва взя ѿ. И бѣша сѣдѣще Углицы по Днѣпру внизъ; и посемъ при-
идоша *межи во Днѣстръ*^в, и сѣдоша тамо. И дасть же^г и дань Деревскую Свентелду, имаше
же по чернѣ кунѣ отъ дыма; и рѣша дружина Игоревы: «се далъ еси единому мужу много.»
Посемъ же скажемъ приключшихся^д лѣтѣхъ сихъ.

Въ лѣто 6423. Придоша Печенѣзи первое на Русь; створивше миръ со Игоремъ, при-
идоша къ Дунаю. Въ се же время прииде Семеонъ плѣняя Оракію^е, Греци же послаша по
Печенѣги, Печенѣгомъ же пришедшимъ, хотящимъ на Семеона, и разсваришася Гречьскыя
воеводы; видѣвше же Печенѣзи, яко сами на ся рать имуть, отъидоша въсвои, а Болгаре
съ Греки съступишася, и посѣчени быша Греци. Семеонъ же пріа градъ Андріянъ, иже
древле Орестовъ градъ нарицашеся, сына Агамемля, иже древле въ трехъ рѣкахъ купася и
недуга избы ту, сего ради^ж въ свое имя нарече; послѣже Андріянъ царь обновивъ ѿ, въ
свое имя нарече Андріянъ, мы же речемъ Андріанемъ градомъ.

Въ лѣто 6428. Поставленъ бысть Романъ царемъ въ Грецѣхъ, Коньстантиномъ царемъ
и Николою патріархомъ. Игорь же воеваше на Печенѣгы.

Въ лѣто 6429. Игорь пристрой^з вой многи и корабля безчислены.

Въ лѣто 6437. Прииде Семеонъ Болгарьскый на Царьградъ, и поплѣни и Оракію и Ма-
кидонію, и прииде ко Царюграду въ силѣ велицѣ гордяся, и сътвори миръ съ Романомъ ца-
ремъ, и възвратися въсвои.

Въ лѣто 6442. Первое придоша Угри на Царьградъ^и и плѣняху^і всю Оракію; Романъ
же сътвори миръ съ Угры.

Въ лѣто 6449*. Иде Игорь на Греки; и послаша Болгаре вѣсть къ царю, яко идуть
Русь на Царьградъ, людей^л 10 тысящ^м, глаголемы отъ рода Варяжска сущимъ. Иже по-
идоша и приплуша іюня въ 10, и почаша воевати Виѣничьскыя^н страны, и плѣневаху по
Понту до Ираклія и до Фафлогоньскыя земли, и всю страну Никоидійскую поплѣнише, много
же и веліе зло сътвориша Русь, преже даиже Гречьскымъ воеводамъ не приспѣвшимъ^о; тогда
и Суды вся пожгоша огнемъ. А ихже имше плѣнники, то всихъ растинаху, иныхъ же къ

а) свентелдъ • свентеадъ *такъ и ниже* Б. В. Г. б) углеци • угличы Б. К. О. в) и посемъ . . . днѣстръ •
сіе мѣсто во всѣхъ сп. испорчено. г) и дасть же • игоръ *прибавлено на полъ въ Ц.* д) прикл. • по
прикл. К. О. е) оракію • враклію *вездѣ кромѣ* К. О. ж) ради • градъ (града) *во всѣхъ сп. кромѣ* В.;
см. т. I, стр. 18. з) игоръ пристрой • игоръ и олегъ пристройста *такъ во всѣхъ сп. кромѣ Ц., въ*
которомъ слово и олегъ зачеркнуто кинварью. и) на царьградъ • на градъ Т. і) плѣняху • *такъ въ* К. О.;
въ прочихъ сп. плѣняше (плѣня). к) *Слѣдующая статья заимствована изъ Византійскихъ Хронографовъ:*
см. сего изданія т. I, стр. 18 — 19 и 245 — 246. л) людей • людей *вездѣ кромѣ* К. О. м) 10 тысящъ •
3000 К. О. н) виѣничьскыя • финичь(е)скыя(а) Т. Ц. Б. К. финичискія О.; см. т. I, стр. 18 и 245.
о) не присп. • не приспѣвше Т.

* Далѣе слѣдуетъ статья о Аполлоніи Тіанскомъ, заимствованная изъ Хронографа Георгія Амар-
тола. См. сего изданія т. I, стр. 16 — 18 и 243 — 244, гдѣ этотъ отрывокъ напечатанъ по исправ-
нѣйшимъ спискамъ.

941 земли присѣкаху, другія же яко стража поставляюще стрѣлами растрѣлаху, елико ратниі
—44 творяху, и изламаху опако руцѣ связавше, и гвозди желѣзныя посредѣ главы вбиваху имъ;
много же святыхъ церквей огневи предаша, монастыреве и села пожгоша, и имѣніе немало
взяша обою страну. Потомъ же пришедшимъ воемъ отъ вѣстока Панфиръ domestikъ съ 40-тъ
тысящами, Фока же патреѣѣ^а съ Макидоны, Ѳеодоръ стратилать съ Ѳраки, съ ними же и
сановницы болярстїи; и обыдоша Русь около. И съвѣщаху Русь, изидоша въоружившеся на
Греки, и брани межи има бѣша злѣ, одва одолѣша Греци^б; Русь же възвратишася къ дру-
жинѣ своей къ вечеру, на ночь же влѣзоша въ лодія и отбѣгоша. Романъ же посла^в на дро-
моны, елико бяху въ Коньстянтинѣ градѣ, съ Ѳеофаномъ патрикіемъ на Русь. Ѳеофанъ же
лодійныя воя преже урядивъ и уготовивъ, потомъ же и слезами себе утвердивъ, Руси ожидавъ
въ лодіяхъ, на ня хотя ити *исъкрестна* глаголемаго Фара, стражница, въ ней же огонь
влагаемъ на просвѣщеніе въ нощи; се на устїи Понта стражу дѣя, зане ту частое разбой-
ничество, на страны нагнанія, ихже изби Ираклій. Ту дожда полку Русьскыхъ лодія, раз-
руши ѣ, устроеномъ огнемъ пожже; усрѣте бо я въ оладѣхъ со огнемъ, и пушати нача тру-
бами огонь на лодіи Русьскыя, и бысть видѣти страшно чюдо. Русь же видяще пламень, вме-
тахуся въ воду морьскую, хотяще убрести, и мнози погибоша, и тако проклятіи^г възврати-
шася на побѣгъ въсвояси. Тѣмъ же пришедшимъ въ землю свою, повѣдаху каждо своимъ о
бывшемъ и оладнемъ огни: «якоже молнія, рече, иже на небесѣхъ, Греци имуть у себе и
пушающе жгутъ насъ; и сего ради не одолѣхомъ имъ.» Игорь же пришедъ нача сово-
купляти воя многи, и посла къ Варягомъ^д за море, вабя я на Греки, и паки хотя поити на
Греки.

Въ лѣто 6450. Семеонъ иде на Хорваты^е, и побѣженъ бысть Хорваты^ж и умре, оста-
вивъ Петра князя Болгаромъ, своего сына^з.

Въ лѣто 6451. Паки придоша Угри на Царыградъ, и миръ створиша съ Романомъ,
възвратившася въсвояси.

Въ лѣто 6452. Игорь совкупи воя многи, Варягы, Русь, и Поляне, и Словѣны, Кривичи,
Вятичи, Тиверци, и Печенѣгы ная и тали у нихъ поима; и поиде на Греки въ лодіяхъ и на
конехъ, хотя мѣстити себе. Се слышавше Корсунци, послаша къ Роману царю, глаголюще:
«се идуть Русь безъ числа кораблевъ, покрыли суть море корабли.» Также и Болгаре по-
слаша вѣсть, глаголюще: «идуть Русь, и наяди суть по себѣ^и Печенѣгы.» Се слышавъ царь,
посла ко Игорю лучшая бояре, моля и глаголя: «не ходи, но възми дань, еже ималъ Олегъ,
и придамъ и еще къ той дани.» Также и къ Печенѣгомъ посла паволоки и злата много.
Игорь же дошедъ Дуная, созва бояры своя, нача думати, и повѣда¹ имъ рѣчь цареву. Рѣша
же бояре Игоревы: «да аще сице глаголетъ царь, то что хожемъ болѣ того имати не бив-
шеся, злато, и сребро, и паволоки? егда кто вѣсть кто одолѣеть, мы ли, или они? или съ
моремъ кто съвѣтенъ? се бо не по земли^к ходимъ, но по глубинѣ морьстѣй; но обща смерть

а) патреѣѣ и патреѣѣ Т. О. и патрикіѣѣ Ц. Б. В. б) *Здѣсь въ В. писецъ спутался, и вписалъ
слѣдующее пропущенное выше мѣсто (стр. 85 — 96 въ семь томъ) отъ словъ: якоже ркохомъ, сущимъ
отъ рода словѣньска до словъ посмѣявся и укори кудесника.* в) посла — *пропущено во всѣхъ ср. кромѣ К. О.*
г) проклятіи — *такъ въ Т. Ц., но въ послѣднемъ помарано и написано: прочіи: въ прочіихъ ср. прокладіи,
прокладіи, прокладіи.* д) къ варягомъ — *по варягы К. О.* е) хорваты — *ховраты О. ж) и побѣженъ б.
хорваты — пропущено въ В. Г. з) Въ Ц. вынесено на поля другимъ почеркомъ: въ то же лѣто родился
святославъ у игоря. и) по себѣ — себѣ К. О. і) и повѣда — и повѣдая Т. к) не по земли — не по морю
ошибк. О.*

всѣмъ.» И послуша ихъ Игорь, и повелѣ Печенѣгомъ воевати Болгарьскую землю; а самъ 944
вземъ у Грекъ паволоки и злато, и на вся своя воя, и възвратився вспять, и прииде къ —⁴⁵
Кыеву въсвоися.

Въ лѣто 6453. Присла царь Романъ Греческы, и Коньстантинъ, и Стефанъ послы^а ко
Игореву построити мира перваго; Игорь же глагола о мирѣ съ ними. Игорь же посла бояры
своя къ Роману, Романъ же созва бояры своя и сановники. И придоша нослы Русьскыя,
и повелѣша глаголати и писати обоихъ рѣчи на харатію^б, равно другаго свѣщанія, бывшаго
при цари Романѣ и Коньстантинѣ и Стефанѣ, христолюбивыхъ владыкъ:

«Мы отъ рода Русьскаго послаи, великаго князя Игоря именемъ Иворъ, и гостіе и общіи
посли: Вуефастъ Святославль сынъ Игоревъ, Искусевъ Олгы княгини, Слуды^в Игоревъ нетій,
Улѣбъ Володиславль, Каницаръ Передславинъ, Шихъбернъ, Сфандръ^г жены Улѣблѣ^д, Пра-
стѣнъ, Турдуви^е, Либіаръ, Фастовъ^ж Гримъ, Сфирковъ, Прастѣнъ^з, Акунъ нетій Игоревъ,
Кары, Тудковъ^и, Каршевъ, Турдовъ, Егріевлисковъ^к, Воиствоиковъ^л, Истръ, Аминдовъ^м, Пра-
стѣнъ^н, Берновъ, Ятвягъ, Гунаревъ, Шебридъ, Олданъ, Кокъклековъ^о, Стеггетоновъ, Сфирка,
Алвадъ^п, Гудовъ, Фудъри, Тулдовъ, Мутуръ, Утинъ, купецъ Адушь^р, Адулюбъ^с, Иггивладъ,
Олѣбъ^с, Фрутанъ, Гомолъ, Куци, Емигъ^т, Турдибъ^у, Фуръстѣнъ, Вруды^ф, Лоардъ, Гунастръ^х,
Фрастѣнъ^х, Игелдъ^ш, Турбернъ^ш, Моны, Руалдъ, Свѣнь^щ, Стиръ, Олданъ, Телина, Пупсаръ,
Вуэлѣбъ^ъ, Исинко, Боричъ, посланіи отъ Игоря великаго князя Русьскаго, и отъ всѣхъ кня-
женій, и отъ всѣхъ людій земля Русьскыя. Отъ тѣхъ заповѣдано обновити ветхый миръ, и
ненавидящаго добра и враждолюбца діавола разорити отъ многихъ лѣтъ, и утвердити лю-
бовь межи Греки и Русію. И великий князь Игорь, и его бояре, и людіе вси Русьстїи по-
слаша^м къ Роману, и Костянтину, и Стефану, къ великимъ царемъ Греческимъ, створити
любовь съ самими цари, и съ всѣмъ боярьствомъ, и съ всѣми людьми Греческими на вся
лѣта, дондеже сіяетъ солнце и весь міръ стоитъ. Иже помыслить^ъ отъ страны Русьскыя
разрушити такую любовь, елико ихъ крещеніе^б пріяли суть, да пріимуть мѣсть^о отъ Бога
Вседержителя, осуженіе на погибель въ сїи вѣкъ и въ будущій; а елико ихъ ѣкрещено
суть, да не имуть помощи отъ Бога, ни отъ Перуна, да не ущитятся^ю щиты своими, и да
посѣчени^а будутъ мечи своими, и отъ стрѣлъ и отъ нага оружія своего, и да будутъ раби
и въ си вѣкъ и въ будущій. А великий князь Русьскы и бояре его да посылають въ Греки
къ великимъ царемъ Греческимъ послы и съ гостями, якоже имъ уставлено есть. Носяху
послы печати златы, а гостіе сребряны; нынѣ же увѣдѣлъ есть князь вашъ^о посылати гра-
моту^у ко царству нашему^{аа}. Иже посылаеми бывають отъ нихъ послы и гостіе, да приносятъ

а) послы. посла Ц. Б. Г. б) на хар. на хоратія Т. на хартію В. в) слуды. слугы(и) Т. Ц. Б. В.
г) сфандръ. сфандры Т. д) улѣблѣ. убѣглѣ Т. Ц. Б. В. е) турдуви. тулруви Ц. ж) либіаръ фастовъ.
либіа рфастовъ Т. Ц. Б. Г. либна(я) фрастовъ К. О. з) прастѣнъ. перастѣнъ О. и) кары тудковъ.
карѣстудковъ В. і) егріевлисковъ. егріе влисковъ *вездѣ кромѣ* К. О. к) воиствоиковъ. въистъвоиковъ К.
воистовониковъ О. л) истръ аминдовъ. истроаминдовъ О. м) прастѣнъ. праспѣнъ Т. Ц. Б. Г. н) кокъкл.
колысл. К. О. кольсл. В. Г. о) алвадъ. алладъ К. О. п) адушь. атунъ К. О. р) адулюбъ. адулбъ Ц. Б. Г.
адулбъ В. с) олѣбъ. олѣтъ Ц. Б. В. Г. т) емигъ. елигъ Ц. у) турдибъ. тегридбъ В. ф) вруды.
бруды К. О. х) гуи. гъи. Т. ц) фразтѣнъ. фарастрѣнъ Ц. ч) игелдъ. игердъ В. ш) турбернъ. турбентъ(ь)
во всѣхъ сп. кромѣ К. О. щ) свѣнь. гуанъ К. ѣ) вуэлѣбъ. уэлѣбъ В. ы) послаша. ны *прибавл.* К. О.
ь) помыслить. послють *ошибк.* Т. ъ) крещеніе. прещеніе *ошибк.* Б. В. Г. ѓ) мѣсть. и мѣсть Т.
ю) ущитятся. ущитится (сущитится(ца) Т. Б. В. Г. я) посѣч. посѣщ. Т. Б. В. Г. ѓ) вашъ. вашъ
такъ во всѣхъ сп., но должно чит. вашъ: см. т. I, стр. 20. в) грам. *пропущено въ* Т. аа) нашему.
вашему *во всѣхъ сп.; см. т. I, стр. 20.*

945 грамоту, пишучи е сиче: яко послахъ корабль сеелико. И отъ тѣхъ увѣмы и мы, оже съ миромъ приходятъ. Аще ли безъ грамоты прїидуть и предани будутъ намъ, да держимъ и хранимъ, дондеже възвѣстимъ князю вашему^а; аще ли руку не дадять^б и противятся, да убїени будутъ, да не^в изыщется смерть ихъ отъ князя вашего; аще ли убѣжавше прїидуть въ Русь, и мы напишемъ ко князю вашему, яко имъ любо, тако сътворять. Аще прїидуть Русь^г безъ купли, да не взимають^д мѣсячня. И да запретить князь словомъ^е своимъ приходящей Руси здѣ, да не творять въ селѣхъ, ни въ странѣ нашей ничтоже^ж. И приходящимъ имъ^з, да витають у святаго Мамы; да послеть царство наше, да испишуть имена ихъ, и тогда възмутъ мѣсячное свое, первое отъ града Кіева, и отъ Чернигова, и отъ Переяславля. Да входятъ въ градъ единѣми враты съ царевымъ мужемъ безъ оружія мужъ 50, и да творять куплю еже имъ надобѣ, и паки да исходятъ; и мужъ царства нашего да хранить^и я, да аще отъ Руси кто или отъ Грекъ учинить криво, да оправляеть. Входящи же Русь въ градъ, да не имѣють власти купити паволокъ лише по^і 50 златникъ; и отъ тѣхъ паволокъ аще кто купитъ, да показуеть цареву мужу, и тѣмъ^к е запечатаеть и дасть имъ. И отходяще Руси отсюду взимають отъ насъ еже надобѣ брашно на путь, и еже надобѣ лодіямъ, яко уставлено есть первіе, и възвращаются съ спасеніемъ въ страну свою, и да не имѣють власти зимовати у святаго Мамы. Аще ускочить челядинъ отъ Руси, по не же прїидоша въ страну^л царства нашего^м, и отъ святаго Мамы, и аще будетъ, да поимуть ѱ; аще ли не обрящется, да на роту идуть наши^н Крестіане Руси по вѣрѣ ихъ, а не^о Христіане по закону своему: ти тогда да взимають отъ насъ цѣну свою, якоже уставлено есть преже, двѣ паволоцѣ за челядина. Аще ли кто отъ людій царства нашего^п, или отъ града нашего, или отъ инѣхъ градъ, ускочить челядинъ нашъ къ вамъ, и принесть что, да въспятять ѱ опять; а еже^р что принесть будетъ, а все цѣло, и да возметь у него златника два. Аще ли покусятся отъ Руси взяти что отъ людей царства нашего^с, иже то сътворить, покажненъ^т будетъ; аще ли възьмъ будетъ, да заплатитъ. Аще сътворить то же Грекъ Русину, да прїиметь ту же казнь, якоже онъ прїялъ есть. Аще ли ключится Русину украсти отъ Грекъ что, или Гречину отъ Руси, достойно есть възвратити е, неточію едино, но и цѣну его; аще украдено обрящется продаемо, да власть цѣну его, и той^у показненъ будетъ по закону Гречьскому и по уставу Русьскому. И елико Христіанъ отъ власти нашея плѣнена^ф приведуть Русь, ту аще будетъ уноша, или дѣвица^х добра, да вдадять златникъ 10 и поимуть ѱ; аще ли средовѣчь, да вдасть златникъ 8 и поиметь; аще ли будетъ старъ, или дѣтищь, да вдасть златникъ 5^ч. Аще ли обрящется Русь работаючи у Грекъ, аще ли суть плѣнники, да искупають по 10 златникъ; аще купиль будетъ Гречинъ, подъ хрестомъ достойтъ^ц ему да возметь цѣну свою, елико же далъ будетъ на немъ. А о Корсуньстѣй странѣ, елико же есть градъ на той части, да не имать

а) вашему • нашему *вездѣ неправильно*; см. томъ I, стр. 20. б) не дадять • воздадять Ц. Б. В. Г. в) не • *пропущено въ К. О.* г) русь • въ русь *вездѣ кромѣ Ц.* д) да не взимъ • да взимаются *ошибк. К.* е) словомъ • словѣномъ Т. Б. В. Г.; *такъ было и въ Ц., но потомъ поправлено словомъ.* ж) ничтоже • *зла прибавл. Ц.* з) имъ • *пропущено въ Т.* и) хранить • хранить Т. Ц. Б. Г. і) по • *нѣтъ въ О.* к) тѣмъ • тѣ Т. Б. К. Г. л) тое О. В. м) въ страну • свою (отъ) *прибавлено во всѣхъ сп.; см. т. I, стр. 21.* н) нашего • вашего К. в) наши • *такъ вездѣ, но кажется должно чит. ваши.* о) не • *пропущено въ К.* п) нашего • вашего К. О. р) а еже • абіе же Т. с) нашего • вашего *во всѣхъ сп.; см. т. I, стр. 21.* т) покажненъ • пож(ь)ненъ Т. Б. Г. пожненъ В. у) той • тѣ Т. то Ц. Б. Г. тѣмъ да К. той да О. ф) плѣнена • ту племена *такъ во всѣхъ сп.; см. т. I, стр. 21.* х) дѣвица • вдовица *ошибк. Ц.* ц) златникъ 5 • *такъ въ Ц. согласно съ Лавр. (т. I, стр. 21); въ прочихъ сп. златникъ 10.* ч) достойтъ • постоить К. О.

власти князь Русьскій^а, да воюеть, да дамы и ему елико ему будеть. И о томъ, аще обря- 945
щутъ Русь кубару Гречьскую вывержену на коемъждо^б мѣстѣ, да не преобидать ея; аще
ли возметь кто что, или челоуѣка преобидить^в, или убіеть, да будеть повиненъ закону Русь-
скому и Гречьскому. Аще обрящутъ въ устѣхъ Диѣпра Русь Корсуняне рыбы ловячи, да не
творятъ имъ зла никакого. Да не имѣють власти Русь зимовати въ устѣхъ Диѣпра, Бѣлобе-
резѣ, ни у святаго Елферія: но егда прїидеть осень, да идуть въ дома своя въ Русь. А о
сихъ, иже то приходятъ Черніи Болгарове, и воюють въ странѣ Корсуньстѣй^г, и велимъ^д
князю Русьскому, да ихъ не пускаеть пакостить странѣ той^е. И аще ключится проказа нѣкая
отъ Грекъ, сущихъ подъ властію царства нашего, да не имать власти казнити я, но пове-
лѣніемъ царства нашего^ж да прїиметь, якоже будеть створилъ. Аще убіеть Крестіанинъ Ру-
сина, или Русинъ Крестіана^з, да держимъ будеть сътворивый убійство отъ ближникъ убіе-
наго, да убіють и. Аще ли ускочить сътворивый убой, и аще будеть имовить, да възмутъ
имѣніе его ближніи убіенаго; аще ли есть неимовить ускочить, да ищутъ его, дондеже обря-
щется: аще ли обрящется, да убіенъ будеть. Ця аще ударить мечемъ, или копіемъ, или
любо каѣмъ оружіемъ Русинъ Гречина, да того ради грѣха заплатитъ сребра литръ 5^и, по
закону Русьскому; аще ли есть и неимовить, да како можетъ, въ толико же и проданъ бу-
детъ, да и порты, въ нихъже ходитъ, и то съ него сняти; а прочъ на роту ходитъ по своей
вѣрѣ, яко не имѣя ничтоже: и тако пущенъ будеть. Аще ли хотѣти начнеть наше царство
отъ васъ^и вой на противящаяся намъ, да пишють^к къ великому князю вашему, и послеть къ
намъ, елико хочеть: и оттолѣ увѣдять иныя страны, каку любовь имѣють Греци съ Русію.
Мы же свѣщаніемъ все написахомъ на двою хартію, едина харатія есть царства^л нашего, на
ней же есть крестъ и имена наша написана, а на друзѣхъ послы ваши и гостіе. Отъходяще съ
посломъ царства нашего, да допровадять къ великому князю Русьскому Игореву, и къ лю-
демъ его; и ти прїимающе^м харатію^н, на роту идуть хранити истинну, якоже мы свѣща-
хомъ^о и написахомъ харатію сію, на ней же суть имена наша написана. — Мы же, елико
насъ крестилися есмы, кляхомся церковію святаго Иліи въ сборной церкви, и подлежащимъ
крестомъ честнымъ, и харатією сею, хранити все, еже есть написано въ ней, и не престу-
пати отъ него ничтоже. И ли преступить се отъ страны нашей, или князь, или инъ кто,
или крещенъ, или некрещенъ, да не имать помощи отъ Бога, да будеть рабъ въ сій вѣкъ и
въ будущій, и да заколенъ будеть своимъ оружіемъ^п. А на ротѣ некрещеніи^р Русь полагають
щиты свои, и мечи нагы, и прочее оружіе, и клянутъ о всемъ, яже суть написана на ха-
ратіи сей, хранити отъ Игоря и отъ всѣхъ людей отъ страны Русьскыя, въ прочая лѣта
воину^с. Аще ли кто отъ князь или отъ людей Русьскыхъ, или хрестіанинъ, или не хре-
стіанинъ, да преступить клятву сію, и да будеть проклятъ^т отъ Бога и отъ Перуна.»

а) да не имать. . . русьскій» да имуть власть князи русіи К. да не имуть власти кн. русіи О. б) на
коемъждо» на коемъ любо К. О. в) преобидить» поработить К. О. г) корс.» корсуньстѣи Т. Ц. Б. Г.
д) и велимъ» и великому В. е) пакостить. . . той» см. т. I, стр. 22; во всѣхъ сп. и пакостять странѣ
его. ж) да не имать . . . нашего» пропущено въ О. з) крестіана» хрестьанина Ц. Б. христіа(я)нина О. В. Г.
и) литръ 5» такъ въ Ц. и Лавр. (т. I, стр. 22); въ прочихъ сп. литръ 10. і) отъ васъ» исправлено по
Лавр.; во всѣхъ сп. отъ насъ. к) да пишють» да пишу вездѣ кромѣ Ц. л) царства» у царства К. О.
м) прїимающе» прїимше К. О. н) хар.» на харатіи Т. о) свѣщахомъ» сказахомъ Ц. Б. В. Г. п) оружіемъ»
своимъ опять повторяетъ Т р) некрещеніи» см. Лавр. (т. I, стр. 22); въ К. О. вмѣсто а на ротѣ
некрещеніи написано а накрещеніи, въ прочихъ же сп. сею слова недостаетъ. с) воину» и выну К. О.
т) проклятъ» пропущено въ В. клятъ въ прочихъ сп. кромѣ Т. Ц.

915 Послании же послы Игоревы придоша съ послы Гречьскими къ Игорю, и повѣдаша вся рѣчи царя Романа. Игорь же призва послы Гречьскыя: «глаголите, что вы слово царевое?» И рѣша послы царевы: «се посла ны царь, радуется миру, хоцетъ миръ имѣти со княземъ^а съ великимъ Русьскимъ и любовь; и твои послы водили нашихъ царей къ ротѣ^б, и насъ послаша ротѣ водити тебе и мужъ твоихъ.» И обѣщася Игорь се сѣтворити. И наутрѣи призва Игорь послы, прииде^в на холмъ, гдѣ стоя Перунъ, и покладаша оружія и щиты и золото, и ходи Игорь ротѣ, и людіе^г его, и елико поганыхъ Руси^д; а христіанскую Русь водиша ротѣ въ церкви святаго Ильи, иже есть надъ ручаемъ, конецъ Пасынча бесѣды и Козары: се бо бѣ сборная церковь, много бо бѣ Варягъ крестіаныхъ^ж. Игорь же утвердивъ миръ съ Греки, отпусти послы ко цареви, со скорою и челядью и воскомъ, и отпусти я; послы же исповѣдаша цареви и Грекомъ вся рѣчи Игоревы, миръ и любовь. Игорь же нача княжити въ Киевѣ, миръ имѣя ко всѣмъ странамъ. И приспѣ осень, и нача слати на Древляны, хотя примыслити болшую дань. — Въ се же лѣто рекоша бояре^з Игоревы: «отроки Свентелджи изодѣлися суть оружіемъ и порты, а мы нази; поиди, княже, въ дань, а мы съ тобою, да и ты добудеши, господине, и мы.» И послуша ихъ Игорь, и иде въ Деревя въ дань, и примышляше къ первой дани, и насиліе творяше имъ и бояре его; и вземъ дань, поиде въ градъ свой. Идущю же ему вспать, размысливъ рече къ бояромъ своимъ: «идѣте съ данію въ градъ, а язъ възвращюся опять;» а бояре свои отпусти. И поиде Игорь на Древляны вмалѣ, желая болшого имѣнія. И слышавше Древляне, яко опять идетъ Игорь, сдумавше со княземъ своимъ Маломъ: «аще вѣвядится волкъ во овцы, то выносить все стадо, аще не убіютъ его; тако и сей Игорь^и, аще не убіемъ его, то всѣхъ насъ погубитъ.» И послаша^к къ нему глаголюще: «почто идеши опять? поималъ еси дань свою.» И не послуша Игорь, и вышедше изъ града изъ Коростѣня Древляне^л, и убиша Игоря и кто бѣ съ нимъ: бѣ бо ихъ мало. И погребенъ бысть Игорь; и есть могила его у Коростѣня^м града въ Деревѣхъ и до сего дие.

Олгино княженіе. Олга же бѣше въ Киевѣ съ сыномъ своимъ, съ великимъ княземъ съ Святославомъ; бѣ еще младъ, а дядька у него Асмудъ, и воевода бѣ у него Свентелдъ, тоже отецъ Мъстишинъ. Рѣша же Древляне: «се князя убихомъ Русьскаго; примемъ княгиню его за свой князь Малъ, и сына его Святослава, и сѣтворимъ ему якоже хоцемъ.» И послаша Древляне лучшіи мужи, числомъ 20, въ лодіи къ Олзѣ, и присташа подъ Боричевомъ. Бѣ бо тогда вода текущи подлѣ^н горы Киевскія, и на Подолѣ не сѣдяху людіе, но на горѣ; градъ же бѣ Киевъ, идѣже нынѣ дворъ есть Городятинъ и Никифоровъ, и дворъ княжъ бѣше въ городѣ, идѣже есть нынѣ дворъ Воротиславль и Чюдинъ, а перевѣсище бѣ виѣ града, и бѣ виѣ града другій дворъ, идѣже есть дворъ Доместиковъ^п, за святою Богородицею надъ горою дворъ теремный, бѣ^о бо ту теремъ каменъ. И повѣдаша Олзѣ, яко Древляне придоша, и возва я Олга къ себѣ: «добрѣ гостіе придоша;» Древляне же ей ркоша: «придохомъ, княгини.» И рече имъ^п Олга: «да глаголите, что ради придосте^р сѣмо?» Древляне же рѣша^с:

а) со княземъ съ тобою княземъ Ц. б) къ ротѣ такъ было и въ Ц., потомъ помарано и на полъ вынесено къ кресту. в) прииде исправлено по Лавр. (т. I, стр. 23); во, всѣхъ сп (и) приидѣте. г) людіе мужи К. О. д) руси людей въ руси Ц. е) ротѣ къ кресту написано по чищеному въ Ц. ж) крестіаныхъ христіаныхъ (хрестіаныхъ) вездѣ кромѣ Т. з) бояре болгаре ошлбк. К. и) игоръ мѣтв въ К. О. і) и послаша и посла вездѣ кромѣ К. О. к) древляне нѣтъ въ Т. л) у коростѣня у користеня Т. у скостеля ошлбк. В. м) подлѣ възлѣ К. О. н) домест. демест. Ц. К. О. о) бѣ и бѣ Т. п) имъ има вездѣ кромѣ К. О. р) придосте придоста Ц. Б. В. Г. с) рѣша рѣста во всѣхъ сп. кромѣ К. О.

«посла ны Деревская земля, а ркучи сие: мужа твоего убихомъ, бѣше бо мужъ твой акы ⁹⁴⁵ волкъ въсхищая и грабя, а наши князи добри суть, иже раздѣляли^а землю Деревскую; да ^{—46} поиди за князь нашъ за Малъ;» бѣ бо ему имя Малъ, князю Деревскому. Рече же имъ^б Олга: «люба ми есть рѣчь ваша, уже мнѣ мужа своего не въскресити; но хошу вы почитити заутра предъ людьми своими, а нынѣ вы идѣте въ лодію свою, и лязите въ лодіи величающесея, и азъ по вы пошлю, и вы же рцѣте: не идемъ ни на конѣхъ ни пѣши, но понесѣте въ лодіи;» и възнесутъ вы въ лодіи^в. И отпусти я въ лодію. Олга же повелѣ ископати яму велику и глубокую, на дворѣ теремскомъ, внѣ града. И заутра Олга, сѣдящи въ теремѣ, посла по гости; и придоша глаголюще: «зоветь вы Олга на честь великую.» Они же рѣша: «пѣши не идемъ, ни на конѣхъ, но понесѣте ны въ лодіи.» Ркоша Кіяне: «намъ неволя; князь нашъ убіенъ, а княгини наша хочетъ за вашъ князь;» и понесоша ихъ въ лодіи. Они же сѣдаху гордящесея въ перебоѣхъ въ великихъ сустугахъ^г; и принесоша ихъ на дворъ ко Олгѣ, и несше^д вринуша ихъ въ яму и съ лодію. Приникши Олга рече имъ: «добра ли вы честь?» Они же рѣша: «пуще ны Игоревы смерти.» И повелѣ засыпати ихъ живыхъ, и посыпаша я. И посла Олга ко Древлѣномъ, и рече имъ: «да аще мя вы просите право, то прислѣте сѣмо мужи нарочиты, да въ велицѣ чти поиду за вашего князя, ци да^е не пустятъ мя людіе Кіевстѣи.» Се слышавше Древлѣне, избѣраша нарочитыхъ мужъ 50, иже держяху Деревскую землю, и послаша по Олгу. Древлѣномъ же пришедшимъ, повелѣ Олга мовь сѣтворити, ркучи сие: «измывшесея приидѣте ко мнѣ.» Они же сѣтвориша мовь, и влѣзоша Древлѣне, начаша мытися; и запроша съ ними мовь, и повелѣ зажещи, и ту изгорѣша вси. И посла къ Древлѣномъ; сие ркуче: «се уже иду къ вамъ, да пристроите меды многи у града, идѣже убисте мужа моего, да плачюся надъ гробомъ его, и створю тризну князю своему.» Они же то слышавше, свезоша меды многи зѣло, и възвариша^ж. Олга же поимше бояръ мало, легко идущи приде къ гробу своего князя, и плакася по немъ велимъ плачемъ; и повелѣ Олга надъ своимъ княземъ могилу съсыпати^з великую, и яко ссыпаша, повелѣ тризну творити. Посемъ сѣдоша пити Древлѣне, и повелѣ Олга отрокомъ своимъ служити предъ ними; и рѣша Древлѣне ко Олзѣ: «гдѣ суть яружина наша, иже послахомъ по тя?» Она же рече: «идуть по мнѣ съ бояры мужа моего.» Якоже упишася Древлѣне, повелѣ отрокомъ своимъ пити съ ними, а сама отыде кромѣ, и повелѣ слугамъ сѣщи Древлѣны. И посѣкоша ихъ 5000; а Олга възвратися къ Кіеву, и пристрой вои на останокъ ихъ.

Начало княженія Святославля Игоревича. Въ лѣто 6454. Олга съ сыномъ своимъ, съ великимъ княземъ съ Святославомъ, созва вои многи и храбры, иде на Деревскую землю. Изидоша Древлѣне противу, и снемшесея обѣма полкома на сѣступль, и суну копіемъ Святославъ на Древлѣны, и копіе летѣ сквозѣ уши коневы, и удари въ ноги коневы, бѣ бо дѣтескъ. И рече Свентелдъ и Асмудъ: «князь уже почалъ; потягнемъ по князи.» И побѣгоша Древлѣне^и, и затворишася въ градѣхъ своихъ. Олга же устремися съ сыномъ своимъ съ Святославомъ на Коростѣнь градъ, «яко тѣ бяху убили князя моего;» и сѣде около града съ сыномъ своимъ, а Древлѣне затворишася въ градѣ, и бяхуся крѣпко изъ града, вѣдаху бо яко сами убили князя и на что ся предати. И стоя Олга лѣто у града, и не може взяти града, и умысли сие: посла къ граду глаголюще: «что хотите досѣдѣти^і?

а) раздѣляли. раздѣляли Ц. Б. Г. раздѣлиша *ошибк.* В. б) имъ. има *въ прочихъ сп. кромѣ* К. О. в) и възнесутъ вы въ лодіи. *лѣтъ въ* К. О. г) сустугахъ. сустугахъ К. О. В. д) несше. несоме Т. е) да. *лѣтъ въ* К. О. ж) и възвариша. и възваривше *вездѣ кромѣ* К. О. з) съсыпати. съсути К. и) и побѣгоша древлѣне. и побѣдиша древлѣнъ К. О. і) досѣдѣти. досѣдѣти Т. досидѣти О.

946 а вси гради^а предашася мнѣ, и ялися по дань, и дѣлають нивы земля своя; а вы хотите
 —⁵⁵ изомрети гладомъ не имущеся по дань.» Древляне же ркоша: «ради ся быхомъ яли^б по дань, но хочещи ны мшати князя своего.» Рече же имъ Олга: «яко азъ уже мстила князя своего^в, когда придоша къ Кіеву, второе и третіе, когда^г творихъ трызны^д князю своему; а уже не хочу мшати, но хочу дань имати по малу, и смирившеся съ вами прочь понду.» Ркоша же Древляне: «что у насъ, ради даемъ медомъ и скорою.» Она же рече: «нынѣ у васъ нѣсть меду, ни скоры, но мало у васъ прошю: дайте ми отъ двора по три голуби и по 3 воробіи; азъ бо не хочу тяжкы дани възложити на вы, якоже князь мой; сего у васъ прошю мала, вы бо есте изнемогли въ осадѣ.» Древляне же ради быша, собраша по всему граду отъ двора по три голуби и по три воробіи, и послаша ко Олзѣ съ челобитіемъ. Олга же рече имъ: «се уже ся есте покорили мнѣ и моему сыну, идѣте въ градъ, а язъ завтра отступлю отъ града и понду къ своему граду.» Древляне же ради бывше внидоша въ градъ, повѣдаша людемъ, и обрадовашася вси людіе въ градѣ. Олга же раздая по голуби кому^ж своимъ, а инымъ по воробію, и повелѣ коемуждо голуби^е и къ воробіевъ привязывати сѣру со огнемъ, вѣвиваючи нитію съ платомъ; и повелѣ Олга, уже смерчеся, пустити голуби и воробіи воемъ своимъ. Голуби же и воробіи полетѣша въ гнѣзда своя, ови въ голубниці, воробіи же подъ острѣхы^ж; и тако взгарахуся голубниці, ово клѣти, и вежи, и одрины, и не бѣ двора идѣже не горѣше, и не бѣ лѣзъ угасити, все загорѣся. И побѣгоша людіе изъ града, и повелѣ Олга воемъ своимъ имати я; и пожже градъ, и старѣйшія града и прочая люди изымаша, а овѣхъ избиша, а иныя воемъ своимъ работѣ преда^з, а останокъ ихъ на дань остави. И възложи на нихъ дань тяжку, и двѣ части дани идета^н къ Кіеву, а третія къ Вышегороду къ Олзѣ; бѣ бо Вышегородъ Олгинъ. И иде Олга по Деревской земли съ сыномъ своимъ и съ вои своими, уставляючи уставъ и уроки; и суть становяща ея и ловища. И прииде въ градъ свой Кіевъ съ своимъ сыномъ, съ великимъ княземъ Святославомъ, и пребывше лѣто едино,

Въ лѣто 6455, иде Олга къ Новугороду, и устави по Мьстѣ погосты и дани, и по Лузѣ дани и оброки; и ловища ея суть по всей земли, знаменія и мѣсты и погосты, и сани ея стоятъ въ Псковѣ, и по Днѣпру перевѣсища и села и по Деснѣ, есть село Олзино и до сего дни. Изрядивши^і, възвратися къ сыну своему въ Кіевъ и пребываше съ нимъ^к въ любви.

^а Въ лѣто 6463. Иде Олга въ Греки, прииде къ Царюграду. Бѣ тогда царь именемъ Чемьскій Иванъ^м; и прииде къ нему Олга, видѣвъ ю царь добру сущю лицемъ и смыслу, и удивися царь разуму ея, бесѣдова^н къ ней, и рекъ ей: «подобна еси царствовати въ градѣ семъ съ нами.» Она же разумѣвши, рече ко царю: «азъ погана есмь^о, да аще мя хочещи крестити, то крести мя самъ; аще ли не крестиши мя, то не крещюся.» И крести ю царь съ патріархомъ. Просвѣщена же бывши, радовашеся душою и тѣломъ; и поучи ю патріархъ о вѣрѣ, рече ей: «благословена ты въ женахъ Русьскихъ, яко възлюби свѣтъ, а тму остави; благословити тя имуть сынове Русьстїи, въ послѣдній родъ внуку твоихъ.» И заповѣда ей о

а) гради — ваши прибавл. К. О. б) ся бых. яли. ся яли быхомъ Ц. Б. В. Г. быхомъ ся яли К. О. в) рече же. . . своего. пропущено въ Ц. Б. Г. г) когда. и тогда Т. О. д) трызны. трызну К. О. е) голуби. къ голуби О. К. ж) подъ острѣхы. подъ острѣшины В. з) преда. предаша Т. и) идета. иде Ц. і) изрядивши. изрядивше Т. изрядившися Ц. Б. В. Г. к) съ нимъ. нмѣ въ Т. л) Предъ симъ во вѣхъ сп. въ видѣ заглавія: бысть крещеніе олгино въ царѣградѣ (крещеніе олгино отъ царяграда). м) иванъ. іоан(н)ъ К. О. н) бесѣдова. бесѣдовавъ Т. о) есмь. есми Т.

церковномъ чину, и о молитвѣ и о постѣ, и о милостыни и о въздержаніи тѣла чиста; она же поклонивши главу, стояше яко губа напаяема^а, внимаючи ученію; и поклонившися патріарху, глаголющи: «молитвами твоими, владыко, да съхранена буду отъ сѣти непріяненны.» Бѣ бо наречено имя ей въ святѣмъ крещеніи Елена, якоже и древняя царица, мати Константина великаго. И благослови ю патріархъ, и отпусти ю. И по крещеніи возва ю царь и рече ей: «хощю ты поняти женѣ себѣ.» Она же рече ему^б: «како хощеши мя поняти, крестивъ мя самъ, и нарекъ мя дщерію? а во христіанѣхъ того нѣсть закона, а ты самъ вѣси.» И рече ей царь: «преклюкала мя еси, Ольга.» И вда ей многы дары, злато и серебро, и паволоки и съсуды различныя^в, и отпусти ю, нарекъ дщерію себѣ. Она же хотя^г въсвоися, и прииде къ патріарху, благословенія просящи у него на домъ, и рече ему: «людіе мои погани и сынъ мой, да бы мя Богъ съблюлъ отъ всякого зла.» И рече патріархъ: «чадо мое вѣрное! во Христа крестилася еси и въ Христа облечеся, Христосъ ты съхранити имать; якоже съхрани Еноха въ первыя дни^д, и потомъ Ноя въ ковчезѣ, Авраама отъ Авимелеха, Лота отъ Содомлянъ, Моисія отъ Фараона, Давыда отъ Саула, тріе отроки отъ пещи, Данила отъ звѣрій, тако и ты избавишь отъ непріязни, и отъ звѣри^е, и отъ сѣти діаволя.» И благослови ю патріархъ, иде съ миромъ въ свою землю, и прииде къ Києву. Се же бысть, яко при Соломонѣ прииде царица Еѳіопская къ Соломону, слышати хотячи премудрость Соломону, и многу мудрость видѣ и знаменіе: якоже и си блаженная Ольга искааше добръ мудрости Божія, но она человѣчская, а сія Божія. Ищущей премудрости обрящють благодать; премудрость на исходящихъ поется, на путѣхъ же дерзновение водить, на краяхъ же стѣнъ забранныхъ проповѣдается, во вратѣхъ же градныхъ дерзающе глаголетъ; елико бо лѣтъ незлобивіи держатся по правду, не постыдятся^ж. Отъ вѣзраста бо си блаженная Ольга искаше мудрости всего въ свѣтѣ семъ, и налѣзе бисеръ многоцѣнный, еже есть Христосъ. Рече бо Соломонъ: желаніе благовѣрныхъ наслаждаетъ душу^з; и приложи сердце твое въ разумъ^и; азъ любящая мя люблю, и ищущей мене обрящють мя. И Господь рече: приходящая ко мнѣ не иждену вонъ^и. Си же Ольга прииде къ Києву, присла къ пей царь Чешскій, глаголя: «яко много дарихъ ты; ты бо глаголаше ко мнѣ, яко аще възвращуся въ Русь, многи дары прислю ти, челядь и воскъ и скору, и воя на помощь.» Отвѣщавши Ольга, рече къ нимъ царевымъ посломъ: «аще ты», рди, «такожде, царю, постоиши у мене въ Почаинѣ, якоже и азъ въ Суду^к, тогда ти дамъ;» и отпусти послы рекши. Живяше же Ольга съ сыномъ своимъ Святославомъ, и учаше ѿ мати креститися, и не брежаше того, ни въ уши внимааше; но аще кто хотяше волею креститися, не браняху, но ругаахуся ему. Невѣрнымъ бо вѣра крестіянська уродство есть^л; не смыслиша бо, ни разумѣша, во тѣмъ ходять и не вѣдять славы Господня, одебелѣша^м бо сердца ихъ, ушима тяжело слышати и очима видѣти. Рече бо Соломонъ: дѣлатели нечестивыхъ далече отъ разума^н; понеже звахъ вы, не послушасте мене, прострохъ словеса и не внимасте, но отметасте моя съвѣты, моихъ же обличеній не внимасте; възненавидѣша бо премудрость, отъ страха Господня не изволиша, ни хотяху моихъ внимати словесъ^о, подражаху же моя обличенія^п. Якоже бо Ольга часто

а) напаяема. пропущено въ Т. б) она же рече ему. пропущено въ К. О. в) различныя. разноличныя(я) К. О. г) хотя. ити приписано между строкъ въ В. д) дни. роды К. О. е) тако и ты . . . и отъ звѣри. пропущено въ В. ж) не постыдятся. вездѣ пропущено. См. Притч. Солом. I, 20 — 22. з) Притч. Солом. XIII, 20. и) Тамже II, 2. i) Іоан. VI, 37. к) въ суду. всюду ошибк. К. О. В. л) 1 къ Коринѣ. I, 18. м) одебелѣша. одобелѣша Т. н) Притч. Солом. XIII, 20. о) слов. съвѣтъ К. О. п) Притч. Солом. I, 24, 25, 29, 30.

955 глаголаше : « азъ, сыну мой, Бога познахъ, радуюся^а; аще ты познаеши, радоватися начнеши. »
 —⁶⁸ Онъ же не внимаше того, глаголя : « како азъ хоцю единъ инъ законъ пріяти ? а дружина моя смѣяться начнуть. » Она же рече ему : « аще ты крестишися, вси имуть тоже творити. » Онъ же не послуша матери, и творяше нравы поганскія, не вѣдый, аще кто не послушаетъ матери, въ бѣду впадаетъ; якоже рече : аще кто отца, или матери не послушаетъ, смерть приметъ. Се^б ктому гнѣвашеся на мать. Соломонъ бо рече : кажа злыя пріемлетъ себѣ до-
 сажение, обличай же нечестиваго поречетъ себе; обличение бо нечестивымъ моволь есть; не обличай злыхъ, да не възненавидятъ тебе^в. Но обаче любляше Олга Святослава, ркуще : « воля Божія да будетъ; аще Богъ помиловати възхощетъ роду и^г земли Русьскыя, да възложитъ имъ на сердце обратитися къ Богу, якоже и мнѣ Богъ дарова. » И рекши ей, модя-
 шее за сына и за люди по вся дни и нощи, кормящи сына своего до мужества его и до възраста его.

Въ лѣто 6472. Князю Святославу възрастшу и възмужавшу, нача вон^а совокупляти многи и храбры. Бѣ бо и самъ храборъ^е, и легокъ ходя яко пардуси, войны^м многи творяше. Ходя^з возъ по себѣ не вожаше, ни котла, ни мяса варя, но потонку изрѣзавъ конину, или звѣрину, или говядину, на углехъ испекъ ядыше, ни шатра имѣяше, но подкладъ постилаше и въ головы сѣдло^и; такоже и прочіи вон его вся^і бяху. И посылаше къ странамъ глаголя : « хоцю на вы иди. » И иде на Оку рѣку и Волгу, и налѣзе Вятичи, рече : « кому данъ даете ? » Они же рѣша : « Козаромъ, по щялягу отъ рала даемъ. »

Въ лѣто 6473. Иде Святославъ на Козары. Слышавше Козари, изидоша противу со княземъ своимъ Каганомъ^к, и съступишася обон; и одолѣ Святославъ Козаромъ, и градъ ихъ Бѣлувежу^л взя. И Ясы побѣди и Косагы.

Въ лѣто 6474. Побѣди Святославъ Вятичи, и данъ на нихъ положи.

Въ лѣто 6475. Иде Святославъ на Дунай на Болгары. И бившимся обонмъ, одолѣ Святославъ и взя городовъ 80 по Дунаеву; и сѣде княжа ту въ Переяславцѣ, емля данъ на Грецьхъ.

Въ лѣто 6476. Придоша Печенѣзи на Русьскую землю, а Святославъ бѣше^н въ Переяславцѣ; и затворися Олга со внуки своими, Ярополкомъ, Олгомъ и Володимиромъ, въ градѣ Кіевѣ. И оступиша Печенѣзи градъ въ силѣ велицѣ, безчисленное множество около града, и не бѣ лѣзъ выльзти изъ града и вѣсти послати; изнемогаху людіе голодомъ и водою. И собравшеся людіе оной страны Днѣпра въ лодіяхъ, обѣ оную страну стояху, и не бѣ лѣзъ внити въ Кіевъ ни одному ихъ, ни изъ града ко онѣмъ. И вѣстужиша людіе въ градѣ, и рѣша^н : « иѣсть ли кого, иже бы на оную страну шелъ^о, и рещи имъ : аще не приступите утрѣ подъ градъ, предатися имама Печенѣгомъ ? » И рече одинъ отрокъ : « азъ пренду; » и рѣша ему : « иди. » Онъ же изиде изъ града съ уздою, и ристаше сквозѣ Печенѣгы, глаголя : « не видѣлъ ли коня никтоже ? » бѣ бо умѣя Печенѣжскыи языкъ^п, и мняхуть^р своего. И яко приближися къ рѣцѣ, свергъ порты, сунуся^с въ Днѣпръ и побреде; видѣвше Печенѣзи, устремившася

а) познахъ радуюся. познавъ рад. Ц. познахъ и радуюся К. О. б) се. сей К. О. в) *Притч. Солом. IX, 7. 8.*
 г) и. нѣтъ *св* Ц. В. д) вон. и вон Т. е) храборъ. храберъ К. О. ж) бѣ бо. . . войны. *пропущено св* Г.
 з) творяше ходя. ходяше творя К. О. и) и въ головы сѣдло. и сѣдло въ головахъ К. О. і) *вся.*
нѣтъ св В. вси К. Г. к) каганомъ. коганомъ Ц. кѣганомъ В. Г. л) бѣлувежу. бѣлюю (бѣлюю) вежу
 (вежду) *св* прочіихъ *сп.* кромя Т. м) бѣше. нѣтъ *св* В. быше К. О. н) и рѣша. только *св* Ц. о) на
 оную. . . шелъ. могъ на оную страну пренти К. О. п) печен. языкъ. печенѣж(е)скыи К. О. р) мняхуть.
 и *прибав.* К. О. с) сунуся. кинуся (кнуся) Ц. Б. Г.

на нь стрѣляти^а его, и не сътвориша ему ничтоже. Они же видѣвше со оной страны, при- 968
ѣхавъ^б въ лодіи противу ему, и взяша ѿ въ лодію и привезоша ѿ къ дружинѣ; и рече имъ: —69
«аще не приступите утрѣ подѣ градъ, предатися хотятъ людіе Печенѣгомъ.» Рече же воевода
имъ, именемъ Претичъ: «подступимъ заутра въ лодіяхъ; попадше^в княгиню и княжичи^г умчимъ
на сю страну; аще ли сего не сътворимъ, погубити ны имать Святославъ.» И бысть заутра,
сѣдше^д въ лодіяхъ противу свѣту, и вѣструбиша вельми трубами, и людіе въ градѣ кликоша^е;
Печенѣзи мняще князя пришедша, побѣжаша разио отъ града; изиде Ольга со внуки своими
и съ людьми къ лодіямъ. Видѣвши же се князь Печенѣжскій, възвратися единъ къ воеводѣ
Претичю и рече: «кто се приде?» И рече ему: «людіе оной страны.» И рече ему князь
Печенѣжскій: «а ты князь ли еси?» И рече ему: «азъ есмь мужъ его, и пришелъ есмь
въ сторожѣхъ, и по мнѣ идуть вои мнози со княземъ, безчисленное множество;» се же рече
грозя имъ. Рече же князь Печенѣжскій къ Претичю: «буди ми другъ.» Онъ же рече: «такое
сѣворю.» И подаста руку межи собою, и дасть Печенѣжскій князь Претичю конь, саблю,
стрѣлы; онъ же дасть ему брони, щитъ, мечъ. И отъступиша Печенѣзи отъ града, и не бѣ
лѣзъ коня напоити на Лыбеди Печенѣгы^ж. И послаша Кіане ко Святославу, глаголюще: «ты
княже, чюжіе^з земли ищещи и блюдеши, а своя си охавивъ, мало бо насъ не взяша Пече-
нѣзи, и матеръ^и твою и дѣтей твоихъ; аще не поидеши и не обраниши^и, да паки ны воз-
мутъ, аще ти не жалъ отчины своя, ни матере сущи стары, ни дѣтей твоихъ?» И то слы-
шавъ Святославъ, вборзѣ сѣде на коня^к съ боляры своими, и приде къ Кіеву, и цѣлова
матеръ свою и дѣти своя, и сжалиси^л о бывшемъ отъ Печенѣгъ; и собравъ вой, прогна Пече-
нѣгы въ поле, и бысть миръ.

Въ лѣто 6477. Рече Святославъ къ матери своей и къ боляромъ своимъ: «не любо ми
есть въ Кіевѣ быти, хоцю жити въ Переяславцѣ на Дунаи, яко то есть среди^м земля моя,
яко ту вся благая моя сходятся: отъ Грекъ паволоки, и злато, и вина, и овозъ, изъ Угръ
сребро и кони, изъ Руси скоро, и медъ, и воскъ, и челядь.» И рече Ольга: «видиши мя болну
сущю, гдѣ хоцещи отъ мене ити?» бѣ бо разболѣлася уже; рече же ему: «погребѣ мя, иди
аможе хоцещи.» И по трехъ днехъ умре Ольга, и плакася по ней сынъ ея и внуци ея, и
людіе вси плакахуся велики; несоша ю и погребоша на мѣстѣ^н, идѣже бѣ заповѣдала Ольга,
и не створити^о тризна надъ собою, бѣ бо прозвѣтера имущи втайнѣ, сей похорони блажен-
ную Ольгу. Си бысть предтекущія христіаньскія земли яко деньница предъ солнцемъ теку-
щія, яко заря предъ свѣтомъ, си бо сіяше яко луна въ нощи, тако и сія въ невѣрныхъ чело-
вѣцѣхъ свѣташася яко бисеръ въ калѣ; калѣ бо бѣша, грѣси^п неомовени крещеніемъ свя-
тымъ. Сія бо омыся купелію святою, и совлечеса грѣховныя одежа ветхаго чловека Адама,
и въ новый Адамъ облечеса, еже есть Христосъ. Мы же рцемъ къ ней: радуйся, Русское
познаніе къ Богу; начатокъ примиренію^р быхомъ. Си первое вниде отъ Руси въ царство

а) стрѣляти - стрѣляюще *везде* *кроме* Т. б) приѣхавъ - приѣха *везде* *кроме* О. В. в) попадше - *такъ было*
и *отъ* Ц., *потомъ* *поправлено* *подшедше*. г) княжичи - княжну Т. княжичю Ц. княчи *с.м.* княжичи Б. Г.
княжичи К. О. д) сѣдше - *пропущено* *отъ* В. вѣдше Ц. сѣде (вѣде) Т. Б. Г. е) кликоша - кликнуша Ц.
ж) на лыбеди печенѣгы. и на лыбеди печенѣгы (печенѣги) Б. В. Г.; *такъ было* и *отъ* Ц.,
потомъ *переименовано* и *оступиша* на лыбеди печенѣги. з) чюжіе - чюжіи Т. и) матеръ - матери
(матере) Т. Б. Г. i) обраниши - оборовиши (и) Ц. К. О. В. к) на коня - на кони К. О. л) и сжалиси -
и сжалися Ц. Г. м) среди - средѣ Ц. В. н) на мѣстѣ - *нѣтъ* *прибавлено* *между* *строкъ* *отъ* Ц. о) и не
сѣвор. - не створити К. О. п) грѣси - грѣх(ъ)и К. О. грѣхи В. р) примиренію - примиренію Т.
примиреніемъ - *неправильно* *во* *ослѣдъ* *си*.

969 небесное, сию бо хвалять Русьстии сынове, яко началницю: ибо и по смерти за Русь Бога
 —⁷¹ моляше. Праведныхъ бо душа не умирають; якоже рече Соломонъ: похваляему праведному
 възвеселятся людие^а, бессмертіе бо есть память его, яко отъ Бога познавается и отъ чело-
 вѣкъ. Се бо вси чловѣци прославляютъ, видяще лежащую въ тѣлѣ за много лѣтъ; рече бо
 Пророкъ: прославляющаго мя прославлю. О сяковыхъ бо и Давыдъ глаголетъ: въ память
 вѣчную будетъ праведникъ^б, отъ слуха зла не убоятся; готово сердце его уповати на Господа,
 утвердися сердце его^в и не подвижется^г. Соломонъ бо рече: праведници вѣвѣки живутъ, отъ
 Господа мзда имъ и строеніе отъ Вышняго; сего ради примутъ царствіе красотъ и вѣнецъ
 добротъ отъ руки Господня, яко десницею покрыетъ я и мышцею защититъ я^д. Защитилъ
 бо есть Господь сию блаженную Ольгу отъ противника и супостата діавола^е.

Въ лѣто 6478. Святославъ посади Ярополка въ Кіевѣ, а Ольга въ Деревлянехъ^ж. Въ се
 же время приидоша людие Новгородстии, просяще себѣ князя: «аще^з вы не поидете къ намъ,
 то мы найдемъ себѣ князя^и.» И рече къ нимъ Святославъ: «абы ны¹ шелъ кто^к къ вамъ.»
 И отъпрѣся Ярополкъ и Олегъ; и рече Добрыня къ Новгородцемъ: «просите Володимера.»
 Володимеръ бо бѣ отъ Малуши, ключницѣ Ольгины; сестра же бѣ Добрыни, отецъ же бѣ
 има Малко Любчанинъ, и бѣ Добрыня уй Володимеру. И рѣша Новгородци Святославу: «вдай
 ны Володимера;» онъ же рече имъ: «ото вы есть^л.» И поаша Новгородци Володимера къ
 себѣ, и иде Володимеръ съ Добрынею уемъ своимъ къ Новугороду, а Святославъ къ Перея-
 славлю.

Въ лѣто 6479. Царьствова Василей и Коньстантинъ въ Цариградѣ. И прииде Святославъ
 въ Переяславецъ, и затворишася Болгаре въ градѣ. И излѣзоша Болгаре на сѣчу противу
 Святославу, и бысть сѣча велика, и одолѣваху Болгаре^м; и рече Святославъ во емъ своимъ:
 «уже намъ пасти сдѣ; потягнемъ мужескы, братіе^н!» И къ вечеру одолѣ Святославъ, и взятъ
 градъ копіемъ, и посла къ Грекомъ глаголя: «хощю на вы ити и взяти градъ вашъ, яко и
 сій.» И рѣша Греци: «мы не хотимъ противу васъ^о стати, но возми дань на насъ и на свои
 вои, и повѣжете намъ^п колко васъ, да вдамы по числу на главы.» Се же рѣша Греци лѣстяще
 подъ Русію; суть Греци лѣстиви и до сего дни. И рече имъ Святославъ: «есть насъ 20 ты-
 сящъ», и прирече 10 тысящъ^р, бѣ бо Руси 10 тысящъ только. И пристроиша Греки 100 тысящъ
 на Святослава, и не даша дани; и поиде Святославъ на Греки, и изидоша Греци противу
 Руси. Видѣша же Русь и убояшася за множество вой, и рече Святославъ: «уже намъ нѣкамо
 ся дѣти! волею и неволею стати противу: да не посраимъ земля Русьскыя, но ляжемъ
 костыми туто, мертвый бо срама не имать^с, аще ли побѣгнемъ, то срамъ имамы, и не имамы
 убѣжати; но станемъ крѣпко, азъ же предъ вами поиду, аще ли глава моя ляжетъ, то про-
 мыслите^т о себѣ сами.» И рѣша вои: «идѣже глава твоя будетъ^у, ту и наши будутъ^ф.»
 Исполчишася Русь и Греци противу, и сразистася обои, и оступиша Русь, и бѣ сѣча велика,

а) Притч. Солом. XXIX, 2. б) праведникъ. праведнику Т. К. О. в) уповати . . . его. за сими также
 повторено въ Т. г) Псал. CXI, 6 — 8. д) Премудр. Солом. V, 15, 16. е) Въ Ц. вынесено на поля: также
 и по смерти тѣло ея нетлѣнно соблюде. ж) посади . . . въ деревлянехъ. пропущено въ К. О., и въ
 последнемъ сп. оставленъ пробѣлъ. з) аще. поправлено по Лавр.; во всѣхъ сп. и аще. и) аще вы . . .
 князя. пропущено въ В. i) ны. нынѣ поправлено другими чернилами въ Т. к) кто. нѣтъ въ К. О. л) есть.
 и есть Ц. Б. В. Г. м) болгаре. нѣтъ въ Т. болгарове Б. В. Г. н) и рече свят. . . братіе. пропущено
 въ К. О. о) васъ. вамъ К. О. п) намъ. ны вездѣ кромѣ Т. р) 10 тыс. 5 тыс. такъ и ниже ошибк. К. О.
 с) мертвый бо. . . не имать. мертвыи бо срама не имутъ Ц. т) промыслите. мыслите вездѣ кромѣ К. О.
 у) будетъ. ляжетъ Ц. ф) ту. . . будутъ. туто и наша будетъ К. О.

и одолѣ Святославъ, и бѣжаша Греци; и поиде Святославъ къ граду, воюя и грады разби- 971
вая, яже стоятъ пусты и до сего дни. И царь созва бояры своя въ полату, и рече имъ:
«что створимъ, яко^а не можемъ противу имъ стояти^б?» И рѣша ему бояре: «пошли къ нему
дары, искусимъ ѿ, любезнивъ^в ли есть злату или паволокамъ?» И послаша къ нему злато и
паволоки, и мужа мудра, и рѣша ему^г: «глядай^д взора^е его, и лица его, и смысла его;»
онъ же вземъ дары, и прииде къ Святославу. И повѣдаша Святославу, яко приидоша Греци
съ поклономъ; и рече: «введѣте я сѣмо.» И приидоша и поклонилися ему, и положиша
предъ нимъ злато и паволоки; и рече Святославъ кромѣ зря: «возмите и сохраните, отроци
мои!» И они же придоша ко царю, и царь созва бояре, и рѣша посланіи: «яко придохомъ
къ нему и въздахомъ дары, и не зрѣ на ня, и повелѣ сохранить.» И рече единъ: «искуси^ж
еще, послѣ оружїе.» Они же послушаша его, и послаша ему мечъ и ино оружїе, и прине-
соша къ нему; онъ же приимъ, нача хвалити и любити, и цѣловати царя. Приидоша паки^з
ко царю, и повѣдаша ему вся бывшая, и рѣша бояре: «любъ сей мужъ хочеть быти, имѣ-
нія не брежеть, а оружїе емлетъ; имися по дань.» И посла царь, глаголя сиче: «не ходи
къ граду, а возми дань на насъ, еже хочещи;» за малымъ^и не дошелъ Царяграда. И влаша
ему дань; имашеть же у нихъ и за убіенныя, глаголя: «яко родъ его возметь.» Взя же дары
многы, и възвратися въ Переяславецъ съ похвалою великою. Видѣвъ же мало дружины своя,
рече къ себѣ: «егда како прелестивше изобіють насъ», бѣша бо погибли мнози^к на полку;
и рече: «пойду^л въ Русь, и приведу болѣ дружины.» И посла къ цареви, въ Дерестрѣ^л бѣ
бо^м царь, рка сиче: «хочю имѣти миръ съ тобою твердъ и любовь.» Се слышавъ царь^н,
радъ бысть и посла къ нему дары болѣ первыхъ. Святославъ же прїятъ дары, и поча думати
съ бояры своими, рка сиче: «аще не створимъ миру со царемъ, и увѣсть царь, яко мало
насъ есть, пришедше оступятъ ны въ градъ; а Русьская земля далече, а Печенѣзи съ нами
ратни, а кто ны поможетъ? но сътворимъ миръ со царемъ, се бо ны ся по дань ялъ, и то
буди довольно намъ; аще ли почнетъ не управливати дани, изнова изъ Руси, совкупивше вой
многи^о, пойду на Царьградъ.» И любя бысть рѣчи воемъ, и послаша лучшіи мужи ко цареви;
и придоша въ Дерестръ, и повѣдаша ихъ цареви. Царь же наутрїя призва ихъ, и рече царь:
«да глаголють послѣ Русьстїи.» Они же рѣша^п: «такъ глаголетъ князь нашъ, хочю любовь
имѣти со царемъ Гречьскимъ свершеную прочая вся лѣта.» Царь же радъ бысть, и повелѣ
писцю писати Святослави рѣчи всѣ на харатїю; и поча посолъ глаголати вся рѣчи:

«Равно другаго свѣщанїя, бывшаго при Святославѣ великомъ князѣ Русьскомъ и при
Свентелдѣ, писано при Теофилѣ синкелѣ и ко Ивану, нарицаемому Чемьскому^р, царю Гречь-
скому, въ Дерестръ, мѣсяца іюля, индикта 14. Азъ Святославъ князь Русьскій, якоже
кляхся, и утвержаю на свѣщанїи семъ роту свою. Хочю имѣти миръ и свершену любовь со
всякимъ Гречьскимъ царемъ, и съ Василиемъ и Костянтиномъ, съ богодухновенными^с цари,
и со всѣми людьми вашими, и иже суть подо мною Русь^т, бояре^у и прочїи, до конца вѣка.

а) яко. якоже Т. б) яко . . . стояти. якоже не можааху (не можааху) противу ему стати К. О.
в) любезнивъ. любезенъ К. О. г) и рѣша ему. *приписано на поля только въ Ц.* д) глядай. глядая Т.
глядати В. е) взора. въраста К. О. ж) искусъ. и *прибавл.* К. О. з) паки. опять Ц. К. О. и) за
малымъ. за малымъ бо К. О. і) погибли мнози. мнози побиты Ц. к) пойду. поиду Т. Б. Г. л) въ
дерестръ. въ редестръ *вездѣ ошибок. кромѣ Ц.* м) бѣ бо. бѣ Г. бо бѣ К. О. н) царь. *пропущено во
всѣхъ св. кромѣ Ц.* о) совкупивше. . . многи. съвокуплешеся съ вой многими К. О. п) они же рѣша.
только въ Ц. р) чемьскому. чемежїю *неправлено свергну строки въ В.* с) съ богод. и съ богод. такъ
во всѣхъ св. т) русь. *пропущено въ Т.* у) бояре. бояръ такъ *вездѣ.*

971 Яко николиже помышлю^а на страну вашу, и елико^б есть подъ властію Гречьскою, ни на
—77 власть Корсунскую^в и елико есть градовъ ихъ, ни на страну Болгарьскую; да аще и нѣтъ
помыслить^г на страну вашу, да и азъ буду противенъ ему и борюся съ нимъ. Яко кляхся
царемъ Гречьскимъ, и со мною бояре и Русь вся, да съхранимъ правая свѣщанія. Аще ли
отъ тѣхъ прежереченная^д не схранимъ, азъ же и иже со мною и подо мною, да имѣемъ
клятву отъ Бога, въ негоже вѣруемъ, въ Перуна и въ Волоса скотія бога; и да будемъ
злати яко злато, и своимъ оружіемъ да изсѣчени будемъ. Се имѣйте вѣистинну, якоже
пинехросу^е створимъ нынѣ къ вамъ, и написахомъ на харатіи сей и своими печатми запечата-
чатаѣхомъ.»

Створивъ же миръ Святославъ съ Греки, поиде въ лодіяхъ къ порогомъ, и рече ему
воевода отечень Свентелдъ: «поиди, княже, около на конехъ, стоятъ бо Печенѣзи въ поро-
зехъ.» И не послуша его, поиде въ лодіяхъ; и послаша Переяславци къ Печенѣгомъ, гла-
голюще сие: «идеть вы Святославъ въ Русь, возьмъ имѣніе многое отъ Грековъ, а дружины
съ нимъ мало.» Слышавше же Печенѣзи се, заступиха пороги, и прииде Святославъ къ поро-
гомъ, и не бѣ лѣзъ проити дороговъ; и ста зимовати въ Бѣлобережїи, и не бѣ у нихъ брашна
уже, и бѣ гладъ великъ, яко по полугривнѣ голова конячая, и зимова Святославъ ту. Веснѣ
же прїспѣвше,

Въ лѣто 6480, прииде Святославъ въ пороги, зимовавъ въ Бѣлобережїи, и нападе на нь^ж
князь Печенѣжскій Куря, и убиша Святослава. И взяша главу его, во лбѣ его сдѣлаша
чашу, оковавше златомъ лобъ его, и пїяху изъ него. Свентелдъ же прииде къ Кіеву къ Яро-
полку. И бѣ всѣхъ лѣтъ княженія Святославля 28.

Княженіе Ярополче. Въ лѣто 6481. Нача княжити Ярополкъ въ Кіевѣ; и воевода
бѣ у него Блудъ.

Въ лѣто 6483. Ловы дѣюще Свентелдовичю, именемъ Лютъ, изшедъ изъ Кіева и гнася
по звѣри въ мѣсъ; и узрѣ Олегъ и рече: «кто се есть?» И рѣша ему: «Свентелдичъ;» и
заѣхавъ^з уби ѣ, бѣ бо ловы дѣя Олегъ^и. И о томъ^и бысть межи има ненависть Ярополку
на Олга, и молвяше всегда Ярополку Свентелдъ: «поиди на брата своего и прїими власть
его», хотя отмстити сына своего.

Въ лѣто 6485. Поиде Ярополкъ на Олга, брата своего, на Деревьскую землю, и изиде
противу ему Олегъ ополчився; и съступишася обои, и побѣди Ярополкъ Олга. Побѣгшу же
Олгу въ свой градъ, рекомый Вручевъ^к, и бѣ мостъ чрезъ гроблю ко вратомъ граднымъ, и
тѣснячи другъ друга спихаху въ гроблю; и Олга въ дебрь сопхнуша людей множество^л, и
удавиша ѣ кони и челоуѣци. И вшедъ Ярополкъ въ градъ Олговъ, и прїя власть его, и посла
искати брата своего; искавше не обрѣтоша его, и рече единъ Деревлянинъ: «азъ видѣхъ,
вчера сопхнуша ѣ съ мосту.» И посла Ярополкъ искати брата своего, и влациша трупїя изъ
гробли отъ утра и до полудни, и налѣзоша вѣисподу Олга подъ трупїемъ, и вынесоша и
положиша на коврѣ. Прииде Ярополкъ, надъ онъ^м плакася, и рече Свентелду: «яжъ сего ты
еси хотѣлъ.» И погребоша Олга на мѣстѣ у города Вручева, и есть могила его и до сего

а) помышлю. помысливше *eo esset sp. kromъ Ц.* б) и елико. или К. О. в) ни на власть корсунскую. *пропущено* *изъ К. О.* г) помыслить. промыслить Т. В. О. Г. д) преж. ихъ *прибавл.* Ц. Б. В. Г. е) пинехросу. пинехросу Ц. ту инехросу В. пинехросу Г.; *по мнѣнію Шлецера (Несторъ, перес. Языковымъ, III, 595) хригофиллоу. а по Строеву (Соф. Врем. I, 54) пинехросу.* ж) на нь. на на Т. з) заѣхавъ. заѣха *ездъ* *кромъ О.* и) олегъ. и олегъ Т. і) и о томъ. но то (на то) *изъ прочихъ сп. кромъ Ц.* к) вручевъ. вручай К. О. л) людей множество. людїе мнози К. О. м) надъ онъ. надъ Т.

дни у Вручего. И прія власть его Ярополкъ. У Ярополка же бѣ жена Грекыни, и бѣ была 977
преже черницею; бѣ бо привелъ отецъ его Святославъ, и вда ю за Ярополка красоты ради —80
лица ея. Слышавъ же Володимеръ въ Новѣгородѣ, яко Ярополкъ убилъ Олга, убоявся
бѣжа за море; а Ярополкъ посади въ Новѣгородѣ свои намѣстники^а, и бѣ владѣя единъ въ
Руси.

Начало княженія великаго князя Володимера Кіевскаго. Въ лѣто 6488.
Прииде Володимеръ къ Новугороду съ Варягы, и рече намѣстникомъ Ярополчимъ: «идѣте къ
брату моему и рцѣте ему: Володимеръ грядетъ на тя, и^б устрои вои свои битися.» И сѣде
въ Новѣгородѣ, и посла къ Рогволоду Полотѣскому, глаголя: «хочю поняти дщерь твою себѣ
жену.» Онъ же рече дщери своей: «хощеши ли за Володимера?» Она же рече: «не хощу
розути робичича, но Ярополка хощю.» Бѣ бо Рогволдъ пришелъ изъ заморія, имѣя власть
свою Полтескъ, а Туръ въ Туровѣ^в, отъ негоже и Туровци^г прозвашася. И приидоша отроки
Володимерови, и повѣдаша ему всю рѣчь Рогнѣдину, дщери Рогволождѣ князя Полотѣского;
Володимеръ же собравъ воя многа, Варяги, и Словѣни, и Чюдь, и Кривичи, и поиде на Рогво-
лода. Въ се же время хотяху вести Рогнѣдъ за Ярополка; и прииде Володимеръ на Полтескъ,
и уби^д Рогволода и два сына его, а дщерь его Рогнѣдъ поя жену^е себѣ. И поиде Володи-
меръ къ Кіеву съ вои многими, и не може Ярополкъ стати противу, и затворися въ Кіевѣ
съ людьми и съ Блудомъ; и стояше Володимеръ обрывся на Дорогожицѣ, межи Дорогожи-
цемъ и Капичемъ, и есть ровъ и до сего дни. Володимеръ же посла къ Блуду, воеводѣ Яро-
полчю, съ лестію глаголя: «попріай^ж ми; аще убию брата своего, имѣти ты начну во отпа-
мѣсто, и многу честь приммеша отъ мене; не язъ бо почалъ бити братію, но онъ, азъ же
того убояхся, придохъ на нь.» И рече Блудъ къ посломъ Володимеримъ: «азъ буду тебѣ
въ сердце и въ пріятельство^з.» О злая лествъ человѣчская! Якоже Давыдъ глаголетъ: ядый
хлѣбъ мой възвеличилъ есть на мя лествъ^и. Сей бо лукавоваше на князя своего лествію. И
паки: языки своими лщахуся; суди имъ, Боже, да отпадутъ отъ мыслей своихъ, по множе-
ству нечестія ихъ изрини я, яко прогнѣваша тя, Господи^и. И паки Давыдъ тойже рече:
мужіи крови и лествивы^к не преполовять^л дній своихъ^м. Сей есть совѣтъ золъ, иже съвѣ-
щаютъ на кровопролитіе; то суть неистовіи^н, иже пріимше отъ князя или отъ господина
своего честь и дары, ти мыслятъ о главѣ князя своего о погубленіи^о; горшіи суть бѣсовъ
таковіи: якоже и Блудъ преда князя своего, пріимъ отъ него чести многи, сей бо бысть
повиненъ крови той. Се бо Блудъ затворися съ Ярополкомъ, лествя подъ нимъ, сляше къ
Володимеру часто, веля ему приступати къ граду бранію, а самъ мысля убити Ярополка;
гражаны же не лѣзъ убити^п. Блудъ же не възмогъ, како бы погубити, замысли лествію, веля
ему не излазити на брань изъ града; рече же Блудъ къ Ярополку: «Кіянѣ сляются къ Воло-
димеру, а ркучи: приступай къ граду, яко предамы^р ти Ярополка; побѣгни изъ града.» И

а) свои намѣстники. свои намѣстникъ *вездѣ* *кромѣ* К. О. посадники В. б) и. только *въ* Т. в) а туръ въ
туровѣ. а туры туровѣ *вездѣ* *кромѣ* Ц. г) туровци. см. *въ* I томѣ сего изданія стр. 32; *во* *всѣхъ* *сп.*
ошибк. туровица. д) уби. убиша Ц. Б. В. Г. е) жену. женѣ *вездѣ* *кромѣ* О. В. ж) попріай. попріайте
во *всѣхъ* *сп.* *кромѣ* Ц. з) и въ пріят. и въ пріязньство К. О. и) *Псал. XL, 40.* i) *Псал. V, 40, 44.*
к) мужіи. . . лествивы. мужіе (мужи) крови и лести Ц. К. О. В. л) не преполовять. не приплювать Т. Г.
не препловуть Б. не препловать К. м) *Псал. LIV, 24.* н) неистовіи. человѣци *прибавл. между*
строкъ Ц. о) о погубл. и о погубленіи Ц. на погубленіе К. О. п) гражаны же. . . убити. гражданы
же не бѣ лѣзъ убити его Ц. гражаны же не лѣзъ убивати и Б. К. О. Г. гражанъ же не лѣзъ убивати
испорчено *въ* В. р) предамы. предадимъ К. О.

980 послуша его Ярополкъ, избѣгъ преди, и затворися въ градѣ Роднѣ на усть Роси^а, а Володимеръ иде къ Кіеву, и осѣдяху Ярополка въ Роднѣ; и бѣ гладъ въ немъ великъ, и есть притча си и до сего дни: бѣда яко въ Роднѣ. И рече Блудъ Ярополку: «видиши ли, колико у брата твоего вой? намъ ихъ не пребороти; твори миръ съ братомъ своимъ», дестя подъ нимъ си рече. И рече Ярополкъ: «такъ буди.» И посла Блудъ къ Володимеру, сице глаголя: «яко сбысться мысль твоя, приведу къ тебѣ Ярополка, и пристройся, и убій его.» Володимеръ же то слышавъ, вшедъ въ дворъ теремный отечень, о немъже преже сказахомъ, сѣде ту съ вой и съ дружиною своею; и рече Блудъ Ярополку: «пойди къ брату своему и рци ему: что ми ни вдаси, то азъ прииму.» И поиде^б Ярополкъ, и рече ему Варяжко: «не ходи, княже, убіютъ тя; и побѣгни въ Печенѣги и приведиши вой»; и не послуша его. И прииде Ярополкъ къ Володимеру, и яко полѣзе въ двери, подъяста два Варяга мечи^в подъ пазусѣ^г, Блудъ же затвори двери, не да по немъ внити своимъ; и тако убіенъ бысть Ярополкъ. Варяжко же видѣвъ, яко убіенъ бысть Ярополкъ, бѣжа съ двора въ Печенѣги, и много воева на Володимера съ Печенѣги, и едва приваби и^д, заходявъ къ нему ротѣ. Володимеръ же заляже братню жену Грекыню, и бѣ неспраздна, отъ неяже родися Святополкъ. Отъ грѣховнаго корени золъ плодъ бываетъ, понеже была бѣ мати его черницею, а Володимеръ второе заляже ю, но не по браку; прелюбодѣйничь убо бѣ, тѣмъже и отецъ его не любляше, бѣ бо отъ двою отцю отъ Ярополка и отъ Володимера. Посемъ рѣша Варязи Володимеру: «се градъ нашъ, мы пріяхомъ и, да хоцемъ имати окупъ на нихъ, по двѣ гривны съ человекѣ.» И рече имъ Володимеръ: «пождите вы, дажь^е куны сберутъ, за мѣсяць.» И ждаша за мѣсяць, и не да имъ, и рѣша Варязи: «сольстилъ еси нами, покажи ны путь въ Греки;» онъ же рече имъ: «идѣте.» И избра отъ нихъ мужи добры, смыслены и храбры^ж, и раздая имъ грады; прочіи же идоша ко Царюграду въ Греки. И посла предъ ними^з послы, глаголя сице царю: «се идуть къ тебѣ Варязи, не мози ихъ держати въ градѣ, или то сѣтворять ти^и яко^и и здѣ, но расточи я разнѣ, а сѣмо не пушай ни единого.» И нача княжити Владимиръ въ Кіевѣ, и постави кумиры на холму виѣ двора^к теремнаго: Перуна древяна, а главу сребряну, а усь златъ, и Харса, и Дажба, и Стриба, и Сѣмаргла, и Мокошь. И жряху имъ, нарицающе ихъ богы, привожаху сыны своя^л и дщери, и жряху бѣсомъ и оскверняху землю свою требами многими, и оскверниша кровми землю Русьскую^м и холмъ отъ. Но благый Богъ не хотя смерти грѣшникомъ; на томъ холму нынѣ церкви стоитъ святаго Василия, якоже послѣди^н скажемъ. Мы же на преднее възвратимся. Володимеръ же посади Добрыню уя своего въ Новѣгородѣ; и пришедъ Добрыня къ Новугороду, постави кумиръ Перунъ надъ рѣкою Волховомъ, и жряху ему людіе Новгородстїа акы Богу. И бѣ Володимеръ побѣженъ похотию женскою, и быша ему водимыя: Рогнѣдъ, юже посади на Лыбеди, идѣже есть нынѣ селце Предславино, отъ неяже роди 4 сыны, Изяслава, Мстислава, Ярослава, Всеволода, и двѣ дщери, а отъ Грекыни Святополка, а отъ Чехини Вышеслава, а отъ другыя Святослава, Станислава, а отъ Болгарыни Бориса и Глѣба, 11 сынъ Судиславъ, 12 Позвиздъ; а наложницъ бѣ у него 300 въ Вышегородѣ, а 300 въ Бѣлѣгородѣ, а 200 на

а) роси - руси В. б) и поиде - *поправлено по Лавр. (т. I, стр. 33); во всѣхъ св. и прииде.* в) мечи - *меча вездѣ кромѣ К. О.* г) полъ пазусѣ - *подъ пазуху Т.* д) приваби и - *володимеръ прибавлено на полъ въ Ц.* е) дажь - *даже вездѣ кромѣ Т.* ж) храбры - *храборы Т.* з) предъ ними - *володимеръ прибавлено на полъ въ Ц.* и) ти - *зло прибавл. К. О.* і) или. . . *яко - да не сотворять ти зла якоже Ц.* к) двора - *града Т. Б. В. Г.* л) сыны своя - *сыны я ошибл. Т.* м) оскверниша. . . *русьскую - оскверниша (оскверниша) кровми земля русьская во всѣхъ св. кромѣ Т.* н) послѣди - *послѣдъ(ъ) вездѣ кромѣ Ц.*

Берестовомъ въ селѣхъ, еже зовутъ нынѣ Берестовое. И бѣ несытъ блуда, приводя къ себѣ ⁹⁸⁰ мужескыя жены и дѣвицы растлѣя; бѣ бо женолобецъ якоже и Соломонъ, бѣ бо у Соломона женъ 700, а наложницъ 300. Мудръ бѣ, а наконецъ погibe; сей же бѣ невѣгласъ, а наконецъ обрѣте спасеніе. Велій бо Господь нашъ, и велія крѣпость его, и разума его дѣсть числа^а! Зло бо есть женская прелесть, якоже рече Соломонъ, покаявся отъ женъ: не внимай злѣ женѣ; медъ бо каплетъ отъ устъ ея, жены любодѣйци, во время наслажаеъ твой гортань, послѣди же горчая желчи^б обрящеши; прилѣпляющеся ей смертію въ адъ; на пути бо животныя не находятъ, блудная же теченія ея, неблагоразумна^в. Се же рече Соломонъ о любодѣйцахъ^г, а о добрыхъ женахъ рече: дражайши есть каменія многоцѣннаго; радуется о ней мужъ ея, дѣетъ бо мужеві своему благо^д житіе; и обрѣтше волну и ленъ, створитъ благопотребная рукама своими; и бысть яко корабль куплю дѣюще^е издавеча, събирающе себѣ^ж богатство; и встаетъ отъ нощи, и даетъ брашно дому и дѣла рабынямъ; видѣвши тяженіе куповаше, отъ дѣла руку своею и насадитъ тяженіе^з; и препоясавше крѣпко чресла своя, и утверди мышцы свои на дѣло; и вкуси яко добро есть дѣлати, и не угасаетъ свѣтильникъ ея всю ноцъ; руцѣ свои простираетъ на полезная, локти же свои устраиваетъ^и на вретено; руцѣ свои простираетъ убогому, плодъ же простре нищему; не печется мужъ ея о дому своемъ, егда гдѣ будетъ, вси свои ея одѣни будутъ; сугуба одѣнія^к створитъ мужю своему, отъ червлена и багряна себѣ одѣнія створитъ; взоренъ бываетъ во вратѣхъ мужъ ея, внигда аще сядетъ на сонмищи съ старци и съ жители земля; и опоны створи и отдасть въ куплю; уста же своя отверзе мысленіи и законнии, и въ чинѣ молвитъ языкомъ своимъ; въ крѣпость и въ лѣпоту облечется; милостыня же ея въздвигоша чада ея и обогатѣша^л, и мужъ ея похвали ю; жена бо разумива благословена есть, боязнь бо Господню та похвалитъ; дадите ей отъ плода устну ея, да хвалится^м во вратѣхъ мужъ ея^н.

Въ лѣто 6489. Иде Володимѣръ къ Ляхомъ и зая грады ихъ, Перемышль, и Червень и ины грады ихъ, иже суть и до сего дни подъ Русію. Того же лѣта и Вятичи побѣди, и възложи на нихъ дань отъ плуга, якоже и отецъ его имаше.

Въ лѣто 6490. Заратишася Вятичи, и иде на нь^а Володимѣръ, и побѣди ихъ^о второе.

Въ лѣто 6491. Иде Володимѣръ на Ятвягы, и побѣди я, и взя землю ихъ. И прииде къ Кіеву, и творяше требы кумиромъ съ людьми своими о побѣдѣ, съ боляры^п; и рѣша старци и боляре: «мечемъ жребія на сыны и на дщери наша, отъ отрока и отъ дѣвицы^р; на негоже падеть, того зарѣжемъ богомъ нашимъ.»

О Іоанъ христіанинъ и о отци его, Христа ради убитъ за вѣру^с. Бѣше нѣкто чловѣкъ Божій единъ Варягъ, и бѣ дворъ его идѣже есть церкви святая Богородица, юже сдѣла Володимѣръ: бѣ бо Варягъ той^т пришелъ изъ Грекъ, изъ Царяграда, съ сыномъ своимъ съ Иваномъ, сѣдѣше въ Кіевѣ и держаше вѣтайнѣ вѣру христіанскую. Бѣ у него сынъ Иванъ, красенъ душею и тѣломъ, и на сего паде жребій по зависти діаволи. Не тер-

а) Псал. CXLVI, 5. б) желчи • волчи К. О. в) Притч. Солом. V, 3 — 6. г) о любод. • о прелюбодѣйцахъ К. О. д) благо • все прибавл. К. О. е) дѣюще • дѣюще К. дѣюще О. ж) издавеча . . . себѣ • пропушено въ К. О. з) куповаше. . . тяженіе • нѣтъ въ Ц. и) устраиваетъ • устремляетъ К. и) одѣнія • одѣнія такъ и ниже Ц. Б. К. Г. к) и обогатѣша • и обогатиша Ц. Б. В. Г. и обогатиши К. О. л) да хвалится • да хвалитъ(ъ) Б. К. О. Г. да похваляетъ В. м) Притч. Солом. XXXI, 10 — 32. н) на нь • на на К. О. на нихъ В. о) ихъ • я К. О. п) съ боляры • съ болгары ошибк. Т. р) отъ отр. и отъ дѣв. • о отрока и (о) дѣвицу Т. Ц. Б. К. Г. отрока и дѣвицу В. с) вѣру • христіанскую прибавл. Ц. т) той • тѣ Т. Б. К. О. отъ В.

983 пшеть бо діяволъ, власть имѣя надо всѣми, сей бяшетъ ему яко тернъ въ сердци и тшашеся
 —86 потребити окаанный, не могы ему что сътворити, и наустити на нь люди. И рѣша пришедше
 поганіи посланіи къ нему: «яко паде жребій на сынъ твой, изволиша бо и възлюбиха ѿ
 бози наши собѣ^а; да его сътворимъ потребу богомъ.» И рече Варягъ: «не суть то богы, но
 древо съдѣлано бездушно; днесъ есть, а помалѣ изгнѣтъ; не ядятъ бо бози, ни пють, ни
 молвятъ, но суть дѣлано руками въ древѣ сѣкирою и ножемъ; а Богъ есть единъ на небе-
 сѣхъ, емуже служатъ Греци и кланяются, во имя Господа^б Исуса Христа Сына Божія кре-
 щена есѣвъ, иже той сътворилъ небо, и землю, и солнце, и луну, и звѣзды, и человѣка, и
 далъ есть ему жити на земли; а ваши бози что сътворили? но сами вами дѣлани суть; и
 не дамъ сына своего бѣсомъ.» И ти же шедше повѣдаша людемъ; они же взявше оружіе,
 придоша на нь и разъяша^в дворъ^г около его, онъ же стояше на сѣнѣхъ съ сыномъ своимъ.
 И рѣша ему: «вдай сына своего, да вдамы ѿ на потребу^д богомъ.» Онъ же рече: «аще суть
 бози, то единого отъ себе пришлютъ бога, да поимуть сынъ мой; а вы чему перетребуетеся
 имъ?» И кликнуша Кіянне, и подсѣкоша сѣни подъ ними, и тако побиша я, исповѣдающася
 христіане, и пріѣста вѣчную жизнь за святую вѣру мучена, и не свѣсть никтоже, гдѣ поло-
 жиша е^е. Бѣяху бо человѣци невѣгласи, поганіи; и діяволъ радовашеся сему, не вѣдый, яко
 близъ погибель ему хотяшетъ быти. Тако бо преже тшашеся погубити родъ христіанскій,
 и прогонимъ бѣ крестомъ честнымъ въ иныхъ странахъ; сдѣ же мняшеся окаанный: яко
 сдѣ ми есть жилище, сдѣ бо не суть Апостоли учили^ж, ни Пророци прорицали. Не вѣдый
 Пророка глаголюща: нареку не люди моя людіе мои^з. О Апостолѣхъ бо рече: во вся земля
 изидоша вѣщанія ихъ, и въ конца вселенныя глаголи ихъ^и. Аще ли сдѣ тѣломъ Апостоли
 не суть были, но ученія ихъ яко трубы гласятся по всей вселеннѣй въ церквахъ. Ихже вѣ-
 щаніемъ побѣждаемъ супротивнаго врага, и попираемъ^і подъ нозѣ; якоже попраста и сія
 отъника^к, приѣмши вѣнецъ небесный съ святыми мученики и съ праведники.

Въ лѣто 6492. Иде Володимеръ на Радимичи. И бѣ у него воевода Волчей Хвостъ, и
 посла предъ собою Володимеръ Волчей Хвоста; и срѣте ѿ на рѣцѣ Пищанѣ, и побѣди Радимичи
 Волчей Хвостъ; тѣмже и Русь корятся Радимичемъ, глаголюще: Пищанци волчія хвоста
 бѣгають. Быша же Радимичи отъ рода Ляховъ; пришедше же ту ся вселиша, и платятъ дань
 Руси и повозъ везуть и до сего дни.

Въ лѣто 6493. Иде Володимеръ на Болгары съ Добрынею уемъ своимъ въ лодіяхъ, а
 Торкы^л берегомъ переведе на конѣхъ, и побѣди Болгары. И рече Добрыня ко Владимиру^м:
 «сѣглядахъ колодникъ, и суть вси въ сапозѣхъ; симъ дани намъ не дати, поидемъ^н искати
 лапотникъ.» И сътвори Володимеръ съ Болгары миръ, и ротѣ заходиша межи собою, и рѣша
 Болгаре: «толи^о не будетъ межи нами мира, оли^п камень по водѣ начнетъ плавати, а хмель
 грязнути.» И приде Володимеръ къ Киеву.

Въ лѣто 6494. Придоша Болгаре вѣры Бохмичи, глаголюще: «яко ты князь еси мудръ
 и смысленъ, но не вѣси закона; да вѣруй въ законъ нашъ и поклонися Бохмиту.» И рече

а) изволиша . . . собѣ. изволиша и възлюбиха и (его) бози наши къ себѣ во всѣхъ сп. кромѣ К. О.

б) господа. въ прочихъ сп. кромѣ Ц. сего слова недостаетъ. в) разъяша. ровіяша вездѣ кромѣ К. О.

разориша Ц. г) дворъ. его прибавл. Т. д) на потребу. на потребу Ц. В. е) е. я К. О. ж) учили. и

учители ошибок. Ц. Б. В. Г. з) Осн II, 25. и) Псал. XVIII, 5. і) попираемъ. попирающе вездѣ

кромѣ Ц. к) отъника. отъгнника во всѣхъ сп. кромѣ Т. К. л) торкы. турки К. О. м) добрыня ко

владимиру. володимеръ къ добрыни В. н) поидемъ. поидевъ К. О. о) толи. тогда Ц. п) оли. егда Ц.

р) Предъ симъ во всѣхъ сп. въ видѣ заглавія: о срациньской вѣрѣ.

Володимеръ : « како есть вѣра ваша ? » Они же рѣша : « вѣруемъ Богу, а Бохмѣ ны учить, 986 глаголя : обрѣзати уды тайныя, а свинины не ясти, а вина не пити, а по смерти же, рече, съ женами похоть творити блудную; дасть бо Бохмѣ комуждо по 70 женъ красныхъ, и избереть едину красну и възложить всѣхъ красоту на едину, и то будетъ ему жена; сдѣ же, рече, достойтъ блудъ творити всякъ, на семь свѣтъ; аще кто будетъ богатъ здѣ, то и тамо богатъ, аще ли здѣ кто убогъ, то и тамо убогъ; » и ина многа леств, еяже недѣлѣ писати срама ради. Володимеръ же слушаше ихъ, бѣ бо самъ любяй жены и блуженіе многое, и послушаше сладко; но се ему бѣ не любо, обрѣзаніе удовъ, и о неядіи^а мясъ свинныхъ, и о питіи^б отинудъ; река : « Руси есть веселіе питье^в, не можемъ безъ того быти. » Г^г Посемъ же придоша отъ Римлянъ Нѣмци, глаголюще : « придохомъ отъ папежа посланіи; » и рѣша ему : « рекъ ти тако папѣжъ : земля твоя яко и земля наша, а вѣра ваша не яко вѣра наша; вѣра бо наша яко свѣтъ есть, кланяемся Богу, иже сътвори небо и землю, звѣзды и мѣсяць, и всяко дыханіе, а бози ваши древо суть. » Володимеръ же рече : « какѣ^д заповѣдь ваша ? » Они же рѣша^е : « пощеніе по силѣ; аще ясть кто и пьетъ, то все въ славу Божию, рече учитель нашъ Павелъ^ж. » Рече же Володимеръ Нѣмцемъ : « идите опять, яко отци наши сего не пріяли суть. » ^з Се же слышавше Жидове Козарьстѣи, придоша къ Володимеру и ркуще : « слышахомъ, яко приходили Болгаре и Крестіане, учаще тя вѣрѣ своей каждо; Христіане бо вѣрують, егоже мы распяхомъ, а мы вѣруемъ единому Богу Авраамову, Исакову и Яковлю. » И рече Володимеръ : « что есть законъ вашъ ? » они же рѣша : « обрѣзатися, свинины не ясти, ни заячины, субботу хранити. » Онъ же рече : « то гдѣ есть земля ваша ? » Они же рѣша : « въ Ерусалимѣ. » Онъ же рече : « то тамо ли есте^и ? » Они же рѣша : « разгнѣвася Богъ на отци наши, и расточи ны по странамъ грѣхъ ради нашихъ, и предана бысть земля наша Христіаномъ. » Онъ же рече : « то како вы инѣхъ учите, а сами отвержени отъ Бога и расточени ? аще бы Богъ любилъ васъ^к, то не бы есте расточени по чужимъ землямъ; егда и намъ мыслите то же зло пріяти ? » ^л Посемъ же прислаша Греци къ Володимеру философа Кирила, глаголюще сиче : « слышахомъ, яко приходили суть Болгаре, учаще тя пріяти вѣру свою, ихже вѣра оскверняетъ землю, иже суть прокляти паче всѣхъ чловѣкъ, уподоблешеся Содомлянѣмъ и Гомору, на нихъ же пусти Богъ каменіе горящее^м, и потопа я, и погрязоша; яко и сихъ ожидается день погибели ихъ, егда придетъ Богъ судити на землю, и погубитъ вся творящая беззаконіе и скверны дѣлающи; сїи бо омываютъ оходы^н своя, и въ ротъ вливаютъ и по брадѣ мажутся, нарицающе Бохмита, такоже и жены ихъ творять ту же вѣру и скверну, и ино пуще, отъ совокупленія мужьска и женьска вкушаютъ. » Се слышавъ Володимеръ, плюну на землю, рекъ : « нечисто есть дѣло. » Рече же философъ : « слышахомъ же и се, яко приходиша отъ Рима учить васъ вѣрѣ своей, ихже вѣра мало съ нами развращена, служатъ бо опрѣсноки, рекше оплатки, ихже^п Богъ не преда, но повелѣ хлѣбомъ служити; и преда Апостоломъ и рекъ, примъ хлѣбъ : се есть тѣло мое, доимое за вы, такоже и чашу примъ рекъ : се есть кровь моя новаго завѣта; сїи же того не творять, и суть не исправили вѣры своея. » Рече же Вла-

а) и о неядіи. и о неяденіи Ц. К. О. б) и о питіи. вина прибавл. на полѣ Ц. в) питье. взято изъ Лавр. т. I, стр. 36; сего слова во всѣхъ сп. недостаетъ. г) Предъ симъ словомъ въ видѣ заглавія : о вѣметьской вѣрѣ. д) какѣ. како Ц. Б. В. Г. какова К. О. е) они же рѣша. пропущено въ К. О. ж) 1 къ Коринѣ. X, 31. з) Во всѣхъ сп. въ видѣ заглавія : о жидовьской вѣрѣ. и) есте. есть К. О. Г. i) васъ. и законъ вашъ прибавл. К. О. к) Предъ симъ въ видѣ заглавія : о вѣрѣ христіаньской. л) горящее. горящее Т. Б. Г. м) оходы. обходы К. О. ходы ошибк. В. н) ихже. такъ въ Лавр. (т. I, стр. 37); во всѣхъ сп. ниже.

986 димерь : «приидоша ко мнѣ Жидове, глаголюще, яко Нѣмци и Греки вѣрують, егоже мы —⁸⁷ распяхомъ.» Философъ же рече : «въистину мы въ того вѣруемъ, то бо^а Пророци прорицаху, яко Богу родитися, а друзи распяту быти и погребену, и въ третій день воскреснути и на небеса взити; они же тыя Пророки избивша, другыя же претираху^б; егда же събысться прореченіе^в тѣхъ, сниде на землю, и распятіе пріять, и въскрестъ и на небеса взиде : но отъ сихъ же Жидовъ ожидаше покаяніе 40 и 6 лѣтъ, и не покаяшася, и посла на ня Римляны, и грады сихъ разбиша, а самихъ расточиша по странамъ, и работаютъ въ странахъ.» Рече же Володимеръ : «то что ради сниде Богъ на землю, и страсть такову пріять?» Отвѣщавъ же философъ рече : «аще хочещи послушати, да скажу ти изначала, что ради сниде Богъ на землю.» Онъ же рече : «послушаю радъ.» *Далѣе см. Полное Собрание Лѣтописей, томъ I, стр. 37—45. Слова :* и нача философъ глаголати сие. . . отпусти ѿ съ честию великою.

Въ лѣто 6495^г. Съзва Володимеръ боляры своя и старци градскыя, и рече имъ : «се приходиша ко мнѣ Болгарове, ркуще : пріими законъ нашъ; посемъ же приходиша и Нѣмци, и ти хваляху законъ свой; и по сихъ приходиша Жидове. Послѣже приидоша Греци, хуляще всѣхъ законы, свой же хваляще законъ, и много глаголаша сказующе отъ начала міру, о бытіи всего міра; суть же хитро сказующе, чюдно слышати ихъ, другыи свѣтъ повѣдають быти; да аще кто, дѣеть, вѣруеть^д, въ нашу вѣру ступитъ, то паки, умереть, встанеть^е и не умирати ему вѣвѣки; аще ли во инъ законъ ступитъ, то на ономъ свѣтѣ въ огни^ж горѣти иметь. Да что ума придасте, и что отвѣщаете?» И рѣша боляре и старци : «яко своего никтоже хулитъ, но хвалитъ; аще хочещи испытати гораздо, то имаша у себе мужи : пославъ испытай^з кождо ихъ службу^и, и кто како служитъ Богу.» И бысть люба рѣчь князю и всѣмъ людемъ; и избра мужи мудры и смыслены, числомъ 10, и рѣша имъ : «идите первое въ Болгары, и испытайте первіе вѣру ихъ^к.» Они же идоша, и пришедше видѣша скверная^л дѣла ихъ и кланяніе въ ропатѣ; и приидоша въ землю свою. И рече имъ Володимеръ : «идѣте паки въ Нѣмци, изоглядайте такоже, и оттуду идѣте въ Греки.» Они же идоша въ Нѣмци, и изглаголаше церковную службу ихъ, «приидоша ко Царюграду, и внидоша ко царю; царь же испытаетъ, что ради приидоша, они же повѣдаша ему вся бывшая. И се слышавъ царь, радъ бысть, и честь велику сътвори имъ въ той^м день. Наутрѣ же посла къ патріарху, глаголя сие : «приидоша Русь испытати вѣры нашея; да пристрой церковь и клиросъ, и самъ учинися въ святительскыя ризы, да видятъ славу Бога нашего.» И се слышавъ патріархъ, повелѣ созвати клиросъ, и по обычаю створше праздникъ, кандила возгоша, и пѣнія и дѣки съставиша. И иде царь съ ними въ церковь, и поставиша ѿ на пространнѣ мѣстѣ, показующе красоту церковную, и пѣнія и службы архіерейскы, и предстояніе діаконъ, и сказующе имъ служеніе Бога своего; они же во изумлѣніи бывше, и удивлешася, похвалиша службу ихъ. И призваша ихъ царя Василій и Коньстантинъ, и рѣста имъ : «идѣте въ землю вашу», и

а) то бо. см. *Лавр.* (т. I, стр. 37); въ Т. о тѣхъ бо, а въ прочихъ сп. тѣхъ бо. б) претираху. препираху В. в) прореченіе. прориченіе Т. прорицаніе Ц. г) въ л. 6495. такъ въ *Лавр.* и Ц.; въ прочихъ сп. въ лѣто 6496. Сличн ниже подъ симъ же годомъ минувшу же лѣту иде володимеръ съ вои на корсунь, и *Лавр.* (I, 46), ідѣ 6496-мъ годомъ начинается только послѣдняя статья. д) дѣеть, вѣруеть. см. *Лавр.* (т. I, стр. 45); во всѣхъ сп. кромѣ К. О. неправильно дѣеть и вѣруеть, въ Ц. эти слова зачеркнуты кинноварью. е) встанеть. в(о)стаеть вездѣ кромѣ К. О. ж) въ огни. мучитися и прибавл. В. з) испытай. испытай въ *Лавр.* Т. Б. Г. и) службу. ихъ прибавл. Т. і) ихъ. имъ Т. Б. Г. к) скверная. скверная Т. л) Предъ симъ словомъ въ видѣ заглавія : о испытаніи вѣры христіаньскіи. м) въ той. во тѣ Т. Б. Г.

отпусти я съ великою честію, съ дары^а. Они же придоша въ землю свою, и созва князь 987 боляры своя и старци. И рече Володимеръ: «се придоша посланіи нами мужи, да слышимъ отъ нихъ бывшее;» и рече: «скажите ми предъ боляры моими и людми моими нарочитыми.» Они же рѣша: «ходимъ въ Болгары, осмотрихомъ^б како ся кланяють въ храмѣ, ркучи въ ропати, стояще безъ пояса; и поклонився сядеть, глядитъ сѣмо и овамо яко бѣсенъ, и нѣсть веселія въ нихъ, но печаль и смрадъ великъ, и нѣсть добръ законъ ихъ. И приходихомъ къ Нѣмцемъ, и видѣхомъ въ храмѣ ихъ службы творяще, и красоты не видѣхомъ никоея. Приидохомъ въ Греки, и ведоша ны, идѣже служатъ Богу своему, и не свѣмы, на небесѣхъ есмы были, или на земли: нѣсть на земли такового вида, или красоты таковыя, недоумѣемъ бо сказати; токмо то вѣмы^в, яко ту отинудъ Богъ съ человѣкы пребываетъ, и есть служба ихъ паче всѣхъ странъ. Мы убо не можемъ забыть^г тоя красоты; всякъ бо человѣкъ аще вкусить сладко, послѣди же горести не приимаетъ, тако и мы не можемъ сдѣ быти.» Отвѣщавше боляре ркоша: «аще бы лихъ законъ Гречскій, то не бы баба твоя пріяла Олга, яже бѣ мудрѣйши всѣхъ человѣкъ.» Отвѣщавъ же Володимеръ и рече: «гдѣ крещеніе приемъ?» Они же ркоша: «гдѣ^д, господине, любо.» Минувшу же лѣту^е, иде^ж Володимеръ съ вои на Корсунь, градъ Гречскій, и затворишася Корсуняне въ градѣ; и ста Володимеръ обонъ полъ града въ лимени, далѣ града стрѣлища единого, и боряхуся крѣпко гражане, Володимеръ же обстоя градъ. И изнемогаху людіе въ градѣ, и рече Володимеръ къ гражаномъ: «аще ся не вдасте, стояти имамъ сдѣ за 3 лѣта.» Они же не послушаша того, Володимеръ же изрядивъ вои свои, и повелѣ приступати къ граду и персть сыпати. Симъ же сыплющимъ^з, Корсуняне же подкопавъ стѣну градную, и крадуще сыплемую персть, и ношаху къ себѣ въ градъ, сыплюще посреди града; и вои присыпаху болѣ, Володимеръ же^и стояше. И се мужъ Корсунянинъ стрѣли, имянемъ Анастасъ, написавъ сиче^и на стрѣлѣ: «кладязи суть за тобою отъ вѣстока, изъ того вода идетъ по трубѣ; окопавше переими.» Володимеръ же слышавъ се, възрѣвъ на небо, и рече: «аще ся събудеть, и самъ ся крещю.» И ту абіе повелѣ копати въпреки трубамъ, и переяша^к воду; и людіе изнемогаху нужею жажды водныя, и предахуся. И вниде Володимеръ въ градъ и вси вои его, и посла Володимеръ ко царема Василию и Костянтину, глаголя сиче: «се градъ вашъ^л сильный взяхъ; слысахъ же и се, яко сестру имате^м дѣвою, аще ея не вдаста за мя, сѣворю граду вашему, якоже и сему сѣтворихъ.» Се слышаста царя, и быста печална, и въздаста вѣсть, сиче глаголюща^н: «не достойтъ крестіаномъ за поганыя даяти; аще ся крестиши, то и се получиши, и царство небесное получиши^о пріяти, и съ нами единовѣренъ^п будеши; аще ли сего не створиши, не можемъ за тя дати сестры своея.» Се слышавъ Володимеръ, рече посланнымъ отъ царю: «глаголите царема тако: яко азъ крещюся; яко испытахъ прежде сихъ днѣй законъ вашъ, и есть ми любъ, и вѣра ваша и служеніе, еже бо ми повѣдаша посланіи нами мужи.» И се слышавша царя, рада^р быста и умолиста сестру свою, именемъ Анну, и посласта

а) съ дары. сдравы(и) *вездѣ кромѣ Ц.* б) осмотрихомъ. *пропущено во всѣхъ сп. кромѣ Ц.; въ Лавр. смотрихомъ.* в) то вѣмы. *такъ исправлено въ Ц.; во всѣхъ сп. ошибк. не вѣмы.* г) забыть. того забыть Т. д) гдѣ. гдѣ ти К. О. е) лѣту. въ лѣто 6496 *прибавл. Ц.* ж) *Предъ симъ словомъ въ видѣ заглавія киеварю: о взятіи корсуньстѣмъ и о крещеніи (великаго) князя владимира.* з) сыплющимъ. спушемъ К. О. и) же. *только въ В., а въ Ц. и володимеръ.* і) сиче. сичево *въ прочихъ сп. кромѣ К. О. В.* к) переяша. пріяша (преяша) *вездѣ кромѣ К. В.* л) вашъ. ваю К. О. м) имате. имѣта К. О. н) глаголюща. глаголюще *во всѣхъ сп. кромѣ К. О.* о) получиши. обрящещи В. п) единовѣренъ. единовѣрникъ К. О. р) слышавша царя рада. слышавше царя ради *вездѣ кромѣ К. О.*

987 кѣ Володимеру, глаголюще: «крестися, и тогда послевѣ кѣ тебѣ сестру свою.» Рече же Володимеръ: «да пришедше и съ сестрою вашею крестите мя.» И послушаста царя, и посласта сестру свою, и сановники нѣкія и прозвитеры; она же не хотяше ити: «яко въ поганыя», рече, «иду; лучше бы ми слѣ умерети.» И рѣста ей братія: «егда како обратитъ Богъ тобою Русьскую землю въ покаяніе, а Гречьскую землю избавиши отъ лютыя рати^а; видиши ли колико зла сѣтворили Русь Грекомъ? и нынѣ, аще не идеши, тоже^б имуть створити намъ»; и одва ю принудиша^в. Она же сѣдши въ корабль^г, цѣловавши ужики своя, съ плачемъ поиде чрезъ море; и яко прииде къ Корсуню, изидоша Корсуняне противу съ поклономъ^д, и ведоша ю въ градъ, и посадиша ю въ полатѣ. По Божію же строенію, въ се время разболѣся Володимеръ очима, и не видяше ничтоже, и тужаше велими и не домысляшеться что сѣтворити; и посла къ нему царица, ркуще: «аще хоцещи избыти болѣзни сія, то вскорѣ крестися, аще ли не крестишися^е, то не имаша избыти сего.» Си слышавъ Володимеръ, рече: «да аще се истинна будетъ, то по истиннѣ великъ Богъ христіанскъ^ж»; и повелѣ крестити ся. Епискупъ же Корсуньскій съ попы царицины, огласивъ, крести Володимера; и яко възложи руку на нь, абіе прозрѣ. Видѣвъ Володимеръ напрасное испѣленіе, и прослави Бога, рекъ: «топерво^з увѣдахъ Бога истиннаго.» Се же увидѣвше боляре его, мнози крестися. Крести же ся въ церкви святаго Іакова, и естъ церковь та стоящи среди града въ Корсуні, идѣже торгъ дѣють Корсуняне; полата же Володимерова въ краи церкви стоитъ и до сего дни, а царицина полата за олтаремъ. По крещеніи же приведе царицу на браченіе. Се же не свѣдуще право глаголють, яко крестился естъ въ Кіевѣ, иніи же рѣша въ Василевѣ; друзіи же инако скажутъ. Крещену же Владиміру, предаша ему вѣру христіанскую, ркуще сиче: «да не прелестять тебе нѣціи отъ еретикъ, но вѣруй, сиче глаголя. *За симъ см. Полное Собраніе Лѣтописей, т. I, стр. 48—50. Слова:* Вѣрую во единого Бога Отца. . . Богъ да схранитъ тя отъ сего. — Володимеръ же посемъ поемъ царицу, и Настаса^и, и попы Корсуньскыя, съ мощми святаго Климента и Фива, ученика его, и поима съсуды церковныя и иконы на благословеніе себѣ. И постави церковь въ Корсуні на горѣ, иже ссыпаша среди града, крадучи приспу, яже церкви стоитъ и до сего дни. Взя же и чѣтыри кони мѣдяны, иже и нынѣ стоятъ за святою Богородицею, якоже не вѣдуще мнѣть и^к мраморяны суща. Власть же за вѣно Грекомъ опять Корсунъ царици дѣля, а самъ прииде къ Кіеву. И повелѣ кумиры избити, овыи изсѣщи, а другыя огневи предаша; Перуна же повелѣ коневы привязати къ хвосту, и влечи съ горы по Боричеву на Ручай^л, 12 мужей пристави^м бити жезліемъ. И се же не яко древу чююще^н, но на поруганіе бѣсу, иже преліцааше симъ образомъ чловѣкы, да възмездіе прииметь отъ чловѣкѣ. Велий еси, Господи, и чюдна суть дѣла твоя! вчера чтимъ отъ чловѣкѣ, а днесъ поругаемъ. И влекому же ему по Ручаю къ Днѣпру, плакахуся его невѣрніи людіе, ещѣ бо не бяху пріяли святаго крещенія; и привлекше и винуша въ Днѣпръ. И пристави Володимеръ, рекъ^п: «аще гдѣ принесетъ вода, вы^о отрѣвѣайте его отъ берега, дондеже пороги приедетъ, тогда^р охачитесь^р его;» они же повелѣнное сѣтвориша. И яко пустиша и

а) рати • работы К. О. б) аще. . . тоже • *пропущено во всѣхъ сп. кромѣ К. О.* в) прин. • ити *прибавл. К. О.* г) въ крѣблѣ • въ кубару Б. В. Г. д) съ поклономъ • съ полкомъ Б. В. Г. е) не крестишися • только Ц. В. ж) христ. • христіанскъ Т. з) топерво • топере К. О. и) настаса • анастаса О. і) не вѣдуще мнѣть и • не вѣдуще мнѣти (и) Т. Б. Г. не вѣдущимъ мнѣти В. к) по боричеву на ручай • по боричеву мосту на ручею *поправлено другимъ почеркомъ въ Ц.* л) пристави • приставити В. приставиша *въ прочихъ сп.; см. сего изданія т. I, стр. 50.* м) чююще • чююще *вездѣ ошибок. кромѣ К. О. В.* н) рекъ • только въ К. О. о) принесетъ вода вы • прииметь и К. О. п) тогда • ти тогда *вездѣ кромѣ Ц., въ которомъ однакожъ ти зачеркнуто.* р) охачитесь • оставите К. О.

проиде пороги сквозѣ, изверже ѧ вѣтръ на рѣнь, и оттолѣ прослу Перуня рѣнь, якоже и 987 до сего дни словеть^а. Посемъ же Володимеръ посла по всему граду, глаголя: «аще кто не обрящется на рѣцѣ, богатъ, или убогъ, или нищъ, или работникъ, противенъ мнѣ да будетъ.» Се слышавше людѣ, съ радостію идяху, радующеся и глаголюще: «аще бы се не добро было, не бы сего князь и боляре пріяли.» Наутрѣ же Володимеръ изиде съ попы парицины и съ Корсуньскими на Днѣпръ, и снисдеся безъ числа^б людѣи, и влѣзоша въ воду и стояху овѣи до шѣи, а друзѣи до персей, младенци же отъ брега, а друзѣи младенци на рукахъ держаще, съвершенѣи же бродяху; попове^в же молитву творяще стояху. И бѣше видѣти радость на небеси и на земли, толико душъ спасаемыхъ, а діаволъ стѣняше глаголя: увѣ мнѣ, яко отсюду прогонимъ есмь! сдѣ бо мнѣхъ жилище себѣ имѣти, яко сдѣ не суть ученія апостольска, ни суть вѣдущѣ Бога, но веселяхся о службѣ ихъ, еже служаху мнѣ; и се уже побѣженъ есмь отъ невѣгласа^г, а не отъ Апостолъ, ни отъ мученикъ^д, не имамъ уже царствовать въ странахъ сихъ. Крестившимся людемъ, и идоша каждо въ дома своя. Володимеръ же радъ бысть, яко позна Бога самъ и людѣ его, възрѣвъ на небо и рече: «Боже, сътворивый небо и землю! призри на новыя люди сія, и дай же имъ, Господи, увѣдѣти тебе истиннаго Бога, якоже увѣдѣша страны христїаньскыя; и утверди вѣру въ шихъ праву и несовратну, и мнѣ помози, Господи, на супротивнаго врага, да надѣяся на тѣя и на твою державу^е, побѣжу козни его.» И се рекъ, повелѣ рубити церкви и поставляти по мѣстомъ, идѣже стояху кумиры; и постави^ж церковь святаго Василия на холмѣ, идѣже стояше кумиръ Перунъ и прочїи, идѣже творяху требы князь^з и людѣ; и нача ставити по градомъ церкви и попы, и люди на крещеніе^и приводити по всѣмъ градомъ и селомъ. И пославъ нача имати нарочитой чади дѣти, и даяти нача на ученіе книжное; матери же чадъ сихъ плакахуся по нихъ, еще бо не бяху ся утвердили вѣрою, но яко по мертвецѣхъ плакахуся. Симъ же раздаянымъ на ученіе книгамъ, събысться пророчество на Русьской земли, глаголющее: во оны дни услышатъ глушіи словеса книжная, яснѣ будетъ языкъ гугнивыхъ^к. Си бо не быша предѣ слышали словесъ книжныхъ, но по Божію строенію, и по своей милости помилова Богъ, якоже рече Пророкъ: помилую, его же аще помилую^л. Помилова бо ны паки банею бытія и обновленіемъ Духа^м, по изволенію Божію, а не по нашимъ дѣломъ. Благословенъ Господь Богъ Ісусъ Христосъ, иже възлюбѣ новыя люди, Русьскую землю, и просвѣти ю крещеніемъ святымъ. Тѣмъже и мы припадаемъ къ нему, глаголюще: Господи Ісусе Христе! что ти въздамы^н о всѣхъ, яже ты въздасть намъ, грѣшникомъ сущимъ? недоумѣемъ противу даромъ твоимъ въздаянія въздати; велиїи бо еси, Господи, и чюдна дѣла твоя, и величію твоему нѣсть конца, въ родъ и родъ възхваляемъ дѣла твоя^о. Ркуще съ Давыдомъ: приидѣте, възрадуемся Господеви, възкликнемъ Богу Спасу нашему, варимъ лице его въ исповѣданіи^п; исповѣдающеся ему, яко благъ и яко въ вѣки милость его, яко избавилъ ны естъ отъ врагъ нашихъ^п, рекше отъ идолъ суетныхъ. И паки рчемъ со Давыдомъ: воспойте Господеви пѣснь нову, воспойте Господеви вся земля; воспойте Господеви, благословите имя его, благовѣстите

а) и оттолѣ. . . словеть. . . якоже и до сего дни словеть перуня рѣнь К. О. б) безъ числа. безчислено Ц. в) попове. попы К. О. попови *въ прочїхъ сп.* г) отъ невѣгласа. отъ невѣгласъ К. д) ни отъ мученикъ. ни отъ ученикъ К. ни отъ чловѣкъ *ошибк.* О. е) державу. силу и державу Ц. ж) церкви. . . постави. *пропущено въ Ц.* з) идѣже твор. тр. князь. *исправлено по Лавр.; во всѣхъ сп.* же творяху требы князіе (князье). и) на крещеніе. на освященіе К. О. і) *Исаи XXXIX, 18.* к) *Исход. XXXIII, 19.* л) духа. святаго *прибавл.* Ц. См. къ Титу III, 5. м) въздамы. въздамъ *вездѣ кромѣ* К. О. н) *Псал. CXLIV, 3, 4.* о) въ исповѣданіи. исповѣданіемъ *во всѣхъ сп. кромѣ Ц.* п) *Псал. XCIV, 1, 2, и CXXXV, 1, 24.*

987 день отъ дне спасеніе Бога нашего, възвѣстите въ языцѣхъ славу его, во всѣхъ людехъ чюдеса его; яко велий Господь и хваленъ зѣло, и величію его нѣсть конца^а. Колика ти радость! ни единъ, ни два спасается^б. Рече бо Господь: яко радость бываетъ на небеси о единомъ грѣшницѣ кающемся^в; се же ни единъ, ни два, но безчисленное множество къ Богу приступиша, святымъ крещеніемъ просвѣщени. Якоже рече Пророкъ: възкроплю на вы воду чисту, и очиститесь отъ идолъ вашихъ и отъ грѣхъ вашихъ^г. И паки другой Пророкъ рече: кто яко Богъ отъемля грѣхы и преступая неправды? яко хотя и милостивъ есть; той^д обратитъ и ущедритъ ны, и погрузитъ грѣхы наша въ глубинѣ^е. Ибо Павелъ глаголетъ: братіе! елико насъ крестися^ж во Христа Ісуса, въ смерть его крестихомся и погребохомся убо съ нимъ крещеніемъ въ смерть; да якоже вѣста Христосъ отъ мертвыхъ съ славою отчею, такоже и мы въ обновленіе житія поидемъ^з. И паки: ветхая мимоидоша, а се быша новая^и; нынѣ приближися намъ спасеніе, ношъ успе, а день приближися^і; имъ же приведеніе обрѣтохомъ вѣрою въ благодать сію, имъ же хвалимся и стоимъ^к; нынѣ же свободившеся отъ грѣха, поработившеся Господеву, имате плодъ вашъ въ освященіе^л. Тѣмъ же должны есмы работати Господеву, радуящеся ему; рече бо Давыдъ: работайте Господеву со страхомъ и радуйтеся ему съ трепетомъ^м. Мы же^н взопіемъ ко Господу Богу нашему, глаголюще: благословенъ Богъ^о, иже не дастъ насъ въ ловитву зубомъ ихъ; сѣтъ скрушися, и мы избавлени быхомъ^п отъ прелести діаволя. И погыбе память его^р съ шюмомъ, Господь възвѣки пребываетъ^с, хвалимъ отъ Русьскихъ сыновъ, пѣваемъ въ Троици; а демони проклинаеми отъ вѣрныхъ мужъ и отъ благовѣрныхъ женъ, иже пріяли суть крещеніе и покаяніе въ отпущеніе грѣхомъ, новые люди христіаньстїи, избранїи Богомъ. — Володимеръ просвѣщенъ самъ, и сынове его, и земля его. Бѣ бо у него сыновъ 12: Вышеславъ, Изяславъ, Святополкъ, Ярославъ, Всеволодъ, Святославъ, Мъстиславъ, Борисъ, Глѣбъ, Станиславъ, Позвиздъ, Судиславъ^т. И посади Вышеслава въ Новѣгородъ, а Изяслава въ Полоцьскѣ, Святополка въ Туровѣ, Ярослава въ Ростовѣ; умершю же старѣйшему Вышеславу въ Новѣгородѣ, и посади Ярослава въ Новѣгородъ, а Бориса въ Ростовъ, а Глѣба въ Муромѣ, Святослава въ Деревѣхъ, Всеволода въ Володимери, Мъстислава Тмуторокани, Станислава въ Смоленську, Судислава въ Плесковѣ. И рече Володимеръ: «се не добро, еже мало городовъ около Кіева.» И нача ставити грады^у по Деснѣ, и по Остри, и по Трубежеви, по Сулѣ, и по Въстугнѣ; нача нарубати^ф мужи лучшіе^х отъ Словѣнъ, и отъ Кривичъ, отъ Чюди, и отъ Вятичъ, и отъ сихъ насели грады; бѣ бо рать отъ Печенѣгъ, и бѣ воюяся съ ними и одолѣвая ихъ. Того же лѣта постави князь Володимеръ, въ Кіевѣ, первую церковь святаго Георгія ноябрю въ 26. И пришедъ изъ Кіева въ Смоленскую^ч землю, постави градъ въ свое имя Володимеръ, и спомъ осыпа, и церковь святую Богородицю сборную древяну постави, и вси люди крестивъ Русьскыя и намѣстницы^ш.

а) Псал. XCV, 1 — 4. б) спасается. спасаются К. О. в) Луки XV, 7. г) Іезек. XXXVI, 25. д) той. то во всѣхъ сп. кромъ Ц. К. е) Мих. VII, 48, 49. ж) крестися. крестышася К. О. з) Къ Римл. VI, 3, 4. и) 2 къ Коринѣ. V, 47. і) Къ Римл. XIII, 11, 12. к) Тамъ же V, 2. л) Тамъ же VI, 22. м) Псал. II, 41. н) мы же. мы бо въ прочихъ сп. кромъ Ц. К. О. о) богъ. нашъ прибавл. Ц. п) Псал. CXXIII, 6, 7. р) его. ихъ вездѣ кромъ В. с) Псал. IX, 7, 8. т) судисл. — пропущено въ В. у) мало гор. — малъ городъ еже К. О. ф) грады. — пропущено въ Т. х) наруб. порубати Ц. ц) лучшіе. лучшими К. О. ч) въ смоленскую. — такъ было и въ Ц., но потомъ другимъ современнѣмъ же почеркомъ поправлено въ суздальскую. Въ томъ же спискѣ противъ сего мѣста отмѣчено на поляхъ: въ лѣто 6498. ш) намѣстницы. по всей земли прибавлено на поляхъ въ Ц.: здѣсь, кажется, недостаетъ слова постави.

Въ лѣто 6499. Крестився Володимеръ, и взя у Фотія патріарха у Царьградскаго перваго^а 991
митрополита Кіеву Леона, а Новугороду архіепискупа Якима^б Корсунянина, а по инѣмъ^{—93}
градомъ епискупы и попы и діаконы, иже крестisha всю землю Русьскую; и бысть радость
всюду. И приде къ Новугороду архіепискупъ Якимъ, и требища разори, и Перуна постѣ
и повелѣ въврещи^в въ Волховъ. И повязавше^г ѹжи, влечаютъ ѹ по калу, біюще жезліемъ и
пихающе, и въ то время вшелъ бѣ въ Перуна бѣсъ, и нача кричати^д: о горе, охъ мнѣ!
достался немилостивымъ симъ рукамъ; и вринуша его въ Волховъ. Онъ же плыва сквозѣ
великій мостъ, верже палицю свою и рече: на семъ мя поминають Новгородскыя дѣти^е,
еюже и нынѣ безумніи убивающесея, утѣху творять бѣсомъ. И заповѣда никомуже нигдѣже
переняти его; иде Пидьблянинъ^ж рано^з на рѣку, хотя горнеци^и везти въ городъ, оли Пе-
рунъ приплы къ берви, и отрину ѹ шестомъ: «ты, рече, Перунище^і, до сыти еси ѣлъ и
пилъ, а нынча поплыви прочъ;» плы изъ свѣта некошное^к. — Посемъ же Володимеръ жи-
вѣше въ законѣ христіаньствѣмъ, помысли создати церковь свѣтыя Богородица, и пославъ
приведе мастера отъ Грекъ. Наченшю же злати, яко ѹ^л сконча зижда, украси ю честными
иконами, и поручи ю Анастасу іерею Корсунянину, и попы Корсунскія пристави служити
ей, и дасть ту все еже бѣ взялъ въ Корсуни, иконы, и съсуды, и кресты.

Въ лѣто 6500^м. Володимеръ заложилъ Бѣлгородъ, и наруби въ онъ отъ иныхъ городовъ,
и много людій свде въ онъ; бѣ бо любя градъ сей^н.

Въ лѣто 6501. Иде Володимеръ на Хорваты. Пришедшю же ему съ войны Хорватскыя,
и се Печенѣзи придоша по оной сторонѣ отъ Сулы; Володимеръ же поиде противу имъ, и
срѣте я на Трубежи на броду, гдѣ нынѣ Переяславль. И ста Володимеръ на сей странѣ, а
Печенѣзи на оной странѣ, и не смѣяху си на ону сторону, ни они на сю сторону. И приѣха
князь Печенѣжскый къ рѣцѣ, и возва Володимера, рече ему: «выпусти свой мужъ, а язъ
свой, да ся борета; да аще твой мужъ ударитъ моимъ, да не воюемъ за 3 лѣта, аще ли
нашъ мужъ ударитъ твоимъ, да воюемъ за 3 лѣта;» и разидошася разно. Володимеръ же
приде въ товары, и посла биричи^о по товаромъ, глаголя: «нѣту ли такового мужа, иже бы
ся нялъ съ Печенѣжиномъ?» и не обрѣтесе никтоже. И заутра приѣхаша Печенѣзи и свой
мужъ приведоша, а въ нашихъ не бысть. Поча тужити Володимеръ, посылая по всѣмъ воємъ,
и приде единъ старъ мужъ ко князю и рече ему: «княже! есть у мене единъ сынъ дома
меншій, а съ четырьми есмь вышелъ, а онъ дома; отъ дѣтства бо его нѣсть кто имъ уда-
ривалъ: единою бо ми ся сварящю на нь, оному же мнущю кожо, разгнѣвався на мя,
расторже^п кожо надвое руками.» Князь же се слышавъ^р радъ бысть, посла по нь, и при-
ведоша ѹ ко князю, и князь повѣда ему все; онъ же рече: «могу ли и самъ не вѣдаю, да
искусите мя: нѣту ли вола велика и силна?» И налѣзоша волъ великъ и силенъ^с, и повелѣ
раздражити вола; и възложиша^т на нь желѣза горяща, и пустиша вола, и побѣже волъ мимо

а) перваго • единаго К. О. б) якима • іакима (жима) различно во всѣхъ сп. в) въврещи • влещи и К. О.
г) и повязавше • см. сего изданія т. III, стр. 207; во всѣхъ сп. и поверзавше. д) и нача кричати •
пропущено во всѣхъ сп.; прибавлено изъ Новг. третьей Лѣт., помѣщенной въ сѣмъ изданіи. е) верже. . .
дѣти • нѣтъ въ Т. К. О. В. ж) пидьбл. • видьбл. вездѣ кромѣ К. О. з) рано • порану Ц. Б. и) горнеци •
горницы Б. О. горници К. і) перунище • см. т. I, стр. 207; во всѣхъ сп. перунище. к) изъ свѣта
некошное • и со свѣта вкошный (вокошныи) Б. В. Г. (со) свѣта окошное К. О.: вездѣ испорчено.
л) яко и • и яко К. О. В. м) въ л. 6500 • нѣтъ въ К. О. н) сей • ось вездѣ кромѣ В. о) биричи • исправлено
по Лавр. (т. I, стр. 52); во всѣхъ сп. беренѣдичи (бернедичи). п) расторже • преторже К. О. р) се
слышавъ • пропущено въ Т. с) и налѣзоша. . . силенъ • пропущено въ К. О. т) възложиша • възложити В.
възложи въ прочихъ сп.

993 его, и похвати вола рукою за бокъ, и вырва кожу съ мясы^а, елико ему рука зая; и рече —⁹⁶ ему Володимерь: «можеш^б ся съ нимъ бороти.» И наутрѣя придоша Печенѣзи и почаша звати: «нѣсть ли мужа? се нашъ готовъ стоять.» Володимерь же повелѣ тое нощи облещися въ оружіе; и приступиша къ рѣцѣ обом. И выпустиша Печенѣзи мужъ свой, бѣ бо великъ вѣло и страшень; выпусти же Володимерь и свой мужъ, и узрѣ и Печенѣжанинъ и посмѣлся, бѣ бо средній тѣломъ. И размѣривше межи обѣма полкома, и пустиша я къ себѣ, и ястася и почаста ся крѣпко брати, и удави Печенѣжанина въ руку до смерти и удари имъ о землю; и кликнуша, и Печенѣзи побѣгоша^в, а Русь погнаша по нихъ, сѣкуще и^г. Володимерь же радъ бысть, и заложилъ городъ на броду томъ и нарече имя ему Переяславль, зане прѣя славу отрокъ той^д. Володимерь же великимъ мужемъ сѣтвори его и отца его; и възвратися въ Кіевъ съ побѣдою и славою великою.

Въ лѣто 6504^е. Володимерь видѣвъ церковь свершену и вшедъ въ ню, помолися Богу, глаголя: «Господи Боже! призри съ небеси и вижь, посѣти винограда своего, и сверши яже насади десница твоя^ж, новыя люди сія, имъ же^з обратилъ еси сердце въ разумъ, познати тебе истиннаго Бога; призри на церковь твою сію, юже создахъ недостойный рабъ твой, во имя рождающая тя Матере и Приснодѣвныя Богородица; да аще кто помолится въ церкви сей, то услыши, Господи, молитву его и отпусти грѣхы его, молитвы ради пречистыя Богородица.» Помолившюся ему, рекъ сиче: «даю церкви Божіей и всесвятѣй Богородици отъ имѣнія моего и отъ градовъ моихъ десятую часть.» И положи написавъ клятву въ церкви сей, рекъ: «аще кто^н сего посудитъ, да будетъ проклятъ.» И вѣласть десятину Анастасу Корсунянину; сѣтвори же праздникъ великъ въ той^и день боляромъ и старцемъ людскимъ, и убогимъ раздая имѣніе много. По сихъ же придоша Печенѣзи къ Василеву, и Володимерь съ малыми людьми изиде противу, и не могъ Володимерь стати противу имъ, подбѣгъ ста^к подъ мостомъ, одва укрыся отъ противныхъ; и тогда общася Володимерь поставити церковь въ Василевѣ святаго Спаса Преображеніе, бѣ бо въ той день Преображеніе Господне, егда си бысть сѣча. Избывъ же^л сего, и постави церковь, и сѣтвори праздникъ великъ, варя 300 берковскихъ меду, сѣзва боляры своя, и посадники, и старѣйшины по всѣмъ градомъ, люди многи, и раздая убогимъ 300 гривенъ. И празднова князь дній 8, и възвратися къ Кіеву на Успеніе святаго Богородици, и ту сѣтвори праздникъ великъ, сѣзывая безчисленное множество народа. Видѣвъ же^м людие христіяны суща, радовашеся душею и тѣломъ, и тако по вся лѣта творяше. Бѣ бо любя словеса книжная Володимерь, слыша бо Евангеліе чтомо: блаженіи милостивіи, яко ти помиловани будутъ^н; и паки: продайте имѣнія ваша и дайте^о нищимъ^п; и паки: не скрываете себѣ скровища на земли, идѣже тля тлѣть и татіе подкопываютъ^р, но скрываете себѣ скровища на небесѣхъ, идѣже ни тля тлѣть, ни татіе не подкопываютъ, ни крадутъ^с. И Давыда глаголюща: «блаженъ мужъ милуя и дая. Соломона же

а) съ мясы — съ мясомъ К. О. б) можеша — можеша бо *вездѣ кромѣ* К. О. в) и кликнуша . . . побѣгоша — и кликнуша печенѣзи и побѣгоша Ц. г) и . . . а К. О. д) прѣя . . . той — прѣя славу отрокъ отъ Т. Б. Г. имя отроку тому переяславъ Ц. е) въ л. 6504. *нѣтъ въ* О. ж) *Псал. LXXIX, 15, 16.* з) имъ же — образомъ *прибавлено неправильно въ* Т. Б. В. Г. и) кто — *пропущено во всѣхъ сп. кромѣ* К. О. i) въ той — въ тѣ такъ и ниже Т. въ тотъ Б. В. Г. к) подбѣгъ ста — подбѣгоста *ошибк.* Т. л) избывъ же — избывше Т. Ц. Б. Г. избывъ же владимерь К. О. м) видѣвъ же — видѣвши *въ прочихъ сп. кромѣ* К. О. В. н) *Матѣ. V, 7.* о) дайте — дадите К. О. п) *Луки XII, 33.* р) подкопываютъ — подкопають Т. Ц. подкопываютъ ни крадутъ В. на земли . . . подкопываютъ — *пропущено въ* Б. Г. с) *Матѣ. VI, 19, 20.*

слыша глаголюща^а: въздавай^б нищему, Богу възаетъ^в дасть^г. Си слышавъ, повелѣ всякому⁹⁸⁶ нищему и убогому приходити на княжъ дворъ и взимати всяку потребу, питіе и яденіе, и отъ скотникъ кунами. Устрой же се, рекъ: «яко немощни и болніи^д не могутъ дойти двора моего.» Повелѣ пристроити кола; и въскладше хлѣбы, и мяса, и рыбы и овошіе различное^е, медъ въ бочкахъ, а въ другихъ квасъ, возити повелѣ по граду и въпросити^ж: «гдѣ болни и нищии, не могѣ^з ходити?» и тѣмъ раздавахуть на потребу. Се же ему творящю^и людемъ своимъ по вся недѣля, устави на дворѣ въ гридницѣ пиръ творити боляромъ, и гридемъ, и сотьскимъ, и десятскимъ^и, нарочитымъ людемъ, при князи и безъ князя: бываше на обѣдѣ томъ множество отъ мясъ, отъ скота^к и отъ звѣрины, и бѣ по изобилію всего. Егда же подпѣхуться^л, начинаху^м роптати на князя^н, глаголюще: «зло есть нашимъ головамъ, ясти дрянными лжицами, а не серебряными.» И се слышавъ Володимеръ, повелѣ исковати лжицы серебряны, и повелѣ ясти людемъ, рекъ сице: «яко серебромъ и златомъ не имамъ налѣзти людей, а съ людьми добуду злато и серебро, якоже дѣдъ мой и отецъ мой доискахуся людьми злата и серебра.» Бѣ бо Володимеръ любя люди, и думая съ ними о устроеніи земномъ, и о ратѣхъ, и о сѣставѣ земнѣмъ^о; и бѣ живя со князи околними его миромъ, съ Болеславомъ Ляцкимъ, и Стефаномъ Угорскимъ, и съ Андрихомъ Чесьскимъ, и бѣ миръ межи ими и любовь. И живяше Володимеръ въ страсъ Божіи, и умножишася разбоеве, и рѣша епискупи Володимеру: «се умножишася разбойници; почто не казниши ихъ?» Онъ же рече имъ: «боюся грѣха.» Они же рѣша ему: «ты поставленъ еси отъ Бога на казню злымъ, а добрымъ на милованіе; достоинъ ти казнити разбойници, но съ испытаніемъ.» Володимеръ же отвергъ виры, нача казнити разбойники, и рѣша епискупи и старци: «ратъ многа; оже вира, то на оружїи и на конѣхъ буди.» И живяше Владимиръ по устроенію отечью^п и дѣдню.

Въ лѣто 6505. Володимеру же шедшу къ Новугороду по верховнѣи вои на Печенѣги, бѣ бо рать велика зѣло, въ се время увѣдавшѣ Печенѣзи, яко князя иѣтъ, придоша и стаха около Бѣлагорода. И не дадаху вылѣзти изъ града, и бѣ^р гладъ великъ въ градѣ, и не бѣ^з Володимеру помощі, не бѣ бо вой у него, Печенѣгъ же множество. И удолжися^с остоя въ градѣ, и бѣ^р гладъ великъ, и сѣтвориша вѣчъ въ градѣ^с, рекоша: «се уже хожемъ помрети отъ глада, а отъ князя помощи нѣтъ; да лучше ли ны помрети? владимся Печенѣгомъ, кто живъ будетъ, или мертвъ; уже бо помираемъ отъ глада;» и тако сѣвѣтъ^т сѣтвориша. Бѣ бо единъ старецъ не былъ на вѣчѣ томъ, и впрое: «что ради вѣчъ было?» и людіе повѣдаша ему, яко утрѣ хотять предатися Печенѣгомъ. Се же слышавъ, посла по старѣйшины по градскыя, и рече имъ: «слышахъ, яко хотите ся предати Печенѣгомъ;» они же рѣша^у: «не стерпятъ людіе глада.» И рече имъ: «послушайте мене и не предайтесь за 3 дни, а язъ

а) блаженъ . . . глаголюща . *пропущено въ Т. См. Псал. СХІ, 5.* б) въздавай . дай В. въздай (воздай) *въ прочихъ сп. кромѣ К. О.* в) възаетъ . възаймы О. г) *За симъ находящїяся выше слова избытъ же владимиръ сего въ К. О. написаны здѣсь не на своемъ мѣстѣ. См. Притч. Солом. ХІХ, 17.* д) болніи . иже прибавлено безъ нужды во *всѣхъ сп. кромѣ К. О.* е) овошіе разл. . овошь различный К. О. ж) возити . . . въпросити . возити по граду въпрашающимъ К. О. з) болни . . . не могѣ . гдѣ боли и нищи, не могли Ц. Б. Г. гдѣ боли и нищи и не могли К. О. и) ему творящю . паки творя(а)ше К. О. ему творяше *неправильно въ прочихъ сп. кромѣ Ц.* і) и дес. . *пропущено въ К. О.* к) отъ ск. . и отъ скота Т. л) подпѣхуться . подопѣхут(ь)ся Ц. Б. В. Г. м) начинаху . начинахуть Ц. Б. В. Г. начяху К. О. н) на князя . на князь Б. К. В. Г. о) и о ратѣхъ . . . земнѣмъ . *пропущено въ К. О.* п) отечью . отчю Б. Г. р) бѣ . *недостаетъ въ Т. с)* и не бѣ^з . . въ градѣ . *пропущено въ В. и бѣ^р гладъ . . въ градѣ тоже въ Б. Г.* т) и тако сѣвѣтъ . и бѣ тако Т. у) они же рѣша . *пропущено во всѣхъ сп.; см. Лавр. (т. I, стр. 55).*

997 что вы велю, творите.» Они же ради обѣщашася сѣтворити, и рече имъ^а: «сберѣте ктоже
 1015 отъ себе^б по горсти овса, или пшеницы, или отрубъ;» они же шедше ради снискаша^в. И
 повелѣ женамъ створити цѣжъ, въ немъ же варять кисель, и повелѣ ископати кладязь, и
 въставить въ кладязь кадъ и наліати цѣжа, и повелѣ ископати другой кладязь, и въставить
 тамо другую кадъ. И повелѣ искати меду, они же шедше принесоша лукно меду^г, бѣ бо
 погребено въ земли въ княжей медуши; и повелѣ разсытити велми и воліати въ кладязь.
 Утро же послаша по Печенѣги; и граждане рѣша Печенѣгомъ: «поймѣте къ себѣ таль нашу,
 а вы поидѣте до десяти мужъ въ градъ нашъ, да видите, что ся дѣеть въ градѣ нашемъ?»
 Печенѣзи же ради бывше, мняще яко предатися хотять, пояша у нихъ тали, и сами избраша
 лучшіи мужи въ родѣхъ, и послаша въ градъ, да розглядають, что ся дѣеть въ градѣ. И
 приидоша въ градъ, и ркоша имъ людіе: «почто губите себе? коли можете перестояти насъ?
 аще стоите за 10 лѣтъ, что можете сѣтворити намъ? имѣемъ бо кормлю отъ земли; аще ли
 вѣры не имете, да се узрите своимъ очима.» И привелоша ихъ ко кладязю, идѣже цѣжъ, и
 почерпоша ведромъ и ліяху въ ладкы^д: и яко сѣвариша кисель, и поемше ихъ привелоша^е къ
 другому кладязю, и почерпоша сыты, и начаша ясти перво сами, потомъ же^ж и Печенѣзи.
 И удивившася, и ркоша: «не имуть вѣры сему наши князи, аще не ялятъ сами.» Людіе же
 наліяша корчагу цѣжа и сыты отъ кладязя, и вдаша Печенѣгомъ; они же шедше исповѣ-
 даша вся бывшая. И варивше и ядоша князи Печенѣжскыя, и подивившася, и поимше тали
 своя, а онѣхъ пустивше, идоша отъ града въсвояси.

Въ лѣто 6506. Въ лѣто 6507. Въ лѣто 6508. Въ лѣто 6509. Преставися Изяславъ князь
 Володимировичъ^з.

Въ лѣто 6510. Въ лѣто 6511. Въ лѣто 6512. Въ лѣто 6513. Въ лѣто 6514. Въ лѣто 6515.
 Въ лѣто 6516. Въ лѣто 6517. Въ лѣто 6518. Въ лѣто 6519. Преставися Анна царица.

Въ лѣто 6520. Въ лѣто 6521. Въ лѣто 6522. Ярославъ сущю въ Новѣгородѣ, и урокомъ
 дающе къ Кіеву 2000 гривень отъ года и до года, 1000 Новугороду гриденемъ^и раздавааху:
 тако даяху вси посадници, а Ярославъ сего не даяше¹ отцю своему. И рече Володимеръ:
 «требите путь и мосты мостите», хотяшеть бо ити на Ярослава, сына своего, но раз-
 болѣся.

Въ лѣто 6523. Хотящю ити Володимеру на Ярослава, Ярославъ же посла за море и
 приведе Варяги, бояся отца своего: но Богъ не дастъ діаволу радости. Володимеръ же раз-
 болѣся, въ то же время бѣ у него Борисъ; Печенѣгомъ же идущимъ на Русь, посла противу
 имъ Бориса, самъ бо боляше велми^к, въ нейже болѣзни и скончася въ Берестовѣ, мѣсяца
 іуля въ 15 день. И потаиша ѿ, бѣ бо Святополкъ въ Кіевѣ; въ ночь же межи клѣтми
 проимаша помость, въ коверъ опрыташа, и ужи сѣвѣсиша на землю, и възложиша ѿ на сани,
 везше ѿ поставиша въ святѣй Богородици. Се же увѣдавшие людіе, безчислено¹ снідошася; и
 вложиша ѿ въ гробъ мраморенъ, и съхраниша тѣло его съ плачемъ блаженнаго великаго
 князя Владимира. Сей есть новыи Коньстантинъ великаго Рима, иже крестився самъ и люди
 своя крести: тако и сей сѣтвори подобно ему. Аще бо бѣ и преже въ поганствѣ на скверную

а) и рече имъ. *имѣтъ въ К. О.* б) отъ себе. *отъ васъ К. О.* в) ради сниск. снискаша ради Т. г) варять
 кисель. . . меду; *амѣсто сего въ К. О. только слѣдующія слова:* и наліати цѣжа кадъ, и повелѣ искати
 меду, и постави другую кадъ; они же шедше взяша меду лукно. д) въ ладкы. въ кадкы Ц. е) привелоша.
 приидоша Ц. Б. В. Г. ж) потомъ же. сами *прибавл. Т. а)* въ л. 6506. . . володимировичъ. *имѣтъ въ К. О.*
 и) гриденемъ. гридемъ К. О. і) не даяше. кіеву *прибавлено вездѣ кромѣ Т. к)* велми. добръ О.
 л) безчислено. безъ числа К. О.

похоть желая, но послѣже прилежааше къ покаянію, якоже Апостолъ вѣщае: идѣже умно-1015
жися грѣхъ, ту изобилуется благодать^а. Аще бо въ невѣжествѣ етера согрѣшенія быша,
послѣже разсыпашася покаяніемъ и милостынями^б, яже глаголетъ: въ немъ же ты застану,
въ томъ ти сужу. Якоже Пророкъ глаголетъ: живу азъ, глаголетъ Аданаи Господь, яко не
хочю смерти грѣшникомъ, но обратитися имъ отъ пути своего^в злаго^г. Мнози бо праведніи
творяще по правдѣ и^д живуще, погибають^е. Дивно же се есть, колико сътвори добра Русь-
ской земли, крестивъ ю. Мы же, хрестіане суще, не въздаемъ почестія противу оному възда-
нію. Аще бо онъ не крестилъ бы насъ, то и нынѣ быхомъ были въ прелести діаволи, яко-
же и прародители наши погибнуша. Да аще быхомъ имѣли потщаніе и молбу приносили
Богу за нь, въ день преставленія его, видя бы Богъ тѣхъ наше къ нему, прославилъ бы
и^ж: намъ бо достоитъ молити Бога за нь, понеже тѣмъ Бога познахомъ. Но дай же, Господи,
по сердцю твоему, вся прошенія твоя исполни, иже^з желаше царствія небеснаго: дасть же
ти Господь^и вѣнецъ съ праведными, въ пищи райстѣй веселіе и ликостояніе со Авраамомъ
и съ прочими патріархы; якоже Соломонъ рече: умершю мужю праведну, не погибаетъ упо-
ваніе^и. Сего бо^к въ память держать Русьстїи людіе, поминающе святое крещеніе, и прослав-
ляютъ Бога въ молитвахъ и пѣснѣхъ и^д въ псалмѣхъ, поюще Господеви новїи людіе, про-
свѣщени святымъ крещеніемъ и^и святымъ Духомъ, чающе надежи великаго Бога Спаса на-
шего Ісуса Христа, въздати комуждо противу трудомъ неизреченную милость^н, юже буди
улучити всѣмъ хрестіаномъ.

Увѣненіе Бориса князя. Святополкъ сѣде въ Кіевѣ по отцѣ, и призва Кіянны, и многи
дары имъ раздая, и отпусти я. Посла^о же къ Борису, глаголя: «брате! хочю съ тобою
любовь имѣти, и ко отню ти придамъ;» лестно, а не истинно глаголаше. И пришедъ къ
Вышегороду въ ночь отай, призва Путшу и Вышегородскыя бояре, и рече имъ: «повѣйте
ми по истиннѣ, прїязньство имѣете ли ко мнѣ?» Путша рече: «вси мы можемъ головы своя
положити за тя.» Видѣвъ же діаволъ, искони ненавидѣя добра чловѣку, яко всю надежу
свою на Господа положилъ есть святой Борисъ, начатъ подвижнѣ^п бывати и обрѣтъ, яко-
же и Каина на братоубійство горяща, такоже и Святополка, по истиннѣ втораго Каина, улови
мысль его, яко да избіетъ наслѣдники вся отца своего, и самъ прїиметъ всю власть единъ.
Тогда призва къ себѣ окаанный, проклятый Святополкъ свѣтники своя всему злу и начал-
ники всея неправды, и отверзъ прескверная^р уста, и испусти злый свой гласъ, рече Пут-
шинѣ чади: «аще убо обѣщастся главы своя положити за мя, шедше, братіе моя, да гдѣ
обрящете брата моего Бориса, исмотривше времени убійте его;» и обѣщашася^с ему тако
сътворити. О таковыхъ Пророкъ рече: скоріи суть проліяти кровь безъ правды; сіи бо
объщаются^т крови, и собирають себѣ злая; сихъ путіе суть собирають^у беззаконіе, нечестіемъ
бо свою душу объемлють^ф. Блаженный же Борисъ, якоже ся бѣше воротилъ, и сталъ на

а) Къ Римл. V; 20. б) милост. • многими прибавл. В. в) своего • во всѣхъ сп. вашего; см. Лавр. (т. I, стр. 56). г) Іезек. XXXIII, 11. д) и • только въ Ц. е) мнози бо . . . погибають; • сіе мѣсто полнѣе читается въ Лавр. (т. I, стр. 56). ж) прославилъ бы и • прославилъ ны и Ц. прославилъ бы въ прочихъ сп. кромѣ Б. Г. з) иже • только и вездѣ кромѣ Т. и) дасть же ти господь • дай же ти господи К. О. В. і) Притч. Солом. XI, 7. к) сего бо • се бо вездѣ кромѣ Т. К. О. л) и • только въ В. м) св. крещеніемъ и • нѣтъ въ Б. Г. н) милость • радость К. О. о) посла • пославъ вездѣ кромѣ К. О. В. п) подвижнѣ • подвижніе Т. Б. Г. подвиженіе Ц. р) прескверная • прескверненная Т. с) обѣщашася • обѣщася во всѣхъ сп. ошибк. кромѣ Ц. т) обѣщаются • поправлено по Лавр. (т. I, стр. 57); во всѣхъ сп. обѣщаваются. у) собирають • собирающе К. О. ф) Притч. Солом. I, 16—19.

1015 Алтѣ^а шатры; и рѣша ему дружина: «пойди и сяди въ Кіевѣ на столѣ отца своего, се бо вси въ руку твою суть.» Онъ же къ нимъ отвѣщаваше рече: «не буди ми то^б взяти руки на брата своего, еще же на старѣйшаго, егоже быхъ имѣлъ яко и отца.» Се слышавше вси, и разошася отъ него, а самъ оста токмо со отроки своими. Быше въ день суботный^в въ тузѣ и печали^г, съкрушенымъ сердцемъ^д, а душею радостною, жалостно гласъ свой испущаше: «слезъ моихъ не презри, Владыко! да якоже уповаю на тя, тако да съ твоими рабы приму часть и жребій съ всѣми святыми твоими, яко ты еси Богъ милостивъ и тебѣ славу всылаемъ, Отцю и Сыну и святому Духу вѣѣки, аминь.» Помышляше же мученіе и страсть святаго Никиты и святаго Вячеслава, подобно же сему убіену сущю, и како святѣй Варварѣ свой отецъ убійца бысть; и помышляше слово премудраго Соломона: праведници вѣѣки живутъ, отъ Господа мзда имъ и строеніе отъ Вышняго^е. О семъ словеси токмо утѣшашеся. Тече бысть вечеръ, и повелѣ пѣти вечернюю, а самъ влѣзъ въ шатеръ, нача творити молитву вечернюю, слезами горкими и частымъ вздыханіемъ и стenanіемъ многымъ. По сихъ же леже спати, и быше сонъ его въ многѣй мысли и въ печали крѣпчѣй, страшнѣй, како предатися на страсть и како пострадати, и теченіе скончати, и вѣру съблюсти, яко да неишадимый^ж вѣнецъ приметъ отъ руки Вседержителя. И възбнувъ рано, и видѣ, яко годъ утрени есть, бѣ же въ святую недѣлю, и рече къ презвитеру своему: «въстани, начини утреннюю;» самъ же обувъ нозѣ свои и умывъ лице свое, начатъ молитися къ Господу Богу. Послании же придоша отъ Святополка на Алто^з въ ночь, и подступиша близъ шатра, и слышаша бѣженнаго гласъ страстотерпца, поюща псалмъ заутреніи. Быше же ему вѣсть о убіеніи его^и, и начатъ пѣти: Господи! что ся умножиша^к стужающіи ми? мнози всташа на мя^л; и прочая псалма того. И нача пѣти^д Псалтырь, глаголя: яко обыдоша мя пси мнози и унци тучніи одержаша мя^м; и паки: Господи Боже мой! на тя уповахъ, спаси мя^н; тече посемъ канонъ. И кончавшю ему утреннюю, начатъ молитися, зря ко иконѣ Господни: «Господи Ісусе Христе! иже симъ образомъ явился на земли, изволивый своею волею пригвоздитися на крестѣ, и примъ страсть грѣхъ ради нашихъ, и сподоби мя тако пріяти страсть.» И яко услышаше топотъ золь около шатра, и трепетенъ бывъ, нача слезы испущати отъ очію своею, и глаголаше: «слава ти, Господи, яко о всемъ томъ сподобилъ мя еси, зависти ради, пріяти горкую смерть, и все пострадати любви ради словесе твоего; не въскотѣхъ бо себе самъ взыскати, ничтоже себе изволихъ по Апостолу: любы терпѣть, всему вѣру емлетъ, не ищетъ своихъ си^о, и паки: въ боязни любви нѣсть, но свершенная любовь^п вонъ изъмещетъ страхъ^р; тѣмже, Владыко, душа моя въ руку твою воину^с, яко закона твоего не забыхъ: яко Господу годѣ, тако и бысть.» И яко узрѣ прозвитель его и отрокъ, еже служаше предъ нимъ, господина своего дряхла и печалію оболіяна суща зѣло, расплакастася и глаголаста: «милый наю господине драгый! коликой благодати сподобленъ бысть, яко не въскотѣ противитися брату своему, любви ради Христовы, колико воя держа въ руку свою!» И си рекша умилистася, и абіе узрѣста текущихъ къ шатру, блистанія оружія, мечное

а) на алтѣ на лтѣ О. на тлѣ *ошибк.* К. б) то того К. О. в) суб. (и) *блше прибавл.* К. О. г) печали и скорби *прибавл.* Ц. д) сердцемъ. влѣзъ въ шатеръ свой и плакашеся съкрушенымъ сердцемъ *прибавл.* К. О. е) *Прем. Солом. V, 15.* ж) неишадимый. ишадимый *вездѣ кромѣ* Т. з) на алто на лто Т. К. О. и) поюща. . . его *недостаетъ въ* О. i) умножиша. умножишася Т. Ц. К. О. к) *Псал. III, 2.* л) господи что ся . . . пѣти. *пропущено въ* Б. Г. м) *Псал. XXI, 13, 17.* н) *Псал. VII, 2.* о) 1 къ *Коринѣ. XIII, 5. 7.* п) любовь. любы К. О. р) 1 *Іоанн. IV, 18.* с) воину. выпу К. О. В.

оцѣщеніе^а. Безъ милости прободено^б бысть честное и многомилостивное тѣло святаго бла-1015
женнаго страстотерпца Христова Бориса: насунуша копіи Путша, и Талець, и Оловичь,
Ляшко. Видѣвъ же отрокъ его се, вержеса на тѣло его, рекый: «да не остану тебе, госпо-
дине мой драгый; да идѣже красота тѣла твоего увядаетъ, ту и азъ сподобленъ буду жи-
вотъ свой скончати.» Бяше же сей бѣ родомъ Угринъ, именемъ Георгій, бяше бо възложилъ
на нь гривну злату, и бѣ любимъ Борисомъ паче мѣры; ту же и того прободоша. Святый же
Борисъ яко бысть ураненъ, искочи изъ шатра въ оторопѣ, и начаша глаголати стоящій^в округъ
его: «что стоите зряще? приступльше скончаемъ^г повелѣнное намъ.» Си же слышавъ бла-
женный, нача молитися имъ и милъ ся дѣяти, глагола имъ: «братіе моя милая! мало ми
время пождите, и да помолюся Богу моему.» И възрѣвъ на небо съ слезами и горцѣ въздох-
нувъ, нача молитися сицевыми глаголы: «Господи Ісусе Христе, Боже милостивый, и пре-
многомилостивый Владыко! слава ти яко сподобилъ мя еси отъ прелести житія сего лестви-
наго отъйти; слава ти, прещедрый Живодавче, яко сподоби мя труда святыхъ ти мученикъ;
слава ти, Владыко чловѣколюбче, сподобивый мя скончати хотѣніе сердца моего; слава ти^д,
Христе, многому милосердію, иже направивый на правый путь мирныя^е ноги моя^ж, текуща^з
къ тебѣ безъ соблазна; призри съ высоты святыя твоея и вижь болѣзнь сердца моего, еже
пріяхъ отъ сродника моего, яко тебе ради умерщвляемы есмы весь день, вмѣниша мя яко
овца въ снѣдъ^и. Вѣси бо, Господи мой, вѣси, яко не противлюся, ни впрекы глаголю^и;
имый въ руку мою вся воя отца моего и вся любимая отцемъ моимъ, ничтоже умыслихъ
противу брату моему, онъ же елико възможе и въздвиже на мя; да аще бы ми врагъ поно-
силъ, претерпѣлъ убо быхъ отъ него, и аще бы ненавидѣлъ мене на мя велерѣчевалъ, укрылся
убо быхъ^к. Но ты, Господи, вижь и суди межи мною и межи братомъ моимъ, и не постави
имъ грѣха сего, но пріими въ миръ душу мою, аминь.» И таче възрѣвъ къ нимъ умилеными
очима, испадшимъ^л лицемъ, весь слезами обліявся, рече: «братіе! приступльше скончайте
службу вашу, и буди миръ брату моему и вамъ, братіе.» Да елико слышаху словеса его,
отъ слезъ не можаху ни словеси рещи, отъ страха же и печали горкыя и отъ многихъ
слезъ, но съ въздыханіемъ горкымъ жалостно глаголаху, плачуще кождо въ души своей
глаголаше: «увы мнѣ^м, княже нашъ милый и драгый, блаженный, водителю слѣпымъ, одежда^н
нагимъ, старости жезле, ненаказаннымъ казателю! кто уже исправить вся? како не възхотѣ
славы міра сего? како не възхотѣ веселитися съ честными велможами? како не възхотѣ
величія, иже^о въ семъ житіи? и кто бо не почюдится великому смиренію его? кто ли не
сѣмирится оно смиреніе видя и слыша?» И абіе успе, предавъ душу въ руцѣ Бога живаго,
мѣсяца іюля^п въ 24 день. И избиша отроки многи; съ Егоргія^р же не могуще сняти гривны,
отсѣкше главу его отвергоша кромѣ, да тѣмъ и послѣди не могоша познати тѣла его. Бла-
женнаго же Бориса обертѣша въ шатеръ, и възложиша на кола и повезоша ѿ, и яко быша
на бору, и нача възскланяти^с святую главу свою; и се увѣдавъ Святополкъ, и пославъ два
Варяга, и прободоша ѿ мечемъ въ сердце. И тако скончася блаженный Борисъ, възпріимъ

а) оцѣщеніе. оищеніе О. извлеченіе Ц. Б. В. Г. б) прободено. прободенъ во всѣхъ сп. в) стоящій. стоящимъ Б. В. Г. г) скончаемъ. скончайте Ц. д) ти. нѣтъ въ Т. е) мирныя. мирный Б. ж) моя. наша Ц. з) текуща. текуще Т. Ц. Б. Г.; въ К. О. сіе мѣсто испорчено. и) въ снѣдъ. (въ) снѣди Т. К. О. См. Псал. XLIII, 23. і) Исаи L, 5. к) убо быхъ. быхъ отъ него К. О. См. Псал. LIV, 13. л) испадш. и испадшимъ Ц. Б. В. Г. м) мнѣ. намъ К. О. н) одежда. одеже Т. о) иже нѣтъ въ К. О. п) іюля. іюня ошчбк. В. р) съ егоргія. съ георья (георія) К. О. съ егорія В. с) възскланяти. възсклабяти Т.

1015 неувидаемый вѣнецъ отъ Христа Бога, съ праведными причтеса, съ Пророкы и съ Апостолы и съ лики мученичскими водворяся, Аврааму на лонѣ почивай, видя неизреченную радость, въспѣвая съ Ангелы и веселяся въ лицѣхъ^а святыхъ. И положиша тѣло его, принесше тай въ Вышегородъ, у церкви святаго Василія въ земли погребоша ѿ. Сій благовѣрный князь Борисъ, благаго корени сынъ, послушливъ бѣ, отцю покаяряся при всемъ; тѣломъ бѣше красенъ и высокъ, лицомъ круголъ, плечи высоцѣ, въ^б чреслѣхъ тонокъ, очима добръ и веселъ, брада мала и усь, младъ бо бѣ еще, свѣтѣся царскы, крѣпокъ тѣломъ, всячѣскы украшенъ акы цвѣты въ уности своей, на рати храборъ, въ свѣтѣхъ мудръ и разуменъ, при всемъ благодать Божія цвѣтѣше на немъ. Оканнии же си убійци приидоша къ Святополку, акы хвалу имуще, безаконници. Си бо слугы бѣси^в бываютъ; бѣси бо на злое посылаемы бываютъ, Ангели бо на благое слези бываютъ^г. Ангелъ бо челоуѣку зла не сѣтворяетъ, но благое мыслить ему всегда, паче же християномъ помагаетъ и заступаеъ отъ супротивнаго діавола; а бѣси всегда на злое ловятъ^д, завидяще ему, понеже видятъ челоуѣка почтена Богомъ, и завидяще ему, на злое слези скорѣ^е суть. Рече бо Богъ: кто идетъ прелестити Ахаву^ж? и рече бѣсъ; се азъ иду. Злый же челоуѣкъ тѣшится на злое, но худъши^з есть бѣса; бѣси бо Бога боятся и челоуѣкъ стыдятся, а золь челоуѣкъ ни Бога боится, ни челоуѣкъ стыдится^и; бѣси бо и креста Господня боятся, а золь челоуѣкъ ни креста Господня боится. Тѣмже и Давыдъ глаголаше: аще вѣистинну правая глаголете, правду судите, сынове челоуѣчѣстїи? ибо въ сердци безаконїе дѣлаете на земли, неправду руки ваша сплетаютъ; отуждени^й быша грѣшници отъ ложеснѣ^к, заблудиша отъ чрева, глаголаша лжю и ярость по образу змиину^л.

Убіеніе Глѣбово^м. И ни доселѣ годѣ устави убійства окаанный Святополкъ, но на болшая неистовѣся^н начатъ простиратися, яко видѣ^о, желаніе сердца своего улучи, абіе не вспомяну злаго своего^п убійства и многоаго соблажненія, и ни поне мало^р на покаяніе преклонися; но ту абіе вниде въ сердце его сотона, и начатъ подстрѣкати вящша и горша сѣдѣти, и множайшая убійства. Глаголаше бо въ души своей окаанный: «что сѣтворю? аще бо доселѣ оставлю^с дѣло убійства моего, то двоюго иму чаяти: яко аще слышатъ мя братїя моя, иже варивше въздадять ми горша сихъ; аще ли не сице, то ижденуть мя, и буду чюжь престола отца моего, и жалость земля моя снѣсть мя, и поношенія поносящихъ нападутъ на мя^т, и княженіе мое прїиметь инъ, и въ дворѣхъ моихъ не будетъ живущаго; зане егоже Господь възлюби, а азъ погнахъ^у, и къ болѣзни язву приложихъ, приложю убо безаконїе къ безаконїю, обаче грѣхъ матерѣ моея не очиститъ ми ся^ф и съ праведными не напишуся, но да потреблюся отъ книгъ животныхъ.» Якоже и бысть, еже послѣди скажемъ; нынѣ же нѣсть время, но на предлежащее възвратимся. И сія на умѣ си положивъ злый свѣтникъ діаволь, посла по блаженнаго Глѣба, рекъ: «прїиди вборзѣ, отецъ тя зоветъ и не здравить велми.» Онъ же вборзѣ и

а) въ лицѣхъ. въ лицѣ Т. б) въ. *вездѣ недостаетъ кромѣ* К. О. в) бѣси^ѣ. и бѣси Ц. Б. В. г) бываютъ. *суть во всѣхъ сп. кромѣ* Т. д) ловятъ. пуцаютъ В. е) скорѣ. скоро *во всѣхъ сп. кромѣ* О. ж) 3 Царст. XXII, 20, 24. з) но худъши. не худъши Т. Б. В. Г. не хуже К. О. и) стыдится. не срамляется К. О. і) отужд. утужд. *во всѣхъ сп. кромѣ* Ц. к) отъ ложеснѣ. *пропущено вездѣ кромѣ* К. О. л) глаголаша. . . змиину. лжю глаголаша, ярость ихъ по образу змиину В. См. Псал. LVII, 4—5. м) убїеніе глѣбово; *сего заглавія недостаетъ въ* Т. К. О. н) неистовѣся. неистовства Ц. Б. В. Г. о) видѣ. *ся прибавлено вездѣ кромѣ* Ц. п) улучи. . . своего. *пропущено въ* Ц. р) мало. малы *вездѣ кромѣ* К. О. с) оставлю. *установлю въ прочихъ сп. кромѣ* К. О. т) и буду чюжь. . . на мя. *пропущено въ* К. О. у) погнахъ. познавъ Ц. Б. В. Г. ф) Псал. CVIII, 14.

въмалѣ боляръ вѣдѣ на конь поѣде, и пришедъ на Волгу, на поли потчеса подъ нимъ конь 1015 во рвѣ, и наломи ногу мало; и яко прииде къ Смоленску, и поиде отъ Смоленска яко зрѣимо едино, и ста на Смядинѣ въ кораблеци. И въ се время пришла бѣ вѣсть отъ Предславы сестры къ Ярославу о отца его смерти, и присла Ярославъ къ Глѣбу, глаголя: «не ходи, брате, отецъ ти умре, а братъ ти убить отъ Святополка.» Си слышавъ блаженный, возпи плачемъ великимъ и горкымъ и печалію сердечною, и сие глаголаше: «увы мнѣ, Господи мой! о двою плачюся и стению, двою сѣтованію сѣтую и тужю; увы мнѣ, Господи мой^а! плачюся по отци, плачу же ся паче и зѣло отчаяхся по тебѣ, брате и господине Борисе; како прободенъ еси? како безъ милости прочее смерти предася? како не отъ врага, но отъ своего брата пагубу пріялъ еси? увы мнѣ! уне бы ми съ тобою умрети, неже уединену и усирену^б отъ тебе въ семъ житіи пожити. Азъ мняхъ въ житіи лице твое узрѣти ангельское, то селика туга постиже мя; уне бо^в ми, господине, съ тобою умрети: нынѣ же что сѣворю, умилень и учюжень^г отъ твоея доброты и отца моего многого разума? О милый мой господине брате^д! аще еси получилъ дерзновение у Господа, моли о моемъ унынїи^е, да быхъ и азъ сподобленъ былъ ту же страсть пріяти и съ тобою жити, нежели въ свѣтѣ семъ прелестнѣмъ.» Сие ему стению и плачу, и слезами землю мочащю^ж, со въздыханіемъ часто Бога призывающю^з, приспѣша внезапно посланіи отъ Святополка злыя его слугы и немилостивїи кровопійци, братоненавидци^и лютии зѣло, сверѣпа звѣря душу имуще; святыи же поиде въ кораблецѣ, и усрѣтоша ѿ усть Смядины, и яко узрѣ ихъ, възрадовася душею; они же узрѣвши омрачавъ, и гребяху къ нему, сїи же цѣлованіе творяше пріяти отъ нихъ. И яко быша равно плывущи^л, начаша скакати злыи они въ лодію его, обнажены меча имуще въ рукахъ блестящася аки вода; и абіе всемъ весла изъ рукъ испадоша, и вси отъ страха омертвѣша. И се видѣвъ блаженный, разумѣ яко хотятъ убить ѿ, и възрѣвъ къ нимъ умиленыма очима, и слезами лице свое омывая^к, скрушеннымъ сердцемъ и смиреннымъ разумомъ и частымъ въздыханіемъ, весь слезами разливаясь, а глѣомъ утерпая, жалостно гласъ испущаше: «не дѣйте мене, братія милая и драгая, не дѣйте, ничтоже вы зла сѣтворихъ^д, господѣ мои, не брезите мене; кую бо обиду сѣтворихъ брату моему и вамъ, братіе и господіе мои? аще ли кая обида, ведите мя ко князю вашему, а къ моему брату и господину; помилуйте уность мою, господіе мои; вы ми будите господѣ, а азъ вамъ рабъ; не пожните мене отъ житія несозрѣла, не пожните класа не уже созрѣвша, но млеко безлобія носяща^м, не порѣжьте лозы не до конца възрастшія^н, а плодъ имущей. Молю вы ся и милъ ся дѣю, убойтеся рекшаго усты апостольскы: не дѣти бывайте умы, незлобіемъ же младенствуйте, а умы свершени бывайте^о; азъ, братіе, незлобіемъ и възрастомъ младенствую; се нѣсть убійство, но сырорѣзаніе. Что зло сѣдѣхъ, свидѣтельствуйте ми и не жалюси? аще ли крови моя насытитися хотите, то уже вы въ руку есмь, братіе, и брату моему вашему князю.» Они же ни по единого словеси не постыдѣшася, ни мыслію преклонишася, но якоже сверѣпїи звѣріе нападоша, и тако възхитиша ѿ. Онъ же видѣвъ, яко не внемлють словеси его,

а) о двою . . . мой. *пропущено въ* Б. Г. б) и усирену. и сиру В. в) уне бо. не убо *въ прочихъ сп.* *кромя* К. О. В. г) учюжень. отчюж(д)ень К. О. уничижень *ошибк.* В. д) господ. брате. господине мой и брате *вездѣ кромя* К. О. В. е) унынїи. ученїи *ошибк.* Б. В. Г. ж) мочащю. мочаще (мочаши) *въ прочихъ сп. кромя* К. О. з) призывающю. призывающе (призывающи) *вездѣ кромя* О. и) братоненавидци. братоненавидици К. О. і) плывущи. плывуща *вездѣ кромя* К. О. к) омывая. омыа Т. умываа К. О. л) сѣтворихъ. сѣтворша К. О. м) носяща. *только въ* В.; *въ прочихъ сп.* носяще. н) възрастшія. възрастшю *ошибк.* Т. о) 1 къ Коринѣ. XIV, 20.

1015 **начать** глаголати сице : «спасися милый мой отче, господине Василіе! спасися мати, госпоже моя! спасися брате Борисе мучениче, старѣйшино уности моя! спасися и ты брате поспѣшителю Ярослав! спасися и ты брате враже Святополче! спаситесь и вы братіе и дружино, и вси спаситесь! уже бо не имамъ васъ видѣти въ житіи семъ, зане разлучаемъ^а есмь отъ васъ нуждею.» И глаголаше плачася : «Василіе господине отче мой! приклони ухо твое и услыши гласъ мой, призри и виждь приключшееся чаду твоему, како безъ вины закалаемъ есмь; увы мнѣ! слыши небо, внуши земле^б; и ты Борисе брате, услыши гласъ мой; отца моего Василія призвахъ, и не послуша мене, то ни ты ли хоцещи послушати мене? виждь скорбь сердца моего и язву душа моя, виждь теченіе слезъ моихъ акы рѣку: и никтоже не внемлетъ ми; но ты убо помани и помолися о мнѣ ко общему всѣхъ Владыцѣ, яко имѣя дерзновеніе и предстою у престола его.» И начать преклонъ колѣни^в молитися сице : «Боже щедрый, и премилостивый Боже! слезъ моихъ не премолчи, но умилися на мое уныніе и виждь крушеніе сердца моего, се бо закалаемъ есмь не вѣмъ что ради, или за котору обиду не свѣмъ; ты вѣси, Господи мой! вѣмъ ты рекша къ своимъ Апостоломъ: яко за имя мое, мене ради възложить на вы руки и предани будете родомъ и другомъ, и братъ брата предасть на смерть, и умертвять вы имени моего ради^г; и паки: въ терпѣніи вашемъ стяжите душа ваша^д. Виждь Господи и суди; се готова душа моя предъ тобою, Господи, и тобѣ славу всылаемъ, Отцю и Сыну и святому Духу, и нынѣ и присно и въ вѣки вѣкомъ, аминь.» Таче^е възрѣвъ къ нимъ, умиленымъ и измолкшимъ^ж гласомъ рече: «то уже приступлеше скончайте, на нь же есте послани.» Тогда окаанный Горастръ повелѣ^з зарѣзати и вборзѣ^и, поваръ же Глѣбовъ, именемъ Торчинъ, иземъ ножъ, и имъ блаженнаго закла и акы агня незлобиво, мѣсяца септебря^и въ 5 день, въ понедѣльникъ. И принесеса Господеву жертва чиста и благовогна^к; и взиде въ небесныя обители ко Господу, и узрѣ желаемого си брата, и въспріяста вѣнца небесныя нетлѣнныя, егоже и вжеласта^л, и възрадовастася радостію неизреченною, юже улучиста братолюбіемъ своимъ. Се коль добро и коль красно, еже жити брати вкупѣ^м! Окаанныи же они убійци възвратишася, и придоша къ пославшему я окаанному Святополку; якоже рече Давыдъ: да възвратятся грѣшници въ адъ, и вси языци забывающа Бога^н; и паки: оружіе извлекоша грѣшници, и напругоша лукъ заклати правыя сердцемъ, и оружіе ихъ видеть^о въ сердца ихъ, и луци ихъ сокрушатся, яко грѣшници погигнутъ и исчезающе яко дымъ исчезнуть^п. И яко сказаша Святополку: «яко сътворихомъ повелѣнное тобою,» и си слышавъ, възвеселися душею и възнесеса сердцемъ. И събыстеса реченое Пророкомъ Давыдомъ: что ся хвалиши о злобѣ, сильный^р? безаконіе весь день и неправду умысли языкъ твой; възлюбилъ еси злобу паче благостыни, и неправду неже^с глаголати правду; възлюбилъ еси вся глаголы потошныя и языкъ велерѣчивъ: сего ради Богъ разрушитъ тя до конца, и възстергнетъ^т тя и преселитъ тя отъ села^у твоего, и корень твой отъ земля живущихъ^ф. Якоже рече Соломонъ: азъ вашей погібели посмѣюся, яко радуюся,

а) разлучаемъ. разлучита (разлучаста) *вездѣ ошибк. кромѣ* К. О. б) *Исаіи* I, 2. в) преклонъ колѣни. *пропущено въ* К. О. г) *Луки* XXI, 16, 17. д) *Тамъ же* XXI, 19. е) таче. *таже* К. О. ж) умил. и намолишимъ. *умилены (и) измолкшимъ (измолкшимъ) вездѣ кромѣ* Ц. К. О. з) повелѣ. горастръ (горѣстръ) *опять прибавлено въ* Т. Ц. Б. Г. и) вборзѣ. въскорѣ К. О. і) септебря. септевриа Ц. Б. Г. к) благовогна. благоугодна К. О. л) вжеласта. вжелѣста *вездѣ кромѣ* К. О. м) *Псал. CXXXII, 1.* н) *Псал. IX, 18.* о) видеть. ввиде *вездѣ кромѣ* Ц. К. п) *Псал. XXXVI, 14, 15, 19, 20.* р) сильный. силне К. О. с) неже. еже *вездѣ кромѣ* К. О. т) и възстергнетъ. и възторгнетъ Ц. В. у) отъ села. отъ селенія Ц. ф) живущихъ. живыхъ Ц. См. *Псал. LI, 3 — 7.*

егда грядеть на вы пагуба; тѣмже снѣдять дому своего плоды, и своея нечистоты насы-¹⁰¹³
тятся^а. Убіену же бывшу Глѣбу и повержену на пустѣ межи двѣма колодома, и Господь не^{—16}
оставляетъ своихъ рабъ; якоже рече Давыдъ: сохранить Господь вся кости ихъ, и ни единая
же отъ нихъ не скрушится^б. И сему убо святому лежащу долго время, и не остави въ не-
видѣніи и въ небреженіи отинуудъ пребывать; и показа Богъ, овогда убо видѣти столпъ огненъ,
овогда свѣща горяща^в, и паки пѣніе ангелско слышаху мимоходящіе гостіе, инии же яко
ловы дѣюще и скоты пасуще. Се же слышаша и видѣша^г, не бысть памяти ни единому ихъ
о взысканіи тѣлеси святаго^д, дондеже не терпя Ярославъ сего злаго убійства, движесе на
братоубійца оного окааннаго Святополка; и брани многи съ нимъ съставивъ, и всегда посо-
біемъ Божиимъ и поспѣшеніемъ святою побѣдивъ: елико брани съставивъ съ нимъ, посрам-
ленъ и побѣженъ възвращашесе.

Святополкъ же окаанный нача княжити въ Кіевѣ. Ярославу же еще не вѣдущю о отца
своего смерти^е, Варязи бѣху мнози у Ярослава, и насиліе творяху Новгородцемъ и женамъ
ихъ. И вставше Новгородци, избиша Варяги^ж въ дворѣ Парамонѣ, и разгнѣвався Ярославъ,
и шедъ на Ракомо сѣде въ дворѣ; и посла къ Новгородцемъ и рече: «уже мнѣ сихъ не
вскресити^з.» И позва къ себѣ нарочитыя мужи^и, иже бяху сѣкли Варягы, и оболстивъ изсѣче
1000 мужъ, а иные бѣжаша изъ города. Въ ту же ночь прииде къ Ярославу вѣсть отъ сестры
его Предславы: «отець ти умерлъ, а Святополкъ сѣдитъ въ Кіевѣ, убилъ Бориса и Глѣба;
а ты блюди сего повелику^л.» И се слышавъ, печаленъ бысть о отци и о братіи; завтра
же собравъ избытокъ Новгородцевъ, Ярославъ створи вѣчь на поли, и рече къ нимъ: «о
любимая дружина, юже вчера избихъ въ безуміи моемъ! но топерво^к ми ихъ золотомъ оку-
пати, а нынѣ надобны.» И утеръ слезъ, рече имъ на вѣчи: «братіе! отецъ мой умерлъ есть,
а Святополкъ сѣдитъ въ Кіевѣ, избивая братію свою; хоцю на нь поити, потягнѣте по мнѣ.»
И рѣша ему Новгородци: «аще, княже, братія наша избита суть, а мы можемъ съ тобою
ити.» И собравъ вой Ярославъ, Варягъ 1000 и прочихъ вой 40.000^д, и поиде на Святополка,
нарекъ Бога, и рече: «не азъ почлахъ избивати братію, но онъ^н; да будетъ отмстникъ Богъ
крови братіи моей, зане безъ вины пролія кровь Борисову и Глѣбову праведную: егда мнѣ
сице же сътворить? но суди ми, Господи, по правдѣ, да скончается злоба грѣшныхъ.» И
поиде на Святополка; слышавъ же Святополкъ идуща Ярослава, пристрои вой безъ числа,
Руси и Печенѣгъ, и изиде противу къ Любчу, объ онъ полъ Днѣпра, а Ярославъ объ сю^н
страну.

Въ лѣто 6524. Приде Ярославъ на Святополка, и стаща противу себѣ оба полъ Днѣпра,
и не смѣяху ни си онѣхъ, ни они сихъ начатъ, и стояша 3 мѣсяци противу себѣ, не смѣюще
ся съступити. И нача воевода Святополчъ, именемъ Волчій Хвостъ, ѣзда возлѣ берегъ, ука-
ряти Новгородци, глаголя: «почто приидосте со хромцемъ симъ, а вы плотници суще? при-
ставимъ васъ хоромовъ рубити нашихъ.» Се слышавше Новгородци, рѣша Ярославу: «яко

а) Притч. Солом. I, 26, 31. б) Псал. XXXIII, 21. в) горяща — горяста *ошибк.* Т. Ц. Б. Г. г) се же. . .
и видѣша — се слышаше и видѣше К. О. д) святаго — глѣба *привавл.* К. О. е) смерти — се же бѣ еще
преже убійства глѣбова, ярославу же сущу въ новгородѣ *привавлено на полъ въ* Ц. ж) варяги — варязи Т.
з) не воскресити — не кресити К. О. и) мужи — мужа *вездѣ кромѣ* К. О. В. і) повелику — и тогда же
посла вѣсть глѣбу ярославъ, якоже преже писахомъ *привавлено на полъ въ* Ц. к) но топерво — не
топере К. О. не топерво *въ прочихъ сп. кромѣ* Т. л) 40.000. 10.000 В. 30.000 *въ прочихъ сп. кромѣ* К. О.
м) во онъ — окаанный святополкъ *привавл.* Т. Ц. н) объ сю — такъ *въ* К. О. и *Лавр.*; *въ прочихъ сп.*
объ ону.

1016 заутра перевеземся на нь; аще кто ли не поидеть съ нами, то сами потнемъ ѿ.» Бѣ бо уже
 —18 заморозъ, а Святополкъ стояше межѣ двѣма озерома, и всю ночь пилъ бѣ съ бояры своими;
 и нача Днѣпръ мерзнути. И бяше Ярославъ мужъ въ пріязнь у Святополка, и посла къ нему
 Ярославъ отрокъ свой нощю, рече къ нему: «онъ си^а, что ты тому велиши творити? меду
 мало варено, а дружины много.» И отрече ему мужъ той: «рци тако Ярославу, да аще меду
 мало, а дружины много^б, да къ вечеру дати.» И разумѣвъ Ярославъ, яко въ ночь велить
 сѣбѣ. Ярославъ же заутра исполчився воемъ^в, противу свѣту перевезеса на ону страну
 Днѣпра; и выѣде на брегъ, и отринуша лодіи отъ берега, и тое нощи поидоша противу себѣ
 на сѣчу. И рече Ярославъ своимъ воемъ: «знаменайтеса, повивайте главы своя убрусомъ.»
 И съступишася на мѣстѣ, и бысть сѣча зла, и не бѣ лѣзъ озеромъ Печенѣгомъ помогати, и
 притиснуша Святополчи вои къ озеру, и выступиша на ледъ, и обломиса подъ ними^г ледъ,
 и одолѣти нача Ярославъ; видѣвъ же се Святополкъ и побѣже, и одолѣ Ярославъ^д. Свято-
 полкъ же въ Ляхы побѣже, а Ярославъ сѣде въ Кіевѣ на столѣ отечнѣ и дѣднѣ; бѣ бо тогда
 Ярославъ 18 лѣтъ^е.

Въ лѣто 6525. Придоша Печенѣзи къ Кіеву, и сѣкошася у Кіева, и одва къ вечеру
 одолѣ Ярославъ Печенѣги^ж, и отбѣгоша посрамлени. И заложѣ Ярославъ великій градъ Кіевъ,
 и Златая врата постави, и церковь святую Софію заложѣ.

Въ лѣто 6526^з. Приде Болеславъ съ Святополкомъ на Ярослава съ Ляхы; Ярославъ же
 совкупи Русь, и Варягы, и Словѣны, противу поиде Болеславу и Святополку, и приде къ
 Волыню, и стаха оба полы рѣкы Буга. И бѣ у Ярослава дядька и воевода Блудъ; нача
 укарати Болеслава, глаголя: «да то ти прободемъ тростію чрево твое толстое.» Бѣ бо Болес-
 лавъ великъ и тяжекъ, яко и на кони не могый сѣдѣти, но бяше смысленъ; и рече Болес-
 лавъ къ дружинѣ своей: «аще вы сего укора не жаль, азъ единъ погыбну.» И всѣдъ на
 конь, вбрѣде въ рѣку и по немъ вои его, Ярославъ же не утягнувъ^и исполчитися, и побѣди
 Болеславъ Ярослава, и ту убиша Блуда воеводу, и иныхъ побѣдиша множество, а еже ихъ^к
 руками яша, то расточи Болеславъ по Ляхомъ^л; а самъ вниде въ Кіевъ со Святополкомъ, и
 сѣде на столѣ Володимѣрѣ. И тогда Болеславъ^м положи себѣ на ложи Предславу, дщерь
 Володимѣрову, сестру Ярославлю^н. Ярославъ же убѣжа съ четырьми мужи къ Новугороду. И
 рече Болеславъ: «разведите дружину мою по градомъ на покормъ;» и бысть тако. Ярославъ
 же прибѣже къ Новугороду, и хоташе бѣжати за море, и посадникъ Коснятинъ^о, сынъ
 Добрынинъ, съ Новгородци^п разсѣкоша лодіи Ярославли, ркуще: «хощемъ ся еще^п бити по
 тебѣ съ Болеславомъ и Святополкомъ.» И начаша скотъ сбирати отъ мужа по четыре куны,
 а отъ старосты по десяти гривенъ, а отъ бояръ по 18 гривенъ; привелоша Варягъ, и влаша
 имъ скотъ, и совкупи Ярославъ воя многи. Болеславъ же бѣ въ Кіевѣ сѣдя, безумный же
 Святополкъ рече: «елико же Ляховъ по градомъ, избивайте;» и избиша ѿ. Болеславъ же
 побѣже изъ Кіева, поволочивъ Предславу, возма имѣніе и бояре Ярославли и сестры его, и
 Анастаса пристави Десятиннаго ко имѣнію, бѣ бо ся ему ввѣрилъ лѣстію, и людій множество

а) онъ си • онси (и) такъ во всѣхъ см. б) и отрече . . . много • пропущено въ В. в) исполчився воемъ •
 исполчився съ воемъ Т. исполнился воемъ своимъ К. О. ополчився воемъ В. г) подъ ними • съ ними К. О.
 д) видѣвъ же. . . ярославъ • пропущено въ К. О. е) 18 лѣтъ • 28 лѣтъ Ц. ж) печенѣги • печенѣгомъ Т.
 з) въ л. 6526. въ лѣто 6525 Б. Г. и) не утягнувъ • не успѣвъ Ц. і) а еже ихъ • а ихже К. О. к) по
 ляхомъ • нѣтъ въ Б. Г. л) а самъ . . . болеславъ пропущено въ Б. Г. м) ярославлю • ярославу въздъ
 кромъ К. О. н) коснятинъ • костьятинъ К. О. константинъ В. о) съ новгородци • прибавлено изъ Лавр.
 (т. I, стр. 62); во всѣхъ см. сего слова недостаетъ. п) еще • и еще Б. К. О. Г.

веде съ собою, и грады Червеньскія зая себѣ; и прииде^а въ свою землю. Святополкъ же ¹⁰¹⁸ нача княжити въ Кіевѣ, и поиде Ярославъ на Святополка, и бѣжа Святополкъ въ Печенѣгы. —¹⁹

Въ лѣто 6527. Прииде Святополкъ съ Печенѣгы въ силѣ тяжцѣ, а Ярославъ вой множество собра, и изиде противу его на Алто^б Ярославъ, и ста на мѣстѣ, идѣже убиша Бориса; и въздѣвъ руцѣ на небо, и рече: «кровь брата моего вопіеть къ тобѣ, Владыко! мсти отъ крове праведнаго, якоже мстилъ еси кровь Авелеву, положивъ на Каинѣ стенаніе и трясаніе; тако положи и на семь.» Помолився рече: «братія моя! аще тѣломъ отшла еста отсюда, но молитвою помозита ми на противнаго сего и гордаго убійцю.» И се ему рекшу, поидоша противу себе, и покрывша поле Лятское^в обои отъ множества вой. И бѣ сѣча зла, ака же не бывала въ Руси, за руки емлюще сѣчахуся, и съступишася трижды, и по долиемъ кровь течаше, и мнози вѣрніи видяху Ангелы, помогающе Ярославу; и къ вечеру одолѣ Ярославъ, а Святополкъ бѣжа. И бѣжащу ему, нападе на нихъ страхъ, и разслабишася кости его, и не можаше сѣдѣти, несяхуть ѣ на носилахъ; и принесоша ѣ къ Берестію, бѣгающе съ нимъ, онъ же имъ глаголаше: «побѣгните со мною, женуть по насъ.» Отроки же его всылахуть противу, егда кто женеть по немъ? и не бѣ никогоже гонящаго, и бѣжаху съ нимъ; онъ же лежа въ немощи, и възсхавъ глаголаше: «о се женуть; пожените^г и побѣгните.» И не можаше терпѣти на единомъ мѣстѣ, и пробѣже Лятскую землю, гонимъ Божиимъ гнѣвомъ, и прибѣже въ пустыню межи Чяхы^д и Ляхи, и ту испроверже злѣ животъ свой. Егоже и по правдѣ, яко неправедна, суду нашедшю на нь, по отшествіи сего свѣта пріиша муки окааннаго: показавше явѣ посланая на нь пагубная рана, во смерть немилостивно вогна, и во смерти немилостивно мучимъ есть, связанъ во днѣ аду. Есть же могила его въ пустыни и до сего дни, исходить же изъ нея смрадъ золъ. Се же Богъ показа на наказаніе княземъ Русьскимъ, да аще сие створять, се слышавше, ту же казнь пріимуть; но и болши сія, понеже вѣдуще се бывшее, створять тако же злое братоубійство. Семь бо мстій пріятъ Каинъ, убивъ Авеля, а Ламехъ 70; понеже бо Каинъ не вѣдый мщенія отъ Бога пріяти, а Ламехъ вѣдый казнь, бывшую на прародители его, и сѣтвори убійство. Рече бо Ламехъ къ своимъ женама: мужа убихъ во вредъ мнѣ, а уношю въ язву мнѣ; тѣмже, рече, 70 мстій на мнѣ есть, понеже, рече, вѣдая сѣтворихъ^е. Сей Ламехъ уби два брата Енохова, и поя себѣ женѣ ею; сей же Святополкъ новыи Авимелехъ^ж, иже ся родилъ отъ прелюбодѣянія, иже^з избѣ братію свою, сыны Гedeоновы; тако и си бысть. — Ярославъ же сѣде въ Кіевѣ, утеръ поту съ дружиною своею, и оттолѣ крамола преста въ Русьской земли, а Ярославъ пріи власть всю Русьскія земля. И нача впрашати о тѣлесѣхъ святою: «како или гдѣ положена еста?» И о святѣмъ Борисѣ повѣдаша ему, яко въ Вышегородѣ положенъ есть, и о святѣмъ^и Глѣбѣ не вси свѣдаху, яко въ Смоленскѣ убіенъ есть; и тогда сказаша ему, яже слышаша^к отъ приходящихъ оттуду, како видѣша свѣтъ и свѣща въ пустѣ мѣстѣ. И то слышавъ Ярославъ, посла на взисканіе къ Смоленску прозвитеры, рекъ: «яко то есть мой братъ.» И обрѣтоша ѣ, идѣже бѣша видѣли, и шедъ со кресты честно, и съ свѣщами многими и съ кандилы, и вложше въ корабль, привезше ѣ положиша въ Вышегородѣ, идѣже лежитъ тѣло преблаженнаго

а) и прииде. и приведе во вѣсѣхъ сп. кромѣ К. б) на алто. на лто Т. К. О. на алту В. в) лятское. такъ во вѣсѣхъ сп. въ Лавр. (т. I, стр. 62) летьское. г) пожен. и пожен. такъ во вѣсѣхъ сп. д) чяхы. чехы Б. Г. е) См. Бытія IV, 23, 24. ж) авимелехъ. такъ въ Лавр.; во вѣсѣхъ сп. ошибкою ламехъ. з) иже. такъ въ Лавр.; вездѣ неправильно имже. и) еста. быста В. і) борисѣ. . . о святѣмъ. пропущено вездѣ кромѣ К. О. н) слышаша. слышаста во вѣсѣхъ сп. кромѣ К. О.

1019 Бориса; и раскопавше землю, и ту положиша ѿ, недоумѣюще якоже бѣ лѣпо и честно. Се же пречюдно и дивно и памяти достойно, како и колико лѣтъ лежа тѣло святаго; то же неврежено пребысть ни отъ единого плотоядца, ни баше почернѣло, якоже бо имать обычай тѣлеса мертвыхъ, но свѣтло и красно, и цѣло, и благу воню имуще; тако Богу сохранишу своего страдалца тѣло. И не вѣдаху мнози ту лежащу^а святую страсотерпцю^б тѣлесѣ^в. Но якоже рече Господь: не можетъ градъ укрытися верху горы стоя, ни свѣщи вжегше спудомъ покрываютъ, но на свѣтилѣ поставляютъ, да свѣтитъ темныя; тако и сія святая: прослави я Богъ свѣтити въ мірѣ, и премногими чудесы сіяти въ Русьской великой странѣ, идѣже множество стражающихъ спасени бывають отъ святою раку всесечною Бориса и Глѣба. — И нача Ярославъ воя дѣлити, старостамъ своимъ по десяти гривень, а смердомъ по гривнѣ, а Новгородцемъ по десяти гривень, и отпусти я вся домовъ; и давъ имъ правду и уставъ, списавъ грамоту, рече: «по сему ходите и держите, якоже списахъ^г вамъ»^д. — Коснятинъ^е же баше тогда въ Новѣгородѣ, и разгнѣвася на нь великій князь Ярославъ, и поточи ѿ^ж въ Ростовъ; и на третіе лѣто повелѣ его убити въ Муромѣ, на рѣцѣ на Оцѣ^з.

Въ лѣто 6528. Родися у великого князя Ярослава сынъ, и нареченъ бысть Владимиръ. Того же лѣта побѣди великій князь Ярославъ Брячислава.

Въ лѣто 6529. Поиде Брячиславъ князь, сынъ Изяславъ, внукъ Володимировъ, съ воя изъ Полотьска на Новѣгородъ, и взя Новѣгородъ^а; и поимъ Новгородци, и имѣніе ихъ, и весь полонъ и скоты, поиде къ Полотьску^б. И пришедшу ему къ Судимирѣ рѣцѣ, великій же князь Ярославъ слышавъ ту вѣсть, и совкупи воя многи, изъ Кіева въ седмый день постиже ту, и побѣди Брячислава, а Новгородци отпусти къ Новугороду, и полонъ отъ него отъя, елико баше Новгородскія волости; а Брячиславъ бѣжа къ Полотьску. И отътолѣ призва къ себѣ Брячислава, и давъ ему два города Вѣсвѣчъ и Видѣскъ^в, и рече ему: «буди же со мною заодноу.» И воеваше Брячиславъ съ великимъ княземъ Ярославомъ вся дни живота своего.

Въ лѣто 6530. Приде великій князь Ярославъ къ Берестію. Въ си же времена сущю Мьстиславу Тмуторокани, поиде на Касогы. Слышавъ же се князь Касожьскій Редедя, изиде противу ему, и ставшима обѣма полкома противу себѣ, и рече Редедя ко Мьстиславу: «что ради губивъ люди межи собою? но снидевъ ся сами бороти; да аще ты одолѣши, и ты возми имѣніе мое, и княгыню мою и дѣти мои; аще ли азъ одолѣю, то возму азъ все твое;» и рече Мьстиславъ: «такъ буди.» И рече Редедя къ Мьстиславу: «не оружіемъ бо ся боревѣ, но борбою.» И сняста ся бороти крѣпко, и борющимася има, начатъ изнемагати Мьстиславъ, бѣ бо великъ и силенъ Редедя; и рече Мьстиславъ^г: «о пречистая Богородице! помози ми; аще бо одолѣю сему, съзижду церковь во имя твое.» И се рекъ, удари имъ о землю, и вынзе^д ножъ и зарѣза Редедю; и шедъ въ землю его, взя все имѣніе его, и жену его и дѣти

а) тако. . . лежащу. *нѣтъ въ прочихъ сп. кромѣ К. О.* б) страсотерпцю. страсотерпца К. О. в) тѣлесѣ. тѣлеса *вездѣ кромѣ К. О.* г) списахъ. спискахъ В. д) коснат. костянт. Б. К. О. Г. констант. В. е) и. е. *во встѣхъ сп. кромѣ О; въ К. сіе мѣстоименіе пропущено.* ж) коснятинъ же. . . на оцѣ; *въ К. эти слова также были написаны, но потомъ потеряны.* з) и взя новѣгородъ. *пропущено въ В.* и) къ полотьску. *опять прибавл. К. О.* і) и видѣскъ. и дѣскъ Т. к) бѣ бо. . . мьстиславъ *пропущено въ О.* л) вынзе. *выня К. О.*

* За симъ во всѣхъ спискахъ, кромѣ Цар. II, слѣдуютъ Русская Правда, Судебникъ Греческаго царя Константина и проч. См. Прибавленія къ Софійской первой Лѣтописи, въ VI томѣ сего изданія.

его, и дань положи на нихъ. И пришедъ Тмуторокани^а, и заложи церковь святую Богоро—¹⁰³²
дицю, и созда ю, иже стоитъ и до сего дни. —³⁶

Въ лѣто 6531. Поиде Мьстиславъ съ Козары и съ Косагы на великого князя Яро—
слава.

Въ лѣто 6532. Ярославу сущю въ Новѣгородѣ, прииде Мьстиславъ со Тмуторокани^б къ Кіеву, и не пріяша его Кіане; онъ же шедъ сѣде на столѣ въ Черниговѣ. По семъ же лѣтѣ всташа волски лживыя въ Суздаля, и избиваху старую чадъ бабы, по діаволу ученію и бѣсованію, глаголюще, яко си держать гобину и жито и голодъ пушаютъ. И бѣ мятежъ великъ и гладъ по всей странѣ той, яко мужю своя жена даяти, да кормятъ^в себе, челядиномъ; и идоша по Волзѣ вси людіе въ Болгары, и привезоша пшеница и жито, и тако отъ того ожиша. И слышавъ князь великій Ярославъ волхвы, прииде къ Суздалю, изымавъ убійца тыи расточи, иже бяху бабы избии, и домы ихъ разграби, а другія показни; и устави ту землю, рекъ сиче: «Богъ наводитъ по грѣхомъ нашимъ на куюждо землю голодомъ, или моромъ, или ведромъ, или иною казнію, а человекъ не вѣсть ничтоже, Христосъ Богъ единъ вѣсть^г на небесѣхъ.» И възвратився великій князь Ярославъ, прииде къ Новугороду и посла за море по Якуна, по Варяжскаго князя, и по Варягы; и прииде Якунъ съ Варягы къ великому князю Ярославу, и бѣ Якунъ слѣпъ, и луда бѣ у него вся златомъ исткана^д. И поиде великій князь Ярославъ съ Якуномъ на Мьстислава къ Чернигову; Мьстиславъ же слышавъ, изиде противу има на сѣчу къ Листвену, и бяше осень, и ту ся срѣтоша. Мьстиславъ же съ вечера исполчивъ дружину свою, и постави Сѣверу въ чело Варягомъ противу, а самъ ста съ дружиною своею по крылома. И бывши ноци рябиной^е, бысть тма и громъ шибаше; и молнія и дождь; и рече Мьстиславъ своимъ: «поидемъ на нихъ, то ны есть корысть.» И поиде Мьстиславъ и велики князь Ярославъ противу себе, и съступишася^ж въ чело Сѣвера съ Варягы, и трудишася Варягы сѣкуще Сѣверу, и посемъ наступи Мьстиславъ съ своими, и нача сѣчи Варягы, и бысть сѣча зла и страшна; яко посвѣтлеше^з молнія, тако блещашеся^и оружіе, елико же молнія освѣтлеше, толко^і мечи видяху, и тако другъ друга убиваху^к, и бѣ гроза велика и сѣча силна. Видѣвъ же ся великій князь Ярославъ, яко побѣждаемъ есть, побѣже съ Якуномъ княземъ Варяжскимъ, и Якунъ же ту отбѣжа луды своя златыя, и тако побѣди Мьстиславъ великого князя Ярослава и Якуна; Ярославъ же прииде къ Новугороду, а Якунъ иде за море, и тамо умре. Мьстиславъ же о свѣтѣ завтра видѣ лежащихъ изсѣченыхъ отъ своихъ Сѣверъ и Варягъ великого князя Ярослава, и рече: «кто сему не радъ? се лежитъ Сѣверянинъ, а се Варягъ, а люди мои цѣлы.» И посла Мьстиславъ по великого князя Ярослава, глаголя: «сяди на своемъ столѣ въ Кіевѣ, занеже ты еси болшей братъ; а мнѣ буди си сторона.» И не смѣяше князь велики поити^л, дондеже смирилася; бѣша же едѣюще въ Кіевѣ мужи Ярославли. [Того же лѣта родися Ярославу второй сынъ Изяславъ. Ц.].

Въ лѣто 6533. Въ лѣто 6534. Великій князь Ярославъ собравъ вой многы, и прииде

а) тмут. — тмутороканю К. О. б) со тмуторокани — съ тмуторокань(ь) Т. Ц. Б. Г. изъ тмуторокани К. О. в) мужю... кормятъ — такъ въ К. О.; мужю своя жены даяти, да прекормятъ несправно во всѣхъ сп. г) вѣсть — такъ, кажется, должно читать; во всѣхъ сп. есть. д) и възвратився... исткана — лѣтъ въ К. О. е) рябиной — рабиной Ц. Б. Г. рабино и В. рабиной К. О. ж) съступишася — ступиса Ц. Б. Г. соступиса В. з) посвѣтлеше — просвѣтлеше К. посвѣтлещи въ прочихъ сп. кроме О. и) блещашеся — блещашиса Т. свѣтлещеся (свѣтлещеся) Ц. Б. В. Г. і) толко — тако К. О. к) убиваху — устѣкаше К. О. убиваше въ прочихъ сп. кроме В. л) поити — ити К. О.

1036 кѣ Кіеву, и сѣтвори миръ съ братомъ своимъ со Мьстиславомъ у Городца. И раздѣли Русь-
—36 скую землю по Днѣпру: великій князь Ярославъ пріять сю страну, а Мьстиславъ ону; и начаста княжити миромъ въ братолюбіи, и преста усобица и мятежъ, и бысть тишина^а въ земли.

Въ лѣто 6535^б. Родися третій сынъ Ярославу, и нарече имя ему Святославъ. Того же лѣта знаменіе явися на небеси змѣиво, яко видѣти всей земли.

Въ лѣто 6536. Въ лѣто 6537. Въ лѣто 6538. Великій князь Ярославъ Бѣлзы взялъ. Того же лѣта родися Ярославу четвертый сынъ, и нарече имя ему Всеволодъ. [Того же лѣта иде великій князь Ярославъ на Чюдъ, и побѣди я, и постави градъ Юрьевъ; и прииде къ Новугороду, собра отъ старость и поповыхъ дѣтей^в 300 учити книгамъ. Того же лѣта преставися архіепискупъ Ноугородскій Акимъ; бѣше ученикъ его Ефремъ, же ны учааше. Въ се же время умре князь великій Болеславъ въ Лясѣхъ, и бысть мятежъ въ земли Лятской; и вѣставше людіе, избиша епискупы, и попове, и бояре своя. К. О.].

Въ лѣто 6539. Великій князь Ярославъ и Мьстиславъ собраста вои многи, и идоста на Ляхы, и взяста^г грады Червеньскія опять, и повоеваста Лятскую землю, и многи Ляхи приведоста, и раздѣлиша я; великій князь Ярославъ посади по Рси^д, и суть и до сего дни.

Въ лѣто 6540. Великій князь Ярославъ поча города ставити по Рси^е. И тогда же Улѣбъ изиде изъ Новагорода на Желѣзная врата, и опять мало ихъ прииде.

Въ лѣто 6541. Мьстиславичъ Евстафіе умре.

Въ лѣто 6542. Великій князь Мьстиславъ, братъ Ярославъ, изиде на ловы и тамо разболѣся, и умре, и положиша ѣ въ Черниговѣ въ святомъ Спасѣ, иже бѣ зачалъ самъ; бѣ бо въсдѣлано при немъ възвыше яко на кони досячй стоя. Бѣ же убо Мьстиславъ дебелъ тѣломъ, а лицемъ черменъ, великыма очима^ж, на рати храборъ и милостивъ, а бояре любя повелику, имѣнія не щадяше, питія и яденія не браняше. По семъ же прія власть его всю великій князь Ярославъ, и бысть самовластецъ въ Русьской земли. Великій князь Ярославъ иде въ Новгородъ, и посади сына своего Володимера въ Новѣгородѣ, и епискупа постави Жириуту; и людемъ написа грамоту, рекъ: «по сей грамотѣ дадите дань.» Бѣше же хромоногъ, но умомъ свершенъ и храборъ на рати, и христіанъ^з, чтяше самъ книги.

Въ лѣто 6544^и. Великому князю Ярославу сущю въ Новѣгородѣ, прииде вѣсть, яко Печенѣзи обѣстоятъ Кіевъ; великій же князь Ярославъ собра вои многи, Варяги и Словѣни, прииде къ Кіеву веснѣ, и вниде въ градъ съ вои. И Печенѣгъ безъ числа видѣвъ, и выступи изо града, исполчивъ воя своя, и постави Варяги посредѣ, а на правой странѣ Кіяне, а на лѣвой странѣ Новгородци, и стаща предъ градомъ. И Печенѣзи почаша приступати, и съступаша на мѣстѣ, идѣже есть нынѣ святая Софія, митрополія Русьская, бѣ то тогда половина града¹; и бысть сѣча злая, и едва къ вечеру одолѣ Ярославъ. И побѣгоша Печенѣзи

а) тишина - велика прибавл. К. О. б) въ л. 6535 - нѣтъ въ К. О., а поставленъ сей годъ предъ словами: знаменіе явися на небеси змѣиво. в) отъ старость . . . дѣтей - такъ исправлено; въ обоихъ см. отъ старосты и поповы(и) дѣтей. Статья, помѣщенная въ скобкахъ, есть и въ Ц., гдѣ она вынесена на поле подъ 6540 годомъ. г) взяста - заяста К. О. д) по рси - по руси Ц. псарі (псорі, псары) испорчено въ прочихъ см. е) по рси - такъ было и въ Ц., потому исправлено по руси. ж) великыма очима - велики имѣ очі К. О. з) и христіанъ - и христіанъ любя Ц.; но должно читать, какъ въ прочихъ см. христіанъ, т. е. христіанинъ. и) въ л. 6544 - нѣтъ въ К. О. і) половина града - половинѣ града К. О.; но это ошибка: въ Лавр. (т. I, стр. 65) читается: поле внѣ града.

разно, и не вѣдяху камо бѣжаще *стєняху*^а: ови топляхуся въ Сѣтомли, а инии въ иныхъ ¹⁰³⁶ рѣкахъ, а прокъ ихъ пробѣгоша и до сего дни^б. Того же лѣта разгнѣвася великій князь —⁴³ Ярославъ на брата своего меншаго Судислава, и всади его въ порубѣ во Псковѣ до живота своего; оклеветанъ бо бѣ къ нему.

Въ лѣто 6545. Свершенъ бысть градъ Кіевъ, и церковь святая Софія свершена; а у града суть врата Златы. Того же лѣта великій князь Ярославъ митрополію устави и двѣ церкви постави, на Златѣхъ вратѣхъ Благовѣщеніе и святаго Георгія, и ины многы церкви постави, и монастыри устрои. Посемъ бо паче вѣра крестіянская нача разширяться и плодиться во всей земли Русьской.

Въ лѣто 6546. Иде великій князь Ярославъ веснѣ къ Кіеву; и на зиму ходи на Ятвягы, и не можаху ихъ взяти.

Въ лѣто 6547. Священа бысть церкви святая Богородица митрополитомъ Теоментомъ, юже созда князь великій Володимеръ, отецъ великого князя Ярослава.

Въ лѣто 6548. Иде Ярославъ на Литву.

Въ лѣто 6549. Иде Ярославъ на Мазавшане^в въ лодіяхъ^г.

Въ лѣто 6550. Иде Володимеръ, сынъ Ярославъ, на Ёмы, и побѣди я, и плѣни множество Ёмы; и помроша кони у воевъ^д Володимировыхъ, яко еще дышущимъ конемъ, сдираху кожи съ нихъ съ живыхъ, толикъ моръ бысть на кони^е.

Въ лѣто 6551. Паки на весну посла великій князь Ярославъ сына своего Володимера на Греки, давъ ему вой многы, Варягы, Русь, и воеводство поручи Вышатѣ, Яневу отцю. И поиде Володимеръ на Царьградъ въ лодіяхъ, и прошедше пороги, и придоша къ Дунаю. Рекоша Русь Володимеру: «станемъ здѣ на поли»; а Варязи ркоша: «пойдемъ въ лодіяхъ подѣ городъ.» И послуша Володимеръ Варягъ, и отъ Дуная поиде Володимеръ ко Царюграду съ вой въ лодіяхъ^ж. Греци же видѣвше, изидоша на море, и начаша погружати въ море пелены Христовы съ мощми святыхъ, и Божиимъ гнѣвомъ възмутися море, и громъ бысть великъ и силенъ, и бысть буря велика, и начаша ся лодіи разбивати; и разби корабли, и побѣгоша Варязи вспять; и князь корабль Володимеръ разби вѣтръ, и одва Иванъ Творимиръ князя Володимера всади^з въ свой корабль^и, и воеводу Ярославля. Прочіи же вой Володимировы вывержени быша на брегъ, числомъ 6000, и сташа на брегѣ назы, и хотяще поити въ Русь, и не иде съ ними никтоже отъ дружины княжіе. Вышата же воевода видѣ дружину свою стоящую, и рече: «не иду къ Ярославу;» и высѣде изъ корабля къ воемъ, и рече Вышата: «азъ иду съ ними^к; аще живъ буду съ ними^л; аще ли погибну, то съ дружиною;» и поидоша хотяще въ Русь. И бысть вѣсть Грекомъ, яко избило море Русь, и посла царь^м, именемъ Монамахъ, по Руси въ слѣдъ оладій 14; Володимеръ же видѣвъ вой его, яко идуть по нихъ, вспятися изби олады Гречьскыя, и възвратися въ Русь. Вышату же яша съ извер-

а) бѣжаще стєняху. бѣжаща стєняху Ц. Б. Г. бѣжати а стєнюще К. О. бѣжаша стєняху В. Во *всѣхъ* сп. слово стєняху испорчено изъ тоняху: см. *Лавр. (т. I, 65)*; *тоже что далѣе топляхуся*. б) и до сего дни. помарано кинуварью въ Ц. в) на мазавшане. на можавшане въ *прочихъ* сп. кромѣ К. О. г) въ л. 6549 . . . въ лодіяхъ. *нѣтъ* въ В. д) у воевъ. у воеводъ В. е) въ л. 6550 . . . на кони; въ К. О. *сіа* *статья* *пропущена*, а *помѣщена* *подѣ* *слѣдующимъ* *6551* *годомъ*, *послѣ* *словъ*: *вдасѣ* *сестру* *свою* *за* *изаслава*, *сына* *ярославля* (см. *ниже*). ж) въ лодіяхъ. по морю К. О. з) всади. *пропущено* въ Т. высади К. О. и) корабль. насадъ Т. і) съ ними. р(е)кущи(е) (рѣка) *прибавлено* *во* *всѣхъ* *сп.* к) съ ними. *съ* *внима* *вездѣ* *ошибк.* кромѣ В. л) царь. русь *ошибк.* О.

1043 женами на брезѣ, и приведоша ко Царюграду, и ослѣпиша Руси много; по трехъ же лѣтахъ^а
 —⁵⁴ смиршася, пущенъ бысть въ Русь Вышата къ Ярославу. Тое же осени князь велики Яро-
 славъ дасть сестру свою за Казимира. И въ та лѣта обидяше Моиславъ Казимира, и ходи
 Ярославъ двожды^б на Мазавшане, и рече Казимиру: «ели^в отецъ твой Болеславъ побѣдигъ
 мене, и полони людій моихъ за ся, то дай ми за вѣно.» И собра Казимиръ людій его Руси
 полоненныхъ осмьсотъ, кромѣ женъ и дѣтей, и вда за вѣно Ярославу, шурина своему. Сей
 же Казимиръ дасть сестру свою за Изяслава, сына Ярослава.

Въ лѣто 6552. Выгребоша два князя, Ярополка и Ольга, сыны Святослави, и крестиша
 кости ею, и положиша въ церкви святыя Богородица въ Володимерѣ. Ходи Ярославъ на
 Литву; а на весну заложити Новѣгородъ, и съдѣла ѿ. Того же лѣта умре Брячиславъ князь,
 сынъ Изяславъ, внукъ Володимеровъ, отецъ Всеславъ; и Всеславъ сѣде на столѣ отца
 своего. Сего же мати роди отъ волхвованія; матери бо родивши его, бѣ ему на главѣ знамя^г
 язвено, яма на главѣ его; рекоша волсви матери его: «се^д язвено, навязи на нь, да носить
 е до живота своего Всеславъ на себѣ»; сего ради немилостивъ есть на кровопролитіе.

Въ лѣто 6553. Заложити Володимеръ Ярославичъ церковь святую Софію въ Новѣгородѣ.

Въ лѣто 6554. Въ лѣто 6555. Иде Ярославъ третіе^е на Мазавшаны, и побѣди я, и князя
 ихъ уби Моислава, и покори землю ту Казимиру.

Въ лѣто 6556. Въ лѣто 6557, мѣсяца марта въ 4 день суботный, сгорѣ церкви святая
 Софія; бѣше же честно устроена и украшена, 13 верхы имущи, а стояла конецъ Пискупли^ж
 улицы, надъ Волховомъ, идѣже нынѣ постави Сотко церковь камену святого Бориса и
 Глѣба.

Въ лѣто 6558. Священа бысть святая Софія въ Новѣгородѣ, на Въздвиженіе честнаго
 креста, повелѣніемъ великого князя Ярослава. Того же лѣта преставися княгини Ярославля,
 февраля въ 10 день^з.

Въ лѣто 6559. Постави Ярославъ Ларіона митрополитомъ Русина^и святѣй Софіи въ Кіевѣ,
 собравъ епискупы.

Въ лѣто 6560. Преставися князь великій Володимеръ Ярославичъ¹ въ Новѣгородѣ, мѣ-
 сяца октября въ 4 день, въ недѣлю; и положенъ бысть въ святой Софѣи, юже создалъ.
 Того же лѣта начало Печерскому монастырю отъ Антонія; а въ Кіевѣ пришли тріе пѣвци
 изъ Грекъ съ роды своими.

Въ лѣто 6561. У Всеволода родися сынъ Володимеръ^к, отъ царицы Грекини^и.

Въ лѣто 6562. Преставися князь великій Русьскій Ярославъ. Еще бо суццю ему живу,
 наряди сыны своя, рекъ имъ: «се азъ отхожю свѣта сего, сынове мои; имѣйте въ себѣ лю-
 бовь, понеже вы есте братія единого отца и матере. Да аще будете въ любви межи собою;
 Богъ будетъ въ васъ, и покорить вамъ противныя, и будете мирно живуще; аще ли будете
 ненавистно^м живуще въ распряхъ и которающеса, то погибнете сами и потеряете землю

а) лѣтахъ. минушу и миру бывшу прибавл. К. О. б) двожды въ лѣтахъ прибавлено во осьмъ сп.
 кромѣ Ц. в) ели. егда поправлено въ Ц. г) знамя. только въ Т. Ц. д) се. такъ въ Лавр. т. I, 67; во
 осьмъ сп. все. е) третіе. въ третіе Ц. ж) пискупли. епискупи В. пискупіи въ прочихъ сп. кромѣ К. О.
 з) февр. въ 10 день. февр. въ 14 день К. О.; за сими и сына его князя владимера и архіепископа
 новгородского лука, но это должно соединить съ словами (см. выше) повелѣніемъ великого князя
 Ярослава. и) русина. русинамъ Т. Ц. В. руси намъ ошлбк. В. Г. i) Ярославичъ. сынъ Ярослава
 старѣйшій К. О. к) Володимеръ. монамахъ. прибавл. Ц. л) въ лѣто 6561. . . грекини. пропущено въ О.
 м) ненавистно. въ ненависти К. О.

отець своихъ и дѣдъ своихъ^а, иже налѣзоша трудомъ своимъ великимъ. Но пребывайте мирно ¹⁰⁶⁴ живуще, послушайте братъ брата. Се же поручаю въ себе мѣсто столъ свой старѣйшему ^{—60} сыну своему, а брату вашему. Изяславу Кіевъ^б, сего же послушайте, якоже послушасте мене, да тотъ вы будетъ въ мене мѣсто; Святославу даю Черниговъ, а Всеволоду Переяславль, а Игореву Володимеръ, а Вячеславу Смоленскъ.» И тако раздѣли имъ грады, и заповѣдавъ имъ не преступати предѣла^в братня, ни изгонити, рече къ Изяславу: «аще кто хоцетъ обидѣти брата своего, то ты помагай по немъ^г, егоже обидятъ;» и тако поучи сыны своя пребывати въ любви. Самому же болну сущю, и пришедшю^д къ Вышегороду, разболѣся велми, Изяславу сущю тогда въ Новѣгородѣ^е, а Святославу въ Володимерѣ, а Всеволодъ у отца; бѣ бо любимъ отцемъ паче всея братіи, егоже имяше присно у собе. Ярославъ же приспѣ конецъ житію, и предасть душу свою мѣсяца февраля въ 20 день, въ субботу 1 недѣли поста, на память святого великомученика Ѳеодора Тирона^ж. Всеволодъ же спрятавъ тѣло отца своего, и везоша къ Кіеву, попове поюще обычныя пѣсни, и плакашася по немъ вси людіе; Всеволодъ же принесе ѿ, положи въ рацѣ мраморянѣ въ церкви святыя Софіи. Живъ же Ярославъ всѣхъ лѣтъ 76. И посемъ раздѣлиша Смоленскъ на три части. И приде Изяславъ къ Новугороду^з, и посади Остромира въ Новѣгородѣ; и иде Остромиръ съ Новгородци на Чюдъ, и убиша его Чюдъ, и много паде съ нимъ Новгородцевъ. И паки Изяславъ иде на Чюдъ^и, и взя ѡсѣкъ Декипивъ^и, сирѣчь Солнца^к рука.

Начало княженія Изяславля. Въ лѣто 6563. Пришедъ Изяславъ сѣде на столѣ въ Кіевѣ; а Святославъ въ Черниговѣ, Всеволодъ въ Переяславлѣ, Игорь въ Володимерѣ, Вячеславъ въ Смоленскѣ. [Того же лѣта иде Всеволодъ на Торки, и побѣди я. Ц.]. Того же лѣта приходи Будушь^л съ Половци, и сѣтвори Всеволодъ миръ съ ними, и възвратишася Половци вспять, отъкуду бѣша пришли. [Того же лѣта клевета бысть на архіепископа Луку отъ своего холопа Дудики, и изыде изъ Новагорода, и иде къ Кіеву, и осуди ѿ митрополитъ Ефремъ; и пребысть тамо три лѣта. К. О.].

Въ лѣто 6565. Преставися Вячеславъ, сынъ Ярославъ, въ Смоленскѣ, и посадиша Игоря, выведъ изъ Володимеря. Тогда бысть игуменъ Ѳеодосій Печерскій въ Кіевѣ.

Въ лѣто 6566. Побѣди Изяславъ Голядѣ. [Того же лѣта архіепископъ Лука прія престолъ свой въ Новѣгородѣ, и свою власть; Дудицъ же холопу устну и носъ срѣзаша, и обѣ руцѣ усѣкоша. К. О.].

Въ лѣто 6567. Изяславъ, Святославъ и Всеволодъ высадиша стрія своего^м изъ поруба, сѣдѣвъ лѣтъ въ Псковѣ 24, зане водиша ѿ ротѣ; цѣловавъ крестъ, и бысть чернецъ, и привелоша ѿ въ Кіевъ.

Въ лѣто 6568. Преставися Игорь, сынъ Ярославъ^н. [Преставися архіепископъ Лука, идя изъ Кіева, на Коцысѣ, мѣсяца октября 15; того же мѣсяца преданъ бысть гробу своимъ клиросомъ, бывшу ему епископомъ лѣтъ 23. К. О.]. Изяславъ, Святославъ и Всеволодъ, и Всеславъ съвкупиша воя безъ числа, и поидоша на конѣхъ и въ лодіяхъ безчисленное мно-

а) и дѣдъ своихъ. нѣтъ въ Т. б) се же поручаю . . . кіевъ. пропущено въ О. в) предѣла. повелѣнія ошибк. К. О. г) по немъ. ему Ц. д) пришедшю. пришедше ошибк. Т. е) въ новѣгородѣ. пропущено въ К. О. ж) Память св. Ѳеодора Тирона празднуется 17 февраля; но службы сему же святому отправляется и въ субботу первой недѣли великаго поста. Сравни. Карамзина т. II, прим. 50. з) къ новугороду. къ кіеву городу К. О. и) и убиша . . . на чюдъ. пропущено въ Т. і) декипивъ. кедикивъ К. О. к) солнца. слонца Т. слѣнца Б. Г. л) будушь. болушь К. О. м) своего. судислава прибавлено на полѣ въ Ц. н) яросл. въ смоленскѣ приписано тамъ же въ Ц.

1060 жество на Торки^а. Се слышавше Торци, пробѣгоша и до сего дни, и помроша бѣгающе,
 —65 Божіимъ гнѣвомъ гоними, овии отъ глада и отъ зимы изомроша, судомъ Божіимъ; и тако избави Богъ христіянъ отъ поганыхъ. Того же лѣта ходи Изяславъ на Сосолы^б, и дань даяти заповѣда 2000 гривень; они же поручившеся дань дати, и изгнаша данники, на весну же пришедше повоеваша села о Юрьевѣ^в, и градъ и хоромы пожгоша, и много зла сѣтвориша, и до Пскова доидоша воююще; и идоша противу имъ Псковичи съ Новгородци на сѣчу, и падоша Руси 1000, а Сосоль безчислено.

Въ лѣто 6569. Придоша Половци первое на Русьскую землю воевати, Всеволодъ же изиде противу имъ, мѣсяца февраля въ 2 день; и бившимся имъ, побѣдиша Всеволода, и воевавши отъидоша. Се бысть первое зло отъ поганыхъ и безбожныхъ врагъ; бысть же князь ихъ Соколъ. Того же лѣта поставленъ бысть Новгороду архіепискупъ Стефанъ.

Въ лѣто 6570. Въ лѣто 6571. Судиславъ преставися, братъ Ярославъ, и погребоша и въ цѣркви святаго Георгія.

Въ лѣто 6572. Бѣжа Ростиславъ Тмуторокани, сынъ Володимеръ, внукъ Ярославъ, и съ нимъ бѣжа Порѣй, Вышота, сынъ Остромиръ воеводы Новгородскаго; и пришедъ выгна Глѣба изъ Тмуторокани, а самъ сѣде въ него мѣсто^г.

Въ лѣто 6573. Иде Святославъ на Ростислава, Ростиславъ же отступи кромѣ града, не убояся его, но не хотя противу стрывеи своему оружіе взяти. Святославъ же пришедъ Тмуторокани, и посади сына своего Глѣба, и възвратися опять; Ростиславъ же пришедъ паки, выгна Глѣба^д, а самъ сѣде Тмуторокани, и прииде Глѣбъ къ отцу своему. Въ се же лѣто Всеславъ рать почалъ. Въ си же времена бысть знаменіе на западѣ, звѣзда превелика, луча имущи^е кровавы, възходящи съ вечера по заходѣ^ж солнечномъ, и пребысть за 7 дній; се же проявляше не на добро, посемъ же быша усобици многы^з, и нашествіе поганыхъ на землю Русьскую; си бо звѣзда бѣ аки кровава, проявляющи кровопролитіе. Въ си же времена бысть дѣтищъ въверженъ въ Сѣтомль, егоже дѣтища выволокоша^и рыболове въ неводѣ, егоже смотрихомъ и до вечера, и паки ввергоша ѿ въ воду; бѣше бо сичево: на лиціи у него срамніи удове, а иного не лѣзъ сказати срама ради. Предъ симъ же временемъ и солнце премѣнися, и не бысть свѣтло, но яко мѣсяць бысть; егоже невѣгласи глаголють снѣдаему сущю. Сія же знаменія бывають не на добро; мы бо по сему разумѣемъ^и. Якоже древле, при Антиохѣ, въ Іерусалимѣ, ключися внезапно по всему граду за 40 дній являтися на въздухъ на конихъ рыщущимъ^к, въ оружіи, златы имуще одежда, и полкы обоямо^л являються, оружіемъ двизающимся; се же проявляше нахоженіе Антиохово, нашествіе рати на Іерусалимъ. Посемъ же при Неронѣ цари, въ томъ же Іерусалимѣ, въсія звѣзда въ образъ копейный надъ градомъ; се же имѣше^м нахоженіе рати отъ Римлянъ. И паки бысть при Устиньянѣ^н цари, звѣзда восія на западѣ, испущающи луча, юже прозывааху блистанницу, и бысть блистающи 20 дній, посемъ же бысть звѣздамъ теченіе съ вечера и до утрія, и мѣти всѣмъ, яко

а) торки - туркы(и) такъ и ниже К. О. б) на сосолы - на съсолы Б. на ссолы К. О. Г. на сосылъ В.; такъ и ниже во всѣхъ сп. в) о юрьевѣ - о югорьевѣ Т. г) въ него мѣсто - въ новѣ мѣстѣ ошибк. Ц. д) и възвратися. . . глѣба - пропущено въ В. е) имущи - имуща К. О. ж) по заходѣ - по западѣ всздъ кромъ К. О. з) усобици многы - усобица многа въ прочихъ сп. кромъ К. О. и) выволокоша - вывлекоша во всѣхъ сп. кромъ К. О. і) по сему разумѣемъ - по всему (по сему) разумѣаемъ всздъ кромъ О. к) рыщущимъ - рыщущихъ Т. рыщуще Ц. Б. В. Г. л) обоямо - обь(о)ямы всздъ кромъ Т. м) имѣше - имаше (имаше) К. О. В.; въ Лавр. проявляше. н) при устиньянѣ - такъ въ Лавр.; во всѣхъ сп. ошибкою при устіѣ, янѣ.

падають звѣзды^а, и паки солнце безъ лучъ сіяше; посемъ бо крамолы и умертвіа быша чело-¹⁰⁶⁵
вѣкомъ. Паки же при Маврикіи цари бысть сице: жена дѣтищъ роди безъ очію и безъ рукъ,^{—68}
въ чреслѣхъ бѣ ему рыбей хвостъ прирослъ; и пещъ родися о шти ногъ; во Африкіи же
родистася два дѣтища, едино о четырехъ ногахъ, а другое о дву главъ. Посемъ же бысть
при Костянтинѣ иконоборцѣ, сына Леонова, теченіе звѣздное бысть на небеси; отторгаху бо
ся на землю, яко видящимъ имъ мнѣти кончину сущю; тогда же и въздухъ възліяся^б пове-
лику. Въ Суріи же бысть трусъ великъ, земли разсѣдшися трею попріщъ, изиде дивно изъ
земли мска, чловѣчимъ гласомъ глаголющи, проповѣдаючи нашествіе языкъ, еже и бысть:
наидоша бо Срацини на землю Палестиньску. Знаменія бо въ небеси и въ звѣздахъ, или въ
солнці, или птицами, или етеромъ чимъ, не на добро бывають^в: но сія знаменія бывають
на зло, или проявленіе рати, или гладу, или смерть проявляютъ.

Въ лѣто 6574^г. Ростиславу сущю Тматорокани, и емлющю^д дань у Касогъ и у иныхъ
странъ, сего убоаяся Греци, послаша съ лестію Котопана; оному же пришедшю къ Ростиславу
и въѣхавшюся ему, и чтяше его Ростиславъ. Единою же піющю Ростиславу съ бояры
своими, рече Котопанъ Ростиславу: «княже! здравъ буди; хоцю ти пити;» князь же рече:
«пій.» Онъ же испивъ половину, а половину дасть князю пити; дотиснувся пальцемъ въ чашю,
бѣ бо имѣя подъ ноктемъ раствореніе смертное, и дасть князю, урекъ смерть до дне осмаго.
Князю же испившю чашю, Котопанъ же пришедъ въ Корсунъ повѣдаше, яко въ си день умереть
Ростиславъ, якоже и бысть; сего же Котопана побиха каменіемъ Корсуньстїи людіе. Бѣ бо
Ростиславъ мужъ добръ^е на рати, възрастомъ лѣтъ и лицемъ красенъ, и милостивъ убогимъ;
успе мѣсяца февраля въ 3 день, и тамо положенъ бысть въ церкви святыя Богородица.

Въ лѣто 6575. Заратися Всеславъ, сынъ Брячиславъ, Полотський, и зая Новѣгородъ
до Неревскаго конца и пожже; и пойма все у святыя Софіи, и паникадила и колоколы, и
отъиде. Ярославичи же тріе, Изяславъ, Святославъ, Всеволодъ, совкупивше вои идоша на
Всеслава, зимѣ сущи велицѣ, и придоша къ Меньску^ж, и Меняне затворишася въ градъ;
сіи же князи взяша Менескъ градъ, и изсѣкоша мужи, а жены и дѣти даша на щить. И
поидоша къ Немизи, и Всеславъ поиде противу, и совкупишася обои на Немизи, марта въ 3
день, бѣ бо сибѣгъ великъ, и противу поидоша себѣ; и бысть сѣча зла, мнози падоша, и
одолѣ Изяславъ, и Святославъ и Всеволодъ, а Всеславъ бѣжа. Посемъ же, мѣсяца іюля въ
10 день, Изяславъ, Святославъ, Всеволодъ цѣловавше крестъ ко Всеславу, ркуще ему: «прииди
къ намъ, яко не створимъ ти зла;» онъ же надѣяся о цѣлованіи креста, поѣха въ лодіи чрезъ
Днѣпръ. Изяславу же въ шатеръ предъидуцю, а Всеславу по немъ идуцю, и яша Всеслава
на Рши^з у Смоленска, преступивше крестъ. Изяславъ же приведъ Всеслава къ Кіеву, всади
его въ порубъ съ двѣма сынома.

Въ лѣто 6576. Придоша иноплеменици на Русьскую землю, Половци мнози, Изяславъ
же, и Святославъ и Всеволодъ изидоша имъ противу на Алто; и бывши нощи, поидоша про-
тиву себѣ, грѣхъ ради нашихъ нусты Богъ на ны Половецъ поганыхъ, и побѣгоша Русьстїи
князи. Изяславу же со Всеволодомъ къ Кіеву прибѣгшю, а Святославу къ Чернигову, и
людіе Кіевстїи прибѣгоша къ Кіеву, и сѣтвориша вѣчь на торговици, и рѣша пославшеся ко

а) падають звѣзды. падающи звѣздамъ во всѣхъ сп. кромѣ К. О. б) възліяся. възніся вездѣ кромѣ К. О.
в) бывають и ниже проявляютъ такъ въ Лавр.; во всѣхъ сп. бываетъ и проявляетъ. г) въ л. 6574.
нптъ въ К. О. д) емлющю. емлюще вездѣ ошибк. кромѣ К. О. е) добръ. дебель (добель) вездѣ кромѣ К. О.;
въ Лавр. добль, ратень. ж) къ меньску. къ меньскому В. къ смоленску ошибк. Т. з) на рши. на
ржи Т. В. (и поидоша) къ кіеву прибавлено въ Ц. Б. Г.

1088 князю : « а се Половци разсунулися^а по земли ; дай , княже , оружіе и кони , и еще біемся съ —69 ними . » Изяславъ же сего не послуша . И начаша людіе говорити на воеводу на Косняча ; и идоша на гору съ вѣча , и придоша на дворъ Коснячевъ , и не обрѣтоша его , стаха у двора Брячиславля и рѣша^б : « поидемъ , высадимъ дружину свою изъ погреба . » И раздѣлишася на двое : половина ихъ иде къ погребу , а половина ихъ иде по мосту ; си же придоша на княжъ дворъ . Изяславъ же сѣдѣше на сѣнѣхъ съ бояры своими , и начаша прѣтиса со княземъ . Стояще долѣ , князю изъ оконца зрящю , а бояре стояще у князя , рече Туки , братъ Чюдинъ , Изяславу : « видиши , княже , людіе възвысилися^в ; послѣ , ать Всеслава блюдуть . » И се ему глаголющю , другая половина людей пришли отъ погреба , отворотивше^г погребъ ; и рѣша бояре князю : « се зло есть ; послѣ ко Всеславу , ать^д призвавше лестію ко оконцю , и пронзуть ѿ мечемъ ; » и не послуша сего князь . Людіе же кликнуша и идоша къ погребу Всеславу ; Изяславъ же се видѣвъ , со Всеволодомъ побѣгоста съ двора , людіе же Всеслава выскоча изъ погреба , въ 15 сентября , и поставиша посреди двора князя , и дворъ княжъ разграбиша , безчисленное множество злата и сребра , и кунами и бѣлію . Изяславъ же бѣжа въ Ляхы . Половцемъ же воюющимъ по земли Русьской , Святославу сущю въ Черниговѣ , и Половцемъ воюющимъ около Чернигова , Святославъ же собравъ дружины нѣколко , изиде на нѣ къ Сновску ; и узрѣша и^ж Половци идуща , бой пристроиша противу . И видѣвъ Святославъ множество ихъ , рече къ дружинѣ своей : « потягнемъ , братіе ; уже намъ не лѣтъ камо ся дѣти ; » и удариша въ кони . И одолѣ Святославъ въ трехъ тысящахъ , а Половцевъ бѣ 12 тысящъ , и тако біеми , а инѣи потопоша въ Снови , а князя ихъ яша руками , въ 1 день ноября ; и възвратиса съ побѣдою въ градъ свой Святославъ . Всеславъ же сѣде въ Кіевѣ . Се же яви силу крестную Господь Богъ нашъ , зане Изяславъ цѣлова крестъ и изима^з его , тѣмже наведе Богъ поганыхъ ; сего же явѣ избави крестъ честный ; въ день Въздвиженія Всеславъ въздохнувъ рече : « о кресте честный ! въ тебе вѣровахъ , избави мя отъ рва сего . » Богъ же показа силу крестную на показаніе^и земли Русьстѣй , да не преступаютъ честнаго креста , цѣловавше его ; аще преступитъ кто , то и здѣ приметь казнь , и на предъидущемъ вѣцѣ жизни вѣчныя да не приметь^і : зане велика есть сила крестная . И сѣдѣ Всеславъ въ Кіевѣ 7 мѣсяцъ^к . [И иде владыка Стефанъ въ Кіевъ , и тамо свои холопи удавиша его . К . О .]

Въ лѣто 6577 . Поиде Изяславъ съ Болеславомъ на Всеслава , Всеславъ же поиде противу ; и прииде къ Бѣлугороду Всеславъ , и бывши ноци , утаився Кіянъ и бѣжа изъ Бѣлугорода къ Полотьску . Заутра же видѣвше людіе бѣжавша князя , възвратишася къ Кіеву и сѣтворивше вѣчъ , послаша къ Святославу и ко Всеволоду , глаголюще : « мы уже зло сѣтворили есмы , князя своего прогнавше , и се нынѣ Ляцьскую землю ведеть на ны ; и вы поидите^л въ градъ отца вашего , али^м не хотите , то намъ неволя : зажжемъ градъ свой , и ступимъ въ землю Гречьскую . » И рече имъ Святославъ : « послевѣ къ брату своему , да аще поидеть на вы съ Ляхи погубити васъ , то мы противу ему поидемъ ратию , да не дадивѣ^н ему погубити града отца своего ; аще ли хочеть прийти съ миромъ , то вмалѣ приидеть^о силѣ ; »

а) разсунулися . разсыпалися В . разсулися *въ прочитъ сп .* кромѣ Т . б) и рѣша . только *въ* К . О .

в) възвысилися . възвылися Ц . Б . В . Г . възвысилися *ошибк .* К . О . : *въ Лавр .* възвыли . г) отворотивше . отворивше К . О . д) ать . и тѣ (и то , и той) *ошибк .* *вездѣ* кромѣ К . О . е) на нь . на ня К . О . ж) и . только *въ* К . О . з) и изима . и я К . О . и) на показаніе . на показаніе Т . і) жизни . . . да не приметь . муку (казнь) вѣчную приметь Ц . К . О . В . жизнь вѣчную приметь *ошибк .* Б . Г . к) 7 мѣсяцъ . только *въ* К . О . л) и вы поидите . а поидѣта К . О . м) али . аще ли *вездѣ* кромѣ Т . н) да не дадивѣ . не дамы бо К . О . о) приидеть . прииди Ц . Б . В . Г .

и утѣшиста Кіянны. Святославъ же и Всеволодъ посласта къ Изяславу, глаголюще: «Всеславъ 1069
ти бѣжалъ, а не води Ляховъ къ Кіеву, противника ти нѣтъ; аще ли хоцеша гнѣвъ имѣти, —⁷¹
погубити градъ, то вѣси, яко намъ жалъ стола отца своего.» То слышавъ Изяславъ, остави
Ляхы, поиде съ Болеславомъ, мало Ляховъ поимъ; пославъ же предъ собою сына своего
Мьстислава. И пришедъ въ Кіевъ^а изсѣче тѣхъ, иже выскоча Всеслава, числомъ 70 мужъ,
а другыя слѣпи, а иныхъ погуби не испытавъ. Изяславу же идущю къ граду, изидоша лю-
діе съ поклономъ^б противу, и посадиша князь свой въ Кіевъ; и сѣде^б на столѣ своемъ въ
Кіевъ, мѣсяца маія въ 2 день. И распусти Ляхы на покормъ, и избиваху Ляхы отай, и
възвратися въ Ляхы Болеславъ, въ землю свою. Изяславъ же възгна торгъ на гору, и прогна
Всеслава изъ Полотьска, и посади сына своего Мьстислава въ Полотьскъ, иже скоро умре
ту; и посади^в въ него мѣсто брата его^г Святополка^д. Всеславъ же бѣжа. Побѣди Глѣбъ^е
князь съ Новгородци Всеслава князя на Кзени^ж, мѣсяца октября въ 23 день, въ пятокъ^з,
на память святаго апостола Іакова брата Господня; велика бѣ сѣча тогда Вожаномъ; а
заутра обрѣтесе крестъ князя Володимера въ святой Софѣи на полатахъ, егоже взялъ бѣ
князь Всеславъ ратию въ святѣй Софѣи.

Въ лѣто 6578 Родися у Всеволода^и сынъ, и нарекоша ѥ именемъ Ростиславъ. Того же
лѣта заложена бысть церкви святаго Михаила, въ монастыри Всеволожи на Выдобычи.

Въ лѣто 6579. Воеваша Половци у Растовца и у Неятина^л. Въ се же лѣто выгна Все-
славъ^к Святополка изъ Полотьска. Въ се же лѣто побѣди Ярополкъ Всеслава у Голотичьска. Въ
си же времена прииде волхвъ, прелщень бѣсомъ; пришедъ бо къ Кіеву, глаголаше: «яко явило
ми ся есть пять боговъ, глаголюще сице: повѣдай людемъ, яко на пятое лѣто потещи
Днѣпру вспять, а землямъ преступати на иная мѣста, яко стати Гречьской земли на Русь-
ской земли, а Русьской земли на Гречьской земли, и прочимъ землямъ измѣнятися.» Егоже
невѣгласи послушаху, вѣрніи же насмѣхаются, глаголюще ему: «бѣсъ тобою играетъ на
пагубу тебѣ;» еже и бысть ему, въ едину бо ночь бысть безъ вѣсти. Бѣси бо потокше
вводятъ на зло, посемъ же насмѣхаются, вринуше ѥ въ пропасть смертную, научивше
глаголати^м; яко се сказаемъ^н бѣсовское наученіе и дѣйство. Бывши единою скудости въ
Ростовской области, вѣстаста два волхва отъ Ярославля, глаголюще: «яко мы вѣдаемъ,
кто обиліе держить;» и поидоста по Волзѣ, и гдѣ приидоста въ погостъ, ту же нарицаху
лучшая жены, глаголюща^п, яко си жито держать, а си медъ, а си рыбы, а си скору. И
привожаху къ нима сестры своя, и матери и жены своя; они же въ мечтѣ прорѣзаста за
плечима, вынимаста любо жито, любо рыбы, или виверицю, и убивахуть жены тѣ многи,
а имѣнія^о ихъ взимахуть къ себѣ. И приидоста на Бѣлоозеро; и бѣ у нихъ людій 300. Въ
се же время приключися принти отъ Святослава дань емлюще Яневи, сыну Вышатины; и

а) и пришедъ въ кіевъ. только въ Ц. К. О. б) и сѣде. изяславъ прибавл. Ц. в) и посади. изяславъ
прибавл. Ц. г) его. своего ошибк. Т. д) свят. другого своего сына прибавлено на полъ въ Ц. е) глѣбъ.
святославичъ прибавл. Ц. ж) на кзени. на гзени вездѣ кромѣ Т. з) въ пятокъ. въ часъ 6 дни прибавл. К. О.
и) у всеволода. такъ въ Лавр. (т. I, стр. 75); во всѣхъ сп. у всеслава. і) и у неят. см. Лавр.; въ сп.
у неят. к) всеславъ. святославъ ошибк. вездѣ кромѣ К. О. л) глаголати. такъ въ Лавр.; во всѣхъ сп.
глаголаше (глаголюще). м) сказаемъ. только въ Ц. сказа имъ въ прочихъ сп.; въ Лавр. скажемъ.
н) глаголюща. только въ К. О.; въ прочихъ сп. глаголюще. о) а имѣнія. а иныя ошибк. Ц.

* Далѣе въ Вор. пропускъ до словъ: «въ монастыри Всеволожи на Выдобычи (подъ 6578
годомъ).

1071 повѣдаша ему Бѣлозерци, яко два кудесника избила уже множество женъ по Волзѣ, по Шехснѣ^а, и пришла еста сѣмо. Янъ же испытѣ, чїа еста смерда, и увѣда, яко еста его^б князя: пославъ къ нимъ иже около ею суть, и рече къ нимъ: «выдайте волхва та сѣмо, яко смерда моего князя и мои;» они же сего не послушаша^в. Янъ же поиде самъ безъ оружія, и рѣша ему отроки его: «не ходи безъ оружія, изсоромятъ тя;» онъ же повелѣ взять отрокомъ своимъ оружіе, и бѣ 12 отрокъ его съ нимъ, и поиде къ нимъ къ лѣсу. Они же стаха исполчившеся противу, а Яневи же идущю съ топоркомъ, и выпустиша отъ нихъ 3 мужи, глаголюще Яневи: «видя идеши на смерть, не ходи.» Яневи же повелѣвшю бити я, къ прочимъ поиде. Они же сунушася на Яна, и единъ грѣшися Яна топоромъ, а Янъ оборотивъ топоръ удари тыліемъ, и повелѣ отрокомъ сѣщи я: они же бѣжаша въ лѣсъ; и убиша ту попина Янева. Янъ же вшедъ въ градъ, Бѣлозерцемъ рече: «аще не имете волхву сію, не иду отъ васъ за лѣто.» Бѣлозерци же шедше яша ихъ^г, привелоша ихъ къ нему, и рече има: «что ради толико изгубиста человѣкъ?» Они же рѣша: «яко ти держать обиліе, да аще истребивъ, избобѣвъ сихъ, и будетъ гобино; аще ли хоцещи, то предъ тобою вымевъ жито, или рыбу, или ино что?» Янъ же рече: «по истинѣ лжета: створилъ бо естъ Богъ человѣка отъ земля, съставленъ костми и жилами отъ крове, и нѣтъ въ немъ ничтоже; а вы не вѣсте ничтоже^д, токмо единъ Богъ вѣсть.» Они же рекоста: «вѣдаемъ, како естъ человѣкъ сътворенъ.» Онъ же рече: «како?» Они же рѣша: «Богъ мывся отресе ветхемъ, и сверже съ небеси на землю; и распрѣся сотона съ Богомъ, кому въ немъ створити человѣка? и сътвори дїаволъ человѣка, а Богъ душою вложи въ онъ; тѣмже аще умреть человѣкъ, въ землю идетъ тѣло, а душа къ Богу.» Рече има Янъ: «по истинѣ прелестилъ вы естъ бѣсъ; коему Богу вѣруета?» И они же рекоста: «антихристу.» Онъ же има рече: «то гдѣ естъ?» Она же рекоста: «сѣдѣть въ безднѣ.» Онъ же рече: «то кый то Богъ сѣдитъ въ безднѣ^е? то естъ бѣсъ, а Богъ естъ сѣдѣй на престолѣ на небеси, славимъ отъ Ангелъ, иже предстоятъ ему со страхомъ, не могуще на нь зрѣти; сихъ бо Ангелъ сверженъ бысть, егоже вы глаголета^ж антихриста, за величіе^з его сверженъ бысть съ небеси, и естъ въ безднѣ, якоже вы глаголета, жда, егда^и Богъ снидетъ съ небеси, сего емъ антихриста, свяжетъ узами и посадить его въ огни вѣчнѣмъ съ слугами его, иже къ нему вѣрують: вамъ же и здѣ мука прїяти отъ мене, и по смерти тамо.» Онѣма же рекшима: «нама бози повѣдаютъ, не можеша нама створити ничтоже.» Онъ же рече има: «лжуть вамъ бози.» Она же рекоста: «намъ предъ Святославомъ стати, а ты не можеша намъ створити ничтоже.» Янъ же повелѣ бити я, и поторгаша^к брадѣ ею. Сима же біенома, и брады поторганы розщепомъ^л, рече има Янъ: «что вамъ бози молвять?» Онѣма же рекшима: «стати намъ предъ Святославомъ.» И повелѣ Янъ вложити има въ уста рубль, и привязати я къ упругомъ, и пусти предъ собою въ лодіи, и самъ по нихъ поиде. И стаха на усть Шехсны; и рече има Янъ: «что вамъ бози молвять? Они же рекоста: «сице намъ молвять^м, не быти намъ живымъ^н отъ тебе.» И рече има Янъ: «то право повѣдаютъ.» Она же рекоста: «аще наю пустиши, то много ти добра будетъ; аще ли наю погубиши, то много печаль прїмеша и зло.» Онъ же

а) по шехснѣ. по сокъшнѣ К. О. по шекснѣ В. б) его. ему прибавлено вездѣ. в) не послушаша. не послушаста *ошибк. вездѣ кромѣ* К. О. В. г) ихъ. и Т. д) а вы не вѣсте ничтоже. *только въ* К. О. е) онъ же рече. . . въ безднѣ. *пропущено въ* Ц. Б. Г. ж) глаголета. глаголете *такъ и ниже въ прочихъ сп. кромѣ* К. О. В. з) за величіе. за величаніе К. О. и) егда. якоже (яко) *вездѣ кромѣ* К. О. і) и поторгаша. и поторгати К. О. к) поторг. розщ. поторганъ проскепомъ К. О. л) они же. . . молвять. *пропущено въ* Ц. Б. Г. м) живымъ. живыма К. О.

рече: «аще ваю пуню, то зло ми будетъ отъ Бога; аще ли ваю погублю, то мзда ми отъ 1071
Бога будетъ.» И рече Янъ къ извозникомъ: «ци кому вамъ кто родинъ будетъ убиенъ отъ
сею?» Они же рѣша: «мнѣ мати, а другому сестра.» Онъ же рече: «мстите своихъ.» Они
же поимше убиша ихъ, и повѣсиша на дубѣ, отмстѣе прїимше отъ Бога по правдѣ; а Яневи
идущую домовъ^а, и въ другую ночь медвѣдь възлѣзъ^б, угрызъ и снѣсть ихъ: и тако погиб-
нуста бѣсовскимъ наученіемъ, инѣмъ вѣдуща^в и гадающа, а своя пагубы не вѣдуща. Аще
быста вѣдала, то не быста пришла на мѣсто се, идѣже ятома има быти; аще ли ята еста,
то почто глаголаста: «не умрети нама,» оному мыслящю убити я? Но се есть бѣсовское
наущеніе; бѣси бо не вѣдаютъ мысли человѣчскыя, но влагаютъ помыслъ въ человѣка, тайны
не свѣдуща. Богъ единъ вѣсть помышленія человѣчская, бѣси бо не свѣдаютъ ничтоже:
суть бо немощни и худы взоромъ. Яко и се скажемъ о взорѣхъ ихъ и о мраченіи ихъ. Въ
си бо времена и въ лѣта си приключися нѣкому Новгородцю прїити въ Чюдъ, и прииде къ
кудеснику, хотя волхвованія отъ него; онъ же, по обычаю своему, нача призывати бѣсы въ
храмину свою. Новгородцю же сѣдѣщю на празѣ храмины тоя, кудесникъ же лежаша оцѣп-
нѣвъ, и шибе имъ бѣсъ; кудесникъ вѣставъ рече къ Новгородцю: «бози не смѣють прїити,
нѣчто имаша на себѣ, егоже боятся.» Онъ же помянувъ на себѣ крестъ, и отшедъ постави
кромѣ храмины тоя; онъ же начатъ изнова призывати бѣсы, бѣси же^г метавше имъ повѣ-
даша, что ради пришелъ есть^д. Посемъ же нача прашати его: «что ради боятся его иже
носимъ на себѣ крестъ?» Онъ же рече: «то есть знаменіе небснаго Бога, егоже носиши, и
наши бози^е боятся его.» Онъ же рече: «каковы суть ваши бози и гдѣ живутъ?» Онъ же
рече: «бози наши живутъ въ безднѣ; суть же образомъ черни и крилати, хвосты имуща,
вѣсходятъ же и подъ небо, слушающе вашихъ боговъ; ваши бо бози на небесѣхъ суть, и
аще кто умреть отъ вашихъ людей, то възносимъ есть на небо; аще ли кто отъ нашихъ
людей умираетъ, то носимъ есть нашимъ богомъ въ бездну.» Якоже и есть: грѣшници въ
адѣ суть, ждуща муки вѣчныя, а праведници въ небесномъ жилищи^ж вѣдваряются съ Ангелы.
Сица ти есть бѣсовская сила, и лѣпота^з, и немощь; тѣмже прелщаютъ человѣкъ, веляще
имъ глаголати видѣнія, являющееся имъ несвершеннымъ вѣрою, являющееся во снѣхъ, инѣмъ
въ мечтѣ, и тако волхвуютъ наученіемъ бѣсовскимъ. Паче же женами бѣсовская волшвенія
бываютъ: искони бо бѣсъ прельсти жену, си же мужа; тако въ си^и роди волхвуютъ жены
чародѣйствомъ, и отравою, и инѣми бѣсовскими козньми. Но и мужи прелщени бываютъ отъ
бѣсовъ невѣрніи; яко се въ первыя роды при Апостолѣхъ бысть Симонъ волхвъ, иже тво-
ряше волшѣствомъ псомъ глаголати человѣчскы, и самъ премѣняшеться, овогда старъ, овогда
младъ, овогда иного премѣняше во инъ образъ, въ мечтаніи сице творяше; Аній^и и Замбрій
волшвеніемъ чуда противу Моисеови творяху; но и Кинопъ творяше мечтаніемъ бѣсов-
скимъ, яко и по водамъ ходити, и иная мечтанія творяше, бѣсомъ лѣстимъ, на пагубу себѣ
и инымъ. Сице же волхвъ вѣсталъ въ Новгородѣ при князи при Глѣбѣ; глаголаше бо
людемъ, творяся яко Богъ, и многы прельсти, мало не весь градъ: глаголаше бо, яко про-
видя вся, и хуляше въру христїанскую, и глаголаше бо: «яко пренду по Волхову предъ
всѣми.» И бысть мятежъ въ градѣ великъ, и вси яша ему вѣру, и хотяху побити^к епискупа

а) домовъ. домове Т. б) възлѣзъ. узрѣвъ К. О. в) вѣдуща. такъ въ Лавр.: во всѣхъ сп. виляща.
г) бѣси же. бѣсъ же и ниже повѣдаше О. д) есть. такъ въ Лавр.: во всѣхъ сп. еси. е) бози.
только въ К. О. ж) жилищи. царствѣ В. з) лѣпота. слѣпота Г. и) въ си. такъ исправлено; во всѣхъ сп.
си. і) аній. ани Т: въ прочихъ сп. испорчено: см. Лавр. Лѣт. (т. I, стр. 77). к) побити. погубити Ц.
Томъ V.

1071 Теодора; епискупъ же Теодоръ вземъ крестъ, обolkъся въ ризы, ста рекъ: «ниже хоцетъ
—72 вѣру няти волхву, то идетъ за нимъ; аще ли вѣруеть ко кресту, да идетъ по нь^а.» И раз-
дѣлишася надвое: князь Глѣбъ и бояре его стаха у епискупа, а людѣ вси идоша за волхва;
и бысть мятежь межи ими. Глѣбъ же вземъ топоръ подъ skutъ^б, и прииде къ волхву и рече
ему: «вѣси ли, что утро хоцетъ быти, или что вечеръ?» Онъ же рече: «вѣмъ все.» И рече
Глѣбъ: «кто вѣси ли, что ти хоцетъ днесь быти?» Онъ же рече: «чюдеса велика сѣворю.»
Глѣбъ же вынемъ топоръ, ростя ѿ, и паде мертвъ, и людѣ разидошася^в; онъ же окаанный
погибе душею и тѣломъ, предався діаволу.

О пренесеніи мощей святою мученику Бориса и Глѣба. Въ лѣто 6580. Бысть
пренесенію время святыма мученикома Романа и Давыда: совокупившеся братія Ярославичи,
Изяславъ, Святославъ, Всеволодъ, митрополитъ Георгій Кіевскій, и другіи, Неофитъ Черни-
говскій епискупъ, Петръ Переяславльскій, Никита Бѣлогородскій, Михайло Юріевскій, и
игуменъ Теодосій Печерскій, Софроній святого Михаила, Германъ святого Спаса, Никола
Переяславскій, и прочіи вси игумены, и попы и діакони, пришедше со кресты и съ кадилы
и свѣщами многими, идѣже лежать святою^г тѣлеса пречистая^д, и сѣтворивъ молитву повелѣ
откопати персть, сущую на гробѣ святою. Копающимъ же имъ, исхожааше благоуханная воня
отъ гробу святою^е, и откопавше изнесоша отъ земля; и приступивъ митрополитъ^ж съ прозви-
теры, съ страхомъ и любовію откры гробъ святою, и видѣша чюдо преславно, тѣлеса свя-
тыхъ никакоже^з язвы не имуща^и, но все цѣло, и лица ихъ свѣтла бѣста яко Ангела, яко
дивитися архіепискупу^і зѣло, и всѣмъ исполнившимся благоуханія многа. И створиша праздни-
ство свѣтло, и взявше святого Бориса въ деревяной рацѣ на рама своя, понесоша князи,
предъидущимъ преподобнымъ черноризцемъ^к съ свѣщами, и по нихъ діакonomъ съ кандилы,
таче и прозвитеры, и по сихъ митрополитъ и епискупи, и по сихъ ношаху раку; принесше
и поставиша въ новой церкви, юже сѣдѣла Изяславъ, яже стоитъ донынѣ И отверзоша раку,
и исполнися церковь благоуханія и воня пречудны: и си видѣвше, прославиша Бога. И ми-
трополита обиде ужась, бѣше бо не твердо вѣруа къ святыма^л, и падъ ницъ просяше про-
щенія; и цѣловавше мощи его, вложиша въ раку^м камену. Посемъ же взявше Глѣба въ
рацѣ каменѣ, вставивше на сани и емше ѱжи, повезоша ѿ; и яко быша въ дверехъ, и ста
рака, не поступащи отъ мѣста. И повелѣша народомъ звати: «Господи помилуй»; и моля-
хуся Господеву и святыма мученикома, и абіе подвижеся рака, и повезоша ѿ, и положиша
ѿ мѣсяца мая въ 2 день. И цѣлова главу святого^н Бориса, и святого Глѣба руку вземъ^о
Георгіе митрополитъ, благословяшетъ князя Изяслава, и Святослава, и Всеволода; и пакы
Святославъ вземъ^п за руку митрополита, держаща святого руку, прилагаше къ вреду, чимъ
боляше на шеи, потомъ къ очима и къ тѣмени, и пакы положи руку въ гробѣ; и начаша
пѣти святою литургію. И рече Святославъ къ Бернови: «пѣчто мя на главѣ бодеть»; и сня
клобукъ, и видѣ Бернъ ноготь святого Глѣба, и снятъ^р съ главы и власть Святославу; онъ
же прослави Бога о благодареніи святыхъ мученикъ Бориса и Глѣба. И по литургіи вся

а) по нь • по немъ К. О. б) подъ skutъ • подъ скудъ *вездѣ кромѣ* К. О. в) разидошася • разсыпашася Т. г) святою •
святую *такъ и ниже* К. О. д) тѣлеса пречистая • тѣлесѣ пречистѣи К. О. е) святою • святую Ц. Б. В. Г.
ж) митр. • іоанъ *прибавлено во всѣхъ сп., но въ Ц. помято киноварью*. з) никакоже • никакая же *вездѣ*
кромѣ Т. В. и) не имуща • не имуще *вездѣ кромѣ* К. О. і) архіеп. • епископу *ошибк.* К. О. к) черно-
ризцемъ • чернцемъ К. О. л) къ святыма • къ нимъ Т. м) въ раку • *пропущено въ* Т. н) святого • святую
(святую) *вездѣ кромѣ* К. О. о) вземъ • и вземъ *во всѣхъ сп. кромѣ* К. О. п) вземъ • имъ К. О. р) снятъ •
снятъ и • К. О.

братія идоша съ бояры^а съ своими койждо, и обѣдаша вкупѣ съ любовію съ великою, и 1072
праздноваша празднство свѣтло, и много милостыни сътвориша убогимъ; и цѣловавшеся —76
мирно, и разидошася въсвоеи кождо ихъ. И отголѣ утвердися таковой праздникъ мѣсяца
маія въ 2 день^б, въ славу святыхъ мученикъ Бориса и Глѣба, благодатию Господа нашего
Исуса Христа, аминь.

^а Въ 6581. Въздвиге діаволъ котору въ братіи си Ярославичехъ^г. Бывши распри межѣ ими^д,
бывъ себѣ Святославъ со Всеволодомъ на Изяслава; изиде Изяславъ изъ Кіева^е, и Свято-
славъ и Всеволодъ внидоша въ Кіевъ, мѣсяца марта въ 22 день^ж, и сѣдоша на Берестовомъ^з
на столѣ, преступивше заповѣдь отню. Святославъ же бѣ начало^и выгнанію^і братню, же-
лая больша^к власти; Всеволода бо прельсти, глаголя: «яко Изяславъ свадится со Всесла-
вомъ, мысля на наю^л; да аще его не попредимъ, имать наю прогнати;» и тако възостри
Всеволода на Изяслава. Изяславъ же иде въ Ляхы съ имѣніемъ многимъ и съ женою, уповая
богатствомъ многимъ^м, глаголя: «яко симъ налѣзу воя»; еже все взяша Ляхове у него, и
показа^н ему путь отъ себе. А Святославъ сѣде въ Кіевѣ, прогнавъ брата своего, престу-
пивъ заповѣдь отню^о, паче же Божію. Великъ бо есть грѣхъ преступати^п заповѣди^р отца своего:
ибо исперва преступиша сынове Хамови на землю Симову^с, по 400 лѣтъ^т отмщеніе пріа^ш
отъ Бога; отъ племени бо Симова^у суть и Евреи^ф, иже избиша Хананѣйско племя, и воспріа^ш
свои жребіи, свою землю. И паки преступи Исавъ заповѣдь отца своего, и пріа убійство;
не добро есть преступати въ предѣлѣ чужаго.

Далѣе см. сего изданія томъ I, стр. 79 — 80. Слова: Въ лѣто 6582. Ѳеодосій игуменъ
Печерскій . . . и общася пещися монастыремъ.

Въ лѣто 6583. Придоша послѣ изъ Нѣмцевъ къ великому князю Святославу, Святославъ
же величаяся, показа имъ богатство свое; они же видѣвши безчисленное множество злата,
сребра и паволокы, и рѣша: «се ничтоже есть, се бо лежитъ мертво и сметіе^х; мужи
бо ся доищутъ и болши^ч сихъ.» Тако похвалися Іезекія царь Іудейскій къ посломъ царя
Асурійска, егоже вся^я взята быша въ Вавилонъ; тако и по сего смерти все имѣніе раз-
сыпаса разнѣ. [Того же лѣта поча церковь ставити игуменъ Стефанъ, и конча ее на третіе
лѣто, а основаніе положи Ѳеодосій. Ц.]

Въ лѣто 6584. Преставися князя великаго сынъ Ярославъ, Святъславъ^ш, и положенъ
бысть въ церкви святаго Спаса^ш въ Черниговѣ; и сѣде по немъ въ Кіевѣ^ъ великимъ княземъ^ы
Всеволодъ Ярославичъ^ь.

а) съ бояры. такъ поправлено въ Т. Ц. сборы ошибк. Б. К. Г. соборы В. б) въ 2 день. въ 21 день
ошибк. К. О. в) Въ Ц. написано на полѣ киноварю, въ видѣ заглавія: о брани межѣ брати
ярославичехъ. г) ярославичехъ. ярославичи Т. Б. Г. съ ерославичи В. д) ими. има вездѣ кромѣ К. О.
е) изъ кіева. отъ кіева во всѣхъ сп. кромѣ К. О. ж) въ 22 д. въ 23 день В. з) на берестовомъ.
на березовѣ В. и) начало. началъ Т. і) выгнанію. выгнатию Г. въгнанію К. О. к) больша.
лѣтъ въ Ц. Б. Г. л) на наю. на ня К. О. м) и съ женою. . . многимъ. лѣтъ въ Ц. Б. Г. н) и показа^ш.
показавше К. О. о) отню. отца своего Ц. отечню В. п) преступати. преступающимъ К. О. р) заповѣди.
заповѣдь Ц. К. О. с) симову. такъ поправлено въ К.; въ прочихъ сп. сифову. т) лѣтъ. лѣта Т.
у) симова. такъ поправлено въ К., а въ прочихъ сп. сифова. ф) и еврей. евреи К. О. х) сметіе;
слѣд. въ семъ изданіи т. I, стр. 85. ц) и болши. болша К. О. ч) вся. прибавлено изъ Лавр. (т. I,
стр. 85). ш) святъславъ. отъ рѣзанія жолвей приписано на полѣ въ Ц. щ) въ церкви св. спаса. въ
святѣмъ спасѣ К. О. ѣ) въ кіевѣ. братъ его прибавлено между строкъ въ Ц. ы) вел. княземъ. на столѣ
прибавлено въ К. О. ь) ярославичъ. лѣтъ въ К. О.

1077 Въ лѣто 6585. Поиде Изяславъ съ Ляхы^а на Всеволода. Того же лѣта преставися
—87 архіепискупъ Новгородскій Феодоръ^б.

Въ лѣто 6586. Бѣжа Олегъ Святославичъ^в. Того же лѣта поставленъ бысть архіеписку-
помъ Новугороду Германъ.

Въ лѣто 6587. Прииде Романъ съ Половци къ Воиню^г, Всеволодъ же у Переяславля
ста и сѣтвори миръ съ Половци; и възвратися Романъ съ Половци вспять^д, и убиша
его ту^е Половци августа въ 2 день; и суть кости его и до сего дни, сына Святославля,
а внука Ярославля. А Олга емше поточиша за море, ко Царюграду; Всеволодъ же по-
сади намѣстника своего Ратибора въ Тмуторокани. Того же лѣта убіенъ бысть Изяславъ
Ярославичъ съ Борисомъ Вячеславичемъ^ж, бѣся по Всеволодѣ съ Олгомъ Святославичемъ и
съ Борисомъ Вячеславичемъ у града Чернигова; ту же^з и воеводы его побиша, привели бо
бѣша Половцевъ на Русьскую землю. И положиша Изяслава въ святѣй Софій въ Кіевѣ, и
бысть княженія его 24 лѣта. Того же лѣта^и убіенъ бысть Глѣбъ Святославичъ въ Заволочіи,
мая въ 30 день, и положенъ бысть въ Черниговѣ за святымъ Спасомъ. Сѣде Всеволодъ опять
на столѣ въ Кіевѣ, и посади сына своего Володимера въ Черниговѣ, а Ярополка въ Володи-
мерѣ; а Святополку Изяславичю сѣдящю въ Новѣгородѣ, а Ярополку въ Вышегородѣ, а Во-
лодимеру въ Смоленску.

Въ лѣто 6588. Заратишася Торки Переяславци^і на Русь; Всеволодъ же посла сына своего
Володимера, Володимеръ же шедъ побѣди Торки.

Въ лѣто 6589^к. Въ лѣто 6590^л. Въ лѣто 6591. Прииде изъ Грекъ Олегъ Тмутороканю,
и ятъ Давыда и Володаря Ростиславича, и сѣде Тмуторокани; и изсѣче Козары, иже бѣша
свѣтні^м на убіеніе брата его и на самого, а Давыда и Володаря пусти.

Въ лѣто 6592. Въ лѣто 6593. Въ лѣто 6594^н. Въ лѣто 6595. Прииде Ярополкъ изъ
Ляховъ, и сѣтвори миръ съ Володимеромъ; и иде Володимеръ вспять къ Чернигову, а Яро-
полкъ сѣде въ Володимерѣ. И пребысть мало, и изиде къ Звенигороду; и не дошедшу ему
града, прободенъ бысть отъ проклятаго Нерадца^о, отъ діавола научена и отъ злыхъ чело-
вѣкъ; лежащю ему на возѣ, саблею съ коня прободе ѣ; тогда въздвигнувся Ярополкъ, вы-
торгъ изъ себе мечъ, и рече веліимъ гласомъ: «охъ, тотъ мя вороже прободетъ!» И бѣжа
Нерадца^п треклятый^р къ Перемышлю къ Рюрикови^с, а Ярополка взявши отроки на конь
предъ ся, Радко и Воикинъ и иніи, несоша къ Володимерю, оттуду къ Кіеву. И изиде
противу ему благовѣрный князь Всеволодъ съ сынѣми^т, съ Володимеромъ и Ростиславомъ, и
вси боляре, и митрополитъ Іоанъ и все священство съ нимъ; и положиша его въ рацѣ
честно въ церкви святаго Петра^у. [Въ се же лѣто ходи Всеволодъ къ Перемышлю. Ц.]

а) съ ляхы - а писано въ кіевскомъ (т. е. лѣтописцѣ) прибавл. К. О. б) въ лѣто 6585 . . . феодоръ -
нѣтъ въ Ц. Б. Г. в) святославичъ - отъ всеволода тмуторокани прибавлено на полѣ въ Ц. г) къ воиню - къ
воинѣ К. О. д) вспять - и бывшу ему прибавлено во всѣхъ спискахъ. е) ту - недостаетъ во всѣхъ сп. кромѣ К. О.
ж) вячеславичемъ - см. Лавр. (т. I, стр. 86); во всѣхъ сп. святославичемъ. з) ту же - также К. О. и) того
же л . . ; предъ симъ въ К. О. убіеніе глѣбово, писано въ кіевскомъ (т. е. лѣтописцѣ) въ шестое (т. е.
лѣто 6586). і) торки переяславци - торки и переяславци Ц. Б. турки и переяславци В. к) въ л. 6589.
писано въ кіевскомъ, ищи прибавл. К. О. л) въ л. 6590. въ кіевскомъ ищи прибавл. К. О. м) свѣтні -
свѣтні (свѣтніи) Т. Ц. Б. Г. совѣтніи К. О. н) въ л. 6592 — 6594.; при сихъ юдахъ въ К. находится
замѣтка: ищи въ кіевскомъ. о) нерадца - нератца Ц. недраца Г. п) нерадца - нерадца О. р) треклятый -
проклятый Ц. с) къ рюрикови - рюриковичю неправильно въ Т. т) съ сынѣми - съ сыномъ К. О. у) петра -
декабря въ 5 день прибавлено въ Ц.

Въ лѣто 6596. Священа бысть церкви Михаила святаго^а. Того же лѣта взяша Болгаре¹⁰⁸⁸ Муромъ^б. Иде Янка въ Греки, дщи Всеволожа, и приведе митрополита Іоана скопца; и^{—93} пребывъ до года и умре. Того же лѣта бысть знаменіе въ солнци, яко погибнути^в ему, и мало ся его оста, и акы мѣсяць бысть, въ 2 часъ дни, маія въ 21 день. Того же лѣта Всеволоду дѣюще ловы за Вышегородомъ, и меташа тенета на зайци^г, и кликнуша^д, и спаде великій змій отъ небеси, и ужасошася людіе; и ту земля стукну, яко мнози слышаша.

Въ лѣто 6597. Священа бысть церкви Печерская^е. Того же лѣта преставися Іоанъ митрополитъ Кіевскій.

Въ лѣто 6598^ж. Градъ Переяславль заложенъ бысть каменъ^з.

Въ лѣто 6599. Пренесенъ бысть Ѳеодосій изъ пещеры въ монастырь, и положенъ бысть въ церкви своей ему, въ притворѣ на десной странѣ, идѣже и нынѣ лежитъ, августа въ 14 день; принесли^и его епискупи: Ефремъ Переяславскій, Стефанъ Володимирскій, Іоанъ Черниговскій, Маринъ Юрьевскій^і, Онтонъ Порожскій. Того же лѣта успе Іоанъ митрополитъ скопецъ.

Въ лѣто 6600. Предивно бысть въ Полотысцѣ: въ мечтѣ бываше въ нощи тутенъ стоящъ по улицамъ^к, яко чловѣци рыщуще бѣси; и аще кто вылазаше изъ храмины, хотя видѣти то, и абіе уязвенъ невидимо бываше отъ бѣсовъ язвою, и съ того умираху, и не смѣяху излазити изъ хоромовъ. Посемъ же почяша являтися въ день^л на конѣхъ, и не бѣ ихъ видѣти самѣхъ, но ихъ конь копытины видѣти^м; и тако уязвляху люди Полотыскыя и ихъ область. Се же знаменіе нача быти^н отъ Дрьютска^о.

Въ лѣто 6601. Преставися князь великій Всеволодъ мѣсяца априля въ 13 день, и положенъ бысть въ святой Софїи въ Кіевѣ. Рече же Володимиръ: «аще сяду на столѣ отца своего, то рать имамъ съ Святополкомъ», яко столъ преже отца его былъ. И посла по Святополку къ Турову, а самъ иде къ Чернигову. Того же лѣта сѣде Святополкъ Изяславичъ въ Кіевѣ^п на столѣ отца своего; си же много пострада за землю Русьскую съ погаными Печенѣгы. Приидоша Половци на Русьскую землю, Святополкъ же и Володимиръ Всеволодичъ Монамахъ бшася съ ними объ ону страну Стугны^р; и бысть брань велика зѣло, и побѣжени быша отъ Половцевъ грѣхъ ради нашихъ, овїи отъ оружїя и мечя изомроша, а друзїи истопоша. Тогда же князь Ростиславъ Всеволодичъ утопе, и мало Володимиръ не утопе, хотя помощї брату своему; и многое множество паде за Русьскую землю. Святополкъ же прииде къ Кіеву самъ третїй, а Володимиръ къ Чернигову; и бысть плачь великъ, а не радость. Половци же взяша градъ Торчскій^с.

а) Въ К. при сей статьѣ отмѣчено: ищи въ кїевскомъ, а се писано въ 7 (т. е. подъ 6597 г.) въ кїевскомъ о янькѣ (см. ниже). б) того же лѣта. . . муромъ. нѣтъ въ К. О. в) погибнути. гибнути К. О. г) на зайци. на зайца К. О. д) кликнуша. кликнуша Т. е) печерская.; при сей статьѣ въ К. О. отмѣчено: ищи въ кїевскомъ. ж) въ л. 6598. приведе янька митрополита іоана: ищи въ кїевскомъ прибавлено въ К. О. з) каменъ. каменемъ К. О. каменный В. и) принесли. а принесли (а пренесли) К. О. і) маринъ юрьев. пропущено въ Ц. Б. Г. мринъ Т. К. О. к) стоящъ по улиц. стояше по улице К. О. стоящъ по улицамъ ошибк. В. л) въ день. весь день Ц. Б. Г. В. м) копытины видѣти. копотины вѣдѣти ошибк. Ц. топотины видѣти Т. н) быти. бывати В. о) Въ Ц. за симъ вторично (см. выше подъ 6595 г.): того же лѣта убьенъ бысть ярополкъ изяславичъ. п) въ кїевѣ. только въ К. О. р) стугны. стругны неправильно во всѣхъ сп. кроме К. О. с) торчскій. торскїй Ц. Б. торчевскїй К. О. торскїй В. Г.

1094
—97

Въ лѣто 6602. Прииде Олегъ съ Половци изъ Тмуторокани къ Чернигову, Володимеръ же затворися въ градѣ; Олегъ же прииде ко граду, и пожже около града посады^а и церкви. Володимеръ же сътвори миръ со Олгомъ, и изиде изъ града на столъ отца своего въ Переяславль, а Олегъ вниде въ градъ отца своего^б. Половци же начаша воевати около Чернигова, Олгови не взбраняющу^в; бѣ бо самъ повелѣлъ имъ воевати. Се уже третье наведе поганья на землю Русьскую: егоже грѣха да бы Богъ простилъ, понеже християнъ много изгублено бысть, а инѣи полонени и по землямъ расточени. Того же лѣта приидоша пружи на Русьскую землю, августа мѣсяца въ 26 день, и поядоша^г всяку траву и многа жита; и не бѣ сего слышано въ дни первыя въ земли Русьской, яже видѣста очи наши за грѣхы наша.

Въ лѣто 6603. Идоша Половци на Греки съ Девгениевичемъ, и воеваша Греки; царь же Гречьскій Девгениевича^д я^е и ослѣпи. Приидоша Половци за Рось^ж, и Юріевъ зажгоша тощъ; а Юріевци съ епискупомъ Мариномъ прибѣгше, сѣдоша на Витичевѣ холму въ Святополчѣ градѣ и за Саковцемъ. Иде Святополкъ и Володимеръ на Давыда Святъславичя къ Смоленську, и даша Новгородъ Давыду; и отъиде князь Давылъ ко Смоленську, а Ноугородци привелоша изъ Ростова князя Мъстислава Володимеровичя.

Въ лѣто 6604. Тое же зимы бой бысть князю Мъстиславу Володимеровичю и брату его Вячеславу, и Ноугородьцемъ, и Ростовцемъ, и Бѣлозерцемъ на Колакшѣ, и побѣдиша Олга Святославичя. Олегъ же прибѣже къ Мурому, и затвори Ярослава въ Муромѣ; а самъ вниде въ Стародубъ, и оттуду иде къ Рязани.

^з Въ лѣто 6605. Приидоша Святополкъ, и Володимеръ, и Давыдъ Игоревичъ, и Василко Ростиславичъ, и Давыдъ Святославичъ^и, и братъ его Олегъ, и сняшася у Любча на устроение мира, и глаголаша къ себѣ ркуще: «почто губимъ землю Русьскую, сами на ся котору дѣюще? а Половци землю нашу несутъ розно, и ради суть еже межи нами рать донинѣ^і; отсель имемся по единъ умъ и по едино сердце, и блюдемъ землю Русьскую, и койждо да держить отчину свою: Святополкъ Кіевъ Изяславлю, Володимеръ Всеволождю, Давыдъ и Олегъ и Ярославъ Святославлю^к; а имъже раздавалъ Всеволодъ города, Давыду Володимеръ, Ростиславичема Перемышль Володареви и Василкови Теробовль.» И на томъ цѣловаша крестъ, «да аще отсель кто на кого будетъ, то на того будемъ вси, и крестъ честный, и вся земля Русьская;» и цѣловавше поидоша въсвои. И прииде Святополкъ съ Давыдомъ къ Кіеву, и ради быша^л людіе вси; но токмо діаволъ печаленъ бѣ о любви сей^м, и влѣзе сотона въ сердце^н нѣкоторымъ мужемъ, и почаша глаголати Давыдови Игоревичю, ркуще тако: «яко Володимеръ сложился естъ съ Василькомъ на Святополка и на тя.» Давыдъ же вѣру я^о лжи-

а) посады. нѣтъ въ К. О. б) въ переяславль. . . своего. пропущено въ О. в) не взбраняющу. не взбраняюща неправильно во всѣхъ сп. г) поядоша. пояша ошибк. К. О. д) девген. . девгенича Т. Ц. К. Г. девгенича В. е) я. пропущено въ К. О. ж) за рось. за русь В. Г; во всѣхъ другихъ сп. за рсь. з) Въ Ц. на полъ отмѣчено кинварью, въ видѣ заглавія: о приходѣ святополка изяславича къ кіеву и ослѣвленіи василковѣ. и) давидъ святосл. . пропущено во всѣхъ сп. кромѣ К. О; см. Лавр. Лѣт. стр. 109. і) донынѣ. да нынѣ во всѣхъ сп. к) святополкъ. . . святославлю. святополкъ кіевъ изяславль (изяславъ), володимеръ всеволождъ, давидъ и олегъ и ярославъ святославль такъ во всѣхъ сп. л) быша. во всѣхъ сп. бывше. м) сей. ихъ К. О. н) въ сердце. пропущено во всѣхъ сп.; см. Лавр. Лѣт. стр. 109. о) вѣру я. такъ въ К. О; въ другихъ сп. вѣрова.

вымъ словесемъ, нача глаголати на Василка, ркуше : «кто есть убилъ брата твоего Ярополка, 1097 а нынѣ мыслить на мя и на тя, и сложился есть^а съ Володимеромъ? да промыслий о своей головѣ.» Святополкъ же смятесе умомъ, рече : «егда есть се, право^б ли будетъ, или лжа?» И рече Святополкъ къ Давыдови^в : «да аще право глаголеши, Богъ ти будетъ послухъ; аще ли завистию глаголеши, да Богъ будетъ за тѣмъ.» И сжалился Святополкъ по братѣ своему и о себѣ, помышляти нача, егда се право будетъ, и ятъ вѣру Давыдови; прелести Давыдъ Святополка, и начаста думати о Василкѣ, а Василко сего не вѣдѣше, ни Володимеръ. И нача Давыдъ глаголати : «аще не имевъ Василка, то ни тебѣ княженія въ Кіевѣ, ни мнѣ въ Володимерѣ;» и послуша его Святополкъ. И прииде Василко, перевезеса на Выдобычъ, и иде поклонитися святому Михаилу въ монастырь, и ужина ту, а товары своя на Рудицѣ постави; вечеру же бывшую, прииде въ товары своя. Наутрія же бывшую^г, присла Святополкъ и рече къ Василку : «не ходи отъ именинъ моихъ;» Василко же не хотѣ : «не могу ждати, рече^д, егда будетъ рать на дому.» И присла къ нему Давыдъ : «не ходи, брате, не ослушайся брата старѣйшаго;» и не хотѣ Василко ждати именинъ Святополчихъ. И рече Давыдъ Святополку : «видиши ли, не слушаетъ тебе, а ходитъ^е подъ твоею рукою; аще ти отъидеть во свою землю, и ты узриши, не займетъ ли^ж твоихъ градовъ, Турова или Пиньска, и прочихъ городовъ твоихъ^з? да помянеши мене; но призови его къ себѣ, и ими его, и дай же мнѣ.» И послуша его Святополкъ, и посла по Василка, глаголя : «аще^и не хочещи ждати именинъ, да прииди ко мнѣ, цѣлуеши мя, и посѣдимъ вси съ Давыдомъ.» Василко же обѣщася приити, не вѣдый на себе лъсти^и. Василко же всѣдъ на конь поѣха, и устрѣте Василка дѣтескъ^к его, и повѣда ему глаголя : «не ходи, княже, хотять тя убити;» и рече Василко^л : «межи нами крестъ, не иму сему вѣры, а воля Господня да будетъ.» И прииде Василко на дворъ Святополчъ, и срѣте^м ѿ Давыдъ, потомъ Святополкъ, и сѣдоша; и начатъ Святополкъ^н глаголати : «буди, брате, до именинъ.» И рече Василко : «не лѣтъ ми, брате, остати; уже есмь и товары отпустилъ прочь.» Давыдъ же сѣдѣше, а жестоко сердце держа^о, и акы нѣмъ сѣдѣше. И рече Святополкъ : «завтрокай, брате.» Онъ же обѣщася : «воля твоя да будетъ.» И Святополкъ и Давыдъ идоста вонъ, и повелѣша Василка сковати въ двои желѣза, и устроиша сторожи. И заутра Святополкъ съзва бояры своя и Кыяны, и повѣда имъ, еже^п глаголаше Давыдъ на Василка : «брата ти убилъ, а на тя свѣщася съ Володимеромъ, хочеть тя убити и грады твоя зяти.» И рѣша людіе : «тебѣ, княже, достойтъ блюсти своя глава; да аще право будетъ молвилъ Давыдъ, да прииметь Василко казнь; аще ли неправо будетъ глаголаше Давыдъ, да прииметь казнь^р отъ Бога и отвѣщаетъ предъ Богомъ.» И начаша глаголати игумени чѣстїи и попы Святополку : «не истинна се есть на Василка, но лжа.» Давыдъ же увѣдавъ, начатъ Святополка поущати на ослѣпленіе : «аще сего пустиши, то ни тебѣ кня-

а) есть • на мя и на тя *прибавл.* В. б) право • правда К. О. в) и рече . . . давидови • *пропущено во всѣхъ сп. кромѣ* К. О. г) прииде въ товары. . . бывшую • *пропущено во* К. О.; *во прочихъ сп. неправильно бывше.* д) рече • брате К. О. е) а ходитъ • *такъ во* Ц; *во прочихъ сп. ходя (а ходя).* ж) не займетъ ли • что ти не займетъ ли К. О. з) турова . . . твоихъ • *пропущено во* О. и) аще • аще ли *во всѣхъ сп. кромѣ* К. О. і) василко же. . . лъсти • *пропущено во* Ц. к) дѣтескъ • дѣтескій Т. Б. Г. дѣцькы К. О. л) василко • въ себѣ *прибавлено во* К. О. м) срѣте • срѣтоша К. О. н) и сѣдоша . . . святополкъ *пропущено во* Ц. Б. Г. о) держа • имѣяше К. О. п) еже • ему *прибавлено во* К. О. р) казнь • *пропущено вездѣ кромѣ* Т; *во* Лавр. мѣсть.

1097 жити, ни мнѣ;» а Святополкъ хотяше пустити Василка, но Давыдъ не хотяше, блюдеся Василка. И ведоша Василка изъ Кіева къ Бѣлугороду, отъ Кіева далѣ^а 10 верстъ, и введоша его въ гридницю окованаго. И узрѣ Василко Торчина ножъ остряща, и разумѣ, яко хотятъ его слѣпити, и възопи къ Богу съ плачемъ, глаголя: «Гооподи Ісусе Христе, Сыне Божій! ты вѣси, что есмь не измѣнилъ ничтоже своей братіи.» И се влѣзоша послании Святополкомъ и Давыдомъ, Сновидъ Изечевичъ конюхъ Святополчъ и Дмитръ конюхъ Давыдовъ, и постласта^б коверъ, и яста Василка, и не можаста; и въскочиста ина два, и накинуста на Василка двѣ дѣски, и одва утолиста съ нужею Василка; и положиаста възнакъ, и выняста у Василка очеса, и отъ тоя нужи бысть яко мертвъ. И везоша ѿ въ Володимерь, и бысть на мосту на Въздвигеньскомъ на торговищи, и сняша съ Василка срачицю кроваву, и даша ю мыти попадѣ; и нача плакати попадѣя велми, и очютися Василко, и рече: «гдѣ се есмь?» и нача просити воды, и даша ему пити; онъ же рече: «гдѣ есть моя сорочка? да быхъ въ той сорочкѣ^в и смерть пріялъ.» И привезоша въ Володимерь Василка; и прииде Давыдъ, акы нѣчто уловъ уловилъ и утѣшился, и повелѣ его стрещи 30 мужемъ. Володимерь же слышавъ, яко ятъ бысть Василко и ослѣпленъ, ужасеся и плакася горько: «сего не бывало есть въ Русьской земли, ни при дѣдѣхъ нашихъ, ни при отцѣхъ нашихъ, сего зла.» И ту абіе посла къ Давыду и Ольгови Святославичема, глаголя: «пойдѣта къ Городцю, да исправимъ се зло въ Русьской земли, въ насъ братіи о Василкѣ; да сего что не исправимъ, да то большее зло въ насъ встанеть, и начнеть братъ брата закалати, и погыбнетъ земля Русьская; а врази наши Половци тому радуются, что промежи насъ Русьскихъ князей зло чинится, и землю Русьскую возмуть.» Се слышавъ Давыдъ и Олегъ, печальни быста велми и плакастася зѣло, ркуще: «яко сего не бывало въ родѣ нашемъ.» Ту абіе собравше воя, придоша къ Володимеру, Володимеру стоящю въ бору съ вои. Володимерь же, и Давыдъ и Олегъ послаша къ Святополку мужи своя, глаголюще: «что се еси зло сѣтворилъ, въвергъ еси ножъ въ ны, ослѣпивъ Василка? аще бы ти кая вина была на нь, обличилъ бы еси его предъ нами, и упрѣвъ то бы сѣтворилъ еси ему; а нынѣ кая его вина, яви намъ.» И рече Святополкъ: «яко повѣдалъ ми Давыдъ Игоревичъ, яко Василко брата ти убилъ Ярополка, и тебе хоцетъ убити и города зайти и волости, и ротѣ заходили съ Володимеромъ, яко сѣсти Володимеру въ Кіевѣ, а Василкови въ Володимерь; а неволя ми своя голова блюсти^г, а не азъ его слѣпилъ, но Давыдъ, и велъ къ себѣ.» И рѣша мужи Володимеровы, и Давыдовы, и Ольговы: «извѣта о семъ не имѣй, яко Давыдъ есть слѣпилъ; не въ Давыдовѣ городѣ ятъ и ослѣпленъ;» и се имъ глаголющимъ, и разошася разно. Наутрѣ же хотящимъ чрезъ Днѣпръ поити^д на Святополка, Святополкъ же хотя выбѣгнути изъ Кіева, и не даша ему Кіяне, но послаша Всеволожую и митрополита Николу къ Володимеру, глаголюще ему: «молимся, княже, тебѣ и братома твоима, не мозите промежи себе погубити земли Русьскыя, иже бѣша стяжали дѣди ваши и отци ваши трудомъ великимъ и храбростію, поборающе по Русьстѣй земли, и иные земли приискываху; а вы хоцете межи собою погубити землю Русьскую.» Всеволожа и митрополитъ приидоста къ Володимеру, и молиастася ему, и повѣдаста молбу Кіянъ, яко сѣтворити миръ, и блюсти земли Русьскыя, и брань имѣти съ погаными. Се слышавъ Володимерь, въсплакася и рече: «по-

а) далѣ • вдалѣ во всѣхъ сп. кромѣ К. б) постласта • посласта во всѣхъ сп. в) сорочкѣ • кровавъ прибал. К. О. г) блюсти • не блюсти во всѣхъ сп. кромѣ В. д) поити • пренти К.

истиннѣ дѣди наши и отци наши блюли Русьскыя земли, а мы хоцѣмъ погубити.» И пре- 1097
клонися^а на молбу княгинину, чтяшетъ бо акы мать и не ослушаяся ея ни въ чемъ же,
такъ бо^б и святительскыи санъ чтяше велми и не ослушаяся его яко отца, и приимъ молбу
ихъ. И прииде Всеволожа и митрополитъ къ Кіеву, и повѣда вся рѣчи Святополку и Кіянѣмъ,
яко миръ будетъ; и умиришася на семъ, что Святополку Давыда няти^в, или проженути
его, и крестъ цѣловаша^г. Василку сущю въ Володимери, и прииде великый постъ, и нача
слыти, идетъ Володимеръ и Святополкъ на Давыда Игоревича; и Давыдъ посла къ Ва-
силкови: «пошли мужъ свой къ Володимеру и Святополку, чтобы на мя не ходили, а вдамъ
ти которой городъ любъ, либо Всеволожъ, или Ополь^д, или Перемиль». И рече Василко:
«азъ положу упованіе на Бога, а тебѣ ся не мщаю^е, но слышу, что хоцетъ мя Давыдъ вы-
дати Ляхомъ; то се мало ли ся насытилъ моя крови? а се хоцетъ болѣ насытитися, оже
мя дастъ, азъ бо Ляхомъ много зла сѣтворихъ, и хотѣлъ есмь сѣтворити и мстити^ж Ляхомъ
за Русьскую землю; но се повѣдаю ти по истиннѣ, яко дастъ ми Богъ се, за мое възвышеніе
низложи мя Богъ.» И посла Василко къ Володимеру и Святополку: «мене ради крови не
проливайте;» и възвратишася вспять Володимеръ и Святополкъ. Посемъ же приходящю Ве-
лику дни, и поиде Давыдъ Игоревичъ пріяти Василкову власть, и усрѣте ѿ Володаръ братъ
Василковъ у Бужьска^з; и не смѣяше Давыдъ стати противу Володарю, и затворися въ
Бужьспѣ^и, и Володаръ оступи градъ. И нача Володаръ молвити: «почто зло сѣтворивъ не
каешися? да уже помянися, колико еси зла сѣтворилъ.» Давыдъ же нача на Святополка
извѣстѣ имѣти^и, глаголя: «сице сѣтворилося ци въ моемъ градѣ? язъ самъ ся боялъ, аще
бы^к и мене яли и сѣтворили бы такоже; неволя ми было не пристати къ сѣвѣту Свято-
полчю, ходя въ руку его.» И рече Володаръ: «нынѣ пусти брата моего, и сѣворю съ то-
бою миръ.» И радъ бысть Давыдъ, посла по Василка, и приведъ Володареву его дастъ, и
сѣтвориша^л миръ, и разидошася. И прииде Василко и сѣде въ Теребовли, а Давыдъ въ Во-
лодимерѣ. И наставши веснѣ, прииде Володаръ и Василко на Давыда, и затворися Давыдъ
въ Володимерѣ; онѣма же ставшима около града Всеволожа, и взяста копіемъ градъ и за-
жгоста, и выбѣгоша людіе отъ огня, и повелѣ Василко вся сѣщи^м, и сѣтвори мщеніе на лю-
дехъ неповинныхъ. Посемъ же приидоста къ Володимерю, и Давыдъ затворися въ градѣ, и
оступиша градъ, и посласта къ Володимерьцемъ глаголюще: «не придоховѣ на градъ вашъ,
ни на васъ, но на врагы своя, Турыка, и Лазаря и Василя, ти бо суть намолвили Давыда,
и тѣхъ есть послушалъ Давыдъ и сѣтвори се зло; да аще хоцете за сихъ битися, да восе-
мы готови, аще ни^н, выдайте врагы наша.» И гражане се слышавше, рекоша Давыдови:
«выдай мужи сія;» жаль бо бѣ Давыду мужей тѣхъ велми, и не по воли выдасть Турыка,
Лазаря и Василя, и растрѣляша я^о Василковичи, и сѣтворивъ миръ отъидоша. Се же второе
мщеніе сѣтвори, егоже не бѣае лѣпо створити^п. Святополку же обѣщавшуся Давыда прого-
нити, и поиде къ Берестію къ Ляхомъ; и се слышавъ Давыдъ, иде въ Ляхи къ Володи-

а) преклонися • преклонся (приклонся) во *всѣхъ* сп. кромѣ К. О. б) тако бо • таче бо Ц. Б. В. Г. таче
же К. О. в) няти • нияти *вездѣ* кромѣ Ц. г) цѣловаша • цѣловаше во *всѣхъ* сп. д) или ополь • либо шполь К.
либо пшезь О. е) не мщаю • не мщю К. О. ж) створити и мстити • мстити и створити во *всѣхъ* сп.
кромѣ К. О. з) у бужьска • у бужца *вездѣ* кромѣ К. О. и) въ бужьспѣ • въ бужьскѣ К. О. і) имѣти •
творити К. О. к) аще бы • быша *прибавл.* К. О. л) сѣтвориша • сѣтвори Ц. сѣтворися Т. В. Г. м) сѣщи •
жещи К. О. н) аще ни • аще ли во *всѣхъ* сп. о) растрѣляша я • растрѣляше и во *всѣхъ* сп. кромѣ К. О.
п) створити • творити К. О.

1097 славу, ища помощи; Ляхове же обѣщашася ему помогати, и взяша у него злата 50 гривенъ¹⁰⁴, ркуще: «пойди съ нами на Святополка, и ту смиримъ тя со Святополкомъ.» И послуша ихъ, и поиде къ Берестію съ Володиславомъ. И ста Святополкъ въ градѣ^а, а Ляхове на Бугу, и сносися Святополкъ рѣчьми съ Ляхи, и дасть имъ дары^б на Давыда; и рече Володиславъ Давыдови: «не послушаетъ мене Святополкъ, да иди опять въспять». И иде Давыдъ къ Володимерю, а Святополкъ съвѣтъ створи съ Ляхи, и поиде къ Пиньску, посла по воя и прииде къ Дорогобужу, и дожда ту вой своихъ, и поиде на Давыда къ граду, и Давыдъ затворися въ градѣ, чая помощи отъ нихъ, рекоша бо ему^в: «мы тебѣ поможемъ на Святополка;» и солгаша ему, емлюще у Давыда злато. Святополкъ же оступи градъ, и стоя 7 недѣль, и почя Давыдъ молитися: «пусти мя изъ града;» Святополкъ же обѣщася ему, и цѣловаша^г крестъ межи собою, и изиде изъ града. На другое же лѣто совкупишася князи, Святополкъ и Володимеръ, Давыдъ и Олегъ, и призваша^д къ себѣ Давыда Игоревича, и по съвѣту не даша^е ему Володимеря, но даша ему Дорогобужъ, въ немъ же и умре Давыдъ Игоревичъ. [А Святополкъ прія Володимеръ, и посади въ немъ сына своего Ярослава. К. О.]

Въ лѣто 6606. Прииде Мъстиславъ, сынъ Володимеровъ^ж, съ Новгородци: бѣ бо Святополкъ съ Володимеромъ рядъ имѣлъ, яко Новугороду быти Святополчю и посадити^з сынъ свой въ немъ, а Володимеру посадити сына своего въ Володимерѣ. И прииде Мъстиславъ къ Кіеву, и рѣша мужи Володимери Святополку^и: «се прислалъ Володимеръ сына своего; да се сядятъ Новгородци, да поимше¹ сына твоего идуть къ Новугороду, а Мъстиславъ атъ^к идетъ къ Володимерю». И рѣша Новгородци Святополку: «се мы, княже, присланы къ тебѣ, и рькли намъ тако: не хоцемъ Святополка, ни сына его^л; аще ли двѣ головы имѣетъ сынъ твой, то послѣ и; а сего ны вдаль^м Всеволодъ, а въскормили есмя себѣ князя, а ты еси шелъ отъ насъ.» Святополку же многу прю имущю съ Новгородци, и онѣмъ же не хотѣвшимъ, и поимше Мъстислава и приидоша къ Новугороду.

Въ лѣто 6607. Заложѣ Мъстиславъ Володимеричъ церковь Благовѣщеніе на Городищи. [Того же лѣта священа бысть церкви Успеніе святыя Богородици Печерская Іоаномъ митрополитомъ, при великомъ князѣ Всеволодѣ Ярославичѣ. Ц.]

Въ лѣто 6608. Бысть княземъ Русьскимъ межи собою миръ и любовь братіи, Святополку^н, Володимеру, Давыду и Олгу, не вступатися въ чюжей предѣлъ никомуже.

Въ лѣто 6609. Успе Всеславъ князь Полотъскій.

Въ лѣто 6610. Въ лѣто 6611. Въ лѣто 6612^о. Бысть знаменіе: стояше солнце въ кругу, а посредѣ круга крестъ, а посреди креста солнце, а внѣ круга обаполы два солнца^п, а надъ солнцемъ кромѣ круга дуга^р, рогома на сѣверъ; тако же знаменіе и въ лунѣ тѣмъ же образомъ, февраля 4, 5, 6, по 3 дня и по три ноци^с.

а) ста святоп. въ градѣ. иде святополкъ во градъ В. б) дары. многы *прибавлено въ К. О.* в) рекоша бо ему. *пропущено въ К. О.* г) цѣловаша. цѣлова Т. Ц. Б. Г. цѣловаше К. О. цѣлова же В. д) призваша. *призва вездѣ кромѣ К. О.* е) и по съвѣту не даша. по съвѣту и не даша Т. Б. Г. по совѣту и не даша Ц. К. О. В. ж) сынъ володимеровъ. сынъ володимера великого *поправлено въ Ц.* володимеровичъ В. з) посадити. посади *во всѣхъ сп.* и) святополку. мъстиславу *ошибк. К. О.* і) да се . . . поимше. такъ въ К. О.: въ прочихъ *сп.* да се (сей) сядетъ, новгородци же поимше. к) атъ. а той К. О. а тотъ В. и тѣ Ц. Б. Г. л) его. твоего К. м) вдаль. есть *прибавлено въ Ц. Б.* н) святополку. изяславичю *прибавлено на полѣ въ Ц.* о) въ л. 6612. того же лѣта К. О. п) два солнца. двѣ солнцѣ К. О. р) кромѣ круга дуга. такъ въ К. О.; въ другихъ *сп.* кромѣ другаго. с) ноци. въ лунѣ *прибавл. К. О.*

Въ лѣто 6613. Въ лѣто 6614. Воеваша Половци около Зарѣчьска, и посла по нихъ 1105
Святополкъ Яна Вышатича, и брата его Путятю, и Иванка Захарыина и Козарина; и уго-¹⁵
нившие^а Янъ полонъ отъяша, а поганныхъ изсѣче^б.

Въ лѣто 6615. Пострижеса Святоша, сынъ Давыдовъ, а внукъ Святославъ, февраля въ 17 день.

Въ лѣто 6616. Преставися архіепискупъ Никита, мѣсяца генваря въ 15 день, и положенъ бысть въ святой Софіи, въ Іакимѣ и Анніѣ.

Въ лѣто 6617. Въ лѣто 6618. Поставленъ бысть Новугороду архіепискупъ Іоанъ.

Въ лѣто 6619. Бысть знаменіе въ Печерскомъ монастырѣ, февраля въ 11 день, явися столпъ огненъ отъ земля до небеси.

Въ лѣто 6620. Поидоша на Половци Русьстїи князи, Святополкъ, Володимерь^в, Ярославъ Святополчичъ^г, Давыдъ и Володимерь съ сынами^д, и придоша къ граду къ Шаруканю; и выидоша изъ града, и поклонишася княземъ Русьскимъ, вынесше рыбы и вино. И заутра пришедше^е къ Сугробу зажгоша ѿ, и Русь съступишася съ Половци битися на потоцѣ Дегѣя^ж, марта мѣсяца въ 24 день; и побѣдиша князи Половцевъ, и въздаша хвалу Богу. Навставшу же понедѣлнику страстныхъ недѣли, паки иноплеменици собрашася въ полкы своя, и выступиша яко боры великія^з и тмами темъ^и, и оступиша полкы Русьстїи; и посла помощь Богъ Русьскимъ княземъ ангела, и сразишася полци Половецьстїи перво съ полкомъ Русьскимъ, и треснуша аки громъ, и сразишася челома, и брань бысть люта межи има, и падаху обоя. И поступи Володимерь съ полкы съ своими, а Давыдъ съ своими; и вѣзрѣвше Половци, и вдаша плещи своя на побѣгъ, и падаху предъ полкомъ Володимеримъ, невидимо біеми ангеломъ^і, яко се видяху челоуѣци мнози, главы летяху невидимо стинаеми ангеломъ^к на землю; и побѣдиша ѿ на рѣцѣ Салницѣ, и взяша все богатство ихъ, а иныхъ самихъ поимаша. И въспросиша ихъ: «како васъ толика сила не могосте противитися, но вскорѣ побѣгосте?» они же рѣша: «како можемъ съ вами битися? а друзїи верху васъ ѣзяху^л въ оружіи свѣтлѣ и страшнѣ, иже помогахуть вамъ; токмо се суть ангели отъ Бога послани, и помогахуть вамъ христіаномъ^м.» Се бо ангелъ^н вложилъ въ сердце Володимеру Манамаху пустити братїю свою на иноплеменики. Се бо видѣніе видѣша въ Печерскомъ монастыри, еже стояше столпъ огненъ на трапезницѣ каменнѣ, таже преступи на церковь, а оттуду къ Городцю: ту бо бѣше Володимерь въ Радосыни. Тогда погорѣ Подоліе Кіева, и въ Черниговѣ, и Смоленскѣ и Новгородѣ.

Въ лѣто 6621. Въ лѣто 6622. Бысть солнце акы мѣсяцъ. Преставися Михайло, зовомый князь Святополкъ Изяславичъ, княживъ въ Кіевѣ лѣтъ 21. Того же мѣсяца въ 20 сѣде Володимерь Манамахъ на великомъ княженіи въ Кіевѣ, на столѣ отца своего^о Всеволода; и устрои мостъ чрезъ Днѣпръ.

Въ лѣто 6623^п. Принесеніе мощемъ святою мученику Бориса и Глѣба въ каменую церковь. А на осень преставися князь Олегъ Святъславичъ.

а) угонивше ихъ прибавл. К. О. б) въ л. 6613. . . изсѣче нѣтъ въ В. изсѣкоша К. О. в) володимерь манамахъ прибавлено на полъ въ Ц. г) святополчичъ святополчъ К. О. д) съ сынами съ сыномъ Ц. съ ними К. О. е) пришедше ко граду прибавлено на полъ въ Ц. ж) дегѣя дегія К. з) боры великія борове велицыи К. О. и) темъ тмы тамъ же. і) ангеломъ божьимъ прибавл. Ц. Б. В. Г. к) ангеломъ только въ Т. л) ѣзяху ѣзятъ Т. м) послани. . . христіаномъ послани помогати хри(кре)стьяномъ К. О. н) ангелъ христовъ прибавл. Ц. Б. В. Г. о) своего въ кіевѣ прибавл. Т. п) въ л. 6623 нѣтъ въ Г. того же лѣта Ц.

1116 —33 Въ лѣто 6624. Иде Мѣстиславъ Володимировичъ съ Новгородци на Чюдѣ, и взяша^а градъ Медвѣжію Голову. Того же лѣта заложилъ князь^б Мѣстиславъ Новѣгородъ^в болѣе перваго^г. А Ярополкъ Володимировичъ срубилъ градъ Желній^д Дръючаномъ. Того же году посадникъ Павелъ заложилъ градъ каменъ^е Ладогу.

Въ лѣто 6625. Приведе Володимиръ сына своего Мѣстислава изъ Новгорода въ Кіевъ; а въ Новѣгородѣ сѣде Всеволодъ Мѣстиславичъ.

Въ лѣто 6626. Въ лѣто 6627. Преставился царь Греческій Алексѣй, и по немъ пріи царство сынъ его Іоанъ.

Въ лѣто 6628. Въ лѣто 6629. Преставился митрополитъ Русскій Никифоръ.

Въ лѣто 6630. Приде митрополитъ въ Русь изъ Царяграда Никита. Оженился князь Мѣстиславъ Володимировичъ въ Кіевѣ, поя Дмитріевну въ Новѣгородѣ Завидовича. Того же лѣта яша Ляхове Володаря, Василкова брата^ж.

Въ лѣто 6631. Ходилъ князь Всеволодъ съ Новгородци на Ъмы^з, и побѣдилъ ихъ. Оженился князь Всеволодъ, сынъ Мѣстислава, въ Новѣгородѣ.

Въ лѣто 6632. Предъ вечернею почя убывати солнца, и погибе все. О великъ страхъ! и тма бысть, и звѣзды быша и мѣсяцъ; и паки нача прибывати вборзѣ, и наполнися, и ради быша вси.

Въ лѣто 6633. Преставился князь великій Володимиръ Манамахъ Всеволодичъ, княживъ въ Кіевѣ лѣтъ 13, а живе всѣхъ лѣтъ 73, украшенъ добрыми нравы и прослуживъ въ побѣдахъ^и за Русскую землю съ погаными Половци, егже имени вся страны трепетаху; и положенъ бысть въ церкви святыя Софїи въ Кіевѣ. И сѣде на столѣ въ Кіевѣ сынъ его старѣйшій Мѣстиславъ^і. Того же лѣта посадилъ Новгородци Всеволода на столѣ.

Въ лѣто 6634. Преставился митрополитъ Русскій Никита.

Въ лѣто 6635. Посла князь Мѣстиславъ Володимировичъ братію свою на Кривичи, четырьми пути: Вячеслава изъ Турова, Андрѣя изъ Володимеря, Всеволода изъ Городна, Вячеслава изъ Клѣвска, тѣмъ повелѣ ити къ Изяславу; а Всеволоду Ольговичю повелѣ ити съ братією своею на Стрѣжевъ къ Борисову, и сына своего^к Изяслава изъ Курьска^л посла на Логожскъ, а Ростислава изъ Смоленска посла на Дръютскъ; и повоевала ихъ.

Въ лѣто 6636. Преставился князь Борисъ Всеславичъ Полоцкий^м.

Въ лѣто 6637. Въ лѣто 6638. Заточи князь великій Мѣстиславъ^н князи Полоцкія и со княгинями ко Царюграду.

Въ лѣто 6639. Князь великій Мѣстиславъ ходилъ съ Низовци на Литву, и плѣнилъ ихъ. Того же лѣта преставился князь великій Мѣстиславъ Володимировичъ, априля 14, княживъ въ Кіевѣ 6 лѣтъ. По немъ сѣде на княженіи братъ его Ярополкъ^о.

Въ лѣто 6640. Въ лѣто 6641. Иде Всеволодъ съ Новгородци на Чюдѣ, и взя градъ Юрьевъ февраля въ 9.

а) взяша • взя К. О. б) князь • только въ Т. К. О. в) новѣгородъ • городъ К. О. г) Во всѣхъ сп. кроме Ц. помѣщено ошибкою слѣдующее извѣстіе: того же лѣта преставился володаръ и братъ его василко ростиславичи; см. Лавр. Лѣт. подъ 6632 годомъ (т. I, стр. 129). д) желній • желный Ц. желанни К. О. е) каменъ • нѣтъ въ Б. Г. ж) того же лѣта яша. . . брата • нѣтъ въ К. О. з) на ѡмы • Т. В., а въ прочихъ сп. на ѡмъ. и) прослуживъ въ побѣдахъ • такъ въ К. О.; въ прочихъ сп. испорчено: прослы въ бѣдахъ Т. Б. В. Г. промыслы и бѣхся Ц. і) мѣстиславъ • еще сый дѣтескъ прибавлено въ К. О. к) своего • его ошибк. Т. В. л) изъ курьска • такъ поправлено по Лавр. Лѣт. (см. т. I, стр. 150); во всѣхъ сп. изъ туровска (изъ туреска). м) въ лѣто 6636. . . полотскій пропущено въ К. О. н) мѣстиславъ • всеволодъ во всѣхъ сп.; см. Лавр. т. I, стр. 134. о) ярополкъ • святополкъ ошибк. Б. В. Г.

Въ лѣто 6642. Иде Всеволодъ на Суздаль ратью и вся Новгородская область, и бишася ¹¹³⁴ на Жданѣ горѣ, и много ся зла сѣтвори; и убиша посадника Иванка, мужъ храборъ зѣло, ^{—37} и Петрила Микулиничя, и иныхъ мужъ добрыхъ много побиша; а Суздальцевъ паде болѣ. И сѣтвориша миръ, и придоша вспять^а; и пустиша митрополита къ Кіеву мѣсяца февраля въ 10 день, въ мясопустную недѣлю, а на Суздаль идучи не пустиша митрополита, а онъ молвилъ: «не ходите на Суздаль, мене Богъ послушаетъ.»

Въ лѣто 6643. Князь Юрій Володимеричъ испроси у брата у Ярополка Переяславль, а ему вла Суздаль и Ростовъ и иную власть, но не всю. Половци со Олговичи взяша городъ Нѣжатинъ и Баручь^б.

Въ лѣто 6644. Новгородци призваша Псковичъ и Ладожанъ, и сдумавше яко изгонити князя своего Всеволода, и всадиша ѿ въ епискупль дворъ со княгинею и съ бояры и съ тещею, мая въ 28, и сторожи стрежаху день и ночь по 30 мужъ со оружіемъ; и сѣдѣвъ два мѣсяца, и пустиша ѿ изъ города^в, а Володимера сына его пріяша. А се вины его творяху: «1-е не блюдетъ смердовъ; 2-е чему хотѣлъ еси сѣсти въ Переяславль? 3-е ѣхалъ еси изъ полку напредъ всѣхъ, а отъ того много ны потяты^г; и велѣлъ ны ко Всеволодку приступить, а пакы отступить велить.» И не пустиша его, донелѣже инъ князь будетъ. И приде Новгороду князь Святославъ Олговичъ изъ Чернигова отъ брата Всеволодка; и Всеволода выгнаша Новгородци отъ себе, онъ же приде къ стряпцу своему Ярополку въ Кіевъ, и да^д ему Вышегородъ, и сѣдѣ ту лѣто едино. Того же лѣта бишася Олговичи съ Володимеричи: бѣша со Олговичи Половци, и побѣгоша Половци, и погнаша по нихъ Володимеричи, сѣкуще ѿ; въ то же время Олговичи переяша стягъ Ярополчъ, сіи же изсѣкоша поганыхъ и възвратиса на полчище, и впадоша въ рудъ Олговичемъ; тогда же яша Олговичи бояръ много, и тысячскаго Давыда Яруновичя, и Станислава доброго Дутковичя, а внукъ Володимеръ Василко^е Маринъ убіенъ ту^ж. А Володимеричи придоша къ Кіеву, Ярополкъ, Юрій, Андрѣй, а Олговичи къ Чернигову, и послаша по Половци^з, и почяша воевати по Сулѣ, и бысть пагуба велика Посуляномъ. Ярополкъ совокупи вой многи: Ростовци, Полочань, Смоленяны, Угра, Галичанъ, Берендѣевъ бѣ 1000^и, Кіане, Переяславци, Туровци, и бысть множество вой, и поиде къ Чернигову; Черниговци же възопиша глаголюще ко Всеволоду: «мыслиши бѣжати въ Половци, да къ чему ся увернешь? лучше отстани своего высокоумія и проси мира; вѣмы, яко не хошетъ Ярополкъ проліяти християньскыя крови, милосердъ есть и смиренъ^и Бога ради, той бо съблюдетъ Русьскую землю.» Всеволодъ же то слышавъ, и^к вииде въ ся и посла^л съ покореніемъ и съ поклономъ; и пріять молбу его Ярополкъ и сѣтвори миръ, и дары взя многы, и възвратися и вой распусти^м вси; а Олговичи взяша Треполь и Халѣпъ^н. Того же году оженися Святославъ Олговичъ въ Новѣгородѣ, и вѣнчася у святого Николы своими попы; а владыка Нифонтъ не вѣнча, глаголя: «не достоинъ ея поняти.»

Въ лѣто 6645. Взяша Половци со Олговичи Прилукъ. Того же лѣта приде князь Всеволодъ Мстиславичъ во Псковъ, хотя сѣсти въ Новѣгородѣ оять на столѣ своемъ, позванъ

а) вспять» оять К. О. б) баручъ» варсучъ К. О. в) изъ города» 15 прибавл. К. О. *Здѣсь разумѣется 15 іюля (см. Новг. перв. Лѣт. т. III, стр. 7).* г) отъ того много ны потяты» такъ, кажется, слѣдуетъ читать; *мѣсто это во всѣхъ сп. испорчено:* того много напочаты (много напочатыи, много ны початы); см. Новг. перв. Лѣт., т. III, стр. 7. д) да» даша ошибк. Т. е) василко» и василко во всѣхъ сп. ж) ту» туту К. з) по половци» половци Ц. Б. В. Г. и) 1000» такъ въ К. О; въ прочихъ спискахъ 30 тысячъ. і) смиренъ» сердцемъ прибавл. Ц. к) и» яко К. О. л) и посла» сла (т. е. посла) прибавлено на поляхъ К. м) распусти» отпусти К. О. н) халѣпъ» халяпъ Ц.

¹¹³⁷_{—39} отай Новгородскими мужи и Плесковичи, Жирятою и пріятели его: «поиди, княже, опять тебе хотятъ.» Яко услышано бысть се, яко Всеволодъ во Псковѣ съ братомъ Святополкомъ, и мятежъ бысть великъ въ Новѣгородѣ, не въсхотѣша людіе Всеволода; и побѣгоша друзіи^а ко Всеволоду въ Псковъ, и взяша на разграбленіе дома ихъ, Коньстантинъ, Нѣжати^б и иныхъ много, и еще же ищюще и тѣхъ^в, кто Всеволоду пріаетъ^г бояръ, то имаша на нихъ куны по полуторѣ тысячѣ гривенъ, и даша купцемъ крутитися на войну: но сягоша^д и невиноватыхъ. Потомъ же Святославъ Олговичъ совокупи всю землю Новгородскую, и брата своего Глѣба^е, Куряны съ Половци, и идоша на Псковъ прогонити Всеволода; и не покоришася Псковичи имъ, и не выгнаша^ж отъ себе князя, но бяхуть устерегли, засѣкли оскы вси. И сдумавше князь и вси людіе его на пути, въспятишася^з на Дубровнѣ, и еще рекше: «не проливайте крови съ своею братьею, негли Богъ како управитъ своимъ промысломъ^и.» Тогда же преставися князь Всеволодъ Мьстиславичъ, внукъ Володимерь, мѣсяца февраля въ 11 день, во Псковѣ, и положиша ѿ въ святѣй Троици, юже^і бѣ самъ создалъ; и яшася Псковичи по брата его Святополка^к; и не бѣ мира съ ними, ни съ Суждалци, ни съ Смоленяны, ни съ Полочаны^л, ни съ Кіяны. И стоя все лѣто^м.

Въ лѣто 6646. Выгнаша Святослава Олговича изъ Новгорода; сѣдѣ двѣ лѣтѣ безъ трехъ мѣсяцъ. Того же лѣта вниде Ярославъ Юрьевичъ^н, внукъ Володимерь, изъ Суздаля въ Новгородъ на столъ; и Псковичи смиришася. Того же лѣта^о преставися князь великій Ярополкъ Володимировичъ; и вниде братъ его Вячеславъ въ Кіевъ, и людіе съ митрополитомъ срѣтше ѿ, и посадиша на столѣ прадѣда его Ярослава. И прииде Олговичъ съ Вышегородци, пристроився со братьею своею, и посылая къ Вячеславу: «иди добромъ изъ города»; онъ же не хотя крвопролитія, не бися съ нимъ; и смири ѿ митрополитъ, и утверди^п крестомъ честнымъ, и иде опять къ Турову, а Всеволодъ вниде въ Кіевъ, а въ Черниговѣ посади Володимера Давыдовича.

Въ лѣто 6647. Прииде князь Юрій изъ Суждала къ Смоленску, и зваше Новгородцевъ на Кіевъ, на Всеволода^р, и не послушаша его. И тогда бѣжа Ростиславъ къ Смоленску, къ отцу своему изъ Новгорода, сѣдѣвъ лѣто и 4 мѣсяци. И разгнѣвався Юрій, и иде опять къ Суздалю, и взя Новый Торгъ. И послаша Новгородци къ Кіеву по Святослава^с Олговича, заходивше ротѣ, и бѣ мятежъ въ Новѣгородѣ, а Святослава долго не баше; и вниде Святославъ Олговичъ въ Новгородъ, и сѣде на столѣ. И нача^т замышляти на Володимировичи, хотя держати самъ съ своею братіею всю землю, и искаше подъ ними отчины ихъ; они же молитвою родителей своихъ не дашася въ обиду, Кіяномъ же и митрополиту не любо бысть се. И посла Всеволодъ^у къ Переяславу, къ Ондрѣю Володимировичю, рекъ: «иди ко Курску княжить.» Онъ же рече: «луче умрети со дружиною своею на отчинѣ, неже Курское княженіе.» Всеволодъ же посла на него съ полки брата своего Святослава, и усрѣтоша ѿ

а) друзіи — ови К. б) нежати^н — бѣжати^н К. О. в) тѣхъ — того К. О. В. г) пріаетъ — пріа(я)тъ Ц. Б. Г. пріятенъ К. О. д) сягоша — досягоша Ц. е) глѣба — глѣбка К. О. ж) не выгнаша — выгнаша во всѣхъ сп. ошибк. кромѣ Ц. з) въспятишася — вспятившеся во всѣхъ сп. кромѣ В. и) промысломъ — промышленіемъ К. і) юже — иже во всѣхъ сп. кромѣ К. О. к) и яшася. . . святополка — и яша во псковѣ брата его святополка ошибк. В. л) съ полочаны — съ половци во всѣхъ сп. кромѣ К. О. м) и стоя все лѣто; см. Новг. четв. Лѣт. т. IV, стр. 6. н) юрьевичъ — сынъ юрьевъ К. О. о) того же л. — то же осени К. О. п) утверди — и (я) прибавл. Б. О. р) на всеволода — на всеволодка во всѣхъ сп. кромѣ Т. В. с) по святослава — по святополка ошибк. К. т) и нача — т. е. Всеволодъ Олговичъ. у) всеволодъ — всеволода ошибк. во всѣхъ сп.

Ондрѣева дружина, и биша полкы его; а Святославъ бѣжа, а они гонишася до Короня^а, а ¹¹³⁹у Малотина миръ взяша. —48

Въ лѣто 6648. Въ лѣто 6649. Преставися благовѣрный великій князь Андрѣй Володимировичъ въ Переяславль, мѣсяца генваря въ 22 день. Егда же несуще его^б ко гробу, дивно бысть знаменіе на небеси: 3 солнца^в сіяючи межи собою на небеси, и столпи тріе отъ земля до небеси, надо всѣми горѣ бѣше яко дуга, а мѣсяць о себѣ стояше; и стояша знаменія та дондеже и погребоша его у церкви святаго Михаила. И послаша Новгородци ко Всеволоду въ Кіевъ по сына по его^г, а Святославъ Ольговичъ убояся Новгородцевъ, и бѣжа отай въ ночи^д съ Якуномъ; и Новгородци сугнавъ^е Якуна на Плисѣ съ братомъ его Прокфіемъ, бивши ту ѥ не до смерти, и свергоша ѥ съ мосту, но Богъ избави ихъ, прибреде^ж къ берегу; и взяша у него 1000 гривенъ, а у брата у его 100 гривенъ, и заточиша ѥ въ Чюдъ, и послѣ приведе ихъ^з князь Юрьи Володимиричъ и жены ихъ изъ Новгорода въ Суздаль, и у себе держа въ милости.

[Въ лѣто 6650. Приходиша Емъ и воеваша область. . . избиша ихъ полутораста. К. О. См. въ Новг. перв. Лѣт. стр. 9.]

Въ лѣто 6651. Оженися князь Святополкъ Всеволожичъ въ Новѣгородѣ, а княгиню приведе изъ Моравы.

Въ лѣто 6652. Въ лѣто 6653. Ходиша вся Русьская земля на Галичъ, а изъ Новгорода ходиша въ помощь Кіянѣмъ съ воеводою Неревинѣмъ, и много зла створиша^и области ихъ, а града ни единого не взяша.

Въ лѣто 6654. Преставися Всеволодъ Ольговичъ, іюля 30, а по немъ вниде братъ его князь Игорь въ Кіевъ; и годно не бысть Кіянѣмъ, и послаша къ Изяславу Мстиславичу. И пришедъ изима Игоря, и всади ѥ въ порубѣ, а самъ сѣде на столѣ, добраго корене отрасль; а Игорь княживъ двѣ недѣли.

Въ лѣто 6655. Убиша Кіяне Игоря Ольговича: снемшися вѣчемъ, и похитиша Кіяне князя Игоря въ церкви святаго Феодора, а онъ бѣше въ черныцѣхъ и въ скимѣ, и манатію издраша и изъ свиты извлекоша; и емше ѥ изведоша его изъ монастыря, и убиша ѥ мѣсяца сентября въ 19^і день, и везоша ѥ на Подоліе, на торговище, и повергоша ѥ нага. Володимеръ же посла тысячьского Лазоря, и онъ повелѣ взять князя Игоря людемъ; и они взявше и покрыша его одежами своими, и положиша ѥ въ церкви святаго Михаила. И на ту ношь прояви Богъ знаменіе велико: зажгошася надъ нимъ свѣщи вся; и наутріе пріѣха игуменъ, и везе ѥ въ монастырь къ святому Симеону, и тамо положиша ѥ въ гробѣ. Того же лѣта Изяславъ князь постави митрополита калугера Русина Клима, особъ шестью епискупъ, іюля въ 26 день.

Въ лѣто 6656. Князь Изяславъ Мстиславичъ иде зимѣ съ Новгородци на князя Юрія Володимировича ратію къ Ростову, и по Волзѣ взяша 6 градовъ, и до Ярославля попустишиша, а головъ поима 7000; а отъ Углича Поля воротишася къ Новугороду. Тое же осени присла князь Изяславъ своего сына Ярослава съ Кіева въ Новгородъ, и пріяша его Новгородци; а Святополка выведе злобы его ради, и дасть ему Володимеръ.

а) до короня. до короня Ц. Б. В. Г. до коряня К. О. б) несуще его. посяхуть и К. О. в) солнца. солнца Т. г) по сына по его. по сынъ К. О. д) въ ночи. ночи Т. Ц. Б. е) сугнавъ. угнавъ Т. ж) прибреде. принде К. О. з) ихъ. къ себѣ прибавл. К. О. и) створиша. створи во всѣхъ сѣ. і) сент. въ 19. такъ согласно съ Ипат. Лѣт. (т. II, стр. 34) Т. К. О; въ прочихъ сп. сент. въ 9.

1149 —57 Въ лѣто 6657. Идоша данници на Суздаль Новгородстѣи вѣмалѣ, и посла Юрій^а князя Барладскаго съ вои; и бившися нѣгдѣ вѣмалѣ, и стаха Новгородци на островѣ, а оны противу стаха, и начаша городъ чинити; въ лодіяхъ идоша^б Новгородци къ нимъ въ день третій, и бишася, и много паде обоихъ^в. На ту же зиму придоша Ёмъ на Водь^г ратью, онѣхъ 1000; и услышавше Новгородци, съ пятію сотъ съ воеводою идоша на нихъ, и не упустиша ни единого мужа.

Въ лѣто 6658. Прииде архіепискупъ Нифонтъ изъ Кіева въ Новгородъ, пущенъ княземъ Юріемъ; и ради быша Новгородци.

Въ лѣто 6659. Побѣди князь Изяславъ^д князя Юрія у Переяславля, мѣсяца іуля въ 17 день^е. На ту же зиму преставися княгини Изяславля.

Въ лѣто 6660. [Юрьи ВолодимERICЬ въ Суздальской земли много церкви създа, въ Суздаль церкви святаго Спаса^ж, а въ Володимери святаго Георгія, и градъ Юрьевъ^з и святаго Георгія, а въ Переяславли святаго Спаса. Ц. Б. В. Г.] Въ лѣто 6661. Въ лѣто 6662, мѣсяца марта, изгнаша князя Ярослава Новгородци, и посадиша Ростислава Мстиславича^и. Того же лѣта преставися князь Изяславъ^и въ Кіевѣ, мѣсяца ноября въ 14 день. Того же лѣта иде въ Кіевъ изъ Новагорода князь Ростиславъ, а въ Новгородѣ остави сына своего; и вѣзнегодоваша Новгородци, зане не створи имъ наряда, но болѣ раздѣра^к; и показаша путь сынови его по немъ. Тогда же послаша владыку Нифонта съ предними мужи ко князю Юрию по сынъ, и введеша Новгородци Мстислава. Тое же зимы преставися князь Вячеславъ въ Кіевѣ. Тогда же иде Ростиславъ изъ Кіева, и сѣде въ Черниговѣ, и побѣди и прелестивше; и сѣде въ Кіевѣ^л Изяславъ Давыдовичъ.

Въ лѣто 6663. Вниде князь Юрій въ Кіевъ, въ вербную недѣлю^м, на столъ, а Изяславъ Давыдовичъ выбѣжа къ Чернигову; и прія князь Юрій сынъ его въ миръ съ любовію, и волости раздая достойнымъ, и бысть тишина въ Русьстѣи земли.

Въ лѣто 6664. [Того же лѣта преставися архіепискупъ Новгородскій Нифонтъ, апрѣля въ 21 день. К. О.] Въ лѣто 6665. Бысть котора въ людехъ и вѣсташа на князя Мстислава Юріевича Новгородци, и начаша и изгонити изъ Новагорода; купци же послаша по немъ въ оружіи, и Зарѣцкая сторона со другою стороною мало крови не проліяша межи собою. И тогда внидоста Ростиславичи Святославъ и Давыдъ, и на ту ночь бѣжа Мстиславъ изъ града; и по 3-хъ днехъ вниде Ростиславъ, и снидошася Новгородци, и не бысть зла ничтоже^н. Родися князю Юрию сынъ Дмитрей; бѣ бо тогда^о на рѣцѣ на Яхромѣ и со

а) юрій. недостаетъ во всѣхъ сп.: см. Новг. перв. Лѣт. (т III, стр. 44), идѣ это мѣсто читается такъ: на то же лѣто идоша данници новгородстѣи вѣмалѣ; и учювъ гюрги, оже вѣмалѣ шли, и посла князя берладскаго съ вои; далѣ въ тѣхъ же сп. князь. б) въ лодіяхъ идоша. въ лодіяхъ и идоша во всѣхъ сп. в) обоихъ. но суздалицевъ болѣ прибавл. К. О. г) на водь. на володь ошибк. К. О. д) изяславъ. и вчеславъ прибавл. К. О. е) іуля въ 17 д. іуля въ 7 день В. ж) спаса. а въ кидеши бориса и глѣба прибавл. В. з) юрьевъ. въ полѣхъ прибавлено тамъ же. и) ростисл. мстиславича. такъ исправлено по Новг. перв. Лѣт. (стр. 44); во всѣхъ сп. ошибкою: мстислава ростиславича. і) изяславъ. мстиславичъ, внукъ володимеря манамаха прибавлено на полѣ въ Ц. к) раздѣра. см. Новг. перв. Лѣт. (стр. 44); во всѣхъ сп. раздраша. л) тогда же иде. . . въ кіевѣ. пропущено въ Ц. Б. м) въ верби. недѣлю. на вербницу К. О. н) За симъ во всѣхъ сп. то же весны преставися великій князь юрій въ кіевѣ, и посадиша изяслава давыдовича въ кіевѣ на княженіи; см. то же вторично въ концѣ статьи. о) бѣ бо тогда. а онъ въ ту пору былъ Ц. Б. В. Г.

княгиню^а, и заложи градъ^б во имя сына своего и нарече ѿ Дмитровъ, а сына нарече¹¹⁵⁷ Всеволодомъ^в. Тогда же прииде Ростиславъ Мьстиславичъ въ Кіевъ, и посадиша его на^{—59} столъ, ркуще ему: «якоже братъ твой чтилъ Вячеслава, такоже и ты чти его, а до твоего живота Кіевъ тебѣ.» Тогда же Глѣбъ Юрьевичъ прииде съ Половци на Мьстислава Изяславича къ Переяславлю, и не успѣ ничтоже, и иде прочь. Ростиславъ же со Мьстиславомъ Изяславичемъ и съ Кіянны поиде къ Чернигову на Изяслава Давыдовича, рекъ: «да ны бы^г упередити до князя Юрія, а любо ѿ проженемъ, или примиримъ ѿ къ себѣ.» Изяславъ же то слышавъ, посла къ Глѣбу Юрьевичю, бѣ бо тогда Глѣбъ на Сулѣ, да пришелъ бы и помогъ ему; Глѣбъ же прииде скоро, а Половци бѣша съ нимъ, и поидоста противу Ростиславу. И Мьстислава Изяславича стрѣлцемъ стрѣляющимся межи собою о рѣку, Ростиславъ же видѣвъ множество вой, и нача слати къ Изяславу мира прося, и поча даяти подъ собою Кіевъ, а подъ Мьстиславомъ Переяславъ; Мьстиславъ же то слышавъ, и рече Ростиславу: «луче было не сѣдѣти на столѣ въ Кіевѣ, оже ни тебѣ Кіева, ни мнѣ Переяславля;» и повороти конемъ, и побѣгоша вси, Половци же погнаша сѣкуще ѿ. Ростиславъ же бѣжа на Любечъ къ Смоленску, а Мьстиславъ къ Луцку^д. Тогда же печални быша Кіяне, зане у нихъ не бѣ никакова князя; и послаша епискупа Деміана Каневскаго ко Изяславу Давыдовичю, ркуще: «поиди къ Кіеву, атъ не возмуть^е насъ Половци». Изяславъ же вниде въ Кіевъ, а Глѣба посла къ Переяславлю; тогда же Половци много створиша зла Русьской земли. И князь Юрій Володимировичъ Манамаховъ съжалиси, иде изъ Суздаля въ Русь, и прииде къ Кіеву; и высла^ж Изяславъ, рекъ: «не самъ есмь сѣлъ, но посадили мя Кіяне; не створи ми зла, а се твой городъ Кіевъ.» Князь же Юрій не радъ кровопролитію, но вси сродичи свои созва любовію^з и миръ сътвори съ ними; и сѣде на столѣ, благодаря Бога, и раздая грады сыномъ своимъ и сыновцемъ, Борису Туровъ, Василкови Поросье^и. Иде князь Андрѣй Юрьевичъ къ Суздалю и Ростову, и несе съ собою икону святую Богородицу, юже принесе изъ Царяграда; и вкова въ ню болѣ 30 гривенъ злата, кромѣ сребра и драгатаго камени и жемчюга, и украсивъ ю постави въ церкви своей въ Володимерѣ. Того же лѣта преставися князь Юрій Володимировичъ Манамаха, мѣсяца маія въ 15 день, княживъ 3 лѣта; и положиша ѿ въ церкви святаго Спаса на Берестовѣ.

Въ лѣто 6666. Князь Андрѣй Юрьевичъ заложи церковь въ Володимери святую Богородицу Успеніе, априля въ 8 день, о единомъ версѣ; и вда ей многа имѣнія, свободы и села лучшая, и дани, и десятины во всемъ и въ стадѣхъ, и торгъ десятый; и градъ заложи Боголюбое. Тое же весны дастъ Мьстиславъ Кіевъ подъ собою Ростиславу, стрію своему, а самъ иде въ Волынь.

Въ лѣто 6667. Прииде Изяславъ Давыдовичъ¹ съ Половци къ Чернигову; Святослава же оба, Олговичъ^к и Всеволодичъ, и Рюрикъ Ростиславичъ бишася съ ними о Десну. Иде Ростиславъ въ Кіевъ, и сѣде на столѣ. Того же лѣта преставися Коньстантинъ митрополитъ Русьскій въ Черниговѣ.

а) со княгиню • въ полюдіи *прибавл.* Ц. Б. В. Г. б) градъ • церковь и градъ *тамъ же.* в) родися . . . всеволодомъ • *нѣтъ въ Т ; въ Ц. Б. В. Г. эта статья помѣщена подѣ 6662 г.* г) да ны бы • да ны бы и Ц. Б. Г. да бы ны К. О. д) къ луцку • въ луческъ К. О. къ любцю В. е) атъ не возмуть • а то не возмуть *во всѣхъ сп. кромѣ К.* ж) высла • выславъ *вездѣ кромѣ К. О.* з) созва любовію • прія въ любовь *тамъ же.* и) поросье • порсье (порсіе) *во всѣхъ сп.* і) давыдовичъ • изъ кіева *прибавл.* Ц. к) олговичъ • только *въ К. О ; во всѣхъ сп. ошибкою олговичи (олговича); см. Лавр. стр. 149.*

1160 Въ лѣто 6668. Прислаша Новгородци ко князю Андрѣю Юрьевичю, просяще у него сына
—66 княжити; а Святослава Ростиславича выгнаша, зане бѣ Ростиславъ, отецъ его, изморилъ
братію ихъ въ погребѣ и многихъ имѣніа взялъ. Андрѣй же князь поча давати имъ брата
своего Мъстислава, они же его не въсхотѣша; и пусти къ нимъ сыновца своего Мъстислава
Ростиславича. Тое же зимы побѣди Ростиславъ Изяслава Давыдовича у Бѣлагограда, и самого
убиша и множество Половецъ паде. Поиде Изяславъ Давыдовичъ изъ Чернигова съ братією
на Ростислава къ Кіеву, Ростиславъ же бѣжа къ Новугороду, Изяславъ же иде по немъ; и
приспѣ Мъстиславъ Изяславичъ къ Ростиславу, и бишася на рѣцѣ на Желанѣ, и ту убиша
Изяслава Давыдовича. И еще ему живу^а лежащю, пріѣхавъ надъ онь Ростиславъ и
Мъстиславъ плакастася, рекъ: «брате Изяславе! се ли ти годѣ? мала ти была Черниговская
волость, и Кіева къ Чернигову хотѣлъ еси; и то ти было не годѣ, и изъ Бѣлагограда хотѣлъ
я еси выгнати.» Мъстиславъ же посади Ростислава въ Кіевѣ, а самъ иде къ Волиню; а
Изяслава несоша къ Чернигову. Свершена бысть церковь святая Богородица въ Володимери
благовѣрнымъ княземъ Андрѣемъ, и верхъ ея позлати; по вѣрѣ же его и по потщанію къ
святѣй Богородици, приведе ему Богъ изо всѣхъ земель мастера^б, и украси ю дивно паче
иныхъ церквей многоразличными иконами, и драгимъ каменіемъ безъ числа, и съсуды церков-
ными. Погорѣ градъ Ростовъ и церкви великая^в святая Богородица, ака же не была, ни
будеть.

Въ лѣто 6669. Урядися Ростиславъ со княземъ Андрѣемъ о Новѣгородѣ, и выведоста
Мъстислава, Юріева внука, сѣдѣвшу ему годѣ; а Святослава введоша опять, на всей
воли его.

Въ лѣто 6670. Въ лѣто 6671. [Преставися архіепискупъ Ноугородскій Аркадій, сен-
тября 19, и положиша ѿ съ честию съ великою въ притворѣ святѣй Софіи. К. О.]

Въ лѣто 6672. [Пріидоша Свіа подѣ Ладогу въ полуштидесять шнекъ, и князь Ярославъ
Всеволодичъ съ посадникомъ Захарьею и съ Новогородъци побѣдиша ѿ въ рѣцѣ Воронаи, маія
28, овы изѣкоша, а 40 и 3 шнекъ изымаша. К. О.] Тогда Леонъ епискупъ не по правдѣ
поставися, перехвативъ Нестеровъ столъ, и еще Нестеру сущю живу; и введе ересь, почя
учити въ Суздали не ясти мяса въ Господьскыя праздники, въ среду и пятку, на Рождество
Христово и на Крещеніе. И бысть тяжа велика про то, и упрѣ его владыка Феодоръ предъ
княземъ Андрѣемъ; онъ же иде ко Царюграду, и тамо упрѣ его предъ царемъ Мануиломъ
Андрѣяны архіепискупъ Болгарскій. Оному же молвящу и на царя, и удариша ѿ слугы ца-
ревы, сущимъ ту посломъ всѣмъ, Кіевскимъ и Черниговскимъ и Суздальскимъ^г. Того же
лѣта ходи князь Андрѣй на Болгары, и побѣди ихъ.

Въ лѣто 6673. Преставися Ростиславъ Мъстиславичъ, а княживъ въ Кіевѣ 9 лѣтъ^д. [Того
же лѣта поставленъ бысть архіепискупъ Новугороду Илья митрополитомъ Іоанномъ, при князѣ
Ростиславѣ. К. О.]

Въ лѣто 6674. Выгна Мъстиславъ Володимера Мъстиславича изъ Кіева, а самъ сѣде въ
Кіевѣ. Тое же зимы посла князь Андрѣй изъ Суздаля сына Мъстислава на Кіевскаго Мъсти-
слава съ Ростовци и съ Суздаля, 11 князей посла: Глѣбъ Переяславльскій, Романъ Смо-

а) живу • сущю прибавлено во всѣхъ сп. кромѣ К. О. б) мастера • монастыри ошибк. тамъ же. в) великая •
сборная прибавлено тамъ же. г) За симъ въ К. О. иде илья и далѣе не дописано: см. Нов. перв. Лѣт.
стр. 13, и ниже подѣ 6673 г. д) преставися. . . 9 лѣтъ.; въ Ц. эта статья зачеркнута, но помѣщена
ниже подѣ 6674 годомъ.

леньскій, Давыдъ Вышегородскій, Володимеръ Андрѣевичъ, Дмитрей Юрьевичъ^а, Мьстиславъ,¹¹⁶⁸ Рюрикъ съ братомъ съ Мьстиславомъ, Олегъ Святославичъ съ братомъ съ Игоремъ. Мьсти-^{—69}славъ же Изяславичъ затворися въ Кіевѣ, и біяхуться крѣпко по три дни; и поможе Богъ Мьстиславу Андрѣевичю съ братією, и взяша Кіевъ, егоже не было никогдаже. Мьстиславъ утече съ братомъ къ Володимерю, а княгыню и сына его яша, и бояръ его, и весь Кіевъ повоеваша. И посади въ Кіевѣ стрія своего Глѣба Юрьевича на столѣ, а самъ иде ко отцю съ великою честію и похвалою. Того же лѣта преставися митрополитъ Іоанъ въ Кіевѣ.

Въ лѣто 6675. Преставися князь Мьстиславъ, сынъ Мьстиславъ, идя изъ Смоленска къ Кіеву; а княживъ лѣтъ 9. Того же лѣта прииде въ Русь митрополитъ Костянтинъ^б. Того же лѣта выиде князь Святославъ изъ Новгорода на Луку, и присла въ Новгородъ: «яко не хочу у васъ княжити.» Новгородци же цѣловаша святую Богородицю, «яко не хотимъ его», и идоша прогнати его съ Лукъ; онъ же увѣдавъ, иде къ Торопцю, а Новгородци послаша къ Мьстиславу по сынъ. Святославъ же иде на Волгу, и вда ему князь Андрѣй помощь, и пожже Новый Торгъ, а Новоторжци отступиша къ Новугороду, и много пакости творяше домомъ ихъ и селомъ. А братъ его Романъ и Мьстиславъ пожгоша Луку, а Лучяне уступиша, инии въ Новгородъ, а инии въ Псковъ. И сложися^в на Новгородъ князь Андрѣй съ Смолняны и съ Полочяны, и пути заяша, и послы изнимаша Новгородскія всюды, вѣсти не дадучи къ Кіеву ко Мьстиславу, а Святослава силою лестящи^г въ Новгородъ, а то слово ркущи: «нѣту вамъ князя иного, развѣ Святослава;» Новгородци же того не брежаху, и убиша Захарію посадника, и Неревина, и Незду бирича, яко творяхуть ѿ перевѣты держаще ко Святославу; и налѣзоша себѣ путь на Вячка и на Володаря, и иде Даньславъ Лазутичъ^д съ дружиною своею къ Кіеву, ко Мьстиславу по сынъ. А Святославъ прииде съ Суздальци, и съ братома, и съ Смолняны, и съ Полочяны къ Русѣ, и идоша Новгородци съ Якуномъ противу имъ; они же не дошедше воротитася, не успѣша бо ничтоже. Тогда же быша Новгородци безо князя отъ Семеня дни до Велика дни. На ту же зиму ходи Мьстиславъ на Половци, и побѣди ѿ, и приведе полонъ въ Русьскую землю толь сильно, яко и числа нѣтъ.

Въ лѣто 6676. Прииде князь Романъ Мьстиславичъ, внукъ Изяславъ, къ Новугороду на столъ, и ради быша Новгородци своему хотѣнію. [Того же лѣта ходиша Новгородци и Псковичи къ Полотъску, и пожгоша волости, и воротитася отъ града за 30 верстъ. Тому же лѣту исходящу, на весну, ходи князь Романъ съ Новгородци къ Торопцю, и пожгоша дома ихъ, и головъ множество поплѣниша. К. О.] Выгна Мьстиславъ Изяславичъ Володимера Мьстиславича изъ Кіева, и иде въ орду; а самъ сѣде въ Кіевѣ.

Володимерьское княженіе. Въ лѣто 6677. Отъселѣ наста княженіе Суздальское княземъ Ондрѣемъ Юрьевичемъ, а столъ великое княженіе^е Володимеръ. Пособи Богъ князю Михалку Юрьевичю, за домъ святыхъ Богородици бися съ Половци: послалъ бо его братъ князь Глѣбъ, Михалко же скоро иде, акы на ловъ, съ братомъ Всеволодомъ, а воевода у

а) дмитрей юрьевичъ.; см. Лавр. подъ 6676 (т. I, стр. 151) и Ипат. подъ 6678 г. (т. II, стр. 99), гдѣ онъ названъ Всеволодомъ Гюрьевичемъ: см. Карамз. II, 276 и роспись VІІІ, степ. 9, въ Стрѣова Ключъ къ Ист. Гос. Рос.; во всѣхъ см. ошибкою дмитрей, юрій. б) того же лѣта прииде. . . костянтинъ. нѣтъ въ К. в) сложися. такъ исправлено; во всѣхъ см. сложиша (сложишася). г) лестящи.; въ Новг. перс. Лѣт. (т. III, стр. 14) мѣстѣце, а въ вариантахъ тамъ же по Акад. списку силою выѣщающе въ новгородъ. д) иде даньсл. лазутичъ. иде на нь святославъ лавачися (иде даньславъ лавачися) исторчено въ К. О. е) княженіе. градъ прибавл. К. О.

1169 него Володиславъ^а, Яневъ братъ, и побѣди Половци. А Половци взяша Полоное и Семичъ.
 —⁷⁸ Далѣе см. Лаврентіевскую Лѣтопись (т. I, стр. 154) отъ словъ: тое же зимы князь Андрѣй посла сына . . . рукою благовѣрнаго князя Андрѣя. *Вмѣсто сего находящуюся только въ Карамзинскомъ и Оболенскаго спискахъ статью: ходи изъ Новагорода Даньславъ . . . Іякова Перьскаго см. въ Новг. четвертой Лѣт. т. IV, стр. 12.*

Въ лѣто 6678. Преставися князь Мьстиславъ Изяславичъ въ Володимери въ Волинскомъ. Того же лѣта выгнаша Новгородци князя Романа^б, а ко князю Андрѣю послаша Новгородци: «на всей воли нашей дай намъ князя.» Того же лѣта вниде въ Новъгородъ Рюрикъ Ростиславичъ.

Въ лѣто 6679. Преставися князь Володимеръ Юріевичъ Всеволожича^в, въ Кіевѣ; сѣдѣ на столѣ 3 мѣсяци.

Въ лѣто 6680. Вниде князь Романъ Ростиславичъ изъ Кіева волею, и сѣде въ Кіевѣ Михалко Юрьевичъ^г. Преставися князь Глѣбъ Юріевичъ въ Кіевѣ, сѣдѣвъ два года; Ярославъ Изяславичъ сѣде въ Кіевѣ. Тое же зимы посла князь Андрѣй Юріевичъ князя Романа Ростиславича въ Кіевъ на столъ, а Ярополку далъ Смоленскъ.

Въ лѣто 6681. Преставися князь Мьстиславъ Андрѣевичъ^д.

Въ лѣто 6682. Сѣде въ Кіевѣ князь Романъ Ростиславичъ. Выбѣже Рюрикъ изъ Новагорода; потомъ же послаша Новгородци ко князю Андрѣю: «вдай намъ сына своего князя Юрія»; [и приѣхаша его съ честію. К. О.] Тогда Ростиславичи^е не хотѣше въ волѣ быти въ княжѣ Андрѣевѣ, наче же Давыдъ Ростиславичъ Вышегородскый князь, съ братією своею приѣхаша къ Кіеву въ ночь, и я брата князя Андрѣя Всеволода^ж и Ярополка Ростиславича. И се слышавъ князь великый Андрѣй Юріевичъ, ята брата своя Давыдомъ Ростиславичемъ, посла на нь сына своего князя Юрія съ Новгородци, и Ростовци, и съ Суздапци, воеводство поручи Борису Жидославичю, и инѣхъ князей 20 съ полкы своими. Давыдъ же Вышегородскый иде по помочъ въ Галичъ, а брата Мьстислава посади^з въ Вышегородъ; и тамо не даша ему помочи. Юрій же князь Андрѣевичъ^и съ вои своими стоя 9 недѣль у Вышегорода, не хотѣ пролити крови, и възвратися въ своя.

Въ лѣто 6683. Убіенъ бысть князь великый Андрѣй Боголюбскый. Се же бысть въ пятницу на обѣдни, съвѣтъ створиша окаанніи пагубоубійственіи: бѣ у него Якимъ слуга възлюбленный имъ Кучковитинъ, и слышаша отъ нѣкого, оже брата его лѣ и велѣлъ казнити, и устремися діаволимъ наученіемъ, и тече вопія къ братіи своей, ко злымъ съвѣтникомъ окааннымъ, и почаша молвити къ себѣ: «аще сего казнилъ днесъ, а и насъ завтра такоже казнитъ, а промыслимъ о князи о семъ;» и съвѣщаша убійство на своего господина и на своего кормителя. И пришедши нощи, они же окаанніи уготовившеся и взявше оружія, и поидоша на своего кормителя и господина князя великого Андрѣя, яко звѣріе свѣрѣпн; идущимъ имъ на ночь въ субботу, а того дни былъ праздникъ святыхъ Верховныхъ Апостолъ Петра и Павла. Свои милостивничи были, а нывѣча окаанніи убійци Кучковичи; а начальникъ имъ бысть Петръ Кучковъ зять, Анбалъ Ясинъ ключникъ, Якимъ, иже бѣ князь

а) володиславъ • володиславъ *неправильно* *везде* *кроме* В. б) романа • таковъ бо бѣ обычай блядиннымъ дѣтемъ *прибавлено во всѣхъ сп. кроме* К. О., а *въ* Ц. *зачеркнуто*. в) волод. юр. всевол. • володимеръ, сынъ князя юрья всеволожича К. О. г) изъ кіева. . . юрьевичъ *пропущено въ* К. О. д) въ л. 6681. . . андрѣевичъ • *нѣтъ въ* К. О. е) ростиславичи • ростиславичъ *везде* *ошибк. кроме* О. ж) всеволода • *исправлено по* Лавр. Лѣт. (стр. 155); *во всѣхъ сп. и* всеволода. з) мьстисл. посади • *пропущено въ* Ц. Б. Г. мьст. затвори О. и) андрѣевичъ • съ вои своими *прибавл. О.*

его любилъ, и Офремъ Монзичъ, а всѣхъ окааннѣхъ убійць 20. И придоша ко двору князю, 1175 избѣша сторожи дворныя, а князю^а спящю, и бяше съ нимъ кощѣй единъ малъ; и пришедше къ сѣнемъ, силою двери выломиша и придоша къ ложниці, идѣже князь Андрѣй блаженный спитъ, и рече одинъ стоя у дверей: «господине князь великій!» И рече князь: «кто еси ты?» И онъ рече: «Прокопій.» И рече князь паробку: «не Прокопій.» Они же прискочивше къ дверемъ къ ложницѣ, слышали гласъ княжъ, и почяша бити двери, и силою выломиша двери. Блаженный же вскочи, и хотѣ взять мечъ, и не бѣ меча: бѣ бо того дни вынялъ мечъ Амбалъ^б ключникъ его, той бо мечъ бѣ святаго и великаго мученика Христова Бориса. И вскочивша два окаанная, яста князя, и князь единого поверже подъ ся; а въ то время всовавшеся окаанніи и мѣвше князя повержена, и уязвивша свой другъ^в, и посемъ познавше князя, и боряхуся съ нимъ, велми бо бяше князь силенъ, и сѣкоша его мечи и саблями, и копіи даша раны ему. И рече имъ: «горе вамъ, окааннимъ и нечестивимъ! нощто уподобистеся Горясѣру? что вы учинихъ зло? аще кровь мою проліясте на землю, да Богъ отомститъ вы^г и мой хлѣбъ.» Си^д же нечестивимъ мѣвше князя убита, и взявше друга своего несоша вонъ, трепещуще отъидоша прочь; онъ же въ торопѣ выскочи вонъ^е по нихъ, начать рыгати и глаголати въ болѣзни сердца, и иде подъ сѣни. Они же услышавше гласъ воротишася опять на нь, онъ же побѣже подъ сѣни. И рече единъ: «видѣхъ яко князя идуща съ сѣней доловъ.» И ркоша: «смотрите его^ж гдѣ есмь убили.» И посмотривше, и не обрѣтоша блаженнаго и ркоша: «тотъ погыбохомъ, вборзѣ ищите его.» И тако вжегше свѣщу, наидоша по крови блаженнаго. Князь же узрѣ грядущихъ^з къ себѣ, помолися Господеві, глаголя: «аще, Господи, въ семъ осуженіи конецъ приимаю, аще и много сѣгрѣшихъ, но отъ тебе не отступихъ; заповѣди твоя не сохранихъ, но вѣдѣхъ^и, яко милостивъ еси.» И вздохнувъ отъ глубины сердца, и прослезися глаголя: «да уповаю терплю о всѣхъ сихъ; благодарю тя, Господи, яко смирилъ еси душу мою, и во царствіи твоємъ причастника мя сѣтвори; и се нынѣ, Господи, аще кровь мою проліють, причти мя въ лики святыхъ мученикъ твоихъ, Господи!» И то ему глаголавшу и молившюся о грѣсѣхъ своихъ къ Богу, и сѣдящю ему за столпомъ въсходнымъ, и узрѣша сѣдяща блаженнаго акы агня непорочно, и ту окаанніи прикончаша его, Петръ же отътя ему руку десную, а иніи избодоша ѿ; и ту блаженный конецъ пріять, мѣсяца іюня въ 29 день, на память святыхъ Апостолъ Петра и Павла. И положиша честное тѣло его въ Володимери, въ церкви чюдной и хвалы достойной^и святѣй Богородици Златоверхой, юже бѣ самъ создалъ. [Того же лѣта выведоша изъ Новагорода князя Юрья Андрѣевича, а Мьстиславъ посади сына своего Святослава въ Новѣгородѣ. К. О.] Того же лѣта, сѣдящю Ярославу Изяславичю въ Кіевѣ, ѣха на нь изгономъ Черниговскій князь Святъславъ, и вѣѣха въ Кіевъ, а князь Ярославъ утече, а бояръ его поимаша, и княгыню его съ сыномъ; въ Кіевѣ же сѣдѣ Святъславъ 12 дній, и вѣзвратися къ Чернигову, поимавъ имѣніе Ярославле безъ числа. Ярославъ же слышавъ, яко Кіевъ стоитъ безъ князя, пограбленъ Ростиславичи^к, пріѣха опять къ Кіеву, гнѣвъ держа на Кіяны; и замысли положити на нихъ тяготу, и рече имъ: «вы есте подвели на

а) князю • ондрѣю прибавл. Ц. Б. б) амбалъ • амболъ (амбонъ) *вездѣ кромѣ О.* в) другъ • мужъ Ц. г) вы • и Ц. В. Г. д) си • такъ *поправлено; во всѣхъ сп. се.* е) трепещуще . . . вонъ *пропущено въ О.* ж) его • *лѣтъ въ Т.* з) грядущихъ • идущихъ О. и) вѣдѣхъ • видѣхъ Т. В. і) чюдной и хвалы достойной • чюдно и хвалы достойно *вездѣ кромѣ О.* к) пограбленъ ростиславичи •; въ *Ипат. Лѣт. (т. II, стр. 111)* пограбленъ олговичи, *правильнѣе олговичемъ, т. е. Святославомъ Всеволодовичемъ, потомкомъ Олега Святославича Черниговскаго.*

1175 мене Святъслава; промышляйте чимъ выкупити княгиню и сына^а.» Онѣмъ же не умѣющимъ
 —77 что отвѣщати, попрода^б весь Кіевъ, и игумены и попы, и черньци и черницы, и Латину, и
 затворы, и гости^в, и вся Кіянны, и много зла сѣтвори Кіеву, и поиде къ Чернигову. Въ то же
 время Черниговскому князю немирно живущю^г со Олгомъ Святославичемъ, и воеваше Олегъ
 Святославичъ Черниговскую волость; Святъславъ же умирися съ Ярославомъ, и иде на
 Олга, и пожже волость его, и много зла створивше възвратися къ Чернигову. Въ то же время
 прислашася ко князю Андрѣю Романъ съ братією своею, просячи княженія въ Кіевѣ Роману
 Ростиславичю; и князю Андрѣю рекшу: «пождите мало, послалъ есмь къ братіи своей въ
 Русь; какъ ми будетъ вѣсть отъ нихъ, и тогда вы дамъ отвѣтъ».

Въ лѣто 6684^а. Оженися князь Мъстиславъ въ Новѣгородѣ, поя у Якуна у Мирославича
 дщерь. И потомъ позваша ѿ Ростовци къ себѣ, и иде къ Ростову съ дружиною своею, а
 сына остави въ Новѣгородѣ; и прииде къ Ростову. И въ то время умерлъ бѣше князь Ми-
 халко. И поиде съ Ростовци и съ Суздальци къ Володимерю; и срѣте ѿ Всеволодъ съ Воло-
 димерци и съ Переяславци, и постави противу имъ полкъ, и бишася, и паде обоихъ множе-
 ство, и одолѣ Всеволодъ. И възвратися Мъстиславъ въ Новѣгородъ, и не приѣша его Новго-
 родци, но путь ему показаша и съ сыномъ его Святославомъ; и пояша Новгородци у Всево-
 лода князь себѣ Ярослава Мъстиславича. На ту же зиму иде Мъстиславъ съ зятемъ съ Глѣ-
 бомъ и съ братомъ съ Ярополкомъ на Суздаль, и бишася за Колакшею; и ту побѣдиша Ря-
 занци, и яша Глѣба съ сыномъ и Мъстислава съ братомъ Ярополкомъ, и порубиша я.

Въ лѣто 6685^б. Сѣде Всеволодъ, братъ Михалковъ, владѣя всею Русскою землею. Того
 же лѣта Ростовци приведоша Мъстислава Ростиславича изъ Новагорода; онъ же прииде къ
 Ростову и совокупи^ж вой, слушая Ростовцевъ, и поиде на Всеволода къ Володимерю. Воло-
 димерци же рѣша: «княже, правъ еси, господине; поиди противу ему.» Всеволодъ же поиде
 противу ему^з. И бывшу ему за Суздалемъ, и узрѣша святую и пречистую Матерь Божию цер-
 ковь^и Володимерьскую, и весь градъ до основанія яко на въздухъ стоящъ; князю же позо-
 рующю^и и всему полку его, яви Богъ новое чюдо, заступленію и помощи^к хотящей быти
 отъ Бога господину Всеволоду. Многажды же посылаше къ Мъстиславу, рекъ: «брате! аще^д
 тебе привели Ростовци, а мене былъ Богъ привелъ съ братомъ съ Михалкомъ и Володимер-
 стіи людіе; поиди къ Ростову, а язъ къ Володимерю, а Суздаль буди намъ обче, кого въско-
 тятъ, той имъ буди князь.» Онъ же не въсхотѣ сего, слушая Ростовцевъ; рѣша бо ему:
 «оже ты миръ даси ему, но мы не дамы ему^м», помыслиша высокоуміемъ своимъ. Всеволодъ
 же прииде къ Юрьеву, сождася съ Переяславци, поидоста борзо противу Мъстиславу, и сня-
 стася у Лищицъ, и покрыша поле Юріевское; и поможе Богъ Всеволоду, и ту убиша у Мъсти-
 слава Добрыню Долгаго, и Иванка Степановича, и Михѣя Шибутовича^н и нѣхъ многихъ,
 а нѣхъ много Ростовцевъ поимаша. И възвратиса съ побѣдою великою въ градъ Воло-
 димеръ, а Мъстиславъ бѣжа къ Ростову въмалѣ^о, а изъ Ростова къ Новугороду. И рѣша ему
 Новгородци: «шелъ еси былъ на стрѣя своего на Михалка, повабленъ Ростовци, и Михалка

а) и сына. и князя К. О. б) попрода. попродавъ Т. в) затворы и гости. затвори гости *ошибк.* Г. В.
 г) немирно живущю. немирну К. О. д) въ лѣто 6684. тое зимы *прибавл.* К. О. е) *Подъ симъ годомъ*
повторяется пространство то же, что и подъ предыдущимъ: см. Лавр. Лѣт. (т. I, стр. 161 — 163).
 ж) совокупи. сокупили Т. з) всеволодъ же. . . ему. *пропущено во* К. О. и) церковь. только въ Т.
 і) позорующю. позорующе *неправильно въ* Т. К. О. к) заступленію и помощи. заступленіе и
 помощь Т. Ц. Б. Г. заступленіемъ помощи В. л) аще. аже К. О. м) но мы . . . ему. *пропущено*
въ Ц. Б. Г. н) шибутовича. шубутовича Т. о) въмалѣ. дружинѣ *прибавл.* В.

Богъ поялъ, а со Всеволодомъ тя Богъ управилъ; а чему къ намъ идеши?» И не пріяша¹¹⁷⁷ его Новгородци, и рѣша ему: «пойди прочь, а мы себѣ князя добудемъ; ты у насъ будя, а^{—80} инья волости ищешь, а не право.» Мъстиславъ же иде къ Рязани, и подмолви зятя своего князя Глѣба Рязанского на Всеволода, и поиде Глѣбъ на Всеволода къ Володимерю; Всеволодъ же поиде противу Глѣба къ Рязани. И бывшу ему на Коломнѣ, приде ему вѣсть, аже Глѣбъ шелъ инѣмъ путемъ, и воюеть съ Половци у Володимеря, Боголюбскую церковь пограбилъ, юже бѣ украсилъ князь Андрѣй паче мѣры. Всеволодъ поиде вборзѣ къ Володимерю, и обрѣте Глѣба стояща на Колакшѣ, и не бѣ лзѣ твердо ударити на нь^а, и стояша^б мѣсяць; и хотяше Глѣбъ мира, но Всеволодъ не хотяше, понеже Глѣбъ поганья наведе и много крови пролія, а слушаючи Ростиславичъ шюрину своею, а Всеволодъ не створи ему зла ничтоже. И начя Глѣбъ съ Ростиславичи и съ Половци^в полкы наяржати^г, Всеволодъ же поиде на нь съ Пруськовы горы: гнѣвомъ Божиимъ побѣжа Глѣбъ, а Всеволодъ погна по немъ, овы сѣкуще, а инья вяжуще; ту и самого Глѣба поимаша, и сына его Романа, и шюрина Мъстислава Ростиславича^д, и думци его вси повязаша^е, и Бориса Жидиславича, и Ольстина, и Дѣдильча, а поганыхъ всѣхъ пересѣкоша^ж. И приде въ градъ Володимеръ съ великою честію, и бысть радость по всей земли, Глѣба и полкы его приведе изнимавъ рукама въ Володимеръ, овы казни, овы же казнивъ пожалова и отпусти я; бѣ бо благосердъ и милостивъ, не радъ кровопролитію никакоже. Князи же всади въ порубъ, гражане же розметавше порубъ, и емше Мъстислава и Ярополка ослѣпиша; а Глѣбъ ту умре, а тѣхъ отпустиша въ Русь. Ведомыма же има^з и гнѣющими очима, придоша къ Смоленску, и внидоша въ церковь святую мученику Бориса и Глѣба на Смядинѣ, и ту прозрѣста сентября въ 5, на убіеніе Глѣбово; а на зиму придоша въ Новѣгородъ, и посадиша у себе князя Мъстислава, а брата его Ярополка въ Новѣмъ Торгу, а Ярослава на Ламьскомъ Волоцѣ.

Въ лѣто 6686. Преставися князь Мъстиславъ^и, внукъ Юріевъ, и положиша ѿ у святыхъ Софіи въ притворѣ въ Новѣгородѣ, въ гробницѣ Володимеровъ Ярославича.

Въ лѣто 6687. Посадиша въ Новѣгородѣ на столѣ Ярополка Ростиславича, и зая Всеволодъ гость Новгородскій; и показаша Новгородци путь Ярополку. Тогда Всеволодъ изгони Новый Торгъ, и взя ѿ, и послаша Новгородци по князя по Романа къ Смоленску, и вниде на Сборъ.

Въ лѣто 6688. Послаша Новгородци въ Русь къ Святославу по сынъ, и дасть имъ сына своего Володимера. Тое же зимы иде князь Святославъ Всеволодичъ, Олговъ внукъ, съ Половци погаными и съ Черниговци изъ Руси¹ на Суздаль ратию, на Всеволода Юріевича, а сынъ его Володимеръ изъ Новагорода съ Новгородци; и сняшася на Волзѣ, усть Тѣфри, и положиша всю Волгу пусту и города вси пожгоша. Всеволодъ же поиде противу ему, и устрѣте ѿ не дошедъ Переяславля за 40 верстъ на Вленѣ рѣцѣ, ту ся воротиша; ту бо бѣше вошли Суздальци полкомъ и учинили около себе твердь. И стояша промежи себе двѣ недѣли; вои же Всеволожи хотяхуть крѣпко стати, и не смѣша дати полку, а князи^к съ Новгородци посылаху къ нимъ, просяще полку: но Богъ своею милостию болѣ не пролія християнскихъ крове, и повадилися мало межи себе, и убиша Новгородци 300; Всеволодъ же благосердый,

а) на нь • на него К. О. б) стояща • стояше тамъ же. в) съ половци • погаными прибавл. К. О. г) наяржати • рязати К. д) мѣстисл. рост. • мѣстиславича ошибк. К. е) повязаша • поимаша Ц. ж) пересѣкоша • такъ написано; во всѣхъ съ. пересѣче (посѣче). з) ведомыма же има • ведомымъ же имъ вездѣ кромѣ К. О. и) мѣстиславъ • ростиславичъ прибавлено на полъ въ Ц. ярославичъ ошибк. К. і) изъ руси • и съ русью К. О. к) князи • князь К. О.

1180 не хотя крове пролити, и не ѣха на нь. Онъ же стоя двѣ недѣли, и убоявся розводіа пожже
—87 городъ Дмитровъ, възвратися въ Русь, а князь Всеволодъ възвратися къ Володимерю; а Новгородци приидоша поздорову, и пояша князя Святъслава самого въ Новѣгородъ.

Въ лѣто 6689. Новгородци же приведоша къ себѣ князя Володимера Святъславича, а Ярополку даша Торжекъ. Онъ же съѣхавъ съ Торжку, поча воевати Волгу, люди Всеволожи; и въ то же время прииде Всеволодъ изгономъ къ Торжку со всѣмъ полкомъ своимъ, и съ Муромци и съ Рязанци, и затворися Ярополкъ съ Новоторжъци въ градѣ; и стоя Всеволодъ у города 5 недѣль, и людіе изнемогоша въ градѣ, зане не бяшетъ имъ корму. И устрѣлиша князя Ярополка въ городѣ, и бысть имъ велика печаль, и предашася Новоторжъци; и взяша градъ, а князя Ярополка яша и ведоша съ собою оковавше. И възвратися Всеволодъ^а въ Володимеръ съ побѣдою, а люди Новоторжъци приведе всѣ съ женами и съ дѣтьми въ Володимеръ, и пусти ихъ опять на Торжекъ; а Новгородци възвратишася отъ Дрютьска, пожегше градъ.

Въ лѣто 6690. Тогда же на зиму путь показаша Новгородци^б князю Володимеру Святославичю, и иде ко отцю въ Русь; а Новгородци послаша по князя ко Всеволоду, и вда имъ свояка своего Ярослава Володимерича.

Въ лѣто 6691. Князь великій Всеволодъ ходи на Болгары со всею областію своею, и убиша у Всеволода князя Изяслава Глѣбовича; а Болгары посѣче и въ полонъ поведе. [И на ту же зиму бишася Плесковичи съ Литвою, и много паде Плесковичъ. К. О.]

Въ лѣто 6692. Посла Всеволодъ, выведе своякъ свой изъ Новгорода, Ярослава Володимерича; негодовахуть бо ему Новгородци, зане много пакости творяше волости Новгородской. И сдумавше Новгородци, послаша ко Смоленску ко князю Давыдови по сынъ; и вда^в имъ Мстислава сына своего^г, и ведоша ѣ къ Новгороду, и посадиша ѣ на столѣ.

Въ лѣто 6693. Бысть знаменіе въ вечернюю годину въ солнци: бысть морочно велми, яко и на болѣ часа, и звѣзды видѣти, и челоуѣкомъ въ очію акы зелено бяше, и въ солнци учинилося акы мѣсяць, изъ рогъ его акы огнь горящъ^д исхождаше, и страшно бѣ челоуѣкомъ видѣти знаменіе Божіе. Того же лѣта ходиша князи Русьстїи вси на Половци, Володимеръ Глѣбовичъ, Святъславъ Всеволодичъ, и иныхъ князій 6, и пособи имъ Богъ, 7000 руками поймали^е, а князей единѣхъ^ж 400 и 17 изнимаша; и възвратишася съ побѣдою великою, и въздаша хвалу Богу, и бысть радость во всей земли Русьской.

Въ лѣто 6694. Князи Олговичи^з сдумавше на Половци, ркуще: «мы есмы ци не князи?» и поидоша, и поможе имъ Богъ, Половци побѣгоша, а князи Русьстїи стаха на вѣжахъ, ркуще: «братія наши билися съ ними, а смотря на Переяславль, а они къ нимъ сами пришли; а мы въ земли ихъ есмы, и еще идемъ къ нимъ за Донъ, до конца плѣнимъ ихъ, идемъ и въ луку моря, идѣже отци наши не ходиша, добудемъ себѣ славы вѣвѣкы.» И поиде Игорь Святъславичъ съ двѣма сынома и братаничи его за Донъ, а не вѣдуще Божія строенія, и тамо побѣдиша ихъ безъ вѣсти; нѣкыи гости вѣсть принесоша на Русь. Приходи Гречьскый царь Алексѣй^и Мануиловичъ въ Новѣгородъ. [Того же лѣта преставися архіепископъ Илья, положенъ бысть въ притворѣ святѣй Софіи. К. О.]

Въ лѣто 6695. [Поставленъ бысть архіепискупъ Новгородскый Гаврило. К. О.] Того же

а) всеволодъ - пропущено въ К. О. б) новгородци - недостаетъ въ К. О. в) вда - давъ (здавъ) вездѣ кромѣ О. г) сына своего - нѣтъ въ К. О. д) горящъ - жарящъ К. О. е) руками поймали - рукама яша К. О. ж) единѣхъ - только въ К. О. з) князи олговичи - князю ольговичю О. князь олговичъ В. и) Алексѣй - алекса во всѣхъ св. кромѣ Т.

лѣта выгнаша Новгородци князя Мѣстислава Давыдовича, и послаша ко Всеволоду въ Воло-1187
димеръ по Ярослава Володимерича; и вниде въ Новгородъ и сѣде на столѣ. —94

Въ лѣто 6696. Въ лѣто 6697. Избиша Псковичи Чюдъ Поморскую, 7 шнекъ^а.

Въ лѣто 6698. Въ лѣто 6699^б. Ходи князь Ярославъ на Луки, позванъ Полотъскими князи и Полочяны, и поятъ съ собою Новгородци, и снышася на рубежи, и положиша межи собою любовь, яко на зиму всѣмъ снятися любо на Литву, любо на Чюдъ; и прииде князь Ярославъ въ Новгородъ. И бысть на зиму, иде князь Ярославъ съ Новгородци и со Псковичи и съ всею областію на Чюдъ, и взя городъ Юрьевъ, и пожгоша землю ихъ, и полона безъ числа приведоша; а сами приидоша вси поздорову.

Въ лѣто 6700. Иде князь Ярославъ къ Пскову, на Петровъ день, и Новѣгородци вѣмалѣ, и самъ сѣде въ Псковѣ, а дружину свою^в посла съ Псковичи воевати; и шедше взяша градъ Медвѣжію Голову и пожгоша, и възрадовашася вси, что поздорову приидоша^г.

Въ лѣто 6701. [Преставися Варламъ игуменъ святаго Спаса на Хутинѣ, ноября 6 день. Того же лѣта преставися архіепискупъ Новгородскій Гаврило, и положенъ бысть въ при-творѣ святыя Софіи, посторонъ брата, нареченнаго въ чернечествѣ Григорья^д. Князь великій Ярославъ съ Новгородци и съ игумены и попы думаша, ѡни хотяху Митрофана поставити, а инии Мартурія, а друзіи Гречина, и бысть распря въ нихъ; и положиша на святѣй трапезѣ 3 жребія, и послаша съ вѣча слѣпца, да котораго Богъ дастъ; и вынесе Божією благодатію Мартирія, и послаша по нь и приведоша изъ Русы, и посадиша ѡ въ епискупы. И послаша къ митрополиту, и присла по нь съ честию, и иде съ предними мужи; и прія ѡ съ любовію князь Святославъ и митрополитъ, и поставиша ѡ декабря въ 10 день, и прииде въ Новѣгородъ генваря въ 16 день. Того же лѣта идоша изъ Новгорода въ Югру ратью съ воеводою Ярѣйкомъ, и приидоша въ Югру и взяша градъ; и приидоша къ другому граду, и затворишася въ градѣ. И стояша подъ градомъ 5 недѣль, и всылахуть къ нимъ съ рѣчію лъстивою, глаголюще тако, «яко копимъ сребро и соболи и иная узорочія, а не губите своихъ смердовъ и своея дани», и лѣстячи имъ, а вои свои копячи; и яко скопиша вои, и выслася изъ града къ воеводѣ: «пойди въ градъ, пойми съ собою 12 мужъ». И иде въ градъ, поймъ съ собою попа Иванка Легена и инѣхъ болшихъ, и иссѣкоша ѡ въ канунъ святыя Варвары; и выслася пакы, и пояша ихъ 30 мужъ лучшихъ, и тѣ всѣ иссѣкоша, и потомъ 50. И потомъ рече Савка князю Югорьскому: «оже и еще, княже, не убіеши Яковца Прошкинича, а жива пустиши въ Новѣгородъ, ино ти, княже, опять вои приведетъ сѣмо и землю твою пусту сѣтворитъ». И призвавъ же князь Яковца, и повелѣ убити; и рече Яковъ Савкѣ: «судить ти, брате, Богъ и святая Софія, оже еси подумалъ на кровь братіи своей, и станеша съ нами предъ Богомъ и отвѣщаеши за кровь нашу»; и то рекшу убіенъ бысть, той бо Савица перевѣтъ дръжааше отай съ княземъ Югорьскимъ. И потомъ яко изнемогоша голодомъ, стояли бо бяху 6 недѣль слушающе лѣсти ихъ, и на праздникъ святаго Николы вылѣзъше изъ града иссѣкоша вся, и бѣ туга и бѣда останку живыхъ, бѣ бо осталось 80 мужъ; и не бѣше вѣсти чрезъ всю зиму въ Новѣгородъ на нихъ, ни на живыхъ ни на мертвыхъ, и печаловахутся въ Новѣгородѣ князь, и владыка и весь Новѣгородъ. К. О.]

Въ лѣто 6702. [Приидоша избытокъ живыхъ изъ Югры, и убиша Збышкѣ Волосовичъ,

а) въ л. 6696. . . шнекъ. *пропущено въ К.* б) въ л. 6698, въ л. 6699. въ лѣто 6696 К. в) а дружину свою. а дворъ свой К. О. г) възрадовашася. . . приидоша. *възвратишася вси поздорову тамъ же.* д) посторонъ . . . григорья. *нѣтъ въ К.*

1194 и Завида^а Нѣговичъ, и Моислава Поповичъ, сами отбѣгоша^б, а иныя кунами ся откупиша: ^{—97}творяхуть бо ѿ сѣвѣтъ дръжаще съ Югрою на свою братью, а то Богъ вѣсть. К. О.] Того же лѣта погорѣ Ладога и Руса. А въ Новѣгородѣ отъ Всѣхъ Святыхъ^в загорашеться невидимо и до Оспожина дни, и Городище погорѣ; и люди не смѣяху жити въ домѣхъ^г, но по полю живяху.

Въ лѣто 6703. Позва Всеволодъ Новгородцевъ на Черниговъ, на князя Ярослава и на все Олгово княже племя, и Новгородци^д идоша со княземъ Ярославомъ, и огнищане, и гридьба, и купци; и быша на Новомъ Торжку, и присла Всеволодъ и възвратишася съ честію. И послаша Новгородци къ нему Мирошку посадника, и Бориса Жирославича, и Микифора сотьскаго, просяще сына, Ярослава негодующе; и възвратишася въ Новградъ^е. Того же лѣта поиде князь Мѣстиславъ Мѣстиславичъ съ Новгородци къ Кіеву, и повоеваша по Днѣпру города Черниговскія и Рѣчицю, и пришедъ подъ Вышегородъ и бившеся, и яша два князя, Ростислава Ярославича и брата его Ярополка, а Вышегородци отвориша врата граду^ж; а Всеволодъ Святъславичъ выбѣжа изъ Кіева за Днѣпръ, княживъ лѣтъ 10. Князь Мѣстиславъ съ Новгородци посади въ Кіевѣ князя Мѣстислава Романовича, а самъ иде^з къ Чернигову и стояше 12 дній; и взяша миръ, и взяше дары придоша въ Новѣгородъ. Того же лѣта послаша Новгородци посадника Юрія Ивановича въ Володимерь, по князя Ярослава^и Всеволодича. И пріѣхавъ князь въ Новѣгородъ, изыма Якуна Зуболомича, и Ѡому Новоторжскаго посадника, и поточи ѿ на Тѣбрь; а самъ иде въ Торжекъ Ярославъ, а по княгиню по свою посла въ Новѣгородъ Ивора Чапоноса, и выведе княгиню свою къ себѣ; а гость Новгородскій весь пріа, болѣ двою тысящъ, и посла ихъ сковавъ по своимъ градомъ, а товаръ ихъ розда и кони, и пословъ Новгородскихъ изыма, посадника Юрія Ивановича и его друговъ. И то слышавъ князь Мѣстиславъ Мѣстиславичъ, вѣѣха въ Новѣгородъ и изыма намѣстника князя Ярослава Хота Григорьевича, и вси и дворные люди покова; и цѣлова князь Мѣстиславъ крестъ къ Новугороду, а Новѣгородъ ко князю цѣловаша крестъ, что быти заодинъ, а за Новгородскія волости голова сложити. И рече князь Мѣстиславъ: «пойдемъ, поищемъ мужіи своихъ, а вашіе братіи, и волости своея; да не будетъ Новый Торгъ надъ Новымъ городомъ, ни Новѣгородъ подъ Торжкомъ^л, но гдѣ святая Софія ту и Новгородъ, а во мнозѣ и въ малѣ Богъ и правда.»

Въ лѣто 6704. Новгородци выгнаша князя Ярослава, и иде Ярославъ на Новый Торгъ, и пріаша его Новоторжци^к съ челобитіемъ; и жаляху по немъ въ Новѣгородѣ добрые люди, а зліи радовахуся. И послаша къ Чернигову ко князю Ярославу по сынъ, и не бѣ у нихъ князя въ Новѣгородѣ^м вся зима; а Ярославъ княжи^н въ Торжку въ своей волости, и дани поима, и по верху Мсты и за Волокомъ взялъ дань на смердѣхъ по своей воли.

Въ лѣто 6705. Прииде князь Ярополкъ Ярославичъ въ Новѣгородъ изъ Чернигова, и сѣдѣвшу ему 6 мѣсяць, и выгнаша ѿ изъ Новагорода; и послаша опять по князя по Ярослава,

а) завидѣ. такъ слѣдуетъ читать: см. Нов. пер. Лѣт. (т. III, стр. 22); въ обоихъ см. завидову. б) отбѣгоша. убѣжаша О. в) святыхъ. по вся дни прибавл. К. О. г) въ домѣхъ. во дворѣхъ К. О. д) новгородци. не отпрѣшася ему прибавл. К. О. е) въ новградъ. исправлено по Нов. пер. Лѣт. (т. III, стр. 23); во всѣхъ см. въ градъ. Дальше по ошибкѣ описываются событія 6722 и 6723 годовъ: см. Нов. пер. Лѣт. (т. III, стр. 32, 33) и Нов. четв. (т. IV, стр. 20); эта вставка оканчивается словами: во мнозѣ и въ малѣ богъ и правда (см. ниже). ж) граду. нѣтъ въ К. О. з) самъ иде. сами поидоша К. О. и) ярослава. юрія ошибк. во всѣхъ см. кромѣ К. О.; см. Нов. пер. Лѣт. подъ 6723 г. (т. III, стр. 32 — 33). і) подъ торжкомъ. надъ торжкомъ ошибк. К. О. к) новоторжци. новгородци ошибк. К. О. л) въ новѣгородъ. пропушено въ Т. м) княжи. княживъ (княжить) во всѣхъ см. кромѣ К.

съ Нового Торгу въ Володимеръ; позвани Всеволодомъ идоша изъ Новагорода предниі мужіе, ¹¹⁹⁷ и пояша Ярослава со всею правдою и честію. И приде князь Ярославъ въ Новъгородъ и ⁻³⁰³ сѣде на своемъ столѣ, и обьяся великою любовію съ Новгородци, и бысть все добро, и бѣ радость велика Новугороду.

Въ лѣто 6706. Преставишася у князя у Ярослава два сына, Изяславъ и Ростиславъ; и положена быста въ монастыри у святаго Егоргія.

Въ лѣто 6707. Присла князь великій Всеволодъ, и выведе изъ Новагорода князя Ярослава къ себѣ; а изъ Новагорода позва владыку, и посадника Мирошку^а и болшіи мужи по сынъ. И яко быша на озерѣ Серьгѣрѣ^б, преставися рабъ Божій архіепискупъ Новгородскіи Мартирій^в, августа 24, и привезше ѿ положиша въ притворѣ святыя Софіи; и идоша мужи съ посадникомъ съ Михалкомъ ко князю Всеволоду, и прія ихъ съ честію, и вла имъ сына своего Святослава. А Новъгородъ сдумавъ съ посадникомъ, и введоша въ епискупію Митрофана, Богомъ избранна; и весь городъ шедше, посадиша ѿ съ честію великою. Приде же князь Святъславъ въ Новъгородъ на столъ, сынъ Всеволожъ, внукъ Юріевъ, генваря 1^г, и посадиша ѿ на столѣ въ святѣй Софіи, и обрадовася весь Новъгородъ. Того же лѣта градъ обложиша Русу.

Въ лѣто 6708. Ловоть взяша Литва, и Новгородци погнашася^д по нихъ и до Чернянъ, и бѣшася съ ними въ Клинь^е съ Литвою, и убиша у нихъ 80 мужъ, а Новогородецъ паде 15 мужъ; а полонъ весь отъяша, а избытокъ убѣжа.

Въ лѣто 6709. Поставленъ бысть Митрофанъ архіепискупъ Новугороду, мѣсяца іюля въ 3 день. Того же лѣта срубиша Русу городъ.

Въ лѣто 6710. Бысть знаменіе веліе^ж на небеси: учинися небо яко кроваво, и бысть въ едину ноць^з, въ 5 часъ нощи, потече небо все и бысть черно, по земли же снѣгъ и по хоромомъ; мнѣти же всѣмъ челоувѣкомъ зрящимъ яко кончину, и яко кровь проліяну по снѣгу.

Въ лѣто 6711. Побѣдиша князи Олговичи Литву, и избиша ихъ 700 и 1000^и.

О иконѣ пречистыя Одигитрія въ Цариградѣ. Одигитрія икона святѣй Богородици, сію же икону списа Лука Еуангелистъ, и износятъ ю во всякой вторникъ на монастырь; чюдеса стваряетъ и до сего дни, и исцѣленія яже вѣроу приходящимъ. Нѣкто калогеръ много моляшется святѣй Богородици: «Госпоже! яви ми ся, какова еси была въ плоти;» и бысть ему гласъ: «иди, рече, въ Апостольскую церковь, и обрящещи мя писану въ олтари при крестѣ; такова есмь была въ плоти.» Нѣкогда же бысть иконоборіе въ Царѣградѣ, и несоша и Одигитрію икону святыя Богородица въ монастырь Пандократоръ, и заградиша ю въ олтари въ стѣнѣ, зажегше кандію предъ нею; и держаша^и иконоборци 60 лѣтъ Царѣградъ, и потомъ бысть православіе, и взыскаша иконы святыя Богородица, и повелѣ патриархъ молитися по всѣмъ монастыремъ и затворникомъ; и явился единому затворнику соннымъ видѣніемъ: «ищи, рече, иконы святыя Богородица въ Пандократори;» и обрѣтоша ю, и кан-

а) мирошку - мпрокшу Т. К. В. б) серьгѣрѣ - селгѣрѣ Т. в) мартирій - мантурій во всѣхъ сп. кромѣ К. О. г) генваря 1 - генваря 2 К. О. д) погнашася - гнашася К. О. е) въ клинь - въ ислинь вездѣ кромѣ К. О.; см. Новг. перв. Лѣт. III, 25, въ вариантахъ. ж) веліе - явился прибавлено во всѣхъ сп. кромѣ В. з) ноць - недостаетъ во всѣхъ сп. кромѣ К. О. и) и держаша - и держаше К. О. и держаше во прочихъ сп.

* За симъ во всѣхъ сп. слѣдуетъ Повѣсть: «о взятіи Богомъ хранимаго Царяграда.» См. сего изданія т. III, стр. 26—29, отъ словъ: «въ лѣто 6712 царствующю Ольксѣ въ Цариградѣ . . . ею же обладаютъ Фрази.»

1903 дило не загасло въ 60 лѣтъ, яко топерво^а зажжено, и бысть радость велика православнымъ —³⁴ о иконѣ святыя Богородица. Сей же иконѣ служитъ Луцино племя и до сего дни.

О ризѣ пречистыя Богородици. Влахернѣ риза святѣй Богородици и поясъ коматъ. Придоша нѣкогда ратнии по суху и по морю, патриархъ же Сергій омочи ризу святѣй Богородици въ морѣ, и въскипѣ море, и потопоша ратнии, а нини ослаѣпоша, и побѣгоша отъ страха. *Далѣе подѣ 6712 г. см. Новг. вторую Лѣт., стр. 128, отъ словъ: се паки иное знаменіе . . . отъ утра до полудни, и затѣмъ Новг. четвертую Лѣт., стр. 19, отъ словъ: Того же лѣта Романъ. . . и поиде на Галичъ.*

Годъ 6713 см. въ Полн. Собр. Лѣт. т. I, стр. 179. Слова: присла великій князь Всеволодъ . . . Костянтинъ Всеволодичъ.

Годы 6714, 6715 и 6716 см. тамъ же, стр. 210. Слова: прииде Лазарь . . . Іакова въ церкви.

Годъ 6717 см. тамъ же, стр. 210 — 211. Слова: Иде князь Костянтинъ. . . серебро поима.

Годъ 6718 см. тамъ же, стр. 211. Слова: Князь Володимеръ уgonи . . . расточи по градомъ.

Годъ 6719 см. тамъ же, стр. 211. Слова: Исперва не хотя добра. . . во имя святого Антонія.

Годъ 6720 см. тамъ же, стр. 184 — 185. Слова: преставися великій князь Всеволодъ. . . и украси братъ его Андрѣй^б. Затѣмъ см. стр. 211. Ходи Мьстиславъ . . . много взяша.

Годы 6721 и 6722 см. тамъ же, стр. 211. Слова: Иде князь Мьстиславъ. . . въ Руской земли.

Годъ 6723 см. тамъ же, стр. 211. Слова: Князь Мьстиславъ поиде. . . князя Василія.

Годъ 6724 см. тамъ же, стр. 211 — 215. Слова: Князь великій Мьстиславъ поиде . . . въ Рязани братью свою, учинивъ леств. См. то же самое въ Новг. четвертой Лѣт., т. IV, стр. 20 — 26.

Годъ 6726 см. въ Полн. Собр. Лѣт., т. I, стр. 215 — 216. Слова: Взяха Болгаре. . . и прииде Святославъ.

Годъ 6727 см. тамъ же, стр. 216. Слова: Присла князь великій . . . Володимеричъ въ Кіевѣ.

Годъ 6728 см. тамъ же, стр. 216. Слова: прииде въ Новѣгородъ. . . архіепископъ^в въ Перемышлѣ.

Въ лѣто 6729. Выгнаша Новгородци князя Всеволода Мьстиславича изъ Новгорода.

Годъ 6730 см. въ Полн. Собр. Лѣт. т. I, стр. 216. Слова: послаша архіепископа Митрофана . . . брата своего князя Ярослава.

Годъ 6731 см. тамъ же, стр. 216. Слова: [Преставися . . . Софіи. К. О.] Затѣмъ: Прииде князь Ярославъ . . . и злата много взяша.

Годъ 6732 см. тамъ же, стр. 216 — 219. Слова: По грѣхомъ нашимъ придоша языци. . . а изъ Смоленска на Зарубѣ^г 100 мужъ^д и инѣмъ странамъ. Тогда же князь Мьстиславъ Галичскій . . . за Днѣпръ на множествѣ людей, а Галичане и Волынцы кыиждо съ своими

а) топерво» и топере К. О. б) преставися . . . андрѣй»; эта статья находится только въ Т. в) архіепископъ» епископъ во всѣхъ сп. кромѣ К. О. г) на зарубѣ» на рубѣ К. О; во прочихъ сп. сею слова недостаетъ. д) 100 мужъ» 400 мужъ во всѣхъ сп.; см. сею изданія т. I, стр. 217.

князи, а Куряне, и Трубчане, и Путивлечи кнѣздо съ своими князи, и придоша конми; а 1224³⁷ выгонцѣ Галичскыя приѣхаша въ лодіяхъ по Днѣстру, и выидоша въ море . . . Оттуда же идоша по нихъ 8 днѣй^а до рѣкы Калкы, и ту срѣтоша сторожеве Татарове, и удариша на полци^б Русьстѣи . . . Данилъ же выѣха напредъ, и Семьонъ Олюевичъ и Василко Гавриловичъ, и разишася^в въ полкы Татарскія . . . и обрати Татаръ отъ Днѣпра вспять на землю восточную, и повоеваша землю Таноготскую^г и ины страны. Тогда же и Чаногизъ^д канъ ихъ убиенъ бысть. Се же бысть намъ за грѣхи наша, Богъ вложи недоумѣніе въ насъ, и погыбе множество людѣй, и бысть вопль и въздыханіе и печаль по всѣмъ градомъ и по волоستمъ. Сихъ же злыхъ Татаръ Таурменъ не свѣдаемъ, откуда были пришли на насъ и гдѣ ся дѣли опять; но только Богъ вѣсть.

Годъ 6733 см. въ Полн. Собр. Лѣт. т. I, стр. 219. Слова: Прииде князь Михаилъ. . . меченошу княжа Ярославля.

Годъ 6734 см. тамъ же, стр. 219. Слова: Прииде князь. . . Литовскія.

Годъ 6735 см. тамъ же, стр. 219. Слова: Ходи . . . и повоева ихъ.

Годъ 6736 см. тамъ же, стр. 219. Слова: [Придоша Емъ . . . Богъ вѣсть. К. О.] Поиде изъ Новгорода князь . . . и Якима тиуна.

Годъ 6737 см. тамъ же, стр. 219—220. Слова: Прииде князь Михайло. . . не изневолятъ Новгорода. [Рече князь Михаилъ . . . поиде въ Кіевъ ставитися. К. О.] Того же лѣта поиде князь Михайло . . . и держа послы все лѣто. [Того же лѣта поиде Спиридонъ . . . а полонъ весь отъѣша. К. О.]

Годъ 6738 см. тамъ же, стр. 220. Слова: Трясется земля . . . пренесены быша мощи святаго великаго святителя чудотворца Леонтія, епискупа Ростовскаго, изъ церкви святаго Іоана въ церковь сборную святыхъ Богородица въ Ростовѣ. [Того же лѣта прииде архіепископъ Спиридонъ въ Новгородъ, а поставленъ отъ митрополита Кирила. К. О.] Того же лѣта^е поиде княжичъ Ростиславъ . . . Мстиславъ Давыдовичъ Смоленскій.

Годъ 6739 см. тамъ же, стр. 220. Слова: Откры Богъ . . . а города не взяша.

Годъ 6740 см. тамъ же, стр. 220. Слова: Преставися . . . въ притворѣ.

Годъ 6741 см. тамъ же, стр. 220. Слова: Преставися князь Феодоръ . . . Кирилъ.

Годъ 6742 см. тамъ же, стр. 220—221. Слова: Иде князь Ярославъ . . . и смиришеся отъидоша. [Того же лѣта изгониша . . . убиша 10 человекъ. К. О.]

Годъ 6743 см. тамъ же, стр. 221. Слова: Пришедъ князь Изяславъ . . . на столъ въ Кіевѣ.

Годъ 6744 см. тамъ же, стр. 221. Слова: Сѣде на столѣ . . . въ полонъ взяша.

Годъ 6745 см. тамъ же, стр. 221—223. Слова: Бысть знаменіе . . . исполнися опять. [Того же лѣта придоша въ силъ . . . въ дома своя. К. О.] Того же лѣта прииде митрополитъ Гречинъ изъ Никея въ Кіевъ, именемъ Іосифъ, и далѣе до словъ въ концѣ статьи: а люди избывшіе^ж къ тебѣ идуть. Онъ же си слышавъ, възпи гласомъ велимъ съ плачемъ и съ слезами по правовѣрной вѣрѣ христіаньстѣй, паче же и о церкви и епискупа ради и людей, бже бо милостивъ, не жали^з себе, ни жены, ни дѣтей, и въсклицаше изъ глубины сердца, со въздыханіемъ глаголаше. . . остахъ азъ единъ.

а) 8 днѣй • 30 днѣй *ошибк.* Т. Ц. б) на полци • на половци К. О. в) разишася • т. е. вразишася; въ *Ипат.* (т. II, стр. 164) поткоша; въ Ц. В. *ошибк.* разидошася. г) таноготскую • таногутскую Ц. Б. Г. таньготскую К. тагоньскую *ошибк.* О. д) чаногизъ • чагонизъ К. О. е) того же лѣта • на ту зиму К. О. ж) избывшіе • избывшая во *всѣхъ ст.* *кромя* К. О. з) не жали • нежели *вездѣ* *кромя* Ц.

1938 Годъ 6746 с.м. въ Полн. Собр. Лѣт. т. I, стр. 223 — 225. Слова: Князь же Юрій
—39 посла Дорожа . . . И пакы третіе помолися, глаголя: «благодарю тя Господи Боже мой! кую^а похвалную память^б вижду, яко благая моя память желемъ^в погыбаеть и тонко мѣтѣло увядаеть.» И прочее въ мысли сердца своего^г тайно въздыхааше и моляшеся Богу: «Господи Ісусе Христе Вседержителю! приими духъ мой, да и азъ почию въ славѣ твоей.» И се рекъ, и ту абіе^д убіенъ бысть. Си злоба ключися мѣсяца марта въ 4 день, въ четвергъ четвертыя недѣли поста. Блаженный же епискупъ Кирилъ иде съ Бѣлаозера, тамо избывъ ратныхъ, прииде на мѣсто, гдѣ великого князя Юрія убили, и обрѣте тѣло его; возьмъ же тѣло его, и принесе въ Ростовъ, и пѣвъ надъ нимъ обычная пѣнія съ игумены и съ попы и клирошаны, со многымъ плачемъ положиша ѿ въ гробъ въ церкви святыя Богородица. Василку же убіену и повержену на лѣсѣ, и видѣ етера жена вѣрна и повѣда мужю богобоязливу, и взяша тѣло его, и плащеницею обвить, и положиша ѿ въ скровенимъ мѣстѣ; и увѣдавши же се епискупъ Кирилъ и княгини Василкова, пославше взяша тѣло его: яко понесоша въ градъ Ростовъ, и многое множество народа изидоша противу ему, жалостныя слезы испущающе, оставше такового утѣшенія. Видяще же, възлюбленіи, сію суету житія чловѣча, иже вчера славою украшенъ и гордяся въ боярехъ, а нынѣ персть и прахъ, вмалѣ является, а вскорѣ погыбаеть; но помянемъ своя грѣхы и покаемся. Плачь же бысть многъ народа правовѣрныхъ, зряще отца сирымъ и кормителя отходящимъ и печальнымъ великое утѣшеніе, омрачнымъ звѣзду свѣтоносну зашедшую; на весь бо священскій^е чинъ отверсты имѣя^ж очи сердечнѣ, и ко всѣмъ церковникомъ, и къ нищимъ и печальнымъ яко възлюбленный бѣше отецъ, паче же и на милостыню прилѣжа^з, поминая слово Господне глаголющее: блажени милостиви, яко ти помиловани будутъ. Соломонъ глаголетъ: милостынею и вѣрою очищаются грѣси; тѣмъже не погрѣши надежа, егоже просяше у Бога: Господи! спаси любящихъ тя. Сего бо блаженнаго Василка причте Богъ смерти Андрѣевѣ, кровію мученичскою омывъ своя сѣгрѣшенія, съ отцемъ своимъ Георгіемъ и съ братомъ своимъ; се бо чюдно есть, и по смерти совкупилъ Богъ тѣлеса ихъ. И принесоша Василка, и положиша ѿ въ церкви святыя Богородица, идѣже мати его лежитъ; не бѣ же слышати пѣнія въ мнозѣ плачи. Бѣ же Василко лицемъ красенъ, очима свѣтелъ и грозенъ взоромъ, паче мѣры храборъ, на ловѣхъ вазнивъ, сердцемъ легокъ; а кто ему служилъ, а хлѣбъ его ѣлъ, а чашю его пилъ, той за его любовь никакоже не можаше быти у иного князя, ни служити; излише бо слуги своя любляше. Мужество и умъ въ немъ же живяше, правда же и истина съ нимъ хожаше^и; бѣ бо всему хитръ, и посѣде въ добрыхъ днехъ на отнѣ столѣ и дѣднѣ. И тогда же принесоша главу великого князя Юрія, и вложиша ю въ гробъ къ его тѣлу. *Далѣ с.м. стр. 224 — 225 отъ словъ:* но не предай же насъ до конца . . . и поиде въ землю Половецкую.

Въ лѣто 6747. Оженися князь Александръ Ярославичъ, внукъ Всеволожъ, въ Новѣгородѣ, поятъ въ Полотскѣ у Брячислава дщерь, и вѣнчася въ Торопцѣ. Того же лѣта князь Александръ Ярославичъ съ Новгородци сруби городъ въ Шелонѣ. Того же лѣта нача Батый посылати на грады Русскія, посланіи же Батыеви пришедше въ Русь, взяша градъ Переяславль,

а) кую. ти прибавлено во всѣхъ сп. б) память. мою (твою) вездѣ прибавлено кромѣ Ц. в) желемъ. желѣзомъ Т. г) и прочее . . . своего. такъ въ К.; въ друиихъ сп. и проче (въ) мысли сердца моего. д) абіе. немилостивно прибавл. К. О. е) священскій. священнический Ц. В. церковный К. О. ж) имѣя. имуще Т. з) прилѣжа. пропушено во всѣхъ сп.; с.м. Лавр. стр. 199. и) хожаше. ходиста вездѣ кромѣ О.

и церковь Архангела Михаила съкрушиша, и епискупа Семеона убиша, и люди вся сущая въ 1239 градѣ овыхъ избиша, а иныхъ плѣниша; а съсуды церковныя безчисленныя, златыя и серебряныя, и драгаго каменя^а взяша. А иную рать посла на Черниговъ, пришедше же послании оступиша градъ Черниговъ въ силѣ тяжцѣ; слышавъ же князь Мъстиславъ Глѣбовичъ нападеніе иноплемennыхъ на градъ, и приде на ня съ своими вой, и бившимся имъ крѣпко, лють бо бѣ бой^б у Чернигова, оже и тараны^в на нь поставиша, и меташа на нь каменіемъ въ полтора перестрѣла, а камень якоже можаху 4 мужи^г поднять. И побѣженъ бысть Мъстиславъ, и множество отъ вой его избіено бысть, и градъ взяша и запалиша огнемъ, а епискупа оставиша жива и ведоша въ Глуховъ; а отътолѣ придоша къ Кіеву съ миромъ, смирившеся^д со Мъстиславомъ, и съ Володимеромъ^е и съ Даниломъ.

Въ лѣто 6748. Менгуканови^ж же пришедшю сгледати Кіева, и ставшу ему на оной странѣ рѣкы Днѣпра у градка Песочнаго, и видѣвъ градъ и удивися красотѣ его и величеству его, и присла послы своя къ Михаилу и къ горожаномъ, хотя прелестити ихъ; и не послушаша его. Потомъ Михаилъ бѣжа по сыну своему передъ Татары въ Угры; а Ростиславъ Мъстиславичъ Смоленскій^з сѣде въ Кіевѣ. Данилъ же ѣха на нь и ятъ его, и дастъ Кіевъ въ руцѣ Дмитрови обдержати противу иноплемennыхъ языкъ, безбожныхъ Татаръ. Въ то же лѣто приде Батый къ Кіеву въ силѣ тяжцѣ, и много множество силы его, и окружи градъ, и оступи сила Татарская, и бысть градъ въ обдержаніи велицѣ; и бѣ Батый у града и вся сила его безбожная объѣдаху града, и не бѣ слышати въ градѣ глаголюща другъ къ другу въ скрипаніи телѣгъ его, и множество ревенія^и вельблудъ его, и рзанія^і отъ гласа коннаго стада его, и бѣ исполнена земля Русская ратныхъ. И яша отъ нихъ Татарина, именовъ Торвула, и той исповѣда всю силу безбожнаго Батыя; а се бяху его братія силніи воеводы: Урдуй^к, Бандаръ, Бирюй, Каиданъ, Бечякъ, и Менгун, и Кююкъ, иже вратися о смерти^л увѣдавъ кановъ и бысть канъ, не отъ роду его, но бѣ воевода его первый, Себѣдай, Богатуръ, и Бурундай, и Бастырь^м, иже взя^н Болгарскую землю и Суздальскую^о, и иныхъ воеводъ много, ихже не писахомъ здѣ. Постави же Батый пороки къ городу подлѣ врата Лятыская, ту бо бѣяху^п дебри, порокомъ же біющимъ день и ночь безпрестани, и выбиша стѣны; и взидоша горожане на городъ на избитыя стѣны, и ту бѣ видѣти ломъ копейный, щитомъ скепаніе, и стрѣлы омрачиша свѣтъ. Побѣженнымъ бывшимъ горожаномъ и Дмитрови ранену бывшю, и взидоша Татарове на стѣны, и сѣдоша того дни и до ночи^р; гражане же создаша другой градъ около святыя Богородица. Наутрія же придоша на ня, и бѣ сѣча велика межи ими^с; людемъ же инымъ^т възбѣгшимъ на комары церковныя съ товары своими, и отъ тягости людей повалишася комары и стѣны церковныя съ ними, и пріять бысть градъ безбожными, на Николинъ день. Дмитра же изведоша язвена, и не убиша его мужества ради. Батыю же взявшю градъ Кіевъ, и слышавшю ему о Данилѣ яко въ Угрѣхъ

а) и драгаго каменя. такъ въ Новг. четвертой Лѣт. стр. 34; во всѣхъ сп. и драгокамен(ь)ныя. б) лють бо бѣ бой. лють бо бой имъ есть вездѣ кромѣ К. О. в) тараны. пороки поправлено въ Ц. г) мужи. силніи прибавл. К. О. д) смирившеся. такъ въ Новг. четв. Лѣт. стр. 34; во всѣхъ сп. смирившимся. е) и съ володимеромъ пропущено въ Ц. Б. Г. ж) менгук. мегнукавови Т. з) смоленскій. смоленскаго во всѣхъ сп.; см. Новг. четвертую Лѣт. стр. 36. и) ревенія. исправлено по Ипат. стр. 177; во всѣхъ сп. рвенія. і) и рзанія. и ржанія Ц. К. О. к) урдуй. уредь (урьдъ) К. О. урдуй В. л) о смерти. и о смерти Ц. Б. Г. В. и еже о смерти К. О. м) бастырь. батырь К. О. н) взя. взяша Т. о) и суздаль. нѣтъ въ Ц. п) бѣяху. пришли прибавл. К. О. р) и до ночи. и ночи К. О. с) ими. има Т. т) инымъ. нѣтъ въ К. О.

1140 есть, и поиде самъ къ Володимерю, и прииде къ городу Колодяжну, и поставивъ пороковъ дванадесять, и не може проразити^а стѣнъ городныхъ, и нача неремолвливати люди; они же, послушавше злаго сѣвѣта его, предашася и сами избіени быша. Отътолѣ же прииде къ Каменцю граду Изяславию, и взя его; и видѣвъ же Кременецъ градъ Даниловъ, и не възможе взяти его, бѣ бо крѣпокъ велми, и отъиде отъ него. И прииде къ Володимерю и взя его копіемъ, избивъ вся, не пощади ни единого же; такоже и градъ Галичъ взя Волинскій^б и иныхъ градовъ Русьскихъ много взя, имже и числа нѣсть. Дмитрови же, Кіевскому тысяцскому Данилову, рекшю Батыеви: «не мози^в стряпати^г въ земли сей долго, время ти уже итти на Угры; аще ли стряпаеши, земля ти есть силна, сберутся на тя и не въпустятъ тя въ землю свою,» про то же рече ему, видѣ^д землю гибнущу Русьскую отъ нечестиваго; Батый же послуша сѣвѣта Дмитрова, и иде въ Угры. Король же Бѣла^е и Коломанъ срътоша Батыя у Солоные рѣки, и бившимся обоемъ полкомъ, и бысть сѣча велика, и побѣгоша Угрове, Татарове же гнашася по нихъ до Дуная рѣки; и стояша по побѣдѣ 3 лѣта, и воеваша до Володавы и по озеромъ, възвратишася^ж въ землю свою, много зла створиша христیانомъ.

О велицѣмъ князѣ Александрѣ^з. О велицѣмъ князи нашемъ Александрѣ Ярославичѣ, о умномъ и кроткомъ и смысленомъ, о храбромъ, тезоименитомъ^и царя Александра Макидонскаго, подобникъ царю Алевхысу^и крѣпкому и храброму, сице бысть повѣсть о немъ; ему же баше Богъ лѣта приложилъ по его правдѣ, и угобзи ему Богъ дни и чѣсти въ славу его.

^к О Господѣ Божѣ нашемъ, азъ худый и грѣшный и малосмысленый покушаюся написати житіе святаго и великаго князя Александра Ярославича, внука великаго князя Всеволода. Понеже слышахомъ отъ отецъ своихъ, и самовидецъ есмь възраста его, и радъ быхъ исповѣдалъ святое и честное житіе его славное; но якоже Приточникъ рече: въ злохитру душу не видеть мудрость; на высокихъ бо краѣхъ есть, посреди же стезь стояще^д, при вратѣхъ сильныхъ присѣдти. Аще грубъ есмь умомъ, но молитвою святыя Богородица и поспѣшеніемъ святаго великаго князя Александра начатокъ положю. Сей бѣ князь великій Александръ Богомъ роженъ отъ отца боголюбива и мужелюбца, паче же и кротка, великаго князя Ярослава Всеволодича и отъ матери святыя великіе княгини Θεодосіи. Якоже рече Исаія Пророкъ: тако глаголетъ Господь: князи азъ учиняю, священни бо суть, азъ вожу я въ истину; безъ Божія повелѣнія не бѣ княженіе^н его. И възрастъ его паче нѣхъ челоувѣкъ, гласъ его яко труба въ народѣ, лице же его бѣ яко Іосифа прекраснаго, еже бѣ поставилъ его Египетскій^п царь втораго царя въ Египтѣ, сила же его бѣ вторая часть отъ силъ Самсона; и далъ ему бѣ Богъ премудрость Соломону, храбрость же яко царя Римскаго Еуспасьяна, еже бѣ плѣнилъ всю землю Іудейску. Иногда же исполчився къ граду Антупату^о приступити, и вышедше гражане побѣдиша полкъ его, онъ же воста единъ възврати^п силу

а) прораз. разбити О. б) волинскій. *иттъ въ* К. О. в) не мози. царю *прибавлено въ* Ц. Б. Г. В. г) стряпати. страдати К. д) видѣ. видѣ бо К. О. е) бѣла. вѣла *во всѣхъ сп. кромѣ* К. О. ж) възвратишася. възвратися *вездѣ кромѣ* К. О. з) о велицѣмъ князѣ александрѣ. *только въ* К. О. *За симъ въ* К. *прибавлено въ* лѣто 6748, а *въ прочихъ сп. въ* лѣто 6749. и) тезоименитомъ. *такъ поправлено; во всѣхъ сп. тезоименитного и ниже подобникъ.* і) алевхысу. алевхысу Ц. К. О. алевхыку В. к) *Превъ симъ въ видѣ заглавіа во всѣхъ сп. кромѣ* К. О. о велицѣмъ князи(ѣ) александрѣ ярославичѣ. л) стояще. стояше О. стояща В. м) княженіе. княженія Т. н) египетскій. сгитскій *ошибк.* Т. о) антупату. антипату В. п) възврати. и вразити (вразить) К. О.

ихъ ко вратомъ граднымъ, и посмѣлся дружинѣ своей, рече: «остависте мя единого;» тако 1940 же и сій великій князь Александръ Ярославичъ бѣ побѣжая вездѣ, а не побѣдимъ николиже. *Сего ради прииде нѣкто отъ Западныхъ страны, еже нарицаются Слуги Божія, оттолѣ прииде, хотя видѣти дивный възрастъ. Якоже древле царица Южская приходи ко царю Соломону, хотя слышати премудрость его; такоже и сій, именемъ Андрѣяшъ, видѣвъ великого князя Александра Ярославича, възвратися къ своимъ и рече: «проходихъ многы страны и языки, не видѣхъ такова ни въ царихъ царя, ни въ князихъ князя.» Се же слышавъ король части Римскія, отъ полунощныхъ страны, таковое мужество великаго князя Александра Ярославича, и помысли въ себѣ побѣдити его, или руками яти, а Великій Новгородъ плѣнити и вся грады ихъ и люди Словѣнскія къ себѣ въ работу створити, и рече^б: «пойду и плѣню землю великаго князя Александра Ярославича.» И собра силу велику, местери и бискупы свои, и Свѣя, и Мурмане, и Сумъ, и Емь, и наполни корабли многи зѣло полковъ своихъ, и подвижеса въ силѣ велицѣ, пыхая духомъ ратнымъ, и прииде въ рѣку Неву, и стаща усть Ижеры^в, шатаяся безуміемъ своимъ, хотя възспріяти Ладогу, прочее же рку и Новгородъ и всю Новгородскую область; но еще преблагій, премилостивый челоуѣколюбецъ Богъ ублюде ны и зашити отъ иноплеменникъ, и всеу^г трудишася безъ Божія повелѣнія. Прииде бо вѣсть тогда, яко Свѣи идутъ къ Ладозѣ, и въ то время присла король послы, загордѣвся, къ великому князю Александру Ярославичю въ Новгородъ, а рка тако: «аще можеша противити ми ся, то се есмь здѣ уже и плѣню землю твою.» Великій же князь Александръ Ярославичъ слышавъ слова ихъ, и разгорѣся сердцемъ, и вниде въ церковь святыя Софіи, паде на колѣну предъ олтаремъ, и нача молитися со слезами святѣй Софіи, поминая исправленія родителей^д своихъ и глаголя: «Боже хвалный, Боже праведный, Боже великій и крѣпкій, Боже превѣчный, створивый небо и землю, и постави предѣлы языкомъ, и жити повелѣвый не преступая^е въ чужая части;» и възспрімъ Псаломскую пѣснь рече: «суди, Господи, обидящимъ мя и възбрани борющимся со мною, приими оружіе и щитъ, встани въ помощь мнѣ.» И кончавъ молитву вставъ и поклонися архіепискупу, архіепискупъ же Спиридонъ Новгородскій благослови его и отпусти съ миромъ, и Новгородцевъ. Великій князь Александръ ида изъ церкви, и нача крѣпити воя своя и рече: «не въ силахъ Богъ, но въ правдѣ; помянемъ Пѣснописца^ж Давыда, глаголюща: сіи въ оружїи, а сіи на конѣхъ, мы же имя Господа Бога нашего призовемъ, и ти възспяти быша и падоша.» И поиде на нихъ въ ярости мужества своего, въ малѣ вой своихъ, и не дожда многа вой своихъ^з съ великою^и силою; но уповая на святую Троицу. Жалостно и слышати, яко отецъ его честный князь Ярослав Всеволодичъ не бѣ вѣдалъ таковаго встанія на сына своего милаго великаго князя Александра, ни оному бѣ вѣсти когда послати ко отцю, уже бо приближишася ратни; тѣмже и мнози Новгородци не совокуплешася^и, понеже ускори великій князь Александръ Ярославичъ поити противу ратныхъ. И прииде на ня въ недѣлю на Съборъ Святыхъ Отецъ 630, иже въ Халкидонѣ, на память святоу мученику Кирика и Улиты и святаго великаго князя Владимира, крестившаго Русскую землю и нареченаго^к въ святомъ крещенїи Василїа. *Имѣяше велику

а) *Предъ симъ въ видѣ заглавія вездѣ кромѣ О. нев(ъ)ское побоище.* б) и рече *пропущено во всѣхъ сп. кромѣ Б. Г.* в) ижеры. ожеры Т. Б. Г. ожера В. г) и всеу. яко всеу К. О. д) родители. отецъ О. е) не преступая. не преступати *во всѣхъ сп. кромѣ О.* ж) пѣснописца. пѣснословца К. О. з) и не дожда . . . своихъ. *пропущено въ В.* и) съ великою. не съ великою В. і) не совокуплешася. п не совокупишася К. О. к) и нареченаго. ему имя (имени; *прибавлено во всѣхъ сп.* л) *Въ видѣ заглавія, киноварью: о пелгусїи ижерянинѣ.*

1240 вѣру и надежу къ святыма мученикома Борису и Глѣбу, бѣ нѣкто мужъ старѣйшина въ земли Ижерьской, именемъ Пелгусій, поручена же бысть ему стража морская; и въспріять святое крещеніе, и живяше посредѣ рода своего погана суща, наречено бысть ему имя въ святомъ крещеніи Филипъ, живяше же богоугодно, въ среду и въ пятокъ пребывая въ алчбѣ, тѣмже сподоби его Богъ видѣнію страшну, скажемъ въкратцѣ. И увидѣвъ силу ратныхъ Пелгусій, иде противу великаго князя Александра Ярославича, да скажетъ ему силу Варяжскую и станы ихъ; обрѣте бо я. Стоящу же ему при краи моря, стрегущю ему обои^а пути, и пребывъ всю ночь въ бдѣніи^б, и якоже нача въсходити солнце^в, и услыша шумъ страшень по морю, и видѣвъ насадъ единъ гребущъ, посредѣ же насада стояща святая мученика Борисъ и Глѣбъ въ одеждахъ червленыхъ, и бѣста руки держаща на рамѣхъ, гребци же сѣдяху въ насадѣ^г яко мглою одѣни; и рече Борисъ: «брате Глѣбе! вели гребти, да поможемъ сроднику своему великому князю Александру Ярославичю.» Видѣвъ же се Пелгусій таковая видѣнія, и гласъ слыша таковой отъ святыхъ мученикъ Бориса и Глѣба, стояше трепетенъ въ ужасѣ, дондеже насадъ отъиде отъ очю его; потомъ же поѣха^д скоро, и срѣте ѿ великій князь Александръ Ярославичъ^е, онъ же видѣ его радостныма очима, исповѣда ему единому все якоже видѣ и слыша; великы же князь отвѣща ему: «сего не рци никомуже, о друже!» Отътолѣ же потщася наѣхати на нихъ, въ 6 часть дне, и бысть сѣча велика надъ Римляны, и изби множество безчисленное Римлянъ, и самому королю възложи печать на лице острымъ своимъ мечемъ^ж. Здѣ же явишася въ полку великаго князя Александра Ярославича 6 мужъ храбрыхъ, иже съ нимъ крѣпко мужествоваху. Первый именемъ Гаврило Олексичъ: сей бо наѣха на шнеку, и видѣ королевича мчаща^з подъ руки, и извѣха за ними^и по досцѣ до самого корабля, по ней же схожаху^и; и текоша^к въ корабль предъ нимъ, и паки обратилася и свергоша его съ доски и съ конемъ въ море, Божіею же волею оттолѣ изиде невреженъ; и паки наѣха, бися крѣпко съ самимъ воеводою посредѣ полку ихъ, и ту убіенъ бысть воевода ихъ Спиридонъ, и бискупъ ихъ убіенъ бысть ту же. Второй же Новгородецъ именемъ Сбыславъ Якуновичъ: сей же наѣхавъ многожды бѣшется единѣмъ топоромъ, не имѣя страху въ сердци, нѣколко отъ руки его паде, и подивилася силъ его и храбрости. Третій же Яковъ Полочанинъ, ловчей бѣ у князя: си наѣхавъ на полкъ съ мечемъ, и мужествовавъ крѣпко, и похвали его князь^л. Четвертый же Новгородецъ именемъ Миша: си же пѣшъ съ дружиною своею натече, и погуби Римлянъ 3 корабли. Пятый же отъ молодыхъ его нѣкто именемъ Сава: сій же наѣхавъ великій шатеръ златоверхій^м, подсѣче столпъ ему, шатеръ же падеся, полци же великаго князя Александра Ярославича видѣвше паденіе шатра възрадовашася. Шестый же отъ слугъ его именемъ Ратмиръ: си бися пѣшъ, и оступилася его мнози Римляне, и паде отъ многихъ ранъ, и тако скончася. Си же вся слышахъ отъ господина своего князя Александра Ярославича и отъ иныхъ, иже обрѣтошася въ то время въ той сѣчи. Бысть же въ то время чюдо дивно, яко въ древняя дни при Езекии цари, егда прииде Сенахиримъ царь Асурійскій на Ерусалимъ, хотя плѣнити святыи градъ, и внезапно прииде Ангелъ

а) обои • обою • въ прочихъ сп. кромѣ К. О. В. б) въ бдѣніи • въ бдѣніихъ вездѣ кромѣ К. О. В. в) солнце • солнцю во вѣсѣхъ сп. кромѣ К. О. г) въ насадѣ • только въ К. О.; въ прочихъ сп. въ насадѣхъ. д) поѣха • приѣха К. е) и срѣте. . . ярославичъ • и срѣте великаго князя александра ярославича К. ж) мечемъ • копіемъ К. О. Далѣе во вѣсѣхъ сп. въ видѣ заглавія: о шести мужъ храбрыхъ. з) мчаща • мычаща ошмбк. Т. и) за ними • нѣтъ въ К. О. і) схожаху • схожда(а)ше во вѣсѣхъ сп. кромѣ К. О.; см. *Лавр. Лѣт. (т. I, стр. 206)*. к) и текоша • и втекоша и ниже обратившеся вездѣ кромѣ К. О. л) князь • великій прибавл. К. О. м) златоверхій • королевъ прибавлено на поляхъ въ Ц.

Господень и изби отъ полка Асурійска 100 и 80 и 5 тысящъ, и вѣставше утро и обрѣгоша¹²⁴⁰ вся трупія мертвыхъ; такоже и при побѣдѣ великого князя Александра Ярославича, егда^{—41} побѣди короля^а обѣ онъ полъ рѣкы Ижеры, идѣже и не бѣ проходно полку великого князя Александра Ярославича, и тамо обрѣтошася много множество избіенныхъ отъ Ангелъ Божіихъ, обрѣтохомъ много трупія избіенныхъ мертвыхъ лежаща^б. Остатокъ же ихъ побѣже посрамлени, а трупія же мертвыхъ своихъ наметаша 3 корабли великихъ воеводъ, и потопишася вси^в на мори, а прочимъ ископаша ямы и вметаша въ ня безчислено, а иніи мнози язвени быша, и тое ноци побѣгоша; Новгородцевъ же ту паде: Костянтипъ Луготиничъ, Юрята Пинящиничъ, Намѣстъ, Дрочило Нѣздиловъ сынъ кожевниковъ^г, а всѣхъ 20 мужъ паде и съ Ладожаны, или менши, то Богъ вѣсть. Великій же князь Александръ Ярославичъ съ Новгородци вѣзвратися съ великою побѣдою, и прииде въ Новѣгородъ, сохранени вси Богомъ и святою Софіею, хваля и славя святую Троицу, Отца и Сына и святого Духа, аминь. Того же лѣта взяша Нѣмци, Медвѣжане, Юріевци, Велеядци, со княземъ съ Ярославомъ Володимеричемъ городъ Изборескъ. И прииде вѣсть во Псковъ, яко взяша Нѣмци Изборескъ, и выиде противу имъ весь градъ, и сѣтвориша съ ними брань, и бишася съ ними крѣпко, и бѣ сѣча межи ими велика; ту же убиша Гаврила Гориславлича воеводу и погониша Псковичъ, и много ихъ гонячи били, а иныхъ руками яша. И пригонивше подъ городъ, посадъ зажгоша весь, и много зла бысть, погорѣша и церкви и честныя иконы, и всю ругу церковную, многы же и села пусты сѣтвориша около Пскова; стояше же подъ городомъ недѣлю, но города не взяша, но много дѣтей у добрыхъ мужъ поимаша и отведоша^д въ полонъ, и отъидоша прочъ опять, и тако бѣша безъ мира. Бяху бо перевѣтъ держаще съ Нѣмци Псковичи, подвелъ ихъ Твердило Ивановичъ со нѣмци, а самъ поча владѣти Псковомъ съ Нѣмци, воюя села Новгородская; а иніи Псковичи вбѣгоша въ Новѣгородъ съ женами и съ дѣтми. Въ то же лѣто по вѣзвращеніи и побѣдѣ великого князя Александра, тое же зимы, пакы приидоша отъ Западныя страны Нѣмци и Чюдъ на Водь^е, и повоеваша все и дань на нихъ възложиша, и срубиха городъ въ Копоріи въ погостѣ, въ отечествѣ великого князя Александра; но не то бысть зло, но и Тесово взяша, гонимася за 30 верстъ до Новгорода, гость біючи, а сѣмо и до Лугу и до Савля^ж. А великій князь Александръ отѣхъ въ землю Суздальскую въ Переяславль градъ, съ матерію и со княгынею и со всѣмъ дворомъ своимъ, распрѣвся съ Новгородци; Новгородци же съ челобитіемъ послаша къ великому князю Ярославу Всеволодичу, просяще у него сына къ себѣ, и дасть имъ сына своего князя Андрѣя. Тогда же сдумавше Новгородци, послаша владыку Спиридона съ бояры опять къ великому князю Ярославу Всеволодичу, съ челобитіемъ, просяще себѣ великого князя Александра Ярославича; а на волость на Новгородскую въ то время наидоша Литва, Нѣмци, Чюдъ, и поимаша по Лугу кони вси и скотъ, не на чемъ и орати по селомъ; великій же князь Ярославъ дасть^з имъ сына своего Александра князя опять.

Въ лѣто 6749. Приѣхъ князь великій Александръ Ярославичъ въ Новѣгородъ, и изиде^и вскорѣ съ Новгородци, и съ Ладожаны, и съ Корѣлою, и съ Ижеряны на градъ Копорію^і, и изверже градъ изъ основанія, а самихъ Нѣмецъ избиша, а ови съ собою приведе въ Новѣ-

а) короля • корабля вездѣ кромѣ К. О.; см. Лавр. Лѣт. (т. I, стр. 206). б) лежаща • лежаще во всѣхъ сп. кромѣ К. О. в) вси • съ ними К. О. г) кожевниковъ • кожевничъ К. О. д) и отведоша • нѣтъ въ К. О. е) на водь • пропушено въ К. ж) до савля • до сабля К. О. з) дасть • вда К. О. и) и изиде • на нихъ (т. е. на Шведовъ) прибавлено во всѣхъ сп. і) на гр. копорію • на градъ копорію ошибк. Т. и на градъ копорію К. О.

1341 городъ , а иныхъ пожаловалъ отпустилъ , бѣ бо милостивъ паче мѣры ; а Вожанъ и Чюдцю —⁴² перевѣтниковъ извѣща^а , и отѣха въ Русь . По побѣдѣ же великого князя Александра Ярославича , яко побѣди короля , въ третіе лѣто , въ зимнее время бѣ : собравшася Нѣмци съ сел^б стороны и придоша на Псковъ , и Псковскыя полкы побѣдиша^в , и намѣстниковъ своихъ посадиша на Псковѣ . Се же слышавъ князь великы Александръ , велии оскорбѣ за кровь христіанскую , и не умедливъ нимало , но разгорѣвся духомъ и своею ревностію по святѣй Троици и по святѣй Софіи , и поймъ съ собою брата своего и вся воя своя , и прииде къ Новгороду и поклонися святѣй Софіи съ молбою и съ плачемъ .

Г Въ лѣто 6750 . Поиде великій князь Александръ съ братомъ своимъ Андрѣемъ , и съ Новгородци и съ Низовци , на Нѣмецкую землю въ силѣ велицѣй , да не хвалятся ркуще : «укоримъ Словѣнскыи языкъ , нежели себе ;» уже бо башеть взятъ градъ Псковъ , и тиуни ихъ посажени въ градѣ . Великій же князь Александръ зая всѣ пути до Пскова и изгони градъ , и изымавъ Нѣмци и Чюдъ , и намѣстники Нѣмецкыя исковавъ поточи въ Новгородъ , а градъ Псковъ свободы отъ плѣна ; а землю ихъ пожже и повоева^д , и полона много взя , а иныхъ изсѣче . Они же гордіи совкупившеся , и рѣша : «поидемъ , погубимъ^е великого князя Александра и имемъ его руками ;» и егда же приближишася , и почюдишася стражіе великого князя Александра силѣ Нѣмецкой , самъ же великій князь Александръ Ярославичъ поклонися святѣй Троици , и поиде на землю Нѣмецкую , хотя мстити кровь христіанскую . Бѣ бо зима въ то время , якоже бысть на земли ихъ , пусти вся полкы своя въ зажитіа , а Домашъ Твердиславичъ и Кербетъ быша въ розгонѣ ; и убиша ту Домаша брата посадника , мужа добра , и иныхъ много избиша съ нимъ , а иныхъ руками яша , а иные прибѣгоша къ великому князю въ полкы . Се же слышавъ местерь , изиде противу имъ со всѣми бискупы своими и со всѣмъ множествомъ языка ихъ и власти ихъ , что ни есть на сей сторонѣ , и съ помощію королевою , и снидоша на озеро глаголемо Чюдское . Велики же князь Александръ Ярославичъ вспятися на озеро , Нѣмци же и Чюдъ поидоша по нихъ , князь же великы постави полкы на озерѣ Чюдскомъ , на Узмени , у Вороніа камени , и укрѣпився силою крестною , ополчився поиде на нихъ ; наступиша же озеро Чюдское , бысть же обоихъ множество велии . Отецъ же его великій князь Ярославъ Всеволодичъ прислалъ бѣ ему на помощь брата его меньшого князя Андрѣя , со множествомъ вой своихъ . Тако бо баше у князя великого Александра множество храбрыхъ , якоже древле у Давыда царя силіи и крѣпци ; такоже воя великого князя Александра исполнишася духа ратна , бяху бо сердца ихъ^ж акы лвомъ , и ркоша : «о княже нашъ честный и драгій ! нынѣ приспѣ время положити главы своя за тя .» Великы же князь Александръ въздѣвъ руцѣ на небо , и рече : «суди , Боже , и разсуди прю мою отъ языка велерѣчива^з ; помози ми , Господи , яко же древле Моисѣви на Амалика и прадѣду моему великому князю Ярославу на окааннаго Святополка .» Бѣ бо тогда день суботный , солнцю всходящю , и съступишася обои полци ; Нѣмци же и Чюдъ пробишася свиніею сквозѣ полкы , и бысть ту сѣча зла и велика Нѣмцамъ и Чюди , и трускъ отъ копей ломленія и звукъ отъ мечнаго сѣченія , якоже морю померзшю двигнутися , и не бѣ видѣти леду , покрыло бо есть все кровію . Се же слышахъ отъ самовидца^и , рече ми : яко видѣхъ полкы Божія на въздусѣ , пришедше на помощь великому князю Александру Ярославичю . И побѣдивъ силою Божіею ,

а) извѣща • извѣшавъ *вездѣ кромѣ* К. О. б) съ селъ • со всея К. О. в) побѣдиша • побиха К. О. г) *Въ началъ сей статьи , въ видѣ заглавія , во всѣхъ сп. кромѣ* К. О. побойще ледовое . д) пожже и повоева • повоева и пожже К. О. е) погубимъ • побѣдимъ К. О. ж) ихъ • *пропущено въ* Т. з) велерѣчива • неправя К. и) отъ самовидца • отъ самоговидца Т. Ц. Б. Г.

и святыя Софіи, и святою мученику^а Бориса и Глѣба, еюже ради кровь свою проліяша: и ¹²⁴² даша ратни плещи своя^б, и сѣчахуть я гоняще акы по аеру, и не бѣ имъ камо утѣши, и ^{—43} биша ихъ на семи верстахъ по леду до Суболичьскаго берега^в; и паде Нѣмецъ 500, а Чюди безчисленное множество, а руками няша Нѣмецъ пятьдесятъ мужъ^г нарочитыхъ^д воеводъ, и приведоша я въ Новѣгородъ, а иныхъ вода потопа, а инѣи злѣ язвени отбѣгоша. Бысть же бой сій априля въ 5, на Похвалу святыя Богородица, на память святаго мученика Клавдія^е; здѣ же прослави Богъ великого князя Александра предъ всѣми полки, яко Исуса Навгина у Ерихона. Се же рѣкли Нѣмци: «имемъ великаго князя Александра руками;» и сихъ ему предасть Богъ въ руцѣ его, и не обрѣтется противникъ ему въ брани никогдаже. Възвратившу же ся великому князю Александру съ славною побѣдою, бяше же полонъ много въ полку его, ведяхуть бо я подлѣ конь иже именуются риторѣ; и якоже приближися великій князь Александръ къ граду Пскову, и срѣтоша его со кресты игумени и попове въ ризахъ и народъ много предъ градомъ, поюще славу Господеву и великому князю Александру Ярославичю: «пособивый, Господи, кроткому Давыду побѣдити иноплеменники и вѣрному князю нашему оружіемъ крестнымъ, свободи^ж градъ Псковъ отъ иноязычныхъ и отъ иноплеменникъ рукою великаго князя Александра Ярославича.» О невѣгласи Псковичи! аще забудете се^з и до правнучатъ^и великого князя Александра Ярославича, уподобитесь^і Жидомъ, ихже препита Господь въ пустыни крастелми печеными, и сихъ всѣхъ забыша благъ^к Бога своего, изведшаго ихъ изъ работы Египетскія Моисіомъ; се же вамъ глаголю: аще кто приидетъ и напоследокъ^л рода его великихъ князей, или въ печали приидетъ къ вамъ жити въ Псковъ, а не примете его, или не почтите его, наречетесь вторая Жидова. И нача имя слыти великого князя Александра Ярославича по всѣмъ странамъ, отъ моря Варяжскаго и до моря Понтьскаго, и до моря Хупожскаго, и до страны Тиверійскыя, и до горъ Араратскихъ, объ ону страну моря Варяжскаго и горъ Аравитскихъ даже и до Рима великого; распространи бо ся имя его предъ тмы тмами и предъ тысящи тысящами. И тако прииде къ Новгороду съ великою побѣдою. Того же лѣта прислаша Нѣмци съ поклономъ безъ князя въ Новѣгородъ, а ркучи: «что есмя зашли мечемъ Псковъ, Водъ, Лугу, Латыголу^м, и мы ся того всего отступаемъ; а что есмя изымали въ полонъ мужей вашихъ, а тѣми ся розмѣнимъ, мы вашихъ пустимъ, а вы нашихъ пустите, и Псковскій полонъ пустимъ»; и умиришася, а полонъ весь отпустиша обоихъ. Въ то же время умножишася языка Литовскаго, и начаша пакостити въ области великаго князя Александра; онъ же выѣздя нача ихъ избивати. Единою же ему ключися выѣхати, и побѣди семь ратей, и множество воеводъ изби, а иныхъ руками изымаша; слугы же его ругающеся имъ, начаша ихъ вязати конемъ къ хвосту, и ведоша съ собою безбожныхъ Литву. Начаша же потомъ блюстися имени его. Того же лѣта великій князь Ярославъ Всеволодичъ поиде въ орду, позванъ бысть посломъ Татарскимъ къ царю Батыю.

Годъ 6751 см. въ Новг. перв. Лѣт. т. III, стр. 54. Слова: [Преставися рабъ Божій. . . при

а) мученику • мученика *вездѣ кромѣ* О. б) своя • на раны *прибавл.* К. О. в) берега • озера *ошибк.* Т; см. *Новг. первую Лѣт. (т. III, стр. 54).* г) мужъ • *нѣтъ въ* К. О. д) нарочитыхъ • мужей *силовыхъ прибавлено въ* Ц. Б. Г. В. е) клавдія • клавдіана Ц. ж) свободи • свободити *вездѣ кромѣ* Ц. з) се • только *въ* К. О. и) и до правнучатъ • *такъ было и въ* Ц. *но потомъ помарано и послѣ словъ* вел. кн. алекс. ярославича *приписано на полѣ или отступите отъ него, или отъ дѣтей его, или отъ всего роду его.* і) уподобитесь • уподобистесь *неправильно во вѣсѣхъ св.* к) благъ • *благость* О. л) напоследокъ • напоследъ К. О. м) латыголу • *лагогу* *ошибк.* К.

1243 князи Александръ^а. К. О.] Того же лѣта, мѣсяца маія въ 18 день, на память святаго муче-
 —⁴⁵ника Александра, явился знаменіе въ Псковѣ у святаго Іоана въ монастыри отъ иконы свя-
 таго Спаса, надъ гробомъ великіе княгини Ярославли Володимировича, юже уби свой пасы-
 нокъ въ городѣ Медвѣжіи Головъ: иде миро отъ иконы по 12 днѣи и наведе 4 воцаници,
 яко въ стеклянницу, и привезоша двѣ въ Новгородъ на благословеніе, а во Псковѣ оста-
 виша себѣ двѣ. Но Господи слава тебѣ, давый намъ недостойнымъ рабомъ своимъ такое
 благословеніе; и на тя уповаемъ, Господи Вседержителю, яко призираеши на насъ убогихъ
 своею^б милостью, человеколюбче.

Въ лѣто 6752. Преставися княгини великая Феодосія Ярославля, постригшися у святаго
 Георгія въ монастыри, ту же и положена бысть посторонъ сына своего князя Теодора, мѣ-
 сяца маія въ 4, на память святаго Ирины; наречено же бысть ей имя Евфросинія.

Въ лѣто 6753. Воеваша Литва около Торжку и Бѣжици; гони же ся по нихъ князь
 Ярославъ Володимеричъ съ Новоторжци, и бишася съ ними, и отъяша у Новоторжцевъ кони,
 а самихъ биша, и поидоша прочь съ полономъ. И погони по нихъ Яведъ и Кербетъ со Тѣ-
 ричи и Дмитровци, а князь Ярославъ Володимеричъ съ Новоторжци, и бишася подъ Тороп-
 чемъ, а князи вбѣгоша въ Торопечъ; и завтра приспѣ къ городу великій князь Александръ^а
 съ Новгородци, и отъяша у нихъ полонъ^г весь, а князей изсѣче 8^д. Отътолѣ же Нового-
 родци^е вспятишася, а князь великій Александръ погони по нихъ своимъ дворомъ, и би я
 подъ Жыжычемъ^ж, и не упусти ихъ ни единого; ту избивъ останокъ ихъ, и сына своего
 поима изъ Витепска, поиде къ Новугороду въ малѣ дружинѣ, и срѣте иную рать, и бися
 съ ними, и ту ему Богъ поможе, изби ихъ, а самъ пріиде здоровъ и вся вои его.

Убіеніе князя Михаила Черниговского и его боярина Теодора отъ царя
 Батыя въ ордѣ^а. Сій блаженный великій князь Михайло отъ уныя версты Бога възлюбилъ и
 пречистую его Матерь, и умъ свой къ нему вперивъ кротостію и милостынею къ убогимъ и
 вся пустошная міра сего отвергъ, богатство и славу суетную, иже есть хужше паучины.
 Бысть нахоженіе безбожныхъ Татаръ на землю Русьскую, гнѣвомъ Божиимъ, за умноженіе
 грѣховъ нашихъ; якоже при Нои и яко при Лотѣ казнь Божія на землю нахождааше, та-
 коже и въ послѣдняя времена сія наведе Богъ рукою своею на землю христіанскую^и, по
 пророчеству древнихъ Пророкъ, якоже рече: аще ли хотите, послушаете мене, благая зем-
 ная снѣсте; аще ли не хотите, ни послушаете мене, оружіе вы поясть^і; и сѣмъ всѣмъ ми-
 нувшимъ, взиде гнѣвъ Божій на вся живущая на земли, якоже рече: аще хотите, да пожи-
 вете въ правдѣ, аще ли не хотите^к, то единъ васъ поженеть 1000, а два двигнута тму. Се
 же грядущю гнѣву Божию, бысть языкъ посланъ незнаемъ отъ Бога, скруши грады, побѣ-
 жая брани, овѣи убо затворяхуся въ градѣхъ, великому же князю Михаилу держащю Кіевъ
 тогда, и пріѣхаша послы отъ царя Батыя, онъ же слышавъ словеса лести ихъ, и повелѣ
 ихъ избити, а самъ побѣжа въ Угры и съ домашними^л своими; инѣи же бѣжаша въ далнія
 страны, инѣи же крѣяхуся въ пещерахъ земныхъ, а инѣи затворншася въ градѣ: то тѣ

а) при кн. александрѣ при велицѣмъ князѣ александрѣ ярославичѣ К. О. б) своею многою прибавл. К. О.
 в) александръ ярославъ *ошибк. во всѣхъ сп.*; см. *Нов. первую Лѣт. (т. III, стр. 54)*. г) полонъ
 пропущено въ Т. Б. Г. д) изсѣче 8 изсѣче 50 Т. К. О; см. *Нов. перв. Лѣт. стр. 54*. е) и отъяша. . .
 новгородци пропущено въ В. ж) подъ жыжычемъ подъ жижьчемъ В. з) отъ царя батыя въ ордѣ
 въ ордѣ отъ царя батыя за христа Т; затѣмъ въ Ц. *прибавлено въ лѣто 6754*. и) христ. русьскую К.
 і) *Isaii I, 19, 20*. к) да поживете . . . не хотите пропущено въ О. не послушаете прибавл. Ц.
 л) и съ домашними и съ домашними О.

со слезами и покаяніемъ Богу молящеся^а, ти тако отъ поганыхъ немилостивно избіени быша, 1246 а иже крыяхуся въ горахъ, и въ пещерахъ и въ лѣсѣхъ, мало тѣхъ остася, тѣхъ же непо-
колицѣхъ временехъ оставиша въ градѣ, и сочташа я въ число, и начаша на нихъ дань
имати. Се же слышавъ великій князь Михайло, възвратися къ Кіеву и вси людіе съ нимъ,
и еже бѣху разбѣглися на чужіе земли придоша на свою землю. Татарове же начаша звати
нужею къ канови и Батыеви, глаголюще имъ: «не подобаетъ вамъ жити на земли Батыевѣ
и кановѣ не поклонившеся има;» мнози же ѣхавше поклонишася ему. Обычай бо имѣя канъ
и Батый, аще кто приидетъ поклонитися има, не повелѣваша первіе привести предъ ся^б, но
приказано бѣше волхвомъ вести я сквозъ огонь и поклонитися кусту, и огневи, и идоломъ
ихъ; а иже что приношахуть съ собою дары^в цареви, и отъ всего того взимающе волсви, и
метахуть въ огонь, тоже предъ царя пуцають самѣхъ съ дары^г. Мнози же князи съ бояры
своими идяху сквозъ огонь, и кланяхуся кусту^д и идоломъ, славы ради свѣта сего, и пра-
шааху койждо себѣ власти; они же безъ възбраненія даяхуть имъ, да прелестять я славою
свѣта сего. Преподобному же великому князю Михаилу пребывающему въ Черниговѣ, и видѣ
многи прелщающася славою свѣта сего, и посла Богъ благодать и даръ святаго Духа на нь,
и вложи ему въ сердце ѣхати предъ царя Батыя и обличити прелесть его, еюже лествитъ
хрестіяны. И пріѣхавъ ко отцу своему духовному и повѣда ему, глаголя: «хочю ѣхати предъ
царя Батыя.» И отвѣща ему отецъ его Иванъ^е: «мнози ѣздивше створиша волю поганого,
прелестишася славою свѣта сего, идоша сквозъ огонь, и поклонишася кусту и солнцу, и по-
губиша душа и тѣлеса своя; и ты, сыну княже Михаиле, аще^ж хоцещи ѣхати, не створи
такое якоже прочіи, не иди сквозъ огонь, ни поклонися кусту ни идоломъ ихъ, ни брашна ихъ
яжъ, ни питія ихъ пій, и не приймай ничтоже скверна во уста своя^з; но исповѣжъ вѣру хри-
стіанскую, яко не достойтъ^и хрестіаномъ ничему¹ кланятися твари, но токмо единому
Господу нашему Ісусу Христу.» Великій же князь Михайло и Феодоръ бояринъ его глаго-
ласта ему: «молитвою твоею, отче, якоже Богъ възхощетъ, тако да будетъ; азъ бы того
хотѣлъ, что за Христа моего кровь свою проліяти и за вѣру хрестіанскую;» такоже и боя-
ринъ его Феодоръ глаголаше. И глагола имъ отецъ ихъ духовный: «вы будете въ нынѣшній
вѣкъ новоявленна мученика Христова на утверженіе вѣрнымъ человѣкомъ, аще тако сѣтво-
рита человѣчскы.» Великій же князь Михайло и бояринъ его Феодоръ общастася тако
створити, и благословишася у отца своего духовнаго; и тако отецъ ихъ духовный дастъ имъ
причастіе на путь, рекше прежесвященное, и благослови я и отпусти, глаголя има: «Господь
Богъ да укрѣпитъ ваю и послетъ вамъ помощь святаго Духа, за негоже тѣшится пострадати,
за Христа кровь свою проліяти и за правовѣрную вѣру.» Тогда же великій князь Михаилъ
и бояринъ его Феодоръ ѣхаста въ дома своя, и взяша отъ имѣнія своего, еже есть имъ на
потребу на путь; мнози же земля проѣхавшими^к, и доѣхаша^л до царя Батыя. И повѣдаша
Батыеви о немъ: «князь великій Русьскій Михаилъ пріѣхавъ поклонитися тебѣ;» царь же
повелѣ привести волхвы своя, волхвомъ же пришедшимъ предъ царя Батыя^м и рече имъ
царь: «еже есть по обычаю вашему сѣтворите Михаилу князю великому Русьскому, и потомъ

а) молящеся. моляхуся К. О. б) не повелѣвате . . . предъ ся. не повелѣваетъ предъ ся вести во всѣхъ
сп. кромѣ Т. в) дары. только въ Т. Ц. г) съ дары. и дары Т. д) кусту. и огню приписано на полъ
въ Ц. е) иванъ. іованъ К. В. ж) аще. оже К. О. з) скверна . . . своя. въ уста своя скверны вездѣ
кромѣ К. и) яко не достойтъ. якоже достойтъ Т. і) ничему. никому же Б. Г. В. к) проѣхавшими.
проѣхавше (проѣхавша) има и ниже и доѣхавше (доѣхавша) царя во всѣхъ сп. кромѣ К. л) и доѣхаша.
такъ въ В; въ прочіихъ сп. какъ сказано выше доѣхавше (доѣхавша). м) батыя. только въ Т.

1245 приведите его ко мнѣ. «Волсви же пришедше ко князю Михаилу, глаголаша ему: «Батый царь зоветъ ты;» онъ же поймъ съ собою Θεодора боярина своего и идяше съ нимъ. И дошедше мѣста, идѣже бѣше огонь накладенъ по обѣ стороны, и мнози погани идяху сквозѣ огонь и поклоняхуся солнцю, и огню и кусту^а и идоломъ ихъ, волсви же хотѣша великого князя Михаила и Θεодора боярина его вести сквозѣ огонь; великій же князь Михаилъ глагола имъ: «не достоинъ христіаномъ ходити сквозѣ огонь, ни кланятися имже си кланяются; така есть вѣра христіанская, не кланятися твари, ни идоломъ, но кланятися святѣй Троици, Отцю и Сыну и святому Духу.» Великій же князь Михаилъ глагола боярину своему Θεодору: «луче ны есть^б не кланятися, емуже ся сіи кланяють.» Они же оставеше ихъ на мѣстѣ, идѣже бѣху приведени, идоша же повѣдати цареви^в: «великій князь Михайло Русскій повелѣнія твоего не послушаетъ, сквозѣ огонь не идетъ, а богомъ твоимъ не поклоняется, а глаголетъ тако: не достоинъ христіаномъ ходити сквозѣ огонь, ни поклонятися твари, ни солнцю, ни идоломъ, но кланятися створшему вся Отцю и Сыну и святому Духу.» Царь же възъярився велми, и посла единого отъ велможъ своихъ, столника именемъ Елдегу, и рече^г: «почто повелѣніе мое преобидилъ еси, богомъ моимъ не поклонился еси? но отселъ едино отъ двою^д избери себѣ, животъ или смерть: аще повелѣніе мое створиши, живъ будеши и великое княженіе свое все пріимеши; аще ли не проидеши сквозѣ огонь, и не поклонишися кусту, ни солнцю, ни идоломъ, то злою смертію умреши.» Тогда отвѣща великій князь Михаилъ: «тебѣ царю кланяюся, понеже ти поручилъ Богъ царствіе и славу свѣта сего; а емуже си кланяются, то азъ не кланяюся.» И рече ему Елдега: «Михаиле! вѣдомо^е буди мертвъ еси^ж.» Великій же князь Михайло рече ему: «азъ того и хочу еже за Христа пострада, и за правовѣрную вѣру кровь свою проліяти.» Тогда же глагола ему^з князь Борисъ^и Ростовскій съ плачемъ: «господине отче! поклонися, створи волю цареви.» Бояре же Борисовы глаголаша: «всѣ за тя опитемію пріимемъ, княже, со всею областію своею.» Рече же имъ великій князь Михаилъ: «не хочу азъ именемъ токмо зватися христіанъ^и, а дѣла творити поганныхъ.» Егда же си глаголаше къ нимъ князь Михаилъ, бояринъ же его Θεодоръ помышляше въ себѣ глаголя: «егда како ослабѣетъ великій князь^к Михаилъ моленіемъ сихъ, помянувъ женскую любовь и дѣтій ласканіе, и послушаетъ сихъ моленія;» тогда помянувъ Θεодоръ бояринъ его слово отца своего духовнаго, и рече^л великому князю Михаилу: «помниши ли, господине, слово отца своего духовнаго, еже учаше наю отъ святаго Евангелія? рече бо Господь: иже хоцетъ душу свою спасти, погубитъ ю, а иже погубитъ душу свою мене ради и Евангелія^м, то спасетъ ю^н; пакы же рече: кая полза челоуѣку, аще всего міра пріиметъ царство, а душу свою погубитъ? то что дастъ челоуѣкъ измѣну на души своей? иже бо постыдится мене и моихъ словесъ въ родѣ семъ прелюбодѣйнымъ и грѣшнымъ, и Сынъ челоуѣческій постыдится его^о; аще кто^п исповѣсться мя предъ челоуѣкы, и азъ исповѣмъ его предъ Отцемъ моимъ иже есть на небесѣхъ; аще ли мене кто отъвержется предъ челоуѣкы, отвергуся

а) и кусту — только въ Т. б) ны есть — есть нама Т. в) цареви — и глаголаша царю *прибавл.* К. О. г) и рече — такъ было и въ Ц, но потомъ помарано и на полѣ приписано: и глагола ему: иди, рци. д) едино отъ двою — только въ Т. е) вѣдомо — вѣдая *вездѣ* кромѣ О. ж) вел. кн. михайло русскій повелѣнія. . . мертвъ еси — *пропущено* въ В. з) ему — внукъ его *приписано* на полѣ въ Ц. и) борисъ — васьковичъ *прибавлено* на полѣ тамъ же. і) христіанъ — хре(и)стіанинъ (крестыанинъ) *во всѣхъ* сп. кромѣ Т. к) вел. князь — *пропущено* въ Т. л) и рече — ему *прибавл.* Т. м) и евангелія — *пропущено* во *всѣхъ* сп. кромѣ Т. н) *Марк. VIII, 35.* о) *Марк. VIII, 36 — 38.* п) прелюбодѣйнымъ . . . кто — *пропущено* во *всѣхъ* сп. кромѣ В., въ которомъ также словъ и грѣшнымъ. . . постыдится его *недостаетъ.*

его и азъ предъ Отцемъ моимъ, иже есть на небесѣхъ^а.» Сія же глаголющу Θεодору къ 1946 великому князю Михаилу, они же начаша молити, да послушаетъ ихъ; великій же князь Михайло глаголаше къ нимъ: «не послушаю васъ, ни душа своя погублю;» тогда сѣмъ себе кочь^б свой и верже къ нимъ, глаголя: «пріимите славу свѣта сего, а азъ не хочу.» Слышавъ се Елдега, яко си не увѣщаша его, тогда ѣха ко царю повѣдати еже глаголаше ему великій князь Михаилъ. Стоящима же^в на мѣстѣ томъ, множество крестіяннхъ^г и поганыхъ слышаху^д словеса сіи, яже отвѣща великій князь Михаилъ царю. Тогда блаженный сій великій князь Михаилъ и бояринъ его Θεодоръ начаста пѣти себѣ; по отпѣтіи же взяста себѣ причастіе, еже бѣ далъ имъ отецъ ихъ^е духовный, и благословивъ я на то иже пострадати за Христа. И глаголаху предстоящій: «княже Михаиле! идуть отъ царя убивать^ж ваю; поклонитася, жива будета.» Великій же князь Михаилъ и бояринъ его Θεодоръ яко единѣми усты отвѣщаста: «не кланяемся, ни слушаемъ^з васъ; славы свѣта сего не хотимъ.» И начаста себѣ пѣти^и: «мученици твои, Господи, не отвергошася тебе, ни отступиша отъ заповѣдй твоихъ;» и паки: «страдавше тебе ради, Христе, многы муки претерпѣша;» и прочая мученична^л. Сія же блаженная, укрѣпльшася надежею Христовою и молитвами святыхъ мученикъ, стаستا яко столпа непоколеблема и неподвижима. Тогда же убійци ти окаанніи приспѣша, и скочиша съ конь, и яша святаго великаго князя Михаила преподобнаго, растягоша за руцѣ и за позѣ, и начаша его бити руками по сердцю, и посемъ повергоша его ницъ на земли, и бѣхуть его пятами; и сему же бывшу надолзѣ, нѣкто же бывъ прежде христіанинъ, послѣди же бысть поганъ и законопреступникъ, отвергся вѣры христіаньскыя, именемъ Доманъ, Сѣверянинъ родомъ, и огорчися, отрѣза ножемъ главу святому мученику великому князю Михаилу, и отверже ю прочь. Потомъ же глаголаша^к боярину его Θεодору: «ты поклонися богомъ нашимъ, живъ будеши и пріимеши княженіе князя твоего.» Глагола же имъ Θεодоръ: «не хочу княженія господина своего великаго князя Михаила, а богомъ вашимъ не кланяюся; но хочу пострадати за Христа, якоже и князь мой.» Тогда же Θεодора начаша мучити, якоже прежде великаго князя Михаила, послѣди же честную его главу отрѣзаша. Ти тако пострадаста благодаряще Христа, предаста святѣи свои души въ руцѣ Господеви, новосвятая мученика; святая же тѣлеса ихъ^л поверженѣ быста псомъ на свѣдѣніе. На многы же дни лежащима има, Божіею благодатію съхранены быста неврежены^м тѣлеси ею; но чловѣколюбецъ Богъ милосердый Господъ нашъ, прославляя святыя своя угодники, пострадавша его ради за правовѣрную вѣру христіанскую, столпъ огненъ явися надъ тѣлесѣхъ ею, сіяющъ пресвѣтлыми зарями, и свѣща многы горяща, и пѣнія ангелская слышаху на утверженіе христіаномъ и на обличеніе тѣмъ, еже оставивше Бога истиннаго и поклоняхуся твари, и на устрашеніе поганымъ. Святѣи же и честнѣи^н тѣлесѣ ею нѣкими христіаны богобоязливymi мужи сохранени быша^о. Бысть же убіеніе ею мѣсяца септября

а) еще ли мене . . . на небесѣхъ. *пропущено въ О. С.ж. Матв. X, 32, 33.* б) кочь. *такъ было и въ В, но потомъ неврно исправлено мечъ.* в) стоящима же. *има прибавл. Ц.* стояще же К. О. г) крестіяннхъ. *крестіяннхъ ошибок. Т. христіанъ (христіанъ, крестіанъ) въ прочихъ сп.* д) слышаху. *слышахомъ Ц.* е) имъ. . . ихъ. *има отецъ ею К.* ж) убивать. *убити (убивати) во всѣхъ сп. кромъ Т.* з) ни слушаемъ. *не слушаемъ Ц. К.* и) по отпѣтіи же взяста . . . пѣти. *пропущено въ О.* і) мученична. *мученича въ прочихъ сп. кромъ Т.* к) глаголаша. *глаголаше во всѣхъ кромъ Т.* л) святая же тѣл. ихъ. *святѣи же тѣлесѣ ею К. О.* м) съхранены. . . неврежены. *сохранена быста невреженѣ К. О.* н) и честнѣи. *и честныя во всѣхъ кромъ К. О.* о) быша. *быста К. О.*

1245 въ 20 день^а; ею же молитвами и моленіемъ достойни будемъ обрѣсти милость и отпушеніе —^б грѣхомъ отъ Господа нашего Ісуса Христа, въ нынѣшній вѣкъ и въ будущій.

Въ лѣто 6754. Якоже бо по первомъ взятіи Батыевѣ, великій князь Ярославъ Всеволодичъ обнови землю Суздальскую, церкви очистивъ отъ трупія мертвыхъ и кости ихъ сохранивъ, многы пришелца утѣшивъ, и множество людій собра^б. Поганымъ же силу дѣющимъ надъ крестіянн^в, того ради себе не пощадѣ и иде въ орду, великую пагубную землю Татарскую, и много пострада за землю Русьскую^г; обаженъ же бысть Феодоромъ Яруновичемъ царю и многы дни претерпѣвъ. Тое же осени, мѣсяца сентября въ 30 день, преставися великій князь Ярославъ Всеволодичъ въ ордѣ нужною смертію. Якоже Святое Писаніе глаголетъ: да кто положитъ душу свою за други своя^д; сій же великій князь положи душу свою за вся люди земли Русьскыя, и причте его Господь ко избранному своему стаду, занеже быше милостивъ ко всякому, требующимъ невѣзбранно даяше^е. Также великій князь Александръ, сынъ его, не остави пути отца своего, посылая ко царю въ орду за люди своя, иже плѣнени быша отъ безбожныхъ Татаръ, и много злата и сребра издава^ж на плѣнникѣхъ, искупая отъ безбожныхъ Татаръ^з, избавляя ихъ отъ бѣдъ и напастей^и. Въ то же время нѣкто царь со восточныя страны силенъ присла послы своя къ великому князю Александру, а ркучи тако: «миѣ покориѣ Богъ многи языки, ты ли единъ не хоцещи покоритися державѣ моеѣ? но аще хоцещи соблюсти нынѣ землю свою, прииди ко миѣ, узриши честь и славу царства моего.» По умертвіи же отца своего, великій князь Александръ прииде въ Володимерь въ силѣ тяжцѣ, и бысть грозенъ приѣздъ его; проиде же вѣсть и до устія Волги, и начаша жены Моавитскія полошати дѣти своя, а ркучи: «молчи^и, великій князь Александръ ѣдетъ.» И поиде великій князь Александръ въ орду ко царю, и благослови его епископъ Кирилъ, и прииде ко царю; видѣ же его царь Батый, и подивися, и рече велможамъ своимъ: «воистину повѣдаша, яко нѣсть подобна сему князю;» и почти его царь многими дары, и отпусти съ великою честію на Русь.

Въ лѣто 6755. Въ лѣто 6756. Въ лѣто 6757. [Князи Рустіи Литву побили; тогда убьенъ бысть князь великій Михайло Ярославичъ, на Поротвѣ. Ц. Преставися архіепископъ Новгородскій Спиридонъ, и положенъ бысть честно у святѣй Софїи. К. О.] Въ лѣто 6758. Приѣха великій князь Александръ изъ орды^к.

Въ лѣто 6759. Приѣха въ Новгородъ митрополитъ Кіевскій и всея Руси Кирилъ и епискупъ Ростовскій Кирилъ же именемъ, и поставиша архіепискупа Великому Новгороду именемъ Далмата^л. Того же лѣта прииде Неврюй, и Котія, и Олабуга храбры^м на землю Суздальскую, со многими вои^н и силою Татарскою, на великого князя Андрѣя Ярославича. По преставленіи бо великого князя Ярослава, великое княженіе Володимерьское даша сынови его князю Андрѣю. Бысть въ канунъ Боришу дни, безбожнии Татарове подъ Володимеремъ бро-

а) въ 20 день — въ 23 день во всѣхъ сп. кромѣ В; см. *Лавр. Лѣт. (т. I, стр. 201)*. б) собра — собравъ вездѣ кромѣ К. О. в) дѣющимъ надъ крестіянн — дѣюще(а) на крестіянн во всѣхъ сп. кромѣ К. О. г) русьскую — вотчины своя К. О. д) *Іоан. XV, 13*. е) даяше — слава богу нашему, аминь прибавл. К. О. ж) издава — издая О. з) и много злата . . . татаръ — пропущено во В. и) Въ Ц. приписано на полѣ: въ лѣто 6755, сѣде въ володимери на столѣ по ярославѣ братъ его свитославъ, и сидѣ лѣто едино, и прогна и князь михайло ярославичъ; та же статья была записана въ текстъ ниже, подъ 6756 г., но потомъ тамъ помарана. і) молчи — лѣтъ во К. О. к) изъ орды — и бысть радость велика въ руси прибавл. К. О. л) Въ Ц. прибавлено въ г. 6760, иде князь александръ ярославичъ въ орду къ царю сартаку. м) храбры — храбрый во всѣхъ сп. кромѣ Т. н) вои — воеводами К. О.

дѣша Клязму, и поидоша^а къ граду Переяславлѣ таящеся; наутріе же, на Борошѣ день, срѣте^а ихъ великій князь Андрѣй съ своими полки, и сразишася обои полци, и бысть съча велика, гнѣвомъ же Божиимъ за умноженіе грѣховъ нашихъ, погаными побѣдени быша. Великій же князь Андрѣй едва убѣжа и пріѣха въ Великій Новгородъ, Новгородци же его не пріѣша, онъ же ѣха ко Пскову и тамо бысть немного, ожидая^б бо бѣ свое кнѣгини; пріѣха же къ нему его кнѣгини, великій же князь Андрѣй пріѣха въ Нѣмецскій городъ Колывань и съ кнѣгинею. Остави же ту кнѣгину, а самъ ступи за море въ Свѣйскую землю, местеръ же Свѣйскій срѣте его и пріѣ его съ честію, онъ же посла по кнѣгину въ Колывань, и пріѣде къ нему его кнѣгини; бысть время нѣколько въ Свѣйской земли, послѣди же на рати убиенъ бысть отъ Нѣмцев^в. Безбожніи же Татарове плѣниша градъ Переяславль, и оттолѣ же възвратишася въ страны своя^г. По плѣненіи же Неврюевъ, великій князь Александръ церкви въздвигнувъ и градъ людіи исполнивъ, разбѣгшаася люди собра въ дома своя. Добрѣ бо рече о таковыхъ Давыдъ Пророкъ: во отецъ своихъ мѣсто быша сынове ихъ. Исаія бо рече: князь благъ въ странахъ не сбирая богатства, и не презря кровь праведничию, сиротѣ и вдовицѣ въ правду судя, милостилубецъ, а не златолубецъ, благъ домочадцемъ своимъ, а виѣшнимъ своимъ отъ страны приходящимъ^д кормитель, на таковыя Богъ призираетъ. И распространи Богъ землю его, и богатство и славу, и удовли Богъ лѣта ему. Нѣкогда же присла^е къ нему послы папа изъ великого Рима, послы же рѣша великому князю Александру: «такъ молвить папа нашъ: слышахомъ тя, княже, честна и дивна, и велика земля твоя; сего ради прислахомъ ти отъ двюнадесять кардиналу два хитрѣйшая, Галда и Гемонта, да послушаеши ученія нашего.» Великій же князь Александръ сдумавъ съ мудреци своимъ, и списавъ къ нему^ж отъ Адама и до потопа, а отъ потопа и до раздѣленія языкъ, а отъ раздѣленія языкъ до начала Авраамля, а отъ Авраама до проитія Израилева сквозъ Черное море, а отъ исхода сыновъ Израилевъ до умертвія Давыда царя, а отъ начала царства Соломона до Августа царя, а отъ начала Августа до рождества Христова^з и до страсти и до воскресенія его, а отъ воскресенія его и на небеса вшествіе и до царствія великаго Константина и до перваго Събора, и до седмаго Събора^и; «си вся съвѣдаемъ добрѣ, а отъ вась ученія не пріѣмаемъ;» они же възвратишася въ своя. Умножи же Богъ живота великому князю Александру; бѣ бо любя чинъ церковный, священники^і, митрополиты, епискупы чтише яко самого Христа, и вся христіаны любяше^к. [Того же лѣта пустиша Татарове Рязанскаго князя Олга Ингваровича, внука Игорева, на свою землю. Того же лѣта преставися князь велики Володимерски Святославъ Всеволодичъ, февраля 3. Ц.]

а) и поидоша. и поида К. О. б) ожидая. ожидалъ К. О. в) послѣди же. . . отъ нѣмцев. такъ было и въ Ц., но потомъ подчищено и написано другимъ почеркомъ потомъ же пріѣде въ свою вотчину. г) въ страны своя. въ землю свою К. О. д) отъ страны приходящимъ. отъ страны и приходящимъ отъ страны *вездѣ* кромѣ К. О. е) присла. прислаша *во вѣсть* сп. ж) и списавъ къ нему. и списа къ нему, рече К. О. з) христ. а отъ рождества христова *прибавл.* К. О. и) и до седмаго събора. *пропущено* въ В. і) перковный священники. священскій К. О. к) Въ Ц. за тѣмъ было написано и потомъ помарано ратью на русь, и прогна князя андрѣя суздаль; въ *другихъ Лѣтописяхъ* пріѣде ратью наврусь. и прогна кн. андрѣя суздальскаго. Въ К. О. *вмѣсто того находится слѣдующая вставка* того же лѣта преставися великій кн. александръ ярославичъ (того же лѣта преставленіе вел. кн. александра): напередъ (напередъ) чти преставленіе вел. кн. александра. о горе тебѣ бѣдный человѣче. . . и за правотѣрную вѣру. См. эту статью ниже, подъ 6770 годомъ.

1252 Въ лѣто 6760. Въ лѣто 6761. Прибѣже князь Ярославъ Ярославичъ съ Низовскіе земли,
—56 и посадиша его въ Псковѣ^а.

Въ лѣто 6762. Добро бѣяше христіаномъ.

Въ лѣто 6763. Выведоша Новгородци изъ Пскова князя Ярослава Ярославича, и посадиша его въ Новѣгородѣ на столѣ, а князя Василія вонъ выгнаша; и то слышавъ великій князь Александръ^б, поиде ратию къ Новугороду. Идущю же князю Александру со многими полкы и съ Новоторжци, и срѣте ѿ Ратишко^в съ перевѣтомъ: «пойди, княже, борзѣе; братъ твой князь Ярославъ побѣгълъ.» Поставиша же Новгородци полкы въ концѣ за Рождествомъ Христовымъ, а что пѣшихъ людей, а тѣ сташа у святаго Ильи, противу Городища. И ркоша меншии у святаго Николы на вѣчѣ: «ци како рчетъ князь великій Александръ: выдате мои ворогы?» и цѣловаша святую Богородицю меншии, како всѣмъ стати заодноу, любо животь, любо смерть, за правду Новгородскую. Бысть же въ вятшихъ свѣтъ^г благъ, како побѣдiti меншия, а великого князя ввести на всей его воли. И побѣжа Михалко изъ города къ святому Георгію, како было ему своимъ полкомъ ударити на сю сторону, измясти люди; и увѣдавъ Ананія, хотя ему добра, посла по немъ втайнѣ Якуна, и увѣдавше черныи люди погониша по немъ, и хотѣша на дворъ его ударити, и не да имъ Ананія: «братіе! аже того убіете, убейте же мене преже;» не вѣдѣше бо, еже о немъ мысль злу свѣщаша, самого яти, а посадничество дати Михалку. Присла же князь великій Бориса на вѣче: «выдате ми Ананію посадника, а не выдате, и язъ вашъ не князь великій, и да иду на городъ ратию.» И послаша Новгородци съ челобитіемъ къ великому князю владыку и Клима тысячьского: «поѣди, княже, на свой столъ, а злодѣевъ не слушай, а Онанія нелюбія отдай и всѣмъ мужемъ Новгородцемъ.» И не послуша великій князь молбы владычни, ни Климова челобитія ни Новгородскаго; и ркоша Новгородци: «аже, братія, князь великій нашъ такъ сдумалъ съ нашими крестопреступници, оно имъ^д Богъ и святая Софія; а великій князь нашъ безъ грѣха.» И стояше весь полкъ за свою правду по три дни, и бысть въ четвертый день, присла великій князь, а ркучи тако: «оже Онанія посадничества лишится, и азъ вамъ нелюбія отдамъ;» и взяша миръ. Поѣде же великій князь Александръ въ городъ, и срѣте его архіепискупъ Новгородскій Далматъ съ чиномъ церковнымъ со кресты у Прикуповичя двора, и весь миръ радости исполнися, а злодѣи омрачаахуся, занеже христіаномъ радость, а діаволу пагуба, зане не бысть кровопролитія христіаномъ; и сѣде великій князь Александръ Ярославичъ на своемъ столѣ. Тое же зимы пріѣхаша численици изъ Татаръ, и сочтоша всю землю Русьскую, и поставиша десятники, и сотники, тысячники, толко не чтоша игуменовъ, поповъ и черныцевъ, и кто служитъ святымъ церквамъ. Се все бысть на Русьской земли грѣхъ ради нашихъ; [и не наведи, Господи, гнѣва твоего на ны противу дѣломъ нашимъ, но по милости твоей спаси ны, человекѣколюбче Господи. К. О.]

Въ лѣто 6764. [Пріидоша Сяѣи, и Емъ, и Сумъ, и Дидманъ, и Чюдъ, со всею властью и множествомъ рати, и начаша чинити городъ на Неровѣ; тогда же не сущю князю въ Новѣгородѣ, Новгородци же послаша въ Низъ къ великому князю по полкы, а сами розослаша по своимъ волостемъ копячи рать; они же окаяннии услышавъ, и побѣгоша за море. К. О.]

а) въ лѣто 6760 . . . въ псковѣ: въ К. О. вмѣсто сихъ словъ находится статья изъ *Новг. перв. Лѣт.* (т. III, стр. 55) воеваша литва волость . . . и посадиша его въ пльсковѣ (псковѣ). б) александръ-отецъ василіевъ *прибавл.* К. О. в) ратишко. ратекша во всѣхъ сп. кромѣ О. рать рекше *ошибк.* В. г) благъ. вождь К. О; см. *Новг. перв. Лѣт.* III, 55. д) оно имъ. и оно имъ Т. воно имъ О. и обоимъ (овоимъ. воинномъ) *ошибк.* во прочихъ сп.

Въ то же лѣто, на зиму^а, пріѣха великій князь Александръ въ Новгородъ, и митрополитъ¹²⁵⁶ съ нимъ, и поиде великій князь со всею силою своею и съ Новгородци на Свѣйскую землю^{—59} и на Чюдъ; и бысть золь путь, якоже не видѣли ни дни ни нощи, и проидоша горы непроходимыя, и воеваша^б Поморіе все, овыхъ избиша, а иныхъ въ полонъ взяша, и паки възвратишася въ землю свою со множествомъ полона; славна же бысть земля страхомъ и грозою его. Тогда же князь великій Александръ поиде въ Низъ, поимъ послы Новгородскыя Олферія и Михаила Пинящинича, а сына своего князя Василия посади на столъ въ Новѣгородѣ.

Въ лѣто 6765. Пріиде вѣсть изъ Руси зла, яко хотять Татарове на Новѣгородѣ десятины и тамгы, и смятошася людіе чрезъ все лѣто въ городѣ. Тое же зимы пріѣхаша послы Татарскія въ Новѣгородъ съ великимъ княземъ Александромъ, а сынъ его князь Василей бѣжа въ Псковъ, и почаша послы просити десятины и тамгы, и не яшася по то Новогородци; и дары даша царю и отпустиша я съ миромъ. А великій князь Александръ выгна сына своего изъ Пскова и посла въ Низъ, а Александра и дружину его казни, овому носу срѣза, а иному очи выима, кто князя Василия на зло повелъ; всякъ бо золь^в злѣ погыбаеть.

Въ лѣто 6766. Пріидоша Литва съ Полочаны къ Смоленску, и взяша Воищину на щитъ. Тое же осени приходиша Литва къ Торжку, и выидоша Новоторжци противу имъ; и по грѣхомъ нашимъ подведоша Литва подсаду, овыхъ избиша, а иныхъ руками поимаша, а иные едва убѣжаша, и много зла бысть Торжку. Того же лѣта взяша Татарове всю землю Литовскую, а самихъ избиша.

Въ лѣто 6767. Бысть знаменіе въ лунѣ, яко ни знаменія^г не бысть. Тое же осени пріѣха Михайло Пинящиничъ изъ Низу лживымъ посолствомъ, ркучи тако: «оже не иметеса по число, то уже идетъ рать на Низовскую землю;» Новгородци^д же яшася по число. Тое же зимы пріѣхаша окаанніи сыродци, внуци Агарины рабы Авраамли, Беркай и Касачикъ, и съ женами своими, и иныхъ много множество, и бысть мятежъ великъ въ Новѣгородѣ, и по волости много зла учиниша, беручи туску окааннымъ Татаромъ. И начаша окаанніи боятися смерти, они же безбожніи ркоша великому князю Александру: «дай намъ сторожи, атъ^е насъ не избіютъ;» и повелъ великій князь стеречи ихъ сынови посадничю и всѣмъ дѣтемъ боярскимъ, по ночемъ. И рекоша Татарове: «дайте намъ число, или да ѣдемъ прочь;» чернь же не хотѣша дати числа: «но умремъ честно за святую Софію и за дома церковныя.» Тогда же раздвоишася людіе, кто доброй, тотъ за святую Софію и за правую вѣру, и сътвориша супоръ; болшіе же велятъ нятися за число меньшимъ. И хотѣша окаанніи бѣжати гоними святымъ Духомъ, и умыслиша съвѣтъ золь, како ударити имъ на городъ, на ону сторону, а друзіи озеромъ на сю сторону; и възбрани имъ невидимая сила Христова, и не смѣша убоявшеся, и почаша возитися люди на ону страну ко святой Софіи, ркуще: «положимъ головы у святыя Софіи.» И бысть заутра, съѣха князь великій Александръ съ Городища, и окаанніи Татарове съ нимъ, и злыхъ съвѣтомъ яшася по число, творяху бо себѣ бояре легко, а меньшимъ зло; и начаша окаанніи ѣздити по улицамъ пишуще дома христіянскыя, зане наведе Богъ, по грѣхомъ нашимъ, изъ пустыни звѣри дивіи ясти сильныхъ плоти. И отѣхаша

а) въ то же лѣто на зиму. только въ К. О. б) и воеваша. и воева во всѣхъ сп. в) всякъ бо золь. всяко бо зло К. О. г) ни знаменія. и знаменія К. ни знаменія ея О. д) новгородци. новоторжци *ошибк.* О. е) атъ. ато (а ожь) во всѣхъ сп. *кроме* О.

1259 окаанніи вземше число, а великій князь Александръ поѣха послѣ, посадивъ сына своего въ —⁶² Новгородѣ князя Дмитрія на столѣ.

Въ лѣто 6768. Бысть тишина велика христіаномъ.

Въ лѣто 6769. Въ лѣто 6770. Избави Богъ отъ лютаго томленія бесерменскаго люди Ростовскія земля, молитвами святыя Богородица, и вложи ярость христіаномъ въ сердце, не терпящимъ насилія отъ поганыхъ; и созвонша вѣчь, и выгнаша^а изъ городовъ, изъ Ростова, изъ Володимеря, изъ Суздаля, изъ Ярославля и изъ Переяславля. Откупаху бо ти окаанніи бесермена дани у Татаръ, и отъ того велику пагубу людемъ творяху^б, работающе люди христіанскыя въ рѣзѣхъ, и мнози души разведени быша^в; видѣвъ же се благый челоуколюбецъ Богъ нашъ, и моленія Материя послушавъ, и избави люди своя отъ великыя бѣды милосердіемъ своимъ. Того же лѣта убиша Зосима преступника; той бѣ мнихъ образомъ точію, сотонѣ же съсудъ, бѣ бо піяница, и студословецъ, и празнословецъ, кощюникъ, конечнѣе же отвержеся Христа и бысть бесерменинъ, вступивъ въ прелесть лжяго пророка Махмета^д. Бѣ бо того лѣта пріѣхалъ^е посломъ на Русь отъ царя Татарскаго именемъ Кутлубѣя^ж, зогъ сы бесерменинъ; того поспѣхомъ^з окаанный лишеникъ вѣры творя христіаномъ велику досаду, и кресту и святымъ церквамъ ругаяся. И егда людіе по градомъ на враги своя гнѣвахуся, и подвигошася^и на бесерменъ, и изгнаша я вонъ изъ градовъ, а иныхъ избиша, тогда и того безаконнаго и сквернаго, и законопреступника, и еретика Зосиму убиша въ городѣ Ярославлѣ. Бѣ бо тѣло его ядъ псомъ и враномъ, а ноги его тѣ на злое бѣху быстры, тѣ же влачими бяху отъ псовъ по граду, всѣмъ людемъ на удивленіе; отъ Божія суда на преступницѣ тако бысть конецъ лише^к нечестивому его тѣлу, а о души^л нечестиваго глаголетъ: червь ихъ не умреть, а огонь ихъ не угаснетъ^м; и нидѣ глаголетъ: оскудѣ незаконный, и погибне нечестивый, и потребишася незаконнующи въ злобѣ^н. И полкомъ посланнымъ бывшимъ^п поплѣнити христіяны, и бѣше тогда велика нужда отъ поганыхъ, и гоняхуть люди, веляхуть съ собою воинствовати. Князь же великій Александръ хотѣ поити ко цареви въ орду, дабы отмолилъ люди отъ бѣдъ; а брата своего младшаго князя Ярослава, и сына своего князя Дмитрія съ Новгородци на западныя страны посла, и всѣ полкы своя съ ними. И поиде князь Ярославъ и князь Дмитрей Александровичъ, со княземъ съ Костянтиномъ съ зятемъ Александровымъ, и со княземъ съ Полоцкимъ съ Товтивиломъ^о, а съ нимъ Полочанъ и Литвы 500, а княжихъ полковъ и^п Новгородцевъ безчисленное множество; и приидоша къ городу къ Нѣмецкому Юріеву, и сташа^р подъ градомъ. Бѣ бо велми крѣпокъ, о три стѣны каменные, и множество людей въ немъ^с всякихъ бяху пристроили велику брань на городѣ, но честнаго креста сила всегда низлагаетъ неправду дѣющихъ; такоже и си градъ, пи во чтоже бысть^т крѣпость его, по помощію Божіею единѣмъ приступленіемъ взять бысть великій градъ

а) и выгнаша - я прибавл. К. О. б) творяху - творяше (творяще) *вездѣ кромѣ* Ц. К. О. в) и мнози. . . быша - многи душа разведени бяху К. О. г) *Въ видѣ заглавія кинюварю въ* Ц. Б. Г. В. о (и)зосимѣ проклятомъ. д) махмета - бахмета Ц. е) пріѣхалъ - титямъ *прибавлено во всѣхъ св.*; *о семъ словѣ см. сего изданія т. I, стр. 204.* ж) кутлубѣя - кутаубѣя *ошибк.* Т. котлубѣя Б. Г. В.; *въ Лавр. кутлубій.* з) поспѣхомъ - посмѣхомъ Ц. Б. Г. В. и) подвигошася - подвижа(а)шеся *вездѣ кромѣ* К. О. В. і) лише - такъ, кажется, должно читать; *во всѣхъ св.* лишеному (лишену). к) а о души - а души *вездѣ ошибк. кромѣ* О. л) *Марк. IX, 44.* м) въ злобѣ - и нечистотѣ *прибавл.* Ц. Б. Г. В. *См. Исаіи XXIX, 20.* н) бывшимъ - быша *вездѣ кромѣ* К. О. о) съ товтивиломъ - со втивиломъ *ошибк. во всѣхъ св. кромѣ* К. О. п) и нѣтъ *въ* Т. р) и сташа - и ста Т. и стаста К. О. с) людей въ немъ - люди въ нихъ бѣ К. О. т) бысть - вмѣнися К. О.

Юріевъ Нѣмецскій, и люди многы града того, овыхъ избиша, а иныхъ изымаша живыхъ, ¹²⁶² а иные огнемъ пожжени быша. И придоша въ землю свою вси здрави, со множествомъ по- ^{—64} лона и съ честію великою. Тогда же поиде великій князь Александръ въ орду ко царю Беркаю, и удержалъ царь, не пусти его въ Русь, и зимовалъ въ ордѣ, тамо и разболѣлся; и доиде Новгорода Нижняго, и пребывъ ту мало и прииде на Городецъ, и въ болши недугъ впаде, и пострижеся въ чернцы мѣсяца ноября въ 14 день, то же пощи и преставися; положенъ бысть въ Володимери, въ церкви святыя Богородица.

Преставленіе великого князя Александра Ярославича, внука великого князя Всеволода^а. Горе тебѣ, бѣдный человѣче! како можеша написати кончину господина своего великого князя Александра Ярославича? како не испадета зѣнцы твои вкупѣ со слезами? како ли не разсѣдеся сердце твое отъ многыя тугы? отца бо человѣкъ можетъ забыть, а добра господина, аще бы съ нимъ и въ гробъ влѣзалъ^б. Пострада Богови крѣпко. Митрополитъ же Кирилъ глагола людемъ: «чада моя милая! разумѣйте, яко заиде солнце земли Русьской;» іерея, и діаконъ, и черноризца, нищій, богатіи, и вси люди мнози вопіяху, глаголюще: «уже погибаетъ.» Святое же тѣло его несеша къ граду Володимерю, митрополитъ же Кирилъ съ чиномъ церковнымъ, вкупѣ же князи и бояре, и весь народъ^в, мали и великіи, срътоша его у Боголюбова съ свѣщами и кандилы; отъ множества народа изыгнѣтахуся люди, хотяще прикоснутися честнѣмъ тѣлѣ его, бысть же плачь велій и кричаніе и туга, якоже нѣстъ такова бывала, токмо и земли трястися. Положиша же его въ Володимери, въ церкви въ Рождествѣ святыя Богородица, мѣсяца ноября въ 23 день, на память святаго Анфилофія. Бысть тогда чудо дивно, памяти достойно: егда же вложиша тѣло святое его въ раку, икономъ же Савастіянъ митрополита Кирила приступль и хотѣ разнять руку его, да вложитъ митрополитъ грамоту душевную, онъ же самъ яко живъ сущи, распростеръ руку свою и взя грамоту отъ руки митрополита; пріять же я всихъ ужасъ великъ, егда отъ раки отступиша. Се же бысть проповѣдано всѣмъ отъ Кирила митрополита и отъ иконома его Савастіяна. Се же слышавше, братіе, кто не дивится о семъ, яко тѣлу бездушну сущю, привезену отъ далнихъ мѣстъ во время зимы? тако прослави Богъ угодника своего, иже много тружеся за землю Русьскую, и за Новъгородъ и за Псковъ, и за все великое княженіе животъ свой отдавая, и за правовѣрную вѣру.

Въ лѣто 6771. Бысть мятежъ въ Литвѣ; Богу поущешу на нихъ гнѣвъ свой, и вѣсташа сами на ся, и убиша князя великого Миньдовга свои сродници, съвѣщавшеся отай всѣхъ. Того же лѣта распрѣвшеся убійца Миндовгови о товаръ его, и убиша князя Полотьского Товтовила, а бояръ^г его сковаша; испросивше^д у Полочанъ сына Товтовилова убити, онъ же бѣжа въ Новъгородъ съ дворомъ своимъ, а Литва посадиша въ Полотьску своего князя^е, а Полочанъ^ж пустиша, которые быша изымани^з со княземъ ихъ, и миръ взяша.

Годъ 6772 с.м. въ Новг. первой Лѣт. т. III, стр. 58. Слова: Выгнаша Новгородци. . . и лучшіи бояры.

а) преставленіе вел. кн. . . всеволода въ лѣто 6771 преставленіе бысть великого князя Александра К. О, и далее въ этихъ сп. пропускъ до словъ (с.м. ниже): въ л. 6771 бысть мятежъ въ литвѣ. б) влѣзалъ — вселялся В. отца бо человѣкъ. . . влѣзалъ; сіи слова въ Псковской второй Лѣт. (т. V, стр. 5) читаются такъ: отца бо оставити человѣкъ можетъ, а добра господина не можно оставити, аще бы лѣзъ и въ гробъ бы лѣзалъ съ нимъ. в) народъ — родъ вездѣ кромѣ II. г) а бояръ — а бояре во всѣхъ сп. кромѣ К. д) испросивше — и просиша К. О. е) а литва. . . князя — пропущено въ О. ж) а полочанъ — а полонъ О. з) быша изымани — бяху изымали К. О.

1985 Въ лѣто 6773. Посадиша въ Новѣгородѣ на столѣ великого князя Ярослава Ярославича,
—66 мѣсяца генваря въ 27 день. [Того же лѣта преставися князь Ондрѣй Ярославичъ, и положенъ бысть въ своей отчинѣ въ Суздали. Ц.] Того же лѣта побихася Литва промежи себе нѣкое ради вины, Божиимъ попущеніемъ на нихъ; не терпяше бо Господь Богъ зрѣти на нечестивыя и поганыя, видяще проливающа кровь христіанскую акы воду; иніи же расточени отъ нихъ по чюжимъ землямъ^а. Тогда бо въздасть комуждо по дѣломъ ихъ. Бяше у Миндовга князя Литовского сынъ, емуже имя Вошелегъ^б; того же избра Господь поборника по правой вѣрѣ, и шедъ на гору Синайскую отъ отца своего и отъ рода своего и отъ поганыя вѣры своея, и позна истинную вѣру христіанскую, и крестися во имя Отца и Сына и святаго Духа, и научися святымъ книгамъ, и пострижеса во мнишскій чинъ въ Святой горѣ, и пребывъ тамо 3 лѣта и поиде въ землю свою, и прииде ко отцю своему: отецъ его поганъ сый, и ласкаше его оставить вѣру христіанскую и чернечество, и пріяти царство свое; онъ же въоруженъ силою Христовою, не хотѣ слышати ласкы отца своего, ни прещенія его не убояся, но шедъ отъ отца своего, и созда себѣ монастырь въ христіанехъ, и ту пребывааше славя святую Троицу, Отца и Сына и святаго Духа. По убіеніи же отца своего не хотящу ему сего створити, но Богу попушью на нихъ на поганую Литву за крестіанскую кровь^в, и соима съ себе ризу свою^г, а устава мнишскаго не отступися, и совкупивъ около себе воя многы и отца своего пріятеля, и помолися Христу, и шедъ на поганую Литву и побѣди я, и стоя на земли ихъ все лѣто. Тогда же окааннымъ въздасть Господь по дѣломъ ихъ; всю бо землю оружіемъ плѣни, а по христіанской земли по всей веселіе бысть на многа лѣта. Того же лѣта въбѣгоша въ Псковъ Литва съ триста мужъ^д, и съ женами и съ дѣтьми, и крести ихъ князь Святославъ съ попы Псковскими и со Псковичи; а Новгородци хотѣша ихъ изсѣчи, но не да имъ князь великій Ярославъ Ярославичъ, и не избиша ихъ.

Въ лѣто 6774. Блаженный князь Домонтъ съ дружиною своею и со всѣмъ родомъ^е своимъ оставивши отечество свое, землю Литовскую, и пріѣхъ въ Псковъ и крестися^ж. Сій князь Домонтъ отъ рода Литовского бысть, первое имѣя ко идоломъ служеніе, по отню преданію; егда же въскотѣ Богъ избрати себѣ люди новы, и въдохну во нь^з благодать святаго Духа, и възбнувъ яко отъ сна отъ идолослуженія, и помысливъ съ своими бояры, и крестися^и во имя Отца и Сына и святаго Духа. Крещенъ бысть въ сборной церкви въ святой Троици, наречено же бысть ему имя въ святомъ крещеніи Тимошей; и бысть радость велика въ Псковѣ, и посадиша его Псковичи на княженіи въ Псковѣ. По нѣколицѣхъ же днехъ положи ему Богъ въ сердце благодать свою, побарати по святой Софіи и по святѣй Троици и отмстити кровь христіанскую, и помысли ѣхати съ Псковичи воевати землю Литовскую; и поспѣшеніемъ святаго Духа и святыя Троици, ѣхавъ съ трема девяносты, и плѣни землю Литовскую и отечество свое повоева все, и княгиню Герденеву^і полони и дѣти ея два княжича, и все княженіе его повоева, и възвратихася со множествомъ полона къ граду Пскову. И перебродися Двину, и отѣхавшу ему за пять верстъ, и стаха шатры на бору чистѣ, и стража постави^к на рѣцѣ Двинѣ Давыда Якуновича, внука Лаврова, съ Лукою съ Литвиномъ; два же

а) землямъ • странамъ и землямъ Т. б) вошелегъ • вошлегъ Ц. в(ъ)шелегъ К. О; *въ Новг. перв. Лѣт. вошелегъ*. в) кровь • вѣру Ц. г) свою • и на 3 лѣта общася богу, како пріяти ризу свою *прибавл.* К. О; *см. Новг. перв. Лѣт. т. III, стр. 58.* д) литва. . . мужъ • литвы съ триста *вездѣ кромя* Т. е) родомъ • домомъ Т. ж) и крестися • *лѣтъ въ* К. О. з) во нь • въ нь Б. Г. Ц. и) и крестися • креститися К. О. і) герденеву • гердеву *ошибк.* К. О. *герненеву въ прочихъ сп.; см. Новг. перв. Лѣт. III, 59.* к) постави • постависта Т.

девяноста мужь отпусти^а съ полономъ въ Псковъ, а въ одномъ девяностѣ самъ ся оста, жда 1366 по себѣ погони. Князю же Герденю съ своими князи не бывшю дома, пріѣхаша^б въ дома —⁶⁸ своя, оже дома ихъ и земля плѣнена вся; ополчи же ся князь Гердень, и Готорть, и Люмбей^в, и Люгайло и прочіи князи Литовскіи, въ семи сотѣ погнашася въ слѣдъ^г князя Домонта, хотяще его руками яти и лютой смерти предати, а мужи Псковичи мечемъ изсѣши. И перебродившеся рѣку Двину, и стаха на брезѣ; стражіе же видѣвше рать велику, пригнавше повѣдаша князю Домонту великую силу Литовскую перебродившюся рѣку Двину. Князь же Домонтъ рече Давыду и Лукѣ: «помози вы Богъ и святая Троица, оже есте устерегли рать Литовскую; поидите съ коней доловъ.» И рече Давыдъ и Лука: «не идемъ съ коней доловъ; хотимъ животъ свой дати на славу, и кровь свою проліяти съ мужи Псковичи за святую Троицу и за вся святыя церкви; а ты, господине княже, поѣди^д съ мужи своими съ Псковичи на поганую Литву.» Князь же Домонтъ рече Псковичемъ: «слышалъ есмь ваше мужество во всѣхъ странахъ; се же намъ^е предлежитъ животъ и смерть; братіе, потягнемъ за святую Троицу, и за святыя церкви, и за свое отечество.» Тогда же приспѣ день великаго и славнаго воеводы, мученика Христова Леонта; рече князь Домонтъ: «святая Троице, Отецъ и Сынъ и святой Духъ, и святой великій воевода Леонте, и благовѣрный князь великій^ж Всеволодъ! помозите намъ въ часъ сій, да не предани будемъ въ руцѣ безбожныхъ, да не плѣнять земли христіанскыя, да не будемъ въ расхищеніе имъ; помозите^з намъ на противныя врагы наша.» И наѣха на нихъ съ единымъ девяностомъ, и силою Божіею и святаго мученика Леонта побѣди си противныя 700. Тогда же убіенъ бысть великій князь Литовскій Готорть^и, и инѣхъ же князей многихъ избиша, а иніи Литва въ Двинѣ истопоша, а иныхъ Двина изверже 70 на островъ Гаидовъ, а иніи на прочіи острова извержены быша, а иніи внизъ по рѣцѣ уплыша¹; а князь Гердень убѣжа въ малѣ дружинѣ. Тогда же убили единого Псковитина Онтоня Лочкова сына, а иніи вси сохранени быша безъ вреда, молитвою святаго Леонта; възвратиса съ радостію великою къ граду Пскову со многою корыстію, и бысть радость велика въ градѣ Псковѣ о пособіи святыхъ Троица и святаго мученика Леонтия и благовѣрнаго^к великого князя Всеволода. Того же лѣта приде князь Ярославъ Ярославичъ въ Новгородъ со многою силою Низовскою, хотя итти на Псковъ, на князя Домонта; Новгородци же възбраниша ему, глаголюще: «оли, княже, тебѣ съ нами увѣдався, тоже ѣхати на Псковъ;» князь же отосла полкы назадъ.

Въ лѣто 6775. [Ходиша Новгородци съ княземъ Домантомъ, и со Олферіемъ Сбыславичемъ, и со Псковичи на Литву, и много ихъ повоеваха, а сами пришли всѣ добры здоровы каждо въсьояси. К. О.] Въ лѣто 6776. Съдумавше Новгородци со княземъ Юріемъ, и хотѣша ити на Литву; и яко быша на Дубровнѣ, и бысть въ нихъ распря, иніи хотѣша на Литву, а иніи на Полтескъ, а иніи за Нерову⁴. И възспятишася и поидоша за Нерову къ Раковору, и много земли ихъ повоеваха, а города не взяша; и застрѣлиша съ города мужа добра Феодора Събыславича и иныхъ 6 человекъ, и пріѣхаша вси здрави. ^мТого же лѣта великій князь Дмитрій Александровичъ съдумавъ съ Новгородци, и посла по князя по Ярослава, дабы былъ

а) отпусти. отпрывади К. О. б) пріѣхаша. пріѣха (же) во всѣхъ сп. в) люмбей. люмбій К. люмбъ О. лютбей В. г) въ семи сотѣ . . . въ слѣдъ. въ семи сотѣ погнаша и погнашася въ слѣдъ послѣ вездѣ кромѣ К. О. д) поѣди. борзо прибавл. К. О. е) намъ. вамъ Т. ж) великій. пропущено въ Т. з) помозите. помозита во всѣхъ сп. и) готорть. и готорть во всѣхъ сп. і) уплыша. поплыша Т. к) благовѣрнаго. благороднаго вездѣ кромѣ В. л) за нерову. на нерову такъ и ниже К. м) Во всѣхъ сп. въ видѣ заглавія (к) раковорское.

1268 въ Новгородѣ съ полкы^а; и князь Ярославъ присла въ себе мѣсто Святослава со множествомъ вой. И изыскаша^б мастера порочныя, мастера же начаша чинити пороки, и начаша князи совокуплятися со мною силою; быше бо много князей: князь Домонтъ со Псковичи, великій князь Дмитрій и Святъславъ Ярославичъ^в, князь Михайло братъ Святославъ, князь Костянтинъ, князь Юрій, князь Ярополкъ, и совокупишася вся княженія Русская въ Новгородѣ со множествомъ вой своихъ. Слышаху же Нѣмци: Рижане, Вельжане, Юріевци, Медвѣжане, прислаша послы своя къ великому князю Дмитрію Александровичю, съ лестію глаголюще: «намъ, господине, съ тобою миръ и со всѣмъ Великимъ Новымъгородомъ; а перемагайся съ Колыванци да съ Раковорци, а мы къ нимъ не приставаемъ и крестъ цѣлуемъ,» и цѣловаша послы ихъ крестъ; а тамо ѣздилъ Лазарь Моисѣвичъ, водилъ ко кресту бискуповъ ихъ и Божіихъ дворянъ, яко не помагати имъ Колыванцемъ, ни Раковорцемъ; и поидша изъ Новгорода мужа добра Семьюна на свои руки, и цѣловавши крестъ всѣ Нѣмци, яко не помагати имъ ни Колыванцемъ, ни Раковорцемъ. Тогда же совокупишася вси князи: князь великій Дмитрій Александровичъ, князь Святъславъ, братъ его Михаилъ, князь Костянтинъ, князь Юрь, князь Ярополкъ, Домонтъ Псковскій и иныхъ князей нѣколько, и поидоша къ Раковору мѣсяца генваря въ 23 день. И яко виидоша въ землю ихъ, и раздѣлишася на 3 пути, и много множество воеваша; и ту наѣхаша пещеру глубокую непроходну, въ нейже много бяху Чюди, и быше не лѣтъ ихъ взяти, стояша ту 3 дни; мастеръ же порочной хитростію пусти на нихъ воду, Чюдъ же побѣгоша сами вонъ, и изсѣкоша ихъ, а товаръ великій князь Дмитрей весь взя. И оттолѣ поступиша къ Раковору, и яко быша на рѣцѣ Коголѣ, и ту устрѣтоша полкы Нѣмецкія; бѣ бо видѣти яко лѣсъ, совокупи бо ся вся земля Нѣмецкая. Великій же князь Дмитрей не умедлячи нимало, поиде къ нимъ за рѣку, и начаша ставити полкы: князь великій Дмитрей, и Святославъ Ярославичъ, князь Михайло братъ Святославъ сташа съ Новгородци противу желѣзнаго полку великіе свиніи въ лице, а князь Домонтъ съ Псковичи съ правую сторону, а князь Юрій, князь Костянтинъ, князь Ярополкъ сташа полѣву. И поидоша полци противу себе, и тако съступишася, и бысть бой великъ^г; и ту убиша много посадниковъ и бояръ Новгородскихъ, посадника Михаила, Твердислава Чермнаго, Микифора Ридитина^д, Твердислава Моисѣва, Михаила Кривцева, Ивача, Бориса Илдятина, брата его Лазаря, Ратшу, Василия Воиборзова, Есипа, Жирослава Дорогомилова, Парамона подвойского и Полюда, а иные безъ вѣсти бысть: тысячскаго Кондрата, Ратислава, Данила, а иныхъ Богъ вѣсть; а черныхъ людей много избіено бысть, а Псковичъ и Ладожанъ много паде. Тоже, братіе, за грѣхы наша казнить насъ Богъ, да быхомъ покалялися; якоже глаголетъ Писаніе: дивно оружіе молитва и постъ, тако милостыня съ постомъ и молитвою совокупися, отъ смерти^е избавляетъ. И паки помянемъ Исаіа Пророка, глаголюща: аще хотите послушати мене, благая земная сиѣсте; аще ли не хотите, ни послушаете мене, оружіе вы полѣсть, уста бо Господня глаголаша сія^ж; и поженетъ единъ 100 вась, а отъ ста побѣгнетъ тма вась^з. Мы же ту страсть видѣвше, ни мало покаяхомся грѣховъ своихъ, но на горшая възвращаемся. Бывшю же великому тому снятію, добрые же люди начаша

а) въ новгородѣ съ полкы. съ полкы въ новгородѣ съ новгородци К. О. б) изыскаша. изыскаа *въздъ* *кромя* К. О. в) ярославичъ. александровичъ *ошибк. во всѣхъ сп.: см. ниже повтореніе имени сего князя, также Карамз. IV, прим. 125, и Строева въ Ключъ къ Ист. Гос. Росс. росписъ XIII, степень 12.* г) и бысть бой великъ. и тако бысть велико побоище К. О. д) твердислава. . . ридитина. *пропущено въ К.* е) совокупися отъ смерти. съвокупитися, отъ смерти челоука О. ж) Исаіа I, 19, 20. з) Левит. XXVI, 8.

молитися, глаголюще: «Боже! призи на ны милосерднымъ си окомъ, послѣ^а на насъ ми-1968
лость свою, покажи насъ милю, отврати ярость свою отъ насъ, да не злѣ умремъ, яко—69
же рекъ еси: не хоцю смерти грѣшникомъ^б; отврати отъ насъ праведный си гнѣвъ свой.»
Силою креста честнаго, и помощію святыя Троица и святыя Софіи, и молитвами пресвятыя
Владычица нашея Богородица Приснодѣвы Маріа и всѣхъ святыхъ, пособи Богъ князю вели-
кому Дмитрею и князю Доманту, и Новгородцемъ и Псковичемъ надъ Нѣмци, мѣсяца фев-
раля въ 18 день, на память святаго отца Лва, въ субботу сыропустную; Нѣмецкыя полкы
побѣгоша^в, и гониша Нѣмецъ до города до Раковора, на три нути гонили ихъ, а на семи
верстѣ били Нѣмецъ, яко не мочи ни коневѣ^г трупіемъ^д скочити. И тако въспятишася отъ
града и узрѣша ныи полкъ великъ, который бѣше проразился^е въ возники въ Новогородь-
скія; великій же князь Дмитрій хотѣ на нихъ ударити, князи же рекоша ему: «уже есть,
господине, къ ночи; егда како смятемся и побіемся сами,» и тако сташа близъ претиву себе,
ожидающе свѣта; и тако окааніи преступницы крестнаго цѣлованія^ж, не дождавши свѣта и
побѣгоша. Великій же князь Дмитрій со всѣми князи стоя 3 дни на костѣхъ, и тако по-
идоша къ Великому Новгороду всѣ князи здравы; князь же Домонтъ проиде землю непро-
ходимую, и иде на Вируяны и плѣни землю ихъ и до моря, и Поморіе повоева, и пакы възвра-
тятся со множествомъ полона въ землю свою. И славна бысть земля ихъ во всѣхъ странахъ,
страхомъ и грозою и храборствомъ великого князя Дмитрія, и зятя его князя Домонта и
всѣхъ князей Русьскихъ.

Въ лѣто 6777. Приидоша Нѣмци въ силѣ велицѣ подъ Псковъ, въ недѣлю на Всѣхъ
Святыхъ, и приступиша къ городу и не успѣша ничтоже, но большую рану въспріяша; и
стояша у города 10 дній. Съ Новгородци же князь Юрій погонися по нихъ, ниин на ко-
нѣхъ, а ниин въ насадѣхъ, и поѣхаша вборзѣ по нихъ; они же услышавше великого князя
Юрія со множествомъ вой его, и побѣгоша за рѣку. Князь же великій пріѣхъ съ Нового-
родци подъ Псковъ, и взя миръ чрезу рѣку на своей^з воли. Того же лѣта пріѣхъ князь Яро-
славъ въ Новгородъ, и нача имъ говорити: «мужи мои, а ваши братія побиты, а вы раз-
ратилися съ Нѣмци» на Жирослава Давыдовича, да на Михаила на Мишинича, да на Олфе-
рія Сбыславича, держа на нихъ нелюбіе, хотя ихъ лишити волостей. Новгородци же сташа
за нихъ, князь же хотѣше ѣхати съ города, Новгородци же биша челомъ князю Ярославу:
«княже! тѣмъ гнѣва отдай, а отъ насъ не ѣди», еще бо бяху недобрѣ умирились съ Нѣмци:
князь же того не послуша и поѣхъ^и прочь, Новгородци же послаша за княземъ владыку^и съ
болшими бояры съ челобитіемъ, и воротиша князя Ярослава съ Броннича. Тогда же даша
тысячское Ратибору Ключковичю^к, по княжей воли. Того же лѣта, на зиму, князь Ярославъ
сѣдумавъ съ Новгородци, и посла князя Святъслава на Низовскую землю полковъ собирать.
Онъ же совкупи силу многу, и пріѣде съ ними въ Новгородъ, бѣше бо съ ними баскакъ
великій Володимѣрьскій, именемъ Абрагъ, и хотѣ ити на городъ Нѣмецкий Колыванъ;
и увѣдавши Нѣмци, прислаша послы своя съ челобитіемъ, глаголюще: «челомъ біемъ, го-
сподине, на всей твоей воли, а Неровы всее отступаемя», и тако взя миръ съ Нѣмци. Князь
же хотѣ ити на Корѣлу, и биша челомъ Новгородци князю Ярославу, и едва умолиша его

а) послѣ • съсли (сосли) *вездѣ кромѣ* К. В. б) *Иезек. XXXIII, 44.* в) нѣм. полкы побѣгоша • *только въ* К. О. г) ни коневѣ • на коневѣ Т. Ц. Б. Г. д) ни коневѣ трупіемъ • *како въ трупіе испорчено въ* В. е) про-
разился • проразилъ Т. ж) преступницы крест. цѣлованія • крестопреступницы *во всѣхъ сп. кромѣ* Т. з) на своей • на всей *вездѣ кромѣ* Т. и) и поѣхъ • *изъ города прибавл.* К. О. и) владыку • *только въ* К. О.;
см. Новг. перв. Лѣт. III, 64. к) ключковичю • *кля(у)сковичю вездѣ кромѣ* Т. ключковичю В.

1269 не ити на Корѣлу; князь же отсла полкы назадъ. Того же лѣта преставися князь Дмитрей, —⁷⁰ сынъ Святъславль, постригся въ черньци и въ скиму отъ епискупа Ростовскаго. Ту же сущю князю Глѣбу и матери его княгыни Маріи, сѣдящимъ у него, оному же уже языкъ связался, и възрѣвъ на епискупа Игнатія и рече: «господине отче владыко! исполни Богъ трудъ твой въ царствіи небеснѣмъ; и се мя еси^а подкрутилъ^б на долгый путь и на вѣчная лѣта;» и по семъ предасть душу свою Господеву, и погребоша его въ Юріевѣ, въ^в монастырѣ у святаго Михаила.

Въ лѣто 6778. Бысть мятежъ въ Новѣгородѣ, хотяще князи Ярославъ сгонити съ Новгорода, и созвониша вѣче^г на Ярославлѣ дворѣ, и убиша Иванка, а иніи вбѣжаша въ Николу святаго; и заутра побѣгоша ко князю на Городище тысячскый Ратиборъ и Гаврило Кіаниновъ, и иніи пріятеля его съ ними^д бѣгоша, а дворы ихъ разграбиша и хоромы разнесоша. А ко князю на Городище послаша, исписавъ на грамоту всю вину его: «княже! чему еси отнялъ Волховъ гогольными ловци, и поле еси отъялъ заячьими ловци? чему еси взялъ Олексинъ дворъ Мордѣкина? чему еси поималъ серебро на Микифорѣ на Манушинѣ, и на Романѣ Болдыжовѣ, и на Варфоломѣи? чему отъ насъ выводилъ иноземци, кои у насъ живутъ?» а того много вины его; «а нынѣ, княже, не можемъ терпѣти твоего насилия, поѣди отъ насъ прочь, а мы себѣ князя добудемъ.» Князь же присла на вѣче князя Святъслава, а Ондрѣя Воротиславича съ поклономъ: «того всего лишаюся, а крестъ цѣлую на всей воли вашей.» Новгородци же даша отвѣтъ: «княже! поѣди прочь, а тебя не хотимъ, или идемъ весь Новѣгородъ, да прогонимъ тебе;» князь же поѣха изъ города. Новгородци же послаша по князя по Дмитрія Александровича, князь же Дмитрей отречесе, рекъ тако: «не хочу взяти стола подъ стрыемъ^е своимъ.» И быша Новгородци печальни, а князь Ярославъ нача полкы копити на Великій Новѣгородъ, и бѣ послалъ ко царю въ орду Ратибора, просячи помочи. Се услыша князь Василей Ярославичъ, и присла послы своя въ Новѣгородъ, рекъ тако: «кланяюся Богу и святѣй Софіи, и мужемъ Новгородцемъ; слышалъ есмь, яко князь Ярославъ идетъ ратию на Новѣгородъ со всею силою своею, и князь Дмитрей съ Переяславци, а князь Глѣбъ съ Смолняны; но жалъ ми своее вотчины.» И поѣха въ орду ко царю князь Василей, поима съ собою Петрила Рычага да Михаила Пинящинича, и възврати рать Татарскую, рекъ тако цареви: «Новгородци прави, а князь Ярославъ виноватъ;» уже бо бѣше отпустилъ царь рать на Новѣгородъ, по Ратиборову лживому посольству, реклъ бо Ратиборъ царю: «Новгородци тебе не слушаютъ, а князь Ярославъ тебѣ^ж дани просилъ, и они насъ выгнали, а иныхъ избили, а князя Ярослава безчествовали.» Новгородци же слышавше, яко идетъ на нихъ князь Ярославъ ратию, они же учиниша около города острогъ по обѣ стороны, а товаръ ввозиша въ городъ^з; и пригониша сторожи Ярославли безъ мала^и до Городища, и выидоша Новгородци въ оружїи отъ мала и до велика къ Городищу, и стояша два дни пѣши за Жилотугомъ, а конники за Городищемъ. И то увѣдавъ князь Ярославъ, поиде на ону сторону озера^і къ Русѣ, и сѣде въ Русѣ; а въ Новѣгородъ присла творити мира^к: «что вашего нелюбїя того всего лишуся, а князи вси за мене поручаются.» Новгородци же къ нему послаша Лазаря Моисѣевича: «княже! сдумалъ еси на святую Софію; поѣди ратию сѣмо, али изомремъ^л за

а) еси. господине *прибавл.* Ц. Б. Г. б) подкрутилъ. покрутилъ *вездѣ кроме* Т. Ц. в) въ. *пропущено* въ Ц. К. О. В. г) вѣче. вѣчь Т. В. д) съ ними. съ нимъ *во всѣхъ (т. кроме* К. О. е) подъ стрыемъ. передъ стрыемъ К. О. ж) тебѣ. у нихъ *прибавл.* Ц. з) въ городъ. весь въ новгородъ К. весь въ городъ О. и) безъ мала. безъ дѣла К. О. і) озера. *имѣтъ въ* К. к) творити мира. *такъ во всѣхъ см.; въ Новг. перв. Лѣт. (т. III, стр. 62) творимъмира.* л) изомремъ. честно *прибавл.* К. О.

святую Софію; а у насъ^а князя нѣтъ, но Богъ и правда и святая Софія, а тебе не хотимъ.» 1270
И съѡкупашася въ Новѣгородъ вся власть Новгородская, и Псковичи, и Ладожани, и Ко—⁷²
рѣла, и Ижера, и Вожане, и идоша въ Голино отъ мала и до велика, и стояша недѣлю на
броду, а Ярославля рать объ ону сторону рѣкы. И присла митрополитъ грамоту въ Новѣго-
родъ, рекъ тако: «миѣ поручилъ Богъ архіепискупію въ Русьской земли, и вамъ послушати
Бога и мене митрополита; и вы крови не проливайте; а князь Ярославъ всего лишается, а
язъ за то поручаюся; аже будете и крестъ цѣловали, а азъ за то принму опитимію и отвѣ-
щаю предъ Богомъ.» И не вда Богъ пролитія крови христیانомъ, и присла князь Ярославъ
съ поклономъ въ Новгородскія полкы^б, и взяша миръ на всей воли Новгородской; и поса-
диша князя Ярослава на столѣ. Того же лѣта, на зиму, иде князь Ярославъ въ Володимеръ,
и отъглотъ иде въ орду, а въ Новѣгородѣ остави Андрѣя Воротиславича, а Псковичемъ далъ
князя Айгуста. Того же лѣта убіенъ бысть князь Романъ Олговичъ Рязанскій отъ поганыхъ
Татаръ; и бысть сиче убіеніе его: заткоша уста его убрусомъ, и начаша рѣзати его по су-
ставамъ и метати разнѣ, и яко разоимаша, и остана трупъ единъ, они же одраша главу его
и на копіе взоткоша. Сей новый мученикъ есть, подобенъ страстію Якову Перьскому^в. О
возлюбленіи князи Русьстїи! не прелщайтесь пустошною славою свѣта сего, еже хуждше
паучины есть, яко сѣнь мимоидеть; не принесете^г бо ничтоже на свѣтъ сей, ни отнести
что можете^д; да не обидите меньшихъ сихъ сродниковъ своихъ, ангели бо ихъ воину^е видять
лице Отца вашего, иже есть на небесехъ; възлюбите чистоту и правду^ж, да радости святыхъ
сподобитесь, якоже сїи князь блаженный Романъ купи страстію царство небесное и вѣнецъ
прїять отъ руки Господня, съ сродникомъ своимъ княземъ Михаиломъ Черниговскимъ. Убіенъ
же бысть мѣсяца іюля въ 19 день.

Въ лѣто 6779. Померче солнце, пятія недѣли поста^з въ среду^и, и паки наполнися и
ради быхомъ. Останокъ же собрашася поганая Латына, и пришедше тайно, взяша съ украины
нѣколко Псковскихъ селъ, и възвратиса въскорѣ. Боголюбивый же князь Домонтъ не
терпя обидимъ быти отъ нападанія безбожныхъ Латинъ, и выѣха въ погоню не со многими
людми, въ пяти насадѣхъ, съ шестіюдесять мужъ Псковичъ; Божією помощію, святыя Троица,
и святого великого побѣдоносца и славнаго¹ мученика Христова Георгія, и молитвою право-
вѣрнаго великаго князя Всеволода, побѣди Нѣмецъ 8 сотъ, на рѣцѣ на Мировопѣ, а два
насада побѣгоша на иныя острова. Князь же Домонтъ ѣхавъ, зажже островъ, и пожже подъ-
травую ихъ, а иніи побѣгоша, а власи^к имъ горять^л, а инѣхъ изсѣкоша, а иніи истопоша въ
водѣ. Князь же Домонтъ възвратиса въспять, въ градъ Псковъ прїиде, и вси съ нимъ здрави
прїидоша, и бысть радость велика въ градѣ. Бысть же се мѣсяца априля въ 23 день, на
память святаго славнаго побѣдоносца великаго мученика Христова Георгія.

Въ лѣто 6780. Престависа великій князь Ярославъ Ярославичъ Новгородскій въ ордѣ,
и привезоша его въ Русьскую землю, и положиша его во Тѣѣри у святыхъ чюдотворецъ^н

а) а у насъ. а нынѣ у насъ Ц. б) съ поклономъ . . . полкы. въ новгородъ новгородскыя полкы К.
съ поклономъ въ новѣгородъ новгородскыя полкы *ошибк.* О. в) перьскому. персескому Т. г) не
принесосте. не принесеть Т. д) можете. можетъ Т. е) воину. выину (выну) *во всѣхъ сп. кромѣ* Т. О.
ж) чистоту и правду. чисту правду Т. К. з) поста. святаго *прибавл.* Т. и) въ среду. утрѣ (утра)
прибавл. К. О. *Въ Новг. перв. Лѣт. т. III, стр. 62, читается померче солнце, въ 5-ю недѣлю поста,*
средѣ утра; по другому сп. тамъ же (въ вариантахъ) въ недѣлю 5 недѣли поста, въ полъутра. і) и
славнаго. чюдотворца *прибавл.* Б. Г. В. к) власи. главніи *прибавл.* Ц. Б. Г. В. л) горять. ижжени К.
зажжени О. м) у святыхъ чюдотворецъ. у святую чюдотворцу К. О.

1272 Козмы и Даміана. Преставися сынъ его, князь Михайло Ярославичъ. По великомъ князи
 —73 Ярославѣ сѣде на столѣ братъ его князь Василій^а Костромскій. Слышавъ местеръ земли
 Ризьскія^б таковое мужество князя Доманта, и совкупи множество вой своихъ, и ополчися въ
 силѣ тяжцѣ, безъ Божіа повелѣнія; и прииде къ Пскову граду въ кораблѣхъ и въ лодіяхъ,
 и на конѣхъ съ пороки, хотя плѣнити домъ^в святыя Троица, а князя Доманта руками по-
 имати, а мужей Псковичъ^г изсѣсти, а иныя люди Псковскія непротивящася, жены и дѣти,
 въ полонъ свести^д. Слышавъ же се князь Домонтъ ополчающаяся люди безъ ума во множе-
 ствѣ силы, и вниде въ церковь святыя Троица и положи мечъ свой предъ олтаремъ Господ-
 нимъ, падъ моляшеся много съ плачемъ, сице глаголя: «Господи Боже силъ! мы людіе твои,
 овца пажити твоя, имя твое призываемъ; призри на кроткыя люди своя и смиренныя възвы-
 си, а гордыя, высокія низложи мысли ихъ, да не опустѣетъ пажить овецъ твоихъ.» Вземше^е
 игумень Сидоръ его мечъ, и весь ерейскій чинъ, и препоясавше князя мечемъ, и благосло-
 виша его и отпустиша. Князь же Домонтъ въ множествѣ ярости мужества своего не дождавъ
 полковъ Новгородскихъ, съ малою дружиною, съ мужи Псковичи выѣха, Божією помо-
 щію и святыя Троица побѣди Нѣмецъ^ж, изби вся полки ихъ, самага же местера мечемъ
 своимъ рани по лицу; они же много мертвыхъ своихъ болшихъ воеводъ накладоша многи
 корабля, и везоша въ землю свою, а останокъ ихъ възвратишася на побѣгъ^з. Бысть же се
 мѣсяца іюня^и въ 8 день, на память святаго великомученика Феодора Стратилата. Князь же
 Домонтъ со Псковичи прииде въ градъ Псковъ, вси сохранени Богомъ и святою Троицею.
 По временѣхъ же нѣколицѣхъ княженія его, начаша поганая Латыня насиліе дѣяти надъ
 Псковичи, нападеніемъ и работою ихъ; боголюбивый же князь Домонтъ, не терпя обидимымъ
 быти отъ поганыя Латыны, ѣха со Псковичи, плѣни землю ихъ и села Чюдская пожже, и
 полона много приведе въ землю свою. Того же лѣта посла князь великій Дмитрей послы
 своя въ Новѣгородъ съ поклономъ^і, хотя сѣсти на столѣ въ Новѣгородѣ, а князь Василей
 Ярославичъ такоже присла, хотя сѣсти въ Новѣгородѣ на столѣ, и стаха обои послы на
 дворѣ на Ярославлѣ; Новгородци же съ посадникомъ Павшею яшася за князя Дмитрея, и
 послаша по него послы своя.

Въ лѣто 6781. Приѣха князь Дмитрей Александровичъ въ Новѣгородъ, и сѣде на столѣ
 мѣсяца октября въ 9 день. Того же лѣта приходи князь Василей Ярославичъ Костромскій
 къ Торжку, и пожже хоромы, и посади своего намѣстника, а самъ поиде назадъ на Костро-
 му; а князь Святославъ Тѣѣрскій^к нача воевати волости Новгородскыя, Волокъ, Бѣжичи,
 Вологду, и много повоева. Тое же зимы великій князь Дмитрій Александровичъ съ Нового-
 родци и со всею областію Новгородскою поиде ко Тѣѣри, а ко князю Василію Ярославичю
 посла Семена Михайловича, Лазаря Моисѣевича, Степана Душилова^л: «что еси поималъ во-
 лости Новгородскія, и ты то отдай назадъ, а со мною миръ возми.» Князь же Василей послы
 отпусти съ честію, а мира не да; и яко быша Новгородци въ Торжку, и възмятошася лю-
 діе, и въсхотѣша князя Василія Ярославича, великій же князь Дмитрей Александровичъ
 съступися волею стола, и поиде прочь съ любовію. Тогда же отъяша посадничество отъ

а) василій - ярославичъ *прибавл.* К. О. б) ризьскія - римскі(ы)я *вездѣ кромѣ* К. в) домъ - дома *ошибк.* Т.
 г) псковичъ - мечемъ *прибавл.* О. д) въ полонъ свести - въ работу вести К. О. е) вземше - вземъ
 же К. О. вземши В. ж) нѣмецъ - ризанци *ошибк.* К. О. з) възвр. на побѣгъ - обратшася на лѣсъ О.
 обратшася на побѣгъ К. и) іюня - іюля *ошибк.* К. і) съ поклономъ - *лѣтъ въ Ц.* к) тѣѣрскій - съ
 тѣѣричи К. О. л) душилова - а ркучи *прибавл.* Ц. Б. Г. В.

Павши, онъ же съ Романомъ бѣжа къ великому князю Дмитрію Александровичу; Нового-1273
родци же посадиша въ Новѣгородѣ на столѣ великого князя Василя Ярославича. —82

Въ лѣто 6782. Преставися архіепископъ Новгородскій Далматъ, мѣсяца октября 21, въ субботу 1 часа^а ноши; погребенъ бысть утрѣ, въ недѣлю, у святыя Софіи. [А въ себя мѣсто благослови имъ отца своего духовнаго Климента; Новгородци же послаша его въ Кіевъ ставитися. К. О.]

Въ лѣто 6783. Въ лѣто 6784. Поставленъ бысть архіепископъ Климентъ Новугороду; пріѣха съ Кіева мѣсяца августа въ 2 день^б въ свою епископію, и введоша его въ святую Софію честно весь Новѣгородъ со кресты и съ пѣніемъ; [онъ же сверши святую литургію у благодарованнаго ему престола. К. О.] Того же лѣта, на зиму, преставися князь великій Василій Ярославичъ, и положенъ бысть у святаго Ѳеодора на Костромѣ. Новгородци же послаша послы своя по великого князя Дмитрія Александровича съ челобитіемъ, зовучи его въ Новгородъ на столѣ.

Въ лѣто 6785. Пріѣха великій князь Дмитрей Александровичъ Переяславскій въ Новѣгородъ, и посадиша его на столѣ, въ недѣлю Всѣхъ Святыхъ. А князи поидоша въ Татары на Ясы. Того же лѣта преставися князь Бористъ Васильевичъ въ ордѣ; князь же Дмитрей съ матерію^в принесе тѣло отца своего въ Ростовъ.

Въ лѣто 6786. Князь великій Дмитрій Александровичъ, съ Новгородци и съ Низовци, казни Корѣлу и всю землю ихъ взя на щитъ. Того же лѣта великій князь Дмитрій Александровичъ взя Тетяковъ. Того же лѣта преставися князь Глѣбъ Василковичъ; по немъ сѣдоста въ Ростовѣ два князя, Дмитрей да Костянтинъ.

Въ лѣто 6787. Великій князь Дмитрій Александровичъ сруби городъ Копорію^г. Того же лѣта преставися великій князь Юрій Александровичъ Суздальскій.

Въ лѣто 6788. Великій князь Дмитрій Александровичъ, съ посадникомъ съ Михаиломъ и съ болшими людьми^д, обложи городъ Копорію каменъ^е.

Въ лѣто 6789. Заратися князь Дмитрей Александровичъ съ Новгородци, Новгородци^ж же послаша къ нему съ челобитіемъ владыку Климента, и не послуша его. Того же лѣта, на зиму, приходи великій князь Дмитрій Александровичъ къ Новугороду ратію, и много повоева волостей Новгородскихъ; и ста на Шелонѣ и сѣтвори миръ съ Новгородци, и отъиде. Тое же зимы преставися митрополитъ Кирилъ Кіевскій и всея Руси въ городѣ въ Переяславѣ, мѣсяца декабря въ 6 день; везено же бысть тѣло его въ Кіевъ, и положено въ святой Софіи. Того же лѣта бысть на великого князя Дмитрія Александровича рать Татарская: Кавадѣй^з и Алчедай пришедъ къ Переяславлю, князя великого не обрѣтоша въ городѣ, градъ и церкви пожгоша, и села Переяславская и Ростовская пограбиша.

Въ лѣто 6790^и. Другая рать бысть на великого князя Дмитрія Александровича, Тура-темеръ и Алынъ; сю же рать приведе князь Андрѣй, братъ великого князя Дмитрія, а съ нимъ въ воеводахъ^и Семенъ Тониліевичъ^к. Того же лѣта иде въ орду князь Дмитрей Александровичъ ко царю Ногою. Того же лѣта князь Андрѣй Александровичъ съ Семеномъ

а) 1 часа. въ первый часъ К. О. б) день. въ недѣлю *прибавл.* К. О. в) съ матерію. смертію *ошибк.* Б. Г; такъ написано и въ Ц. но потомъ помянуто. г) копорію. коропію такъ и ниже *ошибк.* Т. д) людьми. ѣха (ѣхавъ) *прибавл.* К. О. е) каменъ. каменъ К. В. ж) новгородци. *пропущено* въ Б. Г. з) кавадѣй. кавгадѣй О. и) въ л. 6790. въ лѣто 6789 Т. і) въ воеводахъ. воевода ихъ *ошибк.* Т. к) тониліевичъ. такъ въ Новг. четв. Лѣт. (т. IV, стр. 45); во всѣхъ св. даниліевичъ (дашиловичъ); см. ниже въ текстѣ толгигіевичемъ.

1282 Толигнѣвичемъ^а цареви билъ челомъ на брата своего великого князя Дмитрія Александровича^б, и въздвигну^в рать Татарскую. Великий же князь Дмитрей възѣха въ Новѣгородъ и съ дворомъ своимъ, и поѣха мимо Новѣгородъ, хотя въ Копорію^г; Новѣгородци же изидоша вси полкомъ противу ему на озеро великое Илмерь. Великій же князь Дмитрій Александровичъ Копоріи отступися, а Новогородци великому князю путь показаша, а самого не яша, а двѣ дщери его и бояръ его, и съ женами и съ дѣтми, приведоша въ Новѣгородъ въ таль: «оли^г мужи твои выѣдутъ изъ Копоріи, тоже пустимъ ѣ;» и поѣхаша разнѣ мѣсяца генваря въ 1 день. Того же дни^д князь Домонтъ изгони Ладогу, и изъ Копоріи пойма всю казну князя Дмитрея Александровича, и задраша и Ладожского^е, и везоша въ Копорію на Василіевъ день. Новогородци же послаша по князя Андрѣя Александровича, а сами идоша въ Копорію; а намѣстники великого князя възѣхаша изъ города, и показаша имъ Новогородци путь, а городъ разрушиша и гору раскопаша. Тое же зимы пріѣха въ Новѣгородъ великий князь Андрѣй Александровичъ, и посадиша его на столѣ. Тогда же великій князь Андрѣй Александровичъ поиде изъ Новогорода, пойма съ собою Новогородцевъ Семена Михайловича и иныхъ старѣйшихъ бояръ, и иде въ Володимерь, изъ Володимеря же Новогородцевъ пусти назадъ, а самъ иде на Городецъ. И пріѣха Семенъ Михайловичъ въ Торжекъ, и сѣде въ Торжку засадою, не дадѣше внити въ городъ намѣстникомъ великого князя Дмитрія Александровича; а обиліе все провадиша^ж въ Новогородъ въ лодіяхъ.

Въ лѣто 6791. Поидоша Новогородци на великого князя Дмитрія Александровича къ Переяславлю, а великий князь Тѣѣрьскій Святославъ со Тѣѣричи, а великий князь Данило Александровичъ съ Москвичи; великий же князь Дмитрей Александровичъ изиде противу со всею силою своею, и ста въ Дмитровѣ. Князи же и Новогородци не дошедъ Дмитрова за пять верстъ, и стояша ту 5 днѣй близъ себе, ссылающеся послы; и сѣтвориша миръ и отъидоша. [Того же лѣта възѣдиша Нѣмци ратию Невѣю рѣкою въ озеро Ладожское, и избиша Новогородцевъ Обонискихъ купцевъ; и идоша Ладожане въ Неву рѣку, и бишася съ ними. К. О.] Того же лѣта поставленъ бысть на Русь митрополитъ Гречинъ, именемъ Максимъ. Того же лѣта пріиде изъ орды великий князь Дмитрей Александровичъ отъ царя Ногоя^з, и смирился съ братомъ своимъ княземъ Андрѣемъ Александровичемъ, а Семена убиша.

Въ лѣто 6792. Пріѣха великий князь Андрѣй Александровичъ въ Торжекъ, и позва къ себѣ Новогородскаго посадника Семена со всѣми старѣйшими людьми, и докончаша миръ, и крестъ цѣлова великий князь Андрѣй къ Новогородцемъ, а Новогородци къ нему, како великому князю Андрѣю Александровичу не сѣступатися Новогорода, а Новогородцемъ не искати иного князя, животъ или смерть великому князю Андрѣю съ Новогородци, а Новогородцемъ съ нимъ;» и отпусти Новогородци назадъ, а самъ поиде на Низъ^и, и тамо ѣхавъ сѣступися брату своему столу Великого Новогорода князю Дмитрею Александровичу. *Далѣе см. Новг. перв. Лѣт., стр. 64, отъ словъ: того же лѣта воевода Нѣмецкій Трунда . . . Юкыма и Анны; сіе мѣсто находится только въ К. О. Того же лѣта, на зиму, пріиде великий князь Дмитрей Александровичъ съ братомъ своимъ со княземъ Андрѣемъ ратию къ Новогороду, и*

а) алекс.; затѣмъ ошибк. въ Ц. Б. Г. прибавлено и задраша и ладожанъ (ладожь); см. сіи слова ниже.

б) и въздвигну- и въздвигнувъ Т. въздыну К. О. в) въ копорію. въ коропію такъ въ нѣкоторыхъ мѣстахъ и ниже Т. г) оли- оже ли Ц. д) дни- лѣта Ц. е) пойма . . . ладожского; въ Новг. перв. Лѣт. (т. III, стр. 64) это мѣсто читается такъ изгони домонтъ ладогу изъ копоріа, и поимаша весь товаръ дмитреевъ, и задроша и ладоского. ж) провадиша- провади К. О. з) ногоя- ногая К. и) поиде на низъ- поиде на нихъ рати копити О.

съ Тотары и со всею Русьскою^а землею, и много зла учиниша и волости пожгоша; и при-¹²⁹⁴шедше сташа на Корицьскѣ, и сътвориша миръ, и сѣде великій князь Дмитрій Александровичъ⁻⁹³ вичь въ Новѣгородѣ на столѣ своемъ.

Въ лѣто 6793. Приѣхаша въ Новѣгородъ митрополитъ Кіевскій и всея Руси Максимъ, владыка же и Новгородци сътвориша ему честь велику. [Тое же зимы Литва воеваша волость Новгородскую^б, и много зла учиниша, и отъидоша. К. О.] Того же лѣта преставися князь Романъ Володимеричъ Угличскій. Князь же великій Андрѣй Александровичъ приведе царевича изъ орды, и много зла сътвори христیانомъ; великій же князь Дмитрей Александровичъ сочтався съ братією своею^в, царевича прогна, а бояръ княжихъ Андрѣевыхъ изнима.

Въ лѣто 6794. Князь Дмитрій и князь Костянтинъ раздѣлиста себѣ отчину свою, князю Дмитрію Угличе поле, а князю Костянтину Ростовъ. Того же лѣта родися князю Костянтину сынъ Александръ, а князю Дмитрею родися сынъ Михайло.

Въ лѣто 6795. [Бысть мятежъ великъ въ Новѣгородѣ. К. О.]. Въ лѣто 6796. Преставися Игнатей епискупъ Ростовскій, великій чудотворецъ.

Въ лѣто 6797. Ходи великій князь Дмитрей Александровичъ ко Тѣбри ратію, позва съ собою Новгородцевъ, и идоша Новгородци съ посадникомъ Андрѣемъ; ратни же пожгоша волости ихъ, и миръ взя князь великій и отъиде. А князь Дмитрей Ростовскій нача вѣдати всю свою отчину, и ходи къ Кашину ратію. Тое же зимы преставися Семеонъ епискупъ Тѣбрьскій^г.

Въ лѣто 6798. Бысть знаменіе въ лунѣ: явися акы кровава, и потомъ преложиися во тму. Того же лѣта заратишася Татарове, царь Токта съ царемъ Телебугою и съ Ялгуемъ, и поможе Богъ Тохтѣ. Того же лѣта поставленъ бысть Андрѣй епискупъ Тѣбрьскій.

Въ лѣто 6799. Въ лѣто 6800. Преставися у великого князя у Дмитрея сынъ князь Александръ въ ордѣ. [Того же лѣта ходиша Новгородци съ воеводами великого князя Дмитрія Александровича воевати на Нѣмецкую землю, и повоеваша много, и приидоша всѣ здорови. Того же лѣта приходиша Нѣмци Свѣйскые, 800 ихъ, воевати Новгородскихъ волостей, а 400 ихъ идоша на Корѣлу, а 400 идоша на Ижеру; Корѣляне же избиша своихъ, а Ижеряне своихъ, а иныхъ руками яша. К. О.]

Въ лѣто 6801. [Приѣхаша^д Свѣи и поставиша городъ на Корѣлской земли. К. О.] Билъ челомъ князь Андрѣй Александровичъ цареві, со ивѣми князи Русьскими, на брата своего великого князя Дмитрія Александровича съ жалобами; царь отпусти брата своего Дюдения^е со множествомъ рати на великого князя Дмитрія Александровича. Они же много пакости учиниша христیانомъ, и много городовъ поимаша, Володимеръ, Москву, Дмитровъ, Волокъ, Переяславль, а иныхъ всѣхъ 14 градовъ взяша и всю землю пусту сътвориша; а великій князь Дмитрій Александровичъ съѣхаша въ Псковъ. Новгородци же послаша Семена Климовича^ж ко царевичю Дюдению^з съ дары на Волокъ, Дюдень же вспяти рать свою съ Волока, а ко князю Андрѣю Александровичу Новгородци послаша же съ челобитіемъ, зовучи его на столъ; и князь Андрѣй Александровичъ свою^и рать вспяти, а самъ приѣхаша въ Новѣгородъ

а) русьскою - низовскою К. О. б) вол. новгородскую - волости новгородскыя К. в) своею - *пропущено* в Т. г) тѣбрьскій - ростовскій во *всѣхъ* сп. *кромя* К. О.; см. *Нов. четв. Лѣт. т. IV, стр. 44.* д) приѣхаша - приѣхаша *ошибк.* К. О. е) дюдения - дедюня *вездѣ* *кромя* К. О. ж) климовича - климентьевича К. з) дюдению - дедюню *такъ и ниже* В. и) свою - и свою К. О.

1393 и сѣде на столѣ, въ недѣлю сыропустную. [Того же говѣнія великій князь Андрѣй Алексан-
—98 дровичь посла князя Романа Глѣбовича съ Новгородци, съ малыми вои, къ городу Свѣй-
скому, и приступиша къ нему въ вторникъ на Похвалной недѣли, и бишася крѣпко; но го-
рода не взяша, а сами^а язвени мнози быша, и придоша въсвои. К. О.] Того же вели-
кого^б говѣнія^в, князь великій Андрѣй Александровичь, съ посадникомъ Андрѣемъ и съ бол-
шими людьми, иде въ Торжекъ переимати великого князя Дмитрія Александровича, брата
своего; а великій князь Дмитрѣй Александровичь бѣжа изъ Пскова во Тѣбрь, и присла въ
Торжекъ владыку Тѣбрьскаго и князя Святослава съ поклономъ ко князю Андрѣю, брату
своему, и къ Новгородцемъ, съсылаючися послы, и взяша миръ, а Волокъ опять Нову-
городу.

Въ лѣто 6802. Князь великій Андрѣй Александровичь посла посадника изъ Торжку въ
Новгородъ, а самъ поиде на Низовскую землю. Того же лѣта князь Дмитрій Александро-
вичь, на Волоцѣ, постригся въ чернцы и преставися, и везоша его въ Переяславль, и поло-
жиша его въ святомъ Спасѣ, а княживъ лѣтъ 20 безъ дву; и по немъ сѣде братъ его князь
Андрѣй Александровичь. Того же лѣта преставися князь Дмитрей Ростовскій, а по немъ сѣде
князь Костянтинъ Борисовичь, братъ его. Въ Ярославлѣ на княженіи сѣде князь Ѳеодоръ^г,
а князь Александръ Костянтиновичь на Угличѣ полѣ. [Того же лѣта постави Титъ Мановичъ^д
городокъ отій, на сей сторонѣ Неревы рѣкы; Новгородци же шедше городокъ пожгоша, и
село великое Титово пожгоша, а товаръ его поимаша весь и отъидоша. К. О.]

Въ лѣто 6803. Великій князь Андрѣй Александровичь иде въ орду со княгинею. [Того
же лѣта поставиша Свѣйскыя Нѣмцы городъ въ Корѣлѣ, съ воеводою своимъ Сигомъ; Нов-
городци же шедше городъ раскопаша, а Сига убиша, и не упустиша ниодного ихъ. К. О.]

Въ лѣто 6804. Бысть нелюбіе межи князей Русьскыхъ, княземъ великимъ Андрѣемъ, и
братомъ его княземъ Даниломъ Александровичемъ Московскимъ, и княземъ Иваномъ Перея-
славскимъ, и великимъ княземъ Михаиломъ Тѣбрьскимъ. Приде посолъ изъ орды отъ царя^е
Иврюй^ж; а тогда^з бысть съѣздъ всѣмъ княземъ великимъ въ Володимери, великому князю
Андрѣю Александровичю, и князю Ивану Переяславскому, и Ѳеодору Ярославскому, и князю
Костянтину Борисовичу Ростовскому, а противусташа великій князь Данило Александровичь
Московскій и братъ его князь Михайло съ Переяславци, и подѣлишася великимъ княженіемъ.
Владыко же Семеонъ и владыка Измайло сведоша ихъ въ любовь, и за малымъ Богъ упаслъ
кровапролитіа, и разѣхашася каждо въсвои по здраву.

Въ лѣто 6805. Князь Александръ Глѣбовичь взя лѣстію подѣ отцемъ княженіе Смолень-
ское^и. Того же лѣта Новгородци поставиша градъ Копорію камень.

Въ лѣто 6806. Великій князь Андрѣй Александровичь поѣха въ Переяславль, великій
же князь Данило Московскій и^і братъ его князь Михайло не съступишася Переяславля ему;
онъ же ѣха въ Новгородъ. Того же лѣта князь Ѳеодоръ Ярославскій^к собра воя многи, и
иде ратию къ Смоленску на сыновца своего князя Александра^л; и бися по многи дни у
града и не взя его, бѣ бо крѣпокъ велми, и възвратися къ Ярославлю.

а) а сами • а сими (а съ ними) *ошибк.* К. О. б) великого • *нѣтъ въ* К. О. в) говѣнія • говѣйна В.
г) Ѳеодоръ • ростиславичь *прибавлено на полѣ въ* Ц. д) О Титмановичъ см. Нов. пер. Лѣт. III. 66,
въ примѣчаніи. е) отъ царя • олекса (олекрса) *прибавлено во всѣхъ сп., а въ Т сіе слово подищено.*
ж) иврюй • и неврюй К. О. з) а тогда • а то Т. и) взя. . . смоленское • иде въ орду съ княгинею Ц. Б. Г.
і) и • *нѣтъ въ* К. О.; *должно читать* князь данило московскій, братъ его, и князь михайло. к) яро-
славскій • переяславскій В. л) алесандра • глѣбовича *приписано на полѣ въ* Ц.

Въ лѣто 6807. Преставися архіепискупъ Новгородскій Климентъ, и положенъ бысть въ 1299 притворѣ у святыя Софіи; [по преставленьи же его Новгородци възлюбиша мужа назнаменава -302 Богомъ, именемъ Теокиста, и введоша его въ владычєнь дворъ, дондеже увѣдають гдѣ митрополитъ. К. О.] Того же лѣта изгониша Нѣмци посадъ у Пскова, мѣсяца марта въ 4 день, и многихъ избиша, а иніи въ градъ вбѣгоша, монастыри же пожгоша. Въ утрѣи же день оступиша Нѣмци градъ Псковъ, Домонтъ же съ Иваномъ съ Дорогомиловымъ выѣха на нихъ и побѣди я у святого Петра и Павла на брезѣ^а; и бысть сѣча зла, яко николи же така не бывала у Пскова, овыхъ избиша, а иныхъ раниша, и кумендеря раниша по главѣ, а иные метяхуся въ брегъ, а Вельневичъ изыма и посла къ великому князю Андрѣю Александровичу на Русь, а прочіи вскорѣ повергше^б оружія побѣгоша^в, страхомъ и грозою мужества его. Того же лѣта пріѣха Максимъ митрополитъ и сѣде въ Володимерѣ^г. Того же лѣта преставися князь Домонтъ Псковскій, маія въ 20, и положиша его у святыя Троицы, иже много тружався за домъ святыя Троица и за домъ святыя Софіи, за Великій Новѣгородъ и за Псковъ. Того же лѣта преставися князь Θεодоръ Ярославскій, сентября въ 19 день.

Въ лѣто 6808. Пріѣха Максимъ митрополитъ въ Новѣгородъ, а съ нимъ пріѣха епискупъ Ростовскій Семеонъ и епискупъ Тѣбрьскій Андрѣй, и поставиша архіепискупа Великому Новгороду Теокиста; знаменаша его въ церкви святого Бориса и Глѣба митрополитъ съ епискупами и съ игуменами, мѣсяца іюня въ 29, на память святою апостолу Петра и Павла, поставиша его въ святой Софіи, [и святую литургію свершиша, и праздникъ свѣтелъ свершиша. К. О.] Того же лѣта пріидоша изъ заморія Нѣмци Свѣйскыя въ силѣ велицѣ въ рѣку въ Неву, и приведоша съ собою мастера хитрыя, изъ великого Рима и отъ папы^д мастера приведоша нарочиты, и поставиша городъ надъ Невою на усть Охтѣ рѣкы, и утвердиша его твердостію несказанною, и поставиша въ немъ пороки, и похвалившеся окааніи нарекоша его Вѣнецъ земли; бѣ бо съ ними намѣстникъ королевъ, именемъ Ламаскалка^е, и посадиша въ немъ мужа нарочитыя съ воеводою ихъ Стенемъ, а сами отъидоша въ свою землю, князю же великому Андрѣю Александровичу не сущу тогда въ Новѣгородѣ.

Въ лѣто 6809. Прииде великій князь Андрѣй Александровичъ въ Новѣгородъ со всею силою своею, и иде съ Новгородци къ городу тому, и приступиша къ нему мѣсяца маія въ 18 день, на память святого Патрикѣя^ж, и начаша битися крѣпко; помощію же Божією, и святыя Софіи, и святою мученику Бориса и Глѣба, твердость та бысть ни вочто же за высокоуміе ихъ, зане всеу трудишася безъ Божія повелѣнія; градъ ихъ взятъ бысть, овыхъ избиша, а иныхъ изсѣкоша, а иныхъ связавше ведоша изъ града, а градъ запалиша огнемъ, а гору раскопаша. [Но покой, Господи, душа ихъ въ царствіи въ небесномъ, иже у града того головы своя положиша за святую Софію; а великому князю Андрѣю Александровичу умножи, Боже, лѣтъ. К. О.] Того же лѣта бысть буря велика въ Ростовѣ, 4 церкви изъ основанія выверже, а съ иныхъ верхи срывало; бысть же се іюля въ 6.

Въ лѣто 6810. Преставися князь Иванъ^з Переяславскій, мѣсяца маія въ 15, а Переяславль

а) на брезѣ. на береѣ *вездѣ кромѣ* Т. б) повергше. повергоша Т. в) побѣгоша. и устремишася на побѣгъ К. О. г) въ волод. мѣсяца априля въ 18 день *прибавлено во всѣхъ сп.; но это число относится къ другому событію, а не къ пріѣзду митрополита Максима въ Володимеръ. См. подв 6807 іудомъ Новг. перв. и четв. Лѣт. (т. III, 66 и IV. 46).* д) изъ великого рима и отъ папы. изъ рима изъ великаго отъ папы К. е) ламаскалка. ламъмаскал(ъ)ка (ламамъскалка) *въ прочихъ сп. кромѣ В; о семъ словѣ см. Новг. перв. Лѣт. т. III, стр. 67, въ примѣчаніи.* ж) патрикѣя. въ пятокъ, предъ шествіемъ святаго духа *прибавл. К. О. з) иванъ. дмитріевичъ прибавлено на полѣ въ Ц.*

1302 взя за себе великій князь Данило Александровичъ Московскій^а, и намѣстници свои посла на
-308 Переяславль, а князи Андрѣевы намѣстници сбѣжали съ города. Того же лѣта заложилъ
городъ каменъ Новугороду. [Того же лѣта Новгородци посылаша послы своя за море въ
Донскую^б землю, и миръ докончаша на всей воли. К. О.] Того же лѣта великій князь Андрѣй
Александровичъ въ орду поиде ко царю.

Въ лѣто 6811. Преставися князь Борисъ Ондрѣевичъ, февраля въ 26. Того же лѣта пре-
ставися князь Данило Александровичъ^в великій Московскій, марта 4.

Въ лѣто 6812. Преставися великій князь Андрѣй Александровичъ, внукъ великого князя
Ярослава Всеволодича, мѣсяца іюля въ 27^г; пострижеся въ черньци и въ скиму, положенъ
бысть на Городицѣ, а бояре его ѣхаша во Тѣбрь. И съпростася два князя о великомъ кня-
женіи, князь великій Михайло Ярославичъ Тѣбрьскій и великій князь Юрій Даниловичъ Мо-
сковскій, и поидоша въ орду въ спорѣ; и много бысть замятни въ Суздальской земли и
во всѣхъ градѣхъ. А въ Новѣгородъ выслаша^д Тѣбрычи намѣстници великого князя Михаи-
ловы силою, Новгородци же ихъ не пріяша, но идоша въ Торжекъ Новгородци города
блюсти; и съвокупиша всю землю^е, съсылающеся послы, и разѣхашася, докончаша миръ
до приѣзда князей. Того же лѣта великій князь Иванъ Даниловичъ приѣде въ Переяславль,
и сѣде на великомъ княженіи. *Далѣе подѣ тѣмъ же годомъ см. Новг. четв. Лѣт., стр. 46, отъ
словъ:* Бой бысть князю Ивану . . . ратью въ Тѣерь.

Въ лѣто 6813. Великій князь Михайло Ярославичъ Тѣбрьскій прииде изъ орды, и сѣде
на великое княженіе, и ходи къ Москвѣ, и взя съ великими князи съ Даниловичи миръ. Тое
же зимы преставися Максимъ митрополитъ Кіевскій и всея Руси, декабря въ 16. Того же
лѣта преставися князь Александръ Даниловичъ. А отъ Михаила великого князя княженія до
Таитемеревы рати 10 лѣтъ. А въ Новѣгородѣ въ Нижнемъ черныи люди побилы бояръ; князь
Михайло Андрѣевичъ^ж, изъ орды приѣхавъ въ Новѣгородъ Нижній, изби вѣчниковъ.

Въ лѣто 6814. Въ лѣто 6815. Сѣде великій князь Михайло Ярославичъ въ Новѣгородѣ
на столѣ, въ недѣлю на Сборъ святыхъ Отецъ 600 и 30 иже въ Халкидонѣ. Того же лѣта
преставися князь Костянтинъ Борисовичъ Ростовскій въ ордѣ. [И на зиму архіепископъ Ново-
городскій Оеоктистъ выйде изъ владычня двора, по своей воли, своего дѣла нездравія;
благослови Новгородъ, иде въ монастырь святыхъ Богородица Благовѣщенія, изволивъ мол-
чаливое житіе, въ немощи будя. Новгородци же възлюбиша Богомъ избранна именемъ Давыда,
съ поклономъ и съ честію посадиша его въ владычнѣ дворѣ; и благослови его архіепископъ
Оеоктистъ въ свое мѣсто, и послаша его къ митрополиту ставитися. К. О.]

Въ лѣто 6816. Поставленъ бысть пресвященный Петръ митрополитъ Кіеву и всея Руси.
Того же лѣта поставленъ бысть архіепископъ Новугороду Великому Давыдъ, въ Володимери,
митрополитомъ Петромъ Кіевскимъ и всея Руси, мѣсяца іюня^з въ 5^и; и прииде въ Новѣ-
городъ іюля^и мѣсяца 20^к.

а) взя. . . московскій. приказа дядѣ своему князю данилю (данилу); великій же князь данило александ-
ровичъ московскій Ц. Б. Г. В. б) въ донскую. въ дольную *ошибк.* К; см. *Новг. перв. Лѣт. т. III,*
стр. 68. в) александровичъ. ярославичъ *ошибк.* К. О. г) іюля въ 27. на память святаго мученика
пантелеймона *прибавл.* К. О. д) выслаша. всылаше В; *въ Новг. перв. Лѣт., стр. 68, правильно*
вослаша. е) землю. противу *прибавл.* К. О. ж) андрѣевичъ. ярославичъ *по чищеному написано въ Ц.*
а) іюня. іюля *ошибк.* К. и) въ 5. на память святаго мученика никандра *прибавл.* К. О. i) іюля. іюня
ошибк. Т. В. к) 20. на память святаго пророка илїи *прибавл.* К. О. *Въ Ц. приписано слѣдующее:* 817
(т. е. въ лѣто) петръ митрополитъ прииде на русь. того же лѣта казнь была отъ бога на люди, мыши
поѣли жито, и бысть гладъ великъ.

Въ лѣто 6817. Въ лѣто 6818. [См. *Новг. перв. Лѣт.*, т. III, стр. 69, *отъ словъ*: ¹³⁰⁷ Ходиша Новгородци . . . ветхый сметавше. К. О.] Родися князю^а Василию Костянтиновичу¹⁴ сынъ Оеодоръ Галичскому. Въ ту же зиму, по Крещеніи, Петръ митрополитъ Кіевскій и всея Руси приѣха въ Брянскъ^б, а князь Василей прииде ратию Татарскою ко Брянску на князя Святослава; митрополитъ же Петръ рече Святъславу: «подѣлися, сыну, княженіемъ со княземъ съ Васи́лемъ, или бѣжи изъ города.» Святъславъ же, надѣяся на мужество свое, рече: «Брянци мя, господине^в, не пустять, хотять за меня головы своя покласти;» и не послуша^г отца своего митрополита, и бився много своимъ дворомъ, и ту убіенъ бысть. Тое же зимы преставися блаженный архіепископъ Новгородскій Оеоктистъ, много пострада Богови въ болѣзни, просвѣти же ся лице его акы солнце, яко всѣмъ видящимъ его дивитися и славить Бога; положено же бысть честное его тѣло въ монастыри святаго Благовѣщенія пречистые Богоматере^д.

Въ лѣто 6819. Ходи князь Дмитрей Романовичъ съ Новгородци на Нѣмецкую землю, за море, на Емъ: и переѣхавше море первое взяша Купецкую рѣку, и села пожгоша и въ полонъ поймаша многихъ, и скоты посѣкоша, [и ту убіенъ бысть Костянтинъ Ильинъ сынъ Станислава въ загонѣ. К. О.]; и потомъ взяша Черную рѣку и вси села по Черной рѣцѣ повоеваша, и приидоша къ городу Ваню, и городъ взяша и пожгоша, а Нѣмци въбѣгоша въ дѣгинець; бѣ градъ той^е крѣпокъ велми, на камени высоцѣ, не имѣя приступа никуды же; и прислаша Нѣмци съ поклономъ къ Новгородцемъ, просячи мира у нихъ, Новгородци же миру имъ не даша, и стояша у града того 3 дни и 3 нощи, волости ихъ воююще, и села великая ихъ пожгоша, и обиліе все потравиша, а скота не оставиша ничтоже; и потомъ взяша, идущи назадъ, рѣку Кавгалу и Черну рѣку, и выидоша на море, и приидоша въ Новъгородъ вси поздорову. Князь Дмитрій Михайловичъ Тѣбрьскій собравъ вой много, и прииде ратию на Новъгородъ Нижній на князя Юрія; и не благослови его митрополитъ столмъ въ Володимери, онъ же стоявъ 3 недѣли, възвратися въ землю свою.

Въ лѣто 6820. Заратися князь Михайло Ярославичъ съ Новымъгородомъ, и намѣстники своя сведе, а въ Новъгородъ обилія не пусти, а Торжекъ зая и Бѣжичи и всю волость; и ѣде^ж владыка Давыдъ во Тѣбрь, веснѣ^з, и доконча миръ на полторы тысячи гривенъ серебра, и князь ворота отвори, и намѣстники своя присла въ Новъгородъ.

Въ лѣто 6821. [Царь Тохта умре, а Озбъкъ сѣде на царствѣ. Ц. См. *Новг. перв. Лѣт.*, т. III, стр. 70, *отъ словъ*: выѣха посадникъ Ладожскыи . . . и пожгоша. К. О.] Въ лѣто 6822. [См. *Новг. перв. Лѣт.*, т. III, стр. 70, *отъ словъ*: избиша Корѣла городчанъ. . . перевѣтниковъ. К. О.] Приѣха съ Москвы отъ великого князя Юрія Даниловича въ Новъгородъ князь Оеодоръ Ржевскій, изнима намѣстники княжи Михайловы Тѣбрьского, и держа ихъ во владычнѣ дворѣ; а Новгородци со княземъ Оеодоромъ поидоша на Волгу. Князь же Дмитрей Михайловичъ со Тѣбричи выиде противу имъ, и стоя объ ону сторону Волги, и ту стояша 6 недѣль, оный и до замороза, а князь Михайло Тѣбрьскій^и въ ордѣ; и докончаша миръ со княземъ Дмитриемъ на всей воли Новгородской, и оттолѣ послаша на Москву по князя Юрія Даниловича. Того же лѣта, на зиму¹, приѣха великій князь Юрій Даниловичъ въ Новъгородъ на столъ, и съ братомъ своимъ княземъ Аѳонасіемъ.

а) князю • великому прибавл. Т. б) въ брянскъ • въ дебрянскъ К. О. в) господине • нѣтъ въ Т. г) и не послуша • слова прибавл. К. О. в. д) богоматере • а душа выиде на небо прибавл. К. О. е) градъ той • градъ отъ Ц. Б. Г. О. градъ тѣи Т. ж) и ѣде • (и) сѣде ошибк. Б. Г. В. з) веснѣ • въ роспутіе прибавл. К. О. и) тѣбрьскій • баше прибавл. К. О. і) на зиму • предъ великимъ заговѣйномъ прибавл. К. О.

1215 Въ лѣто 6823. Поиде великій князь Юрій Даниловичъ изъ Новгорода съ Новгородци,
—17 позванъ въ орду отъ царя, а въ Новѣгородѣ остави брата своего князя Аѳонасія; и прииде въ Ростовъ, и оттолѣ поиде въ орду мѣсяца марта въ 15, въ субботу Лазареву. Того же лѣта прииде изъ орды князь Михайло^а Тѣрьскій, ведый съ собою окааннаго Таитемира, и Мархожу, и Инды; услышавше же Новгородци, со княземъ Аѳонасіемъ изидоша къ Торжку и пребыша ту 6 недѣль, вѣсти переимаючи. Тогда же поиде князь Михайло Тѣрьскій къ Торжку^б, со всею силою^в Низовскою землею и съ Татарами; князь же Аѳонасій съ Новгорода и съ Новоторжци изиде противу имъ на поле. Бысть же за умноженіе грѣховъ нашихъ, Божіимъ попущеніемъ, немало зла сѣтворися, и съступившимся обѣма полкомъ, и бысть сѣча зла, яко не мощи исповѣдати; и ту убиша много добрыхъ мужъ [и бояръ Новгородскихъ. . . Богъ вѣсть. К. О; см. *Нов. перв. Лѣт.*, т. III, стр. 71], а иные вбѣгоша въ городъ и затворися въ городѣ со княземъ Аѳонасіемъ. И присла князь Михайло въ городъ Торжекъ къ Новгородцемъ, глаголя: «выдайте ми князя Аѳонасія и князя Феодора Ржевскаго, и язъ съ вами миръ dokonчаю;» и рекоша Новгородци: «не выдадимъ князя Аѳонасія, но изомремъ честно за святую Софію.» И присла опять князь Михайло, глаголя: «выдайте ми князя Феодора Ржевскаго,» и не хотѣша выдати, и по неволѣ выдаша его; на себѣ же dokonчаша 5 темъ гривенъ серебра, и dokonчаша миръ, и крестъ цѣловаша. И по миру призва къ себѣ князь Михайло князя Аѳонасія и бояръ Новгородскихъ, и поймавъ ихъ посла во Тѣрь въ таль, а останокъ людей въ городѣ нача продавати, сколько кого станеть, и dospѣхи вся и оружія отъ нихъ отъя. Бысть же се зло февраля въ 10^г. И посла князь Михайло въ Новѣгородъ намѣстники своя.

Въ лѣто 6824. Выидоша намѣстники княжи Михайловы изъ Новгорода, и поиде князь Михайло къ Новугороду ратию со всею землею Низовскою, а Новгородци учиниша по обѣ сторонѣ острогъ, и сѣхъся вся земля власти Новгородскія: Псковичи, и Ладожане, и Рушане, и Корѣла, Ижера, Вожане; князь же Михайло, не дошедъ города, ста въ Устіянихъ. И тако мира не возма поиде прочь, не успѣвъ ничтоже, но болшую рану въсприимъ, възвратися въспять; и заблудиша въ озерѣхъ и въ болотѣхъ и начаша мерети голодомъ, и ядоша кони свои, а инѣи съ щитовъ кожи сдирающе ядаху, и dospѣхъ свой и оружія все пожгоша, и пришедше пѣши въ дома своя, приѣмше болшую рану, якоже древле Іерусалимляне, внигда предасть ѿ Богъ въ руцѣ Титу царю Римскому. [Того же лѣта не дошедшю^д великому князю Михаилу до города Тѣри, Новгородци же яша Игната Бѣска, и сѣзвониша вѣче на Ярославлѣ дворѣ^е, и свергоша его съ мосту въ Волховъ; творяху бо его перевѣтъ державша къ великому князю Михаилу Тѣрьскому, а то Богъ вѣсть. Тогда же убиенъ бысть Данилко Писцевъ отъ своего холопа, обадилъ бо его бѣше къ горожаномъ, рекъ тако: «посылалъ мя есть^ж съ грамотами на Тѣрь ко князю.» К. О.] Того же лѣта прииде изъ орды князь Василей Костянтиновичъ, а съ нимъ Татарскіе послы Сабанчей и Казанчій, и много зла сѣтвориша Ростову.

Въ лѣто 6825. Посылаша Новгородци владыку Давыда ко князю Михаилу на Тѣрь съ молбою, просящи на окупъ братіи своей, которые у него въ тали; и не послуша его^з князь. [Того же лѣта приходиша Нѣмци въ озеро Ладожское, и побѣиша много Обоньскихъ купецъ. К. О.]

а) михайло-ярославичъ прибавл. К. О. б) и пребыша . . . къ торжку. пропущено въ В. в) силою нѣтъ въ К. О. г) февр. въ 10. на память святаго мученика харлампія прибавл. К. О. д) не дошедшю. не дошедше К. О; см. *Нов. перв. Лѣт.* стр. 71. е) дворѣ. пропущено въ О. ж) есть. еси О. з) его. ихъ Т.

Въ лѣто 6826. [Ходиша Новгородѣци войною за море въ Полную рѣку, и много повое-¹³¹⁸ваша, и взяша городъ Люdereвъ Сумьского местеря и бискупъ, и придоша всѣ здорови. К. О.]¹⁹ Прииде изъ орды великій князь Юрій Даниловичъ на великое княженіе, и приведе съ собою Татары, Кавадыя и Астрыбала, и со всею Низовскою землею; и поиде ко Тѣбри на князя Михаила, а въ Новѣгородъ посла^а Телебугу, и призва Новгородцевъ. Новгородци же приѣхаша въ Торжекъ, и докончаша со княземъ съ Михаиломъ Тѣбрьскимъ, како не вступатися имъ^б ни по комъ, понеже не^в вѣдяху великого князя Юрія Даниловича гдѣ есть, и възвратишася въ Новѣгородъ. Великому же князю Юрію Даниловичю пришедшу съ полки близь Тѣбри за 40 верстъ, и ту князь Михайло выиде на нь съ Тѣбрічи, и съступишася обоеи полци и бысть съча зла, много головъ паде около великого князя Юрія Даниловича^г; а брата его князя Бориса и княгиню его руками яша и приведоша во Тѣбрь, и тамо умуриша князя Бориса, а княгиню Юріеву не убиша^д. Великій же князь Юрій приѣжа въ Новѣгородъ, и позва съ собою Новгородцевъ и Псковичъ, они же поидоша съ нимъ, и владыка Новгородскій поиде съ ними, и придоша на Волгу; и докончавъ великій князь Юріе Даниловичъ со княземъ Михаиломъ миръ, како ити въ орду обѣма, а брата великого князя Юрія Даниловича князя Бориса и княгиню великую князю Юріеву пустити. И поидоша Новгородци въ Новѣгородъ, уже бо веснѣ сущи^е, а князь великій Юрій Даниловичъ иде на Москву, и оттолѣ иде въ орду. Того же лѣта прииде на Русь Конча^ж, и уби у Костромы 100 человекъ и 20, и оттолѣ пришедъ взя Ростовъ городъ и церковь святую Богородицю пограби, и монастыри пожже^з, и села и люди плѣни.

Убиеніе князя великого Михаила Ярославича Тѣбрьскаго, въ ордѣ отъ царя Озбѣка. Въ лѣто 6827. Сій блаженный, приснопамятный, боголюбивый князь Михайло Ярославичъ, внукъ великого князя Всеволода Юріевича, скончавшюся ему нужною смертію въ ордѣ за христіанъ; роди же ся воистину отъ блаженныхъ и преподобныхъ матери великия княгини Оксиніи^и, егоже святая та и премудрая мати воспита въ страстѣ Господни и научи святымъ книгамъ и всякой премудрости. Княжашу ему въ отчинѣ своей во Тѣбри, преставися великій князь Андрѣй, и благослови его на свой столъ на великое княженіе сего христолюбиваго князя Михаила, емуже по старѣйшинству дошелъ бѣше степень княженія великого; и поиде въ орду ко царевнѣ, якоже и прежде его князи бывшіи имяху обычай тамо взимати великое княженіе. Въ то же время сыновецъ его князь Юрій великій Даниловичъ поиде въ орду же; егда же ему бывшю въ Володимери, блаженный же и приснопамятный митрополитъ Кіевскій и всея Руси Максимъ^и съ многою молбою браняшеть ити въ орду, глаголя: «азъ имаюся тебѣ съ великою княгинею Оксиніею матерію великого князя Михаила, чего въсхочешъ изъ отчины вашей, то ти дасть.» Онъ же обѣщася, рекъ: «хотя, отче, иду въ орду, но не хошу великого княженія.» И бывшю ему въ ордѣ, не хотя роду человѣчю добра всепагубный врагъ діаволъ, вложи въ сердце княземъ Татарскимъ, свадиша братію, ркуще великому князю Юрію Даниловичю: «оже ты даси выходъ болши князя Михаила Тѣбрьскаго, мы тебѣ великое княженіе дадимъ;» и тако превратиша сердце его, и нача

а) посла — присла(въ) Т. К. О. б) имъ — нѣтъ въ Т. в) не — пропушено въ К. О. г) около. . . даниловича — о князи юрьи такъ въ Нов. перв. Лѣт. д) а княгиню. . . не убиша — а княгиню юріеву и кончака не убиша во всѣхъ сп. кромѣ В., гдѣ сказано а княгиню юріеву и кончака убиша; слич. Нов. перв. Лѣт. т. III, стр. 72. е) веснѣ сущи — бѣ весна Ц. Б. Г. В. ж) конча — конча (кочка) во всѣхъ сп. кромѣ Г; см. Троицк. Лѣт. т. I, стр. 229, и Нов. четв. Лѣт. т. IV, стр. 49. з) пожже — пограби К. О. и) оксиніи — ксеніи В. і) максимъ — петръ во всѣхъ сп. кромѣ К. О.

искати великого княженія. Обычай бо поганыхъ и до сихъ мѣстъ вмещуще вражду межю братіи князей Русьскихъ, и себѣ болшая дары взимаху. И бывши прѣ велицѣ межи ими, и бысть тягота велика въ Русьской земли за наша согрѣшенія. О томъ рече Господь Пророкомъ: аще обратитесь ко мнѣ и останетесь отъ всѣхъ злобъ вашихъ, то вложу любовь въ сердце княземъ вашимъ и миръ въ земли вашей; аще ли не останетесь отъ злыхъ обычай вашихъ, и не покаетесь отъ многихъ безаконій вашихъ, всякою казнію не пощажу васъ. Но милостию пресвятыя Богородица и всѣхъ святыхъ, прииде благовѣрный князь Михайло въ Русь, и посаженъ бысть на столѣ великого княженія въ Володимери блаженнымъ и при-снопамятнымъ митрополитомъ Кіевскимъ и всея Руси Максимомъ^а. Княжившу же ему 8 лѣтъ на великомъ княженіи, а въ ордѣ сѣде иный царь, именемъ Озбѣкъ, войде^б въ богомерзскую вѣру Срачиньскую, и оттолѣ наипаче не пощадѣти нача роду христіаньского. Якоже бо о таковыхъ рекоша царьскыя дѣти, иже плѣнени въ Вавилонъ, сице глаголаху: предасть ны въ руцѣ царю нечестивому, и законопреступному, и лукавѣйшю паче всея земля; егда бо Господь градъ Ерусалимъ казня, предасть въ руцѣ царю Титу Римьскому; и паки егда Фоцѣ Царьградъ предасть въ руцѣ^в, такоже не Фоку любя, но Царьградъ казня за людская согрѣшенія; еже и се бысть за наша согрѣшенія. Но мы бывшее възглаголемъ. И оттолѣ нача быти вражда промежи князей сихъ^г; аще и творяста^д миръ межи себе, но врагъ нашъ всепгубный дьяволъ паки рать вздвизаше. И паки бывшимъ великимъ княземъ^е въ ордѣ, и бывши прѣ велицѣ межи има, и оставиша великого князя Юрія Даниловича у себе въ ордѣ, а князя Михаила отпустиша на Русь; минувшу же единому лѣту, и паки безаконіи Измаилтяне не сыти суще мздоимства, егоже желяху, взявше много сребра, и даша великое княженіе великому князю Юрію Даниловичю, и отпустиша съ нимъ на Русь единого отъ князь своихъ, безаконнаго и треклятаго Кавгадыя. Блаженный же великій князь Михайло срѣте его съ полкы своими, и посла къ великому князю Юрію Даниловичю, рекъ тако: «брате! аже далъ царь тебѣ великое княженіе, то и азъ отступаюся тебѣ, княжи на великомъ княженіи, а въ мою опришнину не вступайся;» и роспусти вся воя своя, и поиде въ свою отчину съ домочадци своими. И паки дьяволъ не престаяше^ж желая кровопролитія, еже и створися за грѣхы наша. Прииде бо великій князь Юрій ратію ко Тѣбри, совокупивъ всю землю Низовскую и съ кровопивцемъ Кавгадыемъ, и множество Татаръ и Бесерменъ и Морьдвы, начаша городъ жечи и многа села; и бысть туга не мала, имающе мужи и мучащи^з различными муками и смерти предаяху, а жены ихъ оскверниша поганіи; и пожгоша всю власть Тѣбрскую и до Волгы, и поидоша на другую страну Волгы, и на той странѣ тоже хотяху творити. Блаженный же князь Михайло призва епископа своего и князей и бояръ, и рече къ нимъ: «братіе! видите ли, княженія великого отступилъ есмь брату моему и выходъ^и давалъ^і есми, и се надъ тѣмъ колико зла сѣтвориша въ вотчинѣ моей? азъ же терпяхъ имъ и чаяхъ, уже престанетъ злоба си, по и паче вижю еже головы моя ловять; нынѣ же не творюся въ чемъ виноватъ, буду ли въ чемъ виноватъ, скажите ми.» Они же яко единѣми усты со слезами рекоша: «правъ еси, господине, во всемъ; предъ своимъ сыновцемъ таковое смиреніе сѣтворилъ еси, и се взяша всю власть твою, а другую страну такоже хотять пусту сѣтворити; а нынѣ, господине, поиди противу имъ, а мы, господине,

а) максимомъ • петромъ во всѣхъ сп. кроме К. О. б) войде • поиде О. в) въ руцѣ • его прибавл. Б. Г. В. г) промежи. . . сихъ • межи князема сима К. О. д) творяста • многаяжды прибавл. К. О. е) бывшимъ. . . княземъ • бывшими великиа князема К. О. ж) не престаяше • не prestaюще Т. К. О. з) мучащи • мучаща во всѣхъ сп. кроме В. и) выходъ • царю прибавл. Ц. і) давалъ • (в)далъ Ц. В.

за * тебя хощемъ животомъ своимъ потягнути.» Блаженный же князь Михайло также съ 1319 многымъ смиреніемъ рече: «братіе! слышите что глаголетъ Господь въ Евангеліи: иже аще кто положить душу свою за други своя, той^а великъ наречется въ царствѣ небеснѣмъ^б; намъ же нынѣ не за единъ другъ, ни за два голова положить и душа своя^в, но за толико народа въ полону суца, а инѣи избіени суть, а жены ихъ и дщери осквернены суть отъ поганыхъ, и нынѣ аже за толико народа положимъ душа своя, да выѣнится намъ слово Господне въ спасеніе.» И утвердившеся честнымъ крестомъ и поиде противу ратнымъ, и яко быша близъ себе, и бысть видѣти ратныхъ безчисленное множество, и яко съступишася полци и бысть сѣча велика^г, не могуще брани носити, вдаша противнии плещи свои^д; милостію Великого Спаса, и пречистыя его Матери, и помощію великаго Архангела Михаила побѣди благовѣрный князь Михайло, и бысть видѣти безчисленное множество ратныхъ падающе подъ кони язвени, яко снопы въ жатву на нивѣ. Великій же князь Юрій Даниловичъ видѣ многы падающа воя его язвени, и отѣха въ Торжекѣ въ малѣ ратныхъ, и отътолѣ ѣха въ Великій Новгородъ; а окааннаго же Кавгадыя съ други его не повелѣ князь^е избивати, въ немъже послѣдняя болши погыбель. Си же побѣда сътворися мѣсяца декабря 22. Самому же князю Михайлу видѣти доспѣхъ свой весь язвѣнъ, на тѣлеси же его не бысть никоеяже раны^ж; рече бо блаженный Давыдъ: падеть отъ страны твоя тысяща и тма одесную, къ тебѣ не приступитъ^з, и не приидеть къ тебѣ зло, и рана не приблизится къ тѣлеси твоему; яко ангеломъ своимъ заповѣсть о тебѣ, съхранити тя во всѣхъ путѣхъ твоихъ^и. Якоже и бысть тогда съхраненъ великимъ Архангеломъ Михаиломъ, и избави изъ плѣна множество душа, бывшая въ скверныхъ рукахъ поганьскихъ, и възвратися^и въ свое отечество съ великою радостію, и приведе окааннаго Кавгадыя въ градъ свой, и много честивъ и одаривъ его, и отпусти его; онъ же много съ лестію роташеся не вадити на нь ко царю, глаголя: «за неже воевали есми власть твою безъ царева слова и повелѣнія.» Великій же князь Юрій Даниловичъ совокупивъ множество Новгородцевъ и Псковичъ, и поиде ко Тѣфри, и срѣте его князь Михайло противу Синѣвского, и паки не хотя видѣти другаго кровопролитія за толь малы дни, умирившися и крестъ цѣловаша^к; ** и рече князь Михайло: «поидевъ^л, брате, оба въ орду, жалуюмся вмѣстѣ царю, абы ны чимъ помочи христіаномъ.» Великій же князь Юрій Даниловичъ паки съимася въ Кавгадыемъ, и поидоша^м напередъ въ орду, поимши князи всѣ Низовскіе съ собою, и бояре съ городовъ и отъ Новагорода, по повелѣнію окааннаго Кавгадыя; [и написаша многа лжесвѣдѣтельства на блаженаго великого князя Михаила. К. О.] Князь же Михайло посла сына своего князя Костянтина; а самъ послѣ въ орду же поиде, благословяся у епископа своего Варсонофія, и отъ игуменовъ и отъ поповъ, и отъ отца своего духовнаго игумена Ивана. И послѣднее исповѣданіе сътвори на рѣцѣ на Нерли, на многъ часъ очищая душу свою, глаголаше: «азъ, отче, аще много мыслихъ, како бы ны^н помочи^о христіаномъ симъ, но моихъ ради грѣховъ многа тягота стваряется въ наю

а) той - тѣи Т. то К. О. б) *Іоан. XV, 13.* в) ни за два. . . своя - или за два положить душа своя К. О. г) велика - на мѣстѣ нарицаемѣмъ бортенева *приписано на поля въ Ц.* д) свои - на побѣгъ *прибавл. К.* е) князь - великій князь михайло К. О. ж) раны - язвы Ц. з) одесную къ тебѣ не приступитъ - одесную тебе В. и) *Псал. XC, 7, 10, 11.* и) и възвратися - възврати Т. Ц. В. к) цѣловаша - цѣловаста К. О. л) поидевъ - поидева Ц. Б. Г. О. поидемъ К. м) поидоша - поидоста К. О. н) ны - ми Ц. о) помочи - пособити К. О.

* Далѣе въ Бл. недостасть листа, а въ Гор. находится пропускъ.

** Продолжаются Бл. и Гор.

Томъ V.

1319 разности; нынѣ, отче, благословите мя, аще ми^а случится пролію кровь свою за нихъ, да негли бы ми Господь отдалъ грѣховъ, аще сіи^б христіане нѣсколко^в почіють,» еже и бысть молитвою его. До того же мѣста проводи его благородная его княгини Анна и сынъ его князь Василей, и възвратистася со многымъ рыданіемъ, не могуще разлучитися отъ възлюбленнаго князя; онъ же поиде къ Володимерю, а съ нимъ сына его князь Дмитрій да князь Александръ. И бывшу ему въ Володимери, и се пріѣха посолъ отъ царя изъ орды, именемъ Ахмылъ, глаголя: «зоветь тя царь, поиди вбораѣ, буди за мѣсяць; аще ли не будеши, то уже воимянова на тебе рать и на твои города; обадиѣ ты есть ко царю Кавгадый, глаголя: не бывати ему въ ордѣ.» Думаща же бояре его ркуще: «се сынъ твой въ ордѣ, а еще другаго послѣ;» такоже и сынове его глаголаста ему: «господине драгый отче! не ѣзди въ орду самъ, наю котораго послѣ, аще всхощеши; занеже обаженъ еси ко царю, дондеже минеть гнѣвъ его.» Крѣпкимъ же умомъ, исполненъ смиренія, глаголаше: «видите, чада моя, яко не требуетъ васъ царь дѣтей моихъ, ни иного^г котораго, развѣ мене, но моя главы хоцетъ: аще бо азъ гдѣ уклонюся, то вотчина моя вся въ полону будетъ и множество христіанъ избіени будутъ; аще ли послѣ того умрети же ми есть, то лучши ми есть нынѣ положить душу свою за многыя душа.» Помянувъ бо бѣше блаженнаго отечестволюбца великаго Христова мученика Димитрія, рекша про отчину свою градъ Селунъ: Господи! аще погубиши градъ сій, то и азъ съ ними погибну, аще ли спасеши, то и азъ спасенъ буду; сій убо такоже умысли створити, и положить душу свою за свое отчество^д. И паки много учивъ сына своего всякой добродѣтели, веляше убо ему послѣдовати благымъ своимъ правомъ, не могуще разлучитися на мнозѣ слезѣ ихъ, и едва разлучистася; отпусти ихъ въ свое отчество, давъ имъ рядъ, написа грамоту, раздѣливъ имъ отчину свою, ти тако отпусти я. Дошедшу же ему въ орду, мѣсяца сентября въ 6, на усть рѣкы Дону, идѣже течеть въ море Сурожское, и ту срѣте его сынъ его князь Костянтинъ. Царь же дасть ему пристава, не дадуша никому же его обидѣти; се бо умякнуша исперва словеса ихъ паче елѣя, и та бо^е нынѣ быша стрѣлы. И егда же одари всѣ князи ординскіе и царици, послѣди же самого царя, бывшу же ему въ ордѣ полтора мѣсяца, и рече царь княземъ своимъ: «что ми есте молвили на князя Михаила, створите^ж има судъ съ великимъ княземъ Московскимъ Юріемъ Даниловичемъ; да котораго правду скажете мнѣ, того хоцю жаловати, а виноватого казни предати,» а не вѣси, окаанне, уже еси своею казнію сплелъ ему вѣнецъ пресвѣтелъ. Въ единъ убо день собращася вси князи ординскыя въ едину вежу за царевъ дворъ^з, и покладаху многы грамоты со многымъ замышленіемъ на князя Михаила, глаголюще: «многы дани поималъ еси на городѣхъ нашихъ, царю же не далъ еси.» Истинный же Христовъ страдалецъ Михайло любяй правду, глаголя истинну, со всякою правдою^и обличаше лжи ихъ свидѣтельства. О таковыхъ судіяхъ речено бысть: поставлю властеля ругателя ихъ, и судію не милующи ихъ^и; си бо бѣше Кавгадый нечестивый самъ судія, той же и сутяжай, той же и лжи послухъ бываше, покрываше лжею своею истинная словеса князя Михаила, изрече много замышленныя вины на непорочнаго Христова воина, а свою страну оправдая. И паки минувшей единой недѣли по судѣ томъ, въ день суботный, отъ нечестивыхъ изиде

а) аще ми. аще ли Ц. В. О. б) сіа. сеи Т. Б. Г. О. в) нѣсколко. сѣсколко Ц. Б. Г. О. сколько К. В. г) ни иного. нѣтъ въ К. д) отчество. и избави насъ множество своею кровію отъ многораазличныхъ бѣдъ прибав. К. О. е) та бо. тамо Ц. Б. Г. В. ж) створите. створита вездѣ кромѣ К. О. з) вежу. . . дворъ. вежу цареву (въ) дворъ К. О. и) правдою. неправдою во всѣхъ сп. кромѣ В. і) не милующи ихъ. не милующихъ Т. К. О. В. не милующи Ц. См. Исид. III, 4.

повелѣніе незаконно, поставиша его на другомъ судѣ связана блаженнаго князя Михаила, ¹³¹⁹ изнасяще ему несправедное осужденіе: «царевы дани не давалъ еси, противу посла бился еси, а княгыню великаго князя Юрія уморилъ еси.» Благовѣрный же князь Михайло со многымъ свидѣтельствомъ глаголаше: «колико скровищъ издавалъ есмь царевы и княземъ», все бо исписано имѣяше^а; «и посла паки избавихъ^б на брани и со мною честію отпустихъ его;» а про княгыню Бога послуша призываше, «яко ни на мысли ми того створити.» Они же незаконни, по глаголющему Пророку, уши имуть, не слышать правды, уста имуть, не глаголють истинны, очи имуть и не видятъ^в; ослаби бо я злоба ихъ и не вмѣниша себѣ нimalo словеси преподобнаго, но рѣша въ себѣ: поносы и узами стяжемъ его и смертію нелѣпною осудимъ его, яко неключимъ есть намъ и не послѣдуетъ правомъ нашимъ; якоже бо възхотѣша, то и сѣвориша. Въ настоящую убо ночь приставиша 7 сторожовъ отъ 7 князей и иныхъ немало, и покладоху предъ блаженнымъ многа ужа желѣзныя, хотяще отягчати нозы его, и взявши отъ портъ его и подѣлишася; въ ту ночь мало отъпустиша ему отъ узъ желѣзныхъ, но связанъ тако пребысть всю ночь. Тое же ночи отгнаша отъ него вся бояре его и слуги сильно, біюще, и отца его духовнаго игумена Александра, и оста единъ въ руку ихъ; глаголаше бо къ себѣ: «удалиша отъ мене дружину мою и знаемыя отъ страсти.» Наутріе же, въ недѣлю, повелѣніемъ незаконныхъ възложиша колоду велику отъ тяжка древа на выю святому, прообразующе ему поносную муку, юже пріимъ благодаряше Господа Бога, съ радостію и со слезами глаголя: «слава тебѣ, Владыко челоуѣколюбче, яко сподобилъ мя еси начатокъ пріяти мученія моего, сподоби мя и кончати подвигъ сей; да не престыжатъ мене словеса лукавыхъ, ни да устрашать мя прещенія нечестивыхъ.» И повелѣша незаконни вести святаго послѣ царя, бѣше бо пошелъ на ловы, преподобный же и благовѣрный князь Михайло яко изъмлада имяше и никако же измѣняше правила своего, въ нощи пояше псалмы Давыдовы; а како поиде изъ Володимеря, то отъ недѣли до недѣли пощашеся и причащашеся^г пречистаго тѣла и крови Господни, а отнелъ же ятъ бысть, наипаче безпрестани вся нощи не дадаяше сна очима своимъ, да не въздремлетъ ни уснетъ храня его Ангелъ. Но паки славяше Бога, съ многими слезами и глубокымъ въздыханіемъ исповѣдаяся ему, глаголаше: «Господи! услыши молитву мою и вопль мой къ тебѣ да пріидеть; и не отврати лица твоего отъ мене, Владыко, но въ онъ же день тужу, приклони^д ухо твое, въ онъ же часъ призову тя, Господи, скоро услыши мя Господи; се бо минуша ми дніе мои акы дымъ^е;» прочее: «спаси мя Боже, яко внидоша воды до душа моя, пріидохъ бо сѣмо яко въ глубину морскую и яко буря потопа мя; се бо умножишася паче власть главы моей ненавиждящии мя безъ ума, а прежде сего мой хлѣбъ ядоху и мою любовь видѣвши, а нынѣ укрѣпишася на мя, и врази ми быша досажаящии ми безъ правды^ж.» И егда незаконни стражи они въ нощи забивааху въ той же колодѣ святѣи руцѣ его, но ни тако озлобляемъ пояше^з Псалтирь не-престанно, а единъ отъ отрокъ его сѣдаяше предъ нимъ прекладывая листы, онъ же прилѣжно глаголаше: «Господи! не отврати лица твоего, яко скорблю, скоро услыши мя, вонми души моей, избави ю отъ врагъ сихъ; ты бо единъ вѣси помышленіе мое, и студъ мой и срамоту мою; се бо предъ тобою всегда^и суть стужающіи ми безъ правды, и жду еже бы кто со мною поскорбѣлъ, и не бѣ утѣшающаго мя и не обрѣтохъ развіе тебе, Господи!

а) имѣяше. имѣши Ц. б) избавихъ. избавяхъ *ошибк.* Б. Г. В. в) Псал. СХІІІ, 18, 14. г) пощашеся и причащашеся. постыжашеся и причащашеся *во всѣхъ сп. кромѣ* К. О. д) приклони. ко мнѣ *прибав.* Б. Г. К. О. е) Псал. СХ, 1 — 4. ж) Псал. LХVІІІ, 1 — 3, 5. з) пояше. не престаюше (не престающе) *поя* К. О. и) всегда. вонну К. О.

1319 вѣздають бо ми злая въздобрая^а, пролей на ня гнѣвъ твой и ярость гнѣва твоего да иметь д^б; но что ся хвалиши о злобѣ своей, незаконный Кавгадыю? злая мыслиши на мя по вся дни, языкъ твой яко бритва изощренна, створилъ еси лествъ, възлюбилъ еси злобу паче добра, забылъ еси многихъ моихъ даровъ и глаголаеши еси на мя неправду ко царевнѣ, сего ради Богъ разрушитъ тя, и въстергнетъ тя, и преселитъ тя отъ села твоего и корень твой отъ земля живущихъ^в; но терплю имени твоего ради, Господи, да благо ми будетъ съ преподобными твоими, да явно сего ждахъ, дабы ми пострадати Христа ради; и се видя себе озлобляема сице, радуюся о спасеніи твоёмъ и во имя Господа Бога нашего възвеличимъ^г; но въскую прискорбна есть душа моя, въскую смущаеши мя, уповай на Бога, яко исповѣмся ему, спасеніе лицю моему Богъ мой^д.» И тако на всякъ часъ моляся Богови^е и глаголю; во дне же всегда бѣше видѣти его свѣтлымъ лицемъ и весела взоромъ, и словеса сладкими и веселыми тѣшаше бояръ и слугъ своихъ, и бѣше видѣти его яко никоегоже озлобленія приѣмлюща, и глаголаше: «се ли вы едино было любо, дружино моя, егда прежде сего яко въ зеркало зряще спотѣшастесь, нынѣ же видяще на мнѣ древо се, печалуете и скорбите? помяните како пріяхомъ благая въ житіи нашемъ, то сѣхъ ли не хожемъ претерпѣти? что бо ми есть си мука противу моимъ дѣломъ? но и болша сихъ достоинъ ми пріяти, да негли^ж быхъ прощеніе получилъ.» И приложи слово праведнаго Іева: «яко Господеви годѣ, тако будетъ, буди имя Господне благословено отъ нынѣ и до вѣка^з; да не печалуйте про древо се, по малѣ бо узрите е^и прочее вые моя.» Минувшимъ же днемъ 20 и 4-мъ, святому бывшу въ неизреченномъ томъ терпѣніи, нечестивый же Кавгадый имѣя ядъ аспиденъ подъ устнами своими, и паки досажая души терпѣливаго князя Михаила, повелѣ его привести въ торгъ въ таковой укоризнѣ, созва вся заимодавца, повелѣ святаго поставити предъ собою на колѣну; величаашеся незаконный яко власть имый на праведнымъ, и много словеса изорче досадна праведному. И посемъ рече: «вѣдая буди, Михаиле, такъ царевъ обычаи: аже будетъ ему на кого гнѣвъ, хотя и на своего племянника¹, ти такоже древо възкладають на него, егда же гнѣвъ его минеть, и паки въ первую честь вводитъ его; утро бо или въ предъидущій день тягота си отидеть отъ тебе, и въ болшей чести будеши.» И възрѣвъ рече сторожемъ его: «почто не облегчите ему древа сего?» они же рекоша^к: «заутра или на другій день тако створимъ по глаголу твоему.» И рече окаанный: «поддержите ему древа сего, да не отягчаютъ ему плещи^л,» и тако единъ отъ предстоящихъ за нимъ подымъ держаше древо. Многу же часу минувшу, о впросѣхъ праведному отвѣты дающе, и посемъ повелѣ вонъ вести блаженнаго; и вышедшу ему вонъ, и рече слугамъ своимъ: «дайте ми стулецъ, да почію и прииму покой ногама своими,» бѣста бо отягчали отъ многоаго труда. Въ то же время сѣхалоса бѣше множество отъ всѣхъ языкъ, шедшеся зряще святаго; рече же единъ отъ своихъ, предстоящихъ ему: «господине княже! видиши ли селико народа множество стоящихъ^м, видяще тя въ таковой укоризнѣ, а прежде^н ты слышаща царствующа въ своей земли; абы, господине, еси пошелъ въ свою вежю.» Блаженный же рече съ слезами: «яко позору быхомъ Ангеломъ и человекомъ, вси видящеи мя покивааху главами своими^о;» и паки: «уповаю на

а) въздобрая — възблагая братія В. б) *Псал. LXVIII, 48 — 22, 25.* в) *Псал. LI, 3 — 7.* г) възвеличимъ — возвеличимся В. д) *Псал. XLI, 6, 12 и XLIII, 5.* е) моляся богови — со слезами моляся господевн (богови) Б. Т. В. со слезами моляше бога К. О. ж) негли — некли (неколи) во *вспѣхъ сп. кромѣ Ц.* з) *Іова I, 21.* и) е — *пропущено въ Т. В. О.* і) на своего племянника — отъ своего племени К. О. к) они же рекоша — только въ К. О. л) плещи — плещу К. О. плещи В. м) селико . . . стоящихъ — се сколько множество народа стоять К. О. н) а прежде — аже во *вспѣхъ сп. кромѣ Ц.* о) *Псал. CVIII, 25.*

Господа, да избавить мя и спастъ якоже хощеть, яко ты еси исторгый мя отъ чрева ма-¹³¹⁹ тери моея^а» и вѣставъ иде къ вежѣ своей, глаголя прочее псалма того. И оттолѣ бѣше видѣти очи его полны слезъ, чюяше бо въ сердци, яко уже скончатися доброму его^б теченію. Бывшу же блаженному въ неизрѣченномъ томъ томленіи и тяготѣ дній 26 за рѣкою Теркомъ, на рѣцѣ на Севенцѣ^в, подъ городомъ Тетяковымъ, минувшю^г всѣ горы^д высокія Ясскія и Черкасскія, близъ Воротъ желѣзныхъ, въ среду рано повелѣ отъпѣти заутреню и часы, самъ же съ плачемъ послушааше; и посемъ повелѣ правило причащенію, и рече попови: «да быхъ азъ самъ молвилъ псалмы си», онъ же вда ему книгу. И приимъ нача молвити тихо со умиленіемъ и глубокымъ въздыханіемъ, источающи^е слезы яко рѣку, и глаголаше: схрани мя Господи, яко на тя уповахъ^ж; и посемъ: Господь пасетъ мя^з; таже: вѣровахъ, тѣмже и възглаголахъ^н, и прочая вся причащенію. И посемъ нача каятися ко отцемъ своимъ духовнымъ со многымъ смиреніемъ, очищая свою душу; бѣше бо съ нимъ игуменъ да два попа. Посемъ же присѣдѣя у него сыну его князю Костянтину, онъ же приказываше ко княгынѣ и ко сынома своимъ про отчину свою, и про бояре, и про тѣхъ иже съ нимъ были и до меншихъ, не веля презрѣти ихъ. И посемъ уже часу приближающюся, и рече: «дадите ми Псалтырь, вельми бо прискорбна душа моя», чюяше бо при дверѣхъ пришедша отъ Бога святыи зватаи по святую душу его. И разгнувъ Псалтырь, и обрѣте псаломъ: «внуши Боже молитву мою и вонми моленіе мое, въ скорбѣхъ печали моя смутихся отъ гласа вражія, яко въ гнѣвѣ враждовааху мнѣ^и», въ той бо часъ окаанный Кавгадый вхождаше ко царю и исхожаше съ отъвѣты на убіеніе блаженнаго; сей же чтяше: «сердце мое смутися во мнѣ и страхъ смертныи прииде на мя^к». И рече попомъ: «что молвить псаломъ сій, скажите ми?» они же ркоша не хотяще болши его смутити: «се, господине, знакоми ти псалмы^л въ послѣдней главизнѣ: възверзи на Господа печаль свою, и той тя препитаеъ и не дасть въ вѣки смятенія праведнику^м». Онъ же паки глаголаше: «кто дасть ми крилѣ, полечю и почію;» и паки: «се удалихся бѣгая и въдворихся въ пустыню, чаю^п Бога спасающаго мя^о». Егда же бо вожаху блаженнаго въ ловѣхъ со царемъ, и глаголаху къ нему слуги его: «се, господине княже, проводници и кони готови; уклонися на горы, да животь получиши». Онъ же рече: «не дай же ми Богъ сего створити, во дни своя николи же сего сътворихъ; аще бо азъ единъ уклонюся, а люди своя оставивъ въ таковой бѣдѣ, то кую похвалу приобрящу? но воля Господня да будетъ; аще бы ми былъ врагъ Кавгадый поносилъ, претерпѣлъ убо быхъ отъ него, и сей нынѣ ненавиждь мене велерѣчюеть о мнѣ^н», ему же нѣсть измѣненія отъ Бога; азъ, Господи, уповаю на тя^р». И тако скончавъ псалмы и согнувъ Псалтырь, и се въ той^с часъ отъ отрокъ его въскочи въ вежу, облечѣвшимсяъ лицемъ и измолкшимъ гласомъ: «господине княже! ѣдутъ уже отъ орды Кавгадый и великій князь Юрій Даниловичъ со множествомъ народа прямо къ твоей вежѣ». Онъ же наборзѣ вставъ и въздохнувъ рече: «вѣдаю на что ѣдутъ, на убіеніе мое», и отсла вскорѣ сына своего Костянтина къ царици; и бѣ страшно въ той часъ, братіе, видѣти отъ многихъ странъ множество женущихъ къ вежѣ княжѣ Михайловѣ. Кавгадый же и великій

а) Псал. XXI, 9, 40. б) его • нѣтъ въ Т. в) на севенцѣ • на сѣньцѣ О. г) минувшю • минувше(и) во всѣхъ сп. кромѣ К. О. д) горы • города во всѣхъ сп. кромѣ В. е) источающи • источаше К. О. ж) Псал. XV, 4. з) Псал. XXII, 4. и) Псал. CXV, 4. i) Псал. LIV, 2 — 4. к) Псал. LIV, 5. л) знакоми ти псалмы • знакоми ти псаломъ К. м) Псал. LIV, 23. н) чаю • чюя К. чаяхъ В. о) Псал. LIV, 7 — 9. п) велерѣчюеть о мнѣ • велерѣчюють о мнѣ въ прочихъ сп. кромѣ К. на мя велерѣчивахъ О. р) Псал. LIV, 13, 20, 24. с) въ той • въ тѣ (вотъ) во всѣхъ сп. кромѣ Ц.

1319 князь Юрій послаша убійци, а сами сѣдше съ конь въ торгу, близъ бо бѣше торгу яко каменемъ веречи. Убійци же яко дивїи звѣріе, немилостиви кровопивци, разгнавше отъ^а блаженнаго всѣ людїе его, вѣскочиша въ вежу, обрѣтоша его стояща^б, и тако похватиша его за древо еже бѣ на выи его, и удариша имъ силю, и вѣзломїша и на стѣну, и проломїся вежа; онъ же^в вѣскочи, и тако мнози емше и повергоша его на земли, и бїахуть пятами нещадно. И се единъ отъ незаконныхъ, именемъ Романецъ, извлекъ великій ножъ и удари въ ребра святаго въ десную страну, и обращая ножъ сѣмо и овамо, и отрѣза честное сердце его. И тако предасть святую и блаженную свою душу въ руцѣ Господєви, мѣсяца ноябрю въ 22, въ среду 7 часа дни; и причтєся съ лики святыхъ, и съ сродникома своимъ святымъ Борисомъ и Глѣбомъ и съ тезоименитникомъ своимъ великимъ княземъ Михаиломъ Черниговскимъ, и прїятъ вѣнецъ неувядаемый отъ руку Господня, егоже вжелѣ. Вежу же блаженнаго разграбиша Русь и Татарове, а честное тѣло его повергоша наго, никимъже небрегомо; единъ же отъ нихъ прїѣхъ въ торгъ, рече: «се уже повелѣное вами сѣтворихомъ.» Кавгадый же и великій князь Юрій прїѣхаша вскорѣ надъ тѣло его; Кавгадый же видѣ тѣло наго повержено, и глагола съ яростїю великому^г князю Юрію, река: «не братъ ли ти старѣйши какъ отецъ^д, да чему тако лежитъ тѣло его наго повержено?» великій же князь Юрій повелѣ своимъ покрыти тѣло его; и се единъ прикры тѣло его^е своею котыгою, юже ношаше. И положиша его на велицѣй досцѣ, и вѣзложиша на телѣгу, и увиша ужи^ж крѣпко, и превезоша за рѣку рекомую Адъжь, еже зовется горестъ; горестъ бо се нынѣ, братїе, и есть, въ той часъ таковую видѣвши нужную смерть господина своего князя Михаила. А бояре его и слуги немнози гонѣнуша рукъ ихъ, и еже дерзнули убѣжати въ орду ко царици; а иныхъ изнимавше влечашуть нагихъ, терзающе нещадно акы нѣкыя злодѣи, и приведше въ станы своя утвердиша я въ оковахъ. Сами же князи и бояре въ единой вежѣ пїяху вино, повѣстующе, кто какову вину изрече на святаго. Створившєся чудо велико да скажемъ: въ настоящую бо ночь великій князь Юрій Даниловичъ двѣма отъ слугъ своихъ повелѣ стрещи тѣлєсе святаго, и якоже начаша стрещи, прїятъ ихъ страхъ и ужасъ велїй, не могуще терпѣти отбѣгоша въ станы своя; и рано прїидоша^з, не обрѣтоша тѣлєси его святаго на дѣскѣ, но телѣга стояше и доска на ней одинако ужи^и привязана, тѣло же святаго о себѣ^и на единомъ мѣстѣ лежаше раною къ земли, и кровь многу изшедшую изъ язвъ^к, десная же рука его бѣ подъ лицемъ его, а лѣвая у язвы его, а порты одинако одѣнѣ. Преславно бо Господь прослави вѣрнаго раба своего князя Михаила; тако бо удиви^л, объ ночь лежа тѣло его на земли, а не прикоснуся ему ничтоже отъ звѣрїй, а множеству безчислену сущу: хранить бо Господь вся кости ихъ, ни едина же отъ нихъ не скрушится, смерть же грѣшникомъ люта^м; еже бысть незаконному и проклятому Кавгадыю, и не пробывъ убо ни единого лѣта и злѣ изверже окаанный животъ свой. Мнози же вѣрїи и отъ невѣрныхъ тоє ноци видѣша чудо преславно: два облака свѣтла всю ночь освѣняста надъ тѣломъ святаго, разступающєся и пакы сѣступающєся вмѣсто и сіяюще акы солнце. Наутрїа же глаголааху, яко святъ есть князь сїй и убїенъ неповинно, облакомъ бо симъ являетъ просвѣщенїе ангелское надъ нимъ; еже

а) отъ. только въ Ц. б) его стояща. стоаще (стояща) святаго на молитвѣ Ц. Б. Г. В. в) онъ же. пакы прибавл. Т. К. О. В. г) великому. великою Т. д) ти . . . отецъ. той и старѣйшїй намо отецъ князь великій К. ти старѣйши и какъ отецъ князь великій О. е) и се . . . его. нѣтъ въ О. ж) ужи. и ужищемъ К. з) прїидоша. пришедше и К. О. и) ужи. на досцѣ Т. Б. Г. В. і) о себѣ. особѣ К. О. к) и кровь. . . язвъ. и кровь многу изшедши изъ язвы К. л) и. нѣтъ въ Т. К. О. м) Псал. XXXIII, 21, 22.

исповѣдаша намъ со слезами и со многими клятвами, яко истина есть бывшее. И оттолѣ¹³¹⁹ посла тѣло блаженнаго въ Мождѣжчары съ своими бояры, и тамо слышавше гости знаеміи^{—20} ему и хотѣша прикрити плащаницами многоцѣнными тѣло его, съ честію и съ свѣщами славно въ церкви поставити; приставленіи же немилостивіи бояре не даша имъ ни видѣти блаженнаго, но со многою укоризною поставиша его въ единой хлѣвинѣ за сторожы. Но и ту прослави его Господь: мнози бо отъ различныхъ языкъ, живуще на мѣстѣ томъ, по вся нощи видяху столпъ огненъ сіяющъ отъ земля до небеси, инии же яко дугу небесную при-
кланяющюся надъ хлѣвину святого, идѣже лежитъ тѣло. И оттолѣ везоша его къ Бездѣжу, и яко приближившимся имъ ко граду, и мнози видѣвше изъ града около саней множество народа идяху съ свѣщами, а инии на конехъ^а съ фонари на въздухѣхъ ѣздяща; и тако привезоша ѣ въ градъ, и не сташа въ церкви, но въ дворѣ стрежахуть его. И се отъ стрѣгу-
щихъ единъ въ ночь възлеже верху саней сущихъ съ тѣлесемъ святого, и тако невидимо нѣкая сила сверже его далече съ саней святого; онъ же великою болѣзнію одва вста, и еле живу ему сущю, пришедше исповѣда ту сущему іереови бывшая ему, отъ негоже слышахомъ и написахомъ. И оттолѣ повезоша его въ Русь, везущимъ же имъ по городомъ по Русьскымъ, и доведшимъ Москвы положиша ѣ въ церкви святого Спаса въ монастыри; княгинѣ же и сыномъ его не вѣдущимъ ничтоже створшагося, далече бо бѣ земля и не бѣ кому вѣсти до-
нести. На другое же лѣто прииде въ Русь великій князь Юрій Даниловичъ на великое кня-
женіе, приведе съ собою князя Костянтина Михайловича и бояръ и слугъ отца его. И се увѣдавше княгини его Анна, и епископъ Варсонофей, и сынове его^б, послаша увѣдывати на Москву; посланіи же пріѣхавше и повѣдаша, яко князь Михайло убіенъ есть, и плакахуся на многи дни неутѣшно. Бывшую же великому князю Юрію Даниловичу въ Володимерѣ, посла къ нему князь Дмитрей Михайловичъ брата своего князя Александра, и бояръ своихъ, и едва умолиша князя великого Юрія Даниловича; онъ же повелѣ отъпустити тѣло блаженнаго. Они же послаша на Москву бояръ своихъ съ игумены и попы, и привезоша тѣло святого въ Тѣбрь со многою честію, и срътоша его сынове его, князь Дмитрей, князь Александръ, князь Василей, и княгини его Анна, по Волзѣ въ насадѣхъ, а епископъ Варсонофей со кре-
сты съ игумены и попы, и безчисленное множество народа срътоша его у святого Архангела Михаила на брезѣ; и отъ многого вопля не бѣше слышати поющихъ и не можаху донести раки^в къ церкви^г, и поставиша предъ враты церковными, и тако на многы часы плакаху, и едва внесоша въ церковь. И пѣвше надъ нимъ надгробное пѣніе, и положиша въ церкви святого Спаса^д на десной странѣ, еже бѣ самъ создалъ, посторонь преподобнаго епископа Семеона, мѣсяца сентября въ 6 день, на Чюдо Архангела Михаила. И се чудитѣ створи Богъ своею неизреченною милостію: изъ толь далечіе^е земли везено тѣло святого на телѣзѣ^и и^ж въ санѣхъ, и потомъ же тѣло святого лежало на Москвѣ лѣто все, и обрѣтесе тѣло все цѣло, а не истлѣвше; како удиви Богъ святыхъ своя угодники, пострадавшая за нь^з. А Кон-
чака и княгиню великую Юріеву^и привезоша въ Ростовъ. Великій князь Юрій Даниловичъ присла въ Новгородъ брата своего князя Аѳонасія, въ себе мѣсто на столѣ.

Въ лѣто 6828. Пріѣха изъ орды великій князь Юріе Даниловичъ въ Ростовъ, а оттолѣ

а) на конехъ. *пропущено въ Т.* б) и сынове его. *пропущено въ О.* в) раки. *блаженнаго прибавл. Ц. Б. Г. В.* г) къ церкви. *тѣсноты ради народа прибавл. К. О.* д) спаса. *въ гробѣ прибавлено въ К. О.* е) далечіе. *далечи Ц. Б. далече(и) О. В.* ж) на телѣзѣ и. *нѣтъ въ К.* з) за нь. *его же молитвами, христе боже нашъ, помилуй насъ, аминь прибавл. Ц. Б. Г. В.* и) а кончака. . . юріеву. *кончака (скончака) и юрьеву княгиню К. О.*

1330 иде къ Новугороду. Того же лѣта преставися князь Юріе Александровичъ Ростовскій. Тогда же быша въ Ростовѣ Татарове злые; людіе же Ростовскіе собравшися изгониша ихъ.

Въ лѣто 6829. Ходи великій князь Юрій Даниловичъ ратию ко Тѣбри на князя Дмитрія Михайловича, и прииде въ Переяславль съ полкъ, и ту присла князь Дмитрій Михайловичъ владыку Тѣбрского Варсонофія, и доконча миръ на 2000 сребра, а княженія великого князю Дмитрію не подымати. Того же лѣта, мѣсяца іюня^а въ 26, въ 3 часъ дни, погибе солнце, и бысть акы мѣсяць двою дній, и по единомъ часѣ наполнися. Того же лѣта преставися князь Борисъ Даниловичъ, а на зиму преставися князь Давыдъ Ярославскій.

Въ лѣто 6830. Преставися князь Аѳонасей братъ великого князя Юрія Даниловича, постригся въ чернцы; и положиша его у святаго Спаса въ Нередицахъ. Того же лѣта ходи въ орду князь Дмитрей Михайловичъ, и подъя великое княженіе подъ великимъ княземъ Юріемъ Даниловичемъ. Того же лѣта приходи на Русь отъ орды посолъ силенъ, со княземъ Иваномъ Даниловичемъ, именемъ Ахмылъ, и много пакости учини по Низовской земли и христیانъ много посѣче, и поиде въ орду; а князь великій Юріе Даниловичъ тогда бѣше въ Новѣгородѣ, и повелѣ пороки чинити. [Того же лѣта Нѣмци приходиша къ городу Корѣльскому, и отыдоша не взявше. К. О.] Того же лѣта поиде князь великій Юріе Даниловичъ съ Новгородци къ Выбору, городу Нѣмецкому, и биша шестію пороки, и избиша много Нѣмецъ въ городѣ, града же не взяша, бѣ бо крѣпокъ велми; а добрыхъ мужъ много паде. Князь же великій Юріе Даниловичъ прииде отъ Выбора и поиде на Низъ, и много глагола Новгородцемъ, да быша проводили его. Бывшу же ему на Урдомѣ, и ту князь Александръ Михайловичъ нападе на нь со Тѣбричи, князь же Юрій самъ убѣжа въ Псковъ, а казну его взяша, а во Псковѣ бѣше тогда Литовскій князь Давыдко; и оттолѣ его призваша Новгородци къ себѣ, по крестному цѣлованію.

Въ лѣто 6831. Ходиша Новгородци съ княземъ Юріемъ Даниловичемъ въ Неву, и поставиша городъ на усть Невы, на Орѣховомъ островѣ; ту же къ нему приходиша послы отъ Свѣйскаго короля, и взяша миръ вѣчный съ Новымъгородомъ по старинѣ. [Того же лѣта приходиша Нѣмци ратью къ Пскову, въ кораблѣхъ и въ лодьяхъ и на конѣхъ; и стояша у города 18 дній, пороки бьющи, города своя придвигивающи^б, а бьючи стѣну^в. И князь Давыдко поспѣ изъ Литвы, съ мужи своими и съ Псковичи ополчився, и прогна ихъ за Великую рѣку, а пороки и города ихъ поима; и ту убиша посадника Псковьскаго Селилу Алексича; и бѣгоша Нѣмци съ многымъ студомъ и срамомъ отъ града Пскова. Того же лѣта воеваша по Ловоти^г Литва; Новгородци же угониша и биша ихъ. Того же лѣта заратишася Новгородци съ Устюжаны, и изымаша Новгородцевъ, кто ходилъ на Югру, и ограбиша ихъ. К. О.]

Въ лѣто 6832. Иде великій князь Юрій Даниловичъ съ Новгородци на Заволочіе, и взя Устюгъ на щитъ, и поидоша на Двину; и ту прислаша послы своя князи Устюжскыя^д къ великому князю, и докончаша миръ по старой пошлинѣ. Великій князь Юріе Даниловичъ поиде въ орду, изъ Заволочія, по Камѣ по рѣцѣ. Тое же зимы преставися архіепископъ Новгородскій Давыдъ, и положиша его въ притворѣ святыя Софіи, подлѣ архіепископа Климента. [Того же лѣта Новгородци възлюбиша всѣ Богомъ назнаменана Моисѣя, преже бывша архимандрита святаго Георгія, и потомъ по воли съшелъ на Колмово въ свой монастырь;

а) іюня - исправлено по Новг. перв. Лѣт.; во вступѣ сп. іюля. б) придвиг. - подвигавуши К. в) стѣну - нтъ въ О, а въ К. ошибк. а буючину: см. Новг. четв. Лѣт. т. IV, 50. г) по ловоти - по волоти ошибк. О. д) устюжскыя - устюжскыя Т.

Новгородци же възведоша его на сѣни, и посадиша въ владычнѣ дворѣ, дондеже позоветъ 1324
его митрополитъ. К. О.] —27

Въ лѣто 6833. Поиде въ орду князь Дмитрей Михайловичъ Тѣбрьскій. Того же лѣта уби князь Дмитрей великого князя Юрія Даниловича Московского въ ордѣ; и привезоша его на Москву. Того же лѣта приѣха на Москву къ митрополиту Петру изъ Новагорода Моисей ставитися на владычество. И привезоша при немъ великого князя Юрія Даниловича изъ орды, внука великого князя Александра Ярославича, и положиша въ церкви святаго Архангела Михаила, на десной странѣ; пѣвше же надъ нимъ Петръ митрополитъ, и архіепискупъ Новгородскій Моисей, и Ростовскій владыка Прохоръ, и Тѣбрьскій владыка Варсонофей и Рязанскій владыка Григорей, въ субботу 1-ю поста великого, и плакася по немъ братъ его князь великій Иванъ Даниловичъ и вси людие. *Далѣе см. подъ тѣмъ же годомъ Новг. перв. Лѣт., т. III, стр. 73, отъ словъ:* убилъ бо и бѣше. . . безъ труда спасется. Княженія великого Юрія Даниловича 3 лѣта^а. Того же лѣта прииде изъ орды князь Александръ Михайловичъ, а Татарове съ нимъ должници; и много тяготы бысть земли Тѣбрьской.

Въ лѣто 6834. Приѣха въ Новгородъ архіепискупъ Моисей, а поставленъ бысть на Москвѣ, на вербной недѣли во вторникъ. Того же лѣта приѣхаша послы изъ Литвы: братъ великого князя Гедимена Воиній^б Полотъскій князь, и князь^в Василей Мѣньскій^г, и князь Ѳеодоръ Святъславичъ, и докончаша миръ съ Новгородци и съ Нѣмци. Того же лѣта родися сынъ великому князю Ивану Даниловичу князь Иванъ^д. Того же лѣта уби царь въ ордѣ, за великого князя Юрія Даниловича, князя Дмитрія Михайловича Тѣбрьского, на Кондраклѣ. Того же лѣта заложена бысть церкви камена святая Богородица, на Москвѣ, митрополитомъ Петромъ^е. Тое же зимы преставися пресвященный Петръ митрополитъ Кіевски и всея Руси, великій чудотворецъ, мѣсяца декабря въ 21^ж, и положенъ бысть въ церкви у святыя Богородица, иже самъ поча здати; тогда простилъ три^з человекъ болящіе, подають же исцѣленія честныя его мощи и до сего дни приходящимъ^и къ нему съ вѣрою.

Въ лѣто 6835. Присла великій князь Иванъ Даниловичъ намѣстники своя въ Новгородъ, а самъ поиде въ орду. Того же лѣта родися князь Андрѣй Ивановичъ. ¹Того же лѣта приѣха изъ орды посолъ сиденъ на Тѣбрь, именемъ Щолканъ . . . въ бесерменскую вѣру. *Отмѣченныя точками слова см. въ Новг. четв. Лѣт., стр. 50.* Силою Великого Спаса, и молитвою пречистые его Богоматере Владычица наша Богородица честнаго ея Успенія, и молитвою новоявленной святыхъ мученикъ князей^к Русьскыхъ Бориса и Глѣба, созва князь Тѣбритъ и поиде на Щолкана, рекъ. . . побѣже на сѣни. *См. въ Новг. четв. Лѣт., стр. 50.* Князь же Александръ зажже сѣни отца своего и дворъ, и сгорѣ Щолканъ и съ прочими Татары, а гостей Хопыльскихъ изсѣче. Бысть же^л на Успеніе святыя Богородица сія сѣча^н, мѣсяца августа въ 15. Того же лѣта поиде князь великій Иванъ Даниловичъ въ орду. А на зиму приидоша изъ орды на Русь 5 темниковъ великихъ князей ординскихъ, а съ ними князь великій Иванъ Даниловичъ, и поидоша ко Тѣбри, и взяша градъ Тѣбрь и Кашинъ, и

а) княженія . . . лѣта — княжи 3 лѣта великій князь юрьи даниловичъ К. О. б) воиній — воинъ В; *въ Новг. перв. Лѣт.* воини. в) и князь — и сынъ *ошибк.* Ц. г) мѣньскій — мѣстный *во всѣхъ сп. кромъ* К. О. д) иванъ — марта 30 *прибавл.* Ц. е) митрополитомъ петромъ — *пропущено въ* К. О. ж) дек. въ 21 — декабря въ 20 К. О. з) тогда . . . три — и тогда же простие *ошибк.* К. О. и) приходящимъ — приходящихъ Т. К. О. і) *Предъ симъ во всѣхъ сп. кромъ* О. *въ видѣ заглавія:* щолканова рать (щолкановщина). к) князей — царей К. О. л) бысть же — *се прибавл.* Т. К. О. м) сія сѣча — *нѣтъ въ* К. О.

1327 Новоторжскую волость пусту сътвориша, Новъ же городъ ублюде Богъ и святая Софія; а
—30 князь Александръ и братъ его князь Костянтинъ бѣгоша^а въ Псковъ. Въ Новъ же городъ послаша Татарове послы своя, Новгородци же даша имъ 2000 сребра, и своя послы съ ними послаша къ воеводамъ ихъ со множествомъ даровъ. Тогда же убиша Татарове князя Ивана Ярославича Рязаньского.

Княженіе великого князя Ивана Даниловича Московскаго. Въ лѣто 6836. Съде на великомъ княженіи великій князь Иванъ Даниловичъ, и бысть тишина велика христіаномъ по всей Русьской земли на многа лѣта. Того же лѣта пріѣха митрополитъ на Русь Гречинъ, именемъ Θεогностъ. Того же лѣта погорѣ Юріевъ градъ Нѣмецскій весь и божищны, и полаты каменныя падоша; и сгорѣ Нѣмецъ въ полатахъ 2000 и 500 и 30, а Руси 4 челоуѣки. Того же лѣта преставися князь Костянтинъ Ростовскій. Того же лѣта поиде князь великій Иванъ Даниловичъ и князь Костянтинъ Михайловичъ, а Новгородци послаша отъ себе Ѳедора Колесницу, и поидоша въ орду ко царевнѣ; и отпусти ихъ царь Озбикъ, и повелѣ искати князя Александра. И посла князь великій Иванъ Даниловичъ послы своя, а Новгородци отъ себе послаша владыку Моисея и Авраама тысяцскаго ко князю Александру въ Псковъ, веляще ему, дабы шелъ въ орду; онъ же не послуша ихъ.

Въ лѣто 6837. Пріѣха въ Новъгородъ на столъ князь великій Иванъ Даниловичъ, а внукъ великого князя Александра Ярославича, мѣсяца марта въ 26, на Сборъ Архангела Гаврила, а съ нимъ князи Тѣѣрьскіе, князь Костянтинъ и братъ его князь Василей Михайловичи, и князь Александръ Суздальскій, и иныхъ много князей Русьскихъ. Того же лѣта пріѣха въ Новъгородъ митрополитъ Θεогностъ Кіевскій и всея Руси. [Того же лѣта убиша въ Юрьевѣ Нѣмецкомъ Новгородскаго посла Ивана Сыпа, мужа честна. К. О.]

Въ лѣто 6838. Поставлена бысть, на Москвѣ, церкви каменная святый Спасъ. Того же лѣта вложися въ сердце княземъ Русьскимъ взискати князя Александра, повелѣніемъ окаянаго царя Озбика, и подъяша всю землю Русьскую; пріѣха великій князь Иванъ Даниловичъ въ Новъгородъ, бяху же съ нимъ князи Русьстїи и Тѣѣрьстїи князи, князь Костянтинъ и Василей^б, и князь Александръ Суздальскій, и подъяша Новгородцевъ. И посла князь великій Иванъ Даниловичъ боярина своего Луку Протасіева, а Новгородци послаша владыку Моисея и Авраама тысяцскаго во Псковъ, рекши князю Александру: «поиди въ орду, а не погуби крестіянъ отъ поганныхъ.» Отвѣща имъ князь Александръ: «се ли имъ любо, погании Тѣѣрь взяша, а людїи овыхъ плѣниша, а овыхъ мечи изсѣкоша?» и съжаливси въсхотѣ итти въ орду, рекъ: «единъ азъ да умру за всѣ христїяны.» И рекоша ему Псковичи: «не ѣзди въ орду; оже что будетъ на тебѣ^г, изомремъ съ тобою въ единомъ мѣстѣ.» И поиде князь великій Иванъ Даниловичъ со всѣми князи и съ Новгородци на Псковъ ратїю, и ста въ Опокахъ; увѣдавъ же^д не вынати, ни выгнати князя Александра изъ Пскова, и намолви митрополита Θεогноста, и посла митрополитъ проклятїе и отлученїе на князя Александра и на Псковичъ. Князь же Александръ рече Псковичемъ: «братїя и друзи! не буди на васъ^е проклятїя мене дѣля; ѣду изъ града вашего вонъ, не буди крестнаго цѣлованїя на мнѣ, ни моего на васъ,» и отѣха въ Литву. Псковичи же прислаша къ великому князю съ челоубитїемъ въ Опоку, и смиришася. Того же лѣта Псковичи поставиша городъ Изборскъ

а) бѣгоша • бѣжа во всѣхъ сп. кромѣ О. б) и василей • иванъ василей ошїбк. О. в) изсѣкоша • а иныхъ ножи изрѣзаша прибавл. К. О. г) на тебѣ • намъ то и тебѣ О. д) увѣдавъ же • увѣдавши въ прочїихъ сп. кромѣ К. О.; въ Новг. четв. Лѣт. (т. III, стр. 51) увѣдавъ оже. е) на васъ • насъ ошїбк. Т.

камень на Жаровѣ^а горѣ. Того же лѣта владыка Моисей^б соиде со владычества на Колмицю; 1330 [Новгородци же быша безъ владыкы 8 мѣсяць, и изведоша на сѣни Григорья Калику, по^{—31} па святаго Кузмы и Демьяна съ Холопыи улицы; и пострижеса въ черныци мѣсяца генваря въ 1, нареченъ бысть Василей. К. О.]

Въ лѣто 6839. Приѣхаша послы отъ митрополита изъ Волиньскыя земли въ Новѣгородъ, на страстной недѣли, и позваша Василя ставитися на владычество. Того же лѣта заложил владыка Василей городъ камень, отъ святаго Володимера до святыхъ Бориса и Глѣба, по той сторонѣ отъ Волхова. Того же лѣта, мѣсяца іюня, на Рожество Іоана Предтеча, поѣхал Василей въ^в Волиньскую землю на владычество ставитися, а съ нимъ бояре Кузма Твердиславль, Олфромѣй^г Остафіевъ, сынъ тысячскаго; и ѣхаша на Литовскую землю, и князь Гедименъ изымал ихъ на миру. И въ таковѣй тяготѣ слово право дали сыну его Наримонту, пригороды Новгородскія: Ладогу, Орѣховъ городокъ, Корѣльскій городокъ^д, Корѣльскую землю, половину Копоріи, въ вотчину и дѣдину и его дѣтемъ. И тако приѣхаша отътолѣ въ Володимеръ Волиньскій, и поставил митрополитъ Теофноста владыку Василя Великому Новгороду архіепископа въ церкви святыя Богородица, мѣсяца августа, на память святаго Апостола Тита; [а коли митрополитъ Теофностъ ставилъ Василя владыку, а съ нимъ были на ставленіи 5 владыкъ, Григорей Полотскій, Аѳонасей Володимерскій, Теофдоръ Галичскій, Марко Перемышльскій, Иванъ Холмскій. К. О.] Въ то же время явился звѣзда свѣтла надъ церковію, стояше весь день свѣтятся. Въ то же время приѣхаша послы изъ Пскова, отъ князя Александра, и отъ Гедимена, и отъ всѣхъ князей Литовскихъ, къ митрополиту Теофносту Кіевскому и всея Руси, и приведоша съ собою Арсенія, хотяще его поставити на владычество въ Псковъ, не потворивше Новгорода ни вочто же, възнесшеся высокоуміемъ своимъ; но Богъ всегда низлагаетъ высокія мысли, зане Псковичи измѣнили крестное цѣлованіе къ Новгороду, посадили^е себѣ князя Александра на княженіе изъ Литовскіе^ж руки. Арсеній же поѣхалъ съ Псковичи, посрамленъ отъ митрополита, изъ Волиньскыя земли на Кіевъ; а владыка Василей поѣхал отъ митрополита^з мѣсяца сентября въ 1 день^и, и оттудѣ поѣхал на Кіевъ, бояся Литвы, и ѣхалъ вбортѣ, митрополитъ же Теофностъ посла слугу своего за владыкою съ грамотою къ нему и къ бояромъ: «отпустилъ на васъ князь 300 человекъ Литвы, велѣлъ изымати,» и они¹ того убѣждали. И приѣхаша подъ Черниговъ, и ту наученіемъ діаволимъ пригнася князь Оѣдоръ Кіевскій съ баскаки въ 50 человекъ разбоемъ, Новгородци же остерегошася и стахъ доспѣвъ противу себе, мало кровопролитія не учинилося промежи ими, нолни наши окупъ съ себе дахъ; а Ратьслава протодіакона митрополита изымавъ^к въ Кіевъ повели, а чрезъ цѣлованіе; а князь въспрѣмъ срамъ отъѣхал прочь, но отъ Бога казни не убѣжа, помроша копи у него. И оттолѣ поѣхал владыка на Брянскъ, и приѣхал въ Торжекъ мѣсяца ноября въ 3, а въ Новѣгородѣ печални быша, занеже вѣсти не бѣ про нихъ, но слышати^л яко владыку Литва няли, а бояръ иже съ нимъ быша побили^м. И приѣхал владыка и съ бояры въ Новѣгородъ^н, при великомъ князи Иванѣ Даниловичѣ. Того же

а) на жаровѣ - на жаравѣ *вездѣ кромѣ* Т. В. б) моисей - пострижеса въ скыму и *прибавл.* К. О. в) въ - на Т. г) олфромѣй - оѣремѣй К. оѣромей О. д) корѣльскій городокъ - *пропущено въ Ц.* е) посадили - послали *ошибк.* К. О. ж) литовскіе - земли *прибавл.* Ц. з) митрополита - изъ волиньской земли *прибавл.* К. О. и) въ 1 день - на память святаго отца семеона столпника *прибавл.* К. О. і) и они - и иніи К. иніи *въ прочихъ сп.* к) изымавъ - има Т. има Ц. Б. Г. О. имавъ В. л) но слышати - но слышали Ц. м) побили - а тѣхъ побили К. О. н) въ новѣгородѣ - декабря въ 8, при вел. кн. иванѣ даниловичи. при посадникѣ оѣромѣи, при тысячскомъ еустаѣи, ради бѣхомъ *прибавл.* К. О.

1331 лѣта князь Иванъ Даниловичъ поиде въ орду, а съ нимъ князь Костянтинъ Михайловичъ —³⁷ Тѣрьскій.

Въ лѣто 6840. Прииде изъ орды великій князь Иванъ Даниловичъ и възверже гнѣвъ на Новѣгородъ, прося у нихъ серебра Закамьского, и въ томъ взя Торжекъ и Бѣжицкій Верхъ. [Того же лѣта гладъ бысть по всей земли великъ. Ц.] Того же лѣта преставися князь Александръ Василіевичъ Суздальскій.

Въ лѣто 6841. Ъзидѣ владыка Василей въ Псковъ, и крестилъ у князя Александра сына князя Михаила. Того же лѣта приѣха князь Наримонтъ Гедименовичъ, нареченый въ крещеніи Глѣбъ; приѣха въ Новѣгородъ на пригороды, что ему ркли въ Литвѣ, и цѣлова крестъ къ Новугороду^а. Митрополитъ Оеогностъ приѣха на Москву, а былъ во Царигородѣ и въ ордѣ. На ту же зиму великій князь Иванъ Даниловичъ прииде въ Торжекъ, со всѣми князи Низовскими, и присла въ Новѣгородъ, намѣстники своя сведе, а самъ сѣдѣ въ Торжку отъ Крещенія нолны до Сбора, волость воюючи Новогородскую; Новогородци же послаша послы своя къ великому князю съ челобитіемъ, архимандрита Лаврентія, и Оедора Твердиславича, и Луку Офромѣева, зовучи его на столъ въ Новѣгородъ; великій же князь Иванъ Даниловичъ челобитія ихъ не прія, а миру не да, и поѣха на Низъ. Того же лѣта взяша Новогородци миръ съ великимъ княземъ Иваномъ Даниловичемъ.

Въ лѣто 6842^б. Приѣха въ Новѣгородъ великій князь Иванъ Даниловичъ.

Въ лѣто 6843^в. Великій князь Иванъ Даниловичъ приѣха въ Торжекъ, и воеваша Литва на миру Новоторжскую волость; и посла князь Иванъ Даниловичъ рать свою, и пожже городки Литовскіе, Осѣченъ, Рясну и иные городки.

Въ лѣто 6844. Поиде въ орду великій князь Иванъ Даниловичъ. Того же лѣта выиде изъ орды князь Оедоръ Александровичъ.

Въ лѣто 6845. [Придоша Нѣмци къ Корѣльскому городу съ многою силою; бяше въ городѣ тогда воевода Валитъ Корѣлянинъ, и dospѣ Валитъ перевѣтъ съ Нѣмци и предавъ городъ Нѣмцамъ; Нѣмци же начаша городомъ владѣти. Новогородци же увѣдавши, съ всею силою своею сташа подъ городомъ іюля въ 3 день, въ осмый же день приступиша къ городу; и Валитъ dospѣ перевѣтъ къ Новогородцемъ, и отвори городъ, Новогородци же взяша свой городъ іюля въ 8, въ полѣдни, а Нѣмецъ избиша, а иныхъ извѣшаша. К. О.]^г Въ той же мѣсяцъ, іюля въ 8, въ полѣдни^д, явися знаменіе: въ церкви святыхъ Троицы, на Рядитинѣ улицѣ, стукну, и вниде сторожъ видѣти бывшее, и се икона святая Богородица, держаща^е Бога на руку, стояща^ж надъ дверми отъ сѣверныхъ страны на другомъ поясѣ, и тако^з въ той^и часть въ полѣдни^и спиде съ высоты и ста о себѣ, ничимъ же подержима, ни стѣною, и быша слезы изъ очію ея. О великое чюдо, како изъ суха древа слезамъ быти! но се вѣдомо есть Богъ прославляетъ свою Матерь, и молитву ея приѣмлетъ, градъ спасаетъ. И въ той^и часть призваша владыку Василія, и сотвориша кивотъ и поставиша икону въ кивотѣ^к; и сѣтвориша праздникъ на память святаго мученика Прокопія. Того же лѣта князь Александръ Михайловичъ поиде въ орду изъ Пскова; а былъ въ Псковѣ 10 лѣтъ. [Того же лѣта Корѣла подвѣдши Нѣмецъ, и побиша Русь, Новогородцевъ много и Ладожанъ гостей, и кто

а) къ новугороду. мѣсяца октобріа (октябріа) прибавл. К. О. б) въ л. 6842. 43 (т. е. въ лѣто) Ц. в) въ л. 6843. нѣтъ въ Ц. г) За сѣмъ въ К. О. въ видѣ заглавія: чюдо св. богородица о яконѣ. д) въ полѣдни. только въ К. О. е) держаща. держаще Т. ж) стояща. стояще(и) Т. В. стояще К. О. з) и тако. и та (и тако) икона Ц. В. и) въ той часть въ полѣдни. о полдне К. О. і) въ той. воть вездѣ кромѣ В. к) и сотвориша. . . въ кивотѣ. пропушено въ Ц.

жилъ крестьянъ въ Корѣлѣ; а сами Нѣмци поѣхали въ Нѣмецкыя городки, и потомъ много ¹³³⁷ побиша крестьянъ изъ Нѣмецкихъ городковъ^а. К. О.] —39

Въ лѣто 6846. [Вздиша Новгородци съ посадникомъ Ѳеодоромъ въ Неву, и стояша подѣ Орѣховымъ, съсылаючися съ воеводою Нѣмецкимъ съ Стенемъ послы; и не бысть миру, и тако възвратишася Новгородци въ Новѣгородъ. И воеваша Нѣмци съ Корѣлою много по Овонѣжью, послѣже и Ладогу пожгоша; пригонивше пожгоша посадъ, а Новгорода не взяша^б. Того же лѣта приходиша Нѣмци изъ городка на Толгоду воевати, и оттолѣ хотяху на Вольскую землю, и не взяша ничтоже, остерегли бо ся бѣше; но вышедше Копорьяне съ Ѳеодоромъ Васильевичемъ, и биша ѿ, и убиша ту Михѣя Копорьянина, челоуѣка добра, а подѣ Ѳеодоромъ конь подколоша, но самому не бысть пакости, выѣхалъ бо бѣше въмалѣ. К. О.] Князь Наримонтъ бѣше въ Литвѣ, и много Новгородци посылаша по него, онъ же не поѣха, но и сына своего выведе изъ Орѣхова князя Александра, токмо намѣстники своя остави. Того же лѣта прииде князь Александръ Михайловичъ изъ орды, пожалованъ царемъ Озбякомъ вотчиною своею Тѣбрію; и посла въ Псковъ, выведе княгину свою и дѣти къ себѣ во Тѣбрь. *Далѣе см. Новг. перв. Лѣт., т. III, стр. 78 — 79, отъ словъ:* то же зимы послаша послы . . . послати къ Свѣйскому князю (къ Свѣйскому местерю за море); *сѣмъ слова нахо- дятся только въ К. О.*

Въ лѣто 6847. Ходилъ князь великій Иванъ Даниловичъ въ орду, и его же думою присла царь послы на Русь^в, и позваша князя Александра Михайловича, и князя Василия Давыдовича Ярославского, и всѣхъ князей; князь же Александръ посла напередъ себе въ орду сына своего князя Ѳеодора, чая оттуду вѣсти. И присла царь по него, князь же Александръ поиде, и князь Василей Давыдовичъ съ нимъ Ярославскій, на нь же^г посла великій князь Иванъ Даниловичъ, тестъ его, въ пяти сотъ челоуѣкъ переимати, но отбися ихъ; уже бо бѣше великій князь Иванъ Даниловичъ вышелъ изъ орды, и послаша къ нему Новгородци отъ себе послы. Того же лѣта бысть знаменіе, мѣсяца августа въ 13, у святаго Лазаря: отъ иконы святыя Богородица, на вечерни, изъ обою очію яко слезы течаху; и подставиша двѣ воцаници, наутрія же увѣдавше весь городъ^д, игумены и попове со кресты и въ ризахъ ходиша видѣти бывшаго. [Того же лѣта послаша Новгородци Кузму Твердиславля и Александра Борисовича со инѣми бояры, а отъ владыкы сестричича его Матѣея, за море къ Свѣйскому местерю посольствомъ, и наѣхаша его въ Мурманской земли, въ городѣ Людивлѣ, и докончаша миръ по старымъ грамотамъ; а про Корѣлу тако рекоша: «оже къ вамъ бѣжаты наши, сѣките ихъ или вѣшайте, или ваши къ намъ, такоже сътворимъ имъ, да не лѣстятъ промежи нами; а сѣхъ не выдадимъ, крещени суть въ нашу вѣру, а и безъ того мало бѣ ихъ осталось, но то всѣ помроша гнѣвомъ Божиимъ, занеже отверглися вѣры крестьянскыя.» К. О.] Къ великому князю Ивану Даниловичю послаша Новгородци Силиверста Волошовича и Ѳеодора Авраамовича съ выходомъ; великій же князь Иванъ Даниловичъ присла послы своя въ Новѣгородъ, прося другаго выхода: «аще^е дадите ми запросъ царевъ, чего у мене царь запрошалъ?» Новгородци же рѣша: «того не бывало отъ начала міру; а ты, господине, цѣловалъ крестъ къ Новугороду, по старой пошлинѣ Новгородской, по грамотамъ прадѣда своего великого князя Ярослава Володимировича.» Того же лѣта, мѣсяца октября въ 29,

а) и потомъ. . . городковъ. *нѣтъ въ К.* б) а новгорода не взяша; *въ Новг. перв. Лѣт., стр. 78, сказано нь города не взяша, т. е. Ладожскаго городка, или укрѣпленія.* в) на русь. татарскыя прибавл. К. О. г) на нь же. на него же К. О. д) весь городъ. вси гражане К. О. е) аще. а еще *такъ въ Новг. перв. Лѣт. стр. 79.*

1339 убиша въ ордѣ окааніи Татарове князя Александра Михайловича Тѣрського и сына его князя —⁴¹ Теодора, повелѣніемъ безбожнаго царя Озбѣка; призвалъ бо бѣше его съ лестію, рекъ тако: «хочю тя жаловати;» оному же послушавшу поганого лестивыхъ словесъ, и пришедша убіена быста, приѣмша^а горкую, нужную смерть за христіанскую вѣру. Тое же зимы великій князь Иванъ Даниловичъ сведе намѣстники своя изъ Новагорода, и не бѣ ему миру съ Новымъ-городомъ.

Годъ 6848 с.м. въ Новѣ. четвертой Лѣт., т. IV, стр. 55. Слова: выиде изъ орды Товлу-бій . . . ничимъ же неврежена бысть. За тѣмъ: Того же лѣта, на зиму, мѣсяца декабря въ 6, на память святаго великого отца Николы архіепископа Мурьскаго, убиша Брянци князя Глѣба Святославича; въ то же время и митрополитъ былъ въ Бряньскѣ^б, и не възможе уняти ихъ, но выведше изъ церкви святаго Николы и убиша и^в.

Въ лѣто 6849. Преставися великій князь Иванъ Даниловичъ, мѣсяца марта въ 31, княживъ на великомъ княженіи лѣтъ 18, и положенъ бысть въ церкви святаго Архангела Михаила^г на Москвѣ, а преставися въ чернцѣхъ и въ скимѣ. И поидоша всѣ князи Русьскыя въ орду: князь Семенъ Ивановичъ, сынъ великого князя Ивана Даниловича, князь Василей Давыдовичъ Ярославскій, князь Костянтинъ Тѣрський, князь Костянтинъ Василіевичъ Суздальскій и со иными князи Русьскими. Того же лѣта ходили Новгородци на Устьюжну^д, и повоеваша, и градъ пожегше възвратишася; они же угонивше, у лодейниковъ полонъ отъѣша и товаръ свой. [Того же лѣта, мѣсяца сентябрія въ 9, убиша Нѣмци въ Латыголтѣ^е, на селѣ на Опочнѣ, пословъ Псковскихъ 5 мужъ, Михаила Любѣнова съ дружиною^ж, на миру, и Псковичи же ѣхавши съ княземъ Александромъ Всеволодичемъ, и повоеваша Латыголу; и князь Александръ учинивъ розмирье съ Нѣмци, и поѣха прочь. К. О.]

Княженіе великого князя Семена Ивановича Московскаго. Тое же осени выиде изъ орды на великое княженіе князь великій Семенъ Ивановичъ, а съ нимъ братья^з его князь Иванъ Ивановичъ да князь Андрѣй, и всѣ князи Русьскыя даны ему въ руцѣ, и сѣде на столѣ въ Володимери. Того же лѣта приходи рать къ Можайску Литовская, города не взяша, а посадъ пожгоша. А Нѣмци приходиша со всею силою своею, и поставиша Новый городокъ на рѣцѣ на Пижвѣ, на Псковской земли. Того же лѣта князь великій Семенъ Ивановичъ насла на Торжекъ дани брати бояръ своихъ, и начаша сильно дѣяти; Новоторжци же прислаша въ Новъгородъ съ поклономъ, они же послаша къ нимъ Матеѣя Олфромѣевича, Терентія Даниловича съ братомъ, Офромѣя посадника сына Остафіева, Фелора Авраамова; они же^и изгониша Торжекъ безъ вѣсти, и намѣстниковъ изнимаша, князя Михаила Давыдовича^и, Ивана Рыпкина^к сына борцева^д, Бориса Семенова и жены ихъ и дѣти, и сковаша ихъ; и сѣдѣша въ Торжку мѣсяць, городъ утвердивше, а къ великому князю послаша напередъ того посла изъ Новагорода Кузьму Твердиславля съ жалобами: «еще, господине, на столѣ въ Новъгородѣ не сѣлъ еси унасъ, а уже бояре твои сильно дѣютъ.» Бояре же^н Новогородскіе изъ Торжку послаша въ Новъгородъ помочи дѣля, чтобы ѣхали въ Торжекъ; и не възхотѣ чернь. Посемъ же видѣвше Новоторжци, яко изъ Новагорода не бысть рати болѣ того, и

а) приѣмша - приѣмши(е) во всѣхъ сп. кромѣ Ц. б) въ бряньскѣ - въ брянци вездѣ кромѣ К. О. в) и - илѣ въ Т. г) михаила - великаго прибав. Т. К. О. д) устьюжну - воевати прибав. К. О. е) въ латыг. - въ латыголтѣ О. ж) съ дружиною - съ другы О. з) братья - братъ вездѣ кромѣ К. О. и) они же - и приѣхавъ вбораѣ К. О. и) давыдовича - даниловича Б. Г. к) рыпкина - рытмина Ц. Б. Г. л) ивана рыпк. сына борцева; въ Новѣ. перв. Лѣт., стр. 80, читается ивана рыбина сына, и борцеи: см. ниже слова борци. м) бояре же - твои прибав. Ц. Б. Г.

всташа чернь на бояръ, а ркучи: «почто есте призвали Новгородцевъ, и они князей изни-1341
мали? а намъ въ томъ погибнути;» и скрутившися въ броня, нашедше силою на дворы, и —42
вынимаша у воеводъ намѣстники великого князя, и борци и жены ихъ, а Новгородцевъ вы-
проводиша изъ города; а бояре Новоторжскыя прибѣжаша въ Новѣгородъ толко душею кто
успѣлъ, а дома ихъ разграбиша и хоромы развозиша, а Семена Внука убиша на вѣчѣ, и
села ихъ пусты учиниша. Тое же зимы великій князь Семенъ Ивановичъ прииде ратию въ
Торжекъ, со всею Низовскою землею, Новгородци же почаша^а всю волость копяти Нового-
родскую въ городъ, а къ великому князю Семену Ивановичю послаша послы съ челоби-
тіемъ, владыку Василя и Аврама тысячскаго съ иными бояры; и докончаша миръ по ста-
рымъ грамотамъ^б, и крестъ цѣлова къ нимъ, а великому князю Семену Ивановичю дали
боръ^в по всѣмъ волостемъ Новгородскимъ, да 1000 рублевъ на Новоторжцѣхъ; бысть же
ту и митрополитъ съ великимъ княземъ, и посла великій князь Семенъ Ивановичъ намѣстники
своя въ Новѣгородъ. Тое же зимы приѣхъ митрополитъ Феогностъ въ Новѣгородъ съ многими
людми, и тяжко бысть владыцѣ и монастыремъ кормомъ и дары. Тое же зимы умре пога-
ный царь Озбѣкъ. Тое же зимы умре Гедименъ князь Литовскій^г. Тое же зимы приѣхъ въ
Новѣгородъ княжичъ Михайло Александровичъ ко владыцѣ, сынъ крестной, грамотѣ учиться.

Въ лѣто 6850. Псковичи отвергшися Новагорода и великого князя Московскаго, и по-
слаша послы своя въ Видѣбескъ, къ великому князю Олгерду^д Гедименовичю Литовскому,
помочи просити, а на Новѣгородъ лжу вскладывая: «братія наша Новгородци не помогаютъ
намъ; помози намъ, господине, въ се время, великій княже Олгерде. «Онъ же пріѣхъ
челобитіе, и посла къ нимъ напередъ себя воеводу своего князя Юрія Витовтовича, а самъ
съ братомъ своимъ Кестутіемъ и съ Литвою приѣхъ въ помощь Псковичемъ; приведе съ
собою и сына своего князя Андрѣя, тако бо бѣше ему имя молитвенное, но еще бѣше не
крещенъ. Великій же князь Олгердъ посла князя Юрія Витовтовича къ Новому городку
языка добывати,^е онъ же пойма Псковичъ рѣзвыхъ людей и поѣхъ, срѣте великую рать
Нѣмецкую, оже идутъ къ Изборску; и туто убиша Нѣмци Псковичъ и Изборянь 60 че-
ловѣкъ, на Мекужичскомъ полѣ, у рѣки у Мекужици, а князь Юрій прибѣжа въ Изборескъ
въ малѣ дружинѣ. Наутріе же приидоша Нѣмци подъ городъ Изборескъ съ силою великою,
съ пороки и со многимъ замышленіемъ, и оступиша градъ, хотя плѣнити домъ^ж святаго
Николы; а Олгердъ и Кестутей повелѣша своей Литвѣ, и Видляномъ, и Псковичемъ бро-
дирися за Великую рѣку, а не вѣдаючи подъ Изборскомъ рати Нѣмецкыя. Они же пере-
бродишася и сташа станомъ на Камлѣ,^з а великій князь Олгердъ посла свою Литву въ
сторожѣхъ предъ полкы; они же ѣхавше, и яша языкъ Нѣмецкыя рати за Холохолномъ,
и приведоша ко Олгерду, онъ же повѣда силу велику Нѣмецкыя рати подъ Изборскомъ.
Олгердъ же и Кестутей повелѣша своей Литвѣ бродирися за Великую рѣку опять въ Псковъ,
такоже и Псковичи перебродилися за Великую рѣку, блудучи своихъ домовъ и женъ и
дѣтей отъ Литвы. А Олгердъ и Кестутей оставшася назади съ малою дружиною, со Пско-
вичи и съ Литвою, и поѣхаша въ Грамское^и болото, и начаша перепытывати Нѣмецкыя
рати; и Любко князь Литовской, Воиневъ^и сынъ Полотскаго князя, самъдругъ отѣхъ отъ

а) почаша. послаша Б. Г. В. б) съ иными . . . грамотамъ. *пропущено въ К.* в) боръ. поборъ К. О.
г) тое же зимы умре гедименъ . . . литовскій. *пропущено въ К.* д) олгерду. олгорду такъ и ниже Т.
е) добывати. не добывати *ошлб.* Б. Г. ж) домъ. градъ и домъ Ц. Б. Г. В. з) на камлѣ. на камнѣ К. О.
на камлѣ В. и) въ грамское. въ грамское Т. і) воиневъ. воиненъ *вездѣ кроуъ* К. О; *см. Новг. четв.*
и Псковск. перв. Лѣт., стр. 56 и 188.

1342 Олгерда, и вѣхаша въ сторожевыя полки Нѣмецскыя не вѣдаючи, и ту его убиша, и бысть
 —⁴⁵ Олгерду и Кестутію и инымъ княземъ скорбь и печаль велика о немъ. А въ то время при-
 тужно бѣше Избореску, и прислаша гонецъ въ Псковъ со многою тугою и печалію; Олгердъ
 же и Кестутей съ своею Литвою отрекошася поити противу Нѣмецскыя рати^а, а Псковичи
 чемъ однимъ не мощно бѣ пособи Изборяномъ. И стояша Нѣмцы подъ Изборьскомъ 10 дній,
 и воду отъяша отъ Изборянъ; и помощію святыя Троица и молитвою святаго Николы отъи-
 доша Нѣмцы прочь, и пороки пожегше^б и весь запасъ свой, не вѣдающе, аже въ Изборьскѣ
 воды нѣту; но Богъ храняше градъ и люди ту суцая въ немъ, а поганымъ вложи Богъ въ
 сердце страхъ и обрати я на побѣгъ. Тогда же Псковичи много молишася Олгерду, дабы
 крестился, и на княженіе его хотяще посадити^в въ Псковѣ, онъ же отречеся креститися и
 княженія Псковского; и крестивъ сына его князя Андрѣя, въ соборной церкви, и посадиша
 его Псковичи у себе на княженіи, а надѣяся помочи отъ Олгерда, а Олгердъ и братъ его
 Кестутей поѣхаша со всею силою Литовскою въ землю свою, а помочи никоеяже не учинивше
 Пскову, толко учиниша пусто по селомъ, около Пскова все потравиша^г. Видѣвше же Пско-
 вичи, что имъ помочи отъ Литвы нѣтъ, и положиша упованіе на Бога и на святую Богоро-
 дицу, и на молитву великого князя Всеволода и князя Домонта, нареченнаго Тимоѣя, и
 добиша челомъ Новгороду, и тако смиришася. [Того же лѣта биша Псковичи Нѣмецъ, уго-
 нивше подъ Новымъ городкомъ подъ ихъ, и убиша ихъ 300, а сами всѣ здоровы. К. О.]
 Того же лѣта князь Семенъ Ивановичъ ходи въ орду къ поганому царю Зянибѣку, еже бѣ
 сѣлъ на царствѣ, убивъ два брата свои; и прииде великій князь опять въ Русь.

Въ лѣто 6851. [Поидоша Псковичи съ Остафіемъ въ 5000 мужъ къ Нѣмецкому городу
 къ Медвѣжьей Головѣ, и воеваша Псковичи 8 денъ; и бысть на озерѣ на Осетренцѣ^д, на
 Сшествіе святаго Духа, нагониша Нѣмцы и поставиша полки противу Псковичъ, и Пско-
 вичи стаха противу имъ, и сразишася полци, и бысть сѣча зла; и пособи Богъ князю Оста-
 фію и Псковичемъ, и убиша у нихъ местеря и Велневичъ много побивъ; а Псковичъ убиша^е,
 посадника Кормана, Кира, Олферія, и иныхъ много бояръ, а посадникъ Данило, обрѣзавъ
 брони на себѣ, побѣжа. К. О.] Феогностъ митрополитъ Кіевскій и всея Руси ходилъ въ орду,
 къ поганому царю Зянибѣку, за причетъ церковный, и обадиша его, а самого яша и мучиша
 его^ж, а ркучи тако; «давай дань полѣтнюю;» онъ же въ то не вѣдася, и положи посула шесть
 сотъ рублевъ, и выиде на Русь здоровъ. Того же лѣта поставлена бысть церкви камена на
 Городицѣ святое Благовѣщеніе, повелѣніемъ великого князя Семена Ивановича, августа мѣ-
 сяца въ 8, а священа бысть того же мѣсяца въ 24 архіепископомъ Васиіемъ.

Въ лѣто 6852. [Бысть мятежъ въ Нѣмцѣхъ великъ: избиша Чюдь своихъ бояръ земь-
 скыхъ, и въ Колываньской земли и въ Ругодивьской земли 300 ихъ; и потомъ стаха на
 нихъ Велневичи и Юрьевци, и избиша Чюдь 14.000, а избытокъ ихъ убѣжа въ Островскую
 землю, и тамо по нихъ ходиша Велневичи въ Островскую землю и ихъ не взяша, но сами
 биты отъидоша. К. О.] Въ лѣто 6853. Олгердъ, великій князь Литовскій, и Кестутей братъ
 его изгониша городъ Вилну, а князь Евнутей перевержеся чрезъ стѣну городную и бѣжа на
 Москву, и крести его великій князь Семенъ Ивановичъ, и наречено бысть имя ему Иванъ;
 а Наримонтъ бѣжа въ орду. Того же лѣта преставися князь Василей Давыдовичъ Ярославскій.

а) рати — силы К. О. б) пожегше — пожгоша Ц. В. в) посадити — поставити К. О. В. г) потравиша —
 пограбиша В. д) на осетренцѣ — на острѣчѣ такъ въ Нов. четв. Лѣт. (т. IV, стр. 57). е) а псковичъ
 убиша — пропущено въ К. О.; дополнено изъ Нов. четв. Лѣт. стр. 57. ж) мучиша его — умучиша К. О.

Тое же зимы^а преставися князь Василей Ярославичь Муромскій. Того же лѣта, мѣсяца сеп-¹³⁴⁵тября въ 6^б, вѣста угъ вѣтръ съ снѣгомъ, и внесе ледъ изъ озера въ Волховъ, и выдра 7^{—47} городень великого мосту^в.

Въ лѣто 6854. Ъздилъ владыка Василей на Москву, звати великого князя Семена Ивановича въ Новѣгородъ на столъ. Того же лѣта казнъ бысть отъ Бога подъ восточною стра-
ною на городъ Орначъ, и на Хозтороканъ, и на Сарай: моръ бысть на бесермень силенъ,
яко не мочи ихъ ни погребати; якоже преже казни Богъ Египтяны, тако и сихъ казни. Того
же лѣта великій князь Олгердъ Литовскій и братъ его Кестутей придоша со всею Литов-
скою землею, и стаха на Шелонѣ, на усть Пшагы рѣкы, а позывая Новгородцевъ: «хочю
съ вами битися и воевати города и волости, занеже ми лаялъ посадникъ вашъ Остафей
Дворянинцевъ, назвалъ мя псомъ;» и взя Шелону и до Голинъ и Лугу до Сабля, а съ Пор-
ховскаго городка взя окупъ 300 рублевъ. И Новгородци выѣхаша противу его до Луга^г и
въспятишася въ городъ, и созвониша вѣче на Ярославѣ дворѣ у святаго Николы, и убиша
посадника Остафія Дворянинцева на вѣчѣ, а ркучи: «яко въ тебѣ волости наши пойманы
отъ Литвы.» Тое же зимы пріѣха въ Новгородъ князь великій Семенъ Ивановичъ, и сѣде на
столѣ на Сборѣ; и побывъ въ Новѣгородѣ 3 недѣли, и поѣха на Низъ.

Въ лѣто 6855. Бысть бой Нѣмцемъ съ Литвою на Стравѣ^д рѣцѣ, и побиша Литвы 40
тысячъ. Того же лѣта присла Магнушъ король Свѣйскій, въ Новѣгородъ, къ Новгородско-
му владыцѣ Василию и ко всѣмъ Новгородцемъ послы своя черньци, а ркучи: «пошлите на
сѣздъ свои философи, а язъ свои, ать поговорять про вѣру, и увѣдаемъ чія будетъ вѣра
лучши: оже будетъ ваша вѣра лучши, и азъ въ вашу вѣру иду, а будетъ наша вѣра лучши,
и вы поидите въ нашу вѣру, будемъ всѣ заодно; или не поидете въ мою вѣру, или въ
одиначество, хоцю ити на васъ со всею силою своею.» Владыка же Василей отвѣща съ
Новгородци королю Магнушу: «оже хоцеша увѣдати, которая вѣра лучши, наша или ваша,
пошли въ Царѣгородъ къ патріарху, занеже мы пріяли отъ Грекъ православную вѣру, а съ
тобою не спираемся про вѣру; а которая обида будетъ промежи насъ, и мы къ тебѣ пошлемъ
о томъ^е на сѣздъ.» Послаша Новгородци на сѣздъ ко Свѣйскому королю Магнушу Авраама
тысяцкаго, и Кузму Твердиславля, и иныхъ бояръ; Авраамъ же пріѣха съ своими други
въ Орѣховецъ, и хотѣ ѣхати къ королю Магнушу, а Магнушъ тогда былъ въ Березовѣ
островѣ со всею силою своею, Орѣховци же биша челомъ Аврааму, чтобы не ѣхалъ отъ
нихъ изъ городка, Кузма же поѣха къ королю. Король же Магнушъ отвѣща Аврааму и Кузмѣ:
«обиды ми съ вами нѣтъ некоторые, но поидите въ мою вѣру, а не поидете^ж, иду на васъ
со всею силою моею,» и отпусти ихъ. Доѣхавшимъ же имъ Орѣховца и затворишася въ
городкѣ всѣ, Магнушъ же пріѣха къ Орѣховцу, и приступи ко граду со всею силою своею,
и Ижеру^з почалъ крестити въ свою вѣру, а которые не крестятся, а на тѣхъ рать роспу-
стилъ и на Водь. Новгородци же слышавше, и послаша противу имъ на Водьскую землю
Онцифора Лукинича, Якова Хотова, Михаила Фефилатова, а съ ними четыре ста рати; они
же наѣхавше Нѣмецъ и бишася съ ними^и, и убиша отъ Нѣмецъ 500, а иныхъ изнимаша, а
перевѣтниковъ казниша, Новгородцевъ же убиша 3 человекы. Бысть же бой си на Жабчѣ

а) тое же зимы. того же лѣта К. О. б) въ 6. на чудо святаго архангела михаила *прибавл.* К. О.

в) мосту. о обѣдѣ *прибавл.* К. О. г) до луга. на лугу К. О. д) на стравѣ. на стерявѣ Т. на стравѣ В.

е) пошлемъ о томъ. отъшлемъ Т. К. О. ж) а не поидете. въ мою вѣру *прибавл.* К. О. з) и ижеру. а

ихже К. а ихже вѣру *ошибк.* О. и) съ ними. въ канунъ бориса и глѣба *прибавл.* К. О.

Томъ V.

1347 полѣ. Магнушъ же король взя Орѣховъ городокъ на Спасовъ день лѣстію, докончавъ окупъ
 —50 взяти, а Авраама съ други поимаша въ таль, а съ нимъ 11 человекъ добрыхъ, и поведоша ихъ съ собою за море, а намѣстника Наримонта и всѣхъ городчанъ отпустиша изъ города, а въ городкѣ оставиша рать свою. Посадникъ же Феодоръ Даниловичъ, и намѣстники великого князя, и вси Новгородци, и Псковичъ немного, и Новоторжци и вся Новгородская волость поѣхаша въ Ладогу; а къ великому князю Семену Ивановичу послаша съ челобитіемъ послы своя, ркуще: «поѣди, господине, къ намъ боронити своея отчины Великого Новгорода, идетъ на насъ король Свѣйскій, а чрезъ крестное цѣлованіе.» Великій же князь Семенъ Ивановичъ отвѣща Новгородцемъ: «радъ, ѣду, но зашли ми дѣла царева^а;» медливъ же князь великій немного, и поѣха въ Новѣгородъ, и отѣхавъ же отъ Торжку до Ситна^б, и възвратися на Москву, а въ Новѣгородъ посла брата своего князя Ивана. Слышавъ же князь Иванъ Ивановичъ, яко Нѣмци взяша городокъ Орѣховъ, онъ же възвратися назадъ, Новгородци же поѣхаша изъ Ладоги и стаха у Орѣховца, въ Оспожино говѣніе, и стояша до великого заговѣнья^в, и приступиша къ городу съ приметомъ, въ понедѣльникъ на Феодоровѣ недѣли; милостію Божіею и заступленіемъ святыхъ Софіи, и молитвою пресвятыя Владычица наша Богородица и Приснодѣвы Марія, и силою креста честнаго, на негоже уповахомъ, свитающю вторнику, и взяша городъ, на память святаго Обрѣтенія честныхъ главы Іоанна Предтечи, а Нѣмецъ изсѣкоша, а иныхъ руками яша, а въ Орѣховцѣ посадиша Якова Хотова и Александра Борисовича. Оле милосердіе Божіе! у толь твердаго города Новгородцевъ толко убиша 9 человекъ. Того же лѣта, коли идучи Новгородци къ Орѣховцу даха жалованіе городу Пскову: посадникомъ Новгородскимъ въ Псковѣ ни сѣдѣти, ни судити, а отъ владыки судити ихъ брату Псковитину, а изъ Новгорода ихъ не позывати ни дворяны, ни подвойскими, ни Софіяны, ни извѣтники, ни биричи; но назваша братомъ младшимъ Новгороду Псковъ^г. Того же лѣта убиенъ бысть отъ великого князя Олгерда Литовскаго Круглещъ^д, нареченный въ святомъ крещеніи Еустафій, за правовѣрную вѣру христіанскую; и положенъ бысть у святаго Николы въ Вилнѣ, съ сродники своими въ гробѣ, съ великыма мученикома Антоніемъ и Іоаномъ, еже пострадаха за правовѣрную вѣру христіанскую и пріяша^е вѣнца небесныя отъ руки Господня^е.

Въ лѣто 6856. Въ лѣто 6857. См. *Новг. перв. Лѣт. т. III, стр. 84, отъ словъ*: прииде король Краковскій. . . богумерзское служеніе. *Далѣе см. Новг. четв. Лѣт., т. IV, стр. 59, отъ словъ*: а князь Семенъ посла въ орду . . . Тотуемъ.

Въ лѣто 6858. [Ѣздиша Новгородци въ Юрьевъ Нѣмецкий, и размѣнишася Нѣмци Свѣйскими, что поимали въ Орѣховцѣ, на своихъ боярь Новгородскихъ, на Авраама, и на Кузму, и на Олександра, и на Ондрѣя и дружину ихъ, что были за моремъ у Свѣйскаго короля у Магнуша; и пріѣхаша всѣ здорово, мѣсяца іюня въ 9 день. К. О.] Великій князь Олгердъ присла послы на Москву, къ великому князю Семену Ивановичу, со многими дары и съ честію великою, прося мира и живота братіи своей княземъ Литовскимъ, которыхъ

а) царева • царевы К. О. б) до ситна • до синта *ошибк.* Т. в) заговѣнья • говѣнія Т. заговѣйна К. О. В. г) круглещъ • круглещъ В. д) пріяша • пріяста К. О. е) господня • ихъ ради пострада и христа ради *прибавл.* К. О.

* За симъ во всѣхъ сп. слѣдуетъ: «Посланіе архієпископа Новгородскаго Василія къ владыцѣ Тѣврьскому Феодору.» См. Прибавленіе къ Софійской первой Лѣтописи, въ VI томѣ сего изданія.

привели изъ орды вытягавъ; великій же князь Семенъ Ивановичъ отпусти съ честію Корья-1350
лову чадь ко Олгерду^а. —52

Годъ 6859 с.м. въ Новг. четв. Лѣт., т. IV, стр. 60. Слова: Князь Семіонъ събра вои многы, и поиде къ * Смоленску. . . послы отпусти съ миромъ, а самъ поиде ко Угрѣ къ рѣцѣ; и срѣтоша его послы Смоленскыя, и стоя на Угрѣ 8 дній великій князь, и посла своя послы въ Смоленскъ, а самъ възвратися къ Москвѣ.

Рукописаніе Магнуша короля Свѣйскаго. Въ лѣто 6860^б. Се азъ^в Магнушъ король Свѣйскій, нареченый въ святомъ крещеніи Григорій, отходя сего свѣта, пишу рукописаніе при своемъ животѣ, а приказываю своимъ дѣтемъ, и своей братіи, и всей земли Свѣйской: не наступайте на Русь на крестномъ цѣлованіи, занеже намъ не пособляется. Первіе сего подъялся местерь Белгеръ и вшелъ въ Неву, и срѣте его князь великій Александръ Ярославичъ на Ижерѣ рѣцѣ, и самого прогна, а рать его поби. И потомъ братъ мой Маскалка, вшелъ въ Неву, городъ постави на Охтѣ рѣцѣ и намѣстники своя посади со множествомъ Нѣмецъ, а самъ поиде за море; и пришедъ великій князь Андрѣй Александровичъ городъ взя, а намѣстники и Нѣмецъ поби. И потомъ было намъ розмиріе съ Русію 40 лѣтъ; и потомъ за 40 лѣтъ съ великимъ княземъ Юріемъ Даниловичемъ взяли есмы миръ вѣчный на Невѣ, земли есмя и водѣ учинили роздѣлъ, кому чимъ владѣти, и грамоты есмя пописали и попечатали. И потомъ за 30 лѣтъ язъ Магнушъ король того не порядя, поднялся есмь со всею землею Свѣйскою, и вшелъ въ Неву, взяхъ городъ Орѣховъ и намѣстники свои есмь въ городѣ посадилъ, а съ ними нѣсколько силы моя оставихъ, а самъ есмь пошелъ за море; и потомъ Новгородци пришедъ городъ свой взяли, а моихъ намѣстниковъ и Нѣмецъ побили, которые были въ городѣ. И азъ того не порядя, за одинъ годъ, опять пошелъ къ Орѣхову со всею Свѣйскою землею; и срѣте мя вѣсть, что Новгородци подъ Орѣховцемъ, и азъ опять пошелъ подъ Конорію, и подъ Коноріею есмь ночевалъ^д. И приде ко мнѣ вѣсть: Новгородци на укрѣ^е земли, и азъ то слышавъ побѣгълъ за море, ино въ валу парусовъ не знати, вста буря силна, и потопа рати моее много на усть Неровы рѣкы; и пошелъ есмь въ землю свою съ останкомъ рати. И отъ того времени наиде на нашу землю Свѣйскую погибель, потопъ, моръ, голодъ и сѣча межи собою. У самого у мене отъя Богъ умъ, и сѣдѣхъ въ полатѣ прикованъ, годъ, чепію желѣзною и задѣланъ есмь былъ въ полатѣ; и потомъ приѣха сынъ мой Сакунъ изъ Мурманскіе земли, и выня мя изъ полаты, и везе въ свою землю Мурманскую. И удари на мене опять потопъ, корабли мои и люди мои истопи вѣтръ, а самъ створихся плавая^ж на днѣ кораблемъ, исторцѣнемъ пригвоздихся три дни и три нощи; и по Божію повелѣнію, принесе мя вѣтръ подъ монастырь святаго Спаса въ Полную рѣку, и сняху мя съ доски чернеци, и вънесоша мя въ монастырь и постригоша мя въ чернцы и въ скиму, и сѣтвори мя Господь жива 3 дни и 3 нощи; а все то мене Богъ казнилъ за мое высокоуміе, что есмь наступалъ на Русь, а на крестномъ цѣлованіи. А нынѣ приказываю своимъ дѣтемъ и своей братіи: не наступайте на Русь на крестномъ цѣлованіи; а кто наступитъ, на того Богъ, и^з огонь и вода, имже мене казнилъ, а все ми створилъ то Богъ къ моему спасенію.

а) Въ Ц. приписано внизу на поля октября 12, родился князю ивану ивановичу сынъ дмитрей донской.

б) рукописаніе. . . въ лѣто 6860. ить въ В. в) азъ. князь прибавл. О. г) были. сидѣли О. д) ночевалъ. ночь ночевалъ Б. Г. О. В. е) на укрѣ. такъ было и въ Ц. но потомъ по чищеному написано на украинѣ; въ О. на крѣ. ж) плавая. ить въ О. з) богъ и. пропушено въ О.

* Здѣсь въ Кар. IV. вырвано два листа.

1352 * Преставися архіепискупъ Новгородскій Василей^а, мѣсяца іюля въ 3; и пакы съ мо-
—60 бою введоша Моисея архіепискупа на свой ему столъ къ святѣй Софін.

Въ лѣто 6861. Преставися великій князь Семень Ивановичь, а бысть на великомъ княженіи 13 лѣтъ^б. Исходя сорочины его^в, преставися братъ его князь Андрѣй Ивановичь; и по немъ на сорочины родися сынъ его князь Володимеръ. Тое же весны преставися Теогностъ митрополитъ Кіевскій и всея Руси, великій наставникъ, и положенъ бысть на Москвѣ въ церкви святыя Богородица. Того же лѣта пошли князи въ орду, сперся^г о великомъ княженіи, а Новгородци послаша свои послы въ орду ко царю, Семена Судокова, прося великого княженія князю Костянтину Василіевичу Суздальскому; и не послуша ихъ царь, а далъ великое княженіе князю Ивану Ивановичу. Новгородци же пребыша съ нимъ безъ миру полтора года; но зла не учинилося никакого же.

Княженіе великого князя Ивана Ивановича. Того же лѣта сѣде на великомъ княженіи князь Иванъ Ивановичь.

Въ лѣто 6862. Поставленъ бысть Алексѣй митрополитомъ Кіеву и всея Руси въ Цариградѣ. Того же лѣта жени князь Костянтинъ Василіевичъ Суздальскій сына своего князя Бориса у великого князя Олгерда Литовского.

Въ лѣто 6863. Преставися князь Костянтинъ Василіевичъ Суздальскій въ черныцѣхъ и въ скимѣ, ноября въ 21, и положенъ бысть въ Новѣгородѣ въ Нижнемъ, въ церкви Великого Спаса. Тое же зимы поиде въ орду князь Андрѣй Костянтиновичъ ко царю Жданибѣку, и взя степень отца своего, Суздаль, и Новѣгородъ Нижній, и Городецъ.

Въ лѣто 6864. [Сѣздъ бысть въ Переславли великому князю Ивану Ивановичу съ княземъ Андрѣемъ Костянтиновичемъ; и дары многи и честь велику сотвори брату своему молодшему, и отпусти его съ миромъ. Ц.] Въ лѣто 6865. Взя царь Жданибѣкъ Тивиріжское^д царство. Тое же осени прииде на Русь посолъ^е силенъ, именемъ Кошакъ^ж, и велика бысть истома княземъ Русьскимъ. На ту же зиму умре добрый царь Жданибѣкъ, и сѣде на царствѣ сынъ его Бердебѣкъ, убивъ братьевъ своихъ 12 окааннымъ его предстателемъ Товлубіемъ. Тогда же бысть въ ордѣ Алексѣй митрополитъ, и многу истому примъ отъ Татаръ, Божіею помощію и пречистыя его Матери молитвою цѣлъ и здравъ отъ насилія поганныхъ прииде на Русь.

Въ лѣто 6866. Преставися князь Иванъ Андрѣевичь.

Въ лѣто 6867. Преставися великій князь Иванъ Ивановичь^з, княживъ лѣтъ 6. Того же лѣта ходиша всѣ князи въ орду. Того же лѣта соиде со владычества Моисей архіепискупъ Новгородскій; [и Новгородци възведоша на сѣни Алексѣя ключаря, сентября въ 15. К. О.]

Княженіе великого князя Дмитрія Костянтиновича Суздальского. Въ лѣто 6868. Ходырь царь великое княженіе далъ Дмитрею князю Костянтиновичу Суздальскому, а княземъ Русьскимъ комуждо свою отчину далъ. Того же лѣта прииде изъ орды на великое княженіе князь Дмитрей Костянтиновичъ, и сѣде въ Володимери; и ту при немъ поставленъ

а) василей. ѣдучи изъ пскова на пути, на рѣцѣ на узѣ прибавл. К. О. б) 13 лѣтъ. 10 лѣтъ *ошибк.* В. в) исходя сорочины его. и исходя съ сорочинъ его К. О; *въ Новг. четв. Лѣт. (стр. 62) исходящимъ сорочинамъ.* г) сперся. сперлися В. д) тивиріжское. тивирьжское Б. Г. е) посолъ. изъ орды *прибавл.* К. О. ж) кошакъ. комакъ О. з) ивановичъ. мѣсяца ноября 13, въ черницѣхъ *приписано на полѣ въ Ц.*

* Продолжается Кар. IV.

бысть Алексѣй архіепископъ Новугороду^а, митрополитомъ Алексѣемъ Кіевскимъ и всея Руси,¹³⁶⁰ [и пріѣха въ Новгородъ владыка Алексѣй, и ради быша Новгородци. Того же лѣта Новъ—⁶³городци взяша Жукотинъ, и много бесерменъ поѣкли мужей и женъ. К. О.] Того же лѣта бысть въ ордѣ мятежъ силенъ: мнози царіе побіени быша, и царици, и царевичи, и ряди, изѣкошася сами промежи себе. Того же лѣта, въ Филипово говѣніе, бысть знаменіе въ мѣсяцѣ, акы темною кровію покровенъ явися^б на чистѣ небѣ. Тое же весны, въ великое говѣніе, акы огнены зари явишася отъ вѣстока всходя чрезъ небо.

Въ лѣто 6869. Князи Русьскыя пошли въ орду, къ новому царю къ Ходырю: великій князь Дмитрей Ивановичъ, да князь Андрѣй Костянтиновичъ и братъ его князь Дмитрей Костянтиновичъ, князь Костянтинъ Ростовскій, князь Михайло Ярославскій. И при нихъ убіенъ бысть царь Ходырь^в отъ своего сына Темиръхожина; а на четвертый день сѣде на царствѣ, а на семьй день царства его темникъ его Мамай замыте всѣмъ царствомъ его, и бысть мятежъ великъ въ ордѣ. А князь Андрѣй Костянтиновичъ поиде изъ орды въ Русь, и на пути удари на него князь Рятякозъ^г; и поможе Богъ князю Андрѣю Костянтиновичю цѣль и здравъ проиде на Русь. А Темиръхозя побѣже за Волгу, и тамо убіенъ бысть; а князь Мамай преѣде за Волгу на Горнюю сторону, и орда вся съ нимъ и царици. А иный царь вѣста, именемъ Кильдибекъ, и той многихъ побіи, послѣди же и самъ убіенъ бысть; а иныи князи Сарайскыи затворишася въ Сарай, а царя у себе именующе Амурата, а Булатътемиръ князь ординскій поима всѣ города по Волзѣ и улусы. Тогда же въ ордѣ ограбиша князей Ростовскихъ.

Въ лѣто 6870. Князь великій Дмитрей Ивановичъ и князь Дмитрей Костянтиновичъ спершися межи себе о великомъ княженіи, и послаша килчѣевъ въ орду; и вынесоша великое княженіе отъ царя Амурата великому князю Дмитрею Ивановичю. Князь же Дмитрей Ивановичъ съ своею братією, со княземъ Иваномъ Ивановичемъ и со княземъ Володимеромъ Андрѣвичемъ, собравъ воя многи по своей вотчинѣ, и поиде къ городу Переяславлю на князя Дмитрія Костянтиновича Суздальскаго; онъ же ѣха въ Володимерь, и оттуду ѣхавъ въ Суздаль, въ свою отчину, княживъ два лѣта^д.

Княженіе великого князя Дмитрія Ивановича. Великій князь Дмитрій Ивановичъ сѣде на великомъ княженіи. Того же лѣта преставися архіепискупъ Новгородскій Моисей, мѣсяца генваря въ 25, и положенъ бысть у святаго великаго Архангела Михаила на Сково-родкѣ. [Того же лѣта пріимаша Псковичи гости Нѣмецскыи и заморьскыи, а ркучи: «отъ-мали у насъ Юрьевци и съ Велневичи земли и воды. К. О.]

Въ лѣто 6871. Великій князь Дмитрей Ивановичъ сгони князя Дмитрія Костянтиновича съ великого княженія и^е съ Галича; а князь Андрѣй Оедоровичъ пріѣха изъ Переяславля въ Ростовъ, а съ нимъ князь Иванъ Ржевскій съ силою. [Пріѣздиша послове Нѣмецскыи и Юрьевскыи и Велневскыи въ Новъгородъ, на смолву со Псковичи; и пріѣхаша Псковичи въ Новъгородъ, и повѣстоваша много, и поѣхаша прочь, а миру не докончаша. И пріимша^ж гости Новгородскыи въ Юрьевѣ. Того же лѣта ѣздиша послове Новгородскыи, изъ конца по боярину, въ Юрьевъ Нѣмецскій, и смолвиша Псковичъ съ Нѣмци въ любовь, и бысть промежи ими мирно; и попускаше Псковичи Нѣмецскыи гости, а Нѣмецскыи^з Новгородскыхъ гостей попускаше. К. О.]

а) новугороду. мѣсяца іюля 12 прибавл. К. О. б) явися. створися К. О. в) ходырь. хыдырь Б. Г. кидырь К. О. г) рятякозъ. ретякозъ Т. рятюкозъ Ц. д) два лѣта. 12 лѣтъ ошибк. В. е) и. пропуцено 63 К. О. В. ж) пріимша. пріямаша такъ въ Новг. перв. Лѣт., стр. 88. з) а нѣмецскыи. а нѣмци такъ же.

1364 Въ лѣто 6872. Преставися князь Иванъ Ивановичъ малой на Москвѣ. Того же лѣта моръ
 —66 бысть въ Новѣгородѣ въ Нижнемъ, и на Костромѣ, и въ Ярославлѣ. На ту же веспу моръ
 бысть въ Переяславлѣ^а. Того же лѣта поѣха князь Костянтинъ Василиевичъ на Устюгъ. [См.
Новг. четв. Лѣт., т. IV, стр. 64 — 65, отъ словъ: той зимы съ Югры. . . на Курьи. К. О.]

Въ лѣто 6873. Преставися князь Андрѣй Костянтиновичъ въ Нижнемъ Новѣгородѣ, мѣ-
 сяца іюня^б 2. Того же лѣта меженина велика и моръ въ Ростовѣ^в; а братъ князя Андрѣя
 князь Дмитрей Костянтиновичъ пріѣха въ Новѣгородъ^г на княженіе, и не съступися ему кня-
 женія братъ его молодшій князь Борисъ. Того же лѣта, въ осень^д, пріиде Тягай изъ Нару-
 чади^е въ Рязань, и взя городъ Переяславль и пожже; князь же Рязанскій Олегъ и Пронь-
 ский Владимиръ собраша вои и поидоша за нимъ въ погоню, и угониша его, и бысть имъ
 сѣча велика, и поможе Богъ князю Олгу и князю Володимеру, въмалѣ Тягай утече въ На-
 ручады. Тое же зимы пріиде посолъ отъ орды отъ царя Баирамъхозя и отъ царицы Асанъ, и
 посадиша на княженіи въ Новѣгородѣ Нижнемъ князя Бориса Костянтиновича; а митропо-
 литъ Алексѣй отня епископію Новгородскую^ж отъ владыки Алексѣя. Тогда пріиде^з отъ
 великого князя Дмитрія Ивановича игумень Сергій, зовучи князя Бориса Костянтиновича на
 Москву; онъ же не поѣха; игумень же Сергій затвори церкви. Великий же князь Дмитрей
 Ивановичъ Московскій далъ свою рать князю^и Дмитрію Костянтиновичю, и поиде на Новѣ-
 городъ на Нижній на брата своего князя Бориса, князь же Борисъ срѣте его и доби ему
 челомъ; князь же Дмитрей Костянтиновичъ^к сѣде на Новгородскомъ княженіи, а брату своему
 Борису далъ Городецъ, а воя роспусти къ Москвѣ къ великому князю Дмитрію Ивановичу^н.

Въ лѣто 6874. [Ходиша Новгородци въ вушкулѣхъ, и съ воеводами Великого Новаго-
 рода съ Есипомъ Офромѣвичемъ, и съ Василиемъ съ Ѳедоровичемъ, и съ Александромъ Аба-
 кумовичемъ на Нижній Новгородъ, и много бесерменъ поѣхкоша подъ Нижнимъ Новымъ-
 городомъ; а Новагорода Великаго людій убиша, Филипа Утретькова и Бориса Квашенкина
 да два человекъ. К. О.] *За тѣмъ см. Новг. четв. Лѣт., т. IV, стр. 65, отъ словъ: князь*
Кюпръскій плѣни . . . свѣта наполнися. На ту же зиму оженися князь великій Дмитрей
 Ивановичъ у князя Дмитрія Костянтиновича Суздальскаго, поня дщерь его Евдокѣю^л. Ъздиша
 изъ Новагорода люди молодые на Волгу, безъ Новгородскаго слова, а воевода съ ними
 Есипъ Валфромѣвичъ, Василей Ѳедоровичъ, Александръ Абакумовичъ, и бесерменъ побил^м.
 И за то великий князь Дмитрей Ивановичъ разгнѣвася, и розверже миръ съ Новымъгоро-
 домъ, а ркучи тако: «почто есте ходили на Волгу, и гостей моихъ пограбили и бесерменъ
 побил^н?» Новгородци же послаша послы своя на Москву къ великому князю Дмитрею Ива-
 вичу, съ челобитіемъ миру дѣля, а ркучи такъ: «ходили, господине, люди молодые на Волгу
 безъ нашего слова, но твоихъ, господине, гостей не грабили, только побил^н бесерменъ; а

а) того же л. моръ. . . въ переяславлѣ. *нѣтъ въ* К. О. б) іюня. іюля Ц. в) того же л. меженина. . . въ
 ростовѣ. *нѣтъ въ* К. О. г) въ новѣгородѣ. нижній *прибавл.* К. О. д) того же л. въ осень. того же лѣта
 веснѣ Т. тое же осени К. О. е) изъ наручади. къ наручади *во всѣхъ сп. кромѣ* К. ж) новгородскую.
 новоторжскую *ошибк.* В. и городецкую *прибавл.* К. О. з) пріиде. посолъ *прибавл.* К. О. и) князю
пропущено въ Т. і) костянтиновичъ. ивановичъ *ошибк.* В. к) *Во всѣхъ сп. кромѣ* К. О. *ошибкою подъ*
симъ іодомъ помѣщено слѣдующее: того же лѣта пріиде олгердъ къ москвѣ со всею силою литовскою
 и съ жемотію, и бой бысть на рѣцѣ тростнѣ съ воеводами великого князя дмитрія и володимера, на
 веденіевъ день; тогда убиша дмитрія мичина, да окинфа шюбу и иныхъ множество; и стоявъ три
 дни у москвы и много зла створивъ отъиде. *См. ту же статью ниже подъ 6876 іодомъ.* л) на ту же
 зиму. . . евдокѣю. *пропущено въ* О. м) ѣздиша. . . побил^н: *см. то же извѣстіе подъ симъ іодомъ, отъ*
словъ ходиша новгородци. . . да два человекъ.

ты, господине, пожалуй нелюбіе отъ насъ отложи.» Великій же князь Дмитрей Ивановичъ 1366 нелюбіе отдалъ, а миръ взялъ съ Новымъгородомъ^а. —71

Въ лѣто 6875. Прииде Булакѣтемеръ и пограби уѣздъ весь^б. Того же лѣта Новгородци со Псковичи взяша миръ и одиначество. [И приходиша Нѣмци и воеваша около Пскова и около Изборска, и много зла учиниша; Псковичи же ходиша воевати на Нѣмецкую землю, и много земли ихъ повоеваша, и убиша у Псковичъ Силу воеводу. К. О.]

Въ лѣто 6876. [Приходиша Нѣмци съ великою силою, и бискупы ихъ, и местеръ, и кумендери, подъ Изборескъ, Новгородци же поидоша на нихъ и доидоша Пскова; Нѣмци же слышавше, и побѣгоша отъ Изборска и пороки посѣкли. К. О.] Явися звѣзда хвостата. Того же лѣта, на зиму, пріѣхъ въ Новѣгородъ великого князя братъ князь Володимеръ Андрѣевичъ, по Сборѣ за недѣлю^в; и бывъ въ Новѣгородѣ до Петрова дни, и поѣхъ прочь. Тое же зимы великій князь Дмитрей Ивановичъ ходилъ ратию ко Тѣри; а князь Михайло Александровичъ ѣде въ Литву. Тое же зимы прииде въдругые^г князь^д Олгердъ со всею Литовскою силою къ городу Москвѣ, и уби князя Семена Кропиву на встрѣчѣ^е, и доиде рѣки Тростны^ж, и ту стрѣте его Окинѣ Шюба съ сторожевымъ полкомъ; Олгердъ же сторожевый полкъ^з изби и Окинѣ уби, и стоялъ у Москвы 3 дни, града не взя, а посадъ^и пожже и волости воева.

Въ лѣто 6877. Въ Новѣгородѣ въ Нижнемъ, за святымъ Благовѣщеніемъ, уползе горы и много посыпа дворовъ и съ людьми. Того же лѣта заложилъ князь великій Дмитрій Ивановичъ Переяславль; того лѣта и кончаша¹.

Въ лѣто 6878. Митрополитъ Алексѣй былъ въ Новѣгородѣ въ Нижнемъ, и крестилъ у князя Бориса Костянтиновича сына князя Ивана. Того же лѣта князь Михайло Александровичъ Тѣрьскій иде въ орду. [Ходиша Новгородци съ Псковичи къ Новому городку Нѣмецкому, и отыдоша не взявши его, занеже бѣ велми твердъ; и нѣколко людей истрѣляша съ города. К. О.]

Княженіе князя Михаила Тѣрьскаго. Въ лѣто 6879. Выиде изъ орды на великое княженіе князь Михайло Александровичъ Тѣрьскій, и не съступися ему великій князь Дмитрій Ивановичъ великого княженія; а самъ поиде въ орду. Того же лѣта^а князь Михайло Тѣрьскій поиде ратию къ городу Костромѣ, и увернуса на Волзѣ^б, а Мологу пожже. Того же лѣта прииде великій князь Дмитрей Ивановичъ изъ орды на великое княженіе. Того же лѣта прииде изъ Царяграда митрополитъ Гречинъ, именемъ Германъ, на Русь. [Того же лѣта ѣздиша на съѣздъ Юрьи Ивановичъ Новгородскій посадникъ, Силеверстъ Леонтьевичъ, Олексѣй тысячскій, Александръ Колывановъ, и докончаша съ Нѣмци миръ подъ Новымъ городкомъ, въ Филипово говѣніе, мѣсяца декабря, предъ Рождествомъ Христовымъ. К. О.] * Великій князь Дмитрій Ивановичъ посла рать на Рязань, на князя Олга Рязанскаго, и воеводу съ ними отпустилъ князя Дмитрія Михайловича Волыньскаго. Князь же Олегъ собравъ многи и изиде ратию противу ихъ; тогда Рязанци, сурови челоуѣци, сверѣпиі людіе,

а) съ новымъгородомъ. а наместники свои присла *прибав.* К. О. б) прииде . . . весь; *см. Новг. четв. Лѣт., стр. 66, въ примѣчаніяхъ.* в) за недѣлю. въ недѣлю Т. Ц. г) въдругые. *нѣтъ въ К. О.* д) князь. великій князь Б. Г. В. е) на встрѣчѣ. на встрѣцѣ Б. Г. на стрѣчи К. О. ж) тростны. тропины К. О. з) сторожевый полкъ. сторожевые полки Ц. Б. Г. В. и) посадъ. посадки Ц. i) того же л. . . кончаша. *нѣтъ въ К. О.* к) того же лѣта. то же весны К. О. л) на волзѣ. на молозѣ К. О. м) *Предъ симъ во всѣхъ сп. кромѣ О. въ видѣ заглавія* побойще иже на скорнщевѣ съ рязанци.

1371 высокоумни суще^а . . . Василей, генваря 1. *Отмѣченное точками мѣсто см. въ Новг. четв. Лѣт., т. IV, стр. 67.*

Въ лѣто 6880. Собравъ воя князь Олегъ Рязанскій и съгна со княженія князя Володимера Проньскаго, а самъ сѣде на княженіи^б. *Далѣе см. Новг. четв. Лѣт., т. IV, стр. 67—68, отъ словъ:* индикта 10, по Велицѣ дни . . . въ городѣ Торжку посажалъ свои намѣстники. Того же лѣта, о Петровѣ заговѣнии, Новгородци великого князя мужи и бояре Новгородскыя пріѣхаша въ Торжекъ ставити города, и съединившия вси съ Новоторжци съодного и укрѣпишася крестнымъ цѣлованіемъ, еже быти всѣмъ заодинъ; и заратипася со княземъ Михайломъ Тѣрскимъ, и сослаша намѣстники его съ Торжку, а что гостей Тѣричъ и торговцевъ, поимаша и побиша и пограбиша, и лодіи^в ихъ съ товаромъ отъимаша. И то слышавъ князь Михайло Тѣрскій, совкупивъ токмо Тѣрскую силу, и пришедъ ратию ста у города у Торжку, мѣсяца маія въ 31 день^г; нача смиреніемъ посылати послы свои къ Новгородцемъ и Новоторжцемъ^д: «выдайте ми тѣхъ, кто моихъ Тѣричъ поималъ и билъ и пограбилъ, а намѣстника моего посадите опять, а иного у васъ не хочу ничего», и жда отъ нихъ мира и чистосердаго покоренія отъ утра и до полудне. И бысть межи има раздора^е и смятеся весь градъ, они же^ж нималя хотяху покоритися, и посылаху послы со отвѣты, а все съ высокоуміемъ, и ополчипася на бой сами бояре Новгородскіе, похвалившеся силою мужества своего, и въоружившеся выѣхаша изъ града, купно же съ ними и гражане Новоторжци, битися со Тѣричи; и бысть имъ сѣча велика на полѣ, и одолѣ князь Михайло, побѣжени быша Новгородци отъ нихъ. Ту же на первомъ сѣимѣ убіенъ бысть воевода Новгородскій Александръ Абакумовичъ, Иванъ Тимофѣевичъ, Иванъ Шаховъ, Григорей Щелбковъ, а иныхъ прочихъ нѣколко ту мужъ паде; и то видѣвше Новгородци и смятошася зѣло, овии побѣгоша на поле, еже есть къ Великому Новгороду, но и тамо не убѣжаша, а друзіи назадъ^з побѣгоша^и, а множайшіе на побоищи избіени быша, а иныхъ бояръ Новгородскихъ и Новоторжскихъ, и мужей и женъ, многое множество полона изымаша и поведоша на Тѣрь яко плѣнники. И тогда Тѣричи зажгоша съ поля посадъ, съ конца града, съ повѣтрія, и удари вѣтръ силенъ со огнемъ на весь градъ, вкупѣ и буря велика, и поиде огонь пламенный^к по всему граду, и тако вскорѣ погорѣ градъ весь, и церкви 3 каменныхъ и деревяныя всѣ и монастыреве вси; а что людей которые въ городѣ были, или на площади, или по улицамъ, тѣ всѣ погорѣли. И бысть пагуба велика христیانомъ, овии огнемъ погорѣли надъ животомъ въ дворѣхъ, а инии вбѣгоша въ церковь святый Спасъ и тамо задхошася и огнемъ запаленія изомроша, а инии отъ огня бѣжачи въ рѣцѣ истопоша во Тѣрци, а добрыя жены и дѣвицы одираху и до послѣдніе наготы, рекше и до срачицы, иже ни погани тако не творять, такоже и ти въ рѣцѣ истопишася срама ради, и чернци и черницы все до наготы излуплено; а товара что ся осталось отъ огня и иконныя круты много поимаша, злата и сребра; а истоплыхъ^л и избіеныхъ мужей и женъ 5 скуделницъ наметаша, а инии погорѣли безъ останка, а инии истопли безъ вѣсти и поплыли внизъ по Тѣрцѣ. Посемъ князь великій Олгердъ Литовскій собра воя многи и въ силѣ тяжцѣ подвижеся, а въ думѣ

а) суще — палаумные смерди *прибавлено во всѣхъ сп. кромѣ К. О. а въ Ц. эти слова помараны.* б) За симъ во всѣхъ сп. въ видѣ заглавія о взятіи городовъ переяславля, дмитрова, торжку, любутьска и кашина. в) и лодіи — и людей (люди) *ошибк. Ц. Б. Г. В.* г) день — (на память) святаго мученика еремія, въ понедѣльникъ порану *прибавл. К. О. д)* и новоторжцемъ — *пропущено во О. е)* раздора — раздора Т. К. О. ж) они же — иже во всѣхъ сп. кромѣ К. О. з) назадъ — на западъ *ошибк. Т. и)* на поле . . . побѣгоша *пропущено во В. и)* пламенный — (и) пожаръ *прибавл. К. О. к)* истоплыхъ — истопленныхъ Т.

и по слову съединеного со княземъ Михайломъ Тѣрскимъ, что хотять итти ратию къ Москвѣ; 1372
 также и въ то время, мѣсяца іюля въ 12 день, князь Михайло со Тѣричи поиде ратию, и —75
 совокупишася рати Литовская и Тѣрская въ едино мѣсто подъ Любутскомъ. Слышавъ же
 то великій князь Дмитрей Ивановичъ, и поиде съ Москвы ратию противу ихъ, и срѣтошася
 близъ града Любутска, и преже всѣхъ изгнаша Москвичи сторожевой^а полкъ Литовскій, и
 биша ихъ, а самъ князь Олгердъ избѣже; и стаха противу себе обѣ рати, и Литовская и
 Московская, въоружася, а промежи ими врагъ^б крутъ и глубокъ зѣло, не лѣзъ бѣ полкома
 толь борзо снятися^в на бой, и бѣше имъ врагъ той^г въ спасеніе. И тако стояша нѣколко
 дній, и укрѣпишася крестіане вѣрою и силою крестною и въздохнуша къ Богу отъ сердца
 чиста, абы не сътворилося кровопролитіе; Господь нашъ Ісусъ Христосъ услыша молитву
 ихъ, и дасть имъ миръ и избавленіе отъ напрасныя смерти. И возма миръ Олгердъ съ ве-
 ликимъ княземъ Дмитріемъ Ивановичемъ, и поидоша въсвои, а князь Михайло поиде во
 Тѣрь, въ томъ же миру и его вой здрави быша.

Въ лѣто 6881^а. Въ лѣто 6882. Въ лѣто 6883, индикта въ 13^о, о великомъ заговѣннѣ, съ
 Москвы пріѣхалъ во Тѣрь, ко князю Михайлу, Иванъ Василіевъ сынъ тысяцкаго да Нѣ-
 коматъ Сурожанинъ на христіанскую напасть, «се же писахъ того ради, понеже отътолѣ
 възгорѣся огонь;» а на Ѳеодоровѣ недѣлѣ князь Михайло послалъ ихъ^ж въ орду, а самъ
 опослѣ^з ихъ о середохрестіи поѣха въ Литву, и тамо пребывъ мало время и пріѣха во
 Тѣрь. Мѣсяца іюля въ 13^ю день, пріѣха Нѣкоматъ изъ орды съ бесерменскою лестию
 отъ безбожнаго Мамай, съ посломъ со Ачихожею, во Тѣрь, ко князю Михайлу съ ярлыки
 на великое княженіе и на великую погибель христіанскую; и князь Михайло има вѣры
 бесерменской лести, нимала не пождавъ, но того дни и посла на Москву къ вели-
 кому князю Дмитрею Ивановичю, и цѣлованіе крестное сложи. а наместники своя посла
 въ Торжекъ, а на Угличе поле рать. И того же мѣсяца іюля въ 27, на Тѣри, въ церкви
 святаго Покрова Богородици предъ иконою сама свѣча загорѣлася; а 29 бысть знаменіе въ
 солнці. Того же лѣта поиде князь великій Дмитрій Ивановичъ ратию ко Тѣри на князя
 Михаила Александровича, а съ нимъ тестъ его князь Дмитрій Костянтиновичъ Суздальскій,
 князь Володимиръ Андрѣевичъ, князь Борисъ Костянтиновичъ, князь Семенъ Дмитреевичъ,
 князь Андрѣй Ѳеодоровичъ Ростовскій, князь Василей Костянтиновичъ, братъ его князь Але-
 ксандръ Костянтиновичъ, князь Иванъ Васильевичъ Смоленскій, князь Василей Васильевичъ
 Ярославскій^и, князь Романъ Васильевичъ, князь Ѳеодоръ Романовичъ Бѣлозерскій, и князь
 Василій Михайловичъ Кашиинскій, князь Ѳеодоръ Михайловичъ Моложскій, князь Андрѣй
 Ѳеодоровичъ Стародубскій, князь Романъ Михайловичъ Дѣбрянскій^к, князь Романъ Семено-
 вичъ Новосильскій^л, князь Семенъ Костянтиновичъ Оболенскій, братъ его князь Иванъ
 Костянтиновичъ Торусскій и вси князи Русьстїи, койждо изъ своихъ городовъ съ своими
 полки, служащи великому князю Дмитрею Ивановичю. Мѣсяца іюля въ 29 поиде съ Волока

а) сторожевой. сторожеви Т. Б. Г. б) врагъ. брегъ Ц. в) снятися. свитися К. О. г) той. тѣ (отъ)
 вездѣ кромѣ В. д) За симъ ошибкою въ Ц. князь великій дмитрей ивановичъ посла въ новгородъ въ
 великій, чтобы пошли къ твери съ силами. е) индикта въ 13. *пропущено въ Ц.* Далее во всѣхъ сп.
 въ видѣ заглавія о брани великаго князя дмитрія ивановича подъ тѣрію. ж) огонь. . . ихъ. *пропущено*
 въ В. з) а на Ѳеодоровѣ . . . опослѣ. на Ѳеодоровѣ недѣлѣ, а князь михайло посла *испорчено въ Б. Г.*
 и) мѣс. іюля въ 13. въ лѣто 6884, мѣсяца іюля въ 14 *во всѣхъ сп. кромѣ К. О; см. Новг. четв. Лѣт.*
 т. IV, стр. 69. і) князь вас. васильевичъ ярославскій. *пропущено въ В.* к) дѣбрянскій. дѣбрян-
 скій К. О. дѣбрински В. л) новосильскій. новосельскій К. О.

1375 великій князь Дмитрій Ивановичъ^а, съвкупяся со всѣми прежеречеными князи Русьскими и со всею силою^б Русьскою, въ той же день нача воевати волости Тѣѣрскыя; такоже и со всѣхъ порубежныхъ мѣстъ со всѣхъ сторонъ, кто же отъ себе, Кашинци и Новоторжци яко и пѣши ополчишася на грабежъ^в, и округня мѣста со всѣхъ порубежей тяжко плѣниша. Мѣсяца же августа въ 1 взяша городокъ Микулинъ, а людей изъ города въ полонъ поведоша; а въ 5 день, въ недѣлю порану^г, въ канонъ Спасову дни, прииде вся сила Русьская ко Тѣѣри, и сташа всѣ рати около всего града въкругъ, посадъ же и церкви и монастыри пожгоша, а около всего града острогомъ оградиса. А прежде того князь великій Дмитрій Ивановичъ по Новгородцевъ^д послалъ въ Новгородъ Великій, Новгородци же вскорѣ приидоша ратию великою, и присташа подъ городъ Тѣѣръ^е, скрежчюще^ж зубы на Тѣѣричъ за свою обиду, еже бѣ на нихъ; и на Волзѣ два моста учиниша^з великыя чрезу всю Волгу. Князь же Михайло Александровичъ бѣше затворился въ своемъ градѣ во Тѣѣри. Стоящимъ ратемъ 3 дни у града, на четвертый же день, еже есть мѣсяца августа въ 8, въ среду порану приступи^и князь великій Дмитрей Ивановичъ со всѣми князи и со всею силою Русьскою къ городу, и туры прикатиша и приметъ приметаша около всего града^и, и тако пошли бѣжиса ко Тмачьскимъ воротомъ, мостъ и стрѣлницу зажгоша. И бысть тогда скорбь въ градѣ велика княземъ и христیانомъ сущимъ въ градѣ, и сътвориша молитву и постъ со слезами въ церкви святаго Великаго * Спаса; и молитвою святыя Богородица помилова Богъ, святы Великы Спасъ посла помощь свою: и убиша ту Семена Ивановича Добрыньского, а огонь угасиша и туры поѣжкоша, ратни же вспятишася; бѣшася чрезу весь день и едва къ вечеру отступиша отъ града, а на другой день такоже отступили градъ со всѣ стороны и по Заволожію, и тако по многы дни бѣжеся. Великій же князь Дмитрей Ивановичъ стоя у города мѣсяць со всѣми ратми, и учиниша ратни вси волости пусты Тѣѣрскаго княженія и села пожгоша, а городки поимаша: Зубцевъ, Бѣлгородокъ, городокъ Старицу^к; а люди въ полонъ разведоша, а имѣнія разграбиша, а жита^л потравиша, и мнози Тѣѣричи язвени быша отъ нахоженія ратныхъ и мнози оружіемъ падоша. Князь же Михайло Александровичъ видѣ изнеможеніе граду своему и озлобленіе людямъ своимъ, и видѣ трудъ челоукомъ и скотомъ отъ глада бывающій, и присла^м владыку Евѣимію Тѣѣрскаго и старѣйшихъ бояръ своихъ къ великому князю Дмитрею Ивановичу съ покореніемъ и челобитіемъ, прося миру и дася во всю волю великаго князя. Великій же князь Дмитрей Ивановичъ^н не хотя видѣти разоренія граду, и погыбели людскія, и кровопролитія христیانомъ, и взя миръ со княземъ Михайломъ Александровичемъ^о на всей своей воли, и грамоты пописаша; и отступи отъ града и поиде прочь великій князь Дмитрей Ивановичъ. А князь Михайло Александровичъ ждалъ къ себѣ рати, отъ Литвы помочи^п; а Литовская сила приидоша близъ ко Тѣѣри, и услы-

а) великій . . . ивановичъ. *пропущено въ* К. О. б) силою. *нѣтъ въ* Т. в) на грабежъ. на грабежахъ Ц. Б. Г. В. г) а въ 5 день . . . порану. *пропущено въ* В. д) по новгородцевъ. по новоторжцевъ *ошибк.* К. е) и присташа. . . тѣѣръ. и предташа подъ городомъ подъ тѣѣрію (подъ городъ тѣѣръ) К. О. ж) скрежчюще. скрегчюще Ц. К. О. з) учиниша. доспѣша К. О. и) приступи. приступиша ко граду *во всѣхъ сп. кромѣ* К. О. і) и приметъ . . . града. *пропущено въ* К. к) городокъ старицу. *нѣтъ въ* К. л) а жита. а живота К. В. м) присла. послы своя *прибавл.* К. н) съ покореніемъ . . . ивановичъ. *пропущено въ* К. о) михайломъ alexандровичемъ. alexандромъ миханловичемъ *ошибк.* К. п) рати. . . помочи. помочи отъ литвы К.

* Далѣе въ Овод. I. недостаѣтъ листовъ.

шавше великого князя Дмитрія Ивановича подъ Тѣрцію со многими князи Русьскими и со 1375
 многою силою пришедша, и убоившеся Литва побѣгоша назадъ. Добро есть намъ надѣяться —⁷⁷
 на Бога, якоже Пророкъ Давыдъ глаголетъ^а: добро есть намъ надѣяться на Господа, не-
 жели надѣяться на человѣка. — ^бКоли былъ подъ Тѣрцію великий князь Дмитрій Ивано-
 вичъ, а тогда Новгородци, Великого Новгорода разбойници 70 ушкуевъ^в, а воевода у нихъ
 Прокофъ, а другой Смолнянинъ, и пришедше взяша Кострому градъ разбоемъ, а было всѣхъ
 разбойниковъ 2000; намѣстникъ же великого князя Плещѣй изъ города сбѣжа, они же люди
 изсѣкоша, а иныхъ въ полонъ ведоша, и жены ихъ и дѣти, а товаръ весь пограбиша. И
 поидоша на Низъ къ Новугороду Нижнему, и въ Новѣгородъ много же зла учиниша, бесер-
 менъ посѣкоша, а христіанъ въ полонъ поведоша, а иныхъ изсѣкоша^г, а жены ихъ и дѣти
 въ полонъ поведоша, а товары ихъ пограбиша. И дошедше въ Болгары, и тамо полонъ хри-
 стіаньскій попродаша бесерменомъ, и Костромскій и Новгородскій, и жены и дѣти и
 дѣвицы^д, и тѣхъ попродаша, а сами поидоша въ насадѣхъ по Волзѣ на низъ, а гостей бесер-
 менъ біючи и грабячи христіанъ. И дошедше до устія Волжскаго, до моря и града Хазь-
 тороканя, и тамо лестію изби ихъ князь^е Хазтороканскій, именемъ Салчѣй; и тако вси
 безъ милости избіени быша, ни одинъ отъ нихъ не избысть, а имѣніе ихъ все бесермена
 взяша, и тако погыбоша зліи ти разбойници, якоже рече Христосъ: въ ню же мѣру мѣрите,
 възмѣрится вамъ^ж. [Того же лѣта поставиша Корѣла Семидесятская Новый городокъ. К.] Того
 же лѣта побиха стриголниковъ еретиковъ, дякона Микиту и Карпа простца, и третіе го-
 ловѣка съ ними; свергоша ихъ съ мосту, развратниковъ святыя вѣры.

Въ лѣто 6884. Присла митрополитъ Кипріянь въ Новгородъ изъ Литвы послове свои и
 патріарши грамоты^з ко владыцѣ и къ Новугороду, а повѣстуетъ тако: «благословиъ мя
 вселенскій патріархъ Филовей митрополитомъ на Кіевъ и на всю Русьскую землю.» Вла-
 дыка же Новгородскій и Новгородци слышавше и отвѣтъ даша: «шли^и къ великому
 князю на Москву; аже ты пріиметь великий князь Московскій митрополитомъ на Русь, то и
 намъ еси митрополитъ^л.» Митрополитъ же слышавъ отвѣтъ Новгородскій, и не посла^к къ
 великому князю на Москву.

Въ лѣто 6885. [Ходиша изъ Новгорода люди молодые на Окіянь море на Тивролу ра-
 тію, а воевода у нихъ Иванъ Валитъ, Василій Синецъ, Михайло Бука, Максимъ Онаничъ, и
 стояше на Овлѣ рѣцѣ подъ Новымъ городкомъ, а посадъ пожгоша и волости повоеваша; а
 сами пріидоша въ Новѣгородъ со множествомъ полона Нѣмецкаго. К.] Тое же зимы^м пре-
 ставися Алексѣй митрополитъ Кіевскій и всея Руси въ градъ на Москвѣ, и положенъ бысть
 въ церкви у Чюда въ придѣлѣ Благовѣщенія^н святыя Богородица. Того же лѣта взяша Та-
 тарове Новѣгородъ Нижній. — ^пУмре въ Литвѣ великий князь Олгердъ, и по немъ сѣде на
 великомъ княженіи сынъ его князь Ягайло^о. Сій бо Олгердъ не одинъ сынъ бѣше у отца
 своего Гедимена, но мнози братія быша ему; бяху сынове великого князя Гедимена: Наримонъ,
 Олгердъ^п, Евнутей, Кестютей^р, Коріядъ, Любортъ, Монтовитъ. Во всей же братіи

а) добро. . . глаголетъ — *пропущено въ Ц. В.* б) *Предъ симъ во всѣхъ сп. въ видѣ заглавія о прокофовѣ (о прокофѣевѣ) кончинѣ.* в) ушкуевъ — ушкуновъ К. ушкоевъ В. г) а христіанъ. . . изсѣкоша — *пропущено въ В. д) и дѣвицы» и дѣвки Т. и красныя дѣвицы К.* е) князь — *михайло прибавл. В.* ж) *Матв. VII, 2.* з) грамоты — *привезоша прибавл. К.* и) шли — *посылай Ц. Б. Г. В.* i) митрополитъ — *пропущено въ Ц. Б. Г. к) и не посла — и посла В; въ Нов. перв. Лѣт. (стр. 91) и не сла. л) то же зимы — только въ К. м) у чюда въ придѣлѣ благовѣщенія — пропущено въ Т. К. н) Предъ симъ во всѣхъ сп. въ видѣ заглавія о смерти олгердовѣ (олгордовѣ). о) ягайло — *обладая всею землею литовскою прибавл. К.* п) олгердъ — *пропущено въ В. р) кестютей — нѣтъ въ К.**

1377 своей Олгердъ превзиде властію и саномъ, понеже меду, ни вина, ни пива, ни квасу кисла,
 —78 ничтоже не пїашеть, и великоумствомъ своимъ въздержаніе пріобрѣте и крѣпку думу отъ сего, и многъ промыслъ пріятъ^а таковымъ коварствомъ, и многи страны и земли повоева, и многи города и княженія поималъ за себе, и удержа себѣ власть велику; тѣмъ и умножишася княженія его, якоже ни единъ отъ братья его сътворилъ, ни отецъ ни дѣдъ его тако прослылъ. Имѣяше у себе 12 сыновъ, отъ первыя жены 5, а отъ другыя отъ Тѣбрянки 7; бяху сынове Олгердовы: Андрѣй, Дмитрей, Костянтинъ, Володимеръ, Оедоръ, Кербутъ^б, Скиригайло, Ягайло, Коригайло, Лугвени, Швитригайло, Минигайло. Всѣмъ же симъ города и княженія раздавалъ есть, и умирая приказалъ сыну своему старѣйшинство Ягайлу; того бо възлюбилъ паче всѣхъ сыновъ своихъ, того бо избра изо всея братіи его, емуже и княженіе поручилъ Литовскіе земли^в.

Г въ лѣто 6886^г. Перебѣже изъ Синіе орды за Волгу нѣкоторый царевичъ, именемъ Арапша, и възхотѣ ити ратію на Новѣгородъ на Нижній. Князь же великій Дмитрій Костянтиновичъ посла вѣсть зятю своему великому князю Дмитрію Ивановичю; великій же князь Дмитрій Ивановичъ^е приде къ Новугороду^ж въ силѣ велицѣ, и не бысть вѣсти про царевича Арапшу, и възвратися на Москву. И посла на нихъ воеводы своя, а съ ними рати: Володимерскую, Переяславскую, Юріевскую, Муромъскую, Ярославскую, а князь великій Дмитрей Костянтиновичъ Суздальскій посла сына своего князя Ивана, да князя Семена Михайловича, а съ ними рати свои. И бысть множество ратныхъ, и поидоша за рѣку за Піану. И приде вѣсть къ нимъ, повѣдаша имъ рать Татарскую и царевича Арапшу на Волчьей водѣ, они же оплошишася и въ небреженіи хождааху, доспѣхи своя въскладываху на телѣги, а иныя въ сумы, а у иныхъ еще и сулицы не насажены бѣху, а щиты и копія не приготовлены, а ѣзды порты съ плечъ спущавъ, а медъ испиваху и допьяна, и ловы дѣяху, утѣху творяще. А въ то время поганіи князи Мордовскія подведоша втай рать Татарскую, отъ Мамаевы орды, на князей нашихъ, а княземъ нашимъ не вѣдущимъ, про то имъ^д вѣсти не было. И доидоша на Шипару, и абіе поганіи^з раздѣлишася на 5 полковъ, и внезапно изневѣсти удариша на нихъ въ тылъ, бьючи, сѣкучи^и; они же не успѣша ничтоже, чтобы имъ сътворити, и побѣгоша къ рѣцѣ Піанѣ, Татарове же послѣ бьюще, и ту убиша князя Семена Михайловича; князь же Иванъ Дмитріевичъ прибѣжа второпѣ къ рѣцѣ, гонимъ напрасно, и ввержеся на конѣ въ рѣку и утопе, и съ нимъ истопоша множество бояръ и слугъ и народа безъ числа, а иныя побіени быша. Си же злоба сдѣяся мѣсяца августа въ 2 день, въ недѣлю, въ 6 часъ о полѣднѣхъ. Татарове же одолѣша христіаномъ, и стаха на костѣхъ, и полонъ весь и грабежъ ту оставиша, а сами поидоша къ Нижнему Новугороду изгономъ безъ вѣсти; князю же Новгородскому не бысть силы стати противу ихъ на бой, но побѣжа въ Суздаль, а люди горожане разбѣгошася въ судѣхъ по Волзѣ, а ины^к къ Городню. Татарове же пригониша къ городу августа въ 5, въ среду, останочныхъ людей горожанъ избиша, а градъ и церкви и монастыри пожгоша, и отъидоша оканніи отъ града въ пятокъ, много

а) пріятъ. притяжавъ Т. К. б) кербутъ. корибутъ К. в) литовскіе земли. великое литовское К. О.

г) *Предъ симъ во всѣхъ сп. въ видѣ заглавія* побойще (ниже) на піанѣ д) въ л. 6886. *нѣтъ* въ Б. Г. В.

е) великій же. . . ивановичъ. *пропущено* въ В. ж) къ новугороду. *нижнему прибавл.* К. О. з) поганіи.

борзо прибавл. К. и) сѣкучи. и колючи и сѣкущи К. і) а ины. *нѣтъ* въ К.

* Продолжается Овол. I.

** Далѣе въ Овол. I. пропускъ.

зла учиниша. Того же лѣта Татарове взяша градъ Переяславль Рязаньскій, а самъ князь 1378
Олегъ изъ рукъ убѣжа истрѣлянь. На ту же зиму прибѣжа въ Псковъ князь Андрѣй^а Ли-⁷⁹
товской, и побывъ въ Псковѣ немного, и поѣха на Москву къ великому князю Дмитрею
Ивановичу; великій же князь пріять его съ любовію.

^б Въ лѣто 6887. Ординскій князь, поганый Мамай, посла Бѣгича ратию на великого
князя Дмитрія Ивановича, рати всѣ совокупя ординскія. Великій же князь Дмитрій Ива-
новичъ совокупя своя рати и поиде противу ихъ, и переѣха за рѣку за Оку, и иде въ землю
Рязанскую; и срѣте ихъ у рѣкы у Вожи, и стояху промежи себе о рѣку о Вожою, и стояху
не многы дни. Потомъ же Татарове переидоша на сю сторону рѣкы Вожи, и скочиша вборзѣ
и удариша на нихъ, а съ сю сторону великій князь Дмитрій Ивановичъ удари на нихъ^в въ
лице, а съ сторону другую^г удари князь Данило Пронскій, а съ сторону^д Тимоѣей Василье-
вичъ околничей; Татарове же повернуша копіи своими, въ томъ часѣ и побѣгоша за рѣку за
Вожу. Великій же князь Дмитрей погони по нихъ, бьючи и колючи ихъ, и убиша ихъ мно-
жество, а иніи въ рѣцѣ истопоша. А се имена избитыхъ князей ординскихъ: Хазибей,
Коверта, Карабулукъ^е, Костърокъ, Бегичка. По сихъ же приспѣ вечеръ, и заиде солнце и
смерчеся свѣтъ, и бысть ночь, не лѣзъ бѣше за ними погонитися за рѣку; а назаутрее бысть
мѣгла велика велми, а Татарове такъ и побѣгоша съ вечера и чрезъ всю ночь бѣжааху.
Великій же князь Дмитрей Ивановичъ назаутріе уже предъ обѣдомъ поиде за ними слѣдомъ
ихъ, и позна яко уже далече убѣжаша, и нача скоро женути по нихъ, и обрѣте въ полѣ
повержены двory ихъ, и вежи, и шатры, и алачюги и телѣги, а въ нихъ товару безчисле-
ное множество все пометано, а самихъ не обрѣтоша; бяху бо побѣжали къ ордѣ. Изнимаша
же на той войнѣ попа нѣкотораго отъ орды пришедша, Иванова попа Васильевича, и обрѣ-
тоша у него злыхъ и лютыхъ зеленъ мѣшокъ; и^ж изъязавше его много и разсудиша, и послаша
его на заточеніе на Лаче озеро, идѣже бѣ Данило заточеникъ. Великій же князь Дмитрей
Ивановичъ отътолѣ възвратися на Москву съ побѣдою великою, и рати распусти со многою
корыстію. Тогда же убіенъ бысть на томъ бою Дмитрей Монастыревъ да Назарей Даниловъ
Кусакова. Се же побоище случися мѣсяца августа въ 11 день, въ среду, при вечерѣ. И по-
може Богъ великому князю Дмитрею Ивановичу, одолѣ ратнымъ и побѣди враги своя, и
прогна поганыхъ Татаръ. Посрамлени быша оканіи Половци, и възвратишася съ студомъ
безъ успѣха нечестивіи Измаилтяне, побѣгоша гониміи гнѣвомъ Божиимъ, и^{*} прибѣгоша въ
орду къ своему царю, паче же къ пославшему ихъ Мамаю, понеже царя имяху у себе въ
ордѣ ни владѣюща ни чимъ же предъ Мамаемъ, но всяко старѣйшинство сдержаше Мамай
и всѣми владѣяше^ж въ ордѣ. И видѣ окаанный Мамай изнеможеніе посланныхъ его и при-
бѣгшихъ къ нему посрамлени, а иніи князи и велможи ординскія избіени быша, и много
вой его погыбоша, и възъярися злобою великою Мамай^з; тое же осени Мамай собравъ оста-
ночную силу, и поиде изгономъ ратию на Рязанскую землю. Князь же Олегъ Рязанскій не
собралъ силы вѣборзѣ, и не ста противу ихъ на бой, и выбѣжа изъ своею землѣю, а градъ
свой поверже, и пребѣжа на сю сторону рѣкы Оки; Татарове же пришедъ, взяша градъ

а) андрѣй. олгирловичъ прибавл. К. б) Предъ симъ во всѣхъ сп. въ видѣ заглавія побоище иже бысть
на вожѣ. в) а съ сю. . . на нихъ. пропущено во всѣхъ сп. кромѣ К. г) другую. только въ К. д) а съ
сторону. а съ другую сторону вездѣ кромѣ К. е) карабулукъ. барабулукъ Т. ж) владѣяше. владѣ(а)ше
вездѣ кромѣ К. О. з) мамай. нѣтъ въ Т. К. О.

* Продолжается Овол. I.

1379 Переяславль Рязаньскій и огнемъ пожгоша, волости и села повоеваша, а люди многи поѣ-
—83 коша, а иные въ полонъ поведоша, и възвратишася въ страну свою, а много зла сѣтвориша. Ходилъ князь Володимерь Ондръевичъ и князь Ондръй Олгердовичъ на Литву.

Въ лѣто 6888^a. [Бѣди владыка Алексѣй на Москву, въ великое говѣйно, посольствомъ къ великому князю Дмитрію Ивановичю, а со владыкою посадникъ Юрьи, посадникъ Михайло и бояре изъ концевъ; и пріѣхаша съ миромъ. К. О.] Благовѣщеніе бысть въ Великъ день, а перво сего было за 80 лѣтъ и за 4 лѣта, а потомъ будетъ^b за 80 лѣтъ безъ лѣта, а потомъ будетъ за 11 лѣтъ^c. Въ то же лѣто поставленъ бысть на Русь Пуминъ^d митрополитъ. *Далѣе см. Новг. четв. Лѣт., т. IV, стр. 83, отъ словъ: бысть мятежь въ Литвѣ. . .* подъ Ягайломъ Кестутей.

Въ лѣто 6889. Оженися великій князь Ягайло Олгердовичъ, поя нѣкоторую королицю, не имущю ни отца, ни матери, еяже ради достася ему королевство въ Лядской земли. Тое же осени стоялъ князь Литовскій подъ Полотскомъ Скиригайло, со всею силою своею; бысть же съ нимъ и Нѣмецкая сила, и бысть много тягости горожаномъ, и отыдоша города не взявше^e.

Въ лѣто 6891. Посла великій князь Дмитрей Ивановичъ въ орду сына своего князя Василия, въ свое мѣсто, тягаться о великомъ княженіи со княземъ Михайломъ Тѣрскимъ. Тое же осени князь Михайло Тѣрскій поиде въ орду, ища великого княженія. Того же лѣта выиде изъ орды князь Михайло Тѣрскій безъ великого княженія^f; а князя Василия Дмитріевича царь остави у себе въ ордѣ; а князь Михайло остави сына своего въ ордѣ князя Александра.

Въ лѣто 6891. Тоя же осени сѣхъ Киприанъ митрополитъ съ Москвы на Кіевъ, разгнѣвася бо на его князь великій Дмитрей того ради, яко не сидѣлъ въ осадѣ на Москвѣ, но сѣхалъ въ Тверь боащеся Татарскаго нахоженія; и послѣ его послалъ князь великій по Пумина митрополита, и приведе его изъ заточенія на Москву, и пріятъ его съ великою честію и любовію на митрополию. Тое же зимы Пуминъ митрополитъ постави Саву епископомъ Сараю. Тоя же весны князь великій Дмитрей Ивановичъ посла въ орду сына своего князя Василья, въ свое мѣсто,

тягаться со княземъ Михайломъ Тверскимъ о великомъ княженіи. Того же лѣта преставися князь великій Дмитрей Костянтиновичъ Суздальскій, тестъ великого князя Дмитрея Ивановича. Тоя же осени князь Михайло Олександровичъ Тверскій выиде изъ орды безъ великого княженія; а сынъ его князь Олександръ оста въ ордѣ, а князя Василья Дмитреевича царь у себя же оставилъ въ ордѣ. Ц.

а) въ л. 6888. нѣтъ въ Ц. б) за 80. . . будетъ. *пропущено въ В.* в) а потомъ будетъ за 11 лѣтъ.: *см. о семъ примѣчаніе въ IV томѣ, стр. 75.* г) пуминъ. *пименъ В.* д) того же лѣта выиде. . . княженія. *пропущено въ О.*

* За симъ во всѣхъ сп. слѣдуетъ «Повѣсть о битвѣ в. к. Дмитрія Донскаго съ Мамаемъ.» См. Прибавленія къ Софійской первой Лѣтописи, въ VI томѣ сего изданія; смлч. также Новгородскую четвертую Лѣтопись, т. IV, стр. 75 — 83.

** Далѣе во всѣхъ сп. слѣдуетъ «Сказаніе о Московскомъ ваятіи отъ царя Тактамышя.» См. Прибавленія къ Софійской первой Лѣтописи, въ VI томѣ сего изданія; смлч. также Новг. четв. Лѣт., т. IV, стр. 84 — 90.

Въ лѣто 6892. Преставися князь великій Дмитрей Костянтиновичъ Суздальскій. [Того же лѣта Новгородци поставиша городокъ камененъ, на рѣцѣ на Лугѣ Яму, милостью Божіею и поспѣшеніемъ святыя Софьи, толко въ 30 дни и въ 3. К. О.]

ченьѣ и до смерти, и преставися и положенъ бысть въ печерѣ Онтоньевѣ. Тоя же осени выиде изъ Царяграда Ѳеодоръ игумень Симоновскій, емуже патріархъ дасть архимандритію, и лишнюю честь поручи ему на Руси паче инѣхъ архимандритѣ. Ц.

Въ лѣто 6893. Пуминъ митрополитъ поиде въ Царьградъ.

Въ лѣто 6894. Прииде на Русь митрополитъ Кипріанъ. Того же лѣта, въ великое го-
вѣніе о средохрестіи, мѣсяца марта въ 22 день, великій князь Святославъ Ивановичъ Смоленскій, а съ нимъ братаничъ его князь Иванъ Васильевичъ, и князь Глѣбъ Святославичъ^а, совкупивъ силу многу и поидоша ратию къ городу къ Мьстиславлю, занеже Мьстиславъ прежде того былъ городъ Смоленской, но Литва отъяла за себе, онъ же хотѣ отъ Литвы отъяти; идущю же ему и воююще землю Литовскую, а кого гдѣ изнимавше мучаху нещадно различными муками^б, мужей и женъ и дѣтей, и иныхъ въ избахъ насажавше и запирающе зажигаху. И прииде великій князь Святославъ Ивановичъ ко Мьстиславлю, на страстной недѣли въ среду, мѣсяца априля въ 18, гражане же Мьстиславци затворишася въ

Въ лѣто 6892. Пуминъ митрополитъ по-
стави два епискупа, Михаила въ Смоленскѣ,
а Стефана въ Пермь. Того же лѣта прииде изъ Царяграда на Кіевъ Діонисей епискупъ Суздальскій въ митрополитехъ, хотя съѣсти митрополитомъ на всей Руси, князь же Володимеръ Олгоровичъ Кіевскій изнима его и посла въ заточенье; онъ же пребысть въ заточ-

Въ лѣто 6893. Князь Василей Дмитреевичъ ходи къ ордѣ; и Пиминъ митрополитъ поиде ко Царюграду на Новгородъ, и Новгородци митрополиту не дали мѣсяца судити въ Новгородѣ. Того же лѣта поиде Пиминъ митрополитъ въ Царьградъ. Того же лѣта родился великому князю Дмитрею Ивановичу сынъ Петръ. Того же лѣта преставися епискупъ Ростовскій Матеей Гречинъ. Ц.

Въ лѣто 6894. Прииде на митрополию Кипріанъ митрополитъ на Рускую землю. Того же лѣта прибѣже изъ орды князь Василей, сынъ великого князя Дмитрея Ивановича. Того же лѣта князь Святославъ Ивановичъ Смоленскій своими князми съвокупи воя многи, и поиде къ Мьстиславлю граду, а Мьстиславци затворишася въ градѣ, а воевода у нихъ Киригаило^а князь; и стоя у града 11 дній. И поавишася полкы Литовскыя, а въ полкѣхъ князь великій Скиригаило Олгердовичъ, братъ его Корбатъ да Лугвень, Витовтъ Кестютъевичъ; съступишася полци Литовскыя съ Смоленскими, и Смолняне побѣгоша, а князей Смоленскихъ Ляхове угнаша въ дубровѣ, и посѣкоша ихъ и пошли въ погоню до Смоленска; и ту убіенъ бысть великій князь Святославъ Ивановичъ Смоленскій, а на Смоленсцѣ окупъ взяли, и на княженіи на Смо-

а) да братъ . . . святославичъ. нѣтъ въ В. б) нещадно . . . муками. несправедно различными казними К. нещадно различными казними О.

а) киригаило. или коригаило въ другихъ св.; въ Ц. ошибк. скиригаило.

1386 градѣ, а намѣстникъ у нихъ бѣше князь Кори-
ригаило; и стояху Смоленяне подѣ градомъ
Мѣстиславлемъ 11 днѣй, но не успѣша ничто-
же. Въ первый же на десять день прихоже-
нія ихъ, еже въ Оомину недѣлю на Анти-
пасху^а, въ полѣобѣда, вѣзрѣвше Смоленяне и
увидѣша въ полѣ^б стягы рати Литовскыя, въ
нейже бѣ великій князь Скиригаило Олгер-
довичъ, замало подлѣ^в другой полкъ, въ немъ
же бѣ братъ его Кербутъ^г Олгердовичъ, а
третій полкъ, въ немъже бѣ братъ ихъ князь
Семень Лугвений, съ ними же вкушѣ князь
великій Витовтъ Кестутіевичъ, и сила та Ли-
товская вся вборзѣ идуща на полѣ. Смолен-
яне же видѣвше смутишася, и почаша вскорѣ
браняти, и поидоша къ бою обои полци про-
тиву себе, и съступишася полци на полѣ подѣ
Мѣстиславлемъ, на рѣцѣ на Вехрѣ, а людіе
граждане стояще зряху на заборолѣхъ градъ-
скихъ; и бысть имъ бой надолзѣ, и посемъ
князи Литовскіе Олгердовичи одолѣша, а Смо-
леняне побѣдени быша, а инѣ побѣгоша. И ту
убіенъ бысть великій князь Святославъ Смо-
леньскій, сынъ великаго князя Ивана, а внукъ
великаго князя Александра, а правнукъ вели-
каго князя Глѣба^а, отъ нѣкогого Ляха въ дуб-
ровѣ; наѣхаша на него уже ему лежащю, ту
же и скончася. Также убіенъ бысть ту и
братаничъ его князь Иванъ Васильевичъ; а
великаго князя Святославихъ дѣтей пойма-
маша, князя Глѣба да князя Юрія, и пове-
доша въ Литву, а прочихъ Смоленянъ^е бояръ
и слугъ побѣдѣша, а иныхъ поймаша, а инѣ
бѣжачи назадъ въ Вехрѣ^ж рѣцѣ истопоша.
Князи же Литовскіи погонѣша по нихъ въ по-
гоню и къ Смоленску городу изгономъ, и
пригонѣша подѣ городъ, граждане же затвори-
шася, они же стоявше у града немного и

леньскомъ князя Юрія Святославича изъ своея
руки посадили, а брата его Глѣба съ собою
повели. Тоя же зимы князь великій Дмитрей
Ивановичъ съ братомъ своимъ Володимеромъ
и съ вѣтми князми събра воа многы, и поиде
къ Великому Новгороду воюючи, держа гнѣвъ
великъ, что Новгородци ходили Волгою, взя-
ли розбоемъ городъ Кострому и Новгородъ
Нижній, и много зла учиниша. И не доиде
Новгорода за 30 верстѣ, и срѣтоша его отъ
Новгорода послѣ о миру бити челомъ, и
князь великій челобитѣ не пріялъ; и потомъ
срѣте его владыка Алексѣй о миру добивати
челомъ, и князь великій владыкы не послу-
шалъ, и владыка отѣхалъ безъ миру. А во
градѣ у нихъ въ ту пору князь Патрекѣй На-
рименовичъ да князь Романъ Юрьевичъ; а въ
то время Новгородци посады пожгли и мана-
стыри 24. И прииде посолъ къ великому кня-
зю въ Ямна^а, посадникъ^б Григорей Якуно-
вичъ, и добиша челомъ великому князю Дми-
трею Ивановичю на всей старинѣ и на всей
его воли за Великій Новгородъ, а за ви-
пныхъ 8000 сребра взялъ. И поиде князь ве-
ликий къ Москвѣ, а намѣстники свои поса-
жалъ на Новгородѣ, а черноборци оставивъ
и приставовъ въ Заволочье^в послалъ. Того же
лѣта Ягаило Олгирдовичъ женися въ Угорь-
ской земли, и крестися въ Нѣмецкую вѣру; а
князь Скиригаило взялъ Полтескъ, а брата
своего князя Андрѣя ялъ, а сына его убилъ;
а князь Олегъ Рязанскій взялъ городъ Ко-
ломну. Прииде князь великій отъ Новгорода
и поиде въ землю Рязанскую, и повоева ю;
а иную рать послалъ въ Муромъ на князя
бесчестья. Ц.

а) на антипасху. на пасху *ошибк.* К. О. б) въ
полѣ. *нѣтъ въ Т.* в) замало подлѣ. а мало по-
далѣ К. О. г) кербутъ. корбутъ Б. Г. В. кори-
бутъ К. О. д) а правнукъ. . . глѣба. *пропущено*
въ К. О. е) смоленянъ. *нѣтъ въ Т.* ж) въ вехрѣ.
въ верхѣ Б. Г. К. О.

а) въ ямна. *см. Новг. четв. Лѣт. стр. 94; въ Ц.*
въ ямна. б) посадн. и посадникъ Ц. в) въ за-
волочье. *такъ исправлено; въ Ц. ошибк. въ за-*
вочье.

взяша окупъ съ города, а тѣлеса избіенныхъ князей имъ даша и взяша волю всю свою, вся 13⁴⁶ елика въсхотѣша и створиша; а на княженіи на Смоленскомъ посадиша изъ своею руки князя Юрія Святославича, а брата его князя Глѣба поведоша съ собою въ Литву, и оттолѣ възвратишася въсвоеи съ великою побѣдою. Се же бысть побоище мѣсяца априля въ 29 день. — Тое же зимы, въ Филипово говѣніе, предъ Рожествомъ Христовымъ, великій князь Дмитрій Ивановичъ собравъ вой многи, со всѣми князи Русьскими и съ братомъ своимъ княземъ Володимеромъ Андрѣевичемъ, а съ ними были рати: Московская, Коломенская, Звенигородская, Можайская, Вологъская, Ржевская, Серпоховская, Боровская, Дмитровская, Переяславская, Володимерская, Юріевская, Муромская, Мещерская, Стародубская, Суздальская, Городецкая, Нижняго Новгорода, Костромская, Угледская, Ростовская, Ярославская, Моложская, Галичская, Бѣжицкая, Бѣлозерская, Вологодская, Устюжская, Новоторжская; и поиде ратию къ Великому Новгороду, волости Новгородскыя воюючи и села жгучи, держа гнѣвъ на Великій Новгородъ и нелюбіе велико про Волжанъ, что взяли розбоемъ городъ Кострому и Новгородъ Нижній и много зла учиниша тогда, и про княжчины. Новгородци же послаша послы своя противу великого князя, Іева Абакумовича, Ивана Александровича, съ челобитіемъ о миру. Великій же князь миру не далъ, и послы Новгородскыя отпусти безъ миру, а самъ не дошедъ Новгорода за 15 верстъ и ста ту на полѣ; быше бо уже о Крещеніи. Новгородци же послаша къ великому князю Дмитрею Ивановичу съ челобитіемъ владыку Алексѣя, онъ же пріѣхъ къ великому князю и рече: «господине князь великій! азъ благословляю тебе, а Великій Новгородъ весь челомъ бьетъ, чтобы еси учинилъ миръ, а кровопролитія бы, господине, не было; а за винныя люди Великій Новгородъ доканчиваетъ и челомъ бьетъ тебѣ 8000 рублей.» Великій же князь велми держа нелюбіе на Великій Новгородъ, владыку не послуша и хотѣ ити къ Новгороду; владыка же посла напередъ себе въ Новгородъ Климентія Василіевича, посадника сына, а ркучи: «великій князь миру не далъ, а хочеть къ Новгороду ити, и вы держите опасъ.» И тогда Новгородци поставиша острогъ, по спу хоромы, а князь Патрекѣй Наримонтовичъ да князь Романъ Юріевичъ и съ Копорьскими князи бѣше въ городѣ, и выѣхаша изъ града съ Новгородци въ доспѣсѣхъ нолны къ Жилотугу, въ недѣлю до обѣда, и стояша у Жилотуга и опять вспятишася въ городъ; а владыка пріѣхъ отъ великого князя безъ миру^б. Потомъ же бысть переполохъ великъ Новгороду, на четвертый день по Крещеніи^в промчеса вѣсть въ городѣ, что стоитъ князь великій Дмитрей Ивановичъ со всею силою своею у Жилотуга, Новгородци же се слышавше и начаша бояться велми, и послаша на вѣсти испытывати, они же ѣздивше не обрѣтоша нигдѣже рати; переполошиша бо ся^г и устрашишася слышавше великого князя стояща у города, и страшни быша того ради. И послаша къ великому князю Дмитрію Ивановичю Новгородци архимандрита Давыда, а съ нимъ 7 поповъ да 5 человекъ житіихъ, съ конца по человекъ. Въ то же время Новгородци около города пожгоша монастыревъ великихъ 24, [на Перунѣ, Юрьевъ монастырь, Рожественный, Пантелѣевъ, Въскресеньскій, Благовѣщенскій, Оркажъ, Духовъ, Борисоглѣбскій, Богородицинъ, Николинъ, Лазаревъ, а на Торговой сторонѣ Онтоніевъ, Богородицинъ, Іоановъ, на Волотовѣ, на Ковалевѣ, Рожественный. Кириловъ, на Ситьскѣ, на Латкѣ, въ Нередичахъ, на Сквородкѣ, Щиловъ К. О.], а церквей деревяныхъ 6 сожгли, [Рожество Христово въ Юрьевѣ монастырѣ,

а) *Предъ симъ во всѣхъ сп. кромѣ Ц. въ видѣ заглавія како приходилъ князь великій дмитрей ивановичъ къ новгороду великому ратию.* б) *безъ миру. нѣтъ въ К. О.* в) *по крещеніи. въ понедѣльникъ по обѣдѣ прибавл. К. О.* г) *переполошиша бо ся. переположилися бо бѣ К. О.*

1386 Иоанъ Милостивый у Воскресенія въ монастыри, Семень святой въ Оркажѣ монастыри, Михайло святой на Колмовѣ, а на Городищѣ святую Козму Демьяна да святого Юрья К. О.];
 —87 а Плотничскій конецъ и Людинъ конецъ и Неревскій конецъ^а, у всякіе улицы внѣ города за копаницею всѣ хоромы пожгли; и бысть Новгородцемъ и мнишскому чину много убытка. А монастырь святаго Николы на Понедѣльи^б ратниѣ пожгли, но церкви не сожгли, и много волостей повоеваша; а у купцевъ у Новгородскихъ много товару пограбиша, а мужей и женъ и дѣтей много въ полонъ поведоша, а иныхъ многихъ на Москву попроводиша. А Новоторжцы болшіи люди^в въ Новгородъ бѣгли^г, а изъ иныхъ волостей много бѣглянъ^д вбѣжаша въ городъ^д, а иные не бѣгали; тогда бо христیانомъ не баше пути, но голъ ледъ безъ снѣгу. Тогда же прежереченныя послы Новгородскія, наѣхавъ на Понедѣліе, и добили челомъ великому князю Дмитрею Ивановичу за Великій Новгородъ и миръ взяли по старинѣ, по владычню благословенію и по Новгородскому челобитію; а за винныя люди докончали, за Волжанъ и кто въ путь съ ними ходилъ и за тѣ, за кѣмъ княжчина залегла. И Новгородци взявше съ полаты^е у святыя Софіи 3000 рублевъ, и послаша къ великому князю Дмитрею Ивановичу, съ посадникомъ Григоріемъ Яковичемъ и съ посадникомъ Василиемъ Ѳедоровичемъ; они же привезши то серебро даша великому князю Дмитрію Ивановичу, а 5000 рублевъ докончаша великому князю на Заволочской земли, занеже Заволочане были же на Волзѣ, и приставове послаша за Волокъ. Тое же зимы^ж Новгородци послаша за Волокъ приставовъ своихъ, Ѳедора Тимоѣевича, Тимоѣя Юріевича, Юрія^з Дмитриевича, и иныхъ молодыхъ дѣтей боярскихъ и людей молодыхъ, брати то серебро на Заволочанѣхъ. Великій же князь изъ Яменъ воротися и поиде къ Москвѣ, миръ вземъ съ Новымъ городомъ; а намѣстники своя и черноросцы присла въ Новгородъ. Того же году великій князь Ягайло Олгердовичъ Литовскій ѣха женитися въ Угорскую землю къ королю, и тамо женися и крестися въ Нѣмецкую вѣру; и пришедъ изъ Угорскыя земли въ свою отчину въ Литовскую землю, и крести Литву въ Нѣмецкую же вѣру^и, половину своего города Вилны; и два Литвина у него^и болшіи его, а тѣ крестившася въ христіанскую вѣру, онъ же хотѣ ихъ крестити въ свою же вѣру Латинскую, они же не послушавше, король же Ягайло казни ихъ многими муками и смерти повелѣ предати. Того же году взя князь Олегъ Рязанскій Коломну. Великій князь Дмитрий Ивановичъ ходилъ ратію на Рязанскую землю, а иную рать посылалъ на Муромъ, на князя безчестія^к.

Въ лѣто 6895. Придоша князи Василей Дмитриевичъ Суздальскій да братъ его Семень ратію на Новгородъ на Нижній, на дялю своего князя Бориса Костянтиновича. [Того же лѣта поставиша Новгородци городъ камень Порховъ. К. О.] Того же лѣта въ Смоленскѣ городѣ бысть моръ великъ и около города по волости, толко выидоша изъ города 5 чело-

Въ лѣто 6895. Князь Василей да князь Семень Дмитриевичи Суздальскыя ходили ратію къ Новгороду Нижнему, на дялю своего на князя Бориса Костянтиновича. Тоя же зимы въ городѣ въ Смоленскѣ моръ бысть силенъ, и по волостемъ, а въ городѣ осталось десять чловѣкъ, и градъ затвориша. Того же лѣта князь Василей Дмитриевичъ прииде

а) и неревскій конецъ. *пропущено въ К. О.* б) на понедѣльи. въ понедѣліи Т. в) болшіи люди. болшіе бояре К. О. болшіи люди бояре Б. Г. В. г) вбѣгли. выбѣжали К. О. д) бѣглянъ вбѣжаша въ городъ. бѣглецевъ выбѣгоша К. О. е) съ полаты. съ полатей К. О. ж) тое же зимы. въ великое говѣіио (говѣііе) *прибавл.* К. О. з) юрія. посаднича юрія (*пропущено сына*) К. О.; *см. Новг. четв. Лѣт., стр. 94.* и) и пришедъ . . . вѣру. *пропущено въ Б. Г.* і) у него. были *прибавл.* К. О. к) безчестія.; *о семъ словѣ см. Новг. четв. Лѣт. стр. 95 въ примѣчаніяхъ.*

вѣкъ, а городъ затвориша. Того же лѣта князь Василей Дмитріевичъ приде изъ орды отъ царя Тахтamyша, мѣсяца генваря въ 19.

Въ лѣто 6896. Соиде со владычества владыка Алексѣй Новгородскій, нездравіа своего ради; а Пуминъ митрополитъ приде изъ Царяграда въдругыйрядъ. Тое же зимы, мѣсяца генваря въ 17, Пуминъ митрополитъ постави Ивана Великому Новугороду на владычество, въ преименитой церкви святаго великаго Архангела Михаила. Того же лѣта князь Лугвеней Литовскій, нареченный въ святомъ крещеніи Семеонъ, присла послы своя въ Великій Новъгородъ, Овгимонта и Братошу, хотя быти у нихъ въ Новъгородъ и сѣсти на городкѣхъ, чимъ владѣлъ Наримонтъ. Того же году Татарове взяша Переяславль.

изъ орды отъ царя Тахтamyша, и ста на Мо-1387
сквѣ мѣсяца генваря 19. Ц.] —89

Въ лѣто 6896. Соиде со владычества владыка Алексѣй въ монастырь къ святому Въскресенію на Деревяницю, по своей волѣ, нездравіа ради своего; сѣдѣ на владычествѣ 30 лѣтъ безъ лѣта и безъ 5 мѣсяць; и возведоша на сѣни Новгородци игумена Ивана съ Хутина^а отъ Великого Спаса въ владыченъ дворъ, на Възнесеніе Господне, мѣсяца маія 7. А Пуминъ митрополитъ приде изъ Царяграда въдругыйрядъ на митрополию въ Русь; тогда же приѣхаша поклонщики съ Москвы отъ митрополита Пумина, и позваша Ивана ставитися на владычество. Тое же зимы, мѣсяца декабря въ 8, Иванъ поѣха на Москву къ митрополиту Пумину ставитися на владычество, а съ нимъ бояре Новгородские и посадники; и приѣхаша на Москву генваря въ

10. Промысломъ же Божіимъ и поспѣшеніемъ святаго Духа поставленъ бысть Иванъ архіепископомъ Новугороду, въ преименитой церкви святаго великаго Архангела Михаила, мѣсяца генваря 17, на память великаго отца Антонія, пресвященнымъ митрополитомъ Пуминомъ Кіевскимъ и всея Руси; и знаменанъ бысть въ церкви святыя Богородица Пуминомъ митрополитомъ съ прочими епископы, съ Смоленскимъ Даниломъ, и съ епископомъ Михаиломъ, и епископомъ Оеогностомъ Резаньскимъ, и преподобными игумены, и створиша праздникъ свѣтелъ; поставленъ бысть при благовѣрномъ великомъ князи Дмитріи Ивановичѣ, и приѣха въ Новъгородъ мѣсяца февраля 8, въ Фарисѣйскую недѣлю, и ради быхомъ. — Князь Лугвеній Литовскій, нареченный въ крещеніи Семенъ, присла послы своя въ Великій Новъгородъ Овгимонта и Братошу, хотя быти у нихъ въ Новъгородъ и сѣсти на городкѣхъ, чѣмъ владѣлъ князь Наримантъ. К. О.]

Въ лѣто 6897 *. Митрополитъ^б Пиминъ соиде съ митрополию своя тайно, безъ вѣсти, въ Царьградъ^в. Того же лѣта въ Новъгородъ приѣха князь Семенъ Олгердовичъ, на пригороды, на Успеніе святыя Богородица. Тогда преставися Діонисій митрополитъ въ Кіевѣ; лежитъ въ пещерѣ Оеодосіевѣ^г. Князь Василей Дмитреевичъ уѣха отъ царя Тахтamyша за Яикъ^д. Преставися^е архіепискупъ Новгородскій Алексѣй, и положенъ бысть въ церкви святаго Воскресенія Христова, въ монастырь на Деревяницѣ.

а) съ хутина — стухина *ошибк.* К. О; см. *Нов. перв. Лѣт. т. III, стр. 94.* б) митроп. — того же лѣта митроп. Т. в) въ царьгр. — тамо и преставися, а имѣніе его разъяша иніи *приписано на полъ въ Ц.* г) лежитъ . . . оеодосіевѣ. *нѣтъ въ К. О.* д) кн. василей . . . за яикъ — такъ было и въ Ц, но потомъ *помярано.* е) преставися — мѣсяца февраля въ 3 *прибавл.* К. О.

* За симъ во всѣхъ сп. кромѣ В. слѣдуетъ «Слово о житіи и о преставленіи великаго князя Дмитрія Ивановича, царя Русьскаго.» См. Прибавленія къ IV тому (стр. 349 — 357) и къ Софійской первой Лѣтописи, въ VI томѣ сего изданія. Въ В. о кончинѣ в. к. Дмитрія упомянуто сокращенно.

1390

—91

Въ лѣто 6898. Преставися Пуминъ митрополитъ въ Кіевѣ; а Кипріянь митрополитъ прииде изъ Царяграда митрополитомъ на Русь. Того же лѣта сѣде на великомъ княженіи князь Василей Дмитреевичъ; а съ нимъ прииде изъ орды посолъ силенъ, именемъ Уланъ царевичъ, той его посадилъ на великомъ княженіи.

Княженіе великого князя Василя Дмитреевича и всея Руси. Новгородци послаша къ великому князю Василю Дмитреевичю послы своя, Юрія Семеновича, Авраама Внука, Кирила Андріановича^а; и докончаша миръ по старинѣ, и князь великій присла въ Новгородъ намѣстника своего Остафія Сыту. Того же лѣта ходиша Новгородци со княземъ Семеномъ Олгердовичемъ на Псковичъ ратию, и стаха въ Солци; и ту Псковскіе послы приѣхаша и кончаша миръ, а за должникъ, и за холопъ, и за робу, кто въ путь ходилъ на Волгу, не стояти Псковичемъ, но выдавати ихъ. Великого князя бояре Василя Дмитреевича, Александръ Поле, и Александръ Белеутъ и Селиванъ, приѣхаша въ Новгородъ изъ Нѣмцевъ со княжною Софією съ Витовтовою дочерію, а съ нею князь Иванъ Олгимонтовичъ; и стоявъ на Городищѣ, поѣхаша на Москву.

Въ лѣто 6899. Приѣха въ Новгородъ Кипріянь митрополитъ Кіевскій и всея Руси, а съ нимъ владыка Рязанскій. [Того же лѣта приѣхаша послы Нѣмечскыя изъ заморія, изъ Любка, изъ Гочьского берега, изъ Ригы, изъ Колывая, и миръ взяша съ Новымъгородомъ по старинѣ, и дворы свои поставиша и товаръ поимаша; а было розмирье 7 лѣтъ съ Нѣмци Новугороду. К. О.]

а) андріановича - андрѣевича К. О. В.

Въ лѣто 6898. Преставися Пиминъ митрополитъ въ Кіевѣ^а. Прииде Кипріянь митрополитъ на Русь, а съ нимъ два митрополита Гречина. Того же лѣта на Тахтамышя царя прииде инъ царъ силенъ, изъ Шамахейскыя земли, и бысть сѣча велика. Того же лѣта прииде грамота отъ патріарха къ Новугороду Великому, по митрополичю слову, о судѣ, подписью патріаршею рукою Антоніевою Новаго Рима; имѣеть же и самая грамота и митрополичы руки: Никомидійскій митрополитъ, Никейскій, Моневасисскій и Андріанополюскій, Сербскій, Ганьскій, Драмскій. Того же лѣта князь Василей Дмитреевичъ утече за Яикъ, и прииде на свою отчину на Москву; и послѣ изъ орды прииде посолъ Уланъ царевичъ, и посади князя Василя Дмитреевича на великое княженіе. Того же лѣта били челомъ великому князю въ службу три Татарины, цареvy постелники, хотя хрестіянскыя вѣры, а се имена ихъ: Бахтыхозя, Кидырьхозя, Мамахозя; и приведоша ихъ ко Кипріяну митрополиту, и митрополитъ самъ крести ихъ и нарече имъ имена въ святомъ крещеніи, Ананія, Азарія, Мисаилъ; и бысть радость велика и прославиша Бога. Того же лѣта князь великій Василей Дмитреевичъ женися, у великого князя у Витовта у Кестютъевича поа княжну Софію. Ц.

Въ лѣто 6899. Царъ Тахтамышъ посылаъ царевича, именемъ Бехтута на Вятку ратию; онъ же шедъ взя Вятку, а люди посѣче, а иныхъ въ полонъ поведе. Того же лѣта Кипріянь митрополитъ поѣде въ Новгородъ въ Великій, а съ нимъ владыка Рязанскій^б; и срѣте его владыка Ноугородцкой Іоаннъ со всѣмъ съборомъ и съ всѣмъ Новымъгородомъ, съ кресты, у святого Спаса въ Нередицахъ, и пріяша его въ честь, и пиры

а) въ лѣто 6898 . . . въ кіевѣ - эти слова зачеркнуты въ Ц. б) владыка резаньскій - въ Ц. прибавлено іоаннъ; но Рязанскимъ епископомъ въ это время былъ Грекъ Іеремія: см. Карамз. V, прим. 232.

многы сотвориша, и дары многы вдаша. И нача митрополитъ просити у Новагорода суда, ¹³⁹¹своего мѣсяца; и Новгородци отвѣщаша единѣми усты: «цѣловали есмя крестъ съодного, —⁹³ а грамоты пописали и попечатали, и душу запечатали.» И рече имъ митрополитъ: «цѣлованье съ васъ снимаю, у грамотъ печати порву, а васъ благословляю и прощаю; а мнѣ судъ дайте, какъ было при иныхъ митрополитѣхъ.» И Новгородци того не сотвориша, и митрополитъ поиде изъ Новагорода, на владыку и на весь Новѣгородъ держа нелюбие велико. Ц.

Въ лѣто 6900. Оженися великій князь Василей Дмитриевичъ, поя за себе дщерь у великого князя у Витовта Софію^а. Того же лѣта преставися святой Сергѣй игумень^б. Того же лѣта на Тактамыша приходи царевичъ изъ Шамахиныскыя^в земли, и бысть имъ бой силенъ. Ходи князь великій Василей Дмитриевичъ въ орду, ко царю Тактамышу, и выиде изъ орды на великое княженіе; и ходи подъ Нижній Новѣгородъ ратию, и взя городъ за себе, а князи и княгини пойма въ полонъ, а князь Семень Дмитриевичъ убѣжа въ орду. [Того же лѣта вышедше изъ заморья Нѣмци розбойники въ Неву, и взяша села по обѣ стороны рѣкы, и до городка до Орѣшка за 15 верстъ; и князь Семень Олгирдовичъ съ городчаны угнавъ ихъ, иныхъ избиша, а иныхъ въ Новѣгородъ приведоша, а иные разбѣгошася. К. О.] Того же лѣта поѣха^г князь Семень Олгердовичъ въ Литву, къ братіи своей.

Въ лѣто 6901. Ходи великій князь Василей Дмитриевичъ другые^д въ орду ко царю; и далъ ему царь Новгородское княженіе, Нижній Новѣгородъ, и Муромъ, и Мещеру, и Торусу^е. Того же лѣта Махмутъ^ж царевичъ взялъ ратию Вятку. Тогда же преставися князь Борисъ Костянтиновичъ. Великій же князь Василей Дмитриевичъ^з и со княгынею своею ѣзди въ Смоленскъ, ко тестю своему Витовту на повиданіе. Князь Олегъ ходилъ ратию къ Любутску; а Литва воевала Рязанскую землю. Король Ягайло далъ Витовту Литовское княженіе великое^и. Приѣха въ Новѣгородъ князь Костянтинъ Бѣлозерскій, и пріѣша его. Великій князь Василей Дмитриевичъ присла въ Новѣгородъ Ивана Всеволожича и Данила Тимоѣевича о черномъ бору и о грамотѣ, что цѣловали Новгородци, что къ митрополиту не зватися на Москву о судѣхъ, а судити было владыцѣ: «и вы къ митрополиту ту грамоту отъшлите^и, а цѣлованіе митрополитъ съ васъ соиметь.» Новгородци же того не послушаша, и въ томъ ся учинило розмиріе. Великій же князь Василей Дмитриевичъ посла дядю своего князя Володимера Андрѣевича и брата своего^к князя Юрія Дмитриевича ратию на Торжекъ, и много повоеваша Новгородскихъ волостей, а сами сѣдоша въ Торжку. Новгородци же совкупишася ратию, а съ ними князь Романъ Литовскій, да князь Костянтинъ Бѣлозерскій и воеводы Новгородскыя, [посадникъ Тимоѣй Юрьевичъ^л, Юрьи Онцифоровичъ, Василей Синецъ^м, Тимоѣй Ивановичъ, Иванъ Александровичъ К. О.], и взяша городъ Кличенъ и Устюжну, а изъ Заволочія Двиняне взяша городъ Устюгъ, и много зла учиниша; въ то время съ обѣ стороны много зла учинилося. Новгородци же послаша къ великому князю съ чело-

а) оженися . . . софію. такъ было и въ Ц., но потомъ помарано. б) того же лѣта. . . игумень. нѣтъ въ Т. К. О. в) изъ шамахиныскыя. изъ шамарханской К. О. г) поѣха. приѣха Б. Г. В. д) другые. въдругіи К. О. е) Въ Ц. приписано на полъ и честь и дары велики отъ царя пріѣ, якоже ниодинъ князь велики ни отъ которого царя не пріѣ такіа чести. ж) того же л. махмутъ. а бектутъ К. О. з) дмитріевичъ. константиновичъ ошибк. В. и) король . . . великое. пропущено въ К. і) отъшлите. отдайте Ц. Б. Г. В. к) своего. его ошибк. Т. л) юрьевичъ. иванъ александровичъ. прибавлено ошибк. въ К; см. Нов. четь. Лѣт. т. IV, стр. 100. м) тимоеѣй . . . синецъ. пропущено въ О.

1393 битіємъ о старинѣ^а, а къ митрополиту грамоту послаша цѣловальную, и послы ѣздивше миръ —⁹⁵ докончаша по старинѣ; а митрополиту грамоту дали, митрополитъ же грамоту вземъ, рече: «не буди на васъ сего грѣха, что есте на сей грамотѣ цѣловали; а архіепискупа Ивана и весь Великій Новгородъ благословляю и прощаю.» А отъ великого князя пріѣхали послы, Ѳеодоръ Кошка, Иванъ Уда, Селиванъ, и покрѣпиша миръ съ Новгородци; Новгородци же даша великому князю черной боръ по всѣмъ Новгородскимъ волостемъ, митрополю же послу дали Дмитрею^б полъчетвертаста^в рублевъ, что митрополитъ благословилъ владыку Ивана и весь Новгородъ.

Въ лѣто 6902. Пріѣздилъ въ Новгородъ князь Андрѣй Олгердовичъ. Ходиша Новгородци со княземъ Романомъ и со княземъ Костянтиномъ и стояша подъ Псковомъ недѣлю, а въ городѣ во Псковѣ бѣше тогда князь Андрѣй Олгердовичъ и сынъ его князь Иванъ; и ту убиенъ бысть въ заѣздѣ князь Иванъ Копорскій и Василей Ѳеодоровичъ, и иныхъ много паде; и отъидоша Новгородци миру не взявше, ни города Пскова. [Того же лѣта даша княжну Марью, дщерь великого князя Дмитрея, за князя Семена Олгердовича Литовского, нарицаемаго Лугвеня. Ц.]

Въ лѣто 6903. Бой бысть царю Темирькутлюю съ Тахтамышомъ, и прогна Тахтамышъ въ Литву, а самъ сѣде на царствѣ. Приходилъ царь Калочанъ, Андрониковъ сынъ, съ Туркы ко Царюграду; и выѣха царь Мануилъ съ Грекы и съ Фрязы, и прогони Туркы. Тое же осени великій князь Витовтъ Литовскій собра силу Литовскую и поиде ратию, творяся на Темирькутлюю, а не на Смоленскъ, и промчеса слово то всюду, да ся бы Смоленяне, оплошили; а въ то время князи въ Смоленску быша въ разности, враждующеся про отчину. И бывшу Витовту подъ Смоленскомъ, и выѣха къ нему князь Глѣбъ Святославичъ не во мнозѣ; онъ же чѣстивъ и одаривъ его и съ любовію отпусти съ миромъ, ркуще: «абы есте выѣхали всѣ князи братеникы ко мнѣ съ любовію, по опасу; слышелъ есмь, что естъ промежи вами неодиначество и недружба велика, и каково будетъ межѣ вами слово, или какова прѣя, и вы на мене сошли-теся акы на третій, и азъ васъ право сужу;» и тако створи надъ ними лествъ, и вызва ихъ изъ города лествію, акы право хотя судити и раздѣлити имъ вотчину по жребію. Они же вѣру яша словесемъ его лукавымъ, и выѣхаша къ нему съ дары всѣ братеники Свято-

Въ лѣто 6903. Бысть бой царю Темирю Кутлюю съ царемъ Тахтамышомъ и сѣча велика, и одолѣ царь Темирь Кутлуй и сѣде на царствѣ, а Тахтамышъ бѣже въ Литовскую землю. Того же лѣта приходилъ Колачанъ царь Турьскій, Андрониковъ сынъ, со многими силами ко Царюграду, и выиде изъ Царяграда царь Мануилъ Греческій, съ Грекы и съ Фрягы срѣти Турковъ и прогони ихъ въ Турьскую землю. Того же лѣта князь великій Витовтъ Кестутевичъ събра вой многи и поиде лествію творяся на Темирьаксака, а не на Смоленскъ, и доиде Смоленска; а во Смоленцѣ межѣ князей прѣя бысть, не хотя братъ брату служить. И ѣде изъ града князь Глѣбъ Святославичъ къ Витовту, и Витовтъ чѣстивъ и даривъ отпусти Глѣба въ градъ. И рече Витовтъ то слово: «по опасу выѣдите вси братеникы, и азъ васъ смирю, а о княженѣхъ васъ управлю; или какова межѣ вами распрѣя, и вы на меня шлитесь акы на третей, и азъ васъ по праву розсужу;» они же не узнаша Витовтовы лести и козней, чаяху что не на нихъ пришло, и вси князи Смоленскіи рекоша: «пойдемъ изъ града къ Витовту, управитъ насъ о княженіи.» И собравшася вси князи изъ града, и принесоша дары многы; Витовтъ же дары

а) о старинѣ • о смиреніи В. б) дмитрею • дмитроку К. О. в) полъчетвертаста • полтораства К. О.

славичи и всѣ князи Смоленскыя, дондеже не оста ни единъ ихъ въ градѣ, но и съ бояры своими; онъ же поима ихъ всѣхъ князей Смоленскихъ, и посла въ свою землю Литовскую, а самъ посадъ пожже, а люди многы полони, и тако все княженіе Смоленское взя за себе, и намѣстника своего посади князя Ямонта да Василія Борѣйкова. Се первое взятіе Смоленску отъ Витовта, мѣсяца сентября въ 28^а. А князь Юрій^б въ то время бысть на Рязани, у тѣстѣя своего у князя Олга Ивановича. — Тое же осени князь Семенъ Дмитріевичъ Суздальскій поиде ратію къ Новугороду Нижнему, а съ нимъ царевичъ Ентякъ^г да Татаръ 1000; людіе же затворишася въ городѣ, а воеводы у нихъ бѣху, Володимеръ Даниловичъ, Григорей Володимировичъ, Иванъ Лихоръ. И бысть имъ бой, и отъступиша отъ города Татарове, и паки приступиша, и тако по три дни бѣхуся и много людей отъ стрѣлъ паде; и посемъ миръ взяша, крестіане крестъ цѣловали, а Татарове по своей вѣрѣ даша правду, что имъ крестіанъ не грабити, ни заимати. И потомъ Татарове сътвориша лествъ, и роту свою измѣниша, и пограбиша всѣхъ крестіанъ, нагихъ пуцаху^д; а князь Семенъ глаголаше: «не азъ творихъ лествъ, но Татарове; а язъ въ нихъ не воленъ, а съ нихъ не могу.» И тако взяша градъ, октября въ 25, и быша ту двѣ недѣли, дондеже слышаху великого князя, что на нихъ хочеть ити ратію; они же побѣгоша къ ордѣ. И се слышавъ князь великій Василей Дмитріевичъ, и собравъ рать многу, посла брата своего князя Юрія Дмитріевича и съ нимъ воеводъ и старѣйшихъ бояръ и силу многу; онъ же шедъ взя городъ Болгары великыя, и градъ Жукотинъ, и градъ Казань, и градъ Кермен-

прія, а князей всѣхъ поималъ и посла къ 1395 Литвѣ, а самъ прииде ко граду, посады пожже и градъ взя, а люди изсѣче, а иныхъ въ полонъ поведоша, а намѣстники своя посади на Смоленскѣ, князя Ямонта да Василія Борѣйкова. Се же бысть мѣсяца сентеврія 28 первое взятіе Витовтово Смоленска; а князь Юрьмъ Святославичъ въ то время бысть на Резани, у тѣстѣя своего у Олга князя. Тоя же осени князь Семенъ Дмитреевичъ Суздальскій собралъ, а съ нимъ царевичъ Ентякъ съ Татары, и прииде къ Новугороду Нижнему и стоя у града долго, а града не взялъ, а во градѣ три воеводы великого князя Василія Дмитреевича, Володимеръ Даниловичъ, Григорей Володимировичъ, Иванъ Лихоръ, взяша миръ и цѣлованье крестное, а Татарове роту пили; и послѣ того цѣлованья Татарове пограбиша весь Новгородъ, октября 25. То же слышавъ князь великій Василей Дмитреевичъ измѣну Татарскую, посла брата своего князя Юрія Дмитреевича, а съ нимъ вси князи Рускыя съ силою мноюю; они же шедше плѣниша землю Татарскую и взяша градъ Болгары, Жукотинъ, Казань и Кременчюкъ, и иныхъ много градовъ, и пребыша тамо три мѣсяцы, воюючи землю поганьскую, а супротивленье нигдѣ не бывало, и возвратишася на Русь со многымъ богатствомъ. Тоя же зимы посылалъ Витовтъ Рязани воевати. Того же лѣта вста нѣкій безбожный царь именемъ Темиръаксакъ съ восточныя страны, отъ Синяя орды, отъ Шамахѣйскыя земли, и велику брань створи и много мятеежъ въздвиже въ ордѣ и на Руси приходомъ своимъ. Сей бо царь Темиръаксакъ много брани въздвиже, мнози сѣчи показа и мнози побѣды учини, многимъ полкомъ съпротив-

а) въ 28. въ вторникъ *прибавл.* К. О. б) юрій. святославичъ *прибавл.* К. О. в) Предъ симъ во всѣхъ сп. въ видѣ заглавія взятіе новагорода нижняго. г) ентякъ. тетякъ Б. Г. д) людіе же затворишася въ городѣ . . . пуцаху. и воеводы великаго князя московскаго, володимеръ даниловичъ, да григорей володимировичъ холопищевъ, да иванъ лихоръ, не возмогоша стати противу ихъ, но затворишася съ гражданы въ градѣ: и бысть имъ бой по 3 дни полъ градомъ, и отъ стрѣлъ мнози язвени падаху; и паки миръ взяша, крестіане крестъ цѣловаша, а татарове по своей вѣрѣ правду даша на томъ, что имъ крестіанъ не заимати, и вскорѣ роту свою измѣниша, и пограбиша всѣхъ крестіанъ *перепищено въ К. О.*

1396 чюкъ и всю землю ихъ повоева, и много берменъ и Татаръ перебиша, и всю Татарскую землю плѣни, воеваша три мѣсяци и възвратишася со многою корыстію въ землю Русскую. Тое же зимы посылаѣтъ великій князь Витовтъ Литовскій рать на землю Рязанскую; Литва же повоеваша землю Рязанскую^а и отъидоша. [Приходиша Нѣмци Свѣйскые къ новому городку къ Ямѣ ратью, и не взяша, прочь поидоша; и князь Костянтинъ Ивановичъ Бѣлозерскій съ городчаны наѣхавъ ихъ избиша, а иные побѣгоша. К. О.]

нымъ одолѣ и многи грады раскопа, много люди погуби и многи страны и земли повоева, многи области и языки плѣни, многи царства и княженья покори подъ себе, и въсхотѣ ити на Русскую землю хрестіанъ воевати; и прииде всю землю Татарскую и прииде близъ предѣлъ Рязанскыя земли, и взя градъ Елечъ и князя Елечьскаго изнима, и много люди помучи. Се же слышавъ князь великій Василей Дмитреевичъ, собра воя многи, поиде съ Москвы къ Коломнѣ, хотя ити противу его, и пришедъ ста на брезѣ у рѣкы Оки. А Темиряксаку стоящу на единомъ мѣстѣ 2 недѣли, не поступя ни сѣмо ни онамо, граду же Москвѣ пребывающу въ смущеніи и готовящуся

сидѣти въ осадѣ, и многу народу сушу въ немъ, отъсюду собишася. По вся же дни приходящимъ частымъ вѣстемъ на Москву, възвѣщаючи прещеніе и грозы Темиряксаковы, како готовится воевати Рускую землю и како похваляется ити къ Москвѣ, хотя взяти ю и люди Рускыя поплѣнити и мѣста святая разорити, а вѣроу хрестіанскую искоренити, а хрестіанъ гонити и томити и мучити, и пещи и жещи, и мечи сѣчи; бяше бо сій Темиряксакъ велми нежалостивъ и зѣло немилостивъ, и лють мучитель, и злогонитель и жестокъ томитель, въздвизая гоненія на хрестіаны; сія же страшныя и грозныя вѣсти слышаще, велми въ печали быша народи хрестіанстїи, и съ въздыханіемъ и слезами моляхуся Богу, дабы избавилъ ихъ отъ таковыя бѣды и скорби. Кипріанъ же митрополитъ заповѣда тогда всѣмъ людемъ поститися и молитися и молебень пѣти; и вси народи хрестіанстїи съ радостію и съ тщаніемъ и съ усердіемъ многимъ и съ вѣрою сѣтвориша постъ и молитву, покаяніе и слезы и обѣты, ктоже по своей силѣ, отъ мала и до велика ихъ молящеся Богу и пречистѣй его Матери. Князь же великій Василей Дмитреевичъ, и митрополитъ Кипріанъ, и прочіи князи братіа великого князя умыслиша совѣтъ благъ, да принесутъ чудотворную икону пречистыа Богоматери изъ града Владимира въ градъ свой Москву, глаголюще сїце: «никтоже насъ можетъ избавити отъ нужды и печали, развѣ Владычице нашея Богородица и Приснодѣвныа Маріа, та бо преложитъ печаль нашу на радость, та бо есть заступница наша и града нашего; но точію съ вѣрою призовемъ имя ея на помощь и съ усердіемъ помолимся ей, и не погрѣшимъ прошенія нашего;» и якоже умыслиша сїце и сѣтвориша, и послаша по чудную ону икону пречистыа Богородица въ славный стольный градъ Владимиръ. Сїмъ же тако бываеомъ, пришедше же они посланіи, и повелѣша священникомъ церкви оноа Владимирскыя пѣніе молебнаа сѣвершати предо образомъ Богоматере, и намнозѣ молившися съ слезами, и посемъ приступльши священници и взяша изъ кывота пречюдную и чудотворную икону пресвятыа Богородица, и попесоша ю отъ града Владимира къ предъреченному и славному граду Москвѣ, страха ради окааныхъ Агарянъ и нахоженія рали безбожнаго Темиряксака; проводиша же Пречистыа икону изъ града Володимера, въ самый праздникъ Успенъа ея, съ кресты и съ кандилы священници и весь народъ града

^{а)} Литва же . . . рязанскую. *пропущено въ Б. Г. В.*

того. Егда же приидоша близъ града Москвы со пречюдною иконою пречистыа Богома-¹³⁹⁶
тере, тогда изыде весь градъ въ срѣтеніе ея, митрополитъ Кипріанъ со кресты и ико-^{—98}
нами и съ кандилы, и епископы съ нимъ и архимандриты съ нимъ, игумены, іереи и
діакони, съ псалмы и съ пѣснями и съ молебными правилами, по нихъ же князи и боаре
и княгини и боярыны, мужи и жены, уноша и дѣвы и старцы со унотами, отроки и
младенцы, сироты и вдовицы, нищии и убози, все множество безчисленное народа
хрестіянська срѣтоша ю далече за градомъ на поли; и яко узрѣша чюдную икону пречи-
стыа Богоматере, и тако вси падоша на земли съ многими слезами, молящися и възды-
хающе изъ глубины сердца, и тако мнозѣ благодаривше ея и вѣставше отъ земли,
руцѣ въздѣвше на высоту, вопіюще и глаголюще: «о всепѣтая Владычице Богородица!
избави насъ отъ нахоженія безбожныхъ Агарянъ, хвалящихся достоаніе твое разорити,
защити князя и люди отъ всякого зла, заступи градъ сей и избави насъ отъ нахоженія
иноплеменникъ, отъ поганныхъ плѣненія, отъ огня и меча ихъ и отъ напраснаго убіенія
и отъ всякого зла.» И поидоша въ градъ съ иконою Богоматере, и принесше поставиша
ю въ соборной церкви пречистыа Богородица честнаго ея Успенія, на деснѣй странѣ,
идѣже и донинѣ стоитъ, заступающе градъ сей отъ всякіа напасти приходящія на насъ
грѣхъ ради нашихъ. Бысть же тогда ново и преславно чюдо и многое милосердіе Вла-
дычне и пречистыа его Матере пресвятыа Владычица наша Богородица и Приснодѣвы
Марія на родѣ хрестіанствѣмъ: въ день бо той и часъ, въ онъ же принесена бысть чюдо-
творнаа Богородицы икона отъ града Владимира къ славному сему граду нашему, повѣ-
даху же сие бывшеш тогда у оного поганого царя, яко въ день той и часъ гордый онъ
и суровый и безчеловѣчный ужасеся душею и смятесе умомъ, и вскорѣ възвратися
въсвоеси, и вборзѣ къ мутному шестію устремися, и быстро идяше яко нѣкому гонящу
по немъ; но по истинѣ гонимъ быше силою Божіею и помощію и заступленіемъ пре-
святыа Владычице наша Богородицы и Приснодѣвы Марія. Слышавъ же се благо-
вѣрный и великій князь Василей Дмитреевичъ, и вси князи Рустіи, и все православное
ихъ воинство, якоже преже хваляйся безбожный Темиръаксакъ потребити хрестіанство,
и разорити святыя церкви, и положить всю землю Рускую пусту и огнемъ пожещи, се
же невидимо побѣжденъ бысть и прогнанъ отъ вседръжителныа руки Всевидца Бога:
и о семъ велико благодареніе въздаша Христу Богу и пречистѣй его Матери о преслав-
номъ ея чудеси, бывшемъ на насъ грѣшныхъ. Посемъ же Кипріанъ митрополитъ съ ве-
ликимъ княземъ Васи́ліемъ Дмитреевичемъ совѣтъ сиевъ совѣщаютъ, и вскорѣ пове-
лѣша на томъ мѣстѣ церковь поставити, идѣже срѣтоша чюдотворную икону святыа
Богородица, на воспоминаніе бывшаго ея чудеси; и устроена же бысть церкви та во имя
святыа Богородица честнаго ея Срѣтенія, и оттолѣ уставися таковы празникъ празно-
вати мѣсяца августа 26, въ честь и въ славу пресвятыа Владычицѣ наша Богородицы
и Приснодѣвы Марья. Ц.

Въ лѣто 6904. Кипріанъ митрополитъ
Кіевскій и всея Руси постави Григорія епи-
скупомъ Ростову, и Ярославлю, и Бѣлуозеру,
и Угличю Полю, и Устюгу и Молозѣ; а съ
нимъ были на поставленіи 5 владыкъ. Си же
Григорій 20 и 5 лѣтъ^a бысть епископомъ

Въ лѣто 6904. Кипріанъ митрополитъ по-
стави Григорья епискупомъ Ростову граду.
Того же лѣта преставися Степанъ епискупъ
Пермскій, мѣсяца апрѣля 26, въ Препло-
веніе праздника въ среду. Си бо святыи свя-
титель, новыа апостолъ Пермскыа земля,

а) 20 и 5 лѣтъ. 30 и 5 лѣтъ К. О; но сіе число относится къ порядку епископовъ Ростовскихъ, по
времени ихъ поставленія; см. Нов. четв. Лѣт., стр. 102.

1396 Ростову. [Пришедше Нѣмци въ Корѣльскую
—98 землю, взяша два погоста, Кирьевскыя и Ки-
лодакскыя, и церковь сожгоша; князь же
Костянтинъ Бѣлозерскій гнася по нихъ, и
языкъ изыма и присла въ Новѣгородъ. К. О.]

учитель и просвѣтителъ душамъ ихъ, преложи
имъ грамоту съ Рускыа на Пермскую грамо-
ту, и вѣру утверди, и грамотѣ ихъ изучи; се
бо блаженный епископъ Степанъ, Божій чело-
вѣкъ, живяше посредѣ невѣрныхъ чело-
вѣкъ, ни Бога знающихъ, ни закона вѣдающихъ, мо-
лящихся идоломъ, огню и вѣдѣ и каменю, и
Золотой бабѣ и кудесникомъ и вѣлѣхвомъ, и

древью. А се живущимъ около Перми имена мѣстомъ и странамъ и землямъ иноязыч-
нымъ: Двиняне, Устюжане, Велыжане, Вычегжане, Пенезжане^а, Южане, Сирнане^б, Га-
личане, Вятчане, Лопъ, Корѣла, Югра, Печера, Вогуличи, Самоедь, Пертасы, Пермь
великая, Гамаль Чюсовая; рѣка же первая именемъ Вымь впаде въ Вычегду, другая
рѣка Вычегда обходяще всю землю Пермскую потече къ сѣвернѣй странѣ и паде въ
Двину, ниже Устюга 40 верстъ, рѣка же третья Вятка потече съ другую сторону Перми
и вниде въ Каму рѣку, сіа же рѣка Кама обходяще всю землю Пермскую, по сей бо
рѣцѣ мнози языци сядятъ, и потече на угъ въ землю Татарскую и паде въ Волгу, ниже
Казани 60 верстъ. Преставленъ же бысть Степанъ Пермскаго при благовѣрномъ и хри-
столюбивомъ великомъ князи Василіи Дмитреевичи и при архіепискупѣ Кипріанѣ митро-
политѣ Кіевскомъ и всеа Руси. Того же лѣта князь великій Витовтъ Рязань воевалъ со
всею силою Литовскою, и много зла сѣтвори Рязанской земли. Ц.

а) пенезжане въ Ц. ошлбк. повежане. б) сирнане или сирнане; въ другихъ Лѣтописяхъ сирнане, т. е. зыряне.

Въ лѣто 6905. Князь Василей Ивановичъ Смоленскій и Патрекѣй Наримонтовичъ приѣ-
хаша въ Новѣгородъ; и пріяха ихъ Новогородци. Князь великій Василей Дмитріевичъ и
князь великій Витовтъ прислаша свои послы съодиного къ Новугороду, повелѣша имъ раз-
веречи^а миръ съ Нѣмци; Новогородцы же того не послушали, но отвѣтъ даша: «намъ, го-
сподине князь великій Василей Дмитреевичъ, съ тобою свой миръ, а съ великимъ княземъ
Витовтомъ инъ, а съ Нѣмци иный.» Двиняне же далися великому князю Василію Дмитріе-
вичу, и князь великій разверже^б миръ съ Новогородци. Новогородцы же послаша къ вели-
кому князю Василію Дмитреевичу владыку Ивана и посадника Богдана^в и Курила; и князь
великій не пріа владычня благословенія, ни Новогородского челобитія. Новогородцы же
крестъ цѣловаша заодинъ.

Въ лѣто 6906. Ходиша Новогородци за Волокъ ратію, воевода посадникъ Тимофей Юріе-
вичъ, Юріе Дмитреевичъ, Василей Синецъ, и вой^г съ ними 3000, и повоеваша Бѣлозерскіе
волости и съ города взяша окупъ 60 рублевъ, и Кубеньскыя волости поимаша, и Галичскыя
взяша на щитъ, и Устюгъ повоевавъ пожгоша; а подъ Орлецемъ стояша мѣсяць, бьючи по-
роky, Заволочане убиша съ городка Левашку, Новогородцы же^д взяша Орлець и раскопаша.
А на Двиняпѣхъ взяша окупъ 2000 рублевъ да 3000 коневъ, а у намѣстника великого князя
у князя^е Ѳедора Ростовскаго взяша присудъ и пошлины, а самого пустиша въ Русь, а у
гостей у Низовскихъ взяша окупа 300 рублевъ; а воеводу Двиньского Ивана Микитина при-
ведше въ Новѣгородъ скинуша съ мосту, а братъ его Анфалъ убѣжа на пути въ Устюгъ, и
Герасима и Родіона постригоша въ чернцы. Того же лѣта ѣздиша на Москву къ великому

а) разверечи — роскинути Ц. Б. Г. б) разверже — роскину Ц. Б. Г. в) богдана — ивана *ошибк.* Ц. Б. Г. В.
г) и вой — а рати К. О. д) новогородцы же — наши же К. О. е) князя — *пропущено въ Т.*

князю Василю Дмитреевичу послы Новгородскія, посадникъ Есифъ Захаріиничъ, тысячъ—1398
скый Аванія Костянтиновичъ, съ челобитіемъ отъ Новагорода, и взяша миръ. Того же лѣта
пріѣха въ Новгородъ великого князя Василя Дмитреевича братъ князь Андрѣй. Того же
лѣта преставися благовѣрный князь Михайло Тѣрскій Александровичъ, въспрїимъ мнишескый
чинъ; и положенъ бысть въ святомъ Спасѣ. Того же лѣта князь великій Василей Дмитрее-
вичъ посылалъ брата князя Юрія въ Казань на князя Семена. [За симъ см. *Новгородскую*
четвертую Лѣтопись, стр. 103, отъ словъ: того же лѣта Яковъ Прокофьевъ . . . а Яковли
вси добри и здрави. К. О.] Того же лѣта убиенъ бысть князь Романъ Юріевичъ на Шелонѣ,
и положено бысть тѣло его у святаго Спаса въ Порховѣ^а.

Побоище великого князя Витовта со царемъ Темирькутлуемъ. Князь великій
Витовтъ Кестутіевичъ Литовскій собра воя многы, вкупѣ же съ нимъ и царь Тактамышъ
сѣдинного своимъ дворомъ, съ ними же Литва, Нѣмци, Ляхы, Жемоть, Татарове, Волохи,
Подоляне, съ ними же бѣ князей числомъ 50, и бысть ихъ ратныхъ сила велика зѣло; и
со всѣми сими полкы вооружився и поиде на царя Темирькутлуя, со многими ратми опол-
чився, устремися на всю силу Татарскую. И похваляся на орду Витовтъ глаголаше: «пои-
демъ, плѣнимъ землю Татарскую, побѣдимъ царя Темирькутлуя, воземъ царство его и
раздѣлимъ корысть его; посадимъ въ ордѣ на царствѣ его царя Тактамыша, а самъ сяду на
Москвѣ на великомъ княженіи, на всей Русьской земли.» Бѣ бо и преже^б того съвѣща Ви-
товтъ съ Тактамышомъ въ единой думѣ, глаголя: «азъ тя посажю въ ордѣ на царствѣ, а
ты мя посадишь на великомъ княженіи на Москвѣ и на всей Русьской земли;» и на томъ
на всемъ поидоша Татаръ воевати. Въ то же время приспѣ Темирькутлуй царь со многими
полкы ратными, и со князи своими ординскими, и со всею силою Татарскою, и срѣтоша-
ся съ Витовтомъ обоя въ полѣ, на рѣцѣ на Ворсклѣ, и бысть имъ бой великъ, мѣсяца авгу-
ста въ 12 день^в; надолзѣ же біющимъ имъ, и поможе Богъ Татаромъ, и одолѣ царь Темирь-
кутлуй и побѣди Витовта и всю силу Литовскую. И побѣже Витовтъ въ малѣ дружинѣ, и
погнаша Татарове въ слѣдъ бѣжащихъ, а Тактамышъ царь такоже бѣжачи оттолѣ много
пакости учинилъ Литовской земли. Поганіи же Татарове на великомъ томъ побоищи побѣша
много князей Литовскихъ, и воеводъ и бояръ великихъ, и хрестіанъ много и Литвы, и Нѣ-
мецъ, и Ляховъ, и иныхъ людей многое множество безчисленное паде тогда, мало ихъ оста-
лося. Царь же Темирькутлуй пришедъ къ городу Киеву, и взялъ съ города окупъ 3000 руб-
левъ Литовскимъ серебромъ, и силу свою распусти всю воевати землю Литовскую; и ходиша
рати Татарскія воюще даже и до Великого Лучьска, много городовъ поплѣниша и много
странъ повоеваша^г, многу изгибель^д царь сѣтвори земли Литовской и отъиде въ свою землю.
А се имена избитыхъ князей Литовскихъ: князь Андрѣй Полотьскій Олгердовичъ, братъ
его князь Дмитрей Брянскій^е, князь Иванъ Дмитреевичъ Киндырь, князь Андрѣй пасынокъ
Дмитреевъ, князь Иванъ Евлашковичъ, князь Иванъ Борисовичъ Кіевскій, князь Глібъ Свя-
тославичъ Смоленскій, князь Левъ Корядовичъ, князь Михайло Василювичъ, братъ его князь
Семень, князь Михайло Подберезьскій, братъ его князь Александръ, князь Михайло Да-
нильевичъ, братъ его Дмитрей, князь Феодоръ Патрекѣевичъ Воыньскій, князь Ямонъ То-
лунтовичъ, князь Иванъ Юріевичъ Бѣльскій, князь Въспытко Краковскій. *Далѣ см. въ семъ*
изданіи (т. IV, стр. 359—360) «Повѣсть о преставленіи князя Михаила Тѣрскаго,» отъ словъ:

а) того же л. убиенъ . . . въ порховѣ. *пропущено въ В. б) и преже. дотолѣ и преже вездѣ кромѣ К. О.*
в) день. въ вторникъ *прибавл. К. О. г) и много странъ повоеваша. и многы страны пусты ство-*
риша Ц. Б. Г. д) многу изгибель. и много зла К. О. е) брянскій. дѣбрянскій К. О.

1398 по Господниѣ дни князь великій Михайло Александрович . . . и раздѣлихъ комуждо ихъ
-404 часть отчины: сыну князю Ивану и его дѣтемъ Олександру и Ивану Тѣбрь, Новый городокъ, Ржеву^а, Зубцевъ, Радиловъ, Вѣбрынъ, Опоки, Вертязинъ городокъ; а князю Василию^б и сыну его князю Ивану^в Кашинъ, Коснятинъ; а сыну Ѳедору два городка Микулина и съ волостями . . . Си же князь бѣше былъ тѣломъ великъ, бѣ бо крѣпокъ и сановитъ и смысленъ, взоръ имѣя грозенъ и преудивленъ. . . и вѣчная ему память^г.

Въ лѣто 6908. Сѣде на княженіи во Тѣри князь Иванъ Михайловичъ^д. Явися знаменіе на небеси, помраченіе въ солнци, и тма бысть и солнце погибе, и явися серпъ на небеси, и потомъ явися солнце, кровавы луча испущающи съ дымомъ, мѣсяца октября, на память святыхъ мученици Анастасіи.

Въ лѣто 6909. [Пріѣха владыка Иванъ Новгородскій на Москву къ великому князю и къ митрополиту, и князь великій Василей Дмитриевичъ владыку Ивана велѣлъ поимати. Ц.] Мѣсяца августа, князь Юрій Святославичъ да князь Олегъ Рязанскій придоша къ Смоленску; а въ городѣ Смоленску бысть мятежъ и крамола, овѣи хотяху Витовта, а друзіи вочича князя Юрія. Князь же Юрій сослался съ горожаны съ Смоленяны, Смоленяне же не могуще терпѣти насильства отъ иновѣрныхъ отъ Ляховъ, и пріѣша князя Юрія, и предашася и градъ отвориша; а князь Романъ Михайловичъ Брянскій ту тогда сѣдѣлъ отъ Витовта, и убіенъ бысть жалостно нужною смертію, а княгиню его и дѣти отпустиша, а намѣстницы Витовтовы поимаша, а бояръ, которые отчича не хотѣли князя Юрія, или Брянскихъ, или Смоленскихъ, тѣхъ всѣхъ посѣкоша. И тако князь Юріе взя Смоленскъ, свою отчину, и сѣде на столѣ въ своей отчинѣ. Князь великій Витовтъ, тое же осени, приходилъ ратію къ Смоленску на князя Юрія, и стоя много дній подъ Смоленскомъ, и не возма города поиде въ свою землю, вземъ перемиріе; а въ Смоленскѣ крамола бысть, людей много посѣкоша, и моръ бысть на люди.

Годъ 6910 с.м. въ Новг. четв. Лѣт., стр. 105. Слова: въ великое говѣніе, мѣсяца марта. . . видѣхомъ весь той мѣсяцъ. Далѣе с.м. тамъ же, стр. 106, отъ словъ: Того же лѣта князь Рославъ^е Олговичъ Рязанскій поиде на Брянскъ ратію, и срѣтоша его князи Литовскія, Лугвеній, Александръ Патрекевичъ Стародубскій; и бысть имъ бой у Любутска, и поможе Богъ княземъ Литовскимъ. . . и отпусти его.

Въ лѣто 6911. Повелѣніемъ Витовтовымъ князь Лугвень прииде ратію къ Смоленску городу и къ Вязмѣ, и Вязму взя, а князя Ивана Святославича изнима и приведе въ Литву. Того же лѣта князь Иванъ Тѣбрьскій посла рать къ Кашину, на своего брата князя Василя; князь же Василей приѣжа на Москву, и смири ихъ князь великій Василей Дмитриевичъ Московскій.

Въ лѣто 6912. [Кипріанъ митрополитъ владыку Ивана отпусти въ Новгородъ; а сидѣлъ

а) ржеву - пропущено въ К. О. б) василію - борисовичю прибавлено ошибк. въ Б. Г; с.м. слѣдующее примѣчаніе. в) а князю василью . . . ивану - а князю борису и василію и его сыну ивану К. О: въ Прибавленіяхъ къ IV тому, стр. 360, читается а василью и борису и его сыну ивану. Князь Борис скончался прежде отца своего князя Михаила Александровича, въ 1395 году, и имѣлъ сына Ивана, который приходился князю Василию племянникомъ; сообразно этому должно исправить чтеніе текста. г) За симъ въ Ц. вынесено на поля того же лѣта князь великій Василей посылая за княземъ семеномъ за Дмитриевичемъ за суждалскимъ до каза . . . должно чит. до казани; конецъ слова отрѣзанъ при переплетѣ рукописи. С.м. то же извѣстіе подъ 6913 годомъ. д) иванъ михайловичъ - михайло ивановичъ ошибк. К. О. е) рославъ - ярославъ К. О. въ Новг. четв. Лѣт. (стр. 106) родославъ.

полчетверта года. Ц.]^а Князь великий Витовтъ съ Олгордовичи, съ Кербутомъ^б, съ Лугве-¹⁴⁰¹
нѣмъ и съ Швитригайлѣмъ, и со всею силою прииде ратию къ Смоленску; а князь Юрій⁻⁴⁰⁵
затворися въ градѣ со всѣми людьми. Витовтъ же весну всю стоя, колико бився и тружався,
не може его выстояти, и пушками бивъ градъ, бѣ бо Смоленскъ крѣпокъ велми, 7 недѣль
стоявъ; и потомъ по Велицѣ дни отступи прочь, а по зажитіемъ и по волостемъ Смолен-
скимъ много зла сѣтвориша. Князь Юрій Святославичъ сослався съ великимъ княземъ Васи-
ліемъ Дмитреевичемъ Московскимъ, и выѣха изъ города не во мнози бояръ, а княгиню свою
съ бояры своими оставивъ въ Смоленску и приказа имъ ждати себе на первый срокъ, и на
другой, и на третій; а самъ пріѣха на Москву, билъ челомъ великому князю Василию Дми-
тріевичю служить, даючися ему самъ и со всѣмъ своимъ княженіемъ. Князь же великий
Василей не прія его, ни всего его княженія Смоленского, не хотя измѣнити Витовту. Егда
же бысть князь Юрій на Москвѣ, а въ то время Витовтъ собравъ силу многу и ста у Смо-
ленска; гражане же не могуще терпѣти въ градѣ въ гладѣ пребывати, отъ изнеможенія и
всякія истомы градъ Смоленскъ предаша Витовту. И се бысть послѣднее плѣненіе Смолен-
ску отъ Витовта, въ Петрово говѣніе, мѣсяца іюня^в въ 26^г. И тако Витовтъ взя градъ и все
Смоленское княженіе за ся, и княгиню Юріеву изнима и посла въ Литовскую землю, а
князей Смоленскихъ поима, а бояръ, кои добра хотѣли своему князю Юрію, а тѣхъ раз-
веде и расточи, а иныхъ премучи; а въ Смоленскѣ своя намѣстники Ляхы посади, Ляхомъ
предасть градъ предержати^д, а по князя по Юрія посла на взисканіе его. Князь же Юрій
то слышавъ, съ своимъ сыномъ со княземъ съ Ѳеодоромъ, съжалися въ горести душа и по-
бѣжа съ Москвы въ Новгородъ въ Великий; и тамо Новгородци пріяша его съ миромъ.
Того же лѣта преставися князь Василей Суздальскій.

Въ лѣто 6913^о. Князь великий Василей Дмитреевичъ посла рать въ Татарская мѣста,
на взисканіе князя Семена Суздальскаго, дабы его гдѣ обрѣсти самого, или княгиню его, или
дѣти его, или бояръ его, крыаше бо ся бѣгая въ Татарскихъ мѣстехъ; а у князя великого
ратей воеводы, Иванъ Уда Андрѣевичъ, Ѳеодоръ Глѣбовичъ. И идоша на Мордву, и наѣхаша
княгиню Семенову Александру въ Татарской земли, на мѣстѣ нарицаемѣмъ Чибирца, ту
изнимаша ю у святаго Николы, церковь же ту поставилъ нѣкоторый бесерменинъ, именемъ
Хазибаса; они же абіе имше и ограбиша ю, и привелоша на Москву съ дѣтми, и пребысть
ту на дворѣ Белеутовѣ, дондеже князь Семень покорився помирися, занеже тогда бѣ въ
ординскихъ мѣстехъ. Слышавъ же, что княгини его и съ дѣтми изнимани и казна его взята,
и сослася съ великимъ княземъ, вниде въ покореніе, и пріѣха изъ орды на Москву князь
Семень и добилъ челомъ князю великому и взя миръ; и поѣха съ Москвы князь Семень и
со княгинею и съ дѣтми на Вятку, но боленъ сый, и пребывъ на Вяткѣ 5 мѣсяць. И паки

а) Въ К. О. то же извѣстіе записано такъ пріѣха владыка иванъ благословенъ отъ митрополита кипріяна
съ москвы въ новгородъ: и бысть на москвѣ полчетверта году. б) съ кербутомъ - съ корибутѣмъ К. О.
в) іюня - іюля *ошибк.* Ц. г) въ 26 - въ четвергъ *прибав.* К. О. д) ляхомъ. . . предержати - *имѣть въ* К. О.
е) Въ Ц. Б. Г. слѣдуютъ извѣстія, помѣщенные въ прочіе списки подъ 6914 годомъ (см. ниже), отъ
словъ князь вел. василей дмитреевичъ разверже . . . противу витовта на плавъ; за тѣмъ въ Б. Г.
мѣсяца сентября въ 16 преставися пресвященныи митрополитъ кievскій и в. р. кипріянь (см. подъ
6914.), а въ Ц. на полъ сокращенно о смерти князя Симеона Суздальскаго, и потомъ слѣдующія извѣстія
того же лѣта кипріянь митрополитъ поиде въ литву къ витовту. того же лѣта бысть знаменіе на
москвѣ, въ дворѣ тютрюмовѣ, отъ иконы св. богородица и отъ св. николаи иде миро; далѣе сходно
съ Б. Г.

1405 разболѣся и преставися рабъ Божій князь Семенъ Дмитреевичъ Суздальскій, на память Преставленія новаго чудотворца и святителя пресвященнаго Петра митрополита; иже много претерпѣ истомы въ ордѣ и на Руси, добиваяся вотчины своей, осмь лѣтъ служилъ по ряду въ ордѣ четырьмя царемъ, первому Тахтамышю, второму Аксаку, третіему Темирькутлюю, четвертому Шадибеку, а все то поднимая рать на Московского великого князя, како бы наити свою вотчину Новгородское княженіе; и того ради много труда подъя, не обрѣтая покоя ногама своими, и не успѣ ничтоже, но акы всеу тружаяся; суетно бо есть спасеніе человѣчское, или не вспомяну Писанія, глаголющаго: его же хоцетъ Богъ поставляеть князя, и властелина, и землдержца. Того же лѣта бысть на Москвѣ чудо: въ дому Тютрюмовѣ отъ иконы святыя Богородица и святаго чудотворца Николы иде миро. Того же лѣта князь великій Витовтъ взя войною на миру Псковскій городокъ Коложе, а Псковскую крестную грамоту присла въ Новѣгородъ, и стоя подъ Вороночемъ 2 дни^а и отъиде, волости ихъ повоева, а люди поѣхъ, а иные въ полонъ свелъ. И Псковичи жаловашася Новугороду на Витовта про Литовскую войну, Новгородци же не меча братіи своее молодшіе Псковичъ, послаша къ нимъ въ помочъ воеводы, Александра Костянтиновича, Аѳонасіа Есифовича, Ѳому Трощійкина съ вои; они же пріѣхавше въ Псковъ, Псковичи же отъслали ихъ къ Новугороду, а сами ѣхавше на крестномъ цѣлованіи повоеваша села Новгородская, Луки и Ржеву.

Въ лѣто 6914. Князь великій Василей Дмитреевичъ разверже миръ съ великимъ княземъ Витовтомъ за Псковичъ, и ходи противу Витовта; воевашася межи собою по три лѣта. Того же лѣта князь великій пошелъ впервые противу Витовта на Плаву^б. Мѣсяца сентября въ 16 преставися пресвященный митрополитъ Кіевскій и всея Руси Кипріянъ; а былъ въ митрополитѣхъ въ святительствѣ лѣтъ 30 безъ полутретія мѣсяца. Проводиша его честно весь градъ и епископы служиша надъ нимъ, Григорей епископъ Ростовскій, Иларіонъ епископъ Коломенскій, Митрофанъ епископъ Суздальскій, архимандрити и игумены и весь съборъ священскій, пѣвше надъ нимъ обычное надгробное пѣніе и положиша его въ соборной церкви святыя Богородица на Москвѣ, въ нейже есть гробъ Петра митрополита и Ѳеогноста, ту же и сего положиша на правой странѣ въ стѣнѣ^в, по его повелѣнію. Си же митрополитъ въ старости величѣ бывъ и разболѣся на Голенищевѣ, идѣже естъ церковь его опришняя поставлена во имя святыхъ Трои Святителей, идѣже и часто любяше бывать, яко бѣ мѣсто тихо и безмятежно * и покойно; тамо разболѣся и боленъ лежаше нѣколько дній, ту и преставися. Преже преставленія своего за 4 дни написа грамоту незнаему и странволѣпну, акы прощальную и акы въ образъ прощенія, рекше всѣхъ прощая и благословляя и отъ всѣхъ прощенія и благословенія требуя, се же мню, яко конечнаго ради любомудрія и цѣломудрія; и сие отходя сего свѣта заповѣдаше епискупомъ и сущимъ ту приставникомъ, глаголя: «егда мя въ гробъ вкладаючи, тогда сію грамоту надъ мною прочтите въ слухъ людемъ. Еже и бысть, еже и сътвори преподобный епископъ Григорей Ростовскій, прочте ю велегласно, да будетъ услышано въ ушію всему народу; и внигда чтущю ему, тогда многихъ отъ предстоящихъ на слезы подвиже. Бяше та грамота писана тако:

Во имя Святыя и Живоначальныя Троица. Азъ грѣшный и смиренный Кипріянъ митро-

а) 2 дни. 2 недѣли Т; см. *Нов. перв. Лѣт.*, стр. 102. б) по три лѣта . . . на плаву *недостаетъ* въ К. О. в) въ стѣнѣ. въ степени К. О.

* За сими въ Бал. *недостаетъ* листа, а въ Гор. то же самое пропущено.

политъ смотрихъ, яко постиже мя старость, внадохъ бо въ частыя и различныя болѣзни, 1406 имиже нынѣ сдержимъ есмь, челоуѣколюбнѣ отъ Бога казимъ, грѣховъ моихъ ради; болѣзнемъ нынѣ умножившимся на мя, якоже иногда никогдаже, ничтоже ми възвѣщающе ино, развѣ смерть, достойно разсудихъ якоже въ завѣщаніи нѣкая потребная мнѣ отчасти писаніемъ симъ изъяснити. Первое убо исповѣдаю святую богопреданую апостольскую вѣру и православія истинное благочестіе, въ святую Троицу и прочая священная апостольская повелѣнія, святыхъ Божіа церкви преданія цѣла и неподвижима того благодатию соблюдать, якоже и исповѣданіемъ моимъ написано, то и предахъ, внагда вначалѣ святитель рукополагахся по обычаю. Святимъ и благославнымъ и правовѣрнымъ царемъ христіаньскимъ, и елици отъидоша сего житія по моему поставленію^а и елици еще живутъ, всѣмъ вкупѣ подаю еже о святомъ Дусѣ чистое прощеніе. Къ симъ же и святѣйшимъ и вселенскимъ сущимъ патріархомъ^б, такоже и священнѣйшимъ митрополитомъ всѣмъ, преставльшимся и живымъ, даю любовь обычную и послѣднее и конечное цѣлованіе и прощеніе, а самъ того прошу отъ нихъ получить. Благородному и христолюбивому, о святомъ Дусѣ възлюбленому сыну моему князю великому Василию Дмитреевичю всея Руси даю миръ и благословеніе и послѣднее цѣлованіе, и съ его матерію, и съ его братію, и съ его княгинею, и съ его дѣтми, и съ ихъ княгинями и съ ихъ дѣтми, великимъ княземъ Русьскимъ даю миръ и благословеніе. Также и боголюбивымъ епископомъ, сущимъ подъ предѣломъ нашея церкви въ Русьской митрополіи, преже преставльшимся и еще живымъ сущимъ, даю благословеніе и прощеніе^в, а отъ нихъ того же прошу и самъ получить. Священноинокомъ же и всему священскому чину и елици у престола Господня служатъ, всѣмъ даю благословеніе и прощеніе и любовь. Благочестивымъ княземъ, великимъ же и малымъ, преже преставльшимся въ лѣтахъ нашихъ, также даю благословеніе и прощеніе и молюся Господу Богу, да проститъ имъ вся согрѣшенія, елика и ти яко челоуѣци согрѣшиша. Бояромъ, великимъ же и малымъ, и съ женами и съ дѣтми и всему христіаньскому народу оставляю имъ миръ и благословеніе. Инокомъ же всѣмъ вкупѣ, елици въ разныхъ мѣстѣхъ живутъ, и всему причту церковному миръ оставляю и благословеніе. Аще ли буду кого во опитемію вложилъ, или невниманіемъ или паки благословною виною, а не будетъ поискалъ разрѣшенія^г, а въ томъ забытіи учинилася смерть, или буду кого училъ, а онъ будетъ ослушался, всѣхъ имѣю о святѣмъ Дусѣ разрѣшены и прощены и благословены, и молюся челоуѣколюбцю Богу, да отпуститъ имъ грѣхы ихъ^д. А понеже сочтохъ лѣта своя, отнелѣ же поставленъ быхъ въ митрополиты, и обрѣтошася числомъ яко 30-е лѣто течеть къ приходящему мѣсяцу декаврію въ 2 день, и толикимъ лѣтомъ прошедшимъ, и аще ли будетъ на мя кто поропталъ или паки явно всталъ, отъ епископскаго сану, или отъ иноческаго, еще же и священскаго, или кто мирскихъ совокупился будетъ съ ними, и елици отъ нихъ познашася, и пришедше ко мнѣ исповѣдашася и пріяша прощеніе и разрѣшеніе, прощени суть и разрѣшени отъ того часа и да не вмѣнятъ имъ Господь грѣха, но да отпуститъ имъ; а елици или стыдятся мене, или въ забытіи приидоша, или въ небреженіи положиша, всякъ иже есть, священники, или иноцы, или мирьстїи, мужескъ полъ и женскъ, да будутъ прощени и благословлены и да не вмѣнятся имъ, занеже то мое есть, и въ мене предтокнушася^е и моя области то разрѣшати; и елици иже възлюбаша насъ и помиловаша насъ, Господа ради, въ нуждахъ нашихъ и въ трудныхъ хоженіихъ

а) и елици. . . поставленіи. *пропущено въ О.* б) патріархомъ. *пропущено въ Т. К. О.* в) и прощеніе. и любовь *прибавл. К. О.* г) разрѣшенія. благословенія и разрѣшенія Т. д) грѣхы ихъ. *пропущено въ Т. К. О.* е) предтокнушася. претнушася К. О.

1406 нашихъ и въ путехъ въ различныхъ земляхъ, христоненити людіе и велможи, бояре, мужи
-407 и жены, да будутъ и ти прощени и благословени, и помиловани отъ Бога челоуколюбца, да въздасть имъ Господь по сердцю ихъ. А душу свою и домъ святыя Богородица приказываю о святѣмъ Душѣ възлюбленному сыну своему, князю великому Василию Дмитреевичю всея Руси, какъ ся попечалуеть, такоже и бояръ и слугъ своихъ и молодыхъ людей отъ мала и до велика, какъ пожалуетъ и поблюдетъ; а миръ и прощеніе и благодать отъ Господа нашего Исуса Христа со всѣми вами и мое благословеніе. А писана грамота си у Трехъ Святителей, мѣсяца сентября въ 12 день, индикта 15; а не подписахъ немощи ради своея.

Тое же осени князь Юрій Смоленскій отѣха изъ Новогорода на Москву, и князь великій далъ ему Торжекъ, и нѣ^а ту убилъ неповинно служащаго ему князя Семена Мстыславича Вяземскаго и его княгиню Уліану, уязвився^б оканнымъ своимъ хотѣніемъ на его подругіе; она же, предобрая мужелюбица, мужескы спротивися^в ему, иземши ножъ удари его въ мышцу на ложи его; онъ же възъярився вскорѣ самъ князя ея уби, а самой руки и ноги повелѣ отсѣсти и воверечи въ рѣку; и бысть ему въ грѣхъ и въ студъ великъ, и съ того сбѣжа къ ордѣ, не терпя горкаго своего безъвереманія и безчестія. Тое же зимы, промежи говѣнія^г, царь Шадибекъ убилъ царя Тактамыша, въ Сибирской^д земли. А Корть местеръ Рискій^е съ Нѣмци пришедъ ко Пскову и отъиде, а зло учинивъ. Пріѣха князь Петръ Дмитреевичъ въ Новѣгородъ, на пособъ на Литву, и бысть въ Новѣгородѣ 10 дній. [И Псковичи ходиша воевати Нѣмецъ со княземъ Даниломъ Александровичемъ, и срътоша Нѣмецъ за Новымъ городомъ, и ту бишася; и одолѣша Псковичи, и биша ихъ гоня на 15 верстъ до Кирьяпивѣ, а иныхъ поимаша и приведоша въ Псковъ. К. О.]

Въ лѣто 6915. Бысть знаменіе на Похрѣ: иде кровь отъ иконы святыя Богородица. Того же лѣта князь Костянтинъ Дмитріевичъ иде ратью на Нѣмци со Псковичи, и много зла учинися Нѣмецкой земли, овыхъ поскѣкоша, множество и полониша, и взяша Нѣмецскій градъ Порхъ. Новогородци же испросиша у великаго князя у Витовта князя Семена Лугвеня, и дасть имъ; Новогородци же даша ему пригороды. [Нѣмци приходиша въ землю Псковскую ратью, и не дошедше города ста-ша станы на Камнѣ, и бишася Псковичи съ ними; и побѣдиша Нѣмци Псковичъ, и убиша три посадники у Пскова, Ефрема Кортача, Елентія Губку, Панкрата. К. О.] Преставися князь Юрій Смоленскій, на Въздвиженіе честнаго креста, не въ своей отчинѣ, но на чюжей сторонѣ во изгнаніи, а своего княженія лишень, и своея княгини и своихъ дѣтей,

Въ лѣто 6915. Бысть знаменіе на Похрѣ: иде кровь отъ иконы святыя Богородица. Тоя же весны княгини великая Евдокья Дмитреева заложи на Москвѣ церковъ камену Възнесеніе, внутри города; того же лѣта престася іюня въ 7, въ мнишескомъ чину наречена бысть Еуфросинія, и положена въ церкви Възнесенія, юже сама заложи. Того же лѣта князь Костентинъ Дмитреевичъ ходи со Псковичи на Нѣмцы ратью, и взя градъ Визну^а. Того же лѣта преставися князь Юрій Смоленскій, въ Резани, въ пустыни у игумена у Петра. Того же лѣта князь великій Василей Дмитреевичъ воевася съ Литвою, а Витовтъ взя Одоевъ, а Москвичи были^б подъ Вязмою; и смирился Витовтъ съ великимъ княземъ съ Московскимъ. А царь Булатъ

а) Въ Ц. лѣтисл. б) былъ такъ кажется должно читать; въ Ц. былъ.

а) и нѣ. и онъ такъ въ Нов. четв. Лѣт. стр. 109. б) уязвився - уязвивъ ошибк. Т. К. О. в) спротивися - исправися ошибк. Ц. г) говѣніа - говѣній (говѣньи) К. О. д) въ сибирской - въ симбирской ошибк. вездъ кромѣ В. е) рискій - римскій ошибк. Т. Ц. В.

но въ Рязаньской земли въ пустыни въ манастирѣ у нѣкоего христіянина игумена Петра; сѣде на царствѣ. Ц. 1407-409
и ту нѣколько днѣй поболѣ и преставися, и проводиша его чество. Князь великій Василей Дмитреевичъ воевася съ великимъ княземъ Витовтомъ; Литва взяли Одоевъ, а у Вязмы у города стояша князя великого рати и не взяша^а, и миръ взя князь великій съ Витовтомъ. Того же лѣта Булатъ Солтанъ Шадыйбѣка царя согна со царства, а самъ сѣде на царствѣ его. [Того же лѣта, мѣсяца іюня въ 20 день, погорѣ градъ Ростовъ мало не весь, церкви каменная сборная, паде верхъ ея и комары вси, развѣе остана олтаре цѣль и стѣны по комары остана и не падоша, юже назда и обнови владыка Ростовскій Григорій единѣмъ лѣтомъ, въ третье лѣто по пожарѣ; того же лѣта и разліявшася колоколы переливъ, выше первыхъ створи. Я. К. О.]

Въ лѣто 6916. Прииде князь Костянтинъ Дмитреевичъ въ Новгородъ, въ великого князя мѣсто, на Городище. На ту же осень прииде Едегѣй ратию къ Москвѣ, мѣсяца ноября въ 23 день^б, въ пятницу, и стоя у Москвы 3 недѣли, и поиде прочь взять окупъ 3000 рублевъ^в; а городовъ взя, Переяславль, Ростовъ^г, Юріевъ, Дмитровъ^д, и прочая волости повоева и до Тѣбръскаго рубежа. Присла Едегѣй свою грамоту къ великому князю на Москву^е.

Въ лѣто 6916, маія въ 25, начата бысть подписывати великая и соборная церкви Пречистая Володимерьская, повелѣніемъ великаго князя Василия Дмитреевича; а мастера Данило иконникъ да Ондрѣй Рублевъ. Того же лѣта прииде къ великому князю изъ Дѣбрянска князь Литовскій Швитригайло Олгердовичъ служить, а съ нимъ владыка Бряньскій, да князь Патрикій Звенигородскій, да князь Александръ изъ Путимля и князь Феодоръ Александровичъ, князь Семенъ Перемышльскій, князь Михайло Хотѣтовскій, князь

Уруста Меньскій^а, и бояре Черниговскые, и Дѣбрянскыи и Любутьскыи; князь же великій Василей Дмитреевичъ пріять его съ честію, и дасть ему столный градъ Владимиръ со всѣми пошлинами, и Переславль, и Юріевъ Польскій, и Волокъ Ламскій, и Ржеву и половину Коломны. Того же лѣта моръ бысть на люди силенъ коркотою. Ц.

а) уруста мѣньскій: въ Ц. безъ разстановки. См. Карамз. V, стр. 188, такъ читавшаго эти слова по утраченной Троицкой харатейной Лѣтописи, на которую онъ ссылается того же тома въ прил. 200: но едва ли слово уруста не описка.

Въ лѣто 6917. Ходи Анфалъ на Болгары, и тамо около его рать побилша Татарове, а самого изнимаша^ж. Того же лѣта Псковичи взяша миръ, Новгородскимъ повелѣніемъ, съ великимъ княземъ Витовтомъ и съ Нѣмци^з. Того же лѣта преставися князь Данило во Псковѣ.

а) и не взяша - и взяша *ошибк.* В. б) въ 23 день - въ 30 день *во всѣхъ сп. кромѣ К. О.; въ Ц. ноября 26: см. Пов. пер. Лѣт. стр. 103* в) и стоя . . . 3000 рублевъ - и подѣ московю стоя мѣсяць, и возьмѣ окупа триста рублевъ К. О. г) ростовъ - *только въ К. О.; см. Нов. четв. Лѣт. стр. 110.* д) дмитровъ - и вереву *прибавл. Ц. Это извѣстіе въ Ц. записано подѣ 6917 годомъ.* е) За симъ въ К. О. не въ своемъ мѣстѣ *прибавлено: того же лѣта князь швитригайло отѣхъ отъ великаго князя василія дмитріевича въ литву, служивъ великому князю василію.* ж) побилша . . . изнимаша - побилша, а самого яша и послалша его въ орду ко царю К. О. з) того же лѣта псковичи . . . съ нѣмци - *пропущено въ К. О.*

* Продолжаются Бл. и Гор.

¹⁴¹⁰
^{—12} Въ лѣто 6918. Прииде изъ Царяграда Фотѣй митрополитъ, поставленъ Кіеву и всей Руси, родомъ Гречинъ; поставленъ патріархомъ Матееомъ, при цари Мануилѣ, и прииде на Москву при великомъ князи Василии Дмитреевичѣ всея Руси^а. Преставися князь Володимиръ Андрѣевичъ, на Москвѣ, и положенъ бысть въ сборной церкви святаго Архангела Михаила. Того же лѣта бысть побоище королю Ягайлу Олгердовичу, нареченный Володиславъ, и князю великому Литовскому Витовту Кестютіевичю съ Нѣмци, съ Прусы, въ ихъ земли Пруської, межи города Дубравны и Острода. И убиша местеря и маршалка и кундуры^б побиха, и всю силу ихъ Нѣмецкую побиха, и города Нѣмецкыя поимаша; но токмо 3 города не вдашася королю и Витовту. И бысть тое осени ходиша на три побоища съ Нѣмци, Ляхомъ и Литвѣ; но Нѣмецъ избиха, а во всѣхъ тѣхъ побойшихъ много паде христіанъ, и Литвы и Ляховъ отъ Нѣмцевъ избіено бысть. Стояша подъ Мариннымъ городомъ 8 недѣль, взяша же Маринна города два охабня, а вышняго третіяго города не взяша; ходиша же по Нѣмецкой земли полъдругонадцаты недѣли. Того же лѣта князь Данило Борисовичъ Нижняго Новгорода [приведе къ себѣ царевича Талчю, и посла съ нимъ изгономъ боярина своего къ Володимеру Семена Карамышева Ц.], взя столный городъ Володимеръ, поплѣнивъ и пожже; а въ церкви святыя Богородица чудотворную икону пречистыя Богоматере одра^г, злато обомаша, и иныя многы иконы обомаша, имже и нѣсть числа, отъ безбожныхъ Татаръ.

Въ лѣто 6919. Родися князю Лугвенію сынъ Ярославъ, на Копоріи, а во крещеніи нареченъ Феодоръ. Того же лѣта князь великій Василей Дмитреевичъ далъ дщерь свою, княжву Анну, въ Царьградъ за царевича Ивана Мануиловича. Пришедъ Свѣя войною и взяша пригородъ Новгородскій Тиверскій^д, и Новгородци то слышавъ скоро поидоша на Свѣю, толко за три дни по сей вѣсти, со княземъ Семеномъ Олгердовичемъ; и приѣхавше въ Свѣйскую землю села ихъ повоевавъ и пожгоша, а Свѣи много изсѣкоша, а иныхъ поимаша, а у города у Выбора охабень взяша и пожгоша, на Сборъ Архангела Гавріила, и приѣхаша въ Новгородъ со множествомъ плѣна; [а воевода бѣ у нихъ Юрьи Овцифоровъ, Ѳома Есипличъ, Аеонасій Есифовичъ, Михайло Ивановичъ, Александръ Ѳоминачъ, Иванъ Данильевичъ, Григорей Богдановичъ, Андрѣй Ивановичъ, Иванъ Феодоровичъ, Дмитріи Ивановичъ, Ѳома Троицѣйкинъ, Есипъ Филиповичъ, Аврамъ Степановичъ; а Нѣмци у Выбора толко одного Новгородца убиша, Павла съ Нутной улицы. Новгородскимъ повелѣніемъ, ходиша Заволочане войною на Мурманы, а воевода у нихъ Яковъ Стефановичъ, и повоеваша Мурманъ. К. О.]

Въ лѣто 6920. Князь великій Василей Дмитреевичъ ходи въ орду ко царю Зеледисалтану^е, Тактамышеву сыну; а князь Иванъ Тѣвскій былъ въ ордѣ у того же царя, при великомъ князи Василии Дмитреевичѣ. Король Ягайло, и Витовтъ, и Лугвеній вѣскинуша грамоты на Новгородъ розметныя, генваря въ 2; и рече король и Витовтъ: а что были есте намъ ниясы, сложатъ ли Нѣмци намъ, и вамъ было Нѣмцемъ такоже сложити, а съ нами

а) прииде изъ царяграда . . . руси: это извѣстіе въ К. О. изложено такъ: прииде изъ царяграда на Москву, родомъ гречинъ, поставленъ патріархомъ матееомъ, при царѣ мануилѣ, митрополитъ фотѣй; великій же князь василій дмитріевичъ пріять его въ великую любовь; бысть же житіа его въ святительствѣ лѣтъ 22. За тѣмъ въ Ц. другою рукою приписано на поляхъ: того же лѣта князь швигригайло олгердовичъ отѣха съ москвы въ литву, и ѣдучи взялъ градъ серпоховъ. того же лѣта анфалъ ходилъ на болгары камоу и волгою, и тамо ихъ побилъ, анфала яли и въ орду повели. б) кундуры. кундыры К. О; въ Новг. перв. Лѣт. (стр. 104) и кунтуры. в) Предъ симъ въ Б. Г. В. въ видѣ заглавія о взятіи города володимера. г) одра. пропущено въ К. О. д) тиверскій. такъ было и въ Ц, но потомъ по чищенію написано корѣльскій. е) зеледисалтану. зеленисалтану К. О.

заодноѣ стати; и мы о томъ посылали къ вамъ бояръ Немира и Зиновія Братонича о томъ, ¹⁴¹² что въ прежеченомъ словѣ стоите ли^а, и вы Немиру и Зиновію отвѣчали: не можетъ Новъ-¹⁶ городъ того учинити, какъ есмы съ Литовскимъ мирни, такъ и съ Нѣмци мирни; мы князя Лугвеня вывели къ себѣ отъ васъ, а съ Нѣмци есмя миръ вѣчный взяли, и съ Угры, и со всѣми нашими граничниками мирни есмы, а вы слова своего забывъ не сдержали, какъ были есте намъ ялися; еще ваши люди намъ лаяли, насъ безчествовали и погаными звали; еще же надъ тѣмъ что нашего врага у собе держите, княжа сына Юріева Святославича князя Ѳедора пріяли есте.» А Лугвень молвить: «язъ съ королемъ Ягайломъ^б одинъ человекъ; толко имъ не любо, ино и мнѣ;» и сложи цѣлованіе къ Новугороду Лугвень. Князь Ѳедоръ рече Новугороду: «о мнѣ съ Витовтомъ не держите нелюбія,» и отъѣха въ Нѣмци.

Въ лѣто 6921. Створися знаменіе въ вотчинѣ князя Андрѣя Дмитреевича, отъ Можайска за 15 верстъ: отъ иконы святыя Богородици явилося людямъ много прощенія, слѣпымъ, хромымъ, и разслабленнымъ, и глухимъ и инымъ многимъ исцѣленіе бысть, иже не можетъ умъ человекъ сказать, коляко человекѣлюбіе Божіе и какова милость Божія на людехъ. Того же лѣта погорѣ городъ Тѣбрь весь.

Въ лѣто 6922. Възвѣлъ отъ Новогорода посломъ къ великому князю Витовту Юріе Онцифоровичъ, и взя съ Витовтомъ миръ по старинѣ, а къ Нѣмцемъ не ялся *оттузъ* сложити^в.

Въ лѣто 6923. Воеваша Татарове Елецкую землю. Того же лѣта погорѣ Москва городъ, и Смоленскъ такоже погорѣ городъ. Бысть знаменіе по всей земли въ солнци, мѣсяца іюня въ 7: бысть солнце все померкло ненамного, и видѣти было всѣ^г звѣзды акы въ нощи. *См. Новгородскую первую Лѣтопись, стр. 105 и 106, отъ словъ: того же лѣта Новгородци съдумавъ. . . Еула діакона; сія статья находится только въ К. О. На ту же осень, Богу попушщу, князю великому Витовту тако изволшу, по своему хотѣнію собравъ епископы христіанскыя, иже въ области его живущи: Ѳеодосей Полотскій, Исакій Черниговскій, Діонисій Луцскій, Герасимъ Володимѣрскій, Харитонъ Холмскій, Евѣимей Туровскій, и тѣми епископы постави Кіеву митрополита Григорія Болгарина, мѣсяца ноября въ 15 день^д. [Тое же зимы поѣха Самсонъ на Москву, къ митрополиту Ѳотію, въ владыки ставитися. К. О.]*

Въ лѣто 6923. Князь великій Витовтъ по своей области събра епископы, Исакия Черниговского, Ѳеодосіа Полотскаго, Деонисія Лучскаго, Герасима Володимѣрскаго, Харитона Холмскаго, Евѣимія Туровскаго, и рече имъ: «аще не поставите митрополита въ моей земли, то злѣ умрете; они же неволею поставиша на Кіевѣ митрополита Григорія Болгарина Самблака, не шлючи къ Царюграду. Сій бо Витовтъ вѣроу Латининъ, не вѣдуше закона Божія, сѣтвори се не по правиломъ Святыхъ Отець; мѣсяца ноября 15 поставленіе бысть. Того же лѣта Москва погорѣла градъ и Смоленскъ. Ц.

Въ лѣто 6924, мѣсяца марта въ 12, простилъ Богъ въ церкви святыя Богородици на Москвѣ у гроба Петра митрополита, человекъу нога прикорчена исцѣлѣ; а въ недѣлю 2-ю

а) стоите ли - стояти Т. б) ягайломъ - и витовтомъ прибавл. К. О. в) Въ Ц. другою рукою вынесено на поле: того же лѣта Ѳотій митрополитъ поиде къ царюграду и доиде литвы. и витовтъ его не пустилъ. а его обоммалъ; възвратися Ѳотій на Москву ограбленъ. г) всѣ - всѣмъ въ прочихъ сп. кромѣ Т. К. О. д) въ 15 день - въ 8 день ошибк. Б. Г.

1416 поста, марта въ 15 день, у человека рущѣ испѣлѣша^а. Тое же весны, мѣсяца марта въ 22,
 —¹⁸ въ недѣлю средокрестную, Фотій митрополитъ Кіевскій и всея Руси постави Сампсона архі-
 епископомъ Новугороду, въ церкви святаго Архангела Михаила, и нареченъ бысть отъ ми-
 трополита Семеономъ; а на поставленіи были съ митрополитомъ 5 владыкъ: Григорей Ро-
 стовскій, Митрофанъ Суздальскій, Антоней Тѣрскій, Тимоей Сарьскій, Исакій Пермь-
 скій, при великомъ князи Василии Дмитреевичи и при братіи его князи Юрьи и князѣ Ко-
 нстантиѣ. Того же лѣта повоеваша Татарове около Кіева, и монастырь Печерскій пограбиша
 и пожгоша.

Въ лѣто 6925. Преставися князя великого сынъ Василия Дмитреевича князь Иванъ, на
 Москвѣ, и положенъ бысть въ церкви святаго Архангела Михаила. Того же лѣта изъ вели-
 кого князя отчины Василия Дмитреевича ходи князь Юріевъ бояринъ Глѣбъ Семеновичъ съ
 Новгородскими бѣглеци, съ Семеномъ Жадовскимъ и съ Михайломъ Розсохинымъ, и съ
 Устюжаны и съ Вятчаны, ѣхаша въ насадѣхъ на Заволочскую землю, и повоеваша^б волость
 Борокъ Ивановыхъ дѣтей Василіевича, Ёмцю и Колмогоры пожгли, и бояръ Новогородь-
 скихъ изнимаша Юрія Ивановича и брата его Самсона. А Иванъ Феодоровичъ и братъ его
 Аеонасъ, Гаврило Куриловичъ, Исакъ Андрѣевичъ сугнавъ ихъ подъ Моржемъ на островѣ,
 братію свою Самсона и Юрія отгяша, и полонъ весь и съ животы, а ихъ отпустиша^в. По
 грѣхомъ по нашимъ бысть въ томъ лѣтѣ моръ великъ въ Новѣгородѣ железю, и въ Ладозѣ,
 и въ Русѣ, и въ Порховѣ, и во Псковѣ, и въ Торжку, и во Тѣбри, и въ Дмитровѣ и по
 волостемъ. Тое же зимы рече Григорей митрополитъ, нарицаемый Цамѣблакъ, князю вели-
 кому Витовту: «что ради ты, княже, самъ въ вѣрѣ Ляцкой, а не въ православной вѣрѣ
 христіанской?» И отвѣща ему Витовтъ: «аще хочещи нетокмо мене единого видѣти въ
 своей православной вѣрѣ, но и всѣхъ людей невѣрныхъ моея земли Литовскія, то иди въ
 Римъ и имѣй прю съ папою и съ его мудреци; аще ихъ препреши, то вси мы будемъ хри-
 стіане, и аще ли не препреши, то имамъ вся люди своя земля въ свою Нѣмецкую пре-
 вратити вѣру.» И посла его въ Римъ съ своими бояры. *Далѣе см. Новг. четв. Лѣт., т. IV,
 стр. 116—117, отъ словъ: о томъ Григоріи митрополитъ Фотій . . . да будетъ со всѣми
 православными крестяны.*

Въ лѣто 6926. Князь Дашко Феодоровъ сынъ Острожского такою козию взялъ городъ
 Кременецъ, князя великого Витовтовъ: въ великій четвергъ, послалъ прежде себе своихъ дву
 человекъ, Дмитрія да Илью, а съ ними ся сговоря: «предайтеся служити Кондрату Прусу,
 воеводѣ Кременьскому; егда же азъ прииду ко граду, и вы възводъ отътните, а мостъ поло-
 жите;» и они пріѣхавъ вѣрилися ему, и прія ихъ съ любовію, а того свѣта въ нихъ ни
 въ разумъ не поддержа. И Дашко пріѣхалъ къ городу noci въ пятисотъ человекъ, и тѣ его
 свѣтници у города възводъ^г отгяша; а мостъ положиша; Дашко же съ другы своими въѣха
 въ городъ, Кондрата воеводу уби, а приставовъ королевыхъ и Витовтовыхъ посѣклъ, а князя
 Швитригайла изъ желѣзъ высѣклъ, сѣдѣвшаго полдевята года, и оттолѣ Швитригайло ѣде
 въ Угры, а взялъ Луческъ, да у Волыньскихъ бояръ полтора ста конь отлучилъ. Того же
 лѣта бысть знаменіе отъ иконы святыя Богородица Покрова*, акы кровь течаше по обѣ

а) Слѣдующая статья о поставленіи Новгородскаго архіепископа Симеона изложена въ К. О. сходно съ
 Новг. перв. Лѣт., стр. 106; см. слова: а въ той день Фотіи . . . подарованнаго ему. б) повоеваша -
 повоева вездѣ кромѣ К. в) гаврило куриловичъ . . . отпустиша; вмѣсто сихъ словъ въ К. О. только
 самсона и юрія отгяша и съ животы ихъ, а самихъ пустиша. г) възводъ - отводъ К. О.

* Прекращается Тол. II.

стороны ризы ея, въ церкви святыхъ Анастасія, въ Новѣгородѣ въ Великомъ. Того же лѣта 1418
убіенъ бысть Анфалъ и сынъ его Нестеръ, на Вяткѣ, отъ Михаила Розсохина^а. [Бысть въ

Новѣгородѣ усобица межи крестьянъ: человекъ нѣкоторый, именемъ Степанко, изы-
ма боярина Данила Ивановича Божи́на, и держаще вопіюще: «о друзи! пособствуйте
ми на злодѣя сего.» Людіе же видяще его вопль, влечаху его на вѣче, тепучи мало не
до смерти, и съ вѣча пришедъ кинуша его съ мосту; и перея рыболовъ, и бысть живъ, а
того рыболова домъ пограбиша. И изыма бояринъ того Степанка, и хотя творити отмщеніе;
и за то стаха чернь съ одной стороны, а съ другую бояре, и учинися пакости людемъ
много мертвыхъ. И владыка Семеонъ, не хотя кровопролитія въ крестьянѣхъ, оболкъся
въ ризы и весь сборъ иде со кресты со владыкою на мостъ; и нача благословляти на
всѣ стороны крестомъ, и плакати нача, и весь народъ нача призывать: «Господи
помилуй», начаста и сами плакати, видя святителево моленіе къ Господу нашему Ісусу
Христу и пречистѣй его Матери. И утишися отъ брани народъ, святителевымъ моле-
ніемъ, и разидошася каждо въ дома своя, славя Бога. Мѣсяца іюля 11, преставися бла-
говѣрная княгиня Анастасія княжа Юрьева Дмитріевича^б, въ Звенигородѣ. Того же
лѣта Москва городъ погорѣ, мѣсяца августа 18, въ полунощи загорѣся, а назаутріе о
полудне преста горѣти^в. К. О.]

Въ лѣто 6989, мѣсяца іюля 3 день, на память преподобного отца Анастасія Афонскаго, въ четвергъ на
четвертомъ часу дни, преставися благовѣрный князь Андрей Васильевичъ меншей, по своей отчизнѣ въ градѣ
на Москвѣ, и погребенъ бысть того же дни 11 часъ въ церкви Архангела Михаила; а положенъ бысть възлѣ
брата своего князя Юрья Васильевича.

Въ лѣто 7016. Преставися князь великий Дмитрій Ивановичъ, внукъ великаго князя Ивана Васильевича
всѣя Русіи; а положенъ бысть на Москвѣ въ Архангелъ подлѣ отца своего великаго князя Ивана Ива-
новича.

Лѣта 7014, мѣсяца октября 27 день, преставися князь великий Иванъ Васильевичъ, по вторникъ, на дру-
гомъ часу ночи. Того же лѣта женися князь великий Василь Ивановичъ, мѣсяца сентября 5 день, поля за
собой великою княгиню Соломанду.*

а) того же л. убіенъ . . . розсохина; это извѣстіе въ К. О. помѣщено ниже, за слѣдующею статьею.

б) Въ К., на третѣхъ послѣднихъ листахъ, приписано Западнорусскимъ почеркомъ нѣсколько лѣтописныхъ
статей; подъ 6926 и 6927 г. находятся слѣдующія извѣстія: князь данило борисовичъ съ братомъ
иваномъ, новгородскыи, бѣжаша съ москвы отъ великаго князя василья дмитреевича; (за тѣмъ по-
вторено о князѣ Дашкѣ Острожскомъ, взявшемъ городъ Кременецъ). лѣта того же поставленъ бысть
ростову епископъ діонисей, іюля 12. то же зимы князь великій василей отдасть дщерь свою василису
за князя александра ивановича суздальскаго, въ недѣлю о фарисей. а колоннѣ поставленъ бысть епи-
скопъ амвроси того же лѣта. въ лѣто 6927 князь великий василей дмитріевичъ восхотѣ подписати подъ
сына своего василія брата своего меньшаго костянтина, князь же костянтинъ не възхотѣ створити воли
его, и про то отня у него вотчину; онъ же иде въ новгородъ, и пріаша его новгородци съ честью и
подаваша ему пригороды, которыи были за лугвенемъ. Далѣе въ К. содержится то же что и въ
другихъ спискахъ, и рукопись оканчивается началомъ статьи о преставленіи в. к. Василія Дмитріевича.

в) Статьи, напечатанныя мелкимъ шрифтомъ, находятся въ О; эти памятные записки прибавлены на
последнемъ листѣ, по завершеніи рукописи, разными почерками. На оборотъ предвѣщающаго листа напи-
сано: радъ заяць (у)тенеца убѣжалъ, а радъ виледъ (литорейнымъ письмомъ писецъ), кончавъ заднюю
строку, аминь.

* Прекращается Клр. IV; о конечныхъ его листахъ см. на сей страницѣ въ примѣчаніяхъ.

** Прекращается Овол. I.

1419 Въ лѣто 6927. Въ лѣто 6928. Въ лѣто 6929.

—²⁴ Въ лѣто 6930, мѣсяца іюля 11, преставися благовѣрная княгиня Анастасія княжа Юрьева Дмитреевича, во Звенигородѣ, а положена бысть на Москвѣ въ монастыри святаго Възнесенія. Того же лѣта Москва городъ погорѣ, мѣсяца августа въ 18, въ полночь загорѣся, а назавтріе о полудни преста горѣти. Того же лѣта Баракъ паревичъ приходи ратию къ Одоеву, и отъиде прочь, города не взять, а зло учинилъ.

Витовтъ ходили къ Марьину городу Нѣмецкыя земли воевати. Того же лѣта преставися благовѣрная княгиня Анастасія княжа Юрья Дмитреевича, въ Звенигородѣ, а положена бысть на Москвѣ въ монастыри святаго Възнесенія. Того же лѣта Москва городъ погорѣ, мѣсяца августа въ 18, въ полночь загорѣлося, а назавтріе о полудни престоало горѣти. Ц.

Въ лѣто 6931. Гладъ бысть великъ по всей Русьской земли, и мнози людѣ изомроша отъ глада, а ни въ Литовскую землю выидоша, а ни въ по путехъ идуще изомроша отъ глада и студени, зима бо бѣ морозна; въ Ростовской же области таковыя люди обрѣтошася, что люди ядуще, не могуще глада терпѣти, мнози же мертвыя мяса ядоша, и конину, и псину и кошки ядоша. Но Господи Царю вѣкомъ! призири съ небеси отъ святаго жилища твоего, отъ престола славы твоея, на смиреніе наше милосерднымъ си окомъ*.

Въ лѣто 6928. Моръ бысть силенъ на люди, почялся на Успленіе святаго Богородица, на Костромѣ, и въ Ярославлѣ, и въ Галичи, и на Плесѣ. Того же лѣта снѣгъ паде на Никитинъ день, иде три дни да три ноци и паде его на 4 пяди, и потаялъ; а всякое жито подъ снѣгъ полегло, нѣкому жати, люди померли.

Въ лѣто 6930. Гладъ бысть силенъ по всей земли Руской, на Москвѣ оковъ ржи по рублю, а на Костромѣ по два рубля, а въ Новѣгородѣ въ Нижнемъ по . . .² алтынъ оковъ ржи; и моръ бысть, съ голоду всякую мертвечину ѣли. Того же лѣта король Ягайло да

Въ лѣто 6931. Царь Баракъ къ Одоеву приходилъ, града не взялъ, а попому много повелъ въ поле; и князь Юрьи Романовичъ Одоевскій да Григорей Протасевичъ воевода Мценскій сустигъ царя, въ полѣ били, а полснъ отънимали. Того же лѣта преставися князь великій Иванъ Михайловичъ Тверскій, и сѣде на великомъ княженіи внукъ его князь Борисъ Александровичъ. Того же лѣта преставися князь Иванъ Васильевичъ Ярославскій. Того же лѣта моръ бысть въ Тверьской земли, и потомъ на Москвѣ. Того же лѣта князь Борисъ поймалъ князя Василья Кашинского.

Въ лѣто 6932. Царь Кудандатъ поиде ратию къ Одоеву на князя на Юрья на Романовича. И слышавъ то князь великій Витовтъ, и посла на Москву къ зятю своему къ великому князю Василю Дмитреевичю, чтобы послалъ помочь на царя; а самъ послалъ князя Андрѣя Всеволодича, князя Ивана Бабу, брата его Путятю, Русьскыхъ князей, князя Митка Всеволодича, Григорья Протасевича. Они же шедше съ княземъ Юрьемъ, царя Кудандата били и силу его присѣкли, а самъ царь убѣжалъ, а царицы поймали, одну послали въ Литву къ Витовту, а другую на Москву къ великому князю; а Московская сила не поспѣла; тогда убили Когтю богатыря, велика тѣломъ. Ц.

а) Въ ркп. писано чернилами по какой-то прежней цифрѣ по 200 алтынъ

* Отсюда Вор. разнится съ прочими списками Софійской первой Лѣтописи.

Въ лѣто 6933, мѣсяца февраля въ 27 день, въ третій часъ ночи, преставися христолюбивый князь великій Василей Дмитреевичъ; того же лѣта сынъ его князь Василей Васильевичъ сѣде на великомъ княженіи. Тое же весны князь Юрьи въ Галичъ поиде, взя перемиріе до Петрова дни съ великимъ княземъ. Того же лѣта преставися благовѣрный князь великій Иванъ Тѣрьскій, нареченый во мнишскомъ чину Іевъ; того же лѣта, мѣсяца мая въ 21 день, сѣде сынъ его князь Александръ на великомъ княженіи. Того же лѣта преставися благовѣрная княгини Θεодорова Александровича Ростовского, мѣсяца августа 5 день, въ 6 часъ дни. Тое же осени бысть моръ великъ во Псковѣ, и въ Великомъ Новгородѣ, и въ Торжку, и на Тѣри, и на Волоцѣ на Ламьскомъ, и въ Дмитровѣ и во иныхъ Русьскихъ градѣхъ и селѣхъ.

Въ лѣто 6934. Опять бысть моръ во всѣхъ градѣхъ Русьскихъ великъ зѣло.

Въ лѣто 6935. Преставися князь Петръ Дмитреевичъ, въ субботу мясопустную; мясоустія педѣль 8 и 5 дній.

Въ лѣто 6936. Князь великій Витовтъ съ всѣми силами ходилъ къ Новгороду Великому, и стоялъ у Порхова; и воеводы Порховские доби́ли челомъ 5000 рублевъ, и владыка съ бояры приѣхавъ доби́лъ другую 5000 рублевъ, а шестую тысящу рублевъ владыка свою далъ за полонъ.

Въ лѣто 6937. Пришли Татарове на Галичъ безъ вѣсти на князя Юрья Дмитреевича, и стояли въ Галичи мѣсяцъ, а на Крещеніе пришедъ Кострому взяли, и Плесо, и Лукъ; и князь великій посыла́лъ за ними въ погоню князей и воеводъ много, они же не устигли. Единъ воевода, именемъ Θεодоръ Костентиновичъ Добрыньскій, да князь Θεодоръ Давыдовичъ Пестрой съвокупяся съ своими двора, поидоша Волгою послѣ Татаръ и угониша ихъ за Новымъгородомъ за Нижнимъ, и Татаръ били, а иные убѣгли, а полонъ отымали; тѣмъ воеводамъ при животѣ честь, а по смерти вѣчная память.

Въ лѣто 6933, мѣсяца февраля въ 27 день, ¹⁴³⁵ въ 3 часъ ночи, преставися христолюбивый ^{—29} великій князь Василей Дмитреевичъ всеа Руси, на второй недѣли святаго великаго поста, по Сборѣ въ вторникъ; а былъ на великомъ княженіи лѣтъ 36. Того же лѣта сынъ его князь Василей Васильевичъ сѣде на великомъ княженіи, Володимѣрьскомъ и Московскомъ и Новгородскомъ Нижнемъ. Того же лѣта князь Василей Васильевичъ посла Фотія митрополита въ Галичъ къ князю Юрью дядѣ своему, о миру, и миру не взять, а князь Юрьи Дмитреевичъ поиде изъ Галича къ Новгороду Нижнему; и князь великій послалъ князя Андрѣя Дмитреевича за нимъ, а съ нимъ силы полтретьядцать тысящъ, и князь Андрѣй брата князя Юрья не дошедъ да воротился. Того же лѣта преставися благовѣрный князь великій Иванъ Михайловичъ Тѣрьскій, нареченый въ мнишскомъ чину Іевъ; того же лѣта, мѣсяца мая въ 21 день, сѣде сынъ его князь Александръ на великомъ княженіи. Ц.

Въ лѣто 6934. Князь великій Витовтъ ходилъ къ Пскову, и Псковичи доби́ша челомъ и даша ему тысящу рублевъ, и стоялъ у Воронача 3 недѣли, земли испустошилъ много; а Псковичи подъ городкомъ подъ Котелномъ въ озерѣ Литвы да Татаръ побили много. Ц.

Въ лѣто 6935. Моръ бысть силенъ на людѣхъ на Москвѣ, и въ всѣхъ градѣхъ Русьскихъ и волостехъ и селѣхъ, мало людей осталось, мерли прыщемъ. Того же лѣта преставися князь Петръ Дмитреевичъ, въ субботу мясопустную. Того же лѣта, іуна 9, преставися преподобный игуменъ Кырилъ Бѣлозерскій.

1430
—33

Въ лѣто 6938. Явился въ Смоленскѣ волкъ голъ, шерсти не было на немъ, да люди ѣлъ; а въ городѣ Троцѣхъ озеро стоало 7 день кроваво. Того же лѣта у великого князя у Витовта съѣздъ былъ всѣмъ людямъ, отъ всѣхъ земель: внукъ его князь великій Василей Васильевичъ Московскій, король Польскій Ягайло Олгердовичъ, Куныштеръ Нѣмецкый воевода, Фотій митрополитъ Киевскы и всея Руси, гардиналь отъ папы изъ Рима, князь великій Борисъ Тферскый, воевода Ильяшъ Воложскый, и вси князи и воеводы, и владыкы, и паны и бояре съ всѣхъ земель были у него; князь же великій урядивъ всѣхъ, и отпусти съ миромъ и преставися, а княжилъ 38 лѣтъ, и сѣде на великомъ княженіи Швитригайло Олгердовичъ. Того же лѣта князь великій ординскый Андаръ воева Литовскую землю, и пришедъ подъ Мценескъ и стоя у города 3 недѣли, и воеводу Григорья Протасьевича на ротѣ изнималъ, а города не взялъ, а волости повоевалъ, до Киева не ходилъ за 15 миль. Ц.

Въ лѣто 6939. Преставися пресвященный митрополитъ Кіевскій и всея Руси Фотій, мѣсяца іюля въ 1 день, и положенъ бысть во градѣ Москвѣ въ церкви Успенія святыя Богородица.

Въ лѣто 6939. Преставися пресвященный митрополитъ Киевскы и всея Руси Фотій, мѣсяца іюля въ 1 день, и положенъ бысть въ градѣ Москвѣ въ церкви Успенія святыя Богородица. Того же лѣта отъ великого князя Василья Васильевича воевода князь Феодоръ Давыдовичъ Пестрой ходилъ на Болгары воевати, да и взялъ. Того же лѣта было знаменіе на небеси: явившася три столпы огненны; тогда же засуха была, земля и болота горѣли; того же лѣта мгла стоала 6 недѣль, солнца не видѣли, и рыбы въ водѣ мерли и птицы на землю падали, не видѣли летати. Того же лѣта, въ осени, князь великій Василей Васильевичъ да князь Юрьи Дмитреевичъ спряся о великомъ княженіи, да пошли въ орду къ Махметю; и царь пожаловалъ князя Василья Васильевича великимъ княженіемъ, а князю Юрью далъ городъ Дмитровъ. Ц.

Въ лѣто 6940. Преставися князь Андрѣй Дмитреевичъ, мѣсяца іюля 9. Князь Юрьи Дмитреевичъ сперся о великомъ княженіи своимъ братаничемъ, со княземъ великимъ Васильемъ Васильевичемъ, и поидоша въ орду ко царю Махметю; царь же предасть княженіе великое держати Василью Васильевичю.

Въ лѣто 6940. Выиде изъ орды князь великій Василей Васильевичъ на великое княженіе, а съ нимъ посолъ Маньсырь Уланъ царевичъ, тотъ его посадилъ на великое княженіе мѣсяца октября въ 5, индикта въ 10, у Пречистые у Золотыхъ дверей. Того же лѣта преставися князь Андрѣй Дмитреевичъ Можайскый. Того же лѣта, во осени, князь великій обручалъ за себя княжну Марію, дщерь Ярославлю, а внуку Марьи Голтяевы. Тогда же Иванъ Дмитреевичъ бѣжалъ къ Твери, а со Тфери въ Галичъ къ князю Юрью. Того же лѣта князь великій намѣстниковъ Дмитровскихъ съслалъ княжыхъ Юрьевыхъ, а Дмитровъ взялъ за себя. Ц.

Въ лѣто 6941. Приидоша изъ орды князь великій Василей Васильевичъ на великое княженіе, а съ нимъ князь Юрьи Дмитреевичъ; тогда же сѣде на Москвѣ на великомъ княженіи князь великій Василей Васильевичъ. Тое

Въ лѣто 6941. Князь великій Василей Васильевичъ женился на Москвѣ, по Крещеніи въ мясоѣдъ великій, понялъ дщерь князя Ярослава Володимировича именемъ Марію; и на той свадьбѣ Захарья Ивановичъ

же зимы женися князь великій Василей Васильевичъ, и поя дщерь князю Ярославлю Володимировича Литовьского князю именемъ Марью. Тое же весны князь Юрьи Дмитреевичъ възлюбився за то, что ему не далъ царь княженія великаго, поиде ратью къ Москвѣ на великаго князя Василья Васильевича; то же слышавъ князь великій Василей Васильевичъ, поиде противу его ратию, и срътошася на рѣцѣ на Клязмѣ и бысть имъ бой, и одолѣ князь Юрьи Дмитреевичъ князя великаго Василья; князь же великій Василей Васильевичъ побѣжа во Тверь со княгинею и съ бояры, а князь Юрьи Дмитреевичъ прииде на Москву и сѣде на великомъ княженіи. Того же лѣта князь Юрьи Дмитреевичъ оставя Москву, и поѣхалъ въ свою отчину.

великимъ княземъ, искаша его на Костромѣ. И доби челомъ князь великій дядѣ своему князю Юрью, и дастъ ему городъ Коломну въ удѣлъ; а миръ свелъ Семенъ Морозовъ, любовникъ княжѣ Юрьевъ. Князи же и боаре и воеводы, и дѣти боярскыя, и вси дворяне не повиыкли Галичскимъ княземъ служити, и поѣхаша къ великому князю на Коломну отъ мала и до велика, и Иванъ Дмитреевичъ съ дѣтми; видѣвше же князь Василей Косой да князь Дмитрей Шемяка, яко не остася у отца ихъ Москвичъ никого, и убиша Семена Морозова въ набережныхъ сѣнехъ, рькуще: «ты учинилъ ту бѣду отцу нашему и намъ, издавна еси коромолникъ и нашъ лиходѣй,» и сами поидоша къ Костромѣ. Князь же Юрьи съступися великаго княженія, по своей воли, великому князю Василью, и поиде къ Звенигороду; и умиришася съ великимъ княземъ на томъ, что ему дѣтей не примати, ни помочи имъ не дати. Того же лѣта посла князь великій воеводу князя Юрья Патрекѣвича, и съ нимъ дворъ свой, на Кострому на Юрьевичевъ; они же съ Вятчаны и съ Галичяны поставиша бой, на рѣчкѣ на Кусяхъ, и дворъ князя великаго били и воеводу князя Юрья яли, и приидоша опять на Кострому, и какъ Волга стала, и ни^б ступили къ Тураѣвымъ врагомъ. Ц.

Въ лѣто 6942. Князь великій Василей Васильевичъ опять прииде на великое княженіе на Москву. Тое же зимы князь великій Василей Васильевичъ, собравъ вой многы, и поиде ратию на князя Юрья Дмитреевича ко граду Галичю; князь Юрьи Дмитреевичъ не бысть тогда во градѣ, князь великій Василей взять

Кошкынъ имался за поясъ у князя у Василья 1433 у Юрьевича у Косого, и съ тоя свадьбы князи^{—34} и бояре разѣхашася въ свояси, и съвокупися князь Василей да князь Дмитрей Шемяка, и поидоша къ отцу своему въ Галичъ. Тое же весны князь Юрьи Дмитреевичъ възлюбився за то, что ему не далъ царь княженія великаго, и поиде ратью на великаго князя Василья съ своими дѣтми, да Иванъ Дмитреевичъ съ ними же и съ своими дѣтми; и съвокупишася силы многы и поидоша къ Москвѣ на великаго князя, и приидоша на рѣку на Клязму безъ вѣсти, за 20 поприщъ отъ Москвы, въ субботу канунъ Мирносицъ, апрѣля 25^а. Князь же великій Василей Васильевичъ не поспѣ събратися и выѣха въ малѣ дружинѣ, и побився мало и побѣже съ Москвы, и взявъ мать и княгиню, и побѣже въ Тверь и съ Твери побѣже къ Костромѣ; князь же Юрьи сѣлъ на великое княженіе и посла дѣтей своихъ за

Въ лѣто 6942. Князь великій Василей Васильевичъ опять прииде на великое княженіе, на Москву съ Коломны. Князь же великій слышавъ измѣну дяди своего князя Юрья Дмитреевича, что на бою были съ дѣтми воеводы его и многы дворяне, и поиде князь великій Галича воевати, и Галич повоевалъ и пожогъ

а) апр. 25. апрѣля 5 такъ въ Ц; но суббота предъ недѣлю Мирносицъ, въ 6941 (1433) году, приходилась 25 апрѣля. б) и ш. т. е. и они.

1434 градъ Галичъ, и люди выведе съ собою, а
 —36 градъ сожже. Тое же весны князь Юрьи Дми-
 треевичъ собра воя многы, прииде ратию къ
 Москвѣ на вербоной недѣли, а съ нимъ сила
 велика и Вятска рать; то же слышавъ князь
 великий Василей Васильевичъ, выѣхалъ вонъ
 изъ града Москвы, а княгиню и матеръ поса-
 ди во градѣ, и не поиде противу ему; князь
 же Юрьи Дмитриевичъ прииде ко граду къ Мо-
 сквѣ, граждане же отворшиа ему градъ Москву,
 онъ же вниде въ градъ, и поималъ княгими
 великие и посла ихъ въ заточеніе въ градъ
 зовомый Звенигородъ, а самъ сѣде на вели-
 комъ княженіи. Того же лѣта, мѣсяца іюня 5,
 преставися князь великій Юрьи Дмитриевичъ,
 и положенъ бысть въ церкви Архангела Ми-
 хаила на площади. Того же лѣта сѣде князь
 Василій Васильевичъ на великомъ княженіи.

и полонъ повелъ; а князь Юрьи Дмитриевичъ
 посла дѣтей по Вятчяны, и поиде на великого
 князя. Князь великий срѣте его въ Ростов-
 ские области у святаго Николы на горѣ, и
 бысть имъ бой въ Лазареву субботу, и пре-
 може князь Юрьи и поиде къ Москвѣ; и прииде
 къ Москвѣ на страстной недѣли, а у города
 стоялъ недѣлю, а въ среду на святой недѣли
 городъ взялъ, и княгини великие поималъ и
 послалъ въ Рузу, а самъ сѣде на великомъ
 княженіи. Князь же великий убѣжа съ бою
 въ Новгородъ Великий, и оттолѣ иде на Мо-
 лому, и къ Костромѣ и къ Новугороду Ниж-
 нему; князь же Юрьи посла за нимъ дву кня-
 зей Дмитриевъ съ силою. Того же лѣта пре-
 ставися князь Юрьи Дмитриевичъ на великомъ
 княженіи на Московскомъ, а сынъ его Васи-
 лей послѣ отца сѣде на княженіи на Москов-
 комъ, и сѣдѣ единъ мѣсяць; а князь Дмитрей
 смиришася съ великимъ княземъ и съгнаша
 князя Василья съ Москвы, а князь великий

Василей Васильевичъ сѣде на своей отчинѣ на великомъ княженіи Московскомъ, а князь
 Василей поѣде къ Новугороду Великому и оттолѣ къ Костромѣ; а Шемякѣ далъ князь
 великий Угличъ да Ржеву, а меньшему далъ князю Дмитрею Бѣжицкой верхъ; а князь
 Василей Юрьевичъ Косой нача собирать воя на Костромѣ на великого князя.

Въ лѣто 6943. Поиде князь Василей съ Костромы со многими силами къ Москвѣ, и
 срѣте его князь великий въ Ярославской отчинѣ у Кузмы Демьяна на Которосли, мѣ-
 сяца генваря въ 6; и бысть имъ бой и поможетъ Богъ великому князю; а князь Василей
 убѣглъ въ Кашинъ, а рати его побили много. И окопався въ Кашинѣ и прииде къ Во-
 логдѣ изгономъ на великого князя заставу, и воеводъ великого князя поималъ, Федора
 Михайловича Челядню, Андрѣя Федоровича Голтѣева, Володимера Андрѣевича Зворы-
 кына, Михаила Чепечкына, и иныхъ много отъ дворянъ великого князя; и поиде къ
 Костромѣ и посла по Вятчяны, и Вятчяне придоша къ нему. И слышавъ князь великий
 то, и поиде на Кострому на князя Василья, и пришедъ ста на мысѣ у святаго Ипатія
 чудотворца, и не лѣзъ имъ на бой снятися о рѣмѣ Костромѣ, и взяша миръ, и дасть
 князь великий князю Василью городъ Дмитровъ въ отчину; а весна была тогда вели-
 студена. И прииде князь Василей Юрьевичъ въ Дмитровъ и пребылъ мѣсяць единъ.

Въ лѣто 6944. Князь Василей Юрьевичъ поиде изъ Дмитрова опять на Кострому, а
 къ великому князю розметные послалъ, и на Костромѣ жилъ до пути до зимняго и поиде
 къ Галичю, изъ Галича поиде на Устюгъ; и стоялъ подъ Устюгомъ 9 недѣль и городъ
 взялъ, а князя великого воеводу князя Глѣба Ивановича убилъ Оболенского, а деся-
 тилника владычня Лева Булатова повѣсилъ, и многихъ Устюжанъ поѣхалъ и повѣшалъ.
 Тое же зимы князю Дмитрею Юрьевичю женитися было на Угличѣ, и пояти дщерь князя
 Дмитрія Заозерского, и приѣхъ на Москву князя великого звати на свадьбу; и князь ве-
 лический его поималъ и послалъ на Коломну, а приставъ у него Иванъ Старковъ, а Ко-
 ломна за нимъ же. Тое же весны князь Василей Юрьевичъ поиде съ Устюга на великого

князя, похваляся, а съ нимъ Вятчане да княжѣ Дмитріевъ брата его дворъ съ нимъ же; ¹⁴³⁶ и срѣте его князь великій у святаго Покрова на Скорятинѣ, въ Ростовской области, а ^{—46} съ нимъ князь Дмитрей Юрьевичъ меншій, да въ ту же пору служилъ князю великому князь Иванъ Баба Дрютьскихъ князей. Изрядивъ копѣя и поидоша виѣсто и бѣшася, и побѣже князь Василей, и угони его Борисъ Тоболинъ, и позна его и нача кликати, и пригна къ нимъ князь Иванъ Баба, и поимаша князя Василья Юрьевича и приведоша къ великому князю; князь же великій посла его на Москву, и ослапиша его.

Въ лѣто 6945. Прииде Сидоръ митрополитъ изъ Царяграда на Москву, веснѣ, по Велицѣ дни; и бысть на Москвѣ немного, и тое же осени поиде въ Римъ на сборъ къ папѣ Еугенію. Тое же осени родися великому князю сынъ Юрьи Васильевичъ болшій. Ц.

Въ лѣто 6945. Бысть бой на рѣцѣ Бѣлевѣ Въ лѣто 6946, мѣсяца декабря 5, бой бысть съ Татарами князю великому Василью Васильевичю, со царемъ Махметемъ со сыномъ своимъ великимъ княземъ Русьскимъ на Бѣлевѣ съ царемъ Махметемъ, и множество бысть вой съ Маматякомъ; по разгнѣванію Господа Саваоа и по умноженію грѣховъ хрестіанъ Русьскихъ, а Татаръ velmi мало; и подъ городъ придоша Русьскіи вои, и выѣхаша бояръ и князей множество, князь великій Татарове и почаша ихъ сѣчи, а иныя побѣгоша, и убиша Руси много velmi. Ц.

отъиде въ малѣ дружинѣ. Въ лѣто 6947. Прииде царь Махметъ изъ орды къ Москвѣ, мѣсяца іюля въ 3 день, и пожже около города посадъ, и стояли 10 днѣй, а градъ сохраненъ бысть милостію пречистыя Богородицы и молитвою чюдотворца Петра митрополита Русьского.

Въ лѣто 6949. Преставися князь Дмитрей Юрьевичъ, мѣсяца сентября 22. Въ лѣто 6949. Преставися князь Дмитрей Юрьевичъ Красной, мѣсяца сентября 22. Тогда же митрополитъ Сидоръ убѣжалъ съ Москвы.

Тое же зимы князь великій ходилъ на Новгородъ, и Демянъ городъ взялъ, а мятля убили Порховского. Тогда же преставися князь Юрьи болшей, а другой князь Юрьи родися мѣсяца генваря 22, на Тимоѣевъ день; а дотолъ за годъ на тотъ же день родися князь великій Иванъ Васильевичъ, а крестилъ его игуменъ Зиновій Троецкій.

Въ лѣто 6950. Князь великій роскынулъ съ Шемякою, и поиде на него къ Угличю, и онъ побѣже въ Бѣжицкой верхъ; и князь великій воротися на Кѣясовѣ. Тогда же и Колудара и Режского кнутьемъ били. А князь Дмитрей, и съ нимъ князь Александръ Черторижскій, часа того, пришли мало не къ Москвѣ; и помири ихъ игуменъ Троецкій.

Въ лѣто 6951. Царевича Мустафу убили на Резани, на рѣчкы на Листани; а зима была зла, а сѣно дорого. Тое же весны князь Иванъ Ондрѣевичъ поималъ Андрѣя Дмитреевича, и жену его Марію сжегъ, на Мироносици, въ Можайскѣ. Ц.

Въ лѣто 6953. Прииде Литовская рать на Русь, и взяли съ Колугы града окупъ, и стояли подъ Козельскомъ градомъ недѣлю; князь же Михайло Андрѣевичъ Можайскій поиде противу ихъ въ малѣ дружинѣ, точю во трею сотъ, и удари на силу Литовскую яко на семи тысящъ, и обиша около его дружину; князь же Михайло побѣжа, а Литва поидоша восвоеси. Того же лѣта бысть знаменіе во градѣ Москвѣ: вѣста буря велія, и спадеся крестъ сборныя церкви, иже придѣлъ имать Лазарь святой. Того же лѣта^a бысть бой князю вели-

а) прииде литовская рать. . . лѣта такъ было и въ Ц. но потомъ кинувъ захолено; см. ниже ту же статью въ примѣчаніяхъ.

1446 кому Василью Васильевичю со царевичемъ^а съ Маматякомъ^б у града у Суздаля, мѣсяца іюля
 —⁴⁶ въ 7 день; и яко сразисася дважды, попущеніемъ Господа Саваоѳа, по умноженію хрестьян-
 ского согрѣшенія, и яко сразисася въ третій, и яша Татарове князя великаго Василья Ва-
 сильевича, съ нимъ князя Михаила Андрѣевича и бояръ множество. Мѣсяца того же въ 24^б
 погорѣ градъ Москва Кремль, и выгорѣ весь и не оставаша ни единого древеси, и каменіи
 церкви разсыпашася и мнози челоѳци отъ огня^в скончашася, священници и черноризци, и
 сущи^г незлобивіи младенци. Тое же осени выиде изъ орды князь великій Василей Василье-
 вичъ, и съ нимъ князь Михайло Андрѣевичъ^д. Тое же осени иво бысть знаменіе въ градѣ Мос-
 квѣ: мѣсяца октября въ 1 день, на Покровъ святѣй Богородици, въ 6 часъ нощи, бысть
 тишина велія, многымъ челоѳкомъ спящимъ, другимъ же никакоже сна приѣмшимъ, потря-
 сеса мѣсто и градъ на многъ часъ и храми поколебашася, не по всему же граду, но мѣсты;
 сему же суть мнози свѣдѣтелие глаголющии^е.

Въ лѣто 6954. Прииде князь Дмитрій Юрье-
 вичъ ратию, изгономъ, ко граду къ Москвѣ, со
 княземъ Иваномъ Андрѣевичемъ, предъ вели-
 кимъ заговѣніемъ въ день суботный на нощъ,
 и волгалися въ градъ и взяша градъ Москву,
 и княини поимаша великіе обѣ и бояръ пойма-
 ша; и князь же великій не бѣ тогда во градѣ,
 поѣхалъ бѣ въ монастырь въ Сергіевъ, князь
 же Дмитрій Юрьевичъ посла поимати князя
 великаго Василья Васильевича брата своего
 князя Ивана Андрѣевича, онъ же приведе его
 съ нужею на Москву, въ третій день и очн
 ему выимаша, и посла его въ заточеніе въ
 градъ на Углече поле и съ княгинею, а ма-
 теръ его послаша въ городокъ на Чюхому,
 а самъ сѣде на великомъ княженіи; а дѣти
 же князя великаго Васильева князь Иванъ да
 князь Юрьи убѣгли въ градъ Муромъ, и затво-
 рившася въ градѣ, князь великій Дмитрій Юрье-
 вичъ посла по нихъ въ Муромъ владыку Ря-
 заньскаго Іону, онъ же шедъ взя ихъ на свою душу, и князь великій Дмитрій Юрьевичъ по-
 сади ихъ съ отцемъ вмѣстѣ. Тое же зимы побѣжалъ князь Василей Ярославичъ въ Литву, не

Въ лѣто 6954. Прииде изъ орды князь ве-
 ликій Василей Васильевичъ, и съ нимъ князь
 Михайло Андрѣевичъ. Того же лѣта князь ве-
 ликій прииде отъ царевича изъ полону, на
 Дмитріевъ день, въ Переславль, и прииде на
 Москву; и сдумавше князь Дмитрей Юрьевичъ
 Шемяка да князь Иванъ Андрѣевичъ Можай-
 ский, а съ ними коромолилъ съ Москвы Иванъ
 Старковъ, да и отъ гостей, да и отъ Троецъ-
 скихъ чернцовъ, и пришли къ Москвѣ изго-
 номъ князь Дмитрей и князь Иванъ, а князь
 великій у Троици въ Сергіевѣ монастырѣ, и
 князь Дмитрей сѣлъ на Москвѣ, а князь Иванъ
 скочивъ и поималъ князя великаго у Троици,
 и пришедше на Москву ослѣпиша его, мѣся-
 ца февраля въ 13 день. Того же лѣта родися
 князь Андрѣй, на Углечи, августа 14. Ц.

а) съ маматякомъ — да съ егупомъ прибавлено на поляхъ въ Ц. б) въ 24.: въ 14 такъ у Карамз. V, 311; см. подъ симъ годомъ въ примѣчаніяхъ то же извѣстіе по списку Ц; упомянутый въ немъ день св. Архангела Гавріила приходится однакожь 13 іюля. в) отъ огня — тугою огня Б. Г. г) и сущи — и сосущи Б. Ц. д) тое же осени. . . андрѣевичъ — нѣтъ въ Ц. е) За симъ въ Ц. записаны еще слѣдующія извѣстія: тое же зимы царь махметъ приходилъ къ мурому, и князь великій былъ самъ въ муромѣ, и татаръ побили по селомъ: тогда застрѣлили александра иванова сына костентиновича, и на бою (ихъ?) руки знобили. а на кологу литва приходила 7000, а князь михайло андрѣевичъ съ четырьми сты биса съ ними, и убиша тогда князя андрѣя лугвицу суздальскаго, а судока въ литву повели того же лѣта москва погорѣла, въ полночь, городъ, на сборъ архангела гаврила, а въ немъ осадѣ сущи и много людей погорѣло, а иные исподохлися.

хотя служити князю великому Дмитрію Юрьевичю. Того же лѣта родися князю великому¹⁴⁴⁶ сынъ Василью Васильевичю, мѣсяца августа въ 19 день, нареченъ бысть именемъ Андрѣй. —⁴⁹ Тое же осени выпустиша князя великого Василья съ княгинею и съ дѣтьми, онъ же бѣжа во Тферь и собра воя многы; то же слышавъ князь великій Дмитрей, поиде на Волокъ ратию противу ему, и почаша войска съ бояры бѣгати отъ него, онъ же видѣвъ свое изнеможеніе и побѣжа въ Галичъ и со княгинею, а князь Иванъ съ нимъ же побѣжалъ.

Въ лѣто 6955. Сѣде князь великій Василей Васильевичъ на великомъ княженіи на Москвѣ. Тое же осени, мѣсяца септембрия въ 1 день, родися сынъ^а князю великому Василью, и нареченъ бысть Семеонъ. Тое же осени, мѣсяца ноябрия въ 13, въ полночь, бысть громъ страшень и молнья велика зѣло.

Въ лѣто 6955. Князь Дмитрей Шемяка събравъ епископы всей земли, и честныя игумены, и прозвитеры, и приѣхавъ на Угличъ и укрѣпивъ великого князя крестнымъ цѣлованіемъ и проклятыми грамотами, и выпусти его изъ поиманья и съ дѣтьми, септембрия 15, и дасть ему Вологду въ удѣлъ. И прииде князь великій на Вологду, и оттолѣ въ Кириловъ монастырь, игуменъ же Трифонъ и съ всею братією благослови великого князя Василья

Васильевича и съ его дѣтьми на великое княженіе, а ркучи такъ: «тотъ грѣхъ на мнѣ и на моей братіи главахъ, что еси цѣловалъ и крѣпость давалъ князю Дмитрею; а поиди, государь, съ Богомъ и съ своею правдою на свою отчину на Москву на великое княженіе; а мы за тебя государя Бога молимъ и благословляемъ.» Князь же великій поиде къ Твери, и вся сила Московская съ всѣ страны къ Твери къ великому князю, изъ Литвы прииде князь Василей Ярославичъ, князь Семенъ Оболенскій, князь Иванъ Ряполовскій, Феодоръ Басенокъ, и иныхъ бояръ много и князей и воеводъ много, дѣтей боярскихъ множество, и царевича два Трегубъ-Каисымъ и Ягупъ, и наѣхаша великого князя на Угличъ; а тогда князь великій сватался съ княземъ великимъ Борисомъ Александровичемъ за своего сына Ивана, и прииде на Москву февраля 17, въ пятокъ сырный. Ц.

Въ лѣто 6956. Бысть Благовѣщеніе по Велицѣ дни на святой недѣли въ понедѣльникъ; того ради написахомъ, понеже не часто бываетъ. Того же лѣта, мѣсяца іюля, бысть моръ на кони, и на всяку животину и на люди. Того же лѣта преставися благовѣрный князь Василей Юрьевичъ, братъ князю Дмитрею.

Въ лѣто 6957. Князь великій Василей Васильевичъ постави себѣ митрополита на Москвѣ Іону владыку Рязанскаго, собравъ владыкы. Того же лѣта родися князю великому Василью сынъ, мѣсяца іюля 21, и нареченъ бысть Борисъ. Тое же зимы ходилъ князь великій Василей Васильевичъ ратью къ Галичю, на князя на Дмитрея Юрьевича, и бысть имъ бой подъ Галичемъ; и поможе Богъ князю великому Василью Васильевичю, и прогнаша его въ Новгородъ Великій, а градъ взялъ собѣ и всю его вотчину и посадилъ намѣстники, и возвратишася на Москву. [Тое же весны князь великій былъ на Рудинѣ селѣ, въ Ярославлѣ, и придоша на него князь Дмитрей Шемяка да князь Иванъ Можайскій съ многими людьми, и вмаѣ не бысть межи ими кровопролитія; князь же Иванъ Андрѣевичъ добилъ челомъ князю великому, и князь великій пожаловалъ его далъ ему Бѣжицкой верхъ къ его отчинѣ къ Можайску, а Шемяка поиде къ Галичю. Того же лѣта скорые Татарове были, догоняли до Похры; тогда полонили князь Васильеву Ивановича Оболенского княгиню Марію, съ снохою Стефанидою, да Григорьеву жену Козлову Морозова. Ц.]

а) сынъ. недостаетъ въ обоихъ см. Б. Г.

1450 Въ лѣто 6958. Тое же зимы преставися
—51 князь Василей Юрьевичъ Патрекѣва въ чернѣ-
цѣхъ и въ скимѣ, мѣсяца генваря. Тое же
зимы привезоша на Москву колоколъ великъ
съ Городка съ Низу. Того же лѣта заложена
бысть церкви камена на Москвѣ во имя свя-
таго Воздвиженія честнаго креста Господня,
заложилъ ея гость Володимеръ Ховринъ и пове-
лѣ заложити около кирпичемъ, а изнутри бѣ-
лымъ каменемъ. Того же лѣта пресвященный
митрополитъ Іона заложилъ полату камену, на
Москвѣ, на своемъ дворѣ предъ дверми свя-
тыя Богородица, и церковь въ полатѣ во имя
пресвятыя Богородица Положеніе честныя ея
ризъ, еже празднуемъ мѣсяца іюля 2. Того
же лѣта бысть чудо страшно во градѣ Мо-
сквѣ: мѣсяца августа 5 день, канунъ дни Спа-
сова, предъ вечернею за единъ часъ, внезапно
прииде туча со вѣстока на градъ, и бысть
громъ страшень; по разгнѣванію Господа Са-
ваоа, по умноженію грѣхъ хрестіянскихъ,
прострѣли громъ верхъ у церкви у камены
святаго Михаила Архангела на площади, и
поиде стрѣла въ церкви, и бысть чудо страшно
яко не мощно сказати, како ходила по
церкви. Того же мѣсяца августа 13 день, прииде
туча отъ западныхъ страны на градъ Москву
и вѣтръ великъ зѣло, и сломило крестъ у
церкви святаго Архангела Михаила на площади.
Тое же осени придоша Татарове изъ поля на
Рязань, и посла князь великій Василей Ва-
сильевичъ рать свою на нихъ, и воеводу Кон-
стантина Александровича Беззубцева; и бысть
имъ бой, и поможе Богъ князю великому Ва-
силью Васильевичю, и побиша Татаръ мно-
жество.

Въ лѣто 6959. Преставися благовѣрная ве-
ликая княгини Тѣрская Анастасія. Тое же
весны бысть въ великій пятокъ Юрьевъ день.
Того же лѣта придоша Татарове Кичиахметевы
орды ко граду Москвѣ, мѣсяца іюля въ
2 день, посадъ около града пожгоша, а градъ
сохраненъ бысть милостию пречистыя Бого-
родица и великого чудотворца Петра; а стоя-
ли у града день единъ, а ноци побѣжа прочь
отъ града, а приходилъ царевичъ Кичиахметевъ
сынъ именемъ Мазавша.

вѣтръ на городъ мѣсяца іюля 2, на Пречистыя ризы Положеніе; святыи Іона митрополитъ
начя пѣти молебены и молитися Богу, и вѣтръ утиши. И Татарове тое же ноци побѣ-
гоша прочь, слышавше шумъ великъ въ градѣ, мняху князя великого пришедша. Ц.

Въ лѣто 6958. Князь великій Василей Ва-
сильевичъ бися въ Галичи съ княземъ Дми-
треемъ Юрьевичемъ съ Шемякою, мѣсяца ген-
варя 27, и поможе Богъ князю великому, а
Шемяка утече въ Новгородъ Великій; на
томъ бою убили Григорья Семеновича Горсть-
кына, и положенъ бысть у Спаса въ Яросла-
ви. Того же лѣта Володимеръ Григорьевичъ
Ховринъ, передъ своимъ дворомъ, поставилъ
церковь кирпичну святое Въздвиженіе честна-
го креста. Тогда же бой былъ на Бетюцѣ съ
Татары, а бился Константинъ Александровичъ
Беззубцовъ; и поможе Богъ великому князю,
и побиша Татаръ множество, и ту Ромодана
убили. Того же лѣта пресвященный митропо-
литъ Іона заложилъ полату камену, на Москвѣ,
на своемъ дворѣ, предъ дверми святыя Бого-
родица, и церковь въ полатѣ во имя святыя
Богородица Положеніе честныя ея ризъ, еже
празднуемъ мѣсяца іюля 2. Ц.

Въ лѣто 6959. Георгія было въ пятокъ
великій. И того лѣта царевичъ, Сиднохма-
товъ сынъ, Мазавша приходилъ изгономъ къ
Москвѣ, а съ нимъ Гедигерь князь ординъ-
ский. А князь великій не поспѣлъ събрати
силы, и посла къ берегу князя Ивана Звени-
городцкаго; онъ же узрѣвъ Татаръ за рѣкою,
и покинулъ берегъ побѣже прочь. И князь ве-
ликий самъ выѣде изъ града за рубежъ, а
въ осадѣ оставилъ мать свою великую княги-
ню Софію, съ великою княгинею своею, да
Іону митрополита. Татарове же пришедше по-
сады зажгоша съ всѣхъ стороны, и понесе

Въ лѣто 6960. Ходилъ князь великій Иванъ воевати Ноугорода. Того же лѣта женися князь великій Иванъ Васильевичъ у великого князя у Бориса у Тферьскаго; а вѣнчалъ его архимандритъ Трифонъ Спасскій да протопопъ Кириакъ Богородицкій.

Въ лѣто 6961, мѣсяца априля 9 день, въ 1 часъ ночи, погорѣ градъ Москва нутрь города. Того же лѣта, мѣсяца іюля 13, преставися благовѣрная великая княгини Софья, нареченая во мнишскомъ чину Сунклитикія. Того же лѣта преставися князь Дмитрій Юрьевичъ Шемяка въ Новѣгородѣ въ Великомъ, и положиша его у церкви святаго Георгія. Того же лѣта взяша Турци Царьградъ, мѣсяца маія 29, и много зла сотвориша и прольяха кровь хрестіанскую.

Въ лѣто 6962. Преставися архіепископъ Ефремъ Ростовскій и Ярославскій, мѣсяца марта 29; того же лѣта поставленъ бысть Ѳеодосій епископъ Ростову. Того же лѣта ходилъ князь великій Василей Васильевичъ ратью къ Можайску; князь же Иванъ Ондрѣевичъ бѣжа въ Литву, а градъ изнеможе и предашася князю великому. Того же лѣта, мѣсяца августа 31, бысть громъ страшень и проразѣ церковь каменую въ градѣ Москвѣ пречистыя Богородица, иже придѣлъ имать святы Лазарь.

Въ лѣто 6963. Воеваша оканніи безвѣрники Гогоуличи Великую Пермь; тогда убиша епископа Питирима Пермскаго. Того же лѣта родися князю великому Василью Васильевичю, мѣсяца септября 30, сынъ князь Дмитрій; и крести его митрополитъ Іона. Того же лѣта послалъ князь великій Василей рать свою за рѣку Оку противу Татаръ, а воевода у нихъ князь Иванъ Юрьевичъ, и бысть имъ бой и поможѣ Богъ князю великому; тогда убіенъ бысть князь Семенъ Ивановичъ Бабичъ^а.

Въ лѣто 6964, мѣсяца генваря, ходилъ князь великій Василей Васильевичъ къ Нову-

Въ лѣто 6960. Князь великій жени сына ¹⁴⁵² своего князя великого Ивана Васильевича, ^{—56} іюня 4, у великого князя Бориса Александровича Тверьскаго, поятъ за него княжну Марью. Тое же зимы князь великій Иванъ Васильевичъ ходилъ на Кокшегну. Того же лѣта родися князь Ондрѣй меншей, августа въ 8. Ц.

Въ лѣто 6961, мѣсяца апрѣля въ 9, выгорѣ Москва градъ отъ Беклемишева двора. Того же лѣта преставися великая княгини Софія, въ черницахъ, у Възнесенія, іюня 15. Того же лѣта князь Дмитрей Юрьевичъ Шемяка умре со отравы въ Великомъ Новѣгородѣ. Того же лѣта царь Турьскій Моаметъ взялъ Царьградъ, маія 29. Ц.

Въ лѣто 6962. Преставися Ефремъ архіепископъ Ростовскій и Ярославскій; того лѣта поставленъ бысть Ѳеодосій Бывалцевъ епископомъ Ростову. Того же лѣта князь великій Василей Васильевичъ Можаяскъ взялъ, а князь Иванъ Андрѣевичъ къ Литвѣ побѣже. Ц.

Въ лѣто 6964. Князь великій Василей Васильевичъ ходилъ на Великій Новгородъ

а) того же л. послалъ . . . бабичъ; эти слова въ Ц. помараны, и вмѣсто ихъ написано: того же лѣта приходили татарове отъ сиднахметевы орды, и прелѣзъ рѣку оку грабили и полонъ имали, и прочь ушли; а иванъ васильевичъ ошера стоалъ съ коломенскою силою, да ихъ упустилъ, не смѣлъ на нихъ ударитися; тогда же убили тѣ татарове князя семена бабича; и пришедъ Ѳеодоръ басенокъ съ великого князя дворошъ, татаръ били, а полонъ отымали.

1457 городу Великому ратью, и не дошелъ Нова-
—60 града за полтора ста верстъ, и ту срътилъ его
владыка съ Ноугородци, и добиша челомъ
князю великому Василью Васильевичю 10-ю
тысячь рублевъ; князь же великій пріятъ лю-
бовь ихъ и возвратися.

ратью, и Новогородци пошли противу велико-
го князя ратью, и князя великого воеводы,
князь Иванъ Васильевичъ Стрига съ братьею
да Оеодоръ Васильевичъ Басенокъ, били ихъ
подъ Русою февраля въ 9, а иныхъ поимали,
а князь великій стоалъ въ Яжелобицахъ; и
пріѣха владыка съ посадники и добили че-
ломъ князю великому. Тое же весны преста-

вися князь великій Иванъ Оеодоровичъ Рязаньскій. Того же лѣта князя Василья Яро-
славича поимали, іюля въ 3.

Въ лѣто 6966, сентября 29, сгорѣ городъ Муромъ. Тоя же осени, мѣсяца октября
22, треть Москвы сгорѣ. Тоя же зимы, мѣсяца февраля 15, родися великому князю Ивану
Васильевичю сынъ Иванъ отъ Тверянкы. Того же лѣта преставися Еуѣимій архіепископъ
Новгородскій. Того же лѣта князь великій посылалъ на Вятку Ряполовскихъ, и Гри-
горей Перфушковъ у Вятчанъ посулы поималъ да имъ норовилъ, ни Вяткы не взялъ.
Того же лѣта поставили церковь кирпичну святое Введение, на Симановскомъ дворѣ, въ городѣ.

Въ лѣто 6967. Поставили Іону архіепископомъ Новугороду Великому. Того же лѣта
Іона митрополитъ поставилъ у Пречистые придѣлъ, церковь въ имя Похвалы святыхъ
Богородица. Того же лѣта князь великій Василей Васильевичъ посылалъ князя Ивана
Юрьевича воеводою на Вятку, да съ нимъ дворъ свой; онъ же шедше городкы поималъ
Орловъ да Котелничъ, а подъ Хлыновымъ стоялъ долго, и Вятчане добили челомъ на
всей его воли, какъ надобѣ государю великому князю. Ц.

Въ лѣто 6968, мѣсяца августа, царь Ахметъ
Кичиахметевичъ стояли на Рясскомъ полѣ, и
подъ Рязанію бысть Теисуфуй да Темиръ мно-
гими ратьми, и стояли 6 дней да побѣжали;
а князь великій Иванъ тогды стоялъ у берега
со многими людьми. Того же лѣта бысть трусь
съ небеси страшень, и громъ^а великъ и мол-
нія со огнемъ, мнози храми падошася и лѣсу
преломленіе бысть веліе зѣло по многымъ
мѣстомъ, мѣсяца іунія въ 14 день. Того же
лѣта, мѣсяца іюля въ 3, былъ гибель мѣся-
цю, а въ осмый^б день солнце гибло, въ пя-
токъ 2 часъ дне; сіе же съ полчаса бысть.
Въ 70 второе лѣто, априля 4, поставленъ
бысть Іосифъ протосиггелъ митрополитомъ въ
Кесарію Филипову, на Москвѣ, митрополи-
томъ Оеодосіемъ. Въ 70 пятое лѣто, априля
23, преставися благовѣрная великая княгини
Марья Иванова Васильевича, и положена бысть
въ церкви святого Вознесенья.

Въ лѣто 6968. Князь великій Василей
Васильевичъ былъ въ Новѣгородѣ въ Великомъ
миромъ; и тогды же въ Новѣгородѣ Оеодора
Басенка хотѣли убити шылники. Того же лѣта
буря страшна была, лѣсъ ломило и хоромы
рвало, іюля 14; а въ 18 солнце гибло. Того
же лѣта царь Ахмутъ Кичиахметовичъ Болшіе
орды приходилъ подъ Резань, и стоалъ подъ
городомъ, и Татаръ у него побили; а приво-
дилъ его Казать Уланъ мурза, и поиде прочь
съ великимъ срамомъ царь, а на Казата не-
любіе держа. Того же лѣта поставили цер-
ковь камену святое Богоявление, на монастыр-
скомъ дворѣ Сергѣева монастыря на Троец-
комъ; да тогды же заложиса церковь камену
святаго Іоанна Предтечу, предъ княжимъ дво-
ромъ Юрьевымъ Васильевича. Ц.

а) и громъ - и срамъ *ошибк.* Б. б) въ осмый -; должно чит. въ осмыинадцать, такъ какъ въ 6968 году
это число действительно приходилось въ пятницу; см. также вторую колонку.

Въ лѣто 6969, мѣсяца марта въ 31, на память святого отца Ипатія, преставился пресвященный Іона митрополитъ Кіевскій и всея Руси, въ вторникъ страстныхъ недѣли, въ 2 часть дни, пасъ церковь Божию 12 лѣтъ и четыре мѣсяци. Князю же великому Василью Васильевичю и сыновомъ его не сущимъ тогда въ градѣ Москвѣ, но въ Володимери, за нѣкую нужулежащую тогда отъ Казани; но бысть тогда въ градѣ Москвѣ благовѣрная и христолюбивая великая княгини Марія Васильева Васильевича, и другая великая княгини Марія Иванова Васильевича, и множество народа много. Бѣ же тогда зрѣти лице его не якоже бѣ обычай мертвымъ, но яко спящу показуяся, за преславное и великое его житіе, якоже слышахомъ о немъ, еже отъ юности якоже древніи святіи отци. Того же лѣта поставленъ бысть архіепископъ Ѳеодосій Ростовски и Ярославски на святѣйшую митрополию Русьскую, повелѣніемъ благочестиваго и благовѣрнаго и христолюбиваго великаго князя Василья Васильевича и сына его великаго князя Ивана Васильевича, самодержцовъ Русьскыя земля, и епископы тогда сущими, Филипа епископа Суждальскаго, и Геронтія епископа Коломенскаго, и Васіяна епископа Сарьскаго и Подонскаго, а прочихъ епископъ обослаша и вси быша во единой мысли и хотѣніи; поставленъ же бысть мѣсяца маія въ 3, на память святого отца Ѳеодосія игумена обители Печерьскіе, иже бысть первый наставникъ общаго житія.

Въ лѣто 6970, мѣсяца марта въ 27^а, преставился благовѣрный и христолюбивый князь великій Василей Васильевичъ всея Руси, въ субботу четвертую великаго поста, въ 3 часть ночи. Бысть же тогда^б въ градѣ Москвѣ и рыданіе велико зѣло, плакаху же князи и вельможи, старіи и уніи, богати и убози, паче же реку и младенцы, и все множество толика народа яко и другъ друга угнетаху; и въ колоколъ звоненію бывшу тогда многу зѣло. Быша же тогда на погребеніи его: пресвященный Ѳеодосій митрополитъ всея Руси, Геронтій епископъ Коломенскій, Васіанъ епископъ Сарьскій и Подонскій, и сынове его, благовѣрный и христолюбивый князь великій Иванъ Васильевичъ и единокровная его братія, Юрьи, Андрѣй, Борисъ, и иныхъ князей довольно и вельможей много, народа же много множество. Положенъ же бысть въ церкви великаго Архистратига Михаила, идѣже лежать

Въ лѣто 6969. Преставился князь великій¹⁴⁶¹ Борисъ Тверьскій, февраля 18. Тое же весны^{—62} преставился Іона митрополитъ Кіевскій всея Руси, марта 31; и поставивша на митрополию Ѳеодосія архіепископа Ростовскаго, маія 3. Ц.

Въ лѣто 6970, мѣсяца генваря 24, на Оксининъ день, въ недѣлю, у Михаилова Чюда въ монастырѣ, у гроба святого Алексія митрополита чудотворца, простило Наума чернца Деревягу. Тое же зимы, февраля 1, митрополитъ Ѳеодосій постави на Резань владыку Давыда казначѣя митрополича. Тое же весны поимали княжыхъ дворянъ Ярославича Володку Давыдова и иныхъ много въ измѣнѣ, что хотѣли вывяти князя Василья съ Углича; и князь великій повелѣ ихъ казнью^а казнити, въ великое говѣніе, на Ѳеодоровѣ недѣли. Князь же великій повелѣ жещи у себя трутъ на хребтѣ, болѣзни ради сухотныя, и сѣтѣхъ мѣстъ разболѣся и преставился марта 27, на память святыя Матроны иже въ Селуни. Того же лѣта сѣде на великомъ княженіи сынъ его князь великій Иванъ Васильевичъ, на Володимерскомъ и на Московскомъ и на Новгородскомъ и на всей Руси; а брату его князю

а) марта въ 27. марта въ 28 Б. Г. б) тогда. *кажется здесь пропущено слово плачь.*

а) казнью. *незнаемою прибавлено было въ Ц, но помянуто; см. Новг. четв. Лѣт., стр. 148.*

1462 сродниці его, великій князь Иванъ, сынъ Юрью Васильевичю достался Дмитровъ съ всѣмъ пощлинами, да Можаетскъ, да Серпоховъ, да Хотунь; а князю Ондрѣю Васильевичю болшему Угличе поле, да Бѣжицкій верхъ, да Звенигородъ, да мати его великая княгини придала ему, послѣ великого князя, Романовъ

городокъ на Волзѣ; а князю Борису Васильевичю достался въ удѣлъ Волокъ Ламьскій, Ржева, Руза, да послѣ княжъ Юрьева живота князь великій придалъ Вышегородъ Пороховскій, да Марьины села Голтыевы ему же достался; а князю Ондрѣю Васильевичю достался Вологда да Озерье, да князь великій пожаловалъ его придалъ ему Торусу да Городецъ у Серпухова. Ц.

Въ лѣто 6971. Въ градѣ Ярославли, при княженіи князя Александра Ѳеодоровича, явишася у Спаса въ монастыри чудотворци Ѳеодоръ Ростиславичъ Смоленскій и съ дѣтми, почяло отъ гроба ихъ людей прощати много. Ц.

Въ лѣто 6972. Князь великій Резанскій женился на Москвѣ, у великого князя Ивана сестру понялъ княжну Анну, генваря 28. Тое же зимы, на Москвѣ, поставили Осифа Грека архіепископомъ въ Кесарею Филипову, марта 4. Ц.

Въ лѣто 6974. Ѳеодосей Бывалцевъ митрополію оставилъ, сентябрѣ 13, и поставиша во его мѣсто Филипа владыку Суздальского въ митрополиты, ноябрѣ 13^а. Того же лѣта въ Псковѣ и въ Новгородѣ въ Великомъ морѣ бысть великъ на люди, Семеновской. Ц.

Въ лѣто 6975. Преставися великаго князя Ивана Васильевича княгини Марія Тверянка, апрѣля 22, въ 3 часъ нощи; а князь великій былъ на Коломнѣ. Того же лѣта Трифонъ Ростовскій остави архіепископію. Того же лѣта Възнесеніе обновлено, каменная церковь на Москвѣ. Ц.

Въ лѣто 6976. Князь великій Иванъ Васильевичъ посылалъ подъ Казань царевича Кайсыма, да съ нимъ послалъ воеводъ своихъ князя Данила Дмитриевича да князя Ивана Васильевича Стригу, и дворъ князя великого, и стаиша у Волги втаи; и Татарове были на нихъ вышли изъ судовъ, а наши хотѣли ихъ заскочити отъ берега, и нѣкто уноша именемъ Аидаръ, постелникъ великого князя, наполнился духа ратна и не отпусти ихъ нимало отъ судна, и кликну на нихъ, они же устрашившеся и вметашася въ суды и побѣгоша на Волгу^г. Тое же осени Филипъ митрополитъ Възнесенъ свящалъ, въ городѣ, церковь^д камону. Тогда же и рать была на Черемису. Тое же осени поставили архимандрита Спасского Васьяна Рыла въ архіепископы на Ростовъ, декабря 13. А князь великій, тое зимы, былъ въ Володимери и въ Переяславли. Ц.

Въ лѣто 6977. Князь Андрѣй болшей женися у Мезецкого князя, маіа 27, въ недѣлю Слѣпаго^е, понялъ княжну Елену. На весну^ж князь великій послалъ рать судовую на Казань, а князь Юрьи, да князь Андрѣй болшій, да князь Василей Михайловичъ пошли берегомъ, да съ ними воеводы князя великого, князь Иванъ Юрьевичъ и вси князи служилые, и дворъ

а) алекс. и александра въ обоихъ сп. б) сент. генваря ошибк. Ц; см. Пов. четв. Лѣт., стр. 149, и друія Лѣтописи. в) ноябрѣ 13. ноябрѣ 11 такъ въ друіихъ Лѣтописяхъ. г) За сѣмъ въ Ц. написано и потомъ помарано въ той день съдѣся спасеніе велико татаромъ, здоровіемъ аидаровымъ григорьевымъ григорьева сына карповича; см. Пов. четв. Лѣт., стр. 149. д) церковь прибавлено Издателемъ. е) Недѣля Слѣпаго приходилась 27 мая въ 6978 (1470) году. ж) Предъ сѣмъ словомъ на полѣ написано лѣта 6978; но мая 21 въ недѣлю Пятдесятницы (см. ниже) было въ 6977 (1469) году.

князя великого, а въ передовомъ плъку былъ князь Данило Дмитріевичъ Холмской да Ое-¹⁴⁶⁹
доръ Давыдовичъ; и судовая рать напередъ пришла, маіа 21, въ недѣлю 50, на ранней зарѣ,^{—71}
и взяти имъ было Казань, пришли безвѣстно, Иванъ Дмитреевичъ нарицаемый Руно отбилъ
ихъ прочь, а Татаромъ всѣмъ спящимъ. И послѣ того князь Оеодоръ Семеновичъ Хрипунъ
Ряполовскій билъ Татаръ на Волзѣ, іюня 4; а въдругіе тогды же бой бысть Татаромъ на
Волзѣ съ Устюжаны и съ великого князя дворяны, и Тотарове Устюжанъ били и дѣтей
боярскихъ перенмали, и тогды же убили Никиту Костентиновича и Юрла Плещѣва поло-
нили и его товарищевъ. Сентября 1 князь Юрьи Васильевичъ со всею силою Московскою
прииде подъ Казань, и судовые рати поидоша пѣши къ граду, Татарове же выѣхаша изъ
города и побившеся мало бѣжаша въ градъ, наши же погониша ихъ и сташа подъ городомъ,
и отняша у нихъ воду; царь же Обриимъ видя собе въ велицѣ бѣдѣ, и нача посылати къ
князю Юрью, и добиша челомъ на всей воли князя великого. Того же лѣта, августа 1^а,
погорѣ градъ Москва нутрь весь. Ц.

Въ лѣто 6979, ноября 5^б, преставися архіепископъ Іона Новгородскій. Тое же осени
былъ князь Михайло Олелковичъ Литовскій въ Новѣгородѣ въ Великомъ. Тое же осени по-
ставленъ бысть Прохоръ на епископью Сарскую. Того же лѣта, на весну, женился князь
Борисъ Васильевичъ, у князя у Михаила у Холмского повялъ Ульяну, маіа 9. Того же лѣта,
іюня въ 20, князь великій съ братьею и съ всею силою поиде къ Новугороду Великому,
съ всѣ стороны воюючи и плѣняючи. Ц. *

а) авг. 1. августа 30 *ошибк.* Ц.; *см. Новг. четв. Лѣт., стр. 149.* б) ноября 5. ноября 8 *такъ въ* Ц.;
см. Новг. четв. Лѣт. стр. 150.

* Окончаніе Бал., Гор. и Цар. Ц, и Прибавленія къ Софійской первой Лѣтописи, см. въ VI томѣ.

ПОПРАВКИ.

Къ IV тому.

Стран. 109, строк. 45 (въ подстрочной выноскѣ): см. Прибавленія къ V тому сего изданія ;
чит. см. въ V томѣ сего изданія стр. 254 — 256.

Къ стр. 165. Въ подстрочномъ примѣчаніи слова: см. продолженіе сего мѣста въ V томѣ, подъ 7004 г. *слѣдуетъ читать:* см. въ Софійской третьей Лѣтописи, подъ 7004 г.

Къ стр. 268. Въ подстрочной выноскѣ слова: см. въ семъ изданіи Софійскую Лѣтопись, т. V, подъ 7001 г., *должно чит.* см. въ семъ изданіи Софійскую третью Лѣтопись, подъ 7001 годомъ.

Къ стран. 361. Слова въ послѣдней строкѣ: см. Прибавленія къ V тому сего изданія *должно уничтожить.*

Къ V тому.

Стран. 23, строк. 25. дворъ Артемьевъ, воротове ; *можетъ быть* дворъ Артемьевъ Воротова.

Стран. 28, строк. 34 и заморцовъ ; *слѣдовало напечатать* и Заморцовъ.

Стран. 103, строк. 7 «и възнесутъ вы въ лодіи *чит.* «и възнесутъ вы въ лодіи.»

Стран. 226, строк. 42 (въ выноскѣ) Прибавленіе *чит.* Прибавленія.

Стран. 254. строк. 43 (въ выноскѣ) недостаетъ листа *чит.* недостаетъ листовъ.

ОГЛАВЛЕНІЕ.

V. Псковскія Лѣтописи.

Предисловіе къ Псковской второй Лѣтописи. V—VI

II. Псковская вторая Лѣтопись (*Табл. снимк. I*). 1—46

Прибавленія къ Псковскимъ Лѣтописямъ. 47—74

VI. Софійскія Лѣтописи.

Предисловіе къ Софійской первой Лѣтописи. 77—80

I. Софійская первая Лѣтопись. (*Табл. снимк. II*). 81—275

Поправки. 277



